

四庫全書存目叢書編纂委員會編

齊魯書社


四庫全書存目叢書

四庫全書存目叢書編纂委員會編

齊魯書社

四庫全書存目叢書

集部
第一八六冊



責任編輯：孫言誠

賀 偉

ISBN 7-5333-0615-5



9 787533 306151 >

EB32/1

四庫全書存目叢書·集部一八六

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

廣東精裝印務有限公司印製

787×1092 毫米 16 開本 48.125 印張

1997 年 7 月第 1 版 1997 年 7 月第 1 次印刷

印數 1—100

ISBN 7-5333-0615-5

Z·60 集部定價：127800 圓

集部第一八六冊目次

集部·別集類

博望山人稿二十卷(二)

〔明〕曹履吉撰
首都師範大學圖書館藏明崇禎十七年曹臺望等刻本

.....一

白下集十一卷

〔明〕黃姬水撰
原北平圖書館藏明萬曆刻本

.....一〇二

高素齋集二十八卷

〔明〕黃姬水撰
山西省祁縣圖書館藏明萬曆刻本

.....一六四

黃淳父先生全集二十四卷

〔明〕黃姬水撰
中山圖書館藏明萬曆十三年顧九思刻本

.....二八五

玄蓋副草二十卷目錄二卷

〔明〕吳稼澄撰
吉林省圖書館藏民國五年影印明萬曆家刻本

.....五一〇

博望山人稿二十卷(二)

〔明〕曹履吉撰

首都師範大學圖書館藏明崇禎十七年曹

臺望等刻本

附《四庫全書總目·博望山人

稿二十卷》提要

博望山人稿卷之十四

當塗曹履吉元甫著

記

前雜遊記一

三月十五錦屏較士事竣轉抵許昌問道由登封
差近夜約各令君爲別嵩縣劉君以舊令封請得
先至封具主盧氏張繩海與劉爲十年湖海交又
予里弟兄也忻然偕行越十六將宿關王塚河南
馬瑤草已先待于龍門石佛寺由宜陽錦屏山延
博望山人稿卷之十四 記 一

表而東可六十里洛水隨山而行徑洛邑之胸爲
明堂山之麓水之崖輿馬經焉遙望連山忽中斷
如闕伊水從南來直穿其中斷以與洛會故名伊
闕而輿足自西來者至此忽折而南逆伊水行六
七里歷龍門鎮人家盡處爲闕口怪石嶙層當胸
迎面時微雨徑滑余步從瑤草暨汪郡丞袁別駕
雜令張君攀躋俯仰指劃石根受水嚙處誠宛然
乃斧痕筋骨皆露然逼視邪上不盡由斧鑿計混
沌初伊水源貫此中當由衆石束之急不得攔

至泛溢神禹之功疏其束者耳不然水有生何得
無洩禹卽神持人力與地力爭惡在行無事也石
下有土堤春水未漲牛車行水漲則沒非舟莫渡
兩崖石多穴成佛像而西崖爲多皆北魏胡后唐
武則天所爲瑤草觴余蘭若佛身尤大當石孔前
爲樓登樓不及佛身之半孔前數武卽蘭若門去
水亦僅數武直下第容縣磴數十級耳觴數行張
繩海冒雨來與期會瑤草別艤綠舟以待相掖而
登視水洪曲折與西崖爲近舟所牽挽因之竇中
博望山人稿 卷之十四 記 二

往往溜決新泉聲與舷聲相答舟益上見所饒諸
天石佛益無量億此爲人工至其依石爲龕爲宇
如首之覆額如腹之穴臍亦多因自然而巉骨磊
疊中初無寸壤却時見梓樹青青紫花初發直與
佛前作供斯爲靈異至西崖盡處洪由東折來乃移
舟壁東崖行石色黝黑壁立紋皆斜裂層疊相屬
繩海顧瞻謂是石天年至今不受二女主黥剿存
其面目也更欲進艇見水從高落激石洶湧舟不
可上瑤草謂可摻回颿過忽得石高出水徑丈頂

平亦如之其色青翠如古盤形余以盤石名之相
與弭而酌其上一再行回顧西崖轉折如障不見
水去處蓋自邑視之則爲關自石視之則可峽也
瑤草謂子車轍馬跡騁覽古興懷不無先得至輕
刀容與周覽徐迴避俗賦寄情賞尚無如今日子
謂漢魏事逸卽好事如唐人龍門應制泛舟大手
筆皆不見卽以吾二三子爲近代一疏鑿可也

博望山人稿 卷之十四 記

三

前維遊記二

關王塚河南郡志皆不載廟宇亦是新創自伊關
登陸行八里昏夜止其中赴維令張君酌晨起展
拜如儀與張別渡伊水蓋與伊關分二支與洛水
一會于偃師趨由鞏以入黃河也行七十里泊府
店偃師令張君戒具于緱山山不甚高廣不五百
弓有宮祠王子晉其椒全占焉登時風雨驟來諸
山悉爲霧有近山東西若排兩岸而關其中髣髴
見培塿拜且伏者焉上真靈境空濛虛翳直似當
博望山人稿 卷之十四 記 四

前維遊記三

發府店二十里度輶轅關望關上尖峰插天則五
乳峰之背也關兩壁皆陡削怪石張牙撲面中通
一門折而升時雨後徑滑余舍輿而騎則郝劉諸
令君相次至皆騎左顧太室連延向西作障迎面
而屏立則少室鉢盂諸峰橫列眉稜馬首之右則
五乳環轉如青蓮花五朵下垂蓋五乳與玉寨皆
少室三十六峰最勝處山嶽本合脊迴向不斷于
中界數十溪洫皆東注人徑緣溪曲達生絕幽顯
博望山人稿 卷之十四 記 五

陰陽向背無所不極少林寺初祖二祖菴場在焉
余昨年以晝夜至次早卽出關又風色橫晦竟未
識此山真面目今來却在馬上雨後朝爽如數家
寶拱揖得之初望玉寨亦雲宿其半黑禱山靈鞭
馬旣則平頂全披與青天分綠一劃而諸峰作兒
孫嶂中者無伏不現卽少室東南向者其峰如簪
笏突出寨之隙想像其下不可探而此中奧曼亦
幾無遺矣投少林寺再禮繁那羅王僧爲去其袈
裟乃露胸腹側一股懸勾左足僧復爲轉其機

菩薩自塑也騎而之初祖庵促瑤草躡視而壁洞
不及半而反以爲笑既偕轉鉢孟峰問二祖雙樹
而輿軸不耐蟻盤急呼屐齒不可得亦剛及半輒
休瑤草則復把子笑徐與余君指點子午初祖得
于乳蓮之中苟少林紺碧結五峰之盡卽作祖分
宗亦陰陽家能事邪凡再涉澗得少林寺前徑登
父老提攜壺漿來省劉君縉戀甚深劉則供以修
子爵醉入夜分乃入邑天已曙矣

前徃遊記四

啓母石在崇福宮左高廣各數丈三面皆斧削觚
稜北則斜闕嵩峰而縮其足縮處石紋剝拆如水
裂如箭頭可施斲法獨此室前平麓地拔起許大
中繩之砰可隱映數百人無隣無友豈不稱特終
古石下橫卧一石周廣亦十許丈平面有坳理作
水浪梅花形諸君咸卧而酒其曰可凹購可窠樽
也顧石罅矮簷碑大譙啓母事崔內史證顧野王
盧元明卽不賢於禹謨要以六合內外直呼莊生
博望山人稿 卷之十四 記 七
作解人何可令此君輩不發付三騶同槽邪是時
已決策上嵩頂萬歲峰顧日亭午度上頭須昏黑
乃到而邑榻不可再下因疾趨盧鴻巖而去此來
遺憾獨此耳東行過嶽廟望黃蓋峰迤而北馬上
側望少室轉眺箕山青髻翠鬟設秀於橫岡衍隴
之間一步一回首也乃近數太室諸峰則復盡開
面東向余念挹太室三換矣初入轅轅關而西其
面旣過嵩陽崇福啓母而南其面及尋入盧巖而
更東其面性情皆正絕無貪背卽未經北瞻想彤

勢亦應北面畜長邛夫嵩卽以五中乎而茲四面
受朝亦中嶽也昨年發宣陽時諸君相送龍王衝
見噴水千仞直貼紺壁而注快之諸君亦各咤異
獨登君郝際明無言徐曰未見盧鴻巖耳故余夢
寐一年茲來決欲詣處士故居問絕巘飛流何在
既入巖之前山望高峯頂上黑石巉岬中有如銀
如望如渴如停者心以爲必鴻巖也沿澗行且息
且登但覺所入層層盡是幽清不知已在羣巒頂
上道間古栗樹覆澗其陰蔽天過其下得盧巖寺

博望山人稿

卷之十四 記

八

落右爲徑鴨脚子分行青青可人澗蹊欲盡翹首
而瀑掛焉余入山所望從峯頂落者至此直睇祇
見橫石爲楣楣以上青天闊之而瀑爲楣所激飛
出數尺乃落計雨後瀑湧橫飛當數丈卽數丈奇
亦適彙不必皆雨後來也當石楣下壁不盡削遇
石稍出則瀑爲一疊每疊則大者布而細者霧如
是者凡數疊而左右兩壁乃全張而前中則規而
却如偃月瀑乃辭登直下赴潭掛亦不着偃也此
爲造物奇構哉偃中石紋非復斧劈斷水裂麻點

雨乃俱鏤鏤作流雲冉冉作芝蓋卷舒令丹青施
如此玆必訝爲怪豈知目所未見靈習顯然此一
種懸泉巧相定是天外別傳爲盧巖作顧虎頭爲
處士影堂呼鍾夔正當以此若夫澗石架床累卵
搏顛翻車此巖似未肯以此驕語問余云何曰姑
舍是

博望山人稿

卷之十四 記

九

前徂遊記五

謀一年而慰鴻巖也却雙武而虛嵩頂也劉君曰無意者非謀無待者不却出登之區而禹之趨言有石淙不遠伊隅匪繫匪維負綫自羈予諾焉留焉晨發封門劉君張君撤鴻巖之卧席策而躡予騎而瑤草張余二君亦從間道至郝君已先結幄待矣兩岸皆岡巒陟靡行巒上望上流澗來尋常水流九石耳及沿崖俯身從陡下至淙鳴處見上流至此約高丈餘跌落忽拔衆奇石束之激而成淙

傳聖山人稿

卷之十四 記

十

淙如舞氷花如灑雷車名言之未能不得不以此推枚生賦手彌望長谷如髮率無他石偏當此處石與隘爭鬼與工爭令人耳與曉爭愛與怖爭大不可圍而蒂則指可握也銳不可立而累則盤可安也當衡而植枒無損去水而琢磨反瑩卧如規輪而碾波穴如方吻而飲澗如大人裁冠而挺立如猛獸踞嶠作勢爲靈壁爲陰石緣自疊以爲磴亦攀顛而受足礮激而復翔潭深而不藏柴立其央如車如廂靜而拱壁兩峽交房已內紆徐而東

傳聖山人稿

卷之十四 記

十一

下望潁水爲會將也蓋千尺之內一潭之間無怪不有無狀可名此殆嵩山之神示靈變於此也考唐人沈宋石淙應制詩而河南郡志不載石淙字疑五渡水出嵩山東谷疏爲三十八浦山下大潭中有立石高廣平整其水濛濛五折故名當卽此是而所云高廣平整亦與此淙石奇怪不倫卽沈宋詩詞亦止談神鼎帝壺歌筵帳殿爲女帝修遊幸載潭中壁上僞周刻應制詩多遠不可讀計其佳處不過如沈宋而已寥寥數千載未嘗爲此淙開生面也予與天涯六七臭蘭留連狂呼叫擲欲以寫色寫聲寫骨寫神而第恐其言之不能狀也倘亦嵩山之靈以寥廓相許邪日已暮起與諸君別揮手重念此山直可埋骨柰何舍之而去六七子自不能捨亦與不能捨此山同復浮大卮取醉沉聽僕夫扶載而去比馬上酒醒則已馳六十里是遊也諸君相依自十六以至二十日從來有事地方者無此追戀元湯郎有云坐無拘忌勿限醉醒而諸君勝情酒力亦適足相競機鋒針芥終日

都無鄙言拍板歌辭到處皆綠雲水至重陰密雨
幾欲戒途條而霽景澄空纖塵不起翻似膏沐蒼
翠以供眺賞者天意眷此遊子良厚耽奇性癖能
無仰貪爲私村教書得五日爲期比於此地王子
山中亦飄然夢遇矣

博望山人稿

卷之十四 記

十二

後維遊記

當余再渡三川急急顧試景不給期塲竣卽裝舫
時刻停以竣先一日修故事集諸令君署中偶舉
前發汝寧同事十六君以十六夜酌明月爲祖戀
不忍分有沾襟者張蘆氏繩海云明去錦屏其夕
正十六弘農屬四令以急去今其留者指亦十六
事數旣同情空無獨慙逾晨馬瑤草以張澹如余
崑五二君馳來堅尼一日行迄謝不得遂出邑西
聞邇洛堤行堤上山綠穉濃鮮中每出石骨抗峯
博望山人稿 卷之十四 記 三
側嶺多似經劈削又晚日浴洛怒風翻波搖光倒
濕嵐翠余以半月籠翎樊足忽出對此先已心神
澠漾不必待抵靈山與羣公傾倒也余往憶邵康
節登女几山嘆眼中未見此奇又以靈山右有公
山取其山學公與水學巴乃千古的對皆欲往尋
而半日中趾不及移則止茲山踐諸東右約山以
藏周靈王骨得名余捨斷岸攀數盤入山陰佛寺
穿殿右掖遙望中峰突而圓起開兩翅中藏一泉
可半弓雖吐珠如貫而窺甚深宵名玄潭僧人支

而西遶殿角接漏伊蒲徐乃激石而決渠以滋灌
漸出郭諸山雖不枯槁然亦少畏佳獨此四圍翠
栢蒙密高睨絕無罅隙可見土壤直是綠鳳蔽霄
而下口吐玄珠故亦曰鳳泉微其王之靈乃其風
實靈也當泉之上有亭數楹雖敝而制古布席亦
充焉堦前四列高柯上覆亭下覆泉而虛中規以
納天而受月羣起立其下少焉輕颺喚浮陰使去
月獲放是夜乃望正墮杯中羣欲吞之恐不勝
吞不慮不勝惟量也瑤草復數顧歌者令數舉侑

博望山人稿

卷之十四 記

十四

歌者金闕人滯此中不得歸賴瑤草曲始有顧既
情竭知音而喉更爲四山所約泉鳴和之水調歌
頭豈不起舞然余亦從此忘村教書三章微靈稽
阮宿習而羣主亦遂欲祖此地蘇君之策從約扣
關向秦余何敢復以偏師待之堅壁不容雖有宵
遁迫潛濟邑亭而賜馭騰矣則趣僕夫而從龍門
之闕

嵩嶽紀游 丙寅歲

四月初三歌鄭州初四午密令乘馬先導去縣八
里入天仙宮天仙碧霞元君古所謂天仙者或指
黃帝三女俗以元君當之穿殿後升級三有土臺
爲古塚無疑白松一本去根尺許卽分三枝頂中
三枝各虛中枝分三隅外向枝皮色如霜白而鱗
細若剔牙松則鱗大如掌殊不類白松皮甚細嫩
爪之卽指入許浸液隨痕外滲色亦白而甚香上
亦有枯枝拳曲色則黑如墨龍土人或截之爲帶

博望山人稿

卷之十四 記

十五

或作香焚可敵水沉松子落地食之味甘樹高百
尺五人合抱余意欲以圓臨之作三面乃盡其致
或言樹非軒黃物卽三女事在上古不可考然樹
必長於上古無疑不可以年問也樹本有石臺入
角圍之石壁間前代人題咏無所得惟一小石知
宣和二年物泊李于鱗二律中夜暗龍鱗銜白照
一語差可對語耳出宮數十步度小石橋有懸崖
名滴水達縣出可丈許而厚僅盈尺頂平如慢老
柏數株生其上不知根蟠何以不墜蓬下水滴淙

淙冬夏不斷計泉眼當是橫穿卽云伏地乃地厚
僅尺泉穿亦何巧也邪泉受以方池令進酒數大
觥次則贊禮生亦與行數觴次入縣宿初五午行
兩舍地有山從雲霧中露出突兀行漸逼稍分巒
岫訊從吏乃知卽嵩嶽也吏具儀狀以謁嶽神告
行七八里望巖際有亭瓦色旣近乃辨亭在一小
峰頂上蓋從大嶽嶂中別起小頂爲嶽廟之主峰
名曰黃蓋廟峙其麓余入謁陳牲奠牢禮成進寢
廟出循廊廡於側壁得唐元和小碑一宋碑一儀
博望山人稿 卷之十四 記 六

令以小亭數楹髣彿其意後爲室偶二程先生其
中其裔守伏臘生云熙寧中曾提舉崇福宮著書
於此故祠前數十步爲三栢三栢漢武登封三將
軍五色絲云則天后封誤樹三一最大可七圍枝
南向蔭數百席一樹稍前頂上出數梢枝如雲中
鳥跡盡皆奇漢武非此樹不封記封時園大當已
如此其植於何代孰稽甲子又前爲嵩陽觀聖德
感應頌李林甫上徐浩八分書筆法道逸大是元
常受碑碑嫡派觀故壯麗斷甃敗瓦不存而此碑
博望山人稿 卷之十四 記 七

露立霜風雪中歸然獨存神靈護此書不以假
月之孽累也向行張二守應誥復言啓母石甚異
併盧巖瀑布測景臺皆以時迫不及遍探亟問少
林寺所在向晚易輿而馬生儒伏送道左於馬背
舉鞭別去仰見少室諸峰拔地奇幻林立弓月正
掛林梢依微可數至其與變不能矚也行二十里
俱在夾山盤谷中沿溪取徑每徑窮則剪溪而渡
蕤藁者不時從昏黑中水石縱橫踏之如截鐵裂
水亦止覺清發不覺險畏也抵寺已二鼓矣風大

作張丞先爲具方丈飲不盡數觴就卧初六日晨
起登佛殿循東廊肅禮緊羅那王王乃本山護法
靈異甚著余向步黃慎軒先生數十韻乃今因緣
親視王自塑神觀奕奕如生若旁二像則近代爲
之傳神不入阿堵耳唐裴淮碑純用聖教序則天
碑趙松雪碑輪藏前宣宗達摩半影西域雙足圖
周覽碑碣半日間所得惟此而已古栢列植殿前
聳直入雲紫藤蟠附俱應千年物若寺僧所指東
院老槐云是秦人植卽不可定望其幹不甚古未

博望山人稿

卷之十四記

六

暇摩娑也坐講堂觀諸僧技擊罷出寺迤東北三
里升山徑引領五峰環施如五乳入初祖庵瞻
祖像圓可稱寶月而眸睛奪太與世所傳西來像
大異問僧僧云人不見相故覺變相直臆對耳殿
左墀一栢甚古碑稱六祖手植而志無考處後二
松雙立扶疎偃蓋入中土來僅此見之東小亭安
影石一座長二尺許寺僧云達摩面壁時影入石
結像如繪面之向背影見不必樹堅白議無言豈
在有影卽有影以見孫之口亦任之可耳余欲筆

登乳峰觀面壁洞仰望洞口石坊卓在雲表而峰
更陡峻馬力皆窮余乃停張丞無從獨以數役人
登役人皆自半而廢余亦幾廢也賴數息躋數勝
將至頂磴不數武卽折折處僅盡足不垂息亦停
而立無跌處磴盡而洞見亭覆其口石坊其巖俯
而入黝無所覩但瞑目坐以休定喘勞人之奉形
如此而已不知何見何觀也旣開目見洞文理甚
細香烟薰色盡黑有道人蒲團借少坐或憶學篆
鑰與中雖有官守之忽起如此可作面壁觀否出

博望山人稿

卷之十四記

七

肩平視玉寨一抹如案鉢孟諸峰盡拱揖其前下
視汝脈所落至盡突起圓阜祖庵連焉兩澗水抱
之初祖之虛初地之勝蓋亦天造也

李太白先生碑記

英雄奇偉之士立於一代流暎千古必有不可磨滅之隱德令人沉思盼想轉味無窮而詩文之高遠瀟厚時出以動耀人寰亦千古而不墜太白先生古鴻絕真品也人主見之神氣高朗軒然霞舉不覺自忘萬乘與之如對知交下此無論等夷矣予獨觀其拔識郭令公一事夫郭令公在徵時素非氣誼特以赴都督讎草露布見逮一人至面無慚色詢知令公悼嗟於河西王君龜之故太白點博望山人稿

卷之十四 碑記 壬

額記之因謁至誠向都督祈釋後果爲一代元勳而太白後爲永王事其自謂齟齬夜郎天與令公碎舌所云能識臣子儀於刀斧下而不識永王璘之無成乎皆天特爲太白功名別白雖亦可極辨而彰獨唐將推李郭李功固多至其畏禍逗留不進迨夫終始扶植大義令日光再麗非令公而誰乎倘令早殉河西之失欲唐浴虞淵而回再造也得乎有令公不可少太白有太白而令公之事始奇有唐世不可無令公之奇有太白正以成令公

而千古於昭生氣與陽光靡朽矣世徒服膺全集如千里江流吐出神仙腸胃鬱爲小大之宗固磨勒不盡要以卓赫天地惟此是其大者墓原在他山今續移半嶺之下則唐名賢范公開載極詳吉不揣謹書以載尾石

紫陽祠置田碑記 代某直指

某行部新安祠紫陽夫子太守言翰博乏不敷家
指計卽爲致常儀猶無致耳查歲廩簡食之餘可
百金屬守爲谷數畝俾儲紫陽香火守言諮巡司
李亦憂翰博貧思申請特題起祿以周之今爾便
易倍之矣星源齒繁田故窄狹不可求遷延十閱
月乃以數畝報也考 成祖時卽建紫霞書院置
夫子祠景泰壬申授世翰博奉丞嘗迄 世廟中
葵之子孫始請如例守葵祠乃建之裔未載有給
博望山人稿 卷之十四 記 注
以田者而獨葵裔之給何居春秋之義先河而後
海卽不盡關周急可也葵之裔因緣轉徙疑不可
詰 神宗丙申用禮臣覆十三世孫德洪銓註翰
博回籍奉祀去幾何時而謂公侯之不復始殆不
其然毋亦虞葵衍叢奸區區之金不幾何入田者
手而徒飽鼠腹將名是而田非田是而人非今年
是而明年非有之惠文邇按遠且必廉且有土之
長夫子之徒也忍於從而沒之又或不然獨某所
谷數畝致矣而猶之無致者究竟亦主撮耳曩守

言是舉於特請詔祿便易倍者安在哉聊爲存之
以志歲月云

博望山人稿 卷之十四 記

圭

重修京糧廳碑記

國家歲漕東南四百萬粟以實京邊特於大司農左右曹外別領以總督號曰後部而以倉部郎隸之倉部舊署坐艮對金部故稱東官廳嗣以通州截漕歲五之一就邊軍便置通糧廳而東官廳改稱京糧總京倉五十有二分六司屬監督焉考之周官各監督則所謂倉人秩上士主藏九穀是也京糧郎則所謂廩人秩下大夫掌九穀之數賜賜稍食以知足否是也名雖更而職義則古即成周博望山人稿卷之十四記

三

時積粟蘊年尚斷斷於科謫要會隆慎厥任有如此者乃今爲郎者率以爲督府帥我者也何以潤位倉場而一年送迎三四見邪六監督我雁行耳詰問勾稽同心異意夫何能齊大夫秩博遷轉地甚近誰寔淹三年邪於是澆者薄錢穀備者憚心計拙者安套習奕者便情而此其意惟在颺去直將傳舍此官豈得不傳舍此居宇哉襄陵田公監南新倉一年大司農楚陳公廉其能爲超級題京糧郎京糧廳事距南新舊舍步武間公曰土木之

新陳奚分甲乙士文伯虞菑患冠盜燥濕而欲圯人以時填館如公寢叔孫昭子爲聘所止之舍有壞必葺此猶以假息言也夫令居是者親親廟廊墜移苑敗漏堞穿鏤落直與鄰闢其斯卧入其中榮者如宦陽者如窆愀然作不終日之想以不爲宅心計因不爲宅身計不家視廳而家事視廳事邪竊薄之何以使雀鼠周防何以使棟隆獲吉何以使倉絲受計有地何以使軍衛撫輯有階何所容審畫而辭案無停何所延寅從而諮諏靡間有博望山人稿卷之十四記

三

愛焉不如勿舉有略焉不如勿新有侈而厲焉不如勿役公惟是因餘材於舊殿雖細至尺寸不令浪斲因斲砌於廢礫雖隆至尋丈未嘗轉需脚力一聽於收放之間工精少借於申請之允夫世有真精心真慈恤者指顧可喻室費得省子父可趨室弛得疾未可以垂築之常論者蓋不佞履吉昨監海運倉周旋公一年見公與幹詳密事無大小必躬親必透徹原委文牘承轉雖隻字不假掾史掾郎請爲固不能當公意一經手草楮落如飛歷

前後督府六七公咸異厥心無少格御下務明恩
威有弊孔到案無不立發立創終不耐周怙曲藉
以市寬而誨蠹故卽一推轉開約束凜凜規指頓
新直是壁壘旌旗赫然改色履吉絕歎服以爲奉
公責實盡已問心必如是始可聯上下鼓同志以
裨庾政而救空虛載觀公往歲贊理津門籌海運
鑒南北岸險而且曠創開中北路出大沽卸益套
月一往返期年運米豆數百萬無顆粒浸爛而中
間條運舟運額等備極苦心嗟夫國事利鈍有時
博望山人稿 卷之十四 記 三
一代人才自在安得盡如公等哉京糧視津運直
餘緒耳公不以津運易與京糧而緒餘亦施全力
周禮制作細及考工衛文秉心塞淵定中營始毋
若僑而非久也居而非職也瑣而無與制也人郵
而我亦客也哉廳寢室南向新刻五楹以別金庫
廳堂東向屏中而入新爲堂額曰咸裕穿左房入
新爲室楹亦五列東角良地築臺以屏覆小亭可
暄可月諸左右輔弼室暨內藏書室洞達而曲折
據批場中別開清闕境界矣倘問公誰與參形家

而酌位署與爲落成之彈冠者履吉敢附不朽公
諱 襄陵人丙辰進士

博望山人稿

卷之十四 記

三

太平府建開濬河略記

姑孰境東南以金陵徽宣諸溪瀕而爲湖曰丹陽已支行遶出白苧凌家山鬟郡治下三江以北曰姑溪河古郡雉雄亘跨溪河上宋初殘於兵徙治縮三之二始表河而城復外甃太平天井兩壩納河入濠鑿郡東西市渠隙城南北而開引濠注之出達襄城河與外濠河會維時相繼守土者所爲開濬諸記甚備要其所重濟涉漑田救焚救疫利士試有司而流汗滙清令風帆雨檣往來就捷想

博望山人稿

卷之十四 記

壬

見宣通精爽與民物受之者前人之亟亟非其得已而喜事也而載準以形家言則兩河適分位與丁當府脉川字崩洪之界交於府治右而委洩于乾戌形便之與風氣實互相乘作者遺意遠矣獨以河逼市易壅壅則濬竟則濬不勝壅豈惟終宋世無常畫卽入國朝迺至今日濬以十數工累役而無役市有河而無河者何也公私之議率苦于侵占之難奪與經費之難繼而風水無馮水滂可慮因得以惑之兼主者之真心切意與才辦精

敏固未可問此其故又在移徙物力陰陽水祲之外歲昨乙卯直指姚江徐公來按行城堞適訊河身引注與外壩爲通塞爰啓外壩入濠顧奉行者於城隅通濠三關開遽未深議卽所開陲視諸占隘亦不時清而今直指駱公來當駐劄姑孰初蚤悉郡有河從來濬法未暢密與郡守胡公圖公出則以指趣諸士亟呈勿失乃諸士謁辭未半而直指朗諭已了了先之市河之在城內如人肺腑血脉南北水關則咽喉而尾閭也啓閉時何虞外患

博望山人稿

卷之十四 記

壬

今姑息侵沒不大創通身終不利計能崇者獨勞也乎哉有坐令六秀不上堂而破生旺去而民物晏然者乎彼形家言豈真不值祖龍一爐邪諸士于僉議誠力若直指與中丞臺與道府司屬會無不力金錢視推該府藏數千金若直指能爲發亦無不力毋不給是慮隨飛蓋踏勘隨大署呈略云濬濠建開廣疏鑿嚴侵占惟良有司行之有漸持之甚堅乃可底績蓋卽與府公圖而茲其斷者也府公成畫已具益虛而集里中諸人條纖悉上熟

酌之入而稟成既定令乃下河而挖展畫若干尺
深如之役夫以里甲懲匿情惟勤嚴諭沿河積占
者應治釋不罪第籍其家率五等給資以爲差令
自礪隄而官礪不與焉水開故不數尺趣毀展濶
視河第小縮置開加堅與密設有淤度不能與我
爭處此更啓外壩加深節節通利于是溪河入而
四岸壁立二水分流雙漿輕舸欣欣稱便諸窪下
地亦不苦淤沒正如沉痾人得靈藥頃刻通體腑
臟血脉吐納頓暢神采欲仙矣乃公私所尤欽者

博望山人稿

卷之十四 記

三

初議時里人曰先開而後河公入奉指曰先河而
後開蓋以慮始非常惟移徙難奪于難處做開當
不可罷開開固自審得爲耳既移徙時擾擾見告
計所區想心血爲盡使易手爲之不知如何氣竭
欲停而公果持益堅而竟濶深畫一徐乃畢力三
開堅而以漸行之果如直指片語括盡至其趾錯
工徒眼程木石有巧胥黠匠欲冒錙銖而不得者
又令易手爲之不知所出何算此種真才真意密
審與直指印合深摯去處誰得名之歲時風氣不

於遠俟徵驗惟兩至誠質天地已陰陽在握矣諸
士民快靚不日之成恩直指功不朽而思所以勤
貞珉祠俎豆者其又何能已夫姑孰緊居孝陵上
流丹陽湖所瀆諸溪出姑河係龍沙內水審人鑿
引入城宋非能用姑孰也真龍沙水穿城入堂實
通御氣數百年應 高皇首渡駐蹕開潛詩曰綿
綿瓜瓞民之初生向來通塞第占一郡其解細矣
直指勁節忠諫 祖廟屬靈咫尺禹湖此地此脉
穆然胸際而以其細者爲里人作解里人直以爲
博望山人稿

卷之十四 記

三

解在是也恩在是也又何知吉亦聊次其概至
纒詳之則惟名公之如椽在

駱胡兩公生祠續記

我姑孰郡市河開濬之役得直指武康駱公郡守德清胡公力主迄觀厥成語在履吉紀略中初郡人快覩是役咸欣欣饋貲以簿籍之曰時難得也毋計徒庸而嗟餽費其各加一力蓋鄉之薦紳爲郡人觀輸獨先掌於祭酒所加亦不可以力計惟算且三逾百矣維時兩庠諸文學中亦爭先有輸亦自有掌者願以積少爲歎未相聞也胡公曰姑舍是貯有關稅在駱公俞下所司工藉以成而鄉

博望山人稿

卷之十四 記

三

出而不可反者士與紳異今度周於宮者夫旣或治之毋亦朔仲鄉其於是乎始庶幾藉手將之與履吉曰是乃備哉我思所不及以諸公整鹽所餘而必欲有以用之也我思所不及噫是蓋有說焉壘祀樂祭百姓之至真也然違道以千百姓之舉古聖慮之夫苟其違道則事不斬實利不課永惟日習盈面慈姬遇小不忍則語夾涕唾咸曰仁哉我公俎豆熙熙其實水旱窮瘠無毫末差然則羣所俎豆俎豆涕唾非俎豆功德也此一祠也當市

博望山人稿

卷之十四 記

三

河之初濬慮始之調苦心嘔盡今給諫武陵胡公時尚爲郡理有以所聞私訊者公曰多思多怨更百年恩在怨消矣信哉斯言恩未見則不知祠卽見無可怨亦不見可祠若紳與諸文學者識罔差別餘人故知恩亦差早於百年此又一祠也且夫慮始實難成緒則易易不求因難將終廢何以堤不爲阨何以繕卽餘精緩急之視靡齊而儼羊之供可味景高殷而蕭曹勿替薌其之貽有餘思矣其利溥矣後百年我子孫黎民必有以兩公爲漢

代之原廟者履吉與諸公不啻一日見也用記以俟

太平府重建平政橋記

姑孰郡古灌渡口去郭北十餘里而近諸山溪澗漲所出也土人舊疊木梁漲則時挾與去梁覆爲渡已久前年己丑郡發窖中金玉融陳公乃始藉其貨易木以石更名曰平政顧斃不盡制衷土而郭石水鑽土盡郭則安倚而無壞越廿年而漲之挾石去也與挾木無以異爲再舉憂乙卯胡公來守郡修舉百廢慨然于茲橋之圯上其役於直指駱公適公按部旋渡此曰是奚獨距郭近郡人之博望山人稿

王道具焉古人以屬刺史固府公所爲條上

至烏府崇嚴其望發施則已渺已子與氏譏鄭

消之濟因舉平政而終日行辟人有如是渡當

生聽行魚龍且避奚暇問人其視人之病涉則

渺已蓋漢薛宜之爲御史中丞也既過彭城令以

橋梁不修不相問而去彼所稱蘭臺明習文法者

類爾邪乃是橋隸姑孰三輔地爲朝宗兩京孔道

埋輪一出所在陂側險逆立反蕩平超登首善觀

小國漆洧爲梁之所係固當有間矣蚤意發施豈

博望山人稿

卷之十四 記

五

獨爭於一令之修廢乎彼橫橋不亦漢之三輔邪

維時建造法牽牛置都水令耗中都官錢無算今

竣是役烏府祗獨積歲俸辦之不惟陋前寤金不

屑併贖贖一銀無與焉而堅緻永遠更非昔所語

然則相與爲明習者又豈直如顓君而已乎太史

公以東井爲水事兩河天關問爲闢梁解者曰六

星知逆邪闢梁限邪僞也先生正諫譴疏聲著朝

野而復以剛中德行普渡法有能顧關梁義思闕

邪僞者割廉養以成之無所愛至他奸迫比所喻

贖無汗吾橋嘿嘿自矢橋端大士實范而證之大

士般若觀空是心清涼法師所名慈航也惟心在

水爲航在陸爲橋慈智一圓航橋廣利朝廷耳目

名臣提是空心寓慈執法限邪標正同昇周行令

天下迷津失足復見王政之平蓋愿力至而陰相

之速有如此橋矣先生按江左以振揚風紀暇賞

吟山川始遍顧獨私并州姑孰游郡中兩市河起

凌家山塔併茲役咸與胡公圖績不日底數百年

運際無如此奇小子板吉生長日擊莫能淹志以

博望山人稿

卷之十四 記

五

副嘉命謹臆識之備日者郡乘之概云先生諱駸

曾浙江武康人萬曆戊戌進士胡公諱爾慥浙江

德清人萬曆甲辰進士

太平府新遷理刑廳記

姑孰府基中郡而宮之諸廳事周焉而理刑次占西偏基形寢薄矣及顧瞻庭榮逼處太甚反成幽氣又屋少于樹樹老禽囂候其氣不宜人卽其最者亦僅僅平無害少能發聲者丁巳胡公來爲理則有以宅祥之說進而時太府胡公居守年餘諸所勤正封而掌指舉之殆遍乃過其署曰凡言宅祥而祥君子者亡是不聞之不僭在人乎惟理之事關於民命最重旣署于郡之宮當卜爲宮之隅

博望山人稿

卷之十四

記

秉

之秀亦於是乎迎若有事也以麗正焉陽德盛而陰刑省其自一郡達江以東咸受之卽不佞忝忝賢守蒲鞭亦藉手束而不用此則不言宅祥宅祥孰慶焉公躍躍歸卽牒從事以聞卽報行先是廳有修葺役則派輸繁昌茲大動矣顧卻不煩而權他美逾百堂發之府衛二幕且撤且建不月以成前門視舊撤展二楹進則易儀門以墻隙之復爲門三而廳事啓得武倍寬得天宇益清明已則創爲樓飛棟修寮看面殿如端玉圭至東來諸山送秀

博望山人稿

卷之十四

記

秉

離眉衡間末復爲室貫之大約如坎宮遊年例而東壁諸輔舍外當廳左更爲亭翼然見小花事顏曰生生蓋以門額須仍刑名而於此乃識新遷用意云公徙室入而耳目軒軒心神洞豁回視前之舍古屋爭鳥樹者直別一天而逾感于太府公之力成也語履吉曰若奉周旋來悉是役熟矣幸爲紀諸石以徵始事履吉乃敬次之重爲告曰是役是義真心真愿名位子孫昌之繼者艷焉得毋專謂署地之發靈乎公曰不然署地日益靈則繼者

弘心愿日益無窮是之爲生生履吉日請以補此
紀之未備太府公諱爾愷浙湖州德清人萬曆甲
辰進士公諱永順楚常德武陵人萬曆丙辰進士

鄭公橋記

去郡下南門可十里許有古蘭若僧舍其傍此路
上接于湖爲七省區要下有灌水橫衝歷邑之四
圩與姑溪會舊爲橋覆之行者不致病涉斷碑具
載尚可稽焉浸尋沿今而橋之石梁日廢路僅如
線幾爲都水官僧人如方大動于中遂匍匐而告
太守鄭公時下車甫暮月郡所頽壞悉舉獨有介
於此橋之未成也遂慨然任而趣語吉爲衆姓倡
夫禪門廣大其爲肇迦寂若烏有卽所稱放光鸞

嶽金堞香城不着一毫音相高僧興福彙中如法
成者長安海池支分安渠獲佛屋經樓之異又如
慧雲見隨河瑞氣瀾漪中有天宮影參差樓閣令
沓珠璣亦且過而不留曾是一葉功蹟而勃勃于
懷邪惟是橋與水爭不濟則水馳土漲亡論七省
來往無地而此四圩之金錢逋負其將魚鱉爲隣
乎夫事有經聖賢而不作者蓋以不必作故也至
於築室爲梁獨推賢於杜預可知古今理同一轍
太守鄭公不論橋之或大或小津津有富平之慶

而如僧日披拂于齋居露禱之下有不見而同然
恍然體太上以爲心者乎橋凡丈尺若干深濶若
于此僧之意更欲稍建於東爲構數楹以便途旅
休息姑不盡贅而識其大者以告四衆題曰鄭公
橋者宰官志始事當得不朽云爾

魯港平治石路記

燕有椎關展赤鑄而署去署上流二十里爲魯明
江支成巨港諸商行艦航緯木鼓楸榎於焉鱗集
待命關使者親往驗算載書旣成受緡已度關驗
書卽行當商泊港占算書來往率行江漕上舊陝
斥爲通涂抵關程與上流等每風雨不時則涂墊
隘商欲違淖不得因踰踔還濘中前此固未有念
者也而平湖孫公來始遵坦菑涂而石之工未竟
會華亭單公來代以似以續竟廿里齒齒堅如砥
博望山人稿

者如歸居有涂視邑者如戶居相忘於適蕪正商
相忘於適關也而何可無砥不覩比歲朝廷大
工材木倚辦乎則惟荆湖川粵豫章丹陽蓊蔘梓
柅蜀蒞鼎歛之產蔽江而下使者乃得執鷹平條
槁二則以權之而內外左右倚勢摧直祛摸指不
勝詰也漢元狩中算船五丈以上一算匿不自占
占不悉成邊有告者輒畀其半其流毒至楊可告
緝遍天下以明寄察者不如身親藉第令關門之
爲帝乎其將惟而問鯈摘邪勢必蹇而循涂以受

博望山人稿

卷之十四 記

墨

占於阨而涂不治而趨泄漂搖之患與商與居者
共之乃曰舊貫惜五執之煩而忽緯野之制也卽
於使者庸利乎夫諸商之開採也深入菁莽破鈍
刀鋸爭墨丈于長喙踣陸之間幸達江湖犯陽侯
仇風伯寄命於枯天拍浪加以祈寒暑雨悽惻滯
淫骨肉鄉井夢魂隔世業自身營苦將誰喻又幸
抵港引睇江關一覲慈惠輸占翔去回易釋負真
不啻渴赴漿嬰依乳而咫尺淤涂沒踵滅脛江風
作盲瞻笠失武滑折外仆便葬魚腹嗟乎此流離

餘劫豈真重大難舉爲蹕道之金椎飛狐之堆石
乎蓋以使者歲一易去但以收事平由爲職其於
沾涂之苦未軫厥心晏子不云乎以其通處之通
去之至于君也而兩公獨念其執倖傷悼截曼朴
之石連如髮之達舉無譴謾冒托迄底莊趙經始
似續豈不超於惟政之外卽古川衡都水驅劉之
日專主林麓川澤至野廬氏合方氏則以候人官
之固不能兼若兩公之有權有部合有終始不又
備舉于冬曹之中哉考之王功曰勲國功曰工民

博望山人稿

卷之十四 記

墨

功曰庸事功曰勞治功曰力紀常考鼎藏于盟府
國中自七尺以及六十野自六尺以及六十五鄉
大夫書其賢能登於天府有若茲關涂先後土功
底邁艾獵之績何論居者旅者歌舞康衢雖司勲
祭於太烝可也而單公第謙讓歸美于蕭規不佞
履吉屬辭無似則何敢掛漏其實併用兩見云孫
公諱裔蕃浙江平湖人乙丑進士單公諱國祚直
隸華亭人乙丑進士

蕪關空園記

吾玉受來視蕪關榷因署園而離之爲景十有八景有繪有疏而總署之曰空園蓋其勝端以太尊人娛而意匠遂無不具筆與園爭化工焉覽者莫知所定則試曰是夫以爲開也以爲園乎余曰如見有關也將見有園乎玉受固自序曰開還關園還園惟還關也是乃所以還園獨余驗蕪關最利賢使者前所寓多去爲大功名人卽其近亦斤斤能不有關顧不能有園遠廬歲一易開則園歲一博望山人稿

卷之十四

記

易主耳余未見家林與寓署一載與百年果孰爲蘧廬之是非也則又曰意能適之無如匠不能謀意筆復不能謀匠獨吾使君不任爲草昧而離之有其草昧是不必園還園而第還乃公以文章之權夫吳中園林名天下乃公生而狎之不爲異去從宦跡歷乾坤大圓如匡蠡楚黔諸山水絕處胸中一往如故間命閒筆識之亦復不異還而休止觀門中曾是園之空瞬也哉蓋玉受常亟稱毛端剝海云余臆謂觀不如是止卽青城金樓悉是望見

闔婆非關物理觀止則盡世間物同時與我現止不得大剝海而細毛端因觀夫物與物無不咸相爲止則一塵具有一大音卽一塵具有一大文章彼且種種自繪自疏矣政復毛端還可離之而爲剝海乃猶然就園以校空就空以限園園之無不空而止于未嘗盡者繪窮而疏不至也不任草昧而有其草昧乃有其文章而不任文章者也玉受固曰園還園也還園愈以還關而開之爲使者利余敬請使者拜之曰功德主食功德報比前諸歲博望山人稿

卷之十四

記

寓關若園未歸德而歸利者當益十倍得無大功名人慮掩其上乎玉受起止觀中笑曰以梁園而嚇我何代無之

五臺山金燈寺瑞花記

東夏福地於外典有之獨雁代之間五頂清涼爲
我文殊大士遊行居住化宇出自金口傳之龍藏
於修多羅有良證矣又讀宋張無盡居士傳至發
願言我若於過去世是文殊師利眷屬與菩薩以
像季之法付屬護持願益示希奇之相隨見金燈
昂鞞至前與別見琉璃世界萬菩薩緣仗紫芝寶
蓋曲柄悠揚文殊師利菩薩騎獅子遊戲履吉輶
歎此身拘域江東何日親到紫府靈峯虔陳願力

博望山人稿

卷之十四

記

看往世今生因緣能得菩薩示度舉此念已悲感
切心飲淚自下五內俱冷已有青山和尚海智者
發願化本地檀那資財往五臺山僻僧苦行皆圓
衆慳忽破會白金正得三百廿二兩零地隔途長
行脚僧豈堪懷璧則終夜哀號不輟履吉不寐出
而問故便諾以謁除之役到燕順爲齋致時萬曆
己未秋也逾年庚申五月海智辭行履吉冬由水
程而北改歲天啓元年辛酉春海智自五臺來述
昨行九月朔得達少息聞南臺金燈寺產異花以

廿日隨喜遂常住本寺蓋海智之言止此於花不
甚狀也問所偕來僧明秀云花卽於是月初緣石
須彌座而生座盤固刻蓮瓣花本蒙焉卽葉蓮花
及長出座隅不辨而規矣故觀者不運而瑞之傳
瑞花以此始花出座尚小如握山寺早寒交冬則萬
木冰棲凍折而花更鮮妍露浥欲滴浹月餘倍長
口亦稍磬束度之以尺計者三當口末銷黃痕一
週其下則正白細而脫其中之蓋縱橫羅紋如絨
自綢輕容方空不足喻西北與東三隅皆敷焉南

博望山人稿

卷之十四

記

則缺乃敷於佛之膝佛膝向南而跣也敷之榮與
須彌座同按清涼山爲金色界聖燈金色其靈普
宣則金燈寺名可括聖靈焉而應化於此必矣化
之顯應無方卽不必鉢鉢焉執應以求化亦可隨
化以徵應而是寺也旣當南臺海智從南來花正
缺南隅進而應之到之日又與花之發適相值也
昔菩薩身現三界神變帝釋歡喜雨天花至膝以
爲供養夫千百劫吃齋衆僧菩薩視之一神變大
身也能發心供僧與供菩薩等敷四花而一花敷

膝與花雨至膝等帝釋非天非衆海智非人非
也蓋菩薩自言吾能持一切無心之物變相說法
皆如佛又言善根所流一切樹間出莊嚴藏發心
化衆衆咸發心既不比無心之物一佛心種於衆
心衆善根種於佛身亦大非樹木之藏以花說法
卽以竹僧說法以樹莊嚴卽以須彌座像偶膝莊
嚴龍蛇聖凡無有漏攝見聞近遠允可斷疑斯不
亦器界之大乎而津梁之遐設邪海智不治文字
不起測度不求應化是真實學佛人其自今益精
博望山人稿

卷之十四

辛

進以幾面印弘慈履吉亦於疇昔悲感中心生悲
喜似見在世與有因緣菩薩定垂憫拔不第追張
無盡於異代已也敬遣力赴山載記而貽之寺中
復繫之頌頌本不用韻而履吉時未離儒請以儒
韻爲頌曰五臺七佛宗賢劫昭弘利西天示跡初
婆羅盈屋瑞妙得以十徵蓮花居其四揚輝大震
那烏茶感非類而况知識人無始傳法恭思覲攝
化身來結齋僧施感慈妙花靈當座誰爲時石角
挺奇榮膝端復生意凌冬卉盡凋經臘芳無異

總巧如銷遊絨交比織擢之規已盤趨巡改其程
獨此三隅開故畱一面秘若拈席上花授爾南來
記玉砌已前聞鉢囊亦同地總爲應真榮古德今
其嗣真化本非遙託靈衆志捫胸一寸堅觸眼
毘盧位差予愧裴相涉僧那遺累更觸張公言護
持於像季循省起懷悲中宵耿無寐大士照微微
金燈炳前智已信須彌宮不抵清涼值步步頂靈
璽三空會有示十萬一菩薩獅子騎遊戲

博望山人稿卷之十五

常塗曹履吉元甫著

祭文

小祥爲先府君禮佛疏

伏爲先考乾夫府君於萬曆四十五年正月二十三日病故倏及今正時爲周歲先於十二日延僧戒誦金剛般若波羅蜜經不孝弟子履吉因緣無始載有形質蓋惟大慈與我親本浩劫不晦積緣茲轉欲酬垂度無想能伸精氣所來見受一生此

博望山人稿 卷之十五 祭文

一

劫分慈具足罔極實惟先考司馬大夫孝義植根經術裕後居官處里利濟存心正直無營靜常得性其於梵唄雖少受持要本躬行暗參宗旨有子不類鳴慚和陰備養方圖冥遊奄訣空餘崩裂陟降靡從更屆年期音容追渺四時言數已滿代序而我精氣與歲維新痛乎受者寂于何尋人間感遇頂踵可赴到此至悲卽悲無路空悲謂已無有已處惟以我慈以親本我還以慈力度我本親慈遠經親依經依慈殊函藏海匪力可幾請本信心

先投所愚若復親靈謂經私度卽名非法以名非法隨名非佛若復子情希慈私度卽無是法以無是法隨無是經若復佛慈執慈行度卽諸相生以諸相生卽非一法若復佛慈有慈非度卽法應住以法應住卽經不成凡此功德具計利益一法不見一相不生自然諸相應時得度萬劫同滅萬滅同度但所度處各受差別如彼草木大小區分如彼山河流峙互位本之聖賢法自無爲以此奉佛非已非人都無相見慈法乃見以此追親因濟咸

博望山人稿 卷之十五 祭文

二

濟仍非相見儒心亦見是則金剛般若波羅蜜經所以爲諸佛呵耨多羅三藐三菩提法皆從此經出應以此義備當來持戒種千萬佛善根不孝弟子履吉所爲還以慈力度我本親義實根此信根矢向江海不移兼以本經前賢同信顯報攸彰誦向我嚴魂招依受天衣導昇定符斯理爰掃新舍奉安淨壇起本正月之十二延耆宿衆亦如之頂誦積至廿三零合卷數一千別有僧疏開明焚報力淺愿奢誦少報大仰以慈門但論慈至卽是力

至既有誦果卽成報果統在經力無邊直此寸靈
布滿不孝弟子履吉謹望金色相座銜誠投地哀
鳴慈臨鑒濟昭茲咫尺伏上

傅望山人稿

卷之十五 祭文

三

遙奠韓太素老師文

萬曆四十七年歲在己未夏當塗門生曹履吉爲
兩先人封樹事先求得袁大行行狀卽遣力隨大
行往朝那差道經涇陽入叩我太翁韓老師以誌
銘請候至十一月十一日力還見於庭屏立不語
遙問之則以先生七月十八日上賓告履吉則癡
瘖瞑絕白日中天地沉黑不知心神顛越何處已
乃放聲大哭家人咸驚來扶掖婦劉聞之初心顫
雨汗旣乃前勸履吉時當送兩尊入土惟賴若身

傅望山人稿

卷之十五 祭文

四

古來弟子于師存沒想當有道不得以痛自損履
吉乃強起於次晨就家爲位日三尚食涕淫淫者
亦三越十四日載猪羊各一口親啓血骨同庶羞
酒醴奠而告曰嗚呼先生其來邪其升三峰超長
河度中原二千餘里而降我大江之東邪其聽履
吉之哀而呼而切切不忍聞者且若示之以肅然
容愾然聲令髣髴見之邪嗚呼先生履吉之憾何
可言自辰歲陽月拜違抵涿鹿僅得刺促數行附
歸役以投嗣是不百日爲丁巳正而先大夫死先

生既親纒些辭南寄又別勒手字慰管不老今
思之比卽腸裂百爾崩壞何至不能臨片楮寫北
翼爲致令先生遙遙此念竟不知履吉身中何似
坐胎先生終年繫注邪及戊午不孝旣練之後先
生則以持節蜀府行無可爲寄而不孝又丁先母
孺人之變斷腸未續庚寸寸斷益復心手都擲草
土是年冬有故知官秦府衛幕者可借爲郵而竟
缺然繇今思之此故人去豈真馬上相逢無紙筆
者邪今已未春同門弟兄作縣者以計事旋則有

博望山人稿

卷之十五 祭文

五

紹興陳子君平寓書來晤張涇陽言先生居里中
謝客樓居或經時不下私心疑之豈有二豎侵與
而時南昌徐子曼倩來令我繁昌走役西入關展
候履吉第托徐子書中爲言曹生將爲先人墓銘
趣人隨大行後騎上求而又竟不自附片楮所不
附者無他止以兩年來未通一字使不可不附書
不可不儀不如總以大行載致繇今思之真愛如
先生豈必需人端儀而于最近最便之役亦失不
附邪至于大行已爲草狀矣赴陝有日矣其視飛

車仙里盡布寄載之戀私因緣而祈鴻章直以爲
旦暮事豈知遣使之二日卽先生上賓之日大行
到涇陽始知其詳此則事變大出意料大行何能
預知而早發遣力歸來則從先生之家人得先生
數月前見徐子書卽諭其縣所司大行牌到當立
以聞雖主易簀時仍日問使星消息甚至以爲見
履吉字病或可延眼亦幾穿而卒不待蓋先生之
于履吉直如愛驕子性情若爲之而移故於臨逝
惓惓若此與言及之三年中卽使時刻擱日月

博望山人稿

卷之十五 祭文

六

會幾而乃節節疎忽致先生卽世之日尚爾關心
其爲搏踊怨艾何可言邪乃大行入卽先生之靈
幄陳履吉儀開履吉書且泣長涕承曉哀感旁觀
先生于大行聞中有賞遇大行固嘗執北面禮至
是慨慷淋漓躬古人誼代履吉訴而哭亦如履吉
撫先生之棺此段真情可以借致只此光景師弟
朋友聞千古歆歆令履吉有一點生氣不能不仰
天痛絕耳先生蚤歲入直中秘文章經國已在金
匱石室不具言惟是其賦性淵靜而弘毅其貌整

而溫與人語款而典其全體豐偉望見者皆以爲山凝嶽峙異日必爲太平宰輔曩在長安所會薦紳贊誦同舌况門下親炙最熟者寧復以卒然之變設想其闕嗣又意先生以佳兒早歿有王丞相之傷然年方望艾嗣息可待濟世達人其不以一身可待之事過憂成疾必矣倘從他人傳聞非家方親見則卒然之變詎復信之豈天以履吉節節疎忽于此生死大事更不得併坐沉迷若于附行之使尼之而遲使得到與變會可親見而歸報邪

博望山人稿

卷之十五

祭文

七

嗚呼先生既以真品重器水鏡人倫所拔一門弟子皆彬彬躬行士卽履吉至不肖庶幾蓬蔀其間今年大計後弟子調大邑者五六爲各房冠履吉前候書猶侈以爲言借使先生得見爲門下循良慶可知遙同此言而皆不及至履吉半生排比旁竊靡蟲自揣已付虞仲翔後世所不知一人而先生拔識至口舉第四策句字不遺大恩知已豈復尋常師弟又以履吉多鼠技教之以平時無事用之以畢其所嗜及有事而用之精神固有在履吉

謹跪識之不敢忘豈知此語遂如永訣遺勅書總邪嗚呼先生天地間氣凝生成爲文臣爲正人沒必爲明神在上帝左右其於四五十年留影示跡決富脫然無繫而履吉猶用人間哭死之情哀哀不已似乎知先生未真不足稱先生之弟子獨以此生向後亡論所見尺寸皆大恩知已所遺卽七兩老人在地下目何以瞑履吉辛苦章句半生何用而至履吉所借以萬一于兩尊者還欲爲兩尊

博望山人稿

卷之十五

祭文

八

苟圖尺寸以報先生而先生竟不待竟不得一見履吉之爲人子爲弟子何如邪然則此奠之憾而哭者又何可言邪痛哉痛哉

祭亡弟慶成文

余慟吾弟沒思吾弟有不可沒者則通書策之義爲狀以祈知言寫生卽不啻愾然見之顧以腸痛筆重於弟一生福利諸所未表卽於平日從兄生情生想亦咽不能抽今殯出有日長辭華屋零落山丘餘壘撒於禪旁梓器薦於懸封余所爲之死致生之事雖欲不替亦將日遷矣僅此就堂一奠一哭以血淚爲風雨以淫曉爲梁津以夢魂上下爲靈氣西皇以長文之祝爲楚澤之招嗚呼慶成

博望山人稿

卷之十五

祭文

九

歸來其尚爲余按部考書隸事徵僻以作余之紺珠額祭邪其尚爲余警戒衣冠傾筐遠客喜動眉宇令四方至者先呼次公不憂郊馬雪汜邪其尚爲余引輪蹄之僞鉛槧之豪攜謝樓頭釀王茗戰拈韻刻詩求片語之工一字之令以博余之吟和留連邪其尚爲余誦南浮楚湘夜泛洞庭西逆匡廬洪都東遊吳會武林天台雁蕩幔亭九鯉北疋馬燕山塞上五七言古近體遊紀諸篇令余耳之如讀子長遊文如與向宗輩扶筇異代邪其尚爲余

集當世丹青名手分別源流誰爲顧陸三唐誰爲

宋元誰爲沈文各派恣余之目爲浣而心爲醉邪其尚爲余指點幽事樹林疊石卽一草一木經其位置無不匠心令鶴棲鹿息曠然如絳雲之舒卷邪其尚爲余徵吳趨翻子夜以阮咸之解調公瑾之顧邪蓋余稟既流浪幼復體孱兩尊人不憂讀書惟疾憂故教法率視性所喜吾弟體親愛兄亦如左右無方初里中若疑鯉庭多福時譽兒獨吾弟口每舉東坡寓意留意之別以爲不害道而其才

博望山人稿

卷之十五

祭文

十

性兼人凡所爲極意從兄者無論他人此欣彼厭寸長尺短雖好我不能助我卽世間所號爲好兄弟亦止在祖遺蠅頭慕說繆薛不知田園分異直是蠅頭不必言併此才性淹通可寓可遊可名可道之事父母受氣到此不能齊又在古來兄友弟恭天合義合格外別出此生生世世兄弟慧業環通之靈非知從而後慧通乃因生生世世種就慧而見今世之從此之性命情好固非世人所喻卽在余身中自少及壯及逾強仕以來同嬉遊父母

之前相猶而不知也同衛業於圖書筆墨之間相習而不知也同周旋於四方朋友與夫一切佳辰美景會心快意之事皆相羣相狎而不知也雖以中間小別如遠奉晨昏各拘官守或困於糠粃之習或困於較閔尺幅之中亦率迫於王事而不暇知也而獨今年弟歲在龍蛇余適身來蜂蠆閭戶閒坐萬想俱灰惟有吾弟一點精靈無事無境無刻不賄賄心目無不歷歷從十指輪出而乃知有吾弟而已死也慟哉此奠余腸絕矣慶成歸來

博望山人稿

卷之十五

祭文

士

祭同門李元鎮文

往與先生別長安三年矣昨秋有事蘇門先生馳衛輝去辭以疾甚不得用家白衣故事相從嘯嶺間卽今月今日也逾正復令人相告如使君行較天中當引去太和山下無得見不佞謂吾兩子相得天下莫不聞爲一塾師長來而畫計避影遯樹謂天下笑何今來知先生病加甚不佞愀然謂是將有大命期而忍不一手訊先生報曰病幾不死卽死亦不朽不佞大諱是言心知殆寢劇已越五

博望山人稿

卷之十五

祭文

士

日而先生竟逝哀哉最先生前後字皆大別識也不佞不忍追不佞與先生非世情交也當丙辰同遊長安禮闈覆發先生與舊同公車居五日始出賸客不佞揖之意思蕭散輒詫新赤帝中有如此人哉旣見所爲文若詩如其人淵乎遠矣言之關中夫子夫子重之若得回而加親不佞徙舍與此閉花宮雙樹間擬托古今聞人慷慨相命以爲快諸不相從者旁摘舛謂兩子謬爲重耳獨方西安哀公安時時闌入舉觴亟稱若真不妨並棲哉旣

分去不佞廬居久之謁除版曹以使出迄戌冬始與先生會先生嗟不佞浮沉糠粃以舊部人守天官郎穿唇舌囑之與稍稍一調其故則有能言之者慷慨謂不佞爾豈以一調重爾視一調猶糠粃也尚其待天人之定而先生亦以里中同舌應推擇入銓夜與不佞片言令旦卽草書主爵以讓次者而身卽請差出嗟乎兩人謬爲重其于登場行事亦謬爲重如此矣世眼自沸世心難喻卽有冥冥未銷弋慕同志同悲情勢應然甲子言別其語

博望山人稿

卷之十五

祭文

主

至不忍聞握粟出卜未知爲計忽而天清日霽有此刺身入先生之鄉課先生骨肉朋友令先生無恙而以今竣試之日登瓠菴之堂舉彈射諸尺幅文字已乃命酌把苦甲子驚心之事豈不俯仰且愴且笑如夢寐三生而無奈先生不可呼而起也哀哉先生治畿輔兩地有古遺愛聲以高第徵引嫌轉禮曹事我伯父大冢卿伯母太夫人備極色孝我伯父甚愛之大如王丞相之於長豫今其痛亦如之延陵滅明在昔稱達不敢不以爲慰先生

有仲弟先卒鵲鴿之痛屢見乎辭天性夷曠親知故舊縉紳相急戴之愛之殆無間言跡所立身大者稱無愧已第大用未竟傷哉此人曾不得四十千古同恨耳又所恨者先生性資絕異往比舍見每晨枕畔取書讀一覽不忘工詩不佞所見者有瓠菴集入彭澤之室其友秦京爲不佞言先生在滑每日則課一詩不得案牘平署也其力攻如此年不及強崦嵫正遠日新大業遂未克終近代信陽修文之年亦三十九豈此地文人年命劫數同

博望山人稿

卷之十五

祭文

主

一盡期兼以昨歲新野仲良都亭客逝一時至寶龍蛇繼盡亦復伯道同悲悠悠蒼天如何可問踴辭之人止有此事性命相赴偏此一來鈞天帝旁親見悲傷不佞於中原肝膽意盡矣撫棺一慟不知所云哀哉

倪孺人誄

萬曆癸丑月日士馨兄以亡嫂孺人喪藁葬南村之陽前是語吉日自先內子見捐再逾年而乃行卽野之志也雖余不佞狀京山先生誌願所以顯婦德者意何可盡則更以屬吾子吉維寒家與嫂孺人族系祖父講奕世繼與士馨兄同席研午歲又同車日成雅故備悉其佐讀而外家尊卑親疎小大之事惟嫂孺人室之而以其室予士馨當其存時未有知者也或吉不時過從有可爲穿牆之

博望山人稿

卷之十五

誄

視乎忸怩乃嫂孺人則已知主人意所可必趣款進語笑以之益淹今卽念此亦嘆息彌襟室不獨士馨自念之也旣屬襄事其又奚辭顧自傷往年先元室亡去以糟糠也而不遂視嫂孺人尚多蓋舊之憶祇爲身在貧賤無能丐長者一二語以生荆布茲忽因送人日憶別家時不覺香燒花落促柱切絃墨淚泫泫而不能下也士馨曰何憾是度吾子心神當有爲前之德容殊異偉明之藏吾子誠有意累述元婦事亦在不佞且吾兩子居常舉

目橫流對面有心互稱知我至於生情生文此種

相關正未容別喻是以載歌永暮已自獲於文通爰製傷春想求言於坡老耳吉乃始次其意綴其賢行爲之誄曰禮云婦式微諸和理賢不出閭阨悼之以人悽伉儷況於其已嗟我好友哀陳女士明星邈降世以家聞遙遙鼎胃婉婉德薰春椒秋菊無取於文訓惟箴管公宮是勤言容禮典用範成性高堂篤憐擇對與娉我友是時在童而令鳳飛啓繇雞鳴協咏燕嬈不前無違必敬晨昏展孝

博望山人稿

卷之十五

誄

等於移天尊章用祥姒媚有虔小郎女叔如拊膝前以及宗姻無或戚單八徽旣彰二物兼紀饒饒澄羣必親絮止奴耕婢織手縑指累舅昔宦遊以姑而馳遠典名藩有逾十朞比要家秉居者是遺不日諸兒曰冢婦知夫君文事結髮討論妙譽從風屢褰日門縞芋問歡青玉橫鐔不曰何來曰內子存動同家幹嚴同家監婦卽良朋女亦人鑑佑德在天空無餘歉矧今寒樹霜霰已舒繡補靈節垂奏石渠將以帝好榮及花與爾君發聞併世侍

聞云胡不留夜壑奄虛痛極安仁入室想歷叩都
容渺稠桑驛寂胸事煎心彌年不隔舍辛載鳴詞
從腸勞嗚呼機雲沒後氣鍾婦人寥寥姑城縱并
無申嗟是不忘幽泉乃春悠悠我思願以此陳

博望山人稿卷之十六

當塗曹履吉元甫著

雜著

警鹿說

在辰陽家大人命作

辰溪縣舊畜二鹿於儀門外垣而守之令地方啓
草而給余到日以縣治之枕山也縱之使自就食
不以煩吾民也鹿既走曠不復爲人所擾其一角
者浸壯遂無所憚迎而觸人犛甚莫敢撓有以狀
來白者余曰謹遠之人無知則鞭朴在若獸也而
博望山人稿 卷之十六 說 十
欲何施其欲遂脯諸俎上邪詩云相彼投兔尚或
先之況日儻儻於縣治中者乎復命衆力縵而繫
諸樹截其角比縛甚急截聲亦甚厲乃既斷而釋
則跂跂以走固無恙也無幾時角本出以觚人殆
壯于角諸役不成行者無得免所中皮肉俱潰有
稱幾斃者夜則踞囑作聲意未嘗不在人更夫五
六輩倚鈴鐸牙仗以逐不動終不得以時夜巡再
則騰牆而出蹂民圃菜一老田父不知爲所乘久
始得蘇近夜乃募入前堂傷堂上守者守者躲而

登樹疾呼救余聞之起曰鹿之患乃至是蓋記古
瑞應圖所稱鹿者純善之獸也變純善而悍惡是
爲失性失性則失生而又積傷人寔多此真不可
活也活之則必有東方生貴鹿賤人之譏人與鹿
孰貴孰賤一人也國人皆曰可殺則殺之矣今自
隸役以及田父又他郡邑使人告者無不謂宜食
而寢處之計卽人於此無能爲國人請者而况一
鹿乎語諸役仍前綴置趣屠者以待語出衆歡而
競逐鹿初猶闕索于樹邊旣逡巡入索中不數跳

博望山人稿

卷之十六 說

二

自觸樹以死夫綴則前之綴也縛不急於前之縛
也前鋸罷無恙卽走茲甫入縛而輒觸樹死者夫
定知已釋而不改必不更釋環衆怒以譬一物罪
不得生也是宜觸而死孰謂畜無知哉鹿固畜也
世有四大五常居然稱我族類而積不善犯科種
種其不悛也無論侯不知明撻不知記卽五刑在
前尚思骹而去之以圖後逞故有至死無悔竟不
動其恥心視鹿之知死蓋獸而有人心人而不
如獸心矣余茲有感遂序而筆之以省克頑復思曰

古穎川豫章多以得鹿上言侈祥瑞余何獨以擊
鹿書夫上祥瑞而非所爲祥瑞固不如傳此鹿之
足以警頑也若曰以百姓而殺鹿殊未聞孟子所
云齊國之大禁也者則非余所知矣

博望山人稿

卷之十六 說

三

伏鶴說

鶴以胎化見相鶴經故鮑明遠賦舞鶴鼓幽經以
驗物偉胎化之仙禽劉禹錫嘉話因之惟初學記
所載與淮南八公得嵩山石室原文小有謬落末
段一千六百年飲而不食下少胎化產三字而宋
熙寧十年元旦王荊公修乃見全文則知諸賦家
詩家引用之紀原而今考其文自二年落子毛約
積二百餘年雌雄相視而孕又一千六百年飲而
不食始胎化產與鸞鳳同羣爲王者瑞則此鶴之

博望山人稿

卷之十六 說

四

初產自不卽胎而積至胎化之時已近二千年又
與聖王合瑞其跡之神而且闕爲何如信非李浮
丘伯長於上古固不能見之而著爲經夫世人則
安能窺其產伏也而淵才所畜特人間數十年物
乃欲誇容以胎生至園丁連報誕卵始歎爲劉郎
中所誤此墨客揮筆編中所以笑淵才讀相鶴經
未熟者也至唐詩紀事載陳標曰鶴與鸛鵒皆胎
化而怪人獨以鶴爲仙禽爲貴耳賤目今無論鶴
之胎化非標所見卽考埤雅亦止云鸛鵒從口吐

子未知吐者是胎是卵而韻府則仍注卵生今走
問湖上漁家大抵云伏卵豈遂作渡江橋枳邪詞
人筆底直喜奇異一人斷章而用後人握筆依樣
濫觴復欲從而實之如吉輩則皆所謂濫觴中人
乎姑不敢實作伏鶴

博望山人稿

卷之十六 說

五

續棲賢社題詞

情生文文生樂樂極則悲來亦俯仰陳跡之常耳
非真哀也夫身處於相送必不能度而徒以文哀
傷途窮而慟雖感動旁人旁人與慟者不過一等
悲田種子收聲尋路竟是何人遠公之於康樂皆
信以爲心雜絕之不知遠公祇以迷路莫甚心雜
但欲指與自尋徑達蓮社乃康樂不悟之所途而
窮焉斯已矣至於靖節真以酒病佛事乎遠公之
佛靖節不在酒不酒酒亦政是不雜但慮開兒孫

博望山人稿

卷之十六 題詞

六

誤認儀狄有證佛法事室若諱之若論靖節酒中
不雜自證地位非攢眉斷飲翻似攢眉東林其名
十八其人爲多事耳而遠公固不疲焉者何舉月
雜路相逢不忍令無尋法授之念佛止以社而休
焉尤不忍獨樹不林故集賢而招靖節康樂多方
用意此則自哀哀人所以津梁獨苦也千秋跡滅
哀路虛懸唐之棲賢非東林矣今之厭郵亭東林
而圖東林棲賢以爲續廢之名潔公疑所非爭陸
子靜曰墟墓生哀宗廟悲我等茫茫行旅千蹊萬

徑中嚼董難吐忽指一地標遠公集賢社名見堂
日明白直截一路卽不論已到未到有不恍得淒
泊不知悲泣之無從者邪此爲不雜此爲潔公與
諸名公之真哀便呼起靖節於醉鄉佛國或不惜
酬此語也

博望山人稿

卷之十六 題詞

七

祭圩神文

某年月日鄉紳曹履吉同本圩業主某等謹陳白
羊牲醴於陡門之泚以償前愿以報神庇敢用稽
首申祝一言惟茲郊保六圩地建議劃作載始舊
冬以西北一水闌入則起蒲山潘米圩埂稍曲至
南管埠障之比紕彫劫任衆裁廣丈客土甫竣已
桃花新漲矣漲與夏澇迸而暴溢其將恃爲圩丘
乎五月之季陡門夜泛甃石俱走吉等出步勘竟
鬼婆港湔湔而怒白也嗟此廣丈客土而欲埽丘
博聖山人稿 卷之十六 祭文 八
怒白是驅市人而嘗大敵也必無幸則相與搶地
爲數萬生靈請命於神祇其孰使隔壘大橋者五
日而內一圍無患也卽潘米南管諸夫亦實負敗
屣短株以日夜搢拄而寬與爾日夜令搢拄得厝
者其又奚陰持之焉蓋當警時忽有黑物出波面
故老云此爲殺象熟驗之更無幸夫庚辰五酉事
水無分小大矣乃刻山之孽而甃水以遠神之禍
野殍而疾驅其又可誣邪又况東捍之潰不絕如
縷而以如縷者西風之嚙浪亦復夾旬無患卽所

稱一炷蘆灰玄力不如是乎今水已落幾具有致
吉等敢從身填金隄之誠侈口貪天惟是昨歲來
建議勦力果無違怒可藉爲自今以始之效卽向
後填溝固埂諸議應併在靈鑒得嘿牘諸聰克終
俾又數萬生命數百年永利實嘉賴玄昭之賜不
腆三物所獲畝存比之春秋於社於門有慶無量
矣

博聖山人稿

卷之十六 祭文

九

毘盧閣成告佛文

自捨此值延請居士朱萬秋總理經營副以生員曹行直太學楊麟瑞協同監督凡木料磚瓦油鐵灰石人工匠作各費無不條分縷析身到事成又分請居士某等輪日分管遂於崇禎元年三月初八破土起工而萬秋當復自捨山松於臺基墻脚遍下椿木大工於是速起本縣尹郭公紹儀聞知此役屢有發助令先緣簿所募暨續鄉官張時賜請化僧性德所募不在募簿外又有各隨心所捨

博望山人稿 卷之十六 告佛 十

多寡不等約共一千數百金尚俟餘工完日總哀施主姓名數目勒石毫釐畢載不論巨細咸成佛果茲仗我 佛憫念衆誠百靈協應閭已告成爰擇嘉平之六日恭迎佛身入閣卽於是日安置臘腑所有履吉原發願心同此披瀝奉納履吉目觀古今一治一亂天時人事必然之數雖儒門先師亦言繼周深維兵火靡常在數民命肝膽塗地而我姑孰地形險要從古東南戰鬪勢所必爭卽以我明 高皇首渡天開而陳友諒尚居城而守

平徙民實郡遂無唐宋子遺加以金陵爲本朝京年麗更掩前古奸雄所窺姑孰首當上游更思金陵要害猝有干戈之慘盈城盈野近遠未期遙想痛心卽近遠未期必有此日履吉身生此地伏想欲預救此地此難惟有密叩西方聖人神武不殺因發願力倡衆置此佛閣供養寶請大藏真經令大衆生生世世瞻禮誦讚歎卽算有大患早可密移上祈弘慈但遇向後兵革亂離大顯法力保此姑孰江城內外億萬生命免罹鋒刃焚盪自

博望山人稿 卷之十六 告佛 十

審一靈芥子寧具無邊心血欲遍須彌惟此萬法菩提但遇有種區緣定消劫數蓋事之變而遠者庸愚所昧理之有而微者腐豎亦疑是以爲富貴爲子孫不惜馬牛作苦至於遇兵荒遇寇賊空傷玉石俱焚履吉積願久矣若明告之市井豈不笑此舉之迂至信在焉惟秘禱之慈悲可必獲異時之驗佛光照證人天共臨法報紹昌世登仁壽謹納願疏用永萬壽

麓心寺毘盧募緣小引

采石山北古有麓心寺得覺空尊宿慨爲興新覺
空化去里中精心廣接見澄源上人衆心欣戴澄
公質任淵穆於梵規嚴謚出語山嶽不易余歲時
祈禱務必澄公爲之導師采石南北要區僧衆伊
唯寺泊而常不給澄公忽動是念若居有是土願
令不給者露處興嗟心寧是悲邪則欲葺寺旁地
爲閣以尊毘盧僧既瞻仰因藉依焉而衆所指嚮
以余近禱應頗獲報人天空不殫首事力余唯唯
博望山人稿 卷之十六 募引 三
嘗閱普賢觀經云毘盧遮那如來所王之士遍一
切處其佛住處名常寂光凡有應心令共敬仰何
况采石而疇非降臨再觀佛三昧經云共爲同學
習佛正法煩惱覆心不能堅持佛法寶藏多不善
業謂無救者此之麓心毘盧正生生常見十方諸
佛現前授記余何復憚煩不速爲衆因成就墮無
救故乎願余向因白門天界寺善權募修毘盧觸
本地萬壽毘盧之念躬爲建修事雖有成尚然未
竟又觀本地光孝南寺罹於火矢願重修方未下

手今乃議新此閣肯金輿谷有僧明者宗敬察福
後至諸國競送金釧相遠近嗟異又慧曉乃長干
領袖行化所及事若風移遂使藻績窮奇登臨極
目自晉迄陳五代王臣莫不歸敬古今人事雖有
同符而第使爲有漏之因孰與建無遮之應譬之
人出見華屋輒生艷想而資用適缺見汚邪滿簞
動生厭足而鎡基不敷以此心急澄公無分釐効
惟有俯而捨地仰而哀鳴遍告四方善人一齊發
心捐助如孫居士太初者齊十萬八千阿僧祇劫
博望山人稿 卷之十六 募引 三
功德永昌允爲諸善根之發軔庶乎有漏翻作無
遮余其藉手慰澄公夙心亦幸甚至矣

題重修瑞竹堂募疏

郡城報恩光孝禪寺唐瑞竹寺也維時崔氏有駢竹之瑞建寺因以爲名歷代修廢似續名亦屢易至宋紹興年始定今名無改然皆於大雄殿後爲堂額瑞竹以顏之不欲晦作始之意中間或寺存而堂廢或感有寺而不可無堂如國初永樂丙申修堂碑記所載一班蓋堂與寺分合絕續時事雖有差殊終歸於續合莫之偏廢則作始之願力佛慈憫而依焉世代華易而人心之緣起相護如博望山人稿

卷之十六

募疏

古

新法力於茲堂丕著乃邑所司計供郵傳不足輒割堂以停駢駢遂紛紛多故駢累不細官亦受之固佛慈所不許也今幸有其復之所依在是必所報在是我里人若加肯焉如彼力田官樹而里人布籽耘以順天時食地利福之爲田無公私岐此當明顯何謬之有無庸稱六到之首檀六度之首施也哉夫官於此者官其事且不得與此堂爭十笏地終以歸唐人之靈如古之捨家爲光宅爲廣平以及王珣徐勉白傳諸公咸割所聚族以資阿

閭無諍而此乃有客其見孫快鳩計以主之者佛其許乎堂成余將爲文以省焉

博望山人稿

卷之十六

募疏

古

淨居院募緣疏

郡志府城東南五十里有淨居院梁昭明太子讀書堂也在今天官圩中相沿六朝來遠矣迄不與陵谷同其變遷爲是帝子之遺踪乎抑卽堂爲院佛力之所冥護乎蓋昭明遍覽衆經自立法身三諦於宮內起惠義殿爲法集之所招當時殿址今不知夷廢何處而書堂猶得借淨院以存卽無異惠義存也千秋後其依依於此必矣法身聖諦億劫永存何成毀之足云乎乃邇來殿宇中圯未復博望山人稿

卷之十六 募疏 七

舊觀咸謂兵火之餘謬改古向南北更朝而小殿鬼星迎入中宮爲不利則嘗求之人家方虔心肅客而所肆几筵或反相背或中邊高低錯亂全似於所肅之客無情客卽能亮主虔心而覩所陳設如是亦復何情久坐邪青烏法固不入龍象門然欲兒孫吃飣須留福座久長亦絕不異及今易向鼎新毋愛財力此院中住僧與本坊施主之事而昭明太子亦將重感甘露之靈全圩雨暘豐稔併受其福當不止本門兒孫吃飣利益而已

行歸德府永城縣祀陣亡鄉宦王三善入祠

近古城危守死舖僅妾爲糧可延六月如睢陽事人能言之當時以李郭握兵無救張許之死貴陽之圍銖銖人肉數倍黃金價計惟相與待盡而王公獨提一旅全孤城于一年之後救文武臣于萬死之餘較唐人爲難之矣旣以貴陽還朝廷卽高擁鎮城命將掃穴豈不優爲之而公必不憚也復親提兵直搗醜巢蕩其室廬已經割其地將版籍之而外運不繼遂爲遁夷所乘被創以死嗟乎博望山人稿

卷之十六 題詞 七

巢旣已搗矣卽身不免亦死于賊之穴非保富貴全軀屬下者也語功則克復犁庭語被難則血肉潰爛併馬革囊尸而不可得爲人臣者授命所事如此雲臺高議君子視公爲何如哉么膺博士長誠不知大計請質之兩廡以俎豆代大招之奠

行汝寧府祀解元張自立入鄉賢

豫之省每三年試輒升一人匪傳也而傳汝南張孝廉卽居約時積雪斷炊經旬斷火親知無得而饋者貧視所不取信矣其風節至奔走鄉大夫築堂而事併他郡國名公卿儀之以變其鄉而及門後勁尚奉遺言以正已統中興聖主之均益德行之淑遠矣不宦達而潛德是祠夫汝士則猶行古之道也亟宜從所請

博望山人稿

卷之十六

公移

九

行開封府尉氏縣祀縣丞陳登入名宦

故邑丞登丞邑九年去邑廿年人士思而口之茲大田茲却路等實蹟尚如一日僑惠夷清竟出榛吏哉寂寂考何人而尉人之思偏在此其相與爲三代邪是宜從所請卽迎主入祠以及秋而載嘗之典

博望山人稿

卷之十六

公移

九

題水心樓記

是記成卽函示余急就虛檐誦一過已如掛眼磯頭應接諸勝不暇矣至寫沙石滄桑江山分合悠然於唐剎空名之舊指點重標令千餘年佐蜀賁志之芳魂一點怒靈昭應不泯者忽省水心大意向空江自領卽當時號亭帝子遺恨吞吳可拾來一笑酌水相印何論覽物者俯仰塵跡邪萬丈沸大雪濤海潭一落漠然聲際爾時作者胸懷筆底更許何人名狀而第以垂橐構奇爲遺使者清風博望山人稿

卷之十六 記

三

題崔鶴梁訓子說

鶴梁崔丈使無錫維小舟姑溪曹子過之出一藁示曰學做第一等人說反覆消芥一乘於語孟要以示其郎君耳此非欲升堂而建鼓也因語曹子曰能綴一言乎曹子諾歸而夜讀昌黎符讀書城南篇思黃涪翁常書此矣以中有公相潭府等句疑富貴之非性命也而曰熙寧元豐大儒者過也昌黎之勸獎阿符與鶴梁之語孟郎君意當無異第涪翁所謂熙寧元豐者非操戈儒門也此其意博望山人稿

卷之十六 題詞

主

題周文川冊

文川客燕送故人出都門挽且行遂逾數千里至姑孰江上始別姑孰有數子從而止之文川復善數子一止復數月不知燕中旅舍已舍別兒否前日薪芻在否舉問文川文川不知止姑孰時爲八月月籬有花盤有蜚雲際有鴻聲在旅人耳山間有紅葉色在遊人面文川從數子觴其間甚樂之問文川樂此時地樂此數子邪文川不知數子皆有所能技事時出以矜文川文川又皆已習之還博望山人稿卷之十六 題詞 圭

相爲奏殆過數子數子因益親之問文川愛是以娛數子自娛邪文川不知其有所得與其性近之與若是則其遊諸長者間空有取爾也獨予偶與座中一博三四觴約一飲卽下文川咋舌已復嘆以爲佳文川足跡不盡天下者僅一二劃所從風老公白墮亦當稱是而乃爾動色豈天下所名爲鴟夷子者盡若彼乎予請以是往瞞之文川則笑曰可矣將別之數日出冊授予予乃以意識此語文川浙人久客蜀是皆解蜀人亦不知將笑

稱蜀人否文川自言遠祖茂叔家營道寓匡廬輟傳徙浙甚詳茲其所爲性近者與有所得與而以此爲有取於人間之文川則文川不知

博望山人稿卷之十六 題詞

圭

博望山人稿卷之十七

當塗曹履吉元甫著

雜著

左蒼嶼還桐索書陶辭跋之

余客舍長安得道寓頗僻時庭聲變秋矣蒼嶼左公得請暫南公與履吉交最善其行也遺一卷命書陶隱君歸去來辭屬神思之適援筆疾書數行不審筆已退甚旋折固不盡意而腕所欲疾不可已有如作辭去來者之決遂竟之顧展轉不自謂

博望山人稿

卷之十七

跋

一

得忽悟篇中世與我相違二語于紫陽帶氣之說有竊中焉舍之則藏我自見舍也權非有舍我者也不然舍則不得不藏道也而奚其能求是途窮之後熱中亦借以修恬名而清涼不必在意氣方盛時也隱君一辭千古仕途清涼之劑而余復用學人語別求其說腐甚雖然勘去路愈刻得轉路愈寬此況此景隨時可以一之吾蒼嶼覽之而叱曰第欲若作書聊識其意不欲若復思道着也余則更不能分罪于退筆矣

爲羅澹研書長公賦跋之

右蘇長公濁醪有妙理賦也時薄遊平陵取程蕪陰避雨舍舟就館數夜夏潦倍淫門闕外作三月流澌聲一天橫勢不可奪都無發舟理借數子兀坐促取濁醪澆之既醉探行笈中唯長公集獨攜首發此篇誦之酣之不復知連宵爲阻雨客也適澹研使至命書遂走筆竟賦胎之澹研方卜作園長齋繡佛柰何更以高陽客言潤乎篇中云如如不動而體無碍了了常明而心不用我米汁祖或

博望山人稿

卷之十七

跋

二

應是語生歡喜心卽澹研不得不有味乎其言之也又澹研無所不可似微不可於米汁不佞謂是往因忘却攜來茲何得爲麴生游說或者藉長公賦舌與澹研說法耳

跋懷素真蹟

素師此卷適放雖從二張草聖中來乃游絲倪渺
中自極圓熟豐美之致固妙兼山陰者也廣明之
亂爲南唐徐氏所獲以庚子歲於建業裝潢入宋
斷失前六行蘇子美補之我明弇州謂藏真自
叙真蹟歷數相臣家嗣歸陸冢宰有總帥復購以
八百金贊之平津邸中矣若溪王兩舟先生閱覽
博物君子也於古法書更精鑒別暮年以無意得
此卷大暢生平追勅後人永爲珍秘先生之孫兵
博望山人稿

卷之十七

三

憲王公建牙江左美牆厥胎出入必載因出以示
履吉命識數語世間神物有鑿坡紫閣所不得強
歿而獨依依於種善之門太丘啓而長文繩雖與
公家青箱共傳不朽可矣

吳見臨荆浩畫跋

此畫原本爲河內荆浩吾友汝南李元鎮從故家
借觀延山陰吳見摹積日乃成有謂絹可奪古也
奚而不河內署也元鎮曰不然標吳志代也系荆
嵩家也著摹歸能事也漁山氏當識之蓋河內妙
上斜拖一嶺如界劃復作灌木隨嶺頂斜排下此
法定非古人不肯肯而實能去蹊徑遠矣而吳刻
意全在此摹之疑於天也區區奪古以絹復何足
博望山人稿

卷之十七

四

云

祝枝山草書跋

祝京兆書體法出長沙素師至頽然天放妙兼張長史其書此卷一行或一字以至數字略用柳誠懸題壁謝章式而走神逸於深穩則蘇氏所定長史略有點畫處是也書家果兼衆妙卽不論一日之神而腕意自運如筆筆鈎勒一人彼矜刻促刺者固已遠矣雖今日醒五斗以學天放而求神逸此不識醉髮濡墨神道疑人者也夫京兆書而須全神于酒邪萬曆庚申正白安先生攜此卷過我

博望山人稿

卷之十七

五

漁山堂共賞閒作評語併漫書之

爲張二無跋畫

恭肅公作山石與樹木本出入北苑叔明與仲圭間而皆變其意取疾揮疎放以爲快蓋能不爲工而工者退焉至其自書咏畫詩亦惟抒胸中所寓皆不得以定物求之常與吳季侯反復誦其江上等篇如一尺魚書將不到芙蓉開老雨中花慨然想白露蒹葭秦風在目前輩大事業人興寄何如曠遠此非世人仕宦法卽非世人詩畫法請勿輕評量可也

博望山人稿

卷之十七

六

跋沈石田畫祝枝山草書卷

今所傳石田翁畫多用退筆中鋒作小斧劈當是以意少變北苑而其源則實出巨然僧梅道人蒼鬱秀潤併極出藍之妙此卷不盈數尺於二氏無不兼至獨作樹葉甚疎若不經意又似少變蓋欲剔透石骨發其斑蘚而後淡著洄溪茅屋遂令人地俱幽古人用法運意絕非筆墨蹊徑可以求者白安先生從敬亭寄示余方展閱色飛復於卷末得祝京兆書以鐵腕手用顛史更出入楊少師豫博望山人稿

卷之十七 跋

七

章襄陽諸公間一日所獲何其種種神逸邪

又

鳳洲公稱祝京兆草隸奕奕絕世惟李獻吉詩沈啓南畫可以配之今白安先生一卷而配二妙所少者獻吉詩耳予因取崆峒集中題畫行有云寧知上智不滯物牝牡不貴貴者骨尺山卽如對玄圖草屋臨崖氣出沒崖根林堂頗清迥遠雲淡淡開秋嶺霜蘿細紆岩檻暝昏猿接掛花溪靜此數語自爲張氏題覺與啓南此畫位置儘合請以補

之爲三絕

題范寬畫

范中立自欲出藍營丘不隨舊習此畫峰巒用鐵線鈎勒作碁頭勢而飛泉絕壑中小見村事蕭蕭非所云師物師意一派天真者邪古人悟後之筆固未可輕擬耳

爲宋比玉題草書作氣如白虹四字

宋君比玉書亦比玉此卷書一氣飛行故取記玉氣以名之人知玉之溫而不知玉之氣兼之乃可

博望山人稿

卷之十七 跋

八

比德止可比書併爲羽冉兄贈

董玄宰遺墨

古稱人物最佳則云散髮亂頭俱好此卷乃玄宰先生遺令子季源者平日隨手便字毋論其經緯曲折自然絕世文章至於下筆不經思慮浩漭穉纖靡不森然天成矩矱吉素推先生爲羲獻後一人至今名愈遠而愈重季源得庭訓與同卧起又不徒以收藏矜小聖官奴也

博望山人稿

卷之十七

九

書張葆生臨家藏會稽書屋卷

手纔一過已咄咄奪家藏卷之神緣胸中有成黃鶴掩本直追遂如燈取影趨庭此授亦何殊右軍之賜官奴邪

題虞伯醇樹樹皆秋色山山惟落暉詩

畫家作秋景但用丹靨落木儘可終是一覽索然如此題秋日落暉要與山樹映帶便當閣筆矣伯醇此圖作未老秋樹濃黛中有蕭瑟大難而雲山出沒恍然夕佳來親人也信筆墨意象之外別有領略非俗工所可彷彿伯醇客余家月餘主人未有獲而陳君探得其一茲從平陵來復以此貽之併稱雙璧伯醇固爲賞者相投無亦是陳君緣分適然耳

博望山人稿

卷之十七

題詞

十

題畫

余今夏暑中齋居意得此景漫筆追之未竟叠在
行笈九月渡江攜之而北到都與客同登小岑閣
上時霜重白雲低棲宛然一幅李成寒林筆也余
因憶有前攜出而染足遺之主人精談秣饒鑒古
舊華亭先生已爲作關山積雪圖而余復偶學步
爲贈豈清人骨寒流雪山卽畫中若有待而聚者
乎

博望山人稿

卷之十七

題詞

上

題文啓亭書畫卷

蘇子曰君子可寓意於物謂夫有不必留焉者耳
至若手斯撫目斯定古能修天能謀比於誦詩讀
書爲尚友也余從啓亭遊啓亭從余遊邪

題文待詔畫

郭河陽畫多號平遠然觀渠宗若虛所評出藍營
丘者又在自出胸臆位置淵深與巨嶂高壁多多
益善徵仲先生此卷正用此筆意雖復橫施數尺
而胸臆勃溢具嶂壁淵深之致極爲合作麟武先
生寶之幾於杜陵老所云天機精愛入骨髓者雲
間溫陵兩太史復自以門中能事翻院中故事以
極推尊遂令山林丘壑與銅龍金馬爭傳世之權
而後知盈盈此卷不獨供丹青賞翫而已也

博望山人稿

卷之十七

題詞

上

題虞伯醇練谿螺黛畫

余酷賞伯醇畫謂其出入諸家自成大手近貽余練谿螺黛圖伯醇經營布置而潤色點綴有正甫皆範諸君極一時之名筆信鉅觀矣乃耶君珠璣數語既綴入鄙句復以點睛相賞不虞妙畫通靈飛來峰復爾飛去余謂世間山川名勝迄無常有獨此中谿山業經諸公落筆共作賣券卽余壽百歲此圖復傳之不可知何人而披圖尋賞畢竟是元甫狎主耳

博望山人稿

卷之十七 題詞

三

清聽齋銘

有清乃聽待聽乃清是名聽清不名清聽夫惟清者無聽不清隨地爲齋隨齋皆清有萬來吹主人惺惺是以清聽非以聽清蓋海客先生之旨如此子爲齋筆以釋其名

像贊

朱方來像贊

汝南秦京豪於辭而安於介者也而君好之江東之有不佞辭無稱而介更僻者也君復以京之好之嗟夫名朝利市嚮之有得伊何人斯而君乃歲歲尋汝海之孤棲惟南陔其爾思卽余不佞麋鹿無定踪蒹葭靡適從亦早托意於膾糜而鐫攜謝之題抱玄心其未寫與子墨之有知蓋觀京之長箋短札推服於君者不啻古人爲徒而昨年君博望山人稿

卷之十七 像贊

古

贊羅伯倫像

窺伯倫以貌而穆穆乎不言然則真者其幻邪貌伯倫以筆而恍恍乎欲言然則幻者其真邪夫舉伯倫一切可名之蹟以無待而傳而此猶斷斷乎貌伯倫之真以筆邪夫窺伯倫一切不可名之真以無言而神而我猶規規乎視伯倫之貌以言邪

博望山人稿

卷之十七

像贊

五

沈璧甫像贊

余別璧甫以詩頗似寫意中之生乃璧甫示余以圖更將文紙上之真既而思運寸阿堵不如五字遊諧阿堵則周璧甫一身五字則兼諧余兩人蓋彙從所親則體肖乃神是用書別詩於左方庶幾附人貌之榮名邪

李錦衣贊

走千里而榻者客之緣邪坐一泓而濯者勝之緣邪常試語可名之事無不兼可急之義無不前而獨寄其神於吳越海嶠之間直欲挾我遊戲三昧而出入諸天噫此爲區中之緣區外之緣顧使我按圖泚筆疑御風而冷然

博望山人稿

卷之十七

像贊

六

黃元龍像贊

賁然淵然不濁不清所分者一人之體與神而已古今來治亂無門人生其間動靜亦無門有必至之時必有幾先之人能爲幾先之人卽當日處後之人識之所營光之所映可以千萬其羣而論者乃獨以滑不濁澄不清稱汝南之徵君殆未見吾元龍矣

林太翁像贊

摹照於座轉紙卽失毋易言追矣照已於鏡合曉
卽失毋易言追父於遠矣技之絕邪慕之極邪神
之通邪是爲乾維之翁邪

博望山人稿

卷之十七

像贊

玄

田枝鹿像贊

體與人近而每嚴於一物之緣氣與物平而每決
於萬人之前試觀其呼吸經營運數百萬之艘能
不驚東海之瀾而獨不鳴不躍無意聞於諸公之
間不佞履吉若非徙倚東偏周旋一年由班以窺
全幾直以爲同年而比肩者矣

徐室生讀易圖

同於世爲入於林緇其跡爲玄其心藉韋以石和
風而吟夫孰知知幾之爲神吾與之盟

徐室生幼時像

尺寸之萌而尋丈具焉覘者由其全以知其堅君
去此不甘年而復自貌於林壑之間手周易而穿
韋編是夫志慮全邪堅邪請就二圖而併觀

博望山人稿

卷之十七

像贊

九

題梅見復小像

書見法詩見情非仙也皆可以仙孰知其然千里
而起急難一言而許生平非仙也皆可以仙孰知
其然夫老氏之言廣大無邊非柔不堅非專不玄
從古高真之骨乃世間之名士而敦名義者人所
不識而神仙之所最憐微斯人吾誰與遊楊許碧
落之間

博望山人稿目錄

卷之十八

尺牘

復董玄宰大宗伯

復倪鴻寶太史

寄黃李周三同年

與陳眉公

寄宋獻孺同鄉

與潘景升徵士

博望山人稿目錄

與方潛夫同年

與程將軍瑞初

寄同門李元鎮

與余啓潛水部

與周仲馭水部

與徐室生

與張北海吏部

復屈翰林鵬洲

復武陵胡濟之



寄鍾象臺進士

寄吳玉符

與余集生同年

又

與袁小脩同年

復劉水部玉受

與費子與

與胡尉君論水忠

與何叶華文學

博望山人稿目錄

復程凝之上舍

與申青門吏部

與竹居宗正

卷之十九

尺牘

寄姜箴勝宗伯

與楊大洪先生

復王非熊官詹

與阮堅之先生

又

與方坦庵太史

與杜退思比部

時論滬陽

與唐宏之

與湯嘉賓先生

與同年張貞菴

答袁公寥文學

與沈璧甫

寄馬仲良

博望山人稿

目錄

三

復朱宗遠文學

與方密之進士

與劉嵩縣

復褚冲夷內翰

與信陽州徐守

與來陽伯中丞

與侯木菴司成

與侯六真督撫

與羅澹研進士

與韓孟郁

與藍田叔

與韓煦仲

與徐準明水部

與方文學

與唐君俞

復同年上海令君

與茅止生

與史亦步

博望山人稿

目錄

四

卷之二十

尺牘

與湯霍林先生

與周季侯侍御

時令仁和

與文學劉旭

謝同年劉玉受

復韓求仲太史

與李仲達侍御

時司理南康

答王遂東先生

與吳觀我先生

與徵士秦京

又

與高侍御

與方潛夫職方

與黃仁甫年兄

答舊尹何越崎

與阮太冲

與沈瀛海大將軍

博望山人稿 目錄 尺牘

與宋文王永城

與月伯摩

復同年方孟旋

與盧以崇文學

與韓孟郁廣文

與王和梅兵憲

與張葆生別駕

與彭天錫

戲復林邑侯

博望山人稿卷之十八

當塗曹履吉元甫著

尺牘

復董玄宰大宗伯

履吉不肖嘗讀鄴侯傳至夜抱九仙骨朝披一品衣旬每企慕焉而不得見乃今幸見我董先生于秩宗寅清之地望其容則冰雪聆其音則珠玉進而叩其懷者則東華之玉篇遊藝之奇則又初平叱石回道人掌橋之靈異閣下真藥珠宮中人也博望山人稿 卷之十八 尺牘 一

塵上生分無處容其趨步履吉顧何幸屢從天風吹下時得瓊瑤札諸所爲獎許不肖者甚至謂不肖差有血性有傲骨有馳驅王事之愿上下古今之恩履吉每一燕接舌橋口噤而不能下夫履吉則何以得此于先生哉僭欲進其薄技而自媿家思王之繡虎嘗悔子雲之雕蟲僭欲列于博賞之侍而劉邕之嗜痴徒勤諸梁之似龍多誤仰視大宗工不啻勺水之于滄溟也辨香皈依恒在先生左右何時入先生之里登先生之堂得罄所欲言

乎履吉且沾沾自許作三神山一度矣

復倪鴻寶太史

憶癸亥歲守官樵枹無所比數閣下身任弘文方爲章雲漢乃獨收恤與徵楮墨之事至南還日又獨命駕遠於將之閣下所爲遇吉者至古矣一行作吏苦爲格登所拘兼以戒心選緝一字不敢入長安坐於雲漢之閣卡展候私乃者 新聖御宇閣下發軔大政功收格天海內紳紱正如百川學海鱗介宗諸東國人倫不失一士而由呂下及所博望山人稿 卷之十八 尺牘 二

爲錄記履吉者在諸士之外更溢于楮墨之事之外閣下所爲遇吉者益深矣吉便以閣下爲虞仲翔今后世一人亦豈復自知其言之妄哉羽便肅復崇堦無任悚仄

寄黃李周三同年

不肖履吉之奉盤盥而從諸年兄遊也惟伯安先生爲密蓋敬亭仙吏舉帷而過白苧深夜論心者歷數年仲達先生生長五老峯時江魚往復心期無間而季侯先生則嚶鳴獨早相許以古人重遠事

者已非朝夕三先生所蘊蓄履吉得而知之履吉微尚亦三先生所深知也當居憂時感憤時事薄有賈生流涕之策徒託空言出而仕又回翔郎署且勞勞列在委吏行中每聞朝廷一善政臺省諸公一嘉猷未嘗不焚香而祝已又自歎其身之不獲一當也雖幸從諸君子後亦嘗竭屢洗心薄有所効而俯仰自笑此亦豈天下急務乎方今天下急務不在錢穀而在拾遺補闕拾遺補闕有標本之急則治標孰有先于君側之一蠶者乎齊堅刁

博望山人稿 卷之十八 尺牘 三

宋伊戾秦趙高漢弘恭石顯唐輔國朝恩之屬三尺童子知史事者能扼腕言之履吉不敢贅陳以賣大君子聽卽近述 本朝如振如瑾如吉祥如直先後迭見 祖宗來防微杜漸之意日就荒落豈非以憑城據社不易剪除乎雖然固未有如今日之甚者也振之陷乘輿也狙于 文皇犁庭之盛也吉祥之擅也怙復辟之微勲也直之縱也曾勞于疆場也瑾之持太阿也 人主方少年而耽于嬖也諸蠹罪雖滔天似猶有說以解彼其之于

瑣尾無一能而 今上英明又無鷹犬般遊之好
殊不解其何以至此極也外臣痛心疾首願上一
書于玉階而又自念職非諫臣不敢出位且有三
先生禹足言路其聽鑰想珂之際所痛心疾首而
欲言者較吉必甚而聲望崇隆視吉又不啻霄壤
亦曾獨居深念促膝交談有不動聲色而去之之
長策乎童牛已未牯矣豕有牙尚可積非沈幾大
力人不能濟夫三先生則沈幾大力人也三先生
言之而効猶吉効也使吉而得從三先生後敢自
博望山人稿 卷之十八 尺牘 四
愛七尺哉昨會計竟偶客過述都門所聞見吉不
覺欷歔泣下嗟乎此意固未易一二爲俗人言也
先輩有云擊而不勝賢者爲陳寶不肖者爲訓注
訓注不足道矣陳寶二公凜凜猶生氣也 先朝
李空同先生代開臣草攻瑾書名章雲漢况身在
日月之際自上封事萬言哉卽事有不測三先生
且不朽千古矣燈下作蠅頭函密囑一僕匆匆而
進聞遲緝初設此僕亦慷慨成行或不測吉雖以
身先三先生無憾也臨池悵塞不知所云

與陳眉公

不肖履吉踰伏款蒲意中殆時貌一眉公先生也
汨汨風塵中未遑造請入長安首見玄翁宗伯則
口口眉公先生不置亦云眉公先生知有姑孰曹
生夫先生之于宗伯異味同岑識者欽其氣誼比
于王裴之在輞川然裴秀才風藻小遜或猶以青
雲聲施爲憾若先生之視宗伯則道骨玄思博識
綺文無一弗敵而孕秀又適共區休哉來仲樓之
唱和望若卿雲兩角矣不肖吉初衣方遂世想盡
博望山人稿 卷之十八 尺牘 五
捐傾家人生博得先代尊彝一二于晉魏法書名
繪尤切濡首閉戶摩娑不記晨夕嘗意吾代博雅
一道惟雲間爲最而雲間又惟先生與宗伯公爲
最有宗伯公以小友見收固不可無先生于喁之
應也晚香堂刻就吉姓字尚未通焉晚矣敬因友
人上謁寄近稿一帙求正并請珠玉之導非久當
扁舟入泖盡以小技薦之太雅卽米家書畫舫亦
藉手面求鑒別也

寄宋獻孺同卿

名士會葬古人所重人子有財爲悅力不能及此
仁兄乃獨執此高誼以施我亡親不審今生頂踵
何所效于知己之前也別之日追至東郊正見髯
翁相與望塵不及而返偕歲隨俗了家人事與仲
良飲一二場亦無他奇惟初九偕髯公家仲出祖
采石伸良上我一葉之艇繞出牛渚絕壁是午天
霽日光斜薄磯石倒懸側見皆如水裂刀割不借
苔衣自然老翠酣朱鮮發眉目又以冬餘水落直
下幽洞戶牖大小各開無不毫髮畢現翻似山靈
博望山人稿 卷之十八 尺牘 六

有意吐奇以博豪客之狂叫青蓮先生一領宮錦
笑傲固不足多耳已而方三舟于望夫江中上下
數百里波平如掌指麾巡哨紅花二旗進退飛舞
仲良與弟唱徵調作激雲聲所携十二瓊垂盡將呼
江水足之忽若江中朱衣怒鬣者若咳且嘯于波面
條引長風颯颯吹帆欲顛濤亦作沸舟人大恐暗
地斷維各舟雙槳始獲南北分指記爾時仲良則
每一顧每一發聲未嘗不叫絕以爲半生行跡第
一場快別卽元甫亦不知狎長是鄉何忽橫教至

此也第恨眼底不見獻孺先生借使得偕不知更
作何奇愈惹江靈之如恐不容舟人暗地斷維破
險而歸矣書此一段附往想髯翁見之乎

與潘景升徵士

時才接起是喙皆鳴諸吟咏小致孤懷不論有如
推倒人物狎主 三朝蒼撮成事掌指九宇歸然
以靈光身作周柱史眼底求景升豈得兩人論此
大微獻不當在野所以于野天爲三朝之事別有
深奇其最細者亦爲江南爲金陵新安諸雜志而
博望山人稿 卷之十八 尺牘 七

不肖則妄以爲私幸者殆令履吉知眼底金石之
事可見乃爾須從景升於野求之邪若是而幾幾
獲之自以爲喜其何能不狂金陵往返榻我三日
說語不盡則片語已盡若欲說盡則經歲經年亦
何可盡且爲期五月十日中向紫髯下倒翻天漢
耳婚嫁畢而復孫謀真比向平多一不了靚面而
覩履吉不以相告欲復誰因而使者候公寥兩日
竟未至虛此一籌所不識者李十二十五耳至公
賜則爲好十年今與字甚切當無悠悠止生義烈

素聞既知人間劉豫州決不以未同相背或有少
濟若併夢浦三矢一等參天則是毅弓者騎窮相
驢便累景升千間厦亦惟有改期從吳門如所教
莫謂是西江水也

與方潛夫同年

夾江而里者聲塵相及無不平生也况都邸同升
合復作焉乃吾潛夫先生獨浚出匣之神若不異
子年藏也者而按拂鬚眉自洞精赤弟履吉嘆詫
謂世且急需之而謬以託根比體爲私豈甚有封
博望山人稿 卷之十八 尺牘 八
邪凡吾潛夫到蜀嘉排橫室脫奇獄以几上風霆
作四郊雨露聲在京華殆無脛翼吾南土直雷起
處耳固不待吳伯翁老師纒纒言之誰將西歸寄
之好音古人強志所合往往從旁佐之堅決弟履
吉幾欲走長言一希吾兄宰州郡宰天下亦若是
要視不與易者在我彼力能易我者不問也

與程將軍瑞初

張心陽王皆范俱以客幕府來問菰蒲中相與談
高誼甚熟履吉所爲未面如面不簡而簡者以二

君口載之往矣茲潘先生來則又具足下文章樽
俎所不待言而體統樊圖毅然不可奪夫古今功
名場特一片堅骨所成此骨一靡無論爲儒爲將
無一可者眼底時事蹙矣大疑乏人政緣乏骨耳
足下具許挺持國事終借大臂但留都鎮東南諸
壁不得無人敢願慷慨鎖鑰之任姑孰上流地坐
受錫羨多矣

寄同門李元鎮

籍中赤帝多人偏吾元鎮先生挈履吉聯師門蘭
博望山人稿 卷之十八 尺牘 九
龍退而賞罰今古卽論難百出同一厭志及其結
撰吉卽不敢言行步偕工而體趣亦無不合甚至
閑情小技取友行觴能事所占併其性情而一之
吉自惟生平長心妄膽別無所試乃今私進于吾
鮑子前獲之者絕玄造之者寧謂無意與前秦京
見過言年兄自離家赴任卽勅斷麴生又書來言
年兄日起課古文詞一篇當是飲少神王几案無
復勞人還與古人爲伍耳吾兄以妙年負大才而
又日積強力如此天下事何足難乃公惟其爲之

無不空之殆將以貽之一代者貽之師門而又以貽所厚善之一履吉然則所謂造之有意正履吉所爲私獲之紀玄也念仁兄不去臆適值楊舍親京役旋勒此道輓轡之一二明年吉亦入都得向花宮雙樹邀碧漢寒輪重照兩知心于願畢矣惟吾元鎮足下自愛

與余啓潛水部

邪立作報於欽遲素心猶之乎在舍未吐也蓮山青使有造能通仰慕蒙濡足尚需旬月而嗣音乎

博望山人稿 卷之十八 人頌 十

爲是性有拙技不愛于墨之醜將染小景寫知己之琴心而染不時竟輒爲他所奪其得竟者又時時爲人取去昨飛雪打窗白光溢案既復有致而廬居之人又無歲事乃據梧而潑二墨緘以奉教亦不敢涸涓餘物台臺倘識其意或不重麾之也

與周仲馭水部

憶甲子秋卧病金陵正親見相如成賦日也往與貴座師箴老結道盟撤閣後每相存則擊節對舉雄文爲南中數科冠台臺比推及烏之誼亦見在

寓中顧以守醫家戒言閉一室斷絕報候背若負芒及昨台臺謁選憤慨時事抗章責當國者其言嚴正而激烈令人不敢逼視夫此當國者所踞何隅而以牽絲待命之身輕觸其鋒且不畏黨護之人架子積弩而待其後也風節爲何如哉不肖吉愈欣欣願執鞭矣乃邇者弭節蕪江歷夏徂秋吉終以隄戶匿影未通尺一而台臺不鄙江漁乃先以青玉案且抹及次小兒學語之業而欲進而與之言也此高誼豈不干古哉辱北海之施妄擬良博望山人稿 卷之十八 人頌 十一

與徐室生

野鷗方浩浩萬里而雞鶩必與索鬪爭食隨運所集翻覆無營生性繇來蓋仁兄三十年所熟信者此回龍山謝池溪光一帶永落吾掌共吾室生游泳歲月方富可不須更握算子也適數遠人至正苦暑耻惠來家釀大甕益以方物食品相助拍浮吾室生卽身不得來而心與野夫同醉寂寥中真

咎益然所感豈曰小補之哉

與張北海吏部

弟開戶數載鼎峙同遊中原者寥寥來訊而仁臺乃專役百舍問陳人於草間仁臺自迥立千載弟乃舉時人之以浮沉爲臧否者相爲短長可謂失言獨台臺正席清通銘營海內而陳人竟不誅便足稱賀是古來高詒獨有憐范叔一事而王貢彈冠亦作熏轅世態矣豈通論哉奈時事不同卽入山已深尚須握粟出卜而長安竿牘不測更爲寒博聖山人稿卷之十八 尺牘 主

心且聞近來諸公八行中俱作誼謎卽所狀寒暄俱費迴環射覆封題僅盈寸許如郭汾陽截藏之紙似非全盛文物所安然小心敬戒固亦不得不爾不肖弟旣已北山習隱豈復子墨強走京華坐是空有夢馳絕無腕裁于左右兼以鼎峙同遊日擊親切中心不欺者上可以告之聖明下可以告之朋友無所不竭正不令不肖弟知而在弟請悉以臆亦無所不知大抵言者未必爲而爲者不必言此天地鬼神道義數字尚留在有心人一輩間

二儀之所以不毀五倫之所以不缺初不爭拳拳於毛穎君也便勒至此再自循省終是小心敬戒滿紙都似無歸着一言昔人書畏江河之嘆竟是先獲我心矣微台臺孰與鑒而原之

復屈翰林鵬洲

憶往者守官糠粃不敢與昭文四部論方幅萬遇獨吾鵬洲先生物色而結道盟蓋自劉心老邸中夜語以後不厭相過遂使牛馬銅龍頓有雲霄杵白履吉固器器道聽古昔者感此古諺寧一日忘博聖山人稿卷之十八 尺牘 主

乃前者從衛懷歸來業已軋軋玄亭且復羽車招我竟緣此中故事率自扁開卽有名賢雅故不聽造請而寥廓咫尺間忽渺河山悵悵何及獨恃吾鵬洲先生心知其所不容不膠而若以其所甚懼者從其膠使號于衆取一硜硜者例其凡而莫子督也則至真之所施大耳

復武陵胡濟之

尊庭義竹佳刻遍行則知東南竹箭拂漢雙翹而今兄助翁公祖又所謂知弟如兄每語必推仲氏

以弟言之亦有仲也其見語尤亟而時則目極湖
天行分衡雁官署低徊無可命意則又時進家仲
而語之以爲見若仲也猶見吾仲也則唯義竹堂
中以氣體爲文章以毛裏爲臭味相於此極也弟
吉感而思思而幾見吾年臺者其情殆如吾助翁
公祖則擬裁尺一書借采石青山之靈庶動軒駕
而大書已儼然先之蓋書到之日爲四月二十五
晨以燕後初得朝雨披讀如對清人骨共坐清和
天氣中少遣幾見至展讀簷頭在山塔詩則又自
博望山人稿

卷之十八

尺牘

古

參朗州相輪上矣千年佳識自應君身弟吉倘爲
先人未了事浪走長安當于壬春把足下公袍而
誇妙句之先傳也東中承徵拙筆江臯錐沙之技
敢染向仙源渡頭乎雖然業爲助翁之痴嘴無所
逃醜復何逃于足下漫染寄笑足下果不愛真采
石青山而但謬取筆下之采石青山乎

寄鍾象臺進士

翁兄大捷與不肖弟前之濫收大可開時人一目
蓋翁兄與弟皆蒙于飲肯寄於飲而性情精實之

用與夫慨慷當世之故不謀相向四方知交中蓋
有物色之而時人固無知也今相繼出門乃稍稍
謂是夫殆有精實地而舉者皆其寄乎至於慨慷
當世則又非俗士所知而翁兄行且挈弟以從海
內知交之物色弟卽隸也不力敢不惟振臂之呼
邪殿庭論次五字風池信是出門榮遇獨方今國
事大壞兵刃相接此局不知何時得結轉眼清班
殿直其任方鉅其憂亦方大似非往年受用進士
顯官四字時弟明冬或入都相晤直是慷慨當世
博望山人稿

卷之十八

尺牘

五

與翁兄又作別論矣

寄吳玉符

不能爲時而爲其時之具可自信也門下不自信
而遠問於不佞不佞取其具而評之期以善自護
此亦天下有目者之信矣而謂時獨操其不信當
無是事然則門下所爲身親劊劊以自辦他文者
乃他日自以其業奔天下劊劊者也何虞今日不
自辦而欲徵信於不佞之言再勤而使灑灑駢言
在排比之外別見精能披襟驟當愧不敵快卽擬

揮數字屬三日中客子與公會交集急不能作兼
不佞賦性鈍而且僻凡有妄作卽小致孤懷亦聽
其自至不爾卽呼之不應乃冗劇中彼尚未來而
使者苦不能再候故止以數行付之或知不佞之
無足徵信不如其已留拙手以待尊卷之行倘必
欲命之卽候刻來攜歸足下當取道敝里不佞無
所逃於面迫也

與余集生同年

塵垢皮囊彈指便盡正須染雲烟爲五翳乘夕遠
博望山人稿 卷之十八 尺牘 七

於玉桴江漢滄海遙迤沍濫只此是大身補報不
盡兒女鬧惺同一受生信矣弟吉卽不諳真諦惟
望五指東行真是離家爲上首耳

又

積年奉教于年仁臺雖意氣淋漓每有不及了之
處及昨來竊侍二日乃知年臺往日猶翱翔規矩
之中此時直脫透自在通變神行親見我佛大散
金光猶問身中多少圓孔甚矣不自諒也獨吃飯
不衣誰爲領受等語弟恭承喝棒遂喪所懷來要

當別滌胃腸重來虔領金鯨之度耳

與袁小脩同年

殘臘仙舟破風雨行大疑擇地而主令小堂無色
比約春正仍泊蕪暫候及三月朔公寥來客則已
知相晤金陵別取道去矣胡理公言得弟字卽急
足去檄而堂上公乃故欲寬之三月彼所爲相賢
者法如此豈知小脩先生本意遲遲吾行者邪才
名入臨熱地界人情相慶首循開荒可以不問道
遠音稀有心莫送復此素札便郵去人去人卽姑
博望山人稿 卷之十八 尺牘 七
蘇王鳳枝鄉夜酌顯靈宮曾于樹下度曲者各以
爲佳茲遊固甚浪然而其爲丹青技又不足活齒
頰蒲葵倘不校其所挾邪

復劉水部玉受

信以爲有揚榷事乎令人作癡訝半晌旣省乃公
蓋實戒心焉大我西來至此一派空明天水歷代
帝王不能囊有諸佛菩薩未聞降臨卽依依沉魄
是邪非邪豈名號領一任虛閒付與造物者該幾
千年而吳門使者來則收拾無邊盡於飛樓劍栴

又以飛樓所有之無邊忽引入於樓頭非有之水
心寸管揮斥推倒吐吞莫知端倪令西來一派天
水做弄奔忙求供使者之揮斥而不自謂給而使
者副墨之子強起狎主反似有未屑屑者噫人天
悲業亦大雄抱矣語云名所起處當有物敗之况
搖筆雄擅兩兩寧不虞此際之有物乎江東固無
如許五丁惟使者意中已先着古禪師無孔椎耳
小人之腹止辦自爲顧不知更似搔着乃公邪便
爾不訝仍未是癡至鈞轟一響珠流火噴寶還空

博望山人稿

卷之十八

尺牘

六

江主人此際證法何地直笑陸法和不願佛王位
何論杜陵老寂寞身後名而小人之腹則又謂作
此推想非此主人亦未敢相許劉郎中盡掃神女
祠詩香山閣筆劉開尹獨步水心樓記衆韻無聲
門風的事間代同符不得不爲一語謝之曰有力
博浪負之而趨其實默然一往正所謂千古斷碑
人膾炙不知世有段文昌也癡謂果然都不復訝
獨是一縷怒靈者記中所云天戈彭蠡能助陰師
今歸依水心立現實果豈不能從雷音天龍八部

護君家雕龍三昧小人之腹縱不能忘彼氏之子
孫夫人想于鼠器之舊論亦習之矣若以爲其語
不類于半尺厚石用神力作并州快剪割未以付
之惟命雖然身是功德主人所好靈女子慧菩薩
決不出此前請真癡亦幸勿爲癡請多事也漫此
廬居又幾見齒

與費子與

咫尺方間卽不覩止猶眉睫見也空生愛我至推
把臂之英豪舟而相視尋常誦其人如玉徒想像
博望山人稿

卷之十八

尺牘

七

耳兄裏韞而表乎與家仲時理舊語以爲及今乃
得一當旬日所慰豈獨爲廬居破涕已乎弟口不
能舉似兄兄乃更從楮上沾沾寄謝邪相吐之棕
不知誰實應急耳空生前立語趣反惶恐無報茲
乃勒上秋風葭老倘有不棄伊人者能更相從如
前日乎

與胡村君論水忠

霖雨漏天八口麥新失望而親知間過語者併愀
然於市河之潰堤居民尚無安堵完策不佞生長

此土每一念至不禁病舍芸田竊與憂均同室而平時固好於長上之前抵掌借筇胡以當此乃復漠然則業進諸老成人與畫長計蓋其所圖爲必然可以經久者仍自有道擬便晤郡公熟請慈裁卽方今水發有手莫措而計可定早無嫌明出一示以安衆心當亦郡公之所慨然俯採者也乃不意門下已軫是心韻爲二謠以勸趨事不佞誦之卽古齊移河鄴民之聲也官同情一雖立刻響傳都無所云不便者河邊走路隆隆斜築誠不易之博聖山人稿 卷之十八 尺牘 壬

理惟是愚臆尚有所出則以今髮河地處亦有覆在屋下外視其磚旣如壁立而突從中圻或下陷尺許如張謝二家者此又有說疑不盡闕露地水留而西河之走處往年未濬時亦在露地流水無法乃經雨不弛獨今稍濬且又加磚而雨後一帶崩蕩不復舊觀則講求長策不佞所謂欲熟請慈裁者也區區之愚於二謠流傳或請稍待俟補其未備者以此不佞自託門下同心絕無少避卽門下以至慈爲至虛不復執弋獲而罪之矣

與何叶華文學

前得尊公示知足下哀泉庠籍汗駒龍友其靈變無不龍者當其族雲而起方且不崇朝而遍天下而望者第以頭角嶄然異之此未可與寥廓觀也乃客則言近見足下其氣益沉其精益歛舉鄉所過而不留者亦若絕而不過此殆文章筆墨之外別有龍德之神而弟所信以爲崇朝雨天下而區區之賀不止爲今日者也卽其具三物不腆實甚要以行鄙意之所期而寓諸物者在足下或無問博聖山人稿 卷之十八 尺牘 壬

焉耳

復程凝之上舍

不佞履吉往北行渡江者四皆擁蔽一輿昏若無覩今來始得從榜人紆翔問津與江淮之士慷慨畱連卽無不啣舟追別也頗離懷豪想猶在相併未降而吾凝之足下忽從後來精氣乍騰挾遊世量之外已復啣舟輕百里而追別也夫江淮之欲盡也而海東之江淮之士追履吉欲盡也而凝之東之此其心有求而歡若待也兩不能喻而子荆

旁喻焉至子荆亦方別問雲紫其從金陵來也忽焉而若爲之交相介也此其故子荆不喻也則亦凝之之神自動於其間蓋凝之以鯨吞鰲呿之才不跋紫瀾而周溟渤猶占一業涸跡羈人卽未得攬見第終夜薈集前人書雕刻于五七言爭近古之精其情深于哭窮途其思苦于救性命故所吟成一字一句一篇有遂意而無恒境有翻意而無借境其不作緣一世之詩卽不作緣一世之人而獨自抱君手之脈久矣第不解何以庶幾履吉也

傅聖山人稿

卷之十八 尺牘

圭

有知期一遇焉與子荆言未嘗不及之而履吉也亦初治陸裝其舟從江淮來也忽焉而若爲之自介也此其故非惟子荆不喻卽履吉亦不喻也則亦疑之之神有攝於其間而履吉於是乃得一當疑之遂定以爲江淮盡處當有此海國之英非如是沉鬱排蕩不如是雄觀聽餘人以百谷清濁淺深量疑之政可不問此則斷斷惟子荆不河漢此語耳清江浦口之別暮醉莫中翰君舟次晨入黃河急流舟駛內子問我同一舫與兒女嘈雜爲羣

欲俟入直河分舟乃爲先太君草傳而君家老蒼頭苦不肯待履吉無奈飛筆付此兩仁兄讀之不識以爲能知其子與否卽所適度能傳其母與否可知也伎倆已定雖早與晏不爭兩月間矣

與申青門吏部

長于蕭寺語別一行遂淹二年比初渡江妄矢念必欲歲類兩周今歲考甫通臣精已銷亡矣感年仁兄念我遠字其勒中間語及白門多暇共仲雪年兄選勝對隸新詩小宰體尊而務簡分明天縱

傅聖山人稿

卷之十八 尺牘

圭

佳人于此地管領此事老塾師于何敢妬中原嵩洛多仙佛好處督學使者馬跡可周又前名人爲此官者所至皆不乏嘯咏計其時弟子曾不如此多而弟來此又妄以矢念故計歲試卷幅凡八萬餘心目俱竭鬚髮枯落大犯孫思邈神太川之戒卽過名勝地皆車不停晷又何知顧影恐不給也坐令於此事荒落無可封題寄我青門先生又賦性迂慙不耐周旋人臺省書無一納者獲罪寔甚卽旦晚得謝去從年仁兄遊一二年收召餘精

後入華陽洞天如吾貞白所云慨歎永明得爲今日事者于願畢矣

與竹居宗正

是官皆有閑也而閑督學一官爲甚一切招攜酬往之事勅斷俱盡不佞渡江來欲尋夷門吹臺舊蹟與二三勝流少結嘯咏顧視此中十萬蠅頭文字日不暇給而此中故事率如三日新婦不得跳而問文酒事非惟其閑是官也亦以力不及者將請自受閑矣獨望名德以古彤伯祭酒宗雍與不傳望山人稿

卷之十八

尺牘

五

佞學政時有閑會正可以公事修把臂歡庶幾晉人所云一日千古而又以鴻枕自高稀出對客卽此寤寐天亦不借綠邪伏承新篇見示因悖中得朗吟之快誠非小補檢箚中舊語皆未挈來祇得小榻一種先用往或有光素卷子示來當潦倒書所記憶數篇爲笑濡墨詩瓢功令不到几案以此踰閑或不爲罪過耳

博望山人稿卷之十九

當塗曹履吉元甫著

尺牘

寄姜麓勝宗伯

新聖御宇六合張羅向來履虎折角之僞連茹牽復要如年翁閣下典試程策中蚤引祖宗朝大璫封爵之禁幾先曲突寥寥一人今卽旦晚宜麻正是讀書宰相此吉所爲稽首賀也敝郡別駕張公祖前自淮揚歸具言仙舟北發垂問履吉近况博望山人稿

卷之十九

尺牘

一

且舉吉子丑來憂危憤惋諸語津津不去口實夫閣下固吉所嚴事卽吉之知己也微閣下孰知吉一片苦心久已與漆室杞人共耿耿哉言不幸而中猶幸以偶中之言記存于閣下吉雖歿齒田間不必青蠅爲弔客矣

與楊大洪先生

京雒塵中素心如矢獨幸侍大君子竟日得奉澄泊寧靜之教退而思之此二言者從卧龍先生來幾與經傳並傳後生小生習聞弗味坐令一片水

雪化爲炎濁世界吉亦炎濁中人也不知何以此
意猶存不復向人言亦無可與言獨見吾一代澹
寧君子謂是性所近也氣所類也望之而魂與而
是澹寧君子者亦若取其類已而神許之故其跡
若不與衆人同密而可決于世態冷熱之外保其
不疎卽其淺者對面無揣摩出口無嘖嘖覺精神
亦省一番枉用此卽寧澹之一端我大洪先生所
爲相忘竟日而友卧龍先生于千載之上者也行
矣先生履吉何敢他喙辱徵小榮敬寫一綃爲別

博望山人稿

卷之十九

尺牘

二

滄洲烟水視離亭柳色固倍勝也

復王非熊宮詹

世間五行之感千里爲從於人有之從其有者求
其似浮沈聚散不入其中此意殆不可喻諸餘人
正惟稱向先生先生倘亦獨許是子殆可語此十
年來直一室千里也往不奏記云道義玄同過於
人間情感孔子曰好德如好色好關雎者至於展
轉反側文章德業上下此事誰容妄從爲從吾好
如情欲於德業者德業之盡卽爲情欲心能好之

口筆總不能致之吉於餘人誠無可喻也又安龍
自喻之先生哉捧當制之詞如天我明發者維時
亦六年往矣狗馬心終不得當以報乃黃閣綈袍
遠枉紅珊而存老教書於嵩山汴水更糟糠乎同
年生也諒真逼古譚廣文吉早自得之微早得其
人於文卽昨秋以博士敘轉矣已面約區區幸視
此中當力主與公車文舉南宮所註考絕佳而臺
使者獨格之則彼去判妄意耽入羊叔子耳雖可
憐無損也當茲益爲曹丘各主者所以奔走才士
博望山人稿

卷之十九

尺牘

三

綴所事以慰委命

與阮堅之先生

大道旣淪諸小喙目不識秦周以上文字先生獨
持斗魁反之三百篇騷經而上其言閎博奧衍當
世莫能窺其宰大恡無過此事先生已奄有之貴
仕一途天所以待枵腹而命達者原非以奉博學
人北之蕭關南之嵐岢而繼之滄萊乃風騷中所
擷取安身佳境永明中求祿差舛正謂今日之事

吾黨正不爲先生悞疑天意惟所悵悵者菰蒲賤
子咫尺江門不時探塵垢囊附公超之市以此爲
虛度耳

又

詞家相標賞語求其人真實不愧古來所少亦絕
難工第作者以其所賞寫其胸中一段虛懸佳處
每手杜集投贈諸什中讀一人自有就中驚人語
固非少陵不能耳辱先生惠高篇搔首天門長空
大地等句若此下着一遜讓便有三分不識差要
博望山人稿 卷之十九 尺牘 四

見此道沉着抑揚之變已盡逢人點定自不求異
不苟同妙句橫溢卽離非泥令當者不暇計其所
安而祇驚造境之所至卽先生後先諸名人獄獄
騷壇上首無所虛左乃移其最下解於菰蒲中人
荷識境之所會出虛懸以驚人吉縱徐得其所不
安而亦不謂非其情也已故但有識志而不及遜
讓可也

與方坦庵太史

弟吉匪影棲遲僻同夏甫獨開外青山時寄孤嘯

間遇畸人韻士遠千里來者亦卽藉手作供而我
坦庵先生則固今之謫仙人也春深烟暖採芝山
曲雖李先生騎鯨上下時亦當望髯而驚舉絕羣
語相贈吉何幸以施松之舊得辱看竹相遇晨夕
聯吟兒輩色喜忽送旋車惝恍如有所失僉地主
信不足備駒糞矣然終有開外青山在可與嘉客
作綠帶水江帆後期固匪遙也請爲日以俟

與杜退思比部 時論深陽

丙春逐隊多人獨仁兄與弟至真相許遂聯骨肉

博望山人稿 卷之十九 尺牘 五

之交其時卽有與仁兄遊處最先而最親者退而
與弟吉語皆以爲非知吾退思者知吾退思惟弟
吉耳語夾涕下不猶昨日乎弟吉則何能一日忘
吾退思此意也乃別去九年來不奉半面不通一
音往者弟廬居時仁兄客秋浦以爲決當過我亦
竟杳然後知仁兄實欲來唁我以不得已事遄歸
遂爾兩不相聞直至今日忽使者到得奉手言盟
心人自不論世套至通章引義深古欣獲我心時
弟僕僕常調陞轉正應酬約使者停一日來及再

跡之不可得矣仁兄知此卽不訝不罪弟何以自
安邪長安咫尺風波大非懶拙人所習又蒼輿自
以告養行而翻謂弟不肯留之將尋師焉弟亦不
願住此任教作老僉事打青涼傘而出無不可只
自叮囑退思先生者到今日方舉禮闈正未是遲
但須努力入金馬銅龍萬不可苟且一第與絳灌
伍也本欲住此看仁兄文戰今不可留惟明年二
三月從西湖堤上接仁兄許大報頭當連舉數十
觴耳且吾三人後來愈出愈奇子京尚讓一人足
博望山人稿 卷之十九 尺牘 六

與唐室之

家仲於截取前一日晤仁兄言今早無隙過東弟
卽焚香申說著壇前言弟齋戒卽仁兄齋戒弟自
擇卽仁兄來而擇事卽已事不分二身告訖遂清
齋二日於今早著得旅之本卦旅小亨旅貞吉變
卦明夷利艱貞其占如此自宜以變卦爲主但告

以艱貞之利而不言取大物弟心不熾尚欲共仁
兄面言之廿晚能再過弟乎候候

與湯嘉賓先生

小閣攜謝謝何得攜也得先生一來了經年約閣
中遂喜有真宣城至相攜維歸艇登青山問謝客
舊井計謝客千年得朋之喜當不異閣中主人而
昨者黃理公書來則言近得奉晤頗以茲遊激澗
眉間則知先生之喜與謝公與閣中主人亦復不
異凡自作古皆一時快心事獨有附而施者甚幸
博望山人稿 卷之十九 尺牘 七

至耳

與同年張貞庵

身當獨處可以得尊神當餘處可以得味此雖非
道者之言而善識世趣善取便室者多不以告人
心自領之昨年仁兄之在都也戲語弟曰待我於
無人所且看快活蓋其時卽初第而大班赤帶雙
鳧不見少於衡林卽至出宰名區而衡劇勞人終
絃不掛青葙朱顏半上緇土意且六時不給公事
那討認我投至向後俸滿取高第之途要與僻邑

之長其之而此時先偏有其敝敝神雖王不善也
今嵯仙人以百餘年僅見制科之父母挺漢晉人
曠世之標政日見省人日加親舉左右封應接冠
蓋簿書不暇者乃公以不暇山水夫今忽俯仰人
貌而得吾真若宰也哉孰鉢鉢敝帚而享我以平
地之高真也哉蓋弟讀大翰至白髮烏紗承顏老
伯母不知此外更有何地位品級足易此樂語令
他人解者多以爲設弟則謂此我貞庵實領識不
覺寫出似約乃侈似遜乃誇卽此善窺人取便空
博望山人稿 卷之十九 尺牘 八

答袁公寥文學

大翰千數言偉鑒挾以逸氣每節數將變輒如子
積弩連架倍後要之終篇飛動混茫未足爲狀至

其爲四詩相況與府雄壘乃自道之而小引則少
陵老涪川翁合爲一身何其奇也獨於中時顧盼
不肖按之思轉欲理於吾公寥者百不得一語豈
文人故作因文入情邪抑蕭子顯所云神思感召
不肖不必有其象邪當代諸公往矣聞之正言所
以立辨吾家子桓以君子審已度人故能免累惟
此審度設吾公寥其孰執之凡諸公不免者大抵
或主一家或主自命與典論兼該體氣故別氣不
能舉意則有翻空之奇不如徵實之巧氣不能攝
博望山人稿 卷之十九 尺牘 九

意則有必部按而後選必班就而後考蓋當其盡
時先耗用之至於臨筆則已去朝而暮矣今姑置
步塵小生卽以糾糾薄天而掩意損格原夫用闕
坐關清濁不曉斯之爲難又何論有挾而令能自
王哉吾觀公寥之氣真具鯨呿鯨鱗凡所過眼自
來波委雲屬初絕無迎而純全以赴直遂爲能不
顧書而各見其書此所以堂上之言斷斷立其辨
矣却累既審卽有不欲諸公坦腹烏乎與知之況
又龍駒破曉莫程萬里坡公云天之生此人也有

意於其間毋愁排比事國家制作未備其在斯乎
不肖不能私天下共寶而有鐘鼓飲食之願略見
所報四章併放言引中主人方在正言一代而所
奏乃爾不笑南陽不可問邪

與沈璧甫

夜來風定月中如畫兼西山雨過新泉迸入御溝
金波傾湧作寒濤聲而隔岸深戶不知何人撥毳
絃思繁指亂與水聲互答弟徘徊對影百感頓生
因念吾兄咫尺如玉尚不能共良夜何況用心乎
博望山人稿卷之十九 尺牘 十
里乎今暮月好想不減不審吾兄有意榻此乎若
施發在即則出月此夜又是兩地懷人那可遂放
過也

寄馬仲良

有官之身到處皆寄此不必爲餘人言况向仁兄
言乃昨者雙旌東來僅四易月而駐我溪上時復
半之則似造物大有人在其一爲江東山水待妙
遠之什以發其靈悶此事所關人代與過眼浮雲
近遠非可倫擬矣其一則履吉半世孤生處南州

卑薄地絕少依植自丙歲長安相逢酌月南來後
遂有仁兄榮名人貌日起宛然眉衡前當有爲憐
之而假軒車之來予之以心魂之慰蓋儘教大地
相逢總不如此溪山靈發之處兩身兩月無雜無
拘把對偏暢徐而了悟往因生生世世弟兄之愿
卽復異地分胞政可指天聯氣而後知仁兄到此
寄也有緣存焉緣之貽弟吉也良厚而至維舟楊
子江心風日流麗水石皆容爲春陰所少大堪作
豪則江山之絳復巧如人意恐此盟種種快暢亦
博望山人稿卷之十九 尺牘 十一
遂有開人代不無望仁兄以妙遠之什傳之庶其
叔兮倡予耳

復朱宗遠文學

三吳諸君子文苑鰲弧相向家孫吳人韓白而大
將旗則羣屬宗遠足下不佞吉向風而慕說者非
一日矣仲夏從吳先生處得手教比卽欲敦復緣
淹疾枕卧久未屬筆今茲漸醒故吾思得仁兄八
索九丘奔走筆底定可巍巍成蓋代言妄揣僭名
前端因之不朽細尋來示僅在小技窺人或者始

從所是令人以此見吾宗遠小大由之邪不佞吉
開春受事必以引明瑟園爲學新之首矣今秋衆
子暇過談遊處名冷甚熟不佞弟將以明冬問西
陵水便經辟疆得無隱竹而窺非韻士乎

與方密之進士

榮殊榜發首得足下名姓與兒輩浮白誰叫兼以
一大白遙浮尊翁中丞夫吾朝登進之途不推門
陛不重徵辟諸所爲三公四世與袁汝南楊關西
相並者率唯文章自奮此弁山人所以有盛事之
博望山人稿 卷之十九 尺牘 十三

述也爲其得之尤難也尊庭華閱久爲江南北冠
而足下更以軼羣絕倫之才承之年來盟主葵丘
諸侯皆推鋒左次樹羽之慶能止陳人惟所祝者
竿頭再進更有兩不朽事此則明道先生廷尉先
生實佑啓之而尊翁所深幸其象賢者也南宮一
捷不足云激灑矣密之足下願言自玉

與劉嵩縣

往弟寤寐虛巖必欲一了耳不圖更與石滄訂頌
蓋盟若非萬歲峰前舊仙人指引亦幾無杯渡矣

乃不肖所見則更有進於此登之父老提壺漿而
出後先仁君馬足孺戀可憐爲長吏繫地方思如
此亦何羨天上神仙哉此語已載入小紀中紀凡
七已刻其二俟全補出當寄請教也

復褚冲夷內翰

履吉自幼不省寡昧妄希童烏之油翰世叔之暗
疏得與當世名公泛瀛海遊銀花榜間窺朝廷著
作之盛此已是何次道志圖作佛爲阮思曠所笑
會其年復罷弘文選去而守版曹而詞林先達弗
博望山人稿 卷之一九 尺牘 十三

我遺也率割席與語復不自意中原學士先生顧
我加昵則新野孟津宋城延津諸公吾未嘗不得
見焉顧獨企慕間下文章氣誼如銘丹巖之壁攀
東海之塵而聚蘭緣慳御膺事左尚是半生遺憾
今幸來仙里較士鳳九子而龍五駒者儼然一日
長之此於分誼不無過而於百世講成疑天所私
卽人世舟車之事非所概於親疎矣

與信陽州徐守

弟之心乎仁兄雖一見蘭芷自投要從三世來尚

恨傀儡場中幾許寄愁天上埋憂地下都未經解
懸出此行却打破鮑老龍子矣任仁兄開胸臆呼
雲將周公聖接與狂濡毫秀屬縱橫莫當不肖銳
則避之險則薄之不敢謂旗鼓相向聊擬雲梯仰
攻亦西南得朋快事也住此腐甕三年忙過混過
亡論大嶽七記河渠四則未成慚愧不了卽仁兄
身上許多相負則十六夜之約小築適言之并此
事定當追完不悖正勝於督復日咲前後觀風錄
序武來錄等何以卽有人不可以無勢此語自嘲
博望山人稿 卷之十九 尺牘 古

未審惡不惡邪

與來陽伯中丞

治履吉往以爲吾星海先生文翰妙天下生同時
登同籍幸莫大焉載觀督學三巴而經師人師各
愜所願乘憲兩淮而內商水商咸頌所天其蜀士
之歸命猶是逃聽遐傳至淮商之交口卽所指一
端如直指欲加餘鹽一引入錢而年祖臺以正爭
之加二錢而止因是商乃復活則相與炷萬栴檀
於其頂此則里之人皆能言之然在年祖臺正不

自多也乃若立身風節更有出于此之外淮陽生
偶逆魏祠而禮而五體投地者何人中懸沸燁猛
錢削劊者免海上之人無不以此恐先生而先生
几几趾絕不一及蓋視耿撲公年兄前車如歸別
有督漕大瑞張逆魏翼循淮求先生一見不可宛
轉瞰逆諸途聲色厲甚先生亦絕不與通一言嗟
乎先生豈真能前知水山旦暮睨銷哉正氣天生
禍害莫動宋家以氣高天下服膺子瞻履吉敬以
此語借推星海先生識者必以吉爲知言也前於
博望山人稿 卷之十九 尺牘 幸

與侯木菴司成

往在燕每語未嘗不稱三山二水欲年仁兄閣下
親來總持天祚大業果先以此物作供二年於茲
矣弟吉漁釣親切江門乃忍不一就見乃更忍不

通半縑堂吉所以待木菴先生者哉緣相知上舍
甚繁聞吉與先生叨作大被兄弟求探歷者多以
竿牘爲請辭費難却惟有直截一言以稽生懶性
謝之蓋正所以深諒大國子先生之素懷也至昨
秋祭日長兒偶客白門閣下從客所跡得進而教
之且約秋九月視弟菰蒲中弟聽之意中如有非
常之喜趣于舊陂百十頃中挑三阜可於宛在周
納羣螺以待先生泛而眺焉阜今已歸然矣長兒
項自白門歸忽言親造榻前見年仁兄示疾狀此

博望山人稿

卷之十九 尺牘

去

疾何來哉細思年仁兄道體修偉堅實二豎不空
相親雖小飢理應無妄勿藥維摩之問亦自可省
但在弟吉缺然於兩年者一聞此言必不可終執
有蓬之見此數行之所以必作而又非兒子親懷
而進之亦無以遣此區區也諸所未宣統待驪偏
轅遙過晤盡

與侯六真督撫

恭聞特簡樞式分陝 祖陵恩位登等倍尊而承
天大臂亦倍重昔按黔之役他所讓再讓三者至

年仁臺而慷慨叱馭今此創起擁麾作鎮恐亦非
人所樂就固空年仁臺獨舉巨鰲之戴已遂曳履
星辰在帝左右矣然古人爲戒每於意外此時必
不可更言銷兵減餉如前不達時務者所爲須練
成萬人教以用我之長破敵之短卒然撼之不驚
赴之必先開頭斷後屹如足恃而后清寧之福可
幾 聖主維新之運可應也中間隱隱備用者數
不可言計年仁臺必心了之如人所能言者毋恃
其不來恃我有以待之此語似不可易吉已甘草

博望山人稿

卷之十九 尺牘

去

莽狗馬血心惟有仰望天上金蘭故人不自知其
言之腐而無當也

與羅澹研進士

天意登一俊人全用地土深重闕恤之力以積一
人之厚風意在斯乎則里之人能言之矣獨其人
之精識大力雖在風塵聊蕭中挺然有如許背負
之氣此益爲造物所騰不與人間匠石共眉衡者
此則不肖弟吉早於翁兄不勝嚮慕望氣之先當
茲發策奏名喜騰聞非弟吉卽窮紙兒額無所喻

其激澁要亦歸時望氣事耳而吉所爲私語語人不勝驚愕者亦未盡是天意以其深重闕恤者厚而用此之人政度其人之登與其值之時數也方今邊圉孔棘內地空虛破綻盡行賣與而象變地涉物怪人妖多凶叠見占此世界不知何狀庶幾有人指往其間乎使士登其時而識不精力不大何異循物如流莫知所執未見有救于胥溺也而吾翁兄于風塵聊瀟中業已自命許大背負遂及其身弟所彈冠而慶端拜而議者國朝各臣于中博望山人稿

卷之十九 尺牘

七

傳萬曆五十年間事頡頏前賢決不止在太平府志列某科進士姓名而已者故吉旣以自語復以語人而一點不揣之私竊附氣類則吾翁兄或亦早收之倘以閒俯辱商量救時諸所狂瞽可盡質于鮑子此則薦蘿之喻也耶君繡銘天才英特近承委心不肖尺簡往來皆是碎金卽勃宰問援毫無不波委雲屬吾江南乃有此才吾兄乃又有此兒占絕占絕

與韓孟郁

市眼看仕宦一階半級俱有評量乃造物作意位置時而博士時而國子時而京兆但欲令管領三山二水不論顛倒豪傑爲何事而韓先生亦與之爲蛇爲魚爲海鷗爲東方生爲孔文舉安往而不得吾月峯哉卽亦亡論壽陵之步合浦之珠矣知近署句曲借長華陽洞天數月此緣亦非小審邑俸從前捐盡雖欲爲陶遂計日而受亦不可得更何得長物以餉山中故人乎故不敢拜若歸途得紆道相過令憂天杞人開口爲笑此惠便賢於百博望山人稿

卷之十九 尺牘

七

朋矣

與藍田叔

初拜大筆併一畫冊乃前壬戌夏也不肖於唐宋元諸畫家亦多所見家藏卷軸頗不寂寞正歎本朝此道除吳中一二先輩宇內竟爾寥寥卽此一二先輩畢竟專至爲工臨摹失步弇州公謂啓南獨隔倪迂過不肖謂老筆過之啓南不能奪真者豈止雲林邢仁兄筆筆師造物却筆筆師舊人本其神骨通其意匠更自有田叔決傳後世爲我明

畫品生色無疑今從令親巢父得寄翰儻佳扇詩
意清遠更坡公贊晉卿所謂鄭處三絕君有二不
肖既兼此好復生同時豈但作紙上幕說邪何時
過白門幸一葦相過不肖且排溪雲以俟

與韓煦仲

足下才情高揚典則不惟入作者之室卽楮墨中
挾有天人相金華殿語豈騎襄陽蹇驢者邪眼前
一戰暫罷戲下但與不肖世外落穆人相對便可
澹忘不必別尋破除法也秋冬南北之事欲以家
博望山人稿卷之十九 尺牘 手
丘生爲屬敢不先於所往白門返棹桂醕正熟併
選樓頭明月爲邀可無復孤咏烏鵲寒孤矣

與徐準明水部

附秦京數言報謝維時東山阻矣近知台臺弭節
長淮去橫江亦僅衣帶爲是野人溪梁深闕從無
片牘問人他邦未得奉裁魚素邇者閩友宋比玉
買舟北上道經仙署敬附候卽以爲介云比玉詩
才宏麗備見所行長律至其兼綜二氏出入百家
所至橫經授室略如公超之市竟亦不能窮其奧

吉服而重之輒以公台臺同好大學力人時過時
既自古相參愛而護之非同好而有心者莫勝也
吉素慎許人台臺固知者

與方文學

數十年騷苑葵丘紛紛荒落近窺雄篇富作戈反
禺中此壇果霸吾丈矣適於不佞爲榆社長則望
景先焉又重之以廿年今昔之感提挈倍親卽隸
竿一第而獨以新入此中苦被無端酬應伊邇玄
博望山人稿卷之十九 尺牘 手
亭竟疎奇問比來可得少閒當謁叩請之悅耳燈
市賦汪洋大觀雅稱卽事國朝來未拈出賦題不
可無此壯作也

與唐君俞

小簡何以遂引珠玉早知走筆而莊用之再將足
下風調口多微詞驀然轉入令讀其詩者既自叫
絕又於引中想足下之披襟而絕倒卽拙簡不能
摹詩之神乃能摹人之神莊篇而戲點之漆園之
妙固在寓言什九也曾大令通體皆真其自得足

下亦絕異足下如不忘臨卽所得蕪城四載清聲於諸公間幸不喬然其舌

復同年上海令君

客塵相拂遂以識度爲盟而羣物者隨以一朝之獲聯之此之忘好有誼均而情別者未可以告諸弟兄也此致孫身同陽鳥而南舉翼蔽虧不及一歲人亦之感忽爾過異吾年臺則已扇長風於海國其波西上江皋孤嶼流澗寔多益政雖及荇而殿直清班之望美哉始之矣

梅聖山人稿

卷之十九 尺牘

圭

與茅止生

履吉薄從知交間當世湖海元龍及雜見諸名序撰蓋于我止生足下神定遂深雖不言雅故可矣顧同在東南尺土何以徒吟思君未言此合豈當有異而吾黃山社潘景升書來邂逅長于把臂語次大有意乎丘生乃知彼此有懷特需五岳老人一介而神情所合遂開世代政視尋常雅故不足爲笑云矣

與史亦步

汴城寓復數行有江門漁釣之約今老親翁白裕到來雖堪尋盟而弟以匿景掩翳又目病初已未敢出戶獨於紫炁度我不能自持冀暮來仍見枉小語弟廢賓主之設久矣止是初月新露便用作供更無念從者芻粟之累故人也

梅聖山人稿

卷之十九 尺牘

圭

博望山人稿卷之二十

當塗曹履吉元甫著

人讀有聲

與湯霍林先生

昨歲九月渡江嗣先生有字到不及奉而家人又失留寄爲恨記戊年燕中以拙草介客暗中求先生定所批則語甚慚不類今卽了局顧果負先生不辭而論次又得開曹雖藏拙有地未審何以當先生中原馳驅之許官則有定矣人固所自勉竊博望山人稿卷之二十 八 附

幸奉教已久趨途矢不敢憤憤卽前在都二三名公謂是子初來何以頗涉當世之故訊知素從宣城先生遊歐陽公少語文章而多談政事固當有耳也抵舍兩月應酬少隙乃得端奴子展候逾歲或取一職度履吉可策者幸先生終備所以示之與周季侯侍御 時令仁和

前冬京都荒邸忽墜仙音一鼓暮氣維時寥落中得此遠室經行不定隨輩謝言有安得聞中人錯眼如年仁兄之憐我因藉手以報十年鮑叔之誦

費盡磨礪不曾增毫末本色而愿力深重致一日

之詭售果吾季侯主者也此精誠所應不原遇合

而原感報又是功名中別一徑門世間有心人

至河漢斯語鄙意中獨是沾沾歸而爲尊人百日

娛明時舉之乃不孝吉罪惡深重王正下旬遂爾

禍延先君寸腸割裂滿目光景生神都盡仍於魂

魄忽離忽屬時作想此怙悵則已終天矣轉眼未

歲吾輩槽糠藉中歲千逾一週矣實際事業未見

隆然前於長安盛傳年仁兄兩地爭一仁后狀人

博望山人稿卷之二十 八 附

情所歸乃爾功名未有不隨之清班冠選典冊新

望但如許擔子季侯責亦方大耳苦次禮無越行

念笑疾亡聊賴擬明夏少出或過武林共年仁兄

爲推蓬小語湖山應接可餐想不煩費地主也偶

貴治有暴郝二故人過存於其反也附此爲候所

欲與吾季侯言者痛初思緒不能理耳

與文學劉旭

韓昌黎飛筆爲形容贊說用天地大江等語往以爲文人但取開章混茫耳今把兒手書滿幅新文

數十篇快躍不可名更欲學作韓語了無從狀乃
悟古人率突處固意有所極翻恨吾足下與此公
蕭條異代無能品目之也弟與足下居比鄰有耳
早於目即微空生言已久往矣兼空生言即微旭
書若文已意中貌一旭矣兼書若文復自貌不肖
弟平生好奇占星望氣乍得果當其人此下更能
下一語自喻於君前乎當漢晉之東若汝穎吳會
人所自比率能致之聲味之爲大力也姑孰曹滕
宣城于茲有人焉庶幾其比致與顧不識袁閣公
博望山人稿 卷之二十 尺牘 三

族雕植自然而望引南州卑薄地以爲施於松栢
即吾丈將奚取其又奚取而必寓以評目也古今
文士高沉着痛快四字只爭入的破安有定義定
局佳文開口極確處正似放入想透頂處正似側
惟其如是拈經拈傳急折急截無不靈動無不壞
異雖然物有戲海擘天者吾不驚其爲海天而驚
其物所爲自舉者也雙瞳子倘可須彌寧有執一
法以相吾天下旭者哉昔黃涪翁苦不願爲名家
叙集其所定不足增其價也旭乃以總批見喻視

所稱引豈其任乎倘以爲識無小不嫌各繫或遂
絕此數語楮中萬卉園不作生客矣許我春初同
空生一艇相問紙上有問幸足下愛之

謝同年劉玉受

以年仁兄之華端而爲他哀輓無不路人酸鼻而
況於爲先君奠情至之文以不孝吉之哀慕而當
他弔唁無不聞聲悲殞而況於捧仁兄奠先君情
至之文七八月中兩姓骨肉往來數百言中一腔
血淚橫灑此時此境此諒此想若使餘子未必在
博望山人稿 卷之二十 尺牘 四

意即使餘子亦未必寫出則惟吾至性至真之老
仁兄有之似之其在草土餘生如不孝吉惟有一
字一慟一慟一絕已耳旣以軸張之前庭隨手書
一通跪靈幄前且哭且誦長號吾父知乎聽乎腸
直寸寸斷矣伏想先君歆歷楚粵宦蹟不讓古人
顧不自有而晚以癡兒之一日爲生平身有之慰
乃一載赤帑諸君不經接而仍以十年糟糠辱收
於仁兄者謬而執譜誼過卑過醜緣介于太公老
年伯結神交手足常語家人賴有此故足快是此

半載可當數十載而以之寫入墓章一篇直可當他墓數十篇夫先君之神明何可死讀而聽之其亦無恨死矣不孝吉亦值得一慟死矣惟是前所開端于仁兄爲先君謀不朽者不敢不勉招痛魄再續割腸具狀匍匐以請有大恩知己而宗匠一代如仁兄者在不求而奚適而至性至真待我以親毛裏如仁兄亦揣知不忍拒我可爲預栞貞珉一訂但邇時尚未敢遽迫耳伏承莫儀隆重更辱老伯特頒卽哀憤中豈宜頻冒念真意所寄不敢博望山人稿 卷之二十 尺牘 五

復韓求仲太史

已酉冬北都歸依寺有僧奉尊諭以就正拙稿來迄今歲紀一週海內除却行尸走肉諸人苟知推許淑抱其于心口求仲先生風整川海不了誰寔爲之若弟吉卽伏處江壖葭菱氣微噫而沫微煦積真所通固知倒歸遍攝乃翳林坐石方之區冊之遇尚愧遠尋卽邇者覓旌薄指金陵屬舉先人

懸封之役亦褻裳未涉而台兄乃篤匪面之真更過古賢虛托其人之玉以奠陳者物溢二帛以友致者人如一身弟不孝始感而號復憬而起微氣在壑微沫在海渠爲遍攝之有無至于施其親而果有其子矣又如羈于官而行以友惟恐期或失而訟不申而果有其親矣如是而吉不孝乃自比數于人子比數于求仲先生之友覺歲紀中他所來往都失其密獨吉不孝逾冬涉春後獻孺歸者五旬而猶未報卽子與友又何居邪爰策勵力入博望山人稿 卷之二十 尺牘 六

與李仲達侍御 時司理南康

九真蒼玉流一片於人間遂令天下其寶乃獨爾未剖之意嘿向白石頑人兩兩以清堅相得可後古今不磨不但同籍中借光鄰照而已者則不肖弟辰歲所爲重言歌咏葢情見矣比獲此緣契豈遂於造物取犯太盈而秋老歸來兩大故連示極

殛血滴皆枯心神荒落併所諾玄文糠粃之前亦坐負未致惟吾年兄倘耳此苦卽無責焉方今天下分官分土獨司李官論全省不論郡地南康卽易儉爲饒與李官亦何與別贏得鈞簾五老拱揖案前吏蹟文人賞心幽興仲達先生已兼有之人從豫章來亡不口仁兄神明爲一道冠者弟卽毀頓中色爲再起眼底有許大擔子願以屬吾仲達東山期近卽見珥筆殿庭間往讀大草于未焚前矣

博望山人稿 卷之二十一 尺牘 七

答王遂東先生

履吉自甲子秋病起皮骨僅屬便室直走家鄉陶貞白山中領悟抱朴乃以小草領中原塾師長中原宗府州縣學以百二十計歲試一週取生儒可九萬尺幅蠅頭前來視學者卽三年中纔歲考一二府餘卽行科考爲力差省履吉自不量力歲較必週而後科考伊始今共心力目力俱竭手腕幾脫自去年七月到今以雞鳴起丙夜後就枕每一晝夜中合眼者更籌剛一轉耳至此卽強覓大槐

國不可得蓋心火動血氣耗所致大有性命憂生平復癡性過人動輒位置神明几案上不肯少負不肯少改一二等試卷俱各肖本色厝長批至一等則前批處未有不五行俱署者非爲搬弄不如此則自己說意亦不盡耳此中諸紳士之口以爲從來無此苦心督學然幾聲苦心口角那能便作督學接命升妄想明年丁却此役便攜妻子買舟先抵武林乃渡江上會稽假館先生讀書佳山水處一住須經年口腹仁祖不知天可容勞人牧召

博望山人稿 卷之二十一 尺牘 八

李弘基之神許以無死往此清福處受用耳

與吳觀我先生

履吉自知緝學卽心慕當世閱覽博物君子五百里而近有我先生其人嘗慨古今史法所以維治道也國家垂禩幾三百正史缺如周鼎晉董零落殆盡先生天授之資富有之業習古如黃才伯徵今如鄭端簡乃不令啓細旃而延問環橐筆以定裁卽實錄代修幾與斷爛朝報無異而先生亦自觀妙於浮山祖地建三十七品樽俎之師使普天

火宅晨涼重昏夜曉夫史法通於治法學者能言之若宗門之爲治法教以神行自非大儒莫克騰乘超進天意所畀在此而不在彼人間蟻蛭卽望海而奚窺哉履吉居慚挾冊鄭門蹉跎未遂併僻家思王少年所爲未易輕棄坐是三念不續一剎幾於銷沉方誓此生涉江稽首何緣柴桑稚子相攸樂令一脉雙成卽弱爲以緣喬佈優曇而結蔭大雲妙梯倍如所獲忻情狂熾尚待慈鋌伏惟先生鑒其意而存之

博望山人稿

卷之二十

尺牘

九

與徵士秦京

維時有秦京足下厥係匪細本代少真山人遂多假詩人假詩人掇拾餘人口汁遊諸君門人旣在門詩便入市詩旣入市人逾不在山此其詩品人品固無足論今卽高之頌京老真自有詩真自有山屏跡女陽村墟數十里外邦君欲有問輒遙過其廬非是則不得見焉然此亦詩家自了詩人中自了人如禪家自了漢耳不佞履吉所奉京老者不在是詩之品格何嘗分廟堂山林兩種及山林

人作詩只知幾句枯寒爛熟影子橫豎是他間以靈心活手不知何物姑無遠論卽舉山川二字其人見戶牖間山川不知天地間大山川卽走天下見大山川不知時時刻刻變化真山川以此爲眼何眼能寬以此求格何格能振此其人非盡不能詩卽鄉來高自舉趾曳裾枕林者而所就如此坐聽執典則以賞罰歸之用世諸公而山林之制作無色今京老崛起爲詩格律聲調無境不窮無秀不啓清微既勝濁淺變習大非小巧以深山大澤

博望山人稿

卷之二十

尺牘

十

龍蛇之氣爲玄珠赤水象罔之搜環出應求自開神境卽如在小齋作詩去數日尚易爲就數字惟恐一字纖穉便累深老此等刻匠誰能窺其所至用此命家禮樂玄黃頓富矣天生京老直爲一代山林開荒者也而不佞履吉所奉京老者則又進是眼前新起諸公率能力掃過來各成專至然淬鋒出匣恐未免武庫利鈍古名將遇大敵則朝廷遣人爲護軍不獨兵家卽京老所持少林佛法梵釋二天亦遣第五部神王緊那羅護法諸公入手

雖堅兵律法律必得一人爲護蓋當意思忽來就中逗漏容不自覺旁得片語矯警商量更安更快若令前輩山人在旁曾不知所安所快更爲何物如何提得須是京老惟其有之故能言之蓋有京老而後諸公之詩成則京老之生更爲護諸公相與成一代鼎鼎厥係果非細固不止于自爲人品自爲詩品而已者惟是京老倘不棄不佞吉使從伯敬小修仲良元鎮數君子後女蘿施松栢亦當嘯起敢不悉索敝賦以聽翹首相春遲軒車之至

傅聖山人稿

卷之二十 尺牘

十一

發我心時時刻刻變化之真山川不佞直一日千古矣

又

從何人知有吾京有吾京而知吾以京者何在見吾京心何得不傷然幸見吾京涕可破也一瞬八年重向中原把故人衣道凌敲往事人生俯仰如此者有幾不肖吉多生墮落情種別去念之輒脉脉不忘過上蔡見京三佳兒送我道旁語次想京言明年八月當來省亦恐悠悠此一瞬將復成何

年殆又涕不可破邪惟京亦念之到宋城之次日書此以信陽使者爲報

與高侍御

瑤焰方烈時凡起受事者率借一疏爲信貨獨不肯履吉漢弗應也且與受禍諸君子狂言早中所忌尉羅陷阱相及已數所恃較書一職門清如水吉又矢心鑒裁薄有譽于月旦故無隙可乘得幸存餘生以見今上之會朝清明耳先生淹緯古昔慷慨憂時乃天心篤厚大儒縱以方富之來日

傅聖山人稿

卷之二十 尺牘

三

使優游著述傳翠雲名山不朽前後風波一滴不到研席上其樂難並履吉望而羨之卽不數數振趨猶眉睫杖履也小草之役卜期屢改倘且暮赴石城之約尚得掃凌敲片石叩先生凌雲大手便以所欲裁弁言先請教而後泚筆也

與方潛夫職方

鄉見年兄格天保泰之疏力任樞輔大觸內外當塗之忌使輦上諸君子早信此言履霜曲突豈至湯火霜神邪國事不幸有言後之中年兄挺識

正賴有事前之言年兄不能爲俯仰猶人之職方
乃能爲俯仰不愧之潛夫履吉鼎所推以爲能今
果信矣 聖明御宇摧折沉淪皆楚羽天路鹿乾
岳余集生已有相鳴者寧終落落吾潛夫先生哉
曹丘之言自視卽不足任曹丘之血逢人尚可割
也

與黃石函年兄

逐逐都門結夏竟有底事獨得當海內詞盟數十
公爲一再會大張西京氣色而又得吾石函黃先
博望山人稿

卷之二十 尺牘

古

生爲之長蓋廣坐中之日成已先於對雙樹而披
襟矣獻孺愛我併及維桑之里廣謀郡中法星論
次亡先生若因緣披叩洪響許以相借欣欣徐而
咳唾花宮半不從人間落矣究竟不審作何更易
乃大參差先生薄青山郡邪抑子凌鈞臺客臘知
先生要去時得標語爲重邪往矣吾輩風期近遠
亦不係是但相向如疇昔的約難期未免搔首知
先生遙去亦復因物見情也新篇日富臨風洗耳
莫急于此先生其有以爲慰

答舊尹何越崎

不孝在疚脩經三時下廬間無爲語設念台臺在
邑卽不欲令作酒肉嗣宗藉時惠存胸臆相對亦
可遣孤苦而今邈矣人生踪跡聚處易得惟此氣
誼相召實難如其分趣也卽終日宴對未必非疎
離而不親語無憑而相訂而一聞夫人情之變邪
正不容作緣之故在他人或疑其可以無然而在
此真實相召之人則有確然見以爲不如此不成

博望山人稿

卷之二十 尺牘

古

我輩不名惠而好我恨不以身赴之而亟亟然思
以號於人此其故蓋惟台臺不孝階之固未易一
二爲他人語也善乎台臺之簡曰榮進有定一腔
孤憤不容已於自鳴九臯之聲聞者屬和孤有大
羣憤有大伸此已在時數矣彼所爲喁踞作勢者
浸而爲鼠伎卽有口唾天豈足爲珥筆殿廷難邪
轉瞬入覲便會題留昨初歸妄矢緇衣一念願學
家丘生令有疑台臺半字者當披髮入山今卽廬
居仍是心口事到日固得從前下里子民竭細聲

於楷墨以弘宣金鐘大鏞之器此時尚屬無稽亦不瑣贅惟是台臺骨質天成朝家目下艱虞早定閉門之車此爲一代典冊事至暮年邑中冷灰撩人蚍蜉撼樹小之乎無所煩賤子簡終而奏矣

與阮太冲

人之所見類不能同若世趣之所去就見不同者鮮矣於此有人超世獨立而自矢不爲流俗見者見之亦如見所常見之人果猶未免爲鄉人也以足下之學博而精才捷而正論辯而常而謂世無

博望山人稿

卷之二十

五

能好之者此室不可信卽足下之人矜檢多風恢拓多度而又觸機警絕列眉指掌此的是盤錯之用而謂世盡妬之者亦不可信乃文章之事今後世自分明無疑而獨疑足下之世莫能用此卽不妄妄薄一世入謂其尚不解妬要其獨立者可知也足下方且振衣千仞而角觝中人乃操衡績而程其後嗟夫浮雲之事不必遠指煙滅卽里左右一時濟濟與論寂寞身後恐未有計而頭上此老破世趣外一格置乃公於今後世分明無疑之

途蓋其所予在此不在彼明矣向來所以妄薄一

世人尚不解妬者謂其只以今人量今人不設以身作後人追今人誠作後人追今人肯當面錯過古人後世之今人而讓此無限遙賞與後人與此腹吉所以得當足下有親見楊子雲之感重言嗟嘆不足爲喻又不止於自針砭流俗鄉人而已者而足下札來乃猶以詹詹上口豈千仞而下畝丘邪此見所信雖百劫不易卽空江千里凝望豈復爲勞惟是翰音時其宛言相訂而已

博望山人稿

卷之二十

六

與沈瀛海大將軍

老元戎一生本領學問不結當事不求鋪張無忝上將治心而諸公識見絕不逮古柰之何哉瀕陽歸老醉尉從呵自是英雄撒手但拋此提槍未了畢竟如何收拾不周天柱誰作媧皇邪弟吉空抱狗馬心只無如一肚皮不合時宜乞外以來感重病幾死而生一切升沉看破泡幻決定放盧敖之杖以家門前敬亭爲首老兄尚憶舊時誓誼乎弟不孤矣

與宋文玉永城

憶丙寅冬仙鳧初集片語郵亭悠然千載別來山
中之人著書未就而神君兩地循績遂當珥筆雲
臺爲念封疆如許難了事斷非平日占風捕影一
輩人所辦必得識田中具有人倫天道四字挺勁
骨而乘朝氣庶幾旋轉台臺文心爲時輩所歸久
矣移之天下大議何獨不然此後皆執斗魁旋轉
之日也八風四時成文從律敢以爲屬其不笑何
落野人事哉貴治孝廉馮諱璋不肖較中州時首
博望山人稿卷之二十人前 七

與冒伯舉

前晚出東郭坐雨中一夜曉霽挾一形家盡姑孰
北界諸山達於大江尋支龍而南從土人得岡巒
小徑時雨歇水涵長松根下都成澗道行人草屨
與驢跡踏澗中水石子其聲淙淙有韻追想自來
遊里中諸山此境未有投至疾行南條界盡西山
之日已沒半規幸月出復乘夜返以雞鳴入城合

計一日夜凡百五十里矣就枕一覺正有餘倦而
見贈佳篇適至冒先生行天下閱名人多矣乃于
姑孰偏好弟而又好其最偏者讀至雕龍繡虎置
勿敢道尤憐雅性絕偏頗句履吉不覺失笑不審
成得何偏而云然邪雖然舉老于此處作相法不
謂之千古知言不可凡舉老詩行後世令以雕龍
繡虎相推人未必信但說其人之偏則斷無不信
者計此詩之工翻以詠偏得傳而所詠之人亦藉
以傳其偏則弟之行后世必矣誦竟諸篇服既起
博望山人稿卷之二十一 賦 六

復同年方孟旋

吉不孝連失怙恃沉痛數年知交哀而唁問者不
絕乃蘇公以三函來矧大翰在焉法誦再三哀我
譬我如此極矣是真吾孟旋書是真孟旋與履吉
書蓋一等唁語不論繁簡而其中情實有存有不
存先生固不謬以情惜人履吉復何敢以痛楚加

已假如父母歿後不惟好友言是聽便如父母存時不能行好人子事矣後吉自丙歲徵逐一年歸寢苦上閒想過眼人如年仁兄真學行真古人者絕少而潘景升昨來言年仁兄坐間評語亦謬以此見推轂吉慚不敢當而心有餘儀自今往惟有奉年仁兄周旋庶幾弗至失墜焉耳

與盧以崇文學

錦字以白石來者昨則白門寺中今則青山溪上支離殘病人忽爾朗朗明月入懷餘生自今良復博望山人稿

卷之二十 尺牘

九

此爲第一兼之委屬其勤情至之語腕目交留更復夢牽半路矣不佞吉自顧舉體亡似獨此愛才愛讀書高潔士實出性命而以崇足下英齡乘秀龍初友而鳳初晨又早絕邊塞賦東海以助發胸中盤亘疎宕之氣而卒止於法律琅然爲正始音誠瑞篇也君苗筆硯卽輟以士龍猶欣欣作比肩之想况復中心好我直欲三都注解參引陳雷邪

與韓孟郁廣文

主者楊我東畝相約逾年當復來買隣預題句未

許玄暉獨占左偏而不佞亦確以高天作証別去知幕府欲得仁兄借箸方於盾上磨墨不妨令謝家整領青山而山中人亦復小草北去遍跡仁兄於燕齊無所得神龍俊鶴自應飛影不留而故人亦自滅沒於老博士一官苦固難狀時得貴同社劉蘿老相對把苦反覺可歡而劉先生則每舉未嘗忘吾孟郁因悉蕭蕭易水寒入廣文官舍弟聞之心旌搖越卽復千里不異三人相視亦未嘗不嘆盛名坎壈千古同悲也計其時猝不得長房縮博望山人稿

卷之二十 尺牘

十

地而劉先生又真人東行空餘賤子索寞汴水夷山間此懷如何可任輒據梧書此一紙爲問如許經國事勾當了有時掉頭終勿忘青山盟不佞亦早歸謀築堂而舍益公矣

與王梅和兵憲

逼除奉教多葑菲之採退自尋想他所勞動煩費非常黎民是懼姑置勿言若論地方積玩廢弛不論有事無事所宜舉行者除預備常平倉與保甲等項外則有訓練六府所屬壯快一節蓋六府屬

之有壯快也民間相習已久上司訓練明文無歲不下則訓練二字彼亦自以爲分實應爾不復爲駭而民快傳有額設工食載在賦役全書又不必攢肩議餉也民快傳有各習器械卽添置什物所費無多此固隱然一旅之兵藏在縣官而民不見爲兵者也誠能因而用之且不必遽言聽訓應援只爲地方防禦盜賊亦可作猛虎在山勢待訓練既精衆令勞強技高膽大調援趨事自成臂指矣向來奉文訓練皆虛有其名竟亦無異市人者緣

博望山人稿

卷之二十 尺牘

主

訓練檄下各聽所司便安而行所司隨以一紙申文搪塞所言訓練亦復誰見今議行文各屬先取壯快花名冊查清備送因各就冊分爲三班倘不分三班一齊呼來訓練毋論務廣地者荒而人情或至搖動未必頻首聽命不免一闕異議矣夫惟三分之而訓者易易也分爲三而居者多行者少人情必安其實班有次第而名隸尺籍人無縱免彼陰入吾繚鑊中而不能颺去而後訓練可成也每一屬頭一班若而人合六屬共頭班若而人須

總於一處訓練委一晚習警絕府佐官領之爲置裨將束以部司局宗之伍至顧募教師必須重聘併訓練之法要真正見敵可當實用不似今教場兒戲陣法待議定真實舉行後再陳末議此未及備書也頭班訓練約以一季爲率一季將畢卽預調二班待二班到方發回頭班三班如之不出三番更調而人人皆練熟人人可用矣此則於各衛所積弱之外另成一旅備縣官之緩急事半而功倍焉夫所謂民壯者民之壯有力者也快手者民

博望山人稿

卷之二十 尺牘

主

之最快捷者也使不爲禦侮計達此壯快何用今不顧名思義而但令之供各過客服役奔走不溺其旨歟若分爲三班則一班赴練二班留本處奔走亦未至乏也惟是各壯快抽扣助餉必須全免使其未有赴練之勞先有復工食之樂卽此爲踴躍之端而赴練行糧更須厚恤其私但得各長上留心設處未必束手無措卽不然就三班中節省居者之半以資行者之糧亦是通融一法是在有司熟計之期于必行而已至議一處訓練之所則

斷室在太平蓋酌六府之中徽州則有中平一營
池州則有池陽一營而太平爲上五府門戶又緊
扼金陵上游北則應援淮徐固從古形勝要害之
區不室反空虛無備此在上臺自酌地形扼要所
宜非吉生長太平知有太平而已也至此項訓練
明防盜賊陰藏調援之用原不爲江防故訓練府
佐又在江防專設之外須俟小小奏効然後兩臺
具題加銜久任不然恐難其事者併疑其人假此
爲催官之符也凡此次第舉行區區片楮悉數之

博望山人稿

卷之二十八

詩

不終其物姑撤大略云爾尚俟採擇再垂明問乃
敢詳哉言之太平府更有可笑一事沿城濠河爲
狙獍霸占壅塞牧利鑿斯池也義矣取焉先懇祖
壘嚴牌務行掘浚夫此霸占者第以十餘兩租課
爲餌耳太平府庫卽窮豈爭此狙獍十數兩租入
哉惟深浚令濠流環城圍繞卒然有警是亦險也
至於浚濠夫役下所司詳議亦務在必行毋爲強
有力者所抗此時第任些小之怨終必賴之矣今
之議者皆以爲亡羊補牢既寒索裘未爲晚也明

者見未然況于形兆影見乎在高明太上或知必
不唾棄之也

與張葆生別駕

厝大口中頌參玉板禪師嚼出宮商角徵東海救
養却不妨饒舌只大檀那施者字來謬云博取磻
磻之帖敵帝千金世間真有此事哉東坡先生枉
饒煞清貧太守胸中不曾吞渭川一尖亂灑鵝毛
都乞與偕兒殿帥人生有遇不遇何相去之遠邪
與彭天錫

博望山人稿

卷之二十八

詩

秦淮烟月回首已是蘇屬國入漢之年此豈人間
小別乃乍得傾對輒輕聽去邪爲足下堅約皖江
歸棹定停我姑溪計邇時清霜初降相賞有紫蟹
黃花較之炎敵揮汗更快心脾跋子望之耳委扇
潦倒應命兼倩一羽勿麾爲望

戲復林邑侯

此地零殘樂籍忽來鎖骨化身爲憐倚市行雲殃
及城門失火九條龍突驚齊陣已迷燒劫蘆灰雙
鬢女未嫁商人豈是旌陽炭婦詎意思逢覆照復

爾緣假賤私既辱微面問何解珮要知捉來官程
幸無袖手之嫌從教歌向尊前永省纏頭之費政
便整鹽風月愈加頂踵丘山備俟披顏一佐開口

博望山人稿

卷之二十八

三

行略 附錄

嗚呼此 府君遺稿也府君諸著述舊藏不孝
岳翁既奉諱踰小祥始與兄臺望弟臺觀臺繁
珪議勉開此一集付剞劂淚盈盈殊莫禁也維府君
有文不盡于集維府君有行則又不盡于文不孝
臺岳生也晚無能備記所聞見一二尚有之如祇
茲結而莫爲一言也雖九死何辭矣杖淚爲述不
知所云府君爲先大父郡丞公長子生而穎異非
嘗先大父異之躬庭訓日授書數百言誦輒數行
行略 一
下益之輒又誦又益之十日所當授書輒又誦六
歲先大父病夜起籲天請益壽益至性孝也九歲
有客愛府君贈以喻糜卽作賦答之時傳誦稱神
童云稍長事諸子百家言一日從容白先大父曰
兒黃口不知學學亦無源本安望左右逢邪請肆
志經史先大父壯之益縱其讀然不事浮藻深沉
自喜而行以宕逸與世之工古文詞者不相入夫
幾受知郡守二固王公奇之錄第一私擬爲老
也及見府君遺稿年甚少偶然則又奇之

子文佳當大貴何必與諸兒爭此席改第二而府君氣度恬然不爲動益二固公故抑之以試府君已知其識量遠過人矣是歲補弟子員試輒高等食餼邑宰遂東王公負文章重名少所許可見府君則譚甚洽夜分猶延至偃室府君無濡迹也退而讀書郡之藏雲寺者數年感古人三釜遂親義讀甚力雖苦行山僧莫不歎其甘粗糲忘寒暑也丙午舉於鄉知不知皆舉手相慶丁未下第以謫錄訛外故拂衣歸省先大父於辰溪縣署所歷衡

行略

六

二

霍洞庭及諸名山水之勝盡發爲詩若文楚中知名士皆避影謝不及而大宗伯郭明龍先生期許尤至畱榻黃離館者數月庚戌癸丑一以錄訛一以病又報罷識者悼焉府君夷然弗屑也丙辰成進士闈中文爲詞林諸公所稱服擬第一且相約交薦于主者脫猶豫則力爭勿後會明日主者獨召省中諸公第甲乙而詞林不與焉遂寘第十是科罷弘文選中行長及各部尚書公爭願得府君爲重兼以海內清晏士大夫詩酒相高交歡府君

如不及論時情誰復淡然長安者而府君一念及堂上則嗚咽不能起乃輒歸省就先大父母膝下日兒不見兩尊人久今者承顏笑奉晨昏兒願足矣寧一衣錦耀里門云哉自是就養無方較前時更適日三飯必躬進夜就寢所勸飲執檀板或雜絲肉音俟斟酌然乃罷間遇先大父少不當意則跽請委曲寬譬必開口笑乃已自喜謂三公不易此一日也亡何先大父母相繼易箴府君哀毀不欲生一號呼則嘔血數升盡禮而哀備孺子慕服

行略

三

三

既闕無長安意而又念綸綍未錫無以慰泉下望躊躇者久之壬戌勉入都授戶部主事典新太海運二倉故事發糧軍人雜運填集典者第垂帷莊坐呼卒監出入弊踵起府君初視事卽呼諸黠卒諭之且爲法以釐剔卒相驚曰神明故事多不行尋補員外胥郎中歷三年積餘米一萬七千石例皆入私家左右以告府君笑曰而知羨爲故時例亦知不以羨爲故吾例邪悉入公大司農李公少司農陳公交章言之侍御李公仲達繼之兩奉

旨紀錄立省字版別署給軍

見也是時

璫焰虐甚府君憂憤填中與黃伯安周季侯李仲達三先生郵筒往復所列皆徒薪曲突語蓋自念身職糠粃不能與烏府夕郎諸君子慷慨論列諸君子或用吾言而効猶自効也當路微聞其說忌之爲外轉按察僉事無實缺閱一年始督河南學政殆遠且苦之耳府君旣已感憤時事之官唯一精于其職試諸士歲彙凡再周一憑文爲甲乙貴人書及優取往籍樂置不問覆發諸前等文莫不行略

四

數行平署又口舉節擊其言與衆共之雖最後等亦朗誦所塗抹語相示無弗稽首稱允當者是科爲丁卯首售者十九人一等前五名售六十七人遺才止售一人亦首也中州人歎爲一時所僅見府君每試先期戒諸生曰毋離席離席卽移坐案側監視之且不高等試汝寧有一士起如廁欠伸緩步故徐徐于邏者之前府君異之呼就側驗榮止半俄頃已屬真錄冠且期以公輔卽今開府程韋庵先生是也諸如此類不盡舉河之距開封也

三十里環河而堤堤圯則全豫殃矣會大比諸曹皆執事府君以例縮六符攝諸劇務初九日夜半河警突至府君單騎馳堤上集營兵鄉夫運土木堵塞衆睹澎湃狀辟易幾不測府君無懾容扶伏再拜呼河不有伯邪若爲伯則聽生死于伯者億萬命某有罪罪某望毋他肆其馮陵拜頃水忽殺二尺許老幼喜且譁羣羅拜爲謝府君卻之閱十晝夜而待堤六百丈成至廿日洪又橫潰則堤已屹然不可動矣 今上十五年河失道沒開歸郡

行略

五

邑十餘處延袤千里 上特命大臣往治費數十萬緡未竟績豫薦紳追道府君前事益歎爲至誠感神云府君在京省諸督學中爲卓異第一 今上登極歲以少叅擢光祿寺少卿旣離治行次永城豫諸士走送數百里外持統筵求書或陳所作臚別句不孝岳時僅十二歲侍後車見府君溫語諸士流連歡洽雖家人子不啻也劇飲答詩日草數十幅飛筆作張長史濡髮勢諸生感知已交流下畱永城凡浹旬後至者求書不及至請割卷批

莫不漣洳而罷從來師生離別之情未有見此
然府君自是亦倦遊矣二年來役手目於蠅頭背
間凡十六萬卷每起必雞鳴每卧必四鼓心血爲
枯歸而臂楚楚痛坐一室理藥裹將有終焉志會
先叔建寧州貳守慶成公病心憂之醫卜兼至有
形家言先墓虎砂屬少房而塋旁鄰居爲祟者府
君懼亟宛轉倍價求拆且隱不令聞恐慶成公疑
或益之病也府君友愛出天性自少至壯兄弟怡
怡罔間自舉子業外若詞賦若詩畫皆指授慶成

行略

六

公而公事府君亦信篤者敦說一篇人稱實錄云
慶成公尋卒府君哭之慟躬治後事撫孤侄越歲
慟弗解臂痛又作雖屢奉明旨促赴任而府君
已夢斷長安矣既閭戶謝世事布衣蔬食以孝友
敦睦著書立言爲子姓倡建宗祠置族田貧者具
賴暇則折節四方士與評古法書名畫鼎彝銅石
器浮白顧曲達丙夜弗倦中州所拔識諸君後走
顯矣郵書起居無虛月宦遊必迂道肅候府君歲
語之日鼎吾第知文不知君今者君知吾矣蓋仍

不識爲何君也諸君以爲然性介耿耻爲人居
曾有囊千金請一札者擲弗顧至里社有大利弊
孤嫠有冤苦狀則侃然任之矣其以條議請而澤
隨者如十年編審之役黠者匿多而就寡也惡遠
而趨近也手上下于圖間害有偏受府君議仍就
本圖爲便至今遵之禾石之地重而無兵也盜橫
行居者賈而泊者俱病府君議設營兵千五百人
練之至今爲緩急用郵馬之困里甲也往來者雖
便之而屏民疲奔走其柰何且差使之蹂踐皮骨

行略

七

幾盡府君條之郡邑請計里括資上于官官下馬
戶計直與費且昂之彼利其昂也至今無怠若事
其以條利弊而身自捐資者如乙亥歲賊襲和州
去郡直帶水耳登陴見火光十餘里城守弗備咸
股慄府君首捐五百金爲佐且曉夜巡堞見守者
露宿則又捐數十金置蓆蓬庇之先是辛酉歲山
東蓮妖大亂震及江淮府君方廬居也聞警旦夕
不遑延客講火攻車制自倡衆輸二千金如式督
造與直指白樓易公共草長疏進之朝不

一文更市硝黃數百石貯郡庫頃爲常道

府君遠識已在廿年前矣舉如此未易更僕

大約府君畫議在前食利在異日郡之人戶

若不孝所熟悉事則如已已後感異夢建昆

歲卽祈于其下旱得雨冬得雪人至目爲曹公

曹公雪而其最與孤接關切者歲大侵府君念

人多流殍躬茹蔬素命家人數百指皆約損常

出以充賑三次共白粲千八百石又念四方多

寒或義不受賑則爲隱其名曰糶取直僅市價

行略

八

半家穀罄則貴糶素封家而以賤直糶之又念

北流徙實繁有徒則爲粥於演武場以待來者

月餘計米百六十石是歲建康亦舉行然權屬

吏吏乾沒飽欲死民仍饑欲死府君懲之身自監

督又命不孝輩輔行諸所爲飲食藥餌具悉備

則施棺槨置義塚意外靡不悉焉篤友誼如故友

陳君鑑死恤其孤贈百金爲母養隣郡諸生如

戚葛受虞太平崔廷舉休寧吳及先皆故人子

引無不至新安程仲貞非罪縲綬府君百計

且贈遺其家篤成誼如先室人母喻氏無子府君

迎養二十年卒厚塋先姑適李氏單門無嗣鬼且

餒矣府君爲置繼置田宅至于戎椅子貧窘負賸

錢計無出謀鬻婦不忍欲自盡府君知之立與戎

廿金得生妻亦好合如故此事雖渺小亦郡所戶

稱者不孝時屬耳焉跡府君所爲惠非有餘素皆

特樽節以儲其具自奉養多寒士所不能堪卽三

事大夫與臺臬郡邑諸公辱臨皆不過筭器斗酒

追歡無間居恒常歎曰使吾侈聲伎美服食繁宴

行略

九

會計一月可費數中人產及邑有大務而曰我聞

聞知人以追求而漠弗應烏用是高冠若箕爲也

昨歲以賑濟事奉 旨建坊北面再拜不敢受而

獨汲汲于一郡之風氣建閣牛渚巔犯暑相視倏

得病病劇不孝等倉皇延醫十數輩求診視夜則

交籲北斗請損諸孤齡以延府君數歲而竟不能

濟痛哉痛哉府君所著制義暨書畫皆爲士林宗

詩賦古文詞纒纒數百萬言有博望山人集攜

則集者在堂集漁山堂集先後置荷中皆草稿

孝岳等性椎魯未能盡繹且食貧不能盡需餽粥之資以儲梨棗今所刻者爲博望一集既竣不孝岳附記卷末淚盈盈殊莫禁也若夫詳述生平並世系生卒年月日求大君子表且誌以垂不朽則伯兄臺望爲政不孝岳弗敢與矣

崇禎甲申仲春月不孝次男臺岳稽首述

行略

十

跋

今海內蓋莫不知有

曹光祿先生云先生家青山有玄暉

太白兩君子以旗旄相推遜柔翰士

扶輪承蓋盡小山大雅諸流辰之役

疎

先君子罷公車歸不暇以卞剛爲悲

而拱璧禮先生文不置小子燧時固

已竊聽也又十餘年先生賦遂初燧

與肅應梁父文占吹臺特臣訂兄弟

好侍几杖先生不鄙呼而教之曰孺

子來若輩申盤匱窮斯夕以求所謂
詩古文詞盍亦知本矣楊子雲之于
本吾未知何如其言簡者三言門者
三則聖人復起勿易也審能行之內
宏深外肅括矣時中原多故客有譚

跋二

兵法前者先生卽節舉其中語爲訓
屬吾輩以文心治身武心治文何名
文心則人能祖祖鮮能下下之說也
何名武心則人人正正辭辭火火之
說也跡先生所誠切幾如詔路五父

之衢而先生所自合千仞境亦幾幾
乎開道相示隸也媿不力耳昔南策
疇之見老聃也受教一言精神曉冷
鈍聞條達視挺何如居無幾真人騎
箕尾去諸琬琰篇舊藏次公梁父所

跋三

爲集凡五爲言凡百餘萬多龍蛇飛
動之筆塗乙未次梁父驚歎曰此子
弟事也維小子挺亦曰此子弟事也
鄴侯歿而子繁家傳成昌黎歿而門
人李漢編次遺集其奚辭齋心發讀

閱數月繹得博望稿出而先生之故人杜先生蛻斯復是正之始登築氏或以一斑爲疑唯唯否否天地大文不可舒小子輩發此猶恐受譴如靈臧丈人也其何敢盡洩洞庭之藏殺

庚四

青初竟因紀事並記書紳語如左

皖江通家子葉挺拜手跋



博望山人稿二十卷

安撫運撫
採進本

明曹履吉撰履吉字元甫當塗人萬曆丙辰進士官至河南提學僉事是集詩六卷文十一卷尺牘三卷刻於崇禎戊辰乃履吉歸田以後所自編卷首別載書目一葉稱未刻者有漁山堂稿摛謝閣稿青在閣稿辰文閣稿則此猶非其全集矣

白下集十一卷

〔明〕黃姬水撰

原北平圖書館藏明萬曆刻本

附《四庫全書總目·白下集十

一卷》提要

白下集序

卿耶王 世貞

甲戌春三月余入領太僕過淳父是時淳父病矣而強起納拜曰夫余殆已矣敢以不朽累子尋嗚咽不能竟蓋又三月而淳父沒其息嘉實嘉芳以其所著集請曰先子志也淳父自少爲諸生卽以黃文辭著聲而其於諸生業亦不廢試升數上輒報罷寂後有所不得意遂謝諸生歸淳父既不襲儒衣冠又不具隨居衣冠卽楚服而見達官長者自如也所爲頌雅騷選賦詠之屬始務以精麗宏博自喜中年游白下稍變而趣澹辭雅調然其意不能無爲工晚節益自喜爲工語自淳父之工語出而諸郡中名能詩者爭傳寫之紙爲貴嘉隆之際卽東南諸詩人不能先淳父而指屈也淳父固絕口不及一第顧其中不能無恨之意託冲舉黃白之術以少伸其志而行之輒不離竟怏怏而死居恒計衣食不能卒歲而後先所蓄置古散彝法書名畫卽號好事家不能過也淳父負耿介有至性其他行甚多余不敘敘其詩曰士業以操觚無如吾吳者而其習汾江左靡靡或以爲士風清淑

而柔嘉辭亦因之北地武功諸君起中原自厲其格以求合古而不能盡醖其豪疎之氣吾吳有徐廸功者一遇之而交與之劑亦既彬彬矣而不幸以蚤歿乃淳父能劑矣夫辭不必盡廢舊而能致新格不必步趨古而能無下因遇見象因意見法巧不累體豪不病韻乃可言劑也今吳下之士與中原交相詆吳習務輕俊然不能不推淳父之精深中原好爲豪亦不能以其疎而病淳父之細者淳父真能劑矣淳父之王父曰五嶽公博雅知名士其所著書亦余序之五嶽公務博綜而淳父善

專詣乃余於淳父言尤無間云

白下集序

二

白下集序

吳郡黃 姬水 著

夫人生不能恢帝絃翼王室康濟兆民以樹功當代則矯志食力爲陳仲徐儒之流如伐檀詩人所歌已矣若乃染跡黌校夫既潦倒十三場二試而復潔身貴尚是猶女子許字而貞貞不可得也悲夫悲夫人之所遭如是進退維谷哉姬水幼習庭誨髮年爲郡諸生哭母成疾繼而哭父又哭子積病纏綿二十年于茲一切世間有不堪者身叢之嗟哉復何言安之若命矣胡乃貧賤遭亂希梁鴻管寧之遯乙卯歲春三月間之占人汪養晦氏得坤之六四曰括囊無咎利西南已而謀之陽華章太僕太僕曰吾聞君子之去害不俟終日者言明決也明而弗決猶弗明也是在子時大司馬雙江聶公告年南下過吳門與語訂廬陵之約曰我有敝廬薄田可舍汝也且念此地山川深阻風俗龐樸又得與羅太史宋侍御吳博士諸公遊便欣然應諾因太僕舟載至京口攜妻子迺江而上抵金陵邂逅友人何元朗元朗有高識善論天下事謂余曰子行是也然見蹢而思灸吾笑子之計太早

也廬陵洵美蓋需之乎遂僑棲金陵金陵高皇
帝故都也夫登亭者有商俊之願陟鎬者懷周士
之思而今已矣壯心不死素髮易生向人莫語御
酒寡歡雲霞鬱思江山灑泣凡有詠言無非寓目
寫心辭之無累不恤也噫魏人行國假歌謠以宣
憂楚客懷都託離騷以寫憤良有以也苟身遜矣
而心不忘世鄙夫哉嗚呼昔吳人有遊楚者病且
爲吳吟子悲予之遊楚而吳吟也暇時偶錄成編
爲它日唐求瓢中物不敢示人也嘉靖丁巳臘月
望日

白下集序

白下集目錄

卷之一

五言古詩一十六首

始發吳至都下述懷六首

旅中對月懷述 卧疾簡何太史元朗

夏日登鷄鳴山懷朱司業

簡郡大父青城毛禮部時致李學士之辟

許尚寶仲貽席上作

送毛儀部 何翰林席上作

讀楊太史用修選朱客部子价詩

白下集

答張太學幼子 客還集阮都尉宅

卷之二

七言古詩一十四首

姚元白市隱園作 飲酒與何元朗

送崔旦歸平度 朱進士席上作

謝吳子惠鑄白之藥兼乞秘方

分得宮亭湖送朱客部之任九江

呂光祿席上送崇安丘尹之任柘城

朱司業席上作 人日懷朱太守子价

雪中同顧師潛諸君登鷄鳴寺千佛閣循

西麓步至覆舟崗上作

醉後歌贈沈秀才開子

兆宋行送高給事 一木歌贈趙光祿

海上三神山歌贈楊伯海

卷之

五言律詩六十九首

大華峯

宿吳鍊師房

華陽洞

玉宸宮

積金峯

三宿巖

曉出牛首道中作

觀音閣

東華集

清涼山

祈澤寺

虎洞

草堂寺

鷄鳴禪寺

定林寺

曉陟方山絕頂憩石龍池上

攝山

栖霞寺

宿雲谷禪師園詠

天寧寺

同金楊二孝廉雨花臺心眺

同楊伯海昆季遊天隆寺

崇化寺梅花下

達摩洞

嘉善寺石觀音洞

東山

燕子磯

潦源卷

同金平淵郭次父登謝公墩

五日臺城懷古

攝山看杏花

終山花臺

靈谷寺

清明日集息園

除夕與金子坤郭次父登冶城後集小寓

元日同文德承郭次父過賦上人精舍

立春日

客中七夕

牛女詠

十八夜詠燈

姚元白竹素山房詠春雪

東華集

雨

雪

臘月六日雪中作

冬日顧太常攜酒過志上人山房

小歲夜集朱子介齋中

中秋夜坐

九日同何翰林康山人顧太常集天界寺

己未除夕

新正二日顧孝常惠酒醉後賦詩贈之

春日言懷

冬日言志

金陵暫歸與惠茂卿話舊

南歸再過惠茂卿話舊

客還溪上對月

繡佛齋爲汪東五賦

姚元白席上賦得父乙爵

題周貞玄草盤圖 問疾丹泉居士

贈沈儀部四首

陸祠部養病崇因寺詩以訊之二首

和朱子价蓬萊道人寄書曲

送梁伯龍遊荆南 荅袁進士魯望

元夕立春 贈雙塔樓雲上人

卷之四

五言律詩五十六首

五言律詩五十六首

詠懷七首 乘尚

夜集馬祠部官舍得黃字

復集黃庫部官舍 過姚元白市隱園

過金于坤新告

同金于坤感仲交市隱園對雪

訪文德承於攝山排宮

同姚元白余伯祥訪周志和尚

寓顧尚書息園

毛禮部招飲東麓亭

同上 臺卿集會司務官舍

贈唐大僕 王虞部席上

歲暮寄趙光祿 贈嚴叅議

呂光祿招飲官舍

翁康山人招飲靈谷寺

黎唯敬吳子克金于坤姚元白余伯祥

集旅寓得疎字 贈朱職方子价

雪夜市隱園 盧刑部招飲鷄鳴寺

同上 陳山人集朱客部官舍

集馮祠部官舍 集朱進士天闕山房

五言律詩

譙秦使君官舍 冶城道院逢湯納言

同康山人宿栖霞寺

送江郎中考績北上二首

送何祠部叔毗還雲間

送康山人還永嘉 送朱給事還閩中

送谷子還嶺南 送林大理父還嶺南

送吳山人之大梁訪弟兼謁西亭王

送文宗餘姚周公二首

送梁太學謁選北上

送康裕卿顧孝符之和州

送康山之江陰 送程後臺考蹟北上

送江郡博令柳城 寄黎惟敬

荅姜玄仲見懷 憶弟

皇甫僉憲還山奉寄

聞周山人計詩以哭之

五言排律五首

荅毛禮部兼謝分祿之惠

荅袁進士見懷 四日普照寺齋會

靈谷寺得虞字

楊邑侯職俸詩三十韻

集

六

卷之五

七言律詩六十五首

贈金孝廉子坤 逢張給事

贈盧司徒

逢侯太學兼簡中白虞部

贈王禮部 贈李虞部

西園贈沈脂部

登三山宿聽江樓經落星崗李白換酒處

賦得長干柳

許石城維適軒賞荷化作

五日和宗伯昭 九日

清涼山霽雪 丙辰除夕

八月晦日顧奉常招飲靈谷寺

九日何孔目招飲永興禪寺

毛儀部朱客部葉祠部江駕部招飲栖雲

道院得微字

金子坤姚元白陳子野盛仲交余伯祥招

飲永寧寺與雲間何元朗山陰陳九鼎

新安王亮卿姑蘇吳子克同集得樓字

集姚元白市隱園得殘字

集

七

集何元朗四友齋得芳字

臘月十一日同盧大榘集馮祠部官舍得

從字 集江駕部官舍

正月晦日集市隱園得鶯字

二月十五日夜同郭次父金子坤過市隱

園得花字 魏國西園

汪元龜攜酒市隱園與朱客部同集

俞秀才孟麟皆春堂讌集

五月望日集金氏園亭得情字

仲冬望夜同朱明府金孝廉張太學市隱

園攜酒散步

臘月廿四日呂光祿席上

十六日市隱園得朝字

集西園呈沈膳部仲文

再過西園與沈膳部時膳部有廣西僉憲

之擢 送徐郎中還山

送張山人斯植還洞庭

送盧山人次梗還潯縣

木末亭送史叔載張幼于東還

送毛儀部擢濟南守還蜀三首

自集錄

送江駕部擢守上饒

送薛比部擢守重慶

送朱客部擢守九江

再送朱客部 送客還休寧

送王庫部擢植川兵憲

送張比部擢長沙僉憲

送胡編修服闋還朝

送馬文美東歸

送王比部上表簡嚴太史

送楊兵部考績北上

送曾源泉歸汝寧

中秋集定慧寺時自金陵暫歸

十六日華山定得清字

宿虎丘當別 答伯父中南山人

錢大理經歲不面詩以見懷

答贈馬山人子喬 寄吳中故人

金齋朱明府入山訪道內人亦修梵行賦

贈 答浮玉叔見寄

陸山人新築餐英館于赤城之墟恨余留

滯金陵未得游衍其中寄此志懷

自集錄

卽事 將辭白下作

同湯納言集冶城道院

卷之六

五言絕句二十首

金陵雜詠十四首

賦得秦淮柳二首

朱子价齋中夜集賦得蘭影二首

潘戶部招飲以往靈谷寺不赴

雨後

七言絕句四十一首

毘陵道中

金陵古意四首

留都元夜二首

天妃宮看西域海棠

櫻桃園紀事

送沈仲文僉憲廣西

余伯祥席上送吳而待黎惟敬下第歸嶺南

南

何翰林期余魏國西園看花以疾不往

送汪太學遊江都

贈徐元甫二首

顧奉常許乞名酒詩以速之

送程工部二首

陸祠部養病崇因寺

錢君招飲郊外以疾不赴

臬集

十

送汪太學還吳門

何翰林席上聞歌

何祠部席上觀舞

爲余上舍悼亡

贈初詩爲郭次父作二首

爲沈開子贈妓

贈歌者李節

口占贈何氏秘書丞

題楊秀才室人畫海棠

嘲何生

無題

爲張長君詠美人寄枕

爲題出水荷花二首

卷之七

賦

玄圃賦

卷之八

序

海運編序

猗蘭集序

客閑集序

送膳部沈子擢廣西僉憲序

卷之九

文 頌 箴

敘橫涇之捷

臬集

二

敘劉將軍淮上平倭戰功文

頌任大夫平夷功有序

淮揚平倭頌 有象

勦除倭寇露布

織貢圖箴

卷之十

記 書

四友齋記

東山茶所記

青溪田舍記

荅沈開子書

卷之十一

誄 墓誌銘 行狀

貞山給事中陸公誄

肇父上虞士墓誌銘

孝甫俞君墓誌銘

誥封太宜人馬母許氏行狀

白下集目錄

白下集卷之一

吳郡黃姬水著

五言古詩一十六首

始發吳至都下述懷六首

落宿沒遙堞崇雲結扶肝揮手卽修路羸馬從此
驅故鄉豈不戀遠身誠令圖親朋相追送勸吾盡
一壺出門盼叢薄白骨彌黃墟狐狸馳陰阪空屋
號飢烏朱曜失精光迅風卷阜蕪關河迴形影含
悽玄鬢枯況乃攜妻子道阻不可徂

伯玉遊近關仲尼欲桴海梁鴻歌五噫梅生紫芝

自集卷一

采大雅著明哲老聃戒辱殆由來亂無象炳幾貴
前解鳬鴈足稻梁飲啄固有在不見桑樞人絃歌
樂無改眷言遊碧嶂瑤溪積鮮霑沍寥山孔靜空
宇朱霞灑擁條猿狖哀奔厓瀑泉駭窟伏巖石間
逍遙遺世械真想不嬰物恬愉合玄宰匪羞黃雀
群鷗運定演解

二七翔文固精意誦典籍頗禪雕龍業咀腴吐丰
澤抗心尹說儔隆想在竹帛興言念惻惻思展安
世策靈修無淑命惜惜咎懷璧誰知三十年埳壈
咸陽客纏綿嬰憂患舉足觸虬蜴神辱而志沮粘

夜莫能釋願奉壯生言超然謝拘迫客余迷方子
抱命守貞宅

衡紀邇推遷沆陽屆西顥夕陰吹商飈蕭瑟空林
掃薄帷鳴蟋蟀綠堦凋蕙草中夜不能寐起視月
皦皦離獸紛赴穴南旻叫鴻早覽物惻余悵繁傷
怒如擣借問爾胡爲羈人在遠道誰言憂可任憂
來令人老

迴波戀舊淑歸雲依故山北風與南枝矯性物所
難胡爲背鄉邑杖杜多慨嘆親朋盡一別不復奉
容顏去間如昨日青春忽成丹搖搖羈旅心夷猶

白集卷一

二

積愴煩臨睨悵修阻江芷嚴霜殘但傷行路苦未
暇憂饑寒前除爛河宿濡袂涕汎瀾

般紆沂長江駕言造皇里桴候縱橫馳征艦戒前
珥嘉遊覽九宸神臯洵腴美秘掖肅天居金鋪啓
玉祀月殿拱華清雕甍燭霞綺靈丘衛寢園青道
接郊時城中十二衢寶馬交穠李赫赫侯王貴甲
第千雲起軒軒珪組客清途獵臘仕夷世多歡娛
高車耀朱紫帝京雖云樂不如穎陽埃散髮卧林
樾崇岡布幽趾

旅中對月述懷

長江一萬里到海只須臾人生無百年忽忽流光
徂青春忽受謝已矣悲令圖呂尚不逢載渭水終
釣徒五十猶負薪會稽爲逐夫咨余昧前算位何
靡良塗緬懷空中賞嚴鄭與之俱弓旌久不作身
名竟萎蕪微月曖幽幔緒雁寒商呼青火無精景
熒熒高林枯撫枕多悶嘆申旦涕沾襦

卧疾東何太史元朗

殊鄉靡蕪綠行者感低離羣疾旣云邁雲轔覽
窺簷前白日邁青春與之俱東城桃李花倏爾謝
華滋理藥卧間寂空此芳菲時煮玉飲其液輔以

白集卷一

三

九光芝或展丹篆文素矜聊以娛嘗聞煙客者八
景恣瀟灑攝生在攝心攝心豈外假真境本玄寂
若攝卽指馬澄懷延日華孤坐青霞把忽憶西垣
人新詞振風雅仙臺休沐餘朱絲奏瑤箏行憶踏
飛花覽物眺矧野賞心一不晤幽悵竟誰爲

夏日登鷄鳴山懷朱司業

迴阡結飛輦登頓窮嘉旦孤悵感滯淫興命凌汗
漫延閣綠雲上江山送日亂丹嶽俯神臯奔流赴
溟瀚玄湖仙嶼隱瓊苑皇衢散靜賞娛清暉須臾
狀殊換遠樹積繁陰白鳥矯輕翰傷哉千里目煙

際綠蕪斷伊人美無度一聯在霄漢金門著作庭
蓬山藏書觀麟趾橫經餘焚香坐清晏所思邈難
卽西嶺日欲肝抱景素寸心勞勞空虛嘆

簡邵大父青城毛禮部詩教本學

緬昔少年時明姿何婉嫵綴藻若春華六籍事漁
政最彼迷邦言有積希自衛遭命叔夜奇不復似
雄薦曩薰今爲夢興言痛緇練時亂丁我躬竄跡
寄宅縣本肇履復空藜藿不克脂膩草詎釋懷怛
怛恒在面齒髮日以非唯存氣一片綺季歌療芝
割肉責曼倩穢潔雖不同亦各行所見余方泣
岐前路智猶眩欲就諸侯招已勝賢人戰酒鱗恥
求活羸馬悲先倦於世苟無營安往非貧賤逢君
卽良樂光輝生顧盼感惠激中腸陳詞淚如霞耿
耿平生心白日高天炫

許尚寶仲貽席上作

撫時感冬索有冽嚴霜序玄颺結寒天脩塗偃荒
楚殊方久滯淫怵鬱黯余緒眷懷同心人空林每
延佇山公與稽生冥交夙所許迴瞻展良親嘉譙
式斯舉絃匏在兩房克筵雅管陶陶敦故歡永
夕繼華炬曠爾借鴻心冷然洽蘭語長江無西流

傾曦不東虞萬組豈足論覆此盈樽醉別園抗菊
芳煙霏接仙籟酒泉響迴渾微月暖孤嶼廣除被
幽薄寒條露零泝放意傲以遊誰言有羈旅

送毛儀部

我昔常恨別此別恨難彌所嗟平生親揮手一萬
里萬里若驚風猶希託雙鯉音徽苟不嗣形影何
由適甲兵不可留舊意洽瀾瀾結綬列王官將以
寄化理仕不爲蒼生爵服玩徒耽相彼夸毗人如
酌亦孔取誰能諸侯貴一擲輕脫屣岷嶓盡是國
家宇嘉山水翩然躡霞鏡高步紫雲裏遠心樂林

自集卷

九

草跌宕在文史有時挹浮丘跪授丹鉛肯手持碧
奈花駕麟餐鳳肺願從乞刀圭何愁追濛汜各保
金石軀殊庭可不死常佩真人言神理超玉壘去
去不能離望望從茲始采采贈同心寒風被江芷

何翰林席上作

客余尋賈籍少小失采翰思展經國猷歟名暮青
汗明我生不辰初席譙時難鴻窅歎五噫寧微衷
夜漫空抱黃鶴心番令笑斥鵲落落遊人感感
多慨嘆駕言適中郎迴旋倒玉粲和惠洽同好華
堂張曲晏主人蘭室英逸氣凌公幹匪直文藻輝

况乃心瑱瑱則既云借一晤煩憂散絲竹泛觴
醉嘉賓樂以和長江入青溪寒湖響離岸霜天白
草枯風樹暮禽亂情盤愁景迷仰視河宿爛豈不
懷太康聊以娛中旦

讀揚太史川脩選朱客部子价詩

楚豔江潭詞漢嘉河梁猶魏晉及唐唱與觀同敷
妍風雅豈殊致寓日表木宜咨伊匠心苦玄賞空
千年靈蛇自謂握腊鼠衆所憐寒寒六漠內誰聽
伯牙絃司江左秀弱冠卽懷鉛激刺播芳蕤文
間鬱孤養揚公秘室英謫居滇南天博極擬平子
綢書並馬遷千里爲定文寧謝陳思賢張華嘆左
賦桓譚稱雄玄一時騰紙價可諒百代傳欣余奉
光誦迴諷心冷然寄言鶩藝者岐陌慎所前

荅張太學幼于

王者慨不作失志賢人忤楚謠與漢賦周雅踵前
塗世代迭以易妍醜各自區茲道詎云邈天心假
人歎吐述匪性靈雕飾終累蕪陽阿空浩唱巴響
已塞衢豈直和者寡還傷識曲無之子抱玄賞藝
陌零芳腴謂余乘孤律就問荆南徒惠好日益密
亮情締中孚別來幾何時高林忽鳴枯良訊欣再

奉勞結腸轉紆念子精屢越目向寒雲肝冰雪滿
修路留滯歲復徂願以羈旅身假翼歸風俱但媿
琅玕贈報爾無瑤瑜

客還集阮都尉宅

歲除客還家親故忻展觀今奉三秋儀昨懷千里
訊墟曲開素心春風上枯鬢步兵夙寡諧締交江
東俊媿匪黃生陂曰余可消荅談玄辨雕龍意恆
悟游刃衷還復父年芥畧一何迅不瘳商皓飢徒
握楚原瑾古來賢聖徒慧智存疾疾俛仰大塊間
盈觴莫勿進

白下集卷之一

七

白下集卷之一

白下集卷之二

吳郡黃 姬水 著

七言古詩一首

姚元白市隱園作

主人飛遯青溪側散髮孤吟操翰墨靜處看雲竹
裏陰狂來長月波間色天涯遊子怯春衣醉酒塢
頭尚未歸怪得名園過詞客一時花柳盡芳菲

飲酒與何元朗

主人昨日始罷官沽酒留賓坐夜闌桃葉渡頭月
正滿樂遊苑裏雪初殘冀北江南天萬里與君贈

登皆如此邂逅街衢得幾時門前車馬東流水

送崔旦歸平度

去年秣陵迢迢送別青門草今年客吳趨飲酒松江
鱸匹馬明朝又西去一隔雲山不知處才大難逢
底自嗟白頭空抱匡時疏聞君結宅近蓬萊芝英
石髓仙巖開餐精鍊骨且高卧人間誰築黃金臺
君不見鳳鳥食琅玕丹穴棲高翰雲雨苟未得蛟
龍且泥蟠憐君落洛復還家余亦飄零向海涯拂
劍出門月在地滿天霜色照江花

朱進士席上作

都門朱博真出羣閉帷精誦還工文長身七尺五
山立談鋒千丈上青雲黃金一擲結賢士烹鮮宰
肥置筵几登堂揖客以風豪擊筑高歌任西畧黃
生漢落湖海人璫瑜在握家亦貧五侯七貴招不
往舉頭蕭瑟無所親與君一見許意氣斗酒相煖
足相慰江山總是人代非浮世何須悲不遇君不
見車傍倚鍾杖掛錢至今飲者芳名傳人生適意
但酣暢東方漸高杯莫放

謝吳丁惠鑷白之藥兼乞秘方

黃山發水生高賢研經博習還探玄李固從師遠

白集卷二

二一

負笈韓康賣藥不取錢余也飄飄湖海客愁逼塵
催頭早白青鏡長教勸業悲丹砂空自助陰惜一
遇都門解鵬鵬相看意氣多慨慷惠我青泥雪一
匕頃刻全消瘡上霜五千會授關門吏袖中奇方
願無秘

分得官亭湖送朱客部之任九江

岷江東流一萬里汪洋作官亭水吞雲納日巨
浸間白頭浪涌波如山匡廬峻削過參井峯峯倒
映芙蓉影空濛遙帶九江城衝煙寒鴈起秋聲琴
崖索業冰謝客風帆還應追李白使君新懸太守

章揚舲鼓柁來潯陽青山綠水無今古郡中風月
誰爲主願得分風送爾行州民正望車前雨

呂光祿席上送崇安丘尹之任柳城

柳城一月春風顛仰天縮脚閉戶眠海門片霧吞
江柳散作千山萬山雨陰陰黯黯空林餓烏白
晝啼愁霖寒飯子桑誰過牖爐頭賴飲知章酒酒
昨欣逢闌紙字自風甘神交久一官憔悴家更
貧往往新詩播人口偉哉光祿大厦材九列之望
降三台乘驄風吹長洲苑東甌初試裁見滿同是
公門桃李枝余今已作溝中斷廿載重逢鬢各絲
後來會面安可期徘徊日夕情何極街歪屐換青
山色惜別當時已浩然驪駒今復在門前龍城路
遠衡陽外總有音書雁莫傳

朱司馬席上作

秋風蕭瑟吹林陵大江招弊客不能胡爲踟躕朱
門影橋足長當道大嶺玉堂學士江左賢明經第
一吟妙年秘室文章冠詞園禮樂明和還商賈石
牛罷講下蘭臺高堂置酒召鄉校玄談水牯延落
景輔賞煙霞象闕來我愛王人情太厚雕盤玉笋
千金高鳴笳擊鼓樂一哭宛見南榮橫北斗瀛州

蓬觀木像家別有重人駐歲華蟋蟀已吟井上葉
鴛鴦猶泛池中花酌酒與君須暢飲當杯且莫生
吝嗔君不見六朝羅綺餘是敗穴楚蕭蕭走魍魎
無情堤柳只自垂昨日吳宮今晉苑又不見人生
聚會能幾何山陽聞笛哀情多黃公壚頭共嵇阮
乘輅轉眼悲山河立馬踟躕且莫去明日孤雲定
何處

人日懷朱太守子价

去年爲郎長安道省中行路生青草今年作牧九
江城白榆庭下喧灘聲憶昨人日月在天高齋設
像數几筵石鼎自煮中泠泉題詩萬里寄瀘川鴻
鵠樓前月正午蘆花山頭初過雨金陵春釀百斛
傾主人醉後還留賓須臾飛詔來南向五馬雙旌
看不見誰知人日轉眼逢八賢分散悲萍蹤西嶽
道人去不返東閣僊郎歸無處嗟余病客只飄零
閉戶經旬親藥椀自君一別心賞乖足跡不到長
安街此日思君往事歌潮渚石上空明月草堂同
是題詩人我今題寄轉傷神許掾年來倦登陟欲
訪匡君猶未得正廬一望一清冰歲改星回信息
稀調水當時蘇學士石山今日謝元暉

雪中登覽鳴寺千佛閣循西

蘇步至獲舟崗上作

林陵暮序三日雪淮河流漸冰夜結嚴風吹山木
欲折鳥雀不能飛兔絕羈人一室哀生眠門前無
路厨無煙容顏自好氣益壯門戶四望驚皎然典
來者後上青嶼便有高朋載芳醕陰屯素積石乳
懸自覺禪關更幽閒酒酣人吐孤峯噴寒光慘冽
不可留玄雲綿密晦八極萬有莫辨大塊浮湖昏
澈黑狀千詭奔沙駭浪魂欲摧火洲日壑何處求
峨嵋陰山只尺是初疑虛空三昧鶴王家珠林銀
樹琉璃花又疑仙人白玉十二城玄霜絳雪上藥
成嗚呼雪中東人今比屋千載空傳詠黃竹

醉後歌贈沈秀才開予

沈郎意氣何軒昂片言感激心相許懷瑜握瑾人
不知平生直項無低眉豐頤廣額骨相異朝霞之
姿青雲志習中直欲雲夢吞眼前但見蟲處視手
持鸚鵡向余泣庸聽奇音豈相及讀之字字皆琅
玕江河萬里驚飛湍呀哉龍藏與蛟屈世間誰得
復誰失百年須臾貴適意莫使銜盃虛一日黃金
買笑芙蓉樓繡帳橫釵醉瑤瑟君不見桃葉渡頭

春復春桃花愁殺渡江人又不見落星岡前落星

石千載空悲綺裘客洛陽季子黑貂貧會稽太守

昨負薪占米豪傑誰不遇試問長夜何時放鳳鳥

不至麒麟死白髮朝生吾已矣酒酣拔劍酒更呼

贈君君此歌肝膽枯

兆宋行送高給事

兆宋之歲冷孔烈斗垣稽象孳為孽西北震蕩地
枉折壯士仰天肝膽裂平生許國腰下鐵樓蘭之
頭月氏血車飛火瀉愛未絕吁嗟又見隕喉舌美
君少年青瑣列奇觚議論何款切批鱗寧長履尾

卑集卷三

木

啞賈生南遷鄒陽純白壁青蠅竟誰雪長江悠悠
鍾阜嶺方草門前曉啼鴉越山千里戒歸轍天雲

不飛心煩結抱木恨恨不能別君到吳臺往事閱

范蠡身全子胥扶由來炙手須臾失馬生牛理

難說願君常保素絲節人間萬細皆蟻蟻人間萬

細皆蟻蟻

木歌贈趙光祿

崑崙之南有青丘異體元女名長洲儲精畜怪產
巨木浩歷億劫無春秋吐雲嗽露何濟沆馳馳雷
駭海水盡龍從身大二千罔直上摩霄一萬丈灌

溉甘液巢神鳳辟邪天底遊其傍蘭視大椿芥扶
桑星榆月桂相低昂匠石傾之心茫茫人間百木
誰棟梁枳棘蓬蒿森且衆椅梧枌櫨無人種乾坤
一木世罕知竹箭也菁空作貢誰道難將大厦支
可憐未作明堂用軒軒光祿直丈夫降生應運獄
吐符影綴綴組登清途蘭室秘室冠名儒歲當闕
茂來騰胡及馬突入犯京都天子震怒命挽孤
召集羣工及杏詠六師不調司馬懦盈庭之人
口喘喘光祿兄之不顧軀張膽奮臂前一呼皇靈百
倍大義扶日月輝明秋星殂直道胡爲偏觸忌東

集卷之十一

上

身炎微寧辭避長沙才子不久留中郎暫作淮陽
吏天曹詔起司銓銜總署還稱白馬生持鈞秉軸
是何日四海嗷嗷思太平余本臃腫材復作溝中
斷仰天大叫夜漫漫爲君吟成一木歌倒峙泰華
西流河

海上三神山歌贈楊伯海

伯海瓊偉卓犖動與俗迕有高蛟塵表之志張
川宗子爲之作傳若曰誕然而以世之東觀是
臺言者非伯海志也余故歌此爲之勸駕云

嘗聞三神山云在大海東下戴靈鷲上集群龍金

銀城闕琉璃宮瓊林碧樹何青藜仙人道士居其
中玄芝藥爲糧升泉飲爲醴千秋萬歲可不死手
攀琤琤瞰寥廓九河潄只十嶽垤只隘哉中州不
可以止瀛洲道里七十萬方丈蓬萊同汗漫洪濤
無風百尺瀾水底茫茫無畔岸欲往從之託飛翰
漢帝秦皇空浩歎揚君胃中太崛奇高才勝氣不
受羈軒軒爽朗朝霞姿萬言一目詞莫遺雄文立
吐如泉馳驅陽豪舉扶風客成言不悔心如石酒
酣拔劍耳熱時喧嘩千丈虹霓白遠心自擬遊溟
鯁眼前離鯁誰與論千金盡散落魄士一刺豈謁

集卷之十一

八

諸侯門年過三十不得意儻蕩清狂爲俗忌出門
有礙居領領仰天大叫裂目瞽海上神仙豈難至
便欲騷騷駕虹駟殊庭棗館三丘闕冠霞解玉翔
且戲柰花采椒瑤笥餌逍遙天地無終始回視赤
縣蟪蛄之窟楚楚蜉蝣惺惺魑魅朝生暮死而搏
噬無已矣君度世出千塵余亦丹臺天帝臣招邀
盧敖載雲氣八極同驅五色麟

白下集卷之二

白下集卷之三

吳郡黃 姬水 著

五言律詩六十九首

大茅峯

興言陟危磴天表眺孤岑旭日被長甸初霞澄薄陰殊庭瞻紫氣丹籙覲玄心茅君騎鵠處白雲留至今

宿吳鍊師房

憐君減景有抗宇在巖阿門有千年樹園多五色蛾暫迴塵外軫一問石邊柯今夜遊仙夢不遠在

烟蘿

華陽洞

福地人間世傳聞煙客居此中多得衛窮墨信靈墟花猶漁子誤草是仙糧餘到此懷真隱深山松館虛

玉晨觀

玉晨標紫觀宛在第三峯昔日朱陽館陶君此聽松青泥美芝熟翠碣上苔封可憐嵇叔夜石髓未能逢

積金峯

煙駕凌仙嶺雲衢知幾重丹砂流碧澗白日擁琳宮此地龜符授何年鶴信通層樓一以眺宛爾躡天墉

三宿巖

昔人泊舟於此三宿而去故名

奇絕洞平地突兀香臺前客到曾三宿巖名已千年洞窮真成室峯擎卽是蓮如何一拳石亦自吐雲煙

曉出牛首道中作

亂石盤紆逗飛花藉綠莎層梯夾秀木複殿綴懸蘿霧氣出谷潏泉聲下山多如何與云盡猶自戀

巖阿

觀音閣

懸厓綴香閣下瞰千仞谿忽訝屢爲室始知雲可棲江連楚水外山盡秣陵西日暮潮生處愁心芳草迷

清涼山

淒涼陟故壠迢遞俯神京地盡山俱沒天空江與平夕陽鍾磬處芳草綺羅情青歲殊方客空悲鷓鴣鳴

祈澤寺

野寺藏山麓松蘿幽徑賒涓泉常作雨老樹半成
槎客至驚棲鶴僧閒對落花莫嫌吟卧久余意在
煙霞

虎洞

林深午晦明靈洞討崢嶸玉筇標爲柱芙蓉削作
城山高鳥不度塔靜虎常行巖際陰飈起孤遊黯
余情

草堂寺

夜宿滄波隔朝行澗道清儵然來此地紛矣覩吾
生江染靡無色山含薜荔情寄言草堂客莫遺曉

自集卷三

三

猿驚

鷄鳴禪寺

息駕縹緲下松風天外飄如何玄寂境不遺旅情
消六代空鳴鳥三秋祇弊貂無情原上草靡霍自
前朝

定林寺

禪宮翠微半四面芙蓉城樹色蒼然染山形類削
成泉從壁間落雲向屋頭生深夜聞僊梵空臺兩
氣清

曉陟方山絕頂憇石龍池上

天上盤飛餘懸片仄路分度梁全隔世入嶺不知
雲地迥空香度生深暗瀑聞清池堪一憩白石淨
苔文

攝山

總轡竟靈區煙霞路紆紆空潭含瀑冷遠岫枕江
派此日身名翳前朝歲月蕪攝生多異草畢志老
山圖

栖霞寺

吳地標仙嶠梁朝啓化城巖開千佛古塔建一珠
明草沒徵君石苔留過客名探奇到此盡山水獨

自集卷三

四

含清

宿雲谷禪師園瓢

支公禪誦處石壁一龕栖枯木形無縛空花智不
迷蘚塔交虎跡磻戶亂猿啼密義從君說然燈嶺
月西

天寧寺

此地巖穴秀何年梵剎開林欹鶴王布石定仙人
栽亂瀑流花去空雲帶雨來繩牀清夢曉殘月江
猿哀

同金楊二孝廉雨花臺雪眺

香臺眺晨雲琪樹結陰霏銀界諸天朗珠塵大地
輝山長含露冷江黯入雲微不是談經日空花亦
自飛

同楊伯海比季遊天隆寺

一利千巖裏空潭騎古算石梁慈樹綠園微覺花
芳物外春偏澹山中日倍長空門一以到心境即
清涼

崇化寺梅花水

春雨躡招提空山草木萋落花深掩室飛澗曲藏
蹊憩石名泉賞接蘿翠壁題玉膏堪駐歲願此結

車集卷三

五

雲栖

達摩洞

一祖西歸處靈蹤今尚遺危峯出天表古洞瞰江
湄壁絕無難挂崖傾有石支白雲青草渡猶似折
蘆時

嘉善寺石觀音洞

窮窅來尋寺還將古洞躋因巖成石室借棧作芝
梯谷口栖霞清峯頭過雨低如何下山路常使故
蹤迷

東山

昔卧會稽客因留東山名宛然林泉趣猶是謝公
情遠野草全沒空門臺半傾誰知遊衍者偏解賦
蒼生

燕子磯

羈思寄遐矚危磯駕巨濤煙深南北渚風急去來
潮赴海波難駐揚塵劫易消桃花吹暮雨莫向客
衣飄

潦源巷

孤菴背嶂裏蘿竹日淒淒山雜雲難辨泉兼雨易
迷經年一僧住白晝衆聽啼歸騎下竹簾千重暮

車集卷三

六

色低

同子申淵部次父登謝公墩

淒涼餘往蹟來眺綠蕪中人代河山異風流今古
同春雲裡帝闕暮雨一禪宮貧賤無時望空令懷
謝公

五日臺懷古

昔日繁華地年年野人耕鳥啼猶是夢柳挂本無
情江上暮山出客中春草生余愁誰解識聊一詠
張衡

攝山看杏花

孤利隱修嶂門前江水流雲深異草闕鹿去古泉
留山殿春猶冷禪林花更幽自憐扶病骨曾不廢
遊遊

登雨花臺

當年說法地臺上草紛紛高座不可見空香如有
聞川光亂晴日花氣和春雲望遠多愁思那堪倚
夕曛

靈谷寺

入寺心彌遠頓令塵想違長松百餘一玲落葉半局
扉雨氣連山白泉聲瀉石微夕陽幽谷裏野藤伴

人歸

集卷三

七

清明日集息園

清明風日好况復園林嘉但使攀芳樹何須怨落
花弱藤上高格低柳礙浮槎獨有思歸客偏多感
物華

除夕與金子坤郎次父登冶城後集小寓

散步崇岡後明燈綠酒初那堪惜除歲又復感遺
墟寒柝嚴城急春星短屋疎明朝問生計猶是一
牀書

元日同文德承部次甫過斌上人精舍

古刹稅霞鎖雲林自遠器到來齊浩劫何用紀元
朝竹密無行徑僧閒不過橋空飈灑寒雨巖穴轉
蕭條

立春日

旅食他鄉又俄驚時序新蘭林即謁謁澗溜漸細
細憲也元非病雄芳何逐貧今年春到早應笑未
歸人

客中七夕

客中逢令節幽意託蘭蕤雨暗江湖至秋回天漢
移嵇康不偶日王粲未歸時欲向雙星問應會解

集卷三

八一

別離

牛女詠

鵲梁依漢起龍轡逐颺馳石冷香梭歇榆深僊翟
移何當一夕詣番動彌年悲會晤苟如此不如長
別離

十八夜詠燈

銅錯紛華藻蘭膏散綺煙共言元夜好還見九枝
然先花忽生豔後月不虧圓若向羅幃照流暉更
可憐

姚元白竹素山房詠春雪

獻歲又逢雪林光澹以凄寒輕全帶雨冰渙半成
泥妬梅繁閣情學絮傍臺低飄蕩春風裏偏令客
思迷

雨

白晝忽云暝愁深秋草腓北風吹海水蕭條作雨
飛樹暗侵潮氣峯低歛暮霏他鄉羈離日莫嘆客
無衣

雪

一夜吹天雪寒生建業城風威侵骨冷霽色照襟
清莫問袁安卧何慙東郭行當年程正字湓死豈

東集卷三

九

求名

臘月六日雪中作

窮歲五日雪江山積霧昏荒塗礙假柱仄壁挂饑
猿有客免園賞幾人孤白溫如何洛陽裏偏沒袁
安門

冬日過顧太常攜酒過志上人山房

余意在寥廓愛茲塵外鑣揭來枯禪地况是清郎
招古殿天寒樹空城日暮潮忘歸晤心賞偏愛石
門遙

小歲夜集朱子价齋中

厭厭官閣夜餘雪覆寒沙何事除年戀番於小歲
多從君休沐飲慰我勞人歌同是飛騰景偏驚客
裏過

中秋夜坐

旅人貪看月危坐到天明露重蛩偏響風凄鵲屢
驚一身差短劒四壁笑孤檠唯有還家夢今宵亦
不成

九日同何翰林康山人顧太常集天界寺

尋山來古寺泉石弄清暉何事良辰賞當於羈思
違松崖飛雪冷竹徑入雲微搖落登臨日那堪客

東集卷三

十一

未歸

已未除夕

獨坐寒燈裏孤客伴旅身白頭重受節芳草尚淹
人有酒且娛樂無衣豈厭貧却憐今夜盡逢歲又
逢春

新正三日顧孝常惠酒醉後賦詩貽之

三朝非九日送酒有王弘柳意風前動梅神雪後
增解酲猶未得中聖忽相仍報爾非聽下清尊得
好朋

春日言懷

誰道春風至，而今添鬢華。無言向桃李，有癖染煙霞。
霞世事猶如水，吾生直似麻。本來一枯衲，祇是未離家。

冬日言志

空谷堪栖遁，豁然無所營。水禽聞夜唳，山木玩冬榮。
人世焦原夢，吾生蓬累行。掩關聊養拙，豈是愛逃名。

金陵暫歸與惠茂卿話舊

遠道歸來日，風波話苦辛。今朝握手者，經歲夢思人。
水月禪林夜，鶯花茂苑春。宜城飲酒伴，誰似葛

事集卷三

十一

強親

南歸再過惠茂卿話舊

東歸訪舊隱，高卧絕氛埃。鸞爾庭前樹，皆余去後栽。
身隨鶴鶴隱，心想鳳凰來。酒罷拂瑤軫，自言常不開。

客還溪上對月

孤煙散紫堦，圓月照前除。樹密搖光亂，溪長受影虛。
千秋懷思菓，一枕客愁餘。永夜竊俱寂，幽悰獨會予。

繡佛齋爲汪東五賦

瞻禮未離相，皈依卽斷言。閒身爲佛子，巧手出王孫。
松下齋心澹，筵前法觀尊。此中得禪悅，何必向空門。

姚元白席上賦得父乙爵

受福歌周雅，呈祥紀漢年。千秋留廟器，此日奉賓筵。
饗養餐形猶具，丹青色更鮮。宗資元嗜酒，借爾吸長川。

題周貞玄草盜圖

賣藥長安市，栖身白社貧。柴門任沒雪，草盜自生春。
緬憶巢居子，如何坏遁人。華椽非不麗，轉眼更黃塵。

事集卷三

十二

黃塵

問疾丹泉居士

愛爾味禪悅，蕭然掩室中。欲知摩竭病，應悟藥王空。
塔隱無人識，癭形有鶴同。晤言誰與共，余本是愚公。

贈沈儀部四首

儀部授真訣，於煙客悟玄旨。於紫文將解，綬域中服食霞表余慕之賦詩贈焉。
言辭華省貴，去作仙臺郎。玉酒長生藥，金庭不死鄉。
茅山招白鶴，蜀肆覓青羊。願乞爐中雪，同余頂

上霜

常懷紫霞想早授青苔篇嚼藥瓊池側凌煙閣風
顛玉禾栽五色瑤笏劇千年安得雞飛日隨君直
一天

憐君紆綬者高抱采芳心名已挂仙籙身將蛻碧
林椒庭長飲玉黃冶可燒金莫使抱關子空瞻紫
氣深

雲腴一以服虛駕何能留藥室三花樹瑤京五城
樓不愁滯汜迫長與冥茫遊鶴信無相遠黃現道
士流

東集卷五

五

陸祠部養病崇因寺詩以訊之二首

伏枕違香首蕭然卧空林知君將宦意聊一託禪
心秋至嶺雲白人閒庭草深明光待新奏莫久脫
朝簪

憐君華省貴恬澹獨澄懷言借維摩室聊爲蘇晉
齋藤陰覆古殿濕水散空堦真際一以恬冥筌堂
自排

和朱子仙遊萊道人寄書曲

謫身大縣赤挂籍川臺中人閒塵易隔海底路難
通龍泥光逼斗鳩信遠乘風玉虬不可駕惆悵望

仙宮

送梁伯龍遊荆南

見說荆南路遙從巴蜀分江春半流雪峽曉盡飛
雲之子抱羈思孤遊弔湘君不知寒源夜猿叫若
爲聞

卷五進士魯望

同作他鄉客還憐會面賒那堪夢瓊樹忽爾枉瑤
華元禮方觀國彥先當憶家綠樽無與共空負一
春花

元夕立春

東集卷五

五

元晨到元夕青馭甫言司蓂莢全開日葭灰初變
時漢家祠夜早秦史立春近剛喜燒燈夜韶光動
九枝

贈雙塔樓雲上人

蕭然雙樹下丈室任雲深幻世無依跡禪門不著
心補衣將片影演法布周陰出離生能及寧然年
歲侵

白下集卷之三

三

白下集卷之四

吳郡黃 姬水

五言律詩五十六首 五言排律五首

詠懷七首

長安爲滯客落落向誰論
悅鬼惟芳草忘憂是綠
尊窮鳥笑卑擇潛虬嘉遠蟠
王侯且不事何況孟
嘗門

窮迹何須嘆行藏衆所嗤
延陵亦皮相鮑叔廼心
知不盡商山草空悲楚澤
籬總多玄髮恨白日只
西馳

吳郡黃

聊聊孤征客風煙曠易摧
已無封侯骨空有佐王
才漠北康頤老江南庾信
綺裘呼換酒石上醉
千回

布衣雄一世飄泊任無家
狂擬青樓月閒栖白寺
霞今遊卽已昔歡處忽成
嗟寄語中園曠榮華詎
足誇

水自秦淮入山連楚望回
馬來空說渡鳳去祇餘
臺然諾扶風客聲塵洛下
才向人無俗韻長卧白
雲堆

哭比唐衛青憂同漆室榮
堯庭悲軼死周室嘆若

生乾象多氛孽坤維亦震
驚空餘一片氣誰與請
長纓

旅世復爲旅勞勞役此形
客機愁玉粒鄉夢落金
庭調鶴知身逸看山得
眼青閉關無一事飲酒讀
騷經

秉尚

志士貴秉尚吾師倪缺流
願穿北海榻耻敝洛陽
裘三徑可不出諸侯何足
遊春風長薇蕨畢景好
歸休

夜集馮祠部官舍得黃字

吳郡黃

題柱漢官郎休衙頻擊觴
能令貢公喜還想阮生
狂照夜寒月白愁人原
草黃寧辭達曙飲天路馬
蹄霜

夜集黃庫部官舍

登朝抱經國直道嗟陸沉
衰暮結蒲日朱雲請劍
心飲余都市酒聽爾江潭
吟野戍動悲角寒煙愁
暮吟

過姚元白市隱園二首

言就白雲約名園聊近尋
飛梁波作徑曲榭石爲
林每過小山客誰知大隱
心清暉足娛賞不覺夕

霞沉

地僻寡塵鞅霞鏡許一琴平堂全抱水疏牖半啣
山柳卧漁磯靜花臨丹甌開憐君息機者長日掩
蕭關

過金子坤新居

言過巖穴上寒落荒林間芳草闕幽蹢白雲怡好
頗會酒食常滿浮名老吏閒謝石耽耽賞移宅傍
青山

同金之坤盛仲交市隱園對雪

遙空散密雪獨往問幽栖不道金陵裏蕭然有剡
溪凍雲連水合偃木抱岑低晏歲關山夜羈人意
轉悵

訪文德承於攝山掛寓

訪爾巖栖者迢迢披荔從閒年佳會瀑危路隱千
峯白首鶴裘客青山石戶農浮生能幾日一別十
年逢

同姚元白余伯祥訪同志和尚

駕言禮問上象外各超然回首即成劫初心未是
禪冥冥列虛牖野谷流平田石筵香飯罷曠色生
松煙

寓頤尚書官園

依然江總宅安閒傍青溪古造僻強竹乍同漁子
迷桐花覆園關蒹葭隱隱一掃一罷尚青板青苔沒
故蹊

毛禮部招飲東坡亭

崇觀來仙吏呼朋共洽歡崖巖芝閣迥松偃石閑
寒暢飲彈秦筑驕憂結楚蘭江山秋更好不奈林
人有

同王亮卿集會司務官舍

幕府香嘉話詞林擅妙才公榮飲酒共匡鼎說詩
來溝水空城逝秋蘭芳歲推逢君多慷慨筑罷玉
山頽

贈盧大梗

有客不偶世長歌意何如名高劉生諾淚盡鄒陽
苦獨夜鳴枯裏千山積雪餘飲君痛嘔酒江水渺
然予

王虞部席上

蘭筵集同好綠酒恰幽情阮籍方外上王充文苑
英秦河飛雨暗楚望入雲平一語石梁勝恍然霞
氣生

歲暮谷道光祿

旅泊京華日懷歸未得歸達人同潭知志士其山
微山雪年光映關河暮景微多君憐白貴片念客
無衣

贈殷參議

年來味禪悅脫冕挂城東豈爲一官拙庶知萬有
空人歸秋旂裏夢落曉猿中余本巖穴士相期桂
樹叢

呂光祿招飲官舍

美爾金門隱曠然違世氣裁書懷趙壹改席待羊

自集卷四

五十一

欣林盡生秋氣山空飲夕曛省中無一事掩閣只
論文

翁康二山人招飲靈谷寺

秋盞同爲客登臨來驚峯禪宮歎灰劫五酒信萍
蓬深谷無禽語閒扉有康踪更憐歸路好烟樹夕
陽重

黎唯敬吳子克金子坤姚虎白余伯祥過集

旅寓得疎字

上客集華裾他鄉烽火餘燼頭堪過酒無下卽爲
虛損益向平識之迎阮籍疎明朝千里客西日且

脚蹯

贈朱絳方子价

逢君多意氣投分卽忘榮識遠宦爲夢形全善不
名三山仙吏隱六代旅遊情試覓平臺路秋風蔓
草生

雪夜市隱園

積雪沒深戶霏霏操復增薄峯皆作乳灑沼卽成
冰日暝林猶皎雲寒景益澄剡溪今見戴綠酒喜
何勝

盧刑部招飲鷄鳴寺

自集卷四

六

古寺臺城舊香堂啓宴遊郎官素絲暇客子綠蕪
愁江冷春猶淺山深雨未收當盃莫不飲六代一
荒丘

同王陳二山人集朱客部官舍

寒雨官衙靜青尊野客過苔花被幽薄樹葉下高
柯宦拙潘生發時危寧戚歌逢人烽火後更覺別
情多

集馮祠部官舍

清曹連紫掖商飈五雲天身在鳳凰列情於麋鹿
偏月明人醉後爲到客歸先今夜窮途恨墟頭一

暢然

集朱進士天闕山房二首

抗館面靈秀峯巒相蔽虧寓心木末廓息志聊栖
遲巖欬葉綠棟山泉流入池悠然會真想坐見白
雲滋

澗道歷威紆開房綴嶺疎松陰下虛廊濕氣灑清
除厨出步兵酒牀留天祿書余情眷丘壑靜賞意
何如

燕秦使君官舍

建禮趨墀暇秋生庭樹涼鳴琴逢來客把酒惜流

東集卷四

七

芳月照冰廳冷花開粉署香上人情未已偏自愛
更長

冶城道院逢湯納言

同心在宴吳曰首非相知以茲片言諧卽是平生
期林宗偏獎上叔夜每違時一笑花丘畔克然慰
所思

同康山人宿栖霞寺

與君同所好霞外共招尋人世多岐路青山是賞
心看花到溪盡拾草聲除去宿東林月石門烟
霧深

送江郎中_中經北上二首

言辭擢蘭言去謁承明廬雪路燕山繞楓林楚國
疎香名題柱後恩寵賜繚初別日懷賢念汪羅伴
索居

知爾遠心在芳華寄一官白頭甘宦拙強項煩人
難月省三年萍星輅千里寒天王方賜對千役
未須歎

送何嗣部叔毗還雲間

送子東歸日清曹早罷郎已多桑梓念况是尊蓬
鄉笈令初衣在城燕舊宅荒途人亂離後墟曲話

東集卷四

八

凄涼

送康山人還永嘉

江海同漂泊君今何所之長安倦遊日落木送歸
時自信布衣貴難逢前路知永嘉山水好因動謝
公思

送朱給事還闕中

言陳雙管切恩謝五衣榮屈軼不常有朝陽但一
鳴方懷甫規耻何恨范滂名君到梅山下應多采
藥情

送谷子還嶺南

憐君嶺南客客處遂攜家
絳浦珠為樹鷄林玉作
花蒼梧萬里道碧海九
秋槎知爾啼猿夜唯餘
鄉夢賒

送林大理父還嶺南

送客秣陵秋紅亭黃葉舟
喜從毛義養還羨子長
遊海氣蒸庾嶺江流下
石頭從教秋梁園回首
白雲愁

送吳山人之大梁訪第兼謁西亭王

君去幾千里孤遊向落城
已多山水興况復鷄鶴
情白髮仍為客春風快
送行梁王好詞賦虛席
待

牧生

送文宗餘姚周公自

嶽降唯英哲昌期際盛
明德全周禮樂業陋漢
公卿化雨沾多士清風
動百城元知尼父牧應
不棄

狂生

驂駢去莫駐風水恨難
任白髮負知己青天懷
此心亂山明遠向落葉
鳴枯林別意那能說悠
悠江

水深

送梁太學謁選北上

忽枉羅浮客飄然思出
羣人疑梅嶺月詩借鳳
潭

雲五十非懷祿
聖可贈君青門駐馬別對酒不
能分

送康裕卿顧孝符之和州

歡友不堪別良辰自可憐
何當送君去正值落花
前采石寺仙跡香泉禮
梵筵誰知一江水亦自
隔風煙

送康山人之江陰

君去蘭陵日江鄉三月
春花香初撲酒海味正
甘人杜甫夔州老馬卿
印邑貧殊方同作客回
首念風塵

送程後臺考蹟北上

獻蹟肅征和河梁此日
分黃圖煩遺愛金馬待
修文宦室琴兼鶴王程
樹復雲惟餘寸心在持
取報明君

送丘郡博令柳城

教習復宰邑彈琴俗不
譁還將桃李樹散作河
陽花千谿暗蠻雨五嶺
明仙霞去去巴江道啼
猿伴客佐

寄黎惟敬

一自秣陵道別
廿三歲餘青袍多舊恨
綠綬有新

除曼倩隱金馬如著子虛片鴻知達否萬里嶺南書

荅姜玄仲見懷

吾國有真隱工詩今白頭長洲見月夜懷我秣陵秋杜若山中草風塵客裏多君夢思意併向尺書收

憶弟

憶昔辭粉邑天涯逐斷鴻不愁饑角里只自醉新豐浪迹衣屨積驚心戍火通如何春草夢多在夜猿中

皇甫愈還山奉寄

十二

皇甫愈還山奉寄

投綬歸來日遙從瘴嶺驅舟輕應載石梁富爲緘詩薄俗芳蘭忌長途倦馬悲無嗟霄漢遠自有白雲期

聞周山人計詩以哭之

千里哭吾友秋風淅淚繁一丘埋俠骨何地弔吟魂慷慨平生氣淒涼別日言遙思貧窮處白草關新原

五言排律五首

荅毛青城禮部兼謝分祿之惠

詞臣拜郎日握筆大江濱道以南遷貴家因父宦貧巨公甘澹泊逸少任清真鸞鐵九霄翮鵬遊八極神若非洛陽令誰問雪中人

荅袁進士見懷

念子美無度音稀心不遐何堪夢瓊樹忽復枉璫華元禮方觀國彥先當憶家晨趨六合月夜宿上方霞心賞人難晤年芳景易斜空令桃葉渡落盡一春花

四日曾照寺齋會

獻歲風日好相期來佛扉溪雲一澄霽香樹盡含

皇甫愈還山奉寄

十二

暉掩室豈因病涉關須晤機身躋化城逸性與紫海違乞鉢分麻飯繩床共衲衣谷中春尚淺江上陽初微庭草無心綠窓禽有象飛泊然枯木地息慮願皈依

靈谷寺得虞字

曉策歷城隅神臯訪閭區石門松路遠畫壁薜蘿廊蕪谷暖泉聲窈窕高塔影孤濕雲晴作雨積霧畫成哺王氣山中壁禪心衣裏珠康踪交客屨芝餌出僧厨此地宜猿鶴吾生類樵皮榮名差捷徑行止昧前塗結友總嘉邇照襟皆中孚晤茲翠微室

寥寥人境殊

次泉楊邑侯熾倭詩三十韻

帝道光由夏皇暉仰整天五戎咸戴日四海不生
煙百八當嘉際東南恒晏然綠沙方偃草白羽罷
鳴弦逋寇潛爲孽倭奴肆弗虔頻年防互市一旦
警侵邊錦甸夷塵滿朱譙成燧傳餘民靡有孑萬
室已如懸彌野惟骸積長河但血濺不堪悲抒軸
那可荷矛鉞天子空推轂將軍茂舉旆挽槍袂
未滅偷契性難悛剖竹河陽尹包菁楚國賢文規
金馬客武畧玉鈴篇白面誰云懦丹心祇益堅遠
籌千里敵妙達五兵權鞠旅車伸義揚麾一蕩羶
孤城合圍畏品嚴運鋒前陣馳縱騎橫江下戈
給拔旗能用勝損盡善藏全夜縱田單火朝穿耿
尉泉四郊臣恥雪三捷國威宣繫頸標京觀持俘
樂凱旋追奔維喙矣礮角若崩馬蹟著蔡彤上功
居虞謝先侵銷輝日月境證羣山川花邑輿歌作
春風稽人田伏波威符變驃騎勒邠連此日懷授
筆何人笑割餘雖辭卿城賞終紀太常鐫

白下集卷之四

白下集卷之五

七言律詩六十五首

吳郡黃 姬水 著

贈金孝廉子坤

豈因貧賤事干謁閉戶著書無斗量猶恥王孫一
飯忘未忘俠烈五陵狂黃金散盡顏色白髮悲
來歌慨慷相對秋風都市酒青天不語泣干將

逢張給事

遷客羈人總似萍幾年重見秣陵城即看緇服知
遊態每誦新詩識宦情孤湫寒潮依石落千山積

車李奎主

雪隔林明同學江湖憔悴盡吳將簪組負清平

贈盧司徒

初辭墨綬侍舍香明世翩翩飛鳳凰道上日評譚
召父禁中題柱目田郎談兵氣欲吞滄海作賦才
堪報七襄却笑扶風驚座客爲君腰下拂干將

一逢侯太學兼柬中白虞部

江關城高雁景遲秣陵秋色正懷其可堪作客飄
蓬日又復逢君泣玉時仙嶠懸輪座外軫石梁霞
氣夢中思寄語郇公元好事買山寧負白雲期

贈毛禮部

遷客休嗟鬢欲華，忍勞牧郡幾星霜。蘭香麝握爲仙吏，蓮炬曾分侍玉皇。賈誼憂時空有涕，揚雄作賦已無腸。伊余媿乏南州望，感激陳蕃意不忘。

贈李虞部

意氣誰憐湖海豪，秣陵時序正蕭騷。客於京洛偏緇服，人遇徐君卽解刀。教胄昔分麟趾學，爲郎新接鳳皇曹。吳臺一別渾如昨，忽漫相逢已二毛。

西園贈沈膳部

淑候閒房聽午陰，晤言不覺夕霞沉。芳洲日澹江潮急，遠壑煙生山木深。花落空階雙燕影，瀑懸層壁一猿吟。著書沈約元多病，未許清朝卽解簪。

早集奎

二

登三山宿聽江樓經落星崗李白換酒處二

首

水窮山絕地偏幽，古殿丹青闕一丘。萬里奔濤回片石，千年斷岸壓孤舟。吳天草綠春難盡，楚澨煙深客易愁。獨樹梅花空谷夜，潮聲月色宿江樓。空巖香閣叩栖禪，坐見歸禽沒遠天。鍾度寒潮疊峽外，帆移芳草碧洲前。春江半是巴山雪，暮嶺全迷楚澤煙。忽憶仙人換酒處，飄零今古一悽然。賦得長干柳

春煙嫋嫋雨濛濛，梁苑隋堤一夢中。幾葉空憐半江水，殘絲猶怯五更風。永豐園裏情無限，蘇小門前路乍通。寄語飛花好栖泊，莫教飄蕩快西東。

許石城維適軒賞荷花作

傲吏閒居翫物華，過君池館自清嘉。情耽醴醕渾無事，手種芙蓉盡作花。十丈承將仙掌露，雙頭染取赤城霞。稽山賀老歸來日，五月涼風榴若耶。

五日和宗伯昭

風雨江湄一倚闌，奈逢歡節不成歡。試看今日秦淮水，猶爲當年楚客寒。符薦靈絲交彩縷，湯傳翠釜沐芳蘭。驚時游子情無限，欲向樊侯引裏彈。

早集奎

三

九日

異國流芳看屢歇，懷歸遊子恨如何。心驚遠浦南飛影，淚灑長江東逝波。客裏逢秋更蕭瑟，老來行路轉蹉跎。故園黃菊誰爲主，荒楚天涯風雨多。

清涼山霽雪

凌寒結客上嶙峋，萬里光生雪霽晨。日出陰崖偏有耀，天連大野總無根。島嶼層層涌銀浪，樓臺處處散珠塵。自是帝京風景異，可無詞客賦陽春。

丙辰除夕

天涯滯客當窗紅綠酒燈前意不歡中歲流年偏
覺易後時行路轉教難夢驚故國重雲遠影伴空
山積雪寒可嘆雄心隨白髮向人羞作卧龍看

八月晦日顧奉常招飲靈谷寺

曾是高皇標康苑清郎招客載華觴山中泉繞
花宮冷寺裏松開慧路長地悅禪樓宜落日人愁
旅食近重陽石門黃葉重遊處風雨傷心看畫廊
九日何孔目招飲永興禪寺

年年九日秣陵道仙吏招攜上鳳岡對酒空思故
園菊登高偏斷旅人腸驚心早木含秋氣滿目江

阜寧集

四

山映夕陽莫訝秦淮歸騎晚芙蓉煙路月蒼蒼

毛儀部朱客部葉祠部江兵部招飲栖霞雲道

院得微字

南省詞臣休沐日仙臺宴客白雲微秋濤下磧流
偏急暮雨含寒濕不飛燕市天寒看寶劍湘澤人
老泣金微風塵今古多漂泊把酒無嗟世路非

金子坤姚元白陳子野盛仲文余伯祥招飲

永寧寺與雲間何元朗山陰陳九臯新安

王亮卿姑蘇吳子克同集得樓字

青郊歇馬拂吳釣萍聚天涯共白頭又舍新豐曉

命酒長謠故國一登樓林殘半壑飛寒雨潮落空
江急暮流世路風煙悲去住莫辭西日醉筵後

集姚元白市隱園得殘字

別館張筵暮色寒共誇驚坐客長安壚頭換酒鷄
裘薄江上聽歌玉樹殘野水繞籬穿石度青山入
戶隔林看梅前忽報空城鴈無那羈人愁歲闌

集何元朗四友齋得芳字

都市相逢俱作客可憐青歲忽凋芳黃金交薄誰
同調綠酒清親是異鄉花草尚存吳苑沒江山不
盡楚天長東門仙尉尋芝日詩友寧嫌湖海狂

阜寧集

五

臘月十一日同盧次樵示馮祠部官舍得從

字

都門忽覩燕臺客仙吏相招喜過從烈士酬知懷
一劍狂生負氣輕千鍾烏悲殘角輝中戌月冷空
潭雪後寒頭白仲宣須痛飲古來流落幾人逢

集江駕部官舍

耆郎高識敵南榮花竹蕭疎照眼清冠蓋祇今存
道氣江湖先自識詩名天山劍老扶風客海水秋
枯建業城世路茫茫尊有酒悲歌白日爲君傾

正月晦日集市隱園得營字

水竹爲園池館清春光婉婉媚新晴月逢朔英今朝盡人是看花昨日醒一望一迷著地柳半啼半泣出林鶯追隨騰賞堪行樂把酒審多芳歲情

二月十五日夜同郭次父金子坤過市隱園得花字

夫人遺世械地懷隱心九春之春惟仲爲勝一月之月在望偏澄且王孫怨草窮士泣途誰無撫時之歎也因歌今日殘花昨日開之句摘平聲字分韻余得花字

春半更逢三五夕相邀二仲過君家雨餘新水漾

東集卷五

六

芳月竹裏閑扉棲落花解道仙源自鷄犬不知帝里有繁華唯余飄泊風煙日石上頻來酌醴霞

魏國西園

一室凝香晏坐時門遠俗輟言滋花繁不道流芳歇山靜方知白日遲通客豈須招桂樹羈情空自折蘭枝人間醒醉渾閒事莫詢江潭漁父辭

汪元藻攜酒市隱園與朱客部同集

愛賞名園暮景留乍驚一葉早吟秋別家游子空搔思典國郎官已白頭水氣蒸煙迷曲渚天風吹雨滿西樓芙蓉楊柳渾無賴醉裏悲歌亦是愁

俞秀才孟麟昔春堂讌集

習池元許過山公對酒何須悲路窮日月泥塗身作梗關河烽火鬢成蓬夜深人醉絃歌裏春半花繁煙雨中年少看君多意氣南金聲價復誰同

五月望日集金氏園亭得情字

五月園林風日清相看把臂金蘭英堂開竹裏渾無暑酒送花前却有情鳴鳩感時催滯客懸鶉談世笑狂生主人不盡留賓意借與秦淮片月明

仲冬望夜同朱明府金孝廉張太學市隱園攜酒散步

東集卷五

七

何須巖樹可棲遲十畝芳園半是池已道嗒然塵市隱番令沙有江湖思朱櫓霜冷芙蓉遲丹洞雲深薛荔唯邀客夜遊明月裏車傍挂酒風笙吹

臘月廿四日沃洲呂光祿席上

雲林舊組元同調華省駢筵喜見酒醺蹉跎年冉冉宦遊成草馬蕭蕭山深凍雨皆成雪水落迴溪不上湖末路行藏何足歎此生唯有誦逍遙

十六日市隱園得朝字

過爾園居晝寂寂欲開愁肺綠澗澆三千白髮仍孤客九十芳時又一朝種石成林疏綬館跨溪爲

路曲通橋春風何春全露半在禽聲半橋條

集西園呈沈膳部仲文

遙憶仙曹瓊樹枝每因休沐慰相思迹隨金馬聊
成隱心與求羊元有期半嶺房櫺依澗出夕陽草
樹抱雲奇君今不向茲園醉試看高臺共曲池

再過西園與沈膳部時膳部有廣西僉憲之
擢

懷賢一片幾相求仙苑還憐泉壑幽眠石情閒宜
水竹看花時到葵榴墟中藥欲隨鷄變臺上雲
曾伴鳳遊見說省郎移樊伯封君先動別離愁

集卷五

送徐郎中還山

羈宦思歸張翰船秋風一夜起吳天愁來看劍空
憂國意盡投冠不待年栗里未荒栽菊徑管平猶
乏買山錢嗟余傳是雲霞吳落日淪江贈揮毫

送張山人斯植還洞庭

嘉慶金陵古帝畿放遊應與世情違百年浪迹飄
萍是六代遺蹤蔓草非山水盡收吟客篋風塵不
化野人衣白雲豈作長安物殘葉湖頭一笠歸

送盧山人次極還濟縣

空自時標千里駒與君同哭阮生途足離楚國方

爲玉泣下鮫人晶是珠七首風霜差烈士馬蹄花
月憶名都各天南北應難見頭白臨岐酒一壺

木末亭送丈叔載張幼于東還

高高亭子眺孤岑木葉飛初暮壑陰才子不逢時
太暗故人臨別意何深江山易灑楊朱淚歲月偏
驚宋玉心書劍經年歸未得爲將鄉夢報家林

送毛儀部擢濟南守還蜀

憶昔天王曾召對可憐拓落璧華催青城元是
神仙宅黃閣虛遺宰相才流水月明探鏡石市橋
花發上琴臺古星若遣輪軒使知是徵書入蜀來

集卷五

送江駕部擢守上饒

江南春盡生綠蘋飲餞難分把臂親身率一州堪
作牧手持六詔去臨民露冕爭誇慈賦貴星裘不
改折轅貧此鄉風土休嫌薄君是當年食水人

送薛比部擢守重慶

名都作牧分符遠萬里岷江楚道東開國相傳自
巴子化民今復有文翁荔支載酒西樓近蕙草懷
賢古塔空爲報寬仁賴川守卽看鳳集郡城中

送朱客部擢守九江

天書新拜虎符不驛路遙瞻法駕行一鶴自隨堪

坐嘯六條不設已風清堦前花映屋山色枕上樓
添江水聲莫訝侍臣還外補向來明主重車城

再送朱客部

五載追隨不覺離別君何地最相思吳苑春深贈
柳日楚江秋冷折蘭時郡樓方待庾公嘯石壁重
吟謝客詩見說次翁多治行卽看廷詔雪書馳

送客還休寧

相逢意氣卽相親霜落空江悵別津帝里花殘愁
作客仙巖之老待歸人遠心欲寄峯頭鶴俗厭難
知原上麟見說黃山更深阻借君川谷一逸秦

自集卷三

送王庫部擢潁川兵憲

紫書白簡奉新命高擁牙旗潁水間關上試登廣
武壁治民還訪具茨山長江衝杜率離思中夏風
雲壯旅顏不見儒生劉向者當年功德在威靈

送張比部擢長沙食憲

雙旌遙指黔中路持憲雄藩漢制符范叔奉書應
攬轡廉君爲政定歌橘雲山故繞黃陵廟春水難
分青草湖此去浮湘知有賦雁回還寄彩箋無

送胡編修服闋還朝

青谿柳色正芳菲日送仙舟恰夕暉院榜題名年

最少掖池供奉不曲應稀定分花炬歸中禁曾借飛
龍出瑣闥元是玉皇香案更好從天上理朝衣

送馬文美東歸

異國逢君曾幾時不堪今日又分攜文章京洛多
聲價花萼庭闈切夢思一葉高風洞湖起片帆晴
山海門吹家鄉欲問荆南客爲報年來髮盡絲

送翟丁二進士北上兼簡嚴太史

平生同抱泣珠心羈旅相逢思不禁匹馬敝裘汾
塞遠離筵衣疏大江陰公卿爭爲開東閣天子
應教賦上林寄語青雲故人道真公白髮已盈簪

自集卷三

十一

送楊兵部考績北上

秋風匹馬去朝天三載爲郎美獨賢御筆書屏名
已達紫庭入奏課誰先霜催木葉星帽裏日散花
香曉滿前沙還定應留侍從都門相送思凄然

送曾源泉歸汝寧

別經年音信稀石城重見思依依僊丘丹碧移
詩卷房帷模糊在戰衣李尉空悲國士遇斑生莫
遣壯心違南山射獵日高卧無邪春風欲送歸

中秋集定慧寺時自金陵暫歸

共喜中秋河漢明東林坐見月華生青天不染金

波冷古寺無人至，漏清竹栢空階交藻影。螢螢深巷，離聲故鄉，番作思家夢。此夜長安兒女情。

十六日華山宅得清字

爲憐淑候成佳賞，西第還賓吹紫笙。人苦風塵春不歸，時逢燈月夜還清。馬遷留滯悲前事，蔡澤相違笑此生。身在故鄉家在洛，衡孟猶足客中情。

宿虎丘當別

一歲河梁幾別君，行人偏自惜斜曛。空門片石疎花映，遠水孤帆斷雁聞。旅屐風塵年易入，故心杯酒路難分。家山莫怪重留戀，回首看時是白雲。

身集卷五

十一

答伯父中南山人

機雲少歲同游洛，求點清風共考槃。老去匠心知獨妙，塵催旅鬢已全殘。自甘向子終身賤，却笑陶公百日官。可嘆飄零惟小阮，常年空作白眉看。

錢大理經歲不面詩以見懷

一登九列居華要，竹下經年憶巨源。誰道王孫襪堪結，已聞子尉獄無冤。風摧旅鬢淹危路，雪覆寒莎卧破垣。不是長卿甘懶慢，白衣元自隔朱門。

答贈馮山人子喬

雲間才子舊風流，足蹕煙霞入帝州。白首傳家但

詩篋，青山去國一鳴裘。也知前路無推轂，聊逐閒情事放遊。試問江南烽火後，秣陵今日可宜秋。

寄吳中故人

孤征千里及蕭辰，辛苦羈離歎此身。飲酒新豐不醉客，題書古驛未逢人。江山空有還家夢，裘馬誰嗟行路貧。爲報遙遙無定跡，他鄉異縣老風塵。

企齋朱明府入山訪道內人亦脩梵行賦贈

謁師持戒躡霞岑，斷相離言悟自今。方喜先生歸五柳，却看居士住雙林。聽經石上花初墜，習定山中雪正深。龐蘊有妻皆得度，應知不異廬門心。

身集卷五

十二

答浮玉叔見寄

久攀桂樹日清嚴，雲遠風疎思不凡。蘿薜牆前臨聖草，琅玕花下誦仙函。一時綴藻推諸謝，幾度銜盃共阿咸。書寄秣陵人更遠，長江何日下孤帆。

陸山人新築餐英館于赤城之墟恨余留滯

金陵未得游衍其中寄此志懷

陸渾不見三年久，聞說移家南郭間。買地編籬因種菊，結廬鑿壁爲看山。居鄰泉石何嫌陋，身伴禽魚更覺閒。欲出華陽一相訪，嶺雲怡悅未能還。

卽事

南北山河苦鋒鏑男兒誰肯事平戎卧龍當代空
梁父歌鳳何人是陸通烈士劍芒寒白日王孫草
色怨東風年來蹤跡孤蓬似半在新豐酒市中

將辭白下作

忽驚木葉下秋霜倦客應歌我馬黃白下江山佳
厭地江東豪俊少年場青琴不厭私康樂綠酒偏
容阮籍狂頓白飄零好歸去五湖蝦菜是吾鄉

同湯納言集冶城道院

憑高載酒凌芝樹澄霽山川騁望新帝闕雲霞常
抱日仙壇花鳥別成春避時自笑疎狂客愛士何

白下集卷之五

十四

慚獻納臣綠酒盈盃須共覆一年歡賞幾芳辰

風景不殊人代改吳宮晉苑此蕪城青霞似吐千
將氣芳草猶含羅綺情花塢日遲春靄亂仙臺人
散月華生憐君綴組心偏遠喜結山中鸞鶴盟

白下集卷之五

白下集卷之六

五言絕句二十首

吳郡黃 姬水 著
七言絕句四十一首

金陵雜詠十四首

鐘山

金陵照海色晨夕翳仙霞玉柱宸遊日千年想翠
華

秦淮水

朱衣三千一開鑿厭厭符寧知天子氣已壓驪山
徒

白下集卷之六

十四

落星岡

片石宿莽間陰林曉廳走昔日謫仙人綺裘此沾
酒

冶城

吳王昔鑄劍靈石躍雄雌子胥鉤踐死何用于將

爲

鳳凰臺

鳳凰昔遊此臺下江潯海中原集黃雀戢影向丹
山

勞勞亭

朝朝送客處
亭子臨江水
欲知離別情
草色一千

臘脂井

銅瓶汲朝汲
碧甃桃花冷
紅顏一朝空
千載臘脂

桃花渡

蛾眉不解別
少別思綢繆
至今修楊渡
風波生別

樂遊苑

衣冠修禊日
何異洛川濱
山河一旦改
桃李不成

春

長丁里

晉時烏衣巷
正接小長丁
燕子飛不至
春風野花

寒

青溪

青溪帶九曲
溪傍跨七橋
沙際露殘月
離根見落

太平堤

堤長何蜿蜒
湖光映林阜
春曉生綠煙
宛似臺城

白鷺洲

孤洲驚浪中
二水割南北
日暮蘆花飛
江波渺一

西浦

當時杜陽人
曾與蘭香遇
芳草暗鵲鴝
惆悵飛花

賦得秦淮橋二首

春雨暗前浦
酒家臨官渡
柳條牽地長
不挽郎舟

願作楊柳枝
莫作枝上萼
枝長有人攀
花飛無定

著

朱子介齋中夜集賦得蘭影二首

崇蘭發瑤几
寶炬流光華
心合一般臭
影照兩重

花

華燈落芳影
或徒花葉繁
依依燕語夢
暗暗楚均

魂

潘戶部招飲以往靈谷不赴

清秋風日好
處處在林泉
不爲山行約
寧虛水部筵

雨後

西原山初歇霽
遠林分千澗
灑涼灑一峯
飛亂雲

七言絕句四十一首

毘陵道中

勞勞江上採江蘼
一日愁添鬢幾絲
借問客心何處折
波頭燈火落輕時

金陵古意四首

小婦家仁金陵步門前
朝暮揚子潮采花莫采無
根
折柳頭折最長條

青門柳枝藏暮鴉
經過遊子不還家
桃葉渡頭可

阜集卷六

四一

憐水臙脂井上斷腸花

艷唱空聞陌上桑
曉曉日照芙蓉梁
阿儂笑飲吳

姬酒若個解燒荀令香

吳姬整釧安釵梁
共道采花勝采桑
迷子洲邊驚

翡翠莫愁湖裏逐鴛鴦

南都元夜二首

天街半是五侯家
處處燃燈關月華
自是帝城春

色早千枝萬樹一齊花

十二芳衢錦作堆
香塵幾處逐輪飛
燈光月色元

相映照夜難分若個輝

天妃宮在平城海棠

仙觀臺前芳草中海棠一樹太憎紅可憐亦是星

槎物不學葡萄入漢宮

櫻桃園紀事

櫻園誰說是飛狐
狂寇縱橫薄大都
日暗空山哭新鬼一坑白骨葬千夫

送沈仲文僉憲廣西二首

霜簡炎州遠
威驂龍城天上擁
冬風長江西去幾千里行盡瀟湘更向南

由來教蜀有文翁
吏事經生不自同
會見焚僮迎

阜集卷六

五

法駕誰云象卉隔皇風

余伯所席上送吳而
詩黎唯敬下第歸嶺南

相思燕越已經春
此日相逢啼鵲新
世路銷魂惟有別君今是泣珠人

何翰林則余魏國西園看花以疾不往

公子芳園闌鳳
密微陰十里綠楊寒
王家不是此

花鳥祇許乘春仙吏看

送江太學遊江都

舊歡芳藥與來黃
無數芳菲傍酒壺
惟有蒼庵仙

觀棠一株玉葉世間無

贈徐元甫二首

蓬從東海訪蓬萊
水裏藏金得寶珠
莫道神仙非
急務由來劍術出除符

撫劍長歌意氣雄
名高空自壯江東
壯心肯向丘
樊者笑對雲山七十峯

顧本常詩名酒詩以速之

君家酒量金杯大
春酒糟林注綠醅
定是太常齋
不飲可分送一車來

笑雪裏長安酒價高
日飲春醪鵲裘典盡君

送程工部二首

秦淮江上柳條新
腸斷天涯送逐臣
京兆田郎辭
高省漢廷題柱是何人

可憐壁點與蘭鋤
解道人間有段軀
才子渡湘今
占展辭無滿目送征車

陸祠部養病崇因寺

知君欲采西山薇
遺步金門願不違
借問洛陽千
里宦秋風江上幾人歸

錢君招飲郊外以疾不起

城南桃李一時新
鶯鵲湖頭獨占春
寄語東風休

妬盡花開猶有未看人

送汪太學還吳門二首

五湖煙水是吾廬
都市逢君一寄書
客子渡江春
欲暮楊花飛盡獨愁余

花落朱橋燕子愁
不堪相送雀航頭
君行別見吳
門月應憶金陵十四樓

何翰林席上聞歌二首

金絲玉柱奏羅幃
一曲餘音三日飛
俠烈今朝腸
亦斷爭教司馬不沾衣

月照高堂理玉箏
冷冷飛峽瀉寒冰
羈人一聽陽

春曲不畏秋風客秣陵

何祠部席上觀舞二首

飛袖隨風低綠鬟
斷雲惆悵落巫山
當場何處偏
銷魂半折纖腰一盼間

良夜微寒宴紫房
玉除銀燭列鳴簧
盈雪態嬌
羅薦絕倒金釵十二行

爲余上舍悼亡二首

翻張香銷寶鏡塵
經過芳樹不成春
蛾眉莫道爲
枯骨猶作裏王夢裏人

蕭娘玉碎與珠沉
淚眼看花恨已深
可歎紅顏一

朝盡獨留不知口頰心

贈仙詩為郭次父作二首

破納茂雲為汝斯仙巖歷井待君登莫言壞色不堪者有髮無家即是僧

鵲鵲凋盡未言歸又向名山卧翠微掛樹一衣君可共天門八月雪常飛

為沈太玄贈王賽玉

繫馬香衢楊柳新狂呼百斛金陵春玉釵挂處微流睇嬌殺青樓第一人

贈歌者李節

自集卷六

絃上歌珠字字清乍歡還怨不勝情當筵醉殺新豐客十四樓中第一聲

口占贈何氏秘書丞

錦樣花箋五色舒八行飛灑鸞紵才情一段誰堪似羞殺當年女校書

題楊秀才室人畫海棠

燕飛修閣簾櫳靜紅扇新題春思長妙繪一經仙媛手海棠生艷復生香

嘲何生

洞房昨夜春風小燕子重來花又新帳裏猶思逐

魂術推前仍作

無題

宛轉歌喉雨度聞蒲葦林底石榴裙不知何處歸明月空自今朝恨彩雲

為張長君詠美人寄桃

自從雲雨散陽臺只尺天涯腸九迴指法一條巫峽路好將魂夢枕中來

為題出水荷花二首

性比明珠牙比霞綺羅綺者換袈裟綠波一朶含真湛不是東風開落花

自集卷六

九

千花萬葉總歸根般若真如箇裏論鋒捷蛾眉聞片偈青樓回首是空門

白下集卷之六

賦

玄圃賦

吳郡黃姬水著

玄圃者玄洲史主作之厥嗣又玄子康之以玄繼
玄可尚也黃子遂作賦焉其辭曰 有周史之苗
裔兮寔漢侯之末孫處華腴之貴介兮抱冲曠之
遠心相胥伯莽畏之墟兮爰樊圃而葺林方百畝
以爲區兮寧命之以玄名荒寂冥於人外兮屏諠
塵于閭閻同枝巢與坏鑿兮聊託性以棲情羅松

吳郡黃姬水著

栢以爲塗兮闢薜荔以爲門抗棗館與葑房兮揭
桂棟與蘭杞覽邃宇延閣之堂煥兮璇題分映乎
繡甍施矯虹于軒楯兮上納月而捫星繚周屋之
修折兮樂撫粉楹之粼粼堂昭盱而爽塏兮室噦
噦乎其冥或俯干而學觚或對石而構雲或牖綠
以消夏或坦芳以宜春崇臺累榭若若亭宇旁臨
曲綴壁不逐勢而各成也若夫危峯借峽迴沼通
源萍渚緬演寶淵闢于欹斜挂路峭險懸端石室
空墀飛梁蜿蜒草樹枝交薄蘚叢橫牆蔓纏格九
葉覆欄愁懸宿棟其兔走原紫瓜卧攬翠羽浴川

吳郡黃姬水著

二

柳枝逐浪花片或瀾始搔搔而風撼忽蕩蕩而霞
鮮乍昏乍旦氣候屢遷爾乃觀稼有軒采桑有室
推簪即簪蓬頃頃林黃玉青泥藏書素壁木奴千
頭兮等候封花蛾五色兮繕仙食賞會兮風雲居
處兮木石絃酒兮命侶嘯歌兮永日蕩志兮遨遊
寫目兮登陟廣觀兮逃聽栖遲兮愜息事隔兮理
存智恬兮性適十是而草玄兮岷山楊雲之亭于
是而守玄兮蕭郡老聃之宅彼仲長之園兮惟務
誇乎廣大其要之宮兮又象于夫湫隘向秀之山
陽兮既謀夫朝夕之利仲子之於陵兮又苦節而
太儉吾猶笑法真之不窺而希漢陸丈人之息
械也亂曰人道合漠厥惟三兮主人尚玄黜聰明
兮恍惚窮冥攸靜虛兮瀕洞渾渾問無從兮光曜
失珠曰象得兮天滑天游超濛汜兮崑崙之丘曰
玄圃兮營城九重涼風居兮瓊室石宇兮吾心兮
仙凡不隔矣遠遊兮

吳郡黃 姬水



序

海運編序

余五廟祖昭信校尉斌斌之子忠信二世三人自
 高皇帝洪武癸丑迄 成祖永樂庚寅泛海督儲
 者三十年咸疲薊以役死余是以知海運之難嘉
 靖壬辰先子五嶽山人獻書長安歸時河決豐沛
 潰金溝也作河記余是以知漕運之害余自束髮
 捉衽談當世務竊為司計者憂之暇披元史嘗鑒

皇朝集

一

膠萊新河以避海路之險然以久湮昔王公獻以
 司憲行部身寄開復績未底成而當者紛如以為
 單貲消功余誠未詳新河之易易利利也乙卯歲
 七月客秋陵邇近平度崔子下治城僊宇手示海
 運一紀讀之姬水吁然擊節嘆曰其殊聞也排百
 年之患以開萬世之利吾哉子之言也計也餘矣
 古者天子地方千里中之而為都輪將五百里而
 至諸侯地方百里中之而為都輪將五十里而至
 如禹貢所載入于渭亂于河迺幣帛九貢之法漕
 運弗事也維是秦罷五等置郡縣將起海上而漕

運自秦始漢都關中唐因之宋都汴海運弗事也
 維是胡元微夏都幽燕而海運自元始 昭代初

軍儲餽遠京儲餽餉每歲糧艘若干柁盡歷巨洋
 而十如我蘇則自劉家港達直沽也鵬溟蟬碩經
 塗憾軻厥後憚海而漕也則又今年決榮陽明年
 決荆陰今年潰張秋明年潰金溝墊民耗國非計
 也崔子隱尺几而周六合之務控隙隙而友千古
 之人守文罔而負封侯之氣伏桑柘而抱經國之
 猷是編也身履目習心陶慮研非口耳臆說也略
 許遠稽廢興考隱括道本根有策以為之經量事

皇朝集

二

期慮財用計徒庸校護作有古以為之緯度泉渠
 相阜壩密廣義作泉源考規甲端賦丈切時鍾澳
 作開壩考戒艦棹去礁端眠遠邇自船舶考宏要
 甲陳纖細具列舉而行之可朝中事而暮告成也
 大新河有五利焉由淮之漕子抵天津一千四百
 餘里而海洋當之之風信宿達耳視泗汴萬
 里涉門危轍何如也一也由膠棹來三百餘里而
 所當濟者十之指會特一百萬緡耳視河決一里
 動靡數萬何如也二也古之治河也導之今之治
 河也防之防之者引以為用也新河則合沽灘之

二水約高密之泉泉無假于河而河獲東導三也
河不溢而豐沛千里之壤可田水不厭而青荻萊
三州之墟可稼化淳鹵而衍沃以益賦四也立部
伍以齊師旅聯兵衛以嚴津隘寓軍政於易輓以
耀武五也故漕運者漕而海者也新河者海而漕
者也司計者審之哉或曰新河始于元崔子亦踵
之已耳而子奚亟稱之也黃子曰否否元至我
明未百年即崩圯墮成必其經畫未令鮮久遠之
謀耳用崔子之言則終焉永滅矣謂新河始于崔
子可也嗚呼苟利子國不必其出于已今議雖格

皇集卷本

三

然 聖天子勵精于上自執事奔走于下必有舉
而行之者周禮曰事功曰勞行子之言即子之勞
也昔鄭當時穿六輔渠關中得穀而渠下民田又
得以溉今今日漕運者必稱之崔子非今之鄭司
農耶嘗聞賈逵爲豫州牧通運渠民便之謂之賈
侯渠安知它日不謂新河爲崔河也客請刊布命
黃子敘之簡首

荷蘭集序

嘉靖甲辰歲亥月黃子去問邑宦阻將采榮青
山以老也弭雲軫於白門旅逢王屋山人相與晤

言累日于時 編示黃子曰茲集也友人金陵俞
元海氏命刊錢子具敘之驅坂者可與語勞藝
艾者可與語痛癢落顛顛與子同也黃子一再誦
之泫然悲山人之志亦以自悲敘之曰昔仲尼遊
於諸侯莫能用隱於谷之中見香蘭焉與衆草爲
伍援皋鼓之作倚蘭操嗟乎明王不作而王者之
香不采而佩傷蘭者傷道也嗚呼人而朱翟已矣
苟讀仲尼之書爲逢衣徒者其誰不欲際昌期翼
王宰以仲尼之道康濟氓庶策功當代光光施於
竹帛也其或坎壈不偶動輒垂刺爲時俗之所迫

皇集卷本

四

阮然則抑沉紆軫之情安得不假言以宣哉山人
以穎粹之資藻縟之思篋中舊書千卷肆覽精研
鑄造偉辭以文章名家後復師事涇野呂先生西
玄馬先生卒業焉山人於是乎聞道不獨爲文章
士矣已而結轡撰行孤琴千里陟雁蕩則思子長
之遊登燕臺則慨郭隗之招歷下邳則懷留侯之
助逢淮陰則弔王孫之微渡采石則慕謫仙之放
發爲英章無非寓目寫心以暢寄鬱結其際爾雅
其義嚴正而憂憤慷慨之意每溢于言外殆西京
之盛藻也山人之志可悲也已故凡不得志而宣

諸言亦猶有激而灘聲氣搏而霆洩我弗與也竊怪今之人槩以文士爲浮誕鄙之誣哉噫心之愛矣我輩且誰不知我者謂我士也驕古則然矣若彼徒以富貴利達曰我不得志則其志回其言僞非仲尼之徒也文若干首命曰猗蘭集

容閨集序

夫天下之水流者瀦者皆水也惟過龍門下瞿峽決呂梁而天下之奇觀出焉何也有以激之也故詩由心生不激則不奇如屈平放而騷興馬遷辟而史作不曰詩窮而益工哉締觀前代詩人莫匪

不卑集卷六

五

羈臣素士或高才沉於下秩而情多戚茸或忠良遭於遷黜而思結牢愁或王孫怨別而流落天涯或聖哲悲窮而迫阨時俗予以宣其拂鬱不平之氣故言多奇亦有崇官顯爵逶迤廟廊者其言非不如美謂其聲之和乎則有之若悲歌促調讀之令人動魂驚骨者蓋鮮矣然則詩之奇果不由于激乎客問集者侍御劉君子威左官閨中所著也夫懷猷秉亦述古匡今共一人憚百僚照萬民以展厥蒞劉君之志也無何疾于僚列被論謫去余嘗作詩送之曰下位無非職南遷亦是恩蓋慰之

也然君雖結同歡之情必有不堪焉者咸于詩發之一歲之期低僕者再其往來道塗及在郡所得凡若干首走書寄我金陵猥以陳思定文屬我噫余苟知文而劉君之文可議彈哉旅牕閒閒披玩數周還作而嘆曰風風子嘉藻也哉絕去陳言務臻折境體裁於六代色繪於初唐怨而不怒其風人之遺乎分梁則斷情於山陽之別登樓則眷心于魏闕之思嚴瀨則慕子陵之節越臺則懷范蠡之勲仙嶺則託志玄虛梵林則寓情空寂省署則春芳掩閣郵亭則夜猿擁條酬知則片言成信寄

不卑集卷六

木一

遠則幾淚將心感草悲禽則易驚四運之改歌勞爲憤則難消萬斛之愁觸目洩衷豈苟作者哉劉君與余同爲郡諸生見其每試輒尚不再比舉進士以爲不遺詩也及拜侍御出示平生謬造始知君爲諸生時已深於詩蓋窮探綠牒之經識盡丹碑之字腹爲書而手爲筆海矣此集尤爲卓絕非所謂激而奇者耶竊怪邇來經紳苟一涉足藝林即橫落不容于世嗚呼冤哉五言起於漢而蘇李爲稱首二人者功名氣節昭揭如是亦可少耶人之淳漓其在於詩耶其不在於詩耶嗚呼冤哉

悲乎復何言詩以窮而工人亦以詩而窮也時有梓劉君集於閩者友人黃姬水敘諸簡首

送膳部沈子擢廣西僉憲序

嘉靖三十有五載歲在執徐士雅山人鴻賓退陟滯於秣城鈞玄沈子以奉嚴復拜禮豐尚書郎病舍於徐氏西園園多木石禽卉之趣招山人晨夕游詠其中將請告焉草疏在袖而廣西僉憲之命下矣命折下例弗敢請通與病戒行山人送之都門之外沈子感然謂山人曰事君者有獻身之義焉病而弗事其事者病以身其罪小事其事而

七

曠若職者病以心其罪大吾寧病而弗事其事無寧事其事而病也桂林象郡古百粵地也雖熙洽漸被可稱善國而鼎離推舉之餘俗在焉士其諺乎民其獲乎余司在風紀職在化導方病余身余懼余之病余心也子益語諸山人曰嗜菽食鄙大潛伏幽介久矣安知經國之事乎竊有聞焉太上以德禮教民民有格心象世以政刑教民民有遜心故禮者天地之經也民之行也帝王宰物之大柄也禮者履也君子得之以成德禮者律也小人得之以防淫子以禮官而教變俗 明天子有深

意焉子行矣子欲淑爾士迪爾民舍禮奚道哉沈子曰唯唯否否吾聞以身教者從古之訓也余身未率禮奚以教人爲子言誣哉子益語諸山人曰孝弟者禮之樞也故記禮者曰父子親長幼和而後禮義立而誼柯氏以節文乎孝弟爲禮之實孝弟立而禮行乎聞矣沈子六齡失怙事厥考似葵君及今程母太安人愉悅承志鞭撻靡怨卒立身揚名以顯其親史工公維楨曰沈子閔損王祥之徒也友愛諸兄弟悌至急難禦侮不失其性及舉進士悉推所有田四百餘畝贖其兩弟及兄之二

八

子所存僅以供墓祭自甘澹泊而不悔史歐陽公術曰沈子晏子范公之徒也沈子孝弟之行可稱述如此則禮沈子身有之矣奚效弗從淑爾上迪爾民聲明鼎離而冠帶推舉在沈子之身于是沈子渙然汗蹤然起曰敢不奉子之言以藥吾身吾病且已矣遂書以贈其行

白下集卷之八

吳郡黃姬水著

文

敘橫金之捷

倭奴入寇之又明年是爲嘉靖乙卯八月十有二日流賊五十三人自餘姚渡錢塘而西由於潛而微而寧出蕪湖抵甯都焚安定門殺把總指揮各一員官軍死者千餘人歷深水宜興無錫欲北至常熟沿海以趨柘林精悍異常轉戰三千餘里未嘗少勦蓋賊之梟銳善戰者也時都御史曹公邦

白其來九

輔方乘輅來吳檄至公卧不安席食不甘味廼調集王兵備崇占董海防邦政林知府懋舉諸道軍分布阨塞以逆來者與諸軍約曰賊深入內地所過不剝財帛婦女無乃爲觀乎且以五十三人橫行三千餘里莫敢擾者其易我甚矣苟縱一人還是余之幸也爾將士之羞也諸軍曰諾賊至楓橋迷失道擄二義民爲鄉導二義民竊計曰此賊得至柘林蘇民無息肩之日矣不舍生以紓民患何面目見曹公乎乃給至絕地官軍四面環攻之賊匿一民居空壁不出公躬薄賊壘巡歷諸營晝夜

弗解懸重賞明紀律誓不與賊生越五日賊食盡力屈毀其官而殲焉自是賊始不敢窺境矣此功豈在滕墩陸涇之下乎

論曰昔司馬穰苴捍燕晉之師取將軍之資糧享士卒身與士卒平分糧食最比其羸弱者趙克國之擊匈奴躬自潰圍陷陣身被二十餘創夫已逸而投人以勞將軍猷梁肉而兵不宿飽二者皆敗之道也曹公旣與士卒同甘苦而又親援砲鼓故將士戰力以致斯捷也其功可不錄哉雖然公按部時日食一魚菜去之日折轅空橐耳至今吳民

思之

思之

敘劉將軍淮上平倭戰功文

黃子避寇留潯林城恤乎旅處也一日江子民營造黃子曰汝聞淮上之捷乎爾知劉將軍之功乎爾黃子言狀黃子曰嘻有是哉若而人也卽詩書所載若而人者以不獲親炙爲憾今並世而不一觀之乎翌旦江子偕黃子詣將軍幕庭再拜嘉歎爲將軍偃僕謝曰顯矣人也執政者不以顯爲不肖使備持矛顯何力之有焉因命酒爵數行諸將軍誦之符江子所言狀江子授簡俾黃子敘之

以備野乘黃子仰天嘆曰吾儕朝經夕史終歲偃仰操筆何以食粟者婦人耳將軍其大也哉將軍其大也哉敘之曰嘉靖三十六年夏四月倭奴寇揚及淮殘株州縣十有三殺都指揮一所過鞠市為墟暴骨如莽民困孔棘甯京戒嚴時劉將軍方壯下將抵役金山大司馬張公傲將軍守浦口無何白司馬曰賊性貪憚輸掠既衆其欲已盈必無南去者半其在泗州者需亦去耳不如擊之顯甯此不死自效也大司馬許之會御史馬公移書辟將軍將軍乘傳謁御史御史喜命具饗饗將軍

早集卷九

三

將軍曰賊在顯不咽食也請為君滅賊還饗耳五月乙卯與其家甲驅至安東謀之賊艘二十九賊衆時舟從散去簡人人倭也遣將軍設書將軍笑曰賊素易我且歸則志墮此可繫而待也廼伏甲岡下躬率四騎薄賊艘諸之賊出將軍叱三騎使前以身殿斬一人以徇且戰且却射馬中矢馬蹶將軍下馬扶傷賊幸馳將軍前將軍躍馬斬馳者賊至岡下弩發賊多中弩者然且扶傷而問甲亦殊鉅戰賊乃引去甲欲逐之將軍曰日旰矣勿逐也賊言焚民廬以摧我將軍即先自焚賊寨所俘

美女子以盡我將軍戒毋犯悉縛送有司將軍度夜常雨謂甲曰我露宿是彼以逸待我也乃違岡十五里而軍焉選人持火器潛涉賊艘賊數驚徹夜不得寢厥明丙辰援摺督衆將軍執一幟以號千衆曰汝官軍有能敢勇殺賊樹功勲者立此幟下得三百人曰我前拒汝為後勦命甲四十人塞隘巷之衝每巷以五人守以五人巡曰賊出汝路命甲六十人分四部伏岡下曰賊潰汝擊命三巨艦積葦泊上流曰賊艘汝燔右之虛營以張其勢左之疑兵以分其黨復令數人升屋而譟曰獲賊

早集卷九

四

矣獲賊矣既營乃陣賊自巷出者連斬四五人遂不敢復出退語其魁魁怒摘冠揮袂左手持刀右手持扇登岸麾賊衆蟻聚矢集如雨將軍單騎遇之格者半殺者半矢盡又張其銳圍將軍數圍弗克將軍射賊輒斃賊氣稍奪將軍曰彼衆我寡不先礮其魁則衆不攜也廼一呼突賊壘斬前隊二人直持鼓下斫指麾者自頂至踵裂其尸出賊陳後賊衆披靡相怖以目甲四起夾擊之斬獲甚衆賊大潰還奔舟舟焚將軍追至舟上盡斬之又擒一魁名五大王者亦斬之溺水死者不可殫計淮

倭悉平將軍不肖不介著一白布單衣巾襌如之
身不請七尺猶夫眇小丈夫耳及遇敵提兩刀騰
躍超踰矯捷若飛刀起見刀不見將軍淮民自河
上觀者咸咄咄曰神人神人云

黃子曰倭奴犯微七年于茲我軍不戰而覆者衆
矣卽戰喪十獲一往往是也若去歲梁莊周山之
捷亦倖見者將軍以寡殲衆而不折一卒豈非奇
功也哉將軍平九流橫江白草松盤茫佈等洞嘗
以三百騎破獠萬人孤身被圍轉戰三日夜斬獠
繫馬首潰圍而出守蜀十年身經百戰不一刃由

東集卷九

平

此觀之則將軍今日之功謂非必勝之算乎傳曰
昔范宣子有功而讓而晉以平趙簡子有功而伐
而晉以不讓讓之謂懿德所以嘗有其功也將軍
讓其功以五十級間能讓也將軍豈尋常功名之
士哉雖然吾見將軍性澗疏無世俗脂韋態或多
不悅于人嗚呼薦賢爲民社者尚畧之哉

頌任大夫平夷功有片

我明自 高皇放馬以來疆宇寧謐時夏又安百
八十年於茲矣吳爲東南郡雖有杼軸之歎而鮮
金革之患故民不知兵武人具伍不堪授甲今年

春聞寇民私商日本督府持之急乃構虜入寇
瀕海之境悉摧殘虛焚掠州邑百里震悚膏血融

川白骨彌野虜推首懸膚反唇反趾兩手持刀短
刃在前長刀曳後迅躍奔走如刀弗撓且士無步
伐之律而將無刑賞之權以重死之民而當輕死
之寇事漬而已矣我大父母復奄任大夫受檄臺
司整戎庫掃與衆決曰今日之役爲民社也願以
身殉同甘苦撫傷痍哭死埋骸推孝表節于是人
人奮怒士氣百倍大夫躬自援抱擐甲控弦接宿
莽駕洪濤或孤軍摧鋒或單騎薄羣或晝夜跨

東集卷九

下

或晨夕絕炊艱危萬狀一身九死而卒獲折首獻
馘之功皆大夫精忠一念感動人心所致耳嗟乎
賞不以爵而賞以義戮不以刑而戮以義義賞有
榮於爵義戮有辱於刑故武備百年修之而不足
人心一日激之而有餘出億萬生靈于水火之中
大夫之功當銘太常而耀青史矣余小子曷述哉
然沐浴至德自不覺形諸詠歌也竊效輿人乃作
頌焉

頌曰我有封疆大夫守之我有人民大夫生之我
室我廬大夫民之我飲我食大夫粒之赫赫明明

天子褒之百世而下配社祀之

淮陽平倭頌

皇明嘉靖三十八載淮陽倭平迺督撫克齋李公之功也淮陽之民歌之曰李父生我於是其邦之守令鄉大夫士相與親公而生祠之若民志也以余素厚公知命余作頌勒之金石以昭來嗣噫公之功銘在太常載在國史矣何俟余言哉然立祠之意則出自邦之守令鄉大夫士而守令鄉大夫士又因民心而爲之也遂不獲辭乃撫其樂而敘之曰倭奴干紀頻年爲孽淮陽扼南北之衝泗州

皇集卷九

十一

陵寢在焉實重地也天子特簡廷臣之能者俾寄節鉞爰命我公督撫茲土董我戎旅公將命夙夜憂悄徵兵募士分布要害曲禦周防海激綏謐今年已未四月壬寅倭賊萬衆分道內侵登陸剽劫殘掠淮揚之民騷然震驚公乃正營部屬卒乘命將肆討鋪張淮漕授之以方畧與之以節制示之以奇正之機兼之以摧陷之策聯之以犄角之勢每臨敵與兵備副使劉公躬擐甲冑爲士卒先且誓士卒必死斬退怯者以殉軍中曰賊不滅汝無生故兵氣靈奮所噪不寒箭輪無返其在廟澤

者獨負險後滅紛紜縱擊時通致荊州唐公視軍南來身薄賊壘克載厥功夫後奴往歲兩窺瓜揚一侵盱泗民之荼毒甚矣今萬衆內侵不旬而殲之自有倭患以來未有若此捷之神速者誠足以揚皇靈而雪民憤嘗讀禮祀典曰能禦大患則祀公生淮揚之民而淮揚之民祠公也固宜爲之作頌

皇集卷九

十一

朕師乃命我公秉鉞載旗我公來止嚴翼是圖除戎繕甲伍候增俾精誠一念矢殪天狐四月維夏海波揚颺惡孽弗悛陸梁叫呶伺間深入人心大挫我公奮殲訓師選鋒祕謀遠畧殲折衝軍聲振瓦義氣千虹援抱而鼓如熊如貔白羽纓摩犀第一空載俘載馘壘夷殲我疆我圉海外有截三農就緒士女歡悅太楷符見撫槍青滅春秋之典言獻戎捷維鍾與鼎薦其功伐江淮之間崇祠業業誰其作之民心允協於千百年永垂鴻烈勦除倭寇露布

臣聞昊天以秋司殺王者以武除殘我明自

聖祖歸焉以來疆宇寧謐者百八十年于茲矣

皇上馭極文教炳修率土有截四裔靡塵茲東南

夷曰日本者德化傍流威靈遠播素為狡詐之國

聖祖嘗絕其貢獻矣頃因進逃姦民海舶私販輒

謁致之姦茲狂悖擅干天誅假授我邊徼燒逼我

州城暴殲我民庶膏血草莽井邑丘墟蘇松之境

摧虐尤甚且野心凶獷蟻聚蛇伏雖曰釜中之魚

實為檻外之獸難以力制易以計滅且武人具伍

不堪授甲而倉庾告乏莫繼樵蘇臣忝竊榮幸備

位東藩職匪戎旃心同王懷千時撫巡臣某兵備

臣某相與戮力恪奉廟謨恭人國計訓勒惟明調

發從宜據隘害以遏之設奇正以臨之嚴合圍以

困之駕飛艦於洪波薄衝車於深壘遂使豕駭犬

突電掃水離數日妖氛一朝清蕩敢云檣祖之折

衝實乃矢石之親冒俘敵聚於幃門革而過於殊

域噴聚之黨既已殲除噍類之餘自當殲滅此乃

王猷允塞神道潛孚立止人謀抑由靈助臣何力

之有焉非臣庸瑣敢自矜大不勝慶抃之至謹奉

露布以聞

獻貢圖箴

宸厯肇基握樞秉錄伊周奉轡桓文扶穀道洽群

元休明炳煥長駕遠馭囊括輿軸丹藻玉帛微靈

昭祥帝琛臨程連泰期昌際天幸土薄海窮荒解

解回祥祥角米土其內則五輅時陳百燎夜舉樂

備肆禮陳百物樂旂鳳節羣施獸鐸飛旄容駟

綴綴典典庭具克也其外則青龍旄左白武旄右

朱雀立澤金鉦桐鼓蕭笳橫吹續紛在列黃麾紫

仗刀楯五色衛制嚴也于是有司告辦鴻臚導客

次序而列各依其域東則三韓百濟扶桑勿吉日

本渤海琉球女國西則吐蕃高昌月氏車師伏羅

丁令嚙達軒渠南則突厥夜郎交趾沱谿版楯尾

濮西蒙符都北則突厥匈奴遼靺鞨勒大漠白雪

室韋結骨于是方貴旅百克階耀城元龜象齒木

蠶文氍毹龍犀鬼面苕華玕琪懸黎結綠木難夜璣

重錦白帶火浣春燕夷琤璫瑤航海而輸璫璅錯

落怪瑤瑰奇康老奏歌拊舞彫題大珙小珙白雉

黃犀上天子壽萬福攸宜漢稱織貢周曰王會

燁燁丹青永言表瑞在昔聖王遠物不貴施及蠻

貊敢告司繪

卷之九

白下集卷之十

吳郡黃 姬水 著

記

四友齋記

雲間何元朗氏其南都吳官之明年以桑梓惟寔
室虛爲墟遂家青溪之上復卽舍傍隙地疏池藝
竹構屋三楹以栢鍾阜納雲東澗灑澤石林蘭術
威紆遠索雖在帝邑曠若然壘壘間也中設一
木榻榻上列維摩詰所說經莊子白居易集元朗
豁然隱几與之神遊而冥契焉敷之以照襟誦之

白下集卷之十

以晤言枕之以夢寐不必出門定交而賞心在前
矣命曰四友齋授簡黃子俾記之蓋元朗友維摩
友莊友白而黃子友元朗也說者曰維摩病莊放
白俚元朗精誦六經旁羅百氏束髮卽談名理抱
經濟慨然有軫國佐王之志其文章非秦漢人語
詩歌非魏晉唐人語口不道胡乃脫翫於空寂猖
狂之說而下披乎卑弱之辭也甚夫人知元朗乎
哉元朗則經濟管樂而不施于當時文章班揚而不
錄于有司坎壈慨憐白首淪于一官非元朗志也
則其鬱沉作僚之情當必有所託矣故維摩詰經

者不思議者也莊子者無會而獨應者也而白居
易之詩曰本是無有鄉亦名不用處行禪與坐忘
同歸無異路則亦詰與周之徒也故以天眼空色
則役智于慧慧合癡是礙恐怖顛倒夢想者悉障
也以大觀齊物則闔心于喜怒哀樂慮嘆變態姚
佚啓態者悉資也況詩賦小道苟復逞于雕龍刻
玉爲哉故元朗之友維摩也友其病也而非病也
其友莊也友其放也而非放也其友白也友其俚
也而非俚也人知元朗乎哉或曰元朗華問望于
江左且玄鑒絕倫不藏人善海內士莫不願奔走
結納於元朗之門而友若斯不既狹乎嗚呼友豈
易言哉昔彌衡遊許下陰懷一刺既無所適於是
刺字漫滅侯君房欲友王仲回仲回謂其子昱曰
君房有是言片未之許也夫友道之難果如此則
元朗之所友又何足怪者黃子友元朗故知元朗
作四友齋記

白下集卷之十

東山茶所記

盛仲交氏買田東山之下闢一大室疏泉藝石日
諷詠其中客至手烹茗著作供匾曰東山茶所一
日黃子與客造焉據梧啜茗逍遙晤言客問黃子

曰上君子用世之志視平居所爲何如耳仲交殖
學砥行抱川世之器當及時策足以獵取功名若
摘芳蕝洲以稱仙成癖者乃遁棲間曠者之所爲
而仲交亦爲之乎黃子曰噫嘻汝朝菌之智而夏
蟲之見也烏足與語仲交哉汝以就譽伸俾細章
繹句二場二試窮年兀兀者果皆儒乎而以搜神
別怪談空覈玄精心鵬龍汪洋藻翰者果非儒乎
汝以口道忠信身被廉潔硜硜皎皎應繩投矩者
果皆賢乎而以性疎意曠落落跼弛儻蕩蕭杭不
檢不羈者果不賢乎汝以掇青拾紫結駟連轡氣

早茶

三

焰熏轅臯臯珣珣者果皆才乎而以落魄失業窮
遊約處顏色腫噲瘡瘡痼疾痼者果不才乎夫隱顯
者遇也貫隱顯而不易者志也故無康濟之志者
雖有其貌賊也有康濟之志者雖無其貌仁也君
子仁焉已耳奚貌之取也安知仲交不託志于茶
乎他日仲交之爲世用也意者將苦諛之甘也乎
將醒衆之醉也乎將蠲民之病也乎然則仲交之
於茶也是故遠有取焉而朱可量也汝烏足與語
仲交哉昔謝傳之卧東山也着屐登覽以山水墳
籍自娛若無意于用世者而拒秦安晉卒東山着

屐之人安知仲交之不爲謝傳也故不曰茶所而
曰東山茶所是則仲交之志也已客曰余誠淺夫
也會不以與此請書以爲記

青溪田舍記

青溪田舍者惺吾王子寓金陵之所築也金陵古
稱佳麗地而青溪尤擅勝焉溪自吳鑿有九曲連
綿數十里發源鍾山洩湖播溝以達于秦淮前朝
聞族多居之王荊公詩云昔時江今宅今日段侯
家是已昭代創建天邑青溪爲廬市車轍馬足
交其墟非厭囂埃樂林草者之所栖矣循溪而南

早茶

四

出禁城外五里許窈乎迴陌漢乎神垌山益深水
益幽遠索泱泱之區是則王子別墅之所介也墅
環以溝溝上樹桑棗榆柳鬱鬱匝布別自成壤溝
內有田田上有池池上有園中構三舍舍凡三楹
堂寢雖不安大而繚垣周屋曲有奧思蓋宅崇岫
蔭茂樾寒高霞玩流泉悠然會心矣登舍而望雖
瞥目可盡然椒塗蘭術般紅繡折若中宿而後至
者也厥田畝百黍若干鍾豚池畝十魚若干石厥
圃千畦果章百碩竹竿萬箇牛蹄角幾羊足幾僮
指幾一歲之入僅足以爲一歲餽粥之供王子讀

於是像於是優游卒歲不知金陵之非家也余與
王子同避寇來金陵五閱歲不忘家林之思而王
子去住無著無感感兒女態余每嘆余之不及王
子也蓋王子世其兩湖柯史公之學精誦強記該
綜群書而隨章句之音流釋部靡不研覈獨於
禪觀直超頓境故以家視金陵金陵寓也以身視
家寓也以性視身身寓也山河大地皆性中物
去住奚擇焉嘗考昔人流寓金陵者劉宋則有雷
太宗蕭梁則有劉紆大宗築室鍾山西巖下謂之
招隱館紆與阮孝緒劉歆爲三隱築室鍾山有終

與集卷

答沈開子書

昨來得陽月六日書兼拜藻述僊評五文言解似
莊索禹貢圖書似左序傳似司馬子長每覽子之
文回諷不已猶熊蹯羶炙珍錯異味雜陳於前不
覺其食之饕且飮也竊嘗快我 明立國于時輔

臣如宋學士諸公皆治習宋儒程朱之學盡廢詞
賦專以經義取士由是濫觴百年間文體委靡卑
弱甚矣至弘德間學士大夫稍稍掘起將駕周秦
賦漢魏然而衡宗匠以主盟文柄者幾何人哉不
意乃今復見執事也執事雄健之筆始天授宅日
以文章名世斷可識矣執事抱奇偉卓越之才負
蕭抗倜儻之氣文章不足以盡子也文章不足以
盡知子也而執事乃以子爲能知子噫子淺夫也
子誠不足以知子而幸子之能知余也昔越石父
不遇晏嬰則父胥靡人也管仲不遇鮑叔則仲金

與集卷

大

怯愚不肖人也夫晏嬰鮑叔之能知父與仲者蓋
有出於胥靡貪怯愚不肖之外而知胥靡貪怯愚
不肖不足以累父與仲也唯是可以語知已耳子
學不足以變昏頑之性德不足以挽大繆之辰舉
觸悔尤動挂絳弋無上下之失有內外之譴愧愧
憤憤漂泊流亡爲衆所譏詠爲時俗所損棄子亦
甘心爲斷木死灰已矣而執事顧曰生不論人不
肯多屈一指而獨於子有取焉是必有以知子者
而子實無可知也子過矣子過矣嗚呼千人毀之
一人舉之其必有真可譽也千人舉之一人毀之

其必有其可毀也何也燕雀之智多而鴻鵠之志少也斯可喻於人之知不知矣朱容部何翰林每見輒談高雅言未成容索之耳天氣沍寒唯自加愛不宣

白下集卷之十

白下集卷之十

十一

白下集卷之十一

吳郡黃姬水著

誄 墓誌 行狀

貞山陸公給事中誄

維嘉靖三十年十二月二十五日明貞山先生給事中陸公卒嗚呼哀哉堯堦靈草不產於幽辟之朝周岡鳴鳳寧觀於慢慝之世厥遭維艱生固不易也若乃勵忠貞之節輸寒諤之誠批鱗撼木瀝血剖胃蹈鼎鑊刀鋸而不避者非明君臣之義居死生之分不能也貞山先生以博學峻行舉丙戌

白下集卷之十一

進士時宰相遇主貴震天下皇道方煥而深懷賢誼之悲衆人皆暗而獨抗朱雲之請遠識惟先剛腸岡比甫居諫掖章疏累上竟竄黜弗究厥施骸髒以死嗚呼哀哉余先君丘嶽山人少與先生同席文格王公之門先生丈人行也迺降德忘年定交未契迨先生寢疾委棄先錫纘旬日以余嘗嬰疾從霞客授聃氏觀復之旨召至薜次與語欣欣然有起色瘠則甚矣形不載神也余勸以虛靜勿營思慮先生曰余何思慮哉平生惟事君讀書二事未盡難強排耳悲夫悲夫先生委質不貳之心

死而後已者也取琴軫悼聞笛生哀余獨何心哉
然數盡化窮人皆有死特愴夫瀕氣消而輿覆云
聞哲人憊而社稷靡衛爰託弱翰告哀泉下遂作
誄曰倬彼洪喬綿歷泰齊漢烈來令因家姑胥抗
遜樹績儀雲接辭宋季制議竄身湖滄具在于明
枝蕃興行發祥既長奕世級冤累仁所基殊鍾異
誕厥誕維何珪璋瑚璉六齡嗣策九齡綴文儒林
蚤驚精繹洽聞話言訓典揚古推今伯季聯翩三
鳳黃骨締綰還固閑肆孤拔既傾後輩復賞先達
抱茲一經兩科巍擢雅步遂瀛僊臺清列及拜夕
郎東曹贈蘭靖共匪懈奚在擇官肅肅霜稜溫室
生寒青規日伏獻替諫言一月三疏四事誠要規
切時政戒壅慎調牧寺釐姦選髦羅妙表獄觸聞
勞楚靡校上宰柄國孔灼其光一新著令制度恢
張謹微防漸用惕履霜誰有力者摧峙障狂奮袖
彈劾獨立不懼鬼嘯千庭弗沮弗怖寸肝義激蹈
刃片赴天子覽之始嘉終怒二相初罷名動京
師縮項吐舌咄嗟載衢百姓遮騎樂觀其儀忤忤
伊人誰曰非夫七尺之軀與天地揭屈放賈還亦
復何說東身炎微委命灰滅萬里孤臣弦誦不輟

稍遷邑長言轄永新詰誅猾摘發如神倭師朝
歌裕於治禁加仁示禮騰頌與入納祿言歸夢韓
衷牖朝夕躬饋高軒奉母閉影不交日獵書數誤
造一家以詔來後沉辭浮藻酣喋阻玄中庸性善
與聞前賢史贊就雅經詰刪繁春秋二傳有辨有
鑄溢為野記曰庚巳編嗚呼哀哉見義必為寔由
天性曰忠與孝首冠百行親姻善交紛排匪賑懷
慨一諾生死成信長身竦立秀宇高標英爽豈沒
游魂莫招銜志下泉豈負清朝天不慙遺君子道
消嗚呼哀哉撫牀笑言竟成悽訣賞音不作神情
越裂今子十域奉振臨穴總帳座凝寒揪霧結聊
托旂旒寫我悲咽於千百年彤史有燁攬滄襟舩
尚盡悲烈嗚呼哀哉

管文王處士墓志銘

嗚呼人生不能自致青雲以顯名當世又無富厚
金錢得施與結納以游揚其譽雖有巖穴潛行
不居為富貴人所為者卒漸泥鼎彰可求也已嘉
靖乙卯黃子攜妻子去鄉間將窺廬門終焉戒寇
殄于林城同巷王策徒跣五百里奉友人王陸饒
狀來乞志管文王處士墓余嘉其篤孝且素善聲

父又重慨嚴父之行弗彰也敘之曰處士姓王諱
述字肇父世爲天台之臨海人裔出琅琊氏會大
父元吉 文皇帝永樂間以伯父鄉進士牧雲翁
謫姑蘇遂占籍常熟之歸政鄉至肇父上築吳學
宮之傍故又爲郡人焉大父珩父椿齡世號隱居
肇父幼而穎明長而力學凡經史裨官靡不研覽
日无兀茹苦弗倦或勸之仕肇父曰仕多患鑒在
牧雲翁矣不聞當無桂伐之喻乎余世貴尚弗渝
也迺畢景丘壑不樂榮進家貧教授生徒以糊口
先是父蘭至君勵躬積學端于型範崇川巨姓爭

卑集卷十一

四

延禮以爲幕賓若少宗伯崔公大司徒馬公邑中
鴻碩多出其門肇父相繼教授二十年至今崇川
人呼爲江南先生云肇父至性悃悃敦于孝友雖
自御麤糲而所得束脩之饋祇奉甘藷不缺馬碩
人患脾病累年弗瘳肇父左右寢興不復遠遊賣
藥以給湯餌碩人疾亦瘳咸以爲孝感所致也
同母弟遺先肇父沒肇父撫其子詔哺被煦育不
異已出及詔夭則又恤其遺孤焉人皆以爲難與
人交異順和易平生無一遺色疾言冲然若有所
養者上墨梅自呼心梅居士所著有心梅稿若干

泰輿曾大父寓菴稿冷徑錄雪隱稿大父倚筠稿
父蘭室稿並藏于家皆斑斑可痛非學究語也悲
夫彼棠門右族子孫率庸謫器湯不能世其家轉
眼淪替宗廟之犧而爲畎畝之効矣豈若王氏讀
書知禮義四世一業不少墜可尚哉肇父至弘治
庚申十二月八日卒嘉靖乙卯四月六日享年五
十有六配陳氏舉川德門也男二長策辟長洲掾
以謹厚聞娶沈次畧娶陸孫女二策等擇某年某
月某日奉柩居虞山北麓祖塋之次黃子纂述銘
美勒諸玄壤其辭曰會稽之王裔維長吳門一葉

卑集卷十一

五

子姓昌潔身履道局文章四傳習教性敏良猶楚
孝父稱于鄉虞山之旅松檜蒼蒼我銘貞石千秋藏
孝甫俞君墓誌銘

君姓俞諱忠國字孝甫司寇公士悅之玄孫也士
悅生澤翁公欽王欽王生營江公元弼孟縣令元
弼生矢恭公良良知生君嫡母沈氏生母周氏
君幼明機警東吳就塾讀胡氏春秋稍通其義
弱冠而縣公游宦於外矢巷公爲人質木不事華
室務一畀於君學殖遂落性閑畧家所藏書畫奇
玩常以贈人往往爲愛者持去亦不較夫巷公嗜

酒喜鼎食居屏必修華錯客過從厚張其樂飲
又此年感氣頗馳聲妓哀等順耳卽流連忘返以
故資用周悴後營孟縣公哀事乞銘於衡山文太
史以司寇公所遺魚鬚杖一根爲贊太史欣然操
筆由此器之嘉靖庚戌矢菴公夫婦繼歿君卽留
棺歛卒乏瘞埋之資君痛二柩在堂服竟矣獨畏
頭素帛不忍除手如是者二十年每向余說輒歔
欷泣下曰我平生不了事惟此而已父母今日入
土卽明日死無憾矣詎意君竟齊恨死哉性訥直
不容物然無他腸雖捉襟納屨與簪帽人遊略無
媿怍遇酒輒飲飲輒醉或信宿不以爲嫌與人言
稍拂意卽攘臂呵咎之初無藏蓄見人之善稱之
不置不善不爲隱不忤人之有不幸人之災不毀
人之成蓋所稟之良也習知吳中文獻故實叩之
能歷歷道博物鑒古多技能且不妄比人其由中
敬憚者惟文博士彭學諭嘉陸孝廉舒叔太學延
枝及余四三人而已君病吐食伏枕積旬骨立僅
一息而神固亂及屬纊命家人念佛裂其帳之西
面曰無礙吾西行也此路無惡業之報云君落魄
無聊方沒爲人所詆嗚呼人可以樂論哉固有樂

東集卷七

六

東集卷七

七

富其身顯父母庶妻子然不免爲庸夫亦有坎壈
其身無以顯父母庶妻子然不失爲潔士人可以
樂論哉余獨傷君之遭也君生正德壬申七月三
十日卒隆慶辛未三月廿六日享年六十配陳氏
太醫院院使陳公寵女也嘉靖辛亥歲先君卒男
一節禮娶顧氏女一適鄭山莊節禮卅是年四月
三十日奉君與陳碩人柩安厝于白蓮橋 欽賜
祖塋之次矢菴公與沈碩人同日葬焉君所弗克
爲者節禮能爲之君有子矣爲之銘曰荷皇祖翼
明時社稷勤載嘗旌誕裔孫善式貽心則慧數則
奇有阡穴於斯千百禩永無渝
詰封太宜人馬母許氏行狀
嗚呼嘗觀古之鴻儒鉅卿樹名竹帛者皆由相以
頡頏之貞成以葵織之訓乃今讀馬氏年譜而益
信慈言之不誣矣余爲童子時卽知碧溪馬公節
舉彰彰著聞也以忤直事 武宗皇帝在朝廷則
朝廷憚之在郡縣則郡縣懷之爲鯁臣爲良牧屹
然 昭代偉人孟河先生文章學行照燁海內五
十舉進士以太宜人春秋高五疏乞終養歸距太
宜人屬纊之日凡七寒暑奉溫清執饋饌扶老疾

左右崇養以色以志既歿哭盡哀殯盡禮國人稱
顧太宜人有子然則碧溪公之忠干國孟河先生
之孝于家謂非太宜人相且成哉嘉靖乙卯余
居母氏之喪既祥矣孟河先生以手書年譜造余
請曰子史也而余姻惟是太宜人狀敢託諸子鳴
呼余方在疚茹戚銜慟廢筆劄久矣何能文然昔
者孟河悍狀吾母矣授簡之命有弗獲辭者乃按
譜敘次作太宜人行狀

狀曰太宜人姓許諱寶字自珍尋甸府知府碧溪
公性魯之配翰林院庶吉士孟河先生一龍之母

也許金壇間旅齊亦城氏父璽節父王之子母謝
氏太宜人生而秀明長而淳懿九歲就其叔姑歸
艾者習女孝經及刺繡工頗敏諸婦莫能及祖姑
王在老舍鍾愛太宜人太宜人依以寢處焉年二
十一奉嬪尋甸公時尋甸公先二歲已酉以書第
一領應天鄉薦矣既歸克脩婦職事徵仕郎賈菴
公王儒人維謹越一年質菴公卒伯母李欲異爨
太宜人爭之不得獨以身任王儒人養又一年王
孺人亦卒太宜人仰天嘆曰婦以養舅姑也三歲
為婦舅姑應養傷如之何拊膺嘔血旬旬喪事族

人以才婦稱自是家稱落太宜人拮据總理盡操
井日夜躬紡績以生產作業尋甸公開戶精誦四
方豪俊多招徠者太宜人親飭范蠡務極芬腴尋
甸公七上禮部游恩典學者二十年皆太宜人代
終之助也尋甸公釋褐除兵科給事中太宜人累
檄幕所製柔履襪陳輸將以給又念宗嗣單寡擇
民家女武氏侍櫛宜邸且授夫人曰家室兒女汝
子莫糾晚第為美官願不負所學也尋甸公給事
四年屢抗疏言事愆切時政倭倖錢寧擅權驕橫
每廷折之竟忤貴譴平陽人皆為公惜太宜人獨

曰此真不負所學矣遷奚惜也明年改順昌令又
明年移倅曲靖又明年擢守尋甸所至輒建殊績
鋤豪強黜浮巧緩板仁獄寃獄變鬼俗正夷風敷
文教虞翻朝歌賈逵交趾方斯蔑如也然尋甸公
十年十外游宦萬里無內顧憂者以太宜人為之
內也尋甸公誣坐安銓事疏上朝復遣翰林君面
關拜告執政者太宜人戒之曰汝父以功獲罪罪
亦何憾汝上書宜遜言勿犯忌諱也書上事竟白
尋甸公死于官翰林君扶柩至自雲南太宜人奔
撓素與一慟幾隕遂成淹病忍死幹蠱以需翰林

君之仕以繼志也翰林君齟齬尋甸公已宦京邑斷機和九太宜人劬勞寔多翰林君資慧絕倫所事師未卒業輒謝去自以不能爲君師也太宜人延擇高矩俾卒業焉時時勸誘之曰汝祖陰隲累世汝父雖顯未艾也汝其勉諸翰林君弱冠肆志墳素凡經史外家博習研覽撰造藻什交輟漢魏相趾山中翺翔文囿太宜人問遺襲餐相繼不絕翰林君苦思耗越兩邁危疾瀕死太宜人夏月枕抱蚊蚋汗出不敢揮懷禱瘳藥辛苦踰千襁褓至今言之翰林君未嘗不瀾然涕下也嘉靖戊子翰

東來集

十一

林君領順天賓薦執事旬公喪畢計偕春官不第太宜人慰之曰往年汝發解北畿汝從子震章舉南畿今年汝從父又發解北畿天忌恒滿汝但途晦俟時而已向疾病患難中詎意有今日哉吾亦不願汝蚤貴也五試輒不第從父光祿卿從子司冠郎皆先貴每落第太宜人委曲慰解無少含愠意人高其識丁未上榜除翰林院庶吉士秋八月乞養還觀庭下太宜人喜曰吾昔爲黃門婦今爲翰林母吾願足矣開歲太宜人壽八十朝野縉紳遠近走賀翰林君執爵跪醺太宜人升軒酌斗其

樂只且三月如許命翰林君立石表外王父母墓敬米帛以顯許之鰥寡貧乏者期春和每歲一造翰林君嘗邀族母七十以上者數人偕太宜人居玉華山莊百方奉歡太宜人詣場圃觀穫翰林君與諸子姪偕帝荷葉于前以劇暢樂太宜人笑曰此吾之樂于也但恐虛老其年不得與朝廷出刀耳卒之歲太宜人復如許病翰林君輿以歸數日不食不語醫案脉咸曰不治翰林君私草求詣華陽洞天請于司命願減算以益母壽翌旦太宜人夢三道士與語遂歿踰月起坐逮秋腹背肉厚面

白丁集

十一

色膩白如少翰林君心悅太宜人曰吾老極矣今轉少非可又者不見膏火將滅乎可速治後事翰林君泣承語時先是建裕後堂以遷太宜人止寢至是落成太宜人曰吾所居已壯麗汝復爲此恨吾不能久處也吾享汝志乃命掖入當上園坐取酒餚致言以退是夜病作增劇但額額常言曰汝願無盡吾年則有盡也奈何旬日不進藥餌某日忽聞日令召二十七叔來舉手囑曰叔與吾兒善吾兒年過五十亦是衰境且未流今痛吾病已稿瘁矣脫吾死當何如願叔慰吾兒勿至滅性也

他日定養精神上以效忠蓋下以延宗祀以繼汝
父未盡之志死即瞑目矣言畢澡浴整服卧靈輻
上息聞闔門君子曰太宜人之母道慈而今矣于
視幼子一麟猶翰林君也視二女猶子也煦育婚
嫁殫厥心力不幸蚤世太宜人撫其遺孤若不失
怙恃者平生自御粗淡歉歲至哺糠粃而賓祭必
至豐潔視之恂恂若無能者族人凡有巨細公私
兩隙不平不問尊卑咸來諮請一二語即剖解人
以女大其目之睦嫺賄族不吝推與即司寇郎微
時餽粥之費多所周旋餽餉之待妾媵有膠木風
王氏沒憐其無子不祀以所製送終具悉附殮以
葬宸濠之變江北流民婦尸彌望太宜人爲設粥
買藥置不起生者掩死者自餘人每值侵歲亦如
之雖脫解頭廢產不計也里中惡少有侵侮之者
不與較及來求好亦不拒若問知者其賢習寬仁
類如此嗚呼婦人之有敬于爾舅姑孝于爾父母
順于爾夫慈于爾子惠以逮賤義以賄賈儉以率
躬勤以居業禮之善物也而太宜人兼之可謂全
德矣不然家當世壽有未易致者太宜人之賢於
天道不足徵哉太宜人生成化庚寅六月八日卒

嘉靖癸丑某月某日享年八十有四子二長即翰
林君一龍初娶忠愍侯鍾江衛指揮孫晉女次娶
大金寺家璋女又次娶中山武寧王孫徐京女幼
卽一麟娶吳溪典饒史松女女二長適荆溪儲某
次適京口歐陽某孫男一孫女二翰林君十某年
月日本太宜人既習某原合寺旬公玄兆禮也燕
湖之辭其遠徵矣唯鳴華人君子采焉謹狀

白下集卷之十一 一

白下集

三

白下集十一卷

兩江總督
扶進本

明黃姬水撰姬水有貧士傳已著錄是集詩六卷
賦一卷文四卷姬水自吳門徙居金陵所作故以
白下爲名王世貞序謂姬水始務以清麗宏博自
喜中年游白下稍趨澹辭雅調晚節益自喜爲工
語東南諸詩人不能先淳父而指屈也其文則不
復置論然觀姬水自序似所編實止各體詩其餘
數卷爲其子後來增入也姬水本五嶽山人省曾
子而世貞序謂省曾爲姬水之王父同時之人不
應有誤殆刊本衍一王字歟

高素齋集二十八卷

〔明〕黃姬水撰

山西省祁縣圖書館藏明萬曆刻本

附《四庫全書總目·高素齋集

二十九卷》提要

黃淳父高素齋集序

劉通事之言謂塗山爲南音有娥爲北音夏甲爲東音殷釐爲西音審音而後知聲和聲而後明律六代正聲萃於江左近尚北鄙殺伐而詆南方采靡豈通論乎此何異拘墟而語海也吳自季札聘魯請觀周樂盡識列國之風言偃踰江蹈淮從孔子遊盡得精華之傳文不在茲乎然可與言者惟許商賜而不及偃豈詩更難於文耶歟後文運漸開詩教彌著竹箭標美於會稽朱實效珍於具藪粲若春葩蔚臻英淑匪徒世業兼紹家風機雲之爲兄弟況熊之爲父子亦其選也我明高氏率迪徐氏昌穀號稱能詩然高染氣習徐東篇章求其彬彬郁郁惟我皇甫及汝南黃氏乎密親中表並擅才華勉之卒五嶽集成遺命其子請序於余三紀於茲而淳父卒高素集成仍命其子請余爲序嗟哉二君化爲異物受命之辱未嘗不傷其年而且嘆其盛也勉之兄得之世謂二俊其子河水與姬水埒又若一之而下多能詩卽靈運群從孝綽諸昆曷過焉姬水字淳父號質山與玄後於童烏聞詩先於孔鯉余兄弟與其父談每旁侍氣若食

牛辯堪喻馬受簡請賦援筆爭先父因其肯已特
鍾愛之嘗令其屬草遠追文考間攜之同賦近匹
伯村李枝獻應賓詠淚閨哀之逸響也續父輯貧
高傳之餘風也五嶽爲諸生時常遊白下大司馬
喬公宇見之而心醉時則邊司徒貢霍宗伯韜顧
司寇璘何司空孟春咸締贈縞之交隆倒屣之接
聲名籍甚邦之大夫戴冠聶豹推以國士至發跡
南畿觀光北闕都人士拭目快覩延頸願交浸淫
聞於公卿間矣名不虛立士不虛俯如此哉淳甫
亦由諸生屢屈場屋末遭兵擾將移家白下質諸
汪氏殆亦屈平問卜於詹尹蔡澤決疑於唐生也
余嘗寄之以詩如何書報語猶是未歸情志可悲
矣時則趙君貞吉朱君曰藩在儀曹黎君民表在
計部陸君光祖在尚寶高君鶴在瑣闥何君維賢
在西臺許太常穀邢太史一鳳姚守汝循在閒居
何翰目良俊亦流寓靡不欽遲焉語阿戎以流連
見侍中而歎息日月忽其不淹著作積而盈篋乃
別存焉使嗣父而起卽不獲第憑軾齊郊約矢燕
壘寧無鄭生魯仲之烈乎五嶽慕仙遊淳甫耽禪
寂雖竿旄在浚車騎臨汝蔣徑盡蕪董帷常落塵

得而觀焉覽其集中干木避客遂罕竹下之篇長
卿倦遊斯闕湖上之詠至邦君餉粟縣令給肝麾
而却之生以高素名齋死以高素名集殆無媿色
也頃若宋中丞饋金於下車邵侍御勒石以表墓
不爲不遇矣余姑論其詩古選歌行五嶽特優七
言律詩淳甫差整五嶽似爲刻意淳甫惟以款情
五嶽多雕藻而淳甫有婉辭五嶽騁奇氣而淳甫
有秀句五嶽若神來而淳甫由趣得足以定之矣
集凡二十八卷總得詩五百二十五首文一百八
十五首清甫詮次良當詩可去者鮮文與書刪二
十三首補入蔡子木集序一首以復嘉實嘉芳二
子情愴渭陽才憐江夏不自知涕之霑卷云
萬曆丙子春正既望
前進士司勳郎百泉皇甫汈子循撰

黃淳父先生高素齋集序

長洲張 獻翼 撰

潁川陳氏謂公慚卿卿慚長言世其家業不墮者之難也况詞賦匪一時之榮文章為千載之事乎蔡洪評吳中諸君以紙為良田以筆為鋤耒自大雅振于江左二俊起于雲間殆人人握珠家家抱玉矣然未有若歆向踵芳彪固嗣響佳期追詠于巫峽文考屬草于靈光為韶樂之元聲法乘之正印如黃氏父子者也予父客黃君淳父風逸驚才煙高壯志家稱千里國號無雙匠心授諸過庭朋

黃素齋集

輩期于跨竈神構不襲肺吐必新苟片言無當于意寤索擁衾隻字弗愜于心窮思竭壁詞非黃絹音非朱絃寧棄去不屑就也乃知揚雄作賦標夢腸之談曹植為文發反胃之論信良工獨苦且英鑒實難方之君家尊詩非汝父文可庶兄書學固當不同詞章得其一絕後先相繼與日月而爭光述作並傳計霄壤而等敵上下百年縱橫數子挺生二氏萃于一門猗歟盛哉君當盛年有衙官屈宋之資奴僕命騷之勢而不獲振鷺羽于泰階奏鳳音于清廟才高妨遇命達憎文乃遠謝交游長

折當路郡庭邑室絕跡罕臻山僧野叟舒心瞻瞻雖多結駟造門常使題鳳謝客名可得而聞身不可得而見也頗多憂生之嗟欲求引年之術薄游越中長淹白下風物起其興山川助其思每宣羈旅之悵時寫飄泊之感情抑鬱則其詩婉以柔志憤懣則其音慷慨以激人與書而俱老詩藉窮而益工讀之者如九寡之餌孤子之釣鏗爾長吟令人短氣尤善以丘園樹操寧徒以鉛槧垂聲而已哉君少與先子締雲霞之契再納不肖為爾汝之交既託雷陳復深群紀社以敦詩而結門緣問字始開李緒豈一字之師士安有三緘之重至蟬蛻焉塩鴻漸雲遙適何均也年隨情少酒因境多意何協也輒返阮途懷空禰刺遇何類也煙霞成癖書籍為淫病何同也然君以牢愁終身予以優游卒歲喻馬雖殊而亡羊則均矣嘗云吾輩雖不吾與吾將強而附俗人雖不吾惡吾將強而拒君是以白頭于衆而青眼于予予是以在衆不容而在君獨嗜也迨其朝露忽先夜川長逝生無與語以青蠅為平客死或有知待白馬為故人館甥瞻獄于青瑣座客絕絃于赤城雖詩不固于松喬而名已

黃素齋集

齊于金石矣予登其敝榻訊彼佳兒則新哇不發
 舊燕仍歸每懷題几之人幾沾開篋之淚有愧不
 孤之談敢云獨立之日哉斯集也高風肯構慨苟
 今之並存素絲荷薪知徐生之不朽與白門並行
 於世將青瑣獨競于時追渠夢想臆彼神疲必有
 蛟龍入于宵中鳳凰集于玄上者矣

高素齋集序

高素齋集總目錄

卷之一	賦二首
卷之二	五言古詩十四首
卷之三	七言古詩十五首
卷之四	五言律詩五十八首
卷之五	五言律詩四十九首
卷之六	五言律詩五十首
卷之七	五言律詩五十三首
卷之八	五言律詩五十二首
卷之九	五言律詩三十首 五言排律六首
卷之十	七言律詩四十三首
卷之十一	七言律詩四十四首
卷之十二	五言絕句二十三首
卷之十三	七言絕句八十八首
卷之十四	頌古人七十首
卷之十五	序十三首
卷之十六	序六首
卷之十七	記五首
卷之十八	傳三首
卷之十九	頌二首 祭文一首 疏一首

卷二十 雜著九首

卷廿一 銘六首

卷廿二 贊七首

卷廿三 跋七首

卷廿四 書三十九首

卷廿五 行狀三首

卷廿六 墓誌銘五首

卷廿七 誄辭二首

卷廿八 疏七首

高素齋集總目錄終

高素齋集卷之一

高素齋集卷之一

吳郡黃 姬

賦二首

餐英室賦

白門趙君子實寄塵跡于牆東抱真想于霞外考
室蒔菊儲英繕糧客至手烹以代茗供蓋仙人之
上藥而山家之清餉也因命其室曰餐英黃子爲
之賦曰唯蕭瑟之凜秋兮迅商發而慄慘厲金素
而搖落兮解華叢於密苑何芳菊之奇神兮獨敷
榮於幽坂時擢縹幹與青柯兮耀紛葩之布衍歲
駐延蔓凌颺月霜暉藻星羅離離煌煌根渥三泉
頽晞九陽含精稟醇色效祇黃迺有北山潔士東
軒靜君逍遙散髮翺翔中林薄言采之寒芳擷芬
煑以三危之漿兮調以五滋之液爰吸和而飲粹
兮遂甕朝而餐夕既充虛而輔氣兮復弭辟而燭
疾制頽齡于濛汜兮駐鮮好之顏色後天不老髓
移腸易奚必餌桂啖松飯胡麻與芝朮也辭曰芙
渠落兮蕙草殘蘭有華兮靈露溥掇瑤葩兮貯玉
盤雲腴結兮石髓寒羨門食兮風子餐招王母兮
驂烟鸞羌白日兮生羽翰

瑞泉賦

夫二儀闢而后土奠兮既協夫陰凝之度彼咸池
與陽谷兮實應夫綠甲之圖稟上善而叩虛牝兮
頌川德之淵深昭大順而泄地寶兮羌醴泉之斯
出苟在乎壤而涌伏流兮允符乎瑞應之攸徵肆
中丞之甲宅兮控崑陵之輿區忽城沸而上奮兮
注甕官之清渠光潑潑而碧兮擢金沙於錦湍
散不上而澌澌兮聽薛林之鳴琴懸爲五色之虹
兮結爲三危之露酌玉膏於瀛洲兮瀉丹砂於華
岡既清泚而濕渌兮復綺疏與芳沃照溪上之綠
竹兮浸湘沚之崇蘭汎秦源之桃花兮下華陰之
蓮葉並昆岑之神井兮邁嵩岳之天池擬員丘之
蠲痼兮同溫泉之蕩邪豈惟一姓之發祥兮効吐
王者之昌符辭曰涌水所流表忠孝兮混混洋洋
含靈兮中丞登翼潤萬物兮作時甘霖遺安清
兮嘉胤嗣之導其瀾兮飲戒貪潔厥躬兮徵治
効世并列食兮源遠流長慶無疆兮

高素齋集卷之一

高素齋集卷之二

吳郡黃姬水著

五言古詩十四首

雜詩四首

朱華冒青阪夕落成枯茅南山崇朝濟屏翳須臾
開昨日金貂子今朝闕泉臺軒后旣云邈甯氏行
歌哀狹徑匪不捷窘步卽邪回爵服諒可玩厚生
基禍媒搶鸚何譁謹哂彼扶輪摧達人厲高蹈矯
志違霧埃身貴物自賤冥遊筌可排願言總霞轡
周遊凌九垓

高素齋集卷之三

綠圖不可作皞世怵難逢繆辰當厄季仇離丁我
躬氛霧橫大漠縹馬奚所從慢愒豈天降僂媚處
高墉貪婪肆啄害萬姓哀村空山川盡圯竭日月
屢告凶惜誦自貽愍話言多詳聾敷枉欲陳詞寒
修誰爲通驕人復高張出入何從容咨余獨沉抑
謾詢群口叢寧知黃鵠志高視隘洪濛湓死亦奚
惜彭務行匪中何如翔寥廓陶遨以俟終
少小負明姿娉潔揚芬郁周旋奉粢粢先民以爲
服爛熳竟無成機羈遘弗穀毀積金可銷霜飛鄒
衛哭嗟吁賴與瑕何曾掩珠玉曹沫不恥敗季布

甘奴辱石父僕中牟晏嬰解驂贖古來烈丈夫詎肯死溝瀆遠達青春謝佗條沉心曲微鰲攬瘁容奄忽凋髮綠年命苟不逢且作長垣牧
嶄巖多虎豹虎豹在市衢幽阻多荆棘荆棘生堂塗貧賤遭迫阨時俗哂不夫孤踪同泛淫靡散身名俱林類拾穗死聞之肝腸枯間陳古云醜嫖母今信都墨陽沉寶匣虹采光糝糊飈車玉虬駟帶翳蜺旌徂飛飛俯列缺招邀鄰泰初琳官餐滂沱蒙汜不受拘胡能繫塵壤局促悲淖沔

上張中丞四首

古詩卷二

二

作君以康民建牧乃輔理分陝本重寄全吳洵隆委鮮烹貴德厚禁治在才美我公授鉞來澄清及遐邇旬宣甫朞月歌誦溢塗里樓堞晝燧消城門宵柝弛三事成穡功千金賦租市灌澤滿萌生殊勳報 天子

周什詩人源楚謠詞賦宗都尉漢代傑陳思魏室雄李唐天寶後寥寥雅道窮昭代盛賢儔蔚然炳鸞龍南金豈常有北驥亦易空我公岷嶠秀文章揚馬工四部析心極萬言宣思風長謠獵藝圃今古皆摧鋒稱詩復能賦經國奏膚功

豫守懸釋榻魏侯枉干式卑身以下士末俗古道熄我公滄海度折節禮幽及文學載後車儒生命前席嗟余滅影人荷裳袞衣觀太息咨民瘼虛懷訊匡國一時爲美談浚郊在吳陌水動礪溪情山生商巖色勤哉吐握心姬旦比隆德

金陵定鼎地石塘紀江池天闕峙嵯峨星廬列參差蒼佩重專席絳駟清路馳腴邑周鑄京崇秩漢台司霜簡百寮憚皇圖永保釐睇湖悲龍去陟臺懷鳳儀習習逢歲晏悵悵感交知引領向天末空林勞夢思

古詩卷三

三

王元美伯氏敬美仲氏解組域中肅軫區外爲園以栖名曰離薺余心嘉焉遂爲賦之
殊才抱瓊奇繆辰邁屯厄疊尚諒茲秉責園爰以闢豈曰窮睨目聊以寄卑翮桂道臨清川紛僚阻迴陌納月曲疏池褰霞高藝石嘉林日蒨鞋俗草時屏剔楚均賦滋芳周任戒殖惡遶交遠匪人樹德去非辟蔽翳無冬春盤桓有朝夕消憂覆綠樽惺志敷丹籍寥廓翔曠心竚曖抗遐述名位既驅縛筌理亦排釋濁界玩一塵妙氣服五液願奉莊生言道遙唯所適

贈張中丞

脩景逝南陸芳林弱若濯枝降豐澤華棟與暉
却淮陽臥鎮餘宣城聊掩閣靜階寂無譁千里治
恬莫仁君豫以遊茂對情所樂別館張几筵後車
命文學廣術灑神廳朱輪疾蘭薄言讌君子堂白
晝榆陰落蒸饌必圓方降分藹酬酢樂飲豈太康
禮儀乃卒度海嶽涵細微嘉招及藜藿銜命何局
踏冠裳隔疏橋惆悵奉精光清雲睇遼邈未能歌
湛露慈惠已霑渥竹生東山阿孤根忻有託

閱騷

楚平抱廉潔結綬爲三閭從容議國事翼贊聘良
圖一旦遭讒詔幽墨悲南徂離憂慙長鞠心軫形
容瘞物芳表姱行美人悵修途重華不可晤異采
空懷瑜九州豈不廣義難違舊都舉世汎滋垢汶
汶嗟淖汙夷居旣云烜湊沈誰前驅惟有汨羅水
可以捐吾軀哀多白日暝志迴青冥孤千秋百歲
後天壤清名俱蕭齋值商節隕霜摧寒蕪征鴈叫
寥泝木脫風鳴枯

送蔡郡公入覲

帝錄垂億載皇符肇元禩基命炳休明纂隆蒼蕃

社觀后當日正朝宗奉天紀翼翼秉介圭魏魏謁
丹陛王章稟龍旂臣謨矢玉戾我侯飭侯度優游
式戾矣

其二

作君爲生民立牧乃奉天太守資共理專城寄旬
宣中吳俗云敝上德吏稱賢我侯來煦赤治國若
烹鮮淮陽臥黯日蜀郡詠堪年率職由衷蓋敷條
以身先片言無留獄四國有閒田膏雨膏車下仁
風穰榻邊但食鄧攸水還投安陵錢樹茲吳公績
持奏天子前治行擢第一循良千古肩

其三

噉噉雲中羽檄檄霜前葉玉衡玄冥指緹騎長河
涉履端屆王春錫庶勤侯接振鷺令譽終爲龍寵
光燁毗佐遴才妙論思簡博決迅迢望京邑渺渺
睇江滌嗟余栖穴人少希安世業甘伐河干檀寧
希渭濱獵美化身幸漸宏猷心所愜聊抒穆如誦
聲與金歌協

高素齋集卷之二

高素齋集卷之三

吳郡黃 姬水 著

七言古詩十五首

東飛伯勞歌

天邊別鵲雲邊鴈湘江洛浦遙相吟誰家麗質千
黃金非徒美色兼美心珊瑚首飾羅衣裳芙蓉發
秀蘭生香都閨婉孌方總角獨向春風纖手濯鉛
華青鏡無十年空留可憐還自憐

俠客行

三月春風滿洛陽翩翩玉勒度垂楊臂上調弓挂

高素齋集卷三

明月腰間寶劍懸秋霜遙看夾道花如羅連鑣何
處不經過關雞南陌方驕勝射兔西山又較多平
生一片橫行心報讎何用相交深不識人間重紫
屋但知意氣輕黃金大義當從犯禁來榮名却向
忘軀回顧看寂寞讀書者多少蓬蒿空負才

憶昔行寄繆太學一首

我昔栖金陵習習歲屢道雖因烽烟阻却爲江山
留石頭城南長千里朱橋幾曲青谿水一雙芒屨
不向市只在樵垌漁墅裏囊中無錢桂玉炊荆綈
劍在妻子嗤新豐不作馬周客上林寧用狗監知

五侯七貴接杯酒不如瓠壺瓢勺飲一斗狂來嘯

入雲天長豈著岑牟之服過漁陽繆君遠性狷寥
廓眼前撲遶糞上螻軒軒皎皎越俗姿宛似朱霞
半天落黃河之水西北傾豈隨世態移交情元龍
偏負湖海氣劉生恒借長安名有時邀我酒廬傍
飛花撲甕春蟻香玉釵寶瑟鬱金房豪呼六博賭
千觴持杯每自傷蟋蟀黃酒何曾吝鸛鷀憐君失
意下長安余亦還家歌考槃江山千里隔烟月回
頭往事愁漫漫北風烈烈吹枯樹十日空城飛凍
雨雪花入屋滅夜缸微吟爲寄相思苦

高素齋集卷三

聽查八十彈琵琶歌

壽州鍾郎善琵琶國工斂手咸咨嗟阮朱絕藝那
能續不惜千金傳一曲十八從師廬子城五年技
盡六彈成抑揚按捺擅奇妙從此人稱第一聲今
年客自郢門還瑤枝手把來蘿關江湖聞名二十
載相逢兩鬢風塵斑據牀拂袖奮逸響叩商激羽
高梁上聯綿曲折抽芳緒悽銷寒劫生孤愴欲舒
況氣更促柱切切嘈嘈作人語炎天洌洌滿屋霜
白日颺颺半窓雨雲停霧結池波搖木葉撼城烏
翔舞迴颺驚電指下翻三峽倒注黃河奔胡沙蹄

黯吹落月千山萬騎夜不發調本絃靴太苦酸相思馬上關隴寒從來慷慨易成泣況復秦聲向客彈

爲王元美題溪山深秀圖

王君遠性嗜山水許掾才情差可擬謝吟孫賦猶未足妙繪還徵錢伯子矧藤十尺貌巖阿溪客澹澹山峨峨不雨常飛匡阜瀑非秋盡瀉瀟湘波長皐野市何幽篠縈紆鳥道青冥表古寺松深啼猿多蕪城草合行人少白雲鷄犬散茅茨千丈虹梁架壑危花裏漁郎共邀饌石邊樵客一看棋平生

高寒齋集卷三

三

送張幼于讀書湖上

越來溪上楞伽側雄圖一片平蕪色綠水難留西子丹青山空傍吳王國枕書累月臥林丘花落禪房白日幽無那春前別張緒湖頭楊柳憶風流

分得千人坐送王元靜任福臬

君不見生公臺前一片石聽法千人羅講席悲宮智殿今幾秋天花不散迤水流使君揚鞭服官去

青絲提壺酒有蕘那堪此地一分襟相思閨嶠千重樹名藩上佐選才雄婉婉嘉猷望譽隆君行莫厭風塵苦作吏丹山碧水中

送王叔承遊洞庭衡嶽

逸思迴千霓常懷仙嶠躋鳳凰豈逐鷄鶩食鴻鵠寧同燕雀栖冥飛一何遐羅罽安所加遶日馬貫月槎蟪蛄之窟非吾家石戶携妻子向平待婚嫁超升埃霧凌烟霞王君飽綠字少小負奇氣酒酣散髮時一吟七貴五侯皆失貴落落一劉生長安恒借名抗俗步兵少青眼尋幽許掾多高情東風

高寒齋集卷三

四

吹過江頭絮別余謂向五陵去勝絳五圖手一筇翩然直上祝融峯瀟湘關渚經過早啼猿樹裏荆門道衡岳朝來但白雲洞庭春到無青草黃生身世歎支離老至偏多失路悲寄君一掬哀時淚爲我西城弔舜祠

徐汝寧子與解郡還過吳門王元美伯仲載

酒石湖

汝寧太守真豪士當年作吏稱通理郡裏方看集鳳凰原間又見遊麟死忽憶滄洲遂拂衣何能束帶見鄉里飄然削迹下吳門珣珉載酒故情敦聯

筵輟策共詞客澄湖靜賞青山色石湖山水重復
重漁歌牧唱樵人蹤鷗鷺青天立遙渚颺颺白晝
啼長松此時懷往生悽惋越來溪接長洲苑世間
萬細寧足論眼前一樽但長滿君不見吳王臺榭
麋鹿遊不及鴟夷一葉舟

湘江行爲蔣都閫送郡大夫王公應召北上

衡嶽遙當翼軫峙祝融高挿青冥裏桂海雲生巫
峽峯岷峨雪作洞庭水離江北下是清湘東注鵬
溟萬里長竹枝不減舜妃恨蘭葉猶含楚客芳朔
城風土由來厚漢君門業高華後意氣常懷舉鵠

心文章獨擅雕龍手早年結綬金闕新黃紙滄洲
作使臣下賢寧有朱旆貴信獄覃敷丹筆仁簡才
顧問徵書下從此仙曹分八舍何武他年祗易思
寇恂今日應難借單車去去向皇州唯有胡牀郡
壁留愁心攬取蘇臺月影入湘江日夜流

海陵歌贈朱太學

海陵一片揚州土襟帶江淮地何阻八紀由來屬
斗牛九圍自古雄吳楚薔薇滿接茱萸灣瓊花一
樹無雙顏紫折河橋明月裏空濛島峙巨濤間當
年太守朱文季威德懷民還畏吏一從言返西陵

舟至今猶想東方騎此地曾聞誕俊髦衡香夢協
非凡曹蜚鴻超逸真龍彩王邵風姿信鳳毛羨君
本是清華胄湛實淳英功日懋卓犖行藏詣德林
歲難詞藻翔文囿峴山蒼蒼映雪川平生名勝心
所憐開紙觀爾雲霞字恍惚江山在目前

送江元彝謫晉陽

故人別我晉水頭孤征萬里向井州平時猶憶山
陽別此別那堪腸寸折千鍾一飲歌慨慷白日黯
慘無精光須臾陰飈走沙石木葉盡脫江波立吁
嗟世路太行嶮九疑對面何復言讒口金銷古來

有今日寧知點玉冤千山萬山盤句注鴈門九月
誰能渡接風雲紫塞秋連天冰雪黃河路君不
見負累鄒陽書幽憤嵇夜詩豪傑皆如此歎息欲
何爲世間萬細何足說失馬生牛君試問若書寧
殘遷史身游說猶存張相舌越石晉靡季布奴願
君自保千金軀腰間寶刀虹光吐壯士相看淚如
雨

題長江萬里圖送貳守龍公之隆安

大江西出岷山裏東注奔流一萬里源同甕口初
濫觴川分湖匯何茫茫含靈蓄怪由玄宰霧雲蒸

鬱變明晦三湘納漢帶九州絡地浮天趨巨海錦
湍迅瀨翔鷺鷥黃鶴磯邊鸚鵡洲黃金紫貝漾白
日萍實菱花紫素秋侯也蘇臺勤佐理吏戴民懷
頌聲起千里俄敷樹下春三年但食江南水徵車
鳳使下承明刺史符懸人並榮騎吹還臨巴子國
醴筵出祖吳王城鬱林舟輕那可渡漁陽折戟還
自赴吳地方深詠去思蜀中應復歌來慕五馬會
過陳豫章千秋巖穴道彌光他時一掬思君淚灑
作江波萬里長

贈大中丞陳公

高素齋集卷三

七

吐符崇嶽誕儒英執憲持繩列上卿三吳分閭寄
隆命一時膏雨敷群萌吾蘇頻歲饑戎後杼軸其
空星在蜀那堪爲政復紛更共願居官須長厚公
綏上德若烹鮮境內醇醇室晏然南畝三秋有禾
稼東溟萬里無風烟沾洽間情遊翰墨蓬門每見
文侯式遂聞塗巷起謳歌頓覺江山增潤色蘭樹
當門俗所憎何曾枋黜識溟鵬得失寧期塞上馬
是非空笑棘中蠅蒼生忍使無安石賢傳行當對
前席憐余吳市採芝人因爾梅山問遺迹

賦得栖霞寺送謝司寇秩滿北上

蕭梁一古寺遺迹自前朝貌佛千巖秀藏經孤塔
標鹿將名淵水虎定嘯溪橋峯頭常宿鍾山霧門
外應通揚子潮謝公三楚英清途早影纓玉堂高
羨文章價青瑣爭傳直道名蘭臺薇省連膺寵五
時出納千寮竦官屬文章北斗尊地當畿甸南邦
重驂駢肅戒謁形埒密勿論思 天子毗懸知長
樂聞鐘日猶訝禪宮休沐時

高素齋集卷三

八

高素齋集卷之三

高素齋集卷之四

吳郡黃 姬水 著

五言律詩五十八首

紫山徐大過南星別業

別業江城曲蕭然水竹偏不因山色在那使客情
憐樹翳陶門日蘿生蔣逕煙南鄰堪自貰取醉夕
陽前

陸可繁下訪

相對雲林客悠然意不譁琴書間更寂草樹晚偏
華饌客貪烹菽謀生拙藝瓜逕中無別侶非仲卽

烟霞

漫興

緬企古高抗投軀欲香深漸於時態遠忽已歲華
侵月不遺蓬戶雲常住竹林若非茲玩把那復可
開襟

冬日同皇甫少玄百泉昆季集林公房

浮世聊乘暇空門自遠譁遺民結齋社玄度愛烟
霞湛境調心馬香筵現掌花徘徊當落景猶聽演
三車

春日過大林禪房奉同衡山丈太史

舍此一禪刹追遊及早春言從放鶴室因侍換鷺
人幽境投蹤遠芳林屬賞新平生寥廓意來此卽
怡神

顧仁效陽山別業二首

買棹訪真隱秦源路轉偏龍歸春岫雨鶴候夕扉
煙竹葉藏仙壁藤花覆野田暗流泉百道都會草
堂前

隈隩山深處雙峯一徑斜澗生殘夜月巖被隔春
花向子元耽嶽壑公自隱家林間瑤草供聊以佐
餐霞

正覺寺禮中峯禪師像

禪師化已久遺像儼香林滿月標今相彌天見昔
心宛窺入定色恍接演敷音本自無真幻同爲三
匝欽

白龍祠觀水簾洞瑞石

清晨眺北嶺選壑憩龍祠洞宵泉常挂山空石自
移江濤春霧暗巒翠夕陽滋轉巘松門曉遊蹤詎
惜疲

訪豫陽田子席上投贈

挂席當秋杪回轡向日斜主人山陽侶酒熟正還

家過雨空潭月迷烟斷渚花從茲謝范好常得絲雲霞

吳山晚眺

躡磴一舒眺捫蘿絕巘留海門昏落日江漱澹清秋高樹攢飛觀平蕪帶古丘伍祠聊躡躅愁見越山稠

泛西湖

載覽名區秀紆洄遡綠波飛梁界湖色複宇隱巖阿繚景秋常駐青霞夕競多回思南宋盛衰矣邈山河

歸自武林別紫山徐丈虛巖周子

門徑只垂柳飄零客到家琴閒人有伴秋盡菊無花苔綠石滋雨藤陰樹隱霞那堪賞心者明發又天涯

賦得白日半西山

落照猶餘照傾曦未墜曦當年吳子國正是烏棲時空爲清暉戀潛令綠髮移誰能挽龍轡光彩復東馳

城南

城南一畝宅經歲掩扉多自愛蓬蒿翳無嫌鳥雀

羅池寒全覆竹樹老半綠蘿忽訝蒼苔跡塔前野鹿過

送浮山梁公子還嶺南

萬里京華寒風思故園如何芳草歇猶自滯王孫中散世難偶玄成道益尊遙知庾嶺雪羸馬聽哀猿

荅陽山宋侍御

寥落荒塗士多君念不疎一爲驄馬使三寄越鄉書昔有賦窮鳥今無憐涸魚酬知在崇德北首重踟躇

偶成

茂苑看麋鹿其如懷往何栖烏吳殿冷芳杜楚江多暮景嗟無立勞人自有歌當年一片氣去去擲東波

春晚

高臥青巘下孤情與世違但看郭北墓空笑首陽薇西日鳥初沒東流花正飛無人知苦調霜月照金徽

送王秋官元美北上

送子去長安行行贈握蘭謙廷秦法吏題柱漢郎

官鴈候人難別驪歌日易殘空今懷益者延佇遲
雲寒

送劉侍御子威謫官閩中

憐君佐幕去宦拙復何論下位無非職南遷亦是
恩江山待驄馬琴鶴伴閒猿坐嘯應多暇題詩到
石門

同顧仲常訪郭次父

問隱白雲鄉奇峯度石梁花深疑路絕鳥下覺原
長門閉青山影溪流玉樹香知君不出戶來就管
寧牀

高士傳卷四

五

屈子自言家罹兵火贈之

曾是黍離歎番生一畝官剡山誰爲買阮路共悲
窮鴻去聊隨雪蓬飛且任風贈言盈篋在且莫嘆
囊空

贈王和仲

窮巷蕭然臥未曾憂不堪芟庭留露竹鑿牖面煙
嵐史籀傳心畫仙柯擅手談携琴時過爾瞑色起
花潭

同中南伯父大林房

江城尋古寺寒闌向溪開值我止酒日何訪入社

來暮禽喧石塔秋樹覆香臺山逕鹿門裏猶堪乘
月回

往年常侍先子過泗洲寺無極禪師精廬看

菊載離寒暑無極化去先子相繼頃沒重

過懷怛泫然迷感

藍輿懷往日松塔禮寒霏栖鵠空梁在懸燈白晝

微花無滅相草恨有涯暉何事除煩地番令淚

滿衣

庚申五月余自金陵歸清甫弟過集

幾年遊洛客此日掩紫荆池草方無夢山猿始不

高士傳卷四

六

驚勞人知酒德靜者識雲生欲解還山意君看芳

杜情

浮玉唯山二叔過集齋中懸沈石田飛雪圖

試紫玉研分韻得黃字

老賤還家日松蘿一徑荒閉門苔自厚入夏柳先

黃有社棲威葦無人餉子桑殘繚與破研留取伴

空囊

同徐元甫史叔載集阮都尉宅得深字

自嘆違時者幽懷寄北林但存微尚在寧惜此身

泥鳥下益苔靜雲來助竹深阮咸同放達綠酒下

辭樹

夏日懋公房

支郎安禪處形影一茅茨不礙栖床鶴唯存挂衲
枝迎秋露蟬急向晚峯雲奇已絕區中跡東林寧
負期

七夕張太學招陪蔡進士不赴

別館張筵地群賢興自偏陶公正止酒伯子且停
絃高樹新秋入微河片月懸美人不可見悵望女
牛天

八月晦日同中南伯父餐英館候菊

何處饒秋色君家籬下枝亦知花未吐却喜酒先
携自日深畦冷微霜綠逕滋還將不盡興留作再
來期

夏日過崇慶山房

晉代標蓮宇梁園過藻人言從惠公約嘗締法王
因佛日能違暑禪風不度塵自知悲失路欲此扣
迷津

賦得抱琴來取醉

綠綺開虛館花間共舉觥逢君卽鍾子謂我是公
榮生計營糟築前人留飲名豈無獨酌趣相對更

多情

九日獨酌

寂寞揚雲宅秋風入破齋蓬高全沒屋竹長半侵
堦天運元無定人生固有涯達人遺軌在臨酒一
興懷

雨中登天王寺閣

俯檻騁遐矚烟蕪暮色同青山片雨外綠樹一樓
中林鳥坐不語城雲去欲空荒涼禪誦地千載舊
吳宮

臘日過王百穀尊生齋

披蓼過高館寥廓絕塵氛偃竹初辭雪霽林猶翳
雲賦驚文考筆書愛羊欣裙語默意俱適開簾坐
夕曛

送顧中舍汝和還朝

送子朝天去離筵胥水濱江帆懸片雨瑤軫戀斜
照彤管仙臺珥華珪禁苑分寄言直宿者莫誦子
雲文

送蔡中丞子木巡撫河南

中邑艱釐保臺端遴重臣如何受霜管亦自布陽
春河洛猶思禹崧高曾誕中願言崇令德莫不詞

前人

任本風霜肅州當天地中具茨圖可訪倚竹賦應
工不道長卿駟還過仲蔚蓬三花如采掇寄我五
湖東

玄芝館送童子鳴還衢

忽命千里駕眷言懷所知披裘行市日裏屨入山
時石室留樵斧桐江訪釣絲明朝挂帆去烟水繫
余思

姜山人玄仲過玄芝館得峯字

忽爾據梧暇披衣上士逢無忘綠酒意共惜白雲
蹤細草全封井高花半出峰漁樵路非阻曾許幾
人從

孫山人雨集

蕭然端居室一畝半滋蘭細物全身易逢人適俗
難雲沉花斂照雨過竹生寒不是鹿門士何能問
鵷冠

袁尚之謝湖草堂

徒然抱經濟白首尚沉淪不偶憐嵇夜長耕慕鄭
真書憚瞰蛟室漁艇識花津不是滄洲客寧教魚
鳥親

秋日朱孝廉邦憲來訪

閉戶何所事愁來唯著書媿余非叔度忽枉林宗
車地僻蓬還翳天寒雪尚餘空懷美人贈無以報
瓊琚

過張幼千園亭

偶然念良友乘暮到芳園遠霧寒浮水微陽澹被
原開門掃竹籜出逕認苔痕莫訝相過數幽懷與
晤言

徐太學別業即幻作卷

愛爾雲關好無人常自扃藤陰含水氣木勢壓山
形昔是維摩室今為揚子亭何耽區外賞栖志在
商冥

天王寺閣看落日

憑高眺夕陽烟霧已蒼茫遠樹幾行復青山半嶺
藏原間被餘照鳥背帶殘光對此憐遲暮誰能不
盡觴

送顧太常擢大名別駕

清郎標素節劇郡喜新除未解彥先綬先題仲舉
輿河山雄魏土風俗古堯墟到日逢來鴈無忘欲
寄書

送張太學月鹿謁選北上

計車方在駕立馬別交懽空自破萬卷唯能博一
官原間白日暮江上綠蕪寒寄語當途子應憐貢
禹冠

贈豫陽田子

麟鳳不世偶升沉何足論鄭玄栖北海梅福謝東
門秋水排筌理春華摘藻言父交悲再把感激道
彌敦

包山訪紫山徐丈

白髮餘孤憤青山老一經雲霞供秀句木石寓枯

高素齋集卷四

十一

形此地傳商皓因君弔楚靈無言饑莫療瑤草在
金庭

訪姜山人玄仲於湖上

小隱清川上蒹葭渺一涯滄洲協真趣潁水寄遐
思花但漁郎覓言唯惠子知璜溪人未老猶及後
車時

過大佛寺先君舊寓綠竹精舍

山寺標精舍蕭條枕碧漪依然舊花竹過此忽淒
其泉挂題詩壁藤懸借榻居追隨難再得涕泗白
雲滋

詠一思還一生

一想一盈眸生生無斷頭寸心應淚積雙眼是思
流匪石元難轉如沱豈易收涕腸猶蔓草纏附不
能休

詠鏡前應玉挂

昔照常含笑今臨忽鎖眉文珠方一祀白玉自雙
隨據月嫦娥泣倫波湘女悲如何半粧淚沓遺兩
重垂

高素齋集卷之四

高素齋集卷四

十二

高素齋集卷之五

吳郡黃 姬水 著

五言律詩四十九首

拜先塋 隧道爲錢氏所侵

眷茲春露感絮酒奠黃墟舊墓人難作營菟業漸
蕪心摧殘碣沒淚灑疎楸枯不保一坏土空慙七
尺夫

同皇甫司勳水部過石湖僧廬

勝侶同春眺乘流野寺過竹疑侵岫盡花較入溪
多鑿壁危懸磴穿雲小結窩遂令許元度坐臥弄

湖波

過懋公房同清父弟

安禪無歲月一室掩空林離相猶爲相觀心未是
心膝傍生野竹掌上集仙禽幽晤渾忘去門前暮
雨深

送僧海印受戒武林

爲法謁師去還將靈域尋由來持行苦不憚入山
深鳥外栖雲巘花時度雪岑吳僧卓錫處知爾欲
開林

送唐孝廉遊嵩山

坤靈奠五嶽高大是嵩丘四樹仙人種三臺帝子
留方偕禽慶侶去挾鳳笙遊若到箕山上還應弔
許由

荅謝山人茂秦

冥交千里外魚素遠能裁劒未豐城合琴先鍾子
開關山心豈隔歲月髮偏催爲問漂零跡應多在
鄴臺

芳訊頻年至寸心銜所知每懷嵇夜駕常誦玄暉
詩海內交初定天涯會未期江南有蘋葉春暮最
相思

王秀才百穀過玄芝館得時字

靈觴坐孤館颯爾動涼颼高宇秋回日空庭雨過
時村深花覆屋山近石穿籬欣此賞心晤幽襟聊
一披

秋日

平生寥廓想終歲臥長林鷗下池偏靜蘿垂逕益
深難馴是龍性易有唯蓬心幽意無人會秋雲在
遠岑

禱雨詩爲王兵憲賦贈施太守

畏日將焦稼祈天願積薪絳隆驅魃虐天矯見龍

神還以隨車雨數爲行縣春甘霖元已早傳說是
商臣

松風閣看月

清輝憐乍滿永漏坐將殘飛鵲山川迴疎花池館
寒昔年千里共今夕二毛看綠酒無辭盡佳期欲
偶難

十七夜玄芝館花下

山館復過客秋光野逕偏如何悲木落猶喜對花
妍抗俗心難下遲年景易憐寒塘石上月已減二
宵圓

高唐集卷二

三

十九夜阮侯宅

招尋在區外清賞白雲前良友何嫌數幽居不厭
偏霖林含雨氣秋卉奪春妍未吐青巖月羅帷先
自舉

秋日張幼于招遊石湖

共遣區中累來從物外遊溪山勝不改吳越跡空
留遠浦蒹葭晚陰崕薜荔秋寒光送歸櫓漁唱起
江鷗

過史孝廉冰壺館

過爾林居僻雲霞一逕通形驅百年內心賞幾人

同日晚花房合秋深燕壘空物華閒玩久不覺夕
陽紅

吳太學懋極自真州還歛

千里呂安駕開尊念夙期金陵一以別瓊樹每興
思惠好芳花贈歸心落葉知雲峯三十六以對掩
扉時

楊司務華山草堂

福地標丹館愛茲泉石紆憐生采芝處揚子草玄
居海氣合林澗嵐光落檻虛山公方啓事夢與白
雲疎

高唐集卷二

四

送姜玄仲還湖上

知君耽小隱烟水翳花村忽憶石上月浩然歸鹿
門鴻飛何所慕稟性詎能樊一畝滄江上猶堪容
灌園

送王界川歸越

三年寓吳市家在越王城暮雨催鄉思寒蕪是客
程爲歌別子建留酒待公榮天際望來樵錢塘春
水生

蔣侯宅觀荷得東字

君家盆荷好邀我綠尊同葉翠初舒後花嬌半吐

中紅深隔簾雨香散小庭風別有耶溪上芳情寄
浦東

十日雪中蔣孝廉彥舒過玄芝館

長吟坐高館雪霰忽交加竹葉常增暗梅枝入戶
斜池開不夜月林吐先春花此夕應僵臥誰憐處
士家

白嶽何柱史過訪以山行失於應門詩以謝之

南臺驄馬客問隱到花林草綠元隨意鶯求自好
音采芝成獨往看竹枉相尋却笑陸通婦空驚轍

迹深

和皇甫司勳元夕雪

積素照彤闌蘭膏然九微似憐百枝艷故遣六花
飛淑候同爲瑞芳宵併作輝珠塵滿香陌遊騎詎
云稀

訪王大復元於虎丘僧舍

愛爾栖泉石言尋支遁房白雲期有在秋水邈何
長埋劒池常冷談經臺已荒悠然晤言處落日遠
山蒼

集郭侍御子靜寄傲園

玄髮辭榮者蘭阡別構幽竹藏尋壑路花隱隔溪
樓管島分山秀疏渠合澗流平泉花木麗未必勝
茲丘

謝眺青山宅蕭然遠世氛看花皆是雪移石卽成
雲飛閣連青嶂修房帶碧瀆余心愛寥廓把酒戀
斜曛

集顧黃門子期園亭

北郭清華地池臺別構新飛來有蓬嶠迷處是花
津月落山猿曉雲封石乳春自從焚諫草聊作種
瓜人

贈張幼于廬墓

下地音容遠終天抱永思堪憐攀壠日猶似侍關
時雉鹿同棲影風泉總助悲欲知君涕淚看取墓
傍枝

三月同史二南城看桃花

結侶臨芳甸看花到曲溪繁英晴日麗穠雪晚雲
低歷亂偏撩目繽紛不辨蹊徘徊且莫去祇恐再
來迷

戚祠部過訪不值

當代文章伯清朝禮樂卿如何高軒過正值荷簪

行矯慎方躋隱龐公未耕悠然空谷裏惆悵白雲情

寄蔡司馬子木二首

一面三年別雲中鴈字沉江南芳草色天末故人心莫謾嗟垂雨方看倚作霖玄真問蹤跡烟水五湖深

黑頭登鉉日王室賴維禎勳業周方叔文章漢馬卿嶺雲聊自悅關月一同明已矣荷衣子空餘結綬情

懷陸祠部駕部兄弟

一自就官去睽携歲易侵東林僧已化南郭隱逾深花萼欣聯序烟霞違賞心江湖儻懷舊莫遣經書沉

送靜師歸蜀

孤錫歸西蜀栖禪舊給園峨嵋六月雪巫峽萬山猿聽法不辭遠安心豈在言行蹤何用問無住是空門

天池寺

松深幽不測磴仄曲能通峯影千花麗池光一鏡空香林元化國白石是禪宮玄度平生迹偏多丘

壑中

懷戚祠部

寂家松逕裏曾枉使君車人去空芳草時徂幾望舒名題漢官後情結楚纓餘唯有馨香字懷中一慰余

哭中南伯父

鴻鵠志何遠龍蛇迹自沉定知十上恨猶是九原心執手簣上語傷情篋裏吟幸留名不死述作重詞林

寄贈曹太史

歸臥華陽館悠然鷺鶴思獨憐霄漢客亦自嶺雲怡前席恩非薄當門忌所宜唯應事述作篇籍百年垂

張幼千宅餞王百穀

門外西園懷懷中北闕書謁來張仲讌合送孝廉車春水生前浦寒雲翳遠墟蘭時歡友別結念欲何如

癸亥除夕

命酒深宵坐盤蔬聊自陳年徂不待曉臘盡未逢春梅萼疎堪折蘭條弱可紉如何芳歲戀祗益長

年人

穀日雪

老至明農念言披汜勝家俄驚日是穀忽訝雪爲
花委積四山皎飄飄千里賒總欣占歲稔無那惜
年華

花朝後一日作

萬事不關慮巖扉臥寂寥解醒來酒伴看月過花
朝綠野春初動青山雪未消人生但適意何復慕
嘉招

城南觀荷酌酒陸山人竹下

高素齋集卷之五

九

托跡唯泉石招携興不違觀荷依靜渚看竹啓閒
扉水館炎威薄山城雨色微如何池上客不遣白
鷗飛

集玄芝館看蘭花得歌字

商節開涼宇蘭生堂下羅影從披處亂香自暗中
多定紉靈均珮還抽宣父歌憐君能好我芬馥較
如何

紫山徐丈自林屋過玄芝館

江城宿雨歇霽宇澹秋陰忽枉金庭客空堂霞氣
深苔文生片石花靄散高林一話滄洲事偏怡靜

者心

送金惟良遊梁兼簡西亭宗正

白岳辭高臥名都事遠遊青猿梁苑夜荒草魏臺
秋過里懷侯監登山弔許山煩君語沛獻經論冠
儒流

高素齋集卷之五

高素齋集卷之五

十

高素齋集卷之六

吳郡黃 姬水 著

五言律詩五十首

上巳日逢已

上巳仍逢已嘉辰霽宇清
蘭亭懷往事芍藥寄芳情
新月隨波逝飛花逐騎輕
祇憐青歲歇南陌復東城

立秋日得芳字

茲晨屆金序大火謝朱方
蛩雜風初厲螢疎月乍涼
亦知催木葉祇恐敗蘭芳
唯有傷秋者愁隨夜共長

高素齋集卷六

夜坐

微雨灑郊甸涼生小苑中
身隨五湖遠心與萬緣空
簾度花間月亭含水上風
夜深虛枕簟河影掛疎桐

與陸啓孫

青山供嘯傲白髮老丘丘
樊雨過前溪曙霞沉半嶺
昏懷賢攀呂駕表德媿康門
莫謂常貧賤應知吾道尊

七月八日同阮都關集魯儲勳伯仲書庵得

曉字

古宇清川上侵晨過杖藜
雙星初別日舊雨再逢時
高樹秋陰翳疎峰露氣滋
君家花萼好素節坐來移

送沂陽王進士應試南宮

把袂心猶爾分琴意恰然
蕭條江漢客雨雪薊門天
韓子上書日公孫對策年
寧無鄭莊者推轂爲君先

憶清甫弟客燕

春日別同氣歲盡尚殊方
旅食身如梗離居髮益霜
懷中刺應滅腰下欽徒長
今日南樓鴈那能數斷行

高素齋集卷六

水仙詠

可愛瑤花色芳時吐綠園
凌波難覓影照月已無痕
雪冷姑仙骨雲迷湘女魂
春心吾欲托何必楚江蓀

送王巖潭郡伯還宣城

時巖潭乞其先公墓文來吳

跋涉來吳日關山雪未消
斐碑欲有托呂駕詎辭遙
塵榻懸能下清琴御不調
悲風君易感贈別思攀條

贈許復賓

湖海交偏好烟霞性所同我無適俗韻君有古人
風綠酒形骸外青翠山水中吳趨千載後依舊寓
梁鴻

分得毛公壇送童少瑜歸太末

送子歌吳嶠仙壇隔世塵金庭元福地瑤草可輕
身客舍梁溪月歸帆越水春青霞無久住看奕易
留人

代巡溫公海上平倭詩二首

飛檄初傳警單車卽戒行氣應吞瀚海心切爲蒼

高齋集卷六

三

生乘羽先登將銜枚後拒兵轅門方一鼓早已曝
奔鯨

緇芥天王使躬親賊壘臨有嘉還折首無戰在攻
心羣醜真驅電三農已慰霖從教開質館萬里盡
航琛

賀張幼子生子

君是丹山鳳今看鳳有雛綺盤分果日香開夢蘭
時瑞色年同入懷情春共宜余家近南舍親見送
麟兒

題劉二守晚香亭

高才多忤世直道豈容身拜夕黃扉客行春皂蓋
臣種花應有托愛樹詎無人莫以湘江遠餐英賦
楚均

送賜谷王明府赴召北上

羨爾絃歌宰恭承辟命嘉使車唯伴鶴仙邑但留
花侍從遜儒妙論思待國華王程稽不可芳草恨
天涯

分得臺城送張幼子之秣陵

可歎繁華地梁時留故城駝秦空有恨堤柳本無
情一夢看前代孤蹤訪舊京知君多感慨懷往定

高齋集卷六

四

沾纓

答客問

生平非習嬾世事本無營偶自同稽夜聊爲學長
卿水邊宜竹性岫裏識雲情唯有北牕臥頽然老
此生

賦得春城月出人皆醉

白日忽西墜江城生暮烟酒杯因境有春月倍堪
憐花下迷山簡墟頭臥阮宜此時若不飲空自惜
流年

早春集徐文敏公祠赴季子玄素之招也

芳草祠官閣青山抱郭幽傍門漁艇宿鄰寺佛香
流月出烟中樹鷗迷花外洲空林瞻舊德思結壠
雲愁

題劉侍御清舉樓二首

風有仙人好爲樓碧漢中三千皆帶垠十二宛瀛
蓬超世心應適凌雲賦益工手招黃鵠下知爾欲
乘空

巢鳳三重閣攀芝百尺梯朝霞飛繡棟夜月納璇
題楚客憂堪釋秦蕭思欲迷余心厭鴛俗來此駭
長寬

送郡守中石金公表賀 聖誕北上

治郡堪稱牧趨朝共仰仙九天瞻舜日萬壽祝堯
年鳳戾分華笏龍光接上筵從茲徐釋榻齋閣但
常懸

同王青州伯仲虎丘雨泛

綠尊邀勝侶蘭漿遡清川遠岫全迷雨長林半沒
烟吳王千載國漁子五湖舡行國無人識長譚一
泫然

溫侍御去思詩

南國衆驄使當朝珥筆郎臺霜即膏雨署柝是甘

棠歌賈來何晚思何去益長吳民懷善利相與祝
庚桑

送魯望袁祠部之任留都

玉署新郎宰金陵舊帝州維清事咸秩孤謙告嘉
猷落日懸征旆飛鴻過驛樓春卿原上別草色不
知秋

題張伯起求志園二首

名園闢幽阻宛爾在山岑逕狹綠花密溪陰爲竹
深曲房連曠宇叢薄間疎林誰識悠然趣禽魚可
會心

吳市樓仙地幽居隔世喧人標顧彥望典寄仲長
園松覆雲爲館谿迴花作樊草玄耽寂寞常自掩
蘿門

王元美臥疾小祗園詩以訊之

可歎經時別聞君方養病文園臥司馬丈室掩維
摩散秩閒秋草懷人耿夕河還將加餐飯裁綺托
江波

中秋汪元孟邀余虎丘看月

遠道方愁別良宵且覓歡溪陰山殿合蘿影石壇
寒勝賞逢秋半離情生夜闌可憐吳地月先作離

頭看

懸磬室為錢叔寶賦

儒者營恒薄王孫業自疎唯應抗木食曾不厭蓬
居化鳥吟哦裏江山點筆餘誰言徒四壁猶有一
牀書

雲隱菴募緣詩

禪宮丹碧麗銷歇亦堪憐雨色凋旃棟苔痕上梵
筵施金功作岸補寺福為田為語檀那道黃蘗不
挈錢

送陸符卿奉使秦藩

車齋集卷六

迢遞秦川路芳辰秉節旄杜園花外曲墻坂雪中
高受玉天王寵乘輅星夜勞漢京多舊跡一一待
揮毫

半偈菴為王太學百穀賦

詎謂揚雲閣番成摩詰廬問奇談義裏作賦息言
餘學種旃檀樹兼收梵宇書遺民逃世者結社願
相於

贈景渠明府

明經拜郎日百里宰仙城製錦才偏美鳴琴政自
清縣花隨路種田堆傍車行試問王喬烏何年向

王京

送張虛江臬藩之官浙中

受簡來燕邑承符向越城渚官秋草合澤國夏雲
清雨定隨車去星還傍節行枚乘更能賦正及海
濤生

周公瑕席上贈莫孝廉雲卿

睽携憐十載綠酒此逢君若問年來事唯怡嶺上
雲高篁池外暗落葉雨中聞佇看翻飛日還尋驚
鶴羣

送李郡博移淮安別駕

車齋集卷六

護衣仙掖久開幔聖壇初欲展龐元驥還題陳仲
輿楚城蕪半合吳苑柳全疎劉向論思待行看下
辟書

送雲溪上人還山兼簡蔡徐二徵君

支遁還山日江城歲復殘孤雲栖岫遠一葦泛波
寒雪徑苔花濕風簷竹葉乾金庭懷二隱飛夢落
仙壇

和項思堯曲池草堂

言從謝巖下聊關仲長園友鹿元同性盟鷗不在
言蘭滋同楚曉花滿似秦村人世適然爾窮通何

足論

臘日月波太學過訪留集

建業別時酒錢塘夢裏潮十年書未達千里獨非
遙空谷山初暝寒條雨未消白頭欣把對剪燭戀
殘宵

哭文水弟二首

辛勤三十載育汝五齡孤詎意先朝露空今夜
鳥鴈分單作影荆在半成枯塵掩芸房冷琴書歎
已蕪

療病無上藥殞命逼殘冬年共人間盡春從地下

重刊集卷之六

九

逢片時成永訣萬事慨深棕草綠池塘路干今罷
履蹤

人日同阮侯諸君集魯勲儲第二首

初年纔七日物候一時新鳥報幽牕曙花催別院
春綺屏華貼勝金薄巧圖人西第爾賓處歌鍾奏
酒頻

良會及佳辰寧辭綠酒傾百年俱是客七日況逢
人華屋知春早芳筵見月新還期看梅去攜樽問
南隣

喜顧中含汝和祭告南歸

重后金符握祠臣玉檢將嶽靈甄上瑞海若效嘉
祥萬里經途遠千年際運昌星輶欣期止震覺頌
周王

郊居

卜築傍寒郊機心久已拋圃花蛾作繭門樹鶴爲
巢但自能齊物何須著解嘲竹牕僧去後明月滿
衡茅

送陸太僕之任南譙

華寺滁陽勝琅琊擅蔚奇泉香移抱甕山翠繞寒
帷良弼箴輿日閒郊散馬時扶茅心自喜宸歷

重刊集卷之六

十

荷昌期

浮玉叔席上

誰謂詞林秀常懷烈士風高情寄泉石勝氣薄雲
空醉裏書偏聖窮來詩益工阿咸頭共白樽酒百
年中

和郡大父劉公長至日遊玄妙觀

仙觀元殊境王官多暇晨白雲迎畫戟瑤草藉朱
輪曉月空壇泛寒花闕洞新陽和隨五馬千里盡
回春

高素齋集卷之六

高素齋集卷之七

吳郡黃 姬水 著

五言律詩五十三首

送清父弟讀書包山

雲栖悅林屋獻歲卽徂征蘋葉春帆杳梅花夜幌
清波寒弔蠡處壇古訪根情謝客方縈思那堪池
草生

周黃門與鹿過訪贈別

公理趨朝日君平隱市時能忘青瑣貴來覓白雲
期東掖推名德西京播藻詞春風不綰別偏向柳

條吹

顧孝廉茂儉獲白鴈之瑞輒爲賦之

何方來瑞鴈素質耀貞姿渚白投無影沙明下豈
知但餘霄漢氣寧作稻粱思羽翮三年養風雲應
有期

送張山人遊金陵

裹足來千里金陵訪 帝州山當雲闕擁江抱石
城流遲爾披新詠令余感舊遊六朝烟草地客裏
莫登樓

過大慈僧廬

一床甘澹泊挂衲白雲間掩室棲雙樹乘杯歷五
山落花看世幻芳草伴身閒殘日寒燈裏空庭宿
鳥還

蔣侯招遊胥臺

論交唯蔣徑消鄙媿黃陂綠酒同雲載青山與月
期片琴凌石迴雙槳出花遲況復秋風至登臨動
遠思

思溪上人房

開士悅幽栖禪乘第一躋妙香還作界迸水卽成
溪智劍能除妄心燈自燭迷誰言身是幻不壞似

菩提

嚴中嶽載酒虎丘與玉華姜山人同集

移舟乘素節着屐趁殘陽碧岫全沉霧丹林半染
霜琴因幽賞靜酒爲故情長千載雄圖恨池寒空
劍藏

冰壺上人住持靈巖寺

澹泊維摩室繁華帝子宮開林青嶽表談義白雲
中香徑春芳綠琴臺晝雨紅僧門有玄暢于以聞
宗風

贈玄旻凌文學

才妙年方少詞林早擅場看碑先魏武賦殷失中
郎琴酒空山冷蘭若綠水長時開雲錦字宛爾奉
清揚

城南別業

小構碧溪濱幽偏遠俗氛樹表皆吐玉峯曉盡生
雲舊井容鳩乳閒門過鹿羣已知名是累減影不
求聞

贈荅眞州蔣孝廉

龍澗棲遲日烟霞臥碧蘿清聲侵郭冷山色隔江
多綠字唯耽翫青琴獨嘯歌媿非求與牧開徑望

東齊集卷七

三

余過

劉總兵挽詩

平生孫吳略況復詩書敦空自期萬里何人作九
原帳前齊灑泣門下未酬思海上風雲色猶存滅
虜魂

贈崔嘉

若水栖眞隱幽踪世罕知雲房共僧住烟艇逐漁
移每飲公榮酒能吟鮑照詩區中吾所隘汗漫與
君期

詠懷

達觀皆是妄大道豈漓眞煮石閒房夜滋蘭小吮
春人輕覺我貴身祿喜家貧却笑栖栖者原問空
泣麟

送吉子典廩滇南

調補無榮秩卑栖奈爾何一官隨牒去萬里積程
多茂苑看花別炎州聽鳥過元將稱驥足行矣莫
蹉跎

酬姜玄仲過集之作

撫候夏初臨幽人喜見尋半簾飛雨細一徑落花
深對客青霞氣開琴黃鵠心市朝非欲遠吾道自

東齊集卷七

四

山林

偶詠

麥侯晝初長陶然臥葯房筍抽林合影花落樹分
香半景松門外孤霞沼石傍衰顏應可返人授餌
芝方

送張廉憲之任滇南

秉憲入黔中飛心萬里雄蒼山雲氣合洱海河源
通地盡西南徼人同漢楚風懷柔在文德銅柱陋
前功

邵汝恒將有廣陵之行携琴過館話別

青林携綠綺來就子期彈一奏清商曲空城風雨
寒閒情寄流水別思起離鷺坐看松門日霏微下
遠巒

承訓書院為曾王賦

維城食東土別構向芳原曲觀臨蘭坂平臺燕竹
園訓言承祖德錫命仰君恩設醴能延士爭思客
楚元

贈盛子

名閎欽華胄清時歎逸才鷺群巖穴遁鴻寶石函
開方自長桑授林同董奉栽華生常抱疾時望鹿

車來

秋日過開元寺松溪僧廬逢鹿門德士

二佛曾浮晉叢林寔肇吳丹碑全剝薜蘿地半成
蕪樹色迎秋變峯陰向晚殊香筵集妙釋小品坐
中敷

崇因寺西傳上人精廬

蒼鬱開林久威紆闢宇幽山雲飛不去溪水抱還
流綠酒陶公置青琴許掾留香臺百花滿佛地詎
會秋

瑞光寺圓通房

靈區標四瑞淨域啓千年影殿疑無地浮圖半插
天一燈寒照日雙樹靜生烟山水盤迴處茲丘勝
獨偏

過靈隱菴逢楚瑛禪師

扶筇閒覓寺揮塵偶逢僧貝葉翻西域靈花得上
乘風生增野曠雲結益峯層回向迷方者虛龕禮
一燈

毛仲章過訪留集

晨光含宿霧竹逕掩山家雨館簷疑瀑秋林葉是
花迎王渾倒屣詣憲即停車相與奇文賞清衿照

片霞

報國寺

在津官之右

城南一古剎宛在杏壇西地僻山雲冷禪枯徑草
萋說經曾悟石送客不過谿番晒儒童佛皇皇問
渡迷

自盤關步至上方寺

曲塢香林杳長臯短策輕溪花漁艇亂壁荔佛龕
清落日峯頭挂陰風水面生千年懷霸跡一動五
湖情

送汪秀才昆季落第還新安

寥泺雲中鴈奇毛世所稀未能六翮舉猶作一行
歸市酒悲燕筑裁書恨洛衣倉忙覓東路立馬問
漁磯

九日鹿門上人招遊普明菴

嘉節來幽討禪房共濁醪靈花渾對菊淨域卽登
高疎樹含殘雨層峯映遠臯余悰厭埃霧物外有
霞鏤

寄贈蒼臯吳君

蒼臯連白嶽泉石古來清逸士此投跡幽區遂擅
名千金片言重萬戶一詩輕與爾頗同調嵇康甘

避榮

贈心雨張師

長晚雲腴請青苔授秘篇黃金生大地白日舉高
天久著茅濛識俄逢王烈緣封侯酬夙昔待汝穀
城還

寄沈孝廉體道

遠鷗爲襟袍高霞比性靈苔永雙謝履花翳一陽
亭客過詢詩律人間著酒經懸知牛女分天益少
微星

閒居二首

寰中無福地性裏有壺天滅影雲坯遁枯心雪嶺
禪門無排檻駟竈有布芝田采采蜉蝣羽翳然笑
大年

澹泊形如木紛華心若冰金花朝可輟玉黍夜還
登綠酒墟中叟清齋社裏僧大游天地外吾欲附
南鵬

過梅花泉土有贈

上士耽幽賞山中一瀑泉流花不知處挂石自何
年秋水談蒙叟衡門詠衛賢知君濠濮想對此日
悠然

哭姜山人玄仲計在四月八日

秋杪書猶達冬殘訃忽傳正徂當佛日哲隕卽龍
年溪剩翔鷗水山留種秫田吟魂招不可漠漠五
湖天

死生無戀易貧賤不求難賢媛私論謚良朋遠具
棺山河壚畔邈花月社中寒欲誅陶徵士清辭媿
始安

辛未元日皇甫司勳劉侍御過訪值往蕭寺
失迂賦此以謝

履辰新歲改訪駕故情臨挂榻塵膺暗排扉雪正

深蔣生唯仲徑許椽半樺林悵此白雲跡春風負賞心

穀日張太學幼于招飲陸山人池上不赴社

中賦詩皇甫司勳有二仲不來過張太學

有開逕不能招之句因酬此篇

尋盟邀社侶載酒過山家詩德曾元擅風流緒足

誇晴密鋪積雪雲樹綴芳葩遙隔同心晤空廬愴

物華

送陳漁洋令龍巖

出宰南安地炎程宦牒催孤城一海接列騎萬山

迴潔操珠琲賤仁風瘴癘開漢京臺史候應見兩

鳬來

芸閣爲雲間顧太學汝修賦

青林倚華閣紫笈秘緹緗不惜千金購真誇萬卷

藏芸香朝棟靜藜火夜牕長君腹還稱竒咀含六

藝芳

曇華菴爲雲間顧中含汝和賦

雙樹初標舍三曹舊作承榮途揮艾組覺路覓金

繩綠字皆禪部青藜是佛燈定知齋壁裏留偈有

高僧

元日城南看雪二首

霽雪開華歲凌虛引眺長千門添曉色四野倍年

光日接江山亂心含草木芳莫辭今日飲遊榼是

椒觴

上日登臨舉危譙勝侶攜雪明山近卻雲合樹藏

溪意似春臺適身將銀海迷韶華兼瑞色總入彩

毫題

美人教梳頭曲爲家弟六郎作

曉月重開鏡春風正入幃櫺來憑素手綰出費芳

思澤少香難減盤多結不移寸心何可報惟有畫

雙眉

賦得鳳凰臺上聽簫爲安茂卿作

纖手停還弄柔腸斷復迴江如將恨去月似逐歡

來簫玉憐人玉秦臺卽鳳臺祇擬身欲舉鸞鳳莫

相催

哭項思堯

居疾常初夏分携屬早春誰知生別日遂作死離

人幽憤嵇康賦飄零張儉身楚魂招不可麗泣向

江蘋

哀寒山寺僧智淵

原缺

高素齋集卷之八

吳郡黃 姬水 著

五言律詩五十二首

十六日夜讌皇甫司勳燈下得花字

芳炬初宵滿照辰上日嘉珠光不讓月影
花賦管同流綺歌梁共駐霞歡筵常此奉
年華

集張幼于文記堂喜徐徵君來期皇甫司勳

不至探得文字

止酒還嚙酒逢君正憶君揭先徐孺下後未庾公

高素齋集卷八

一

聞柳挂縈池靄梅飄沒辭文如何來舊雨猶自賦
停雲

徐徵君訪皇甫司勳同張幼于家第清父宴

集余偶不赴分得星字

相思但瓊樹言訪自金庭飲酒陶公舍談經揚子
亭候禽全變柳春沼半生萍奚藉元方過荀家始
聚星

徐太素招集其先文敏公祠同皇甫司勳徐

徵君共賦探得空字

方駕春城畔遺祠夕照中花深添逕曲雲落礙潭

空大地同蕉旅浮蹤是雪鴻高陽風日好不飲媿
山公

晦日同紫山徐丈家第清父集張幼于遠暢

樓聞郭生琴張娘歌分得千字

高樓紅燭然妙曲競芳妍花落隨桃扇春生逐鳳
絃愁將新弄寫歡以舊心傳美酒須教換無論價
十千

集張幼于曲水草堂瞻唐李供奉像探得雲

字

林館瞻遺像淒然慨往聞寵深神女賦恩薄弔原

高素齋集卷八

二

文池宛江千月山渾匡阜雲飄零一盃酒千載更
邀君

花朝前一日雪

風前輕易散雨後弱難持淑侯成冥節青林作編
枝飄揚驚絮早零落訝梅遲南陌尋芳騎爭教覓
酒旗

暮春集怡曠軒花下遲月分得其韻

池上開虛館林間晤上賓還憐花未落應待月重
新芳氣偏侵酒清輝欲近人非關戀深夜祗爲惜
餘春

張幼于南館賦春歸之什

游興未云已春歸將若何
浪教愁裡度半是醉中
過一鵲初迎序餘花尙戀柯
因思少年事容易擲
東波

送童少瑜遊泰山

標秀唯東岱翩然暴足從
白雲餘漢禪古樹有秦
封海日全生夜河流半挂
峯君原抱靈氣應與稷
丘逢

黃山爲吳孝甫賦

千仞標巖谷峯峯盡浴暉
丹砂平地涌瀑水半天

重刊卷八

三

飛臺子思棲穴黃公志采薇
仙人煉玉處宜爾聞
靈扉

虎丘送周才甫

歡友難爲別靈丘更一攀
捫巖飛澗上覓路落花
間樹綠唯春樹山青是夕
山空池餘劍氣相對壯
離顏

贈安茂卿

年少江東俊才華負嶠奇
如何遊洛日翻是泣途
時玉點瑜難掩蘭鋤芳詎
移青天那可問幽恨楚
均知

浮沈且遷史幽憤自結生
石秘難爲用朝花可玩
榮青山雙履遍綠綬一詩
輕天運吾今識何如留
飲名

賦得中嶽

中嶽標中城崇高獨擅名
三花同歲古二室與雲
平館裏看仙奕峯頭聽鳳
笙箕山一以望應動顏
陽情

廷評梁使君恤刑至吳下張太學邀晤贈之

載旌辭闕下秉節泣江津
在宥湛思遠維良簡命
新星輶定隨雨秋罍亦敷
春借問居廷日誰爲結

重刊卷八

四

襪人

丹筆還持夜蕊桃獨識秋
好生宜帝德緩死起民
謳吳楚蘭興歷江山藻賦
畱論交得張仲因以識

荊州

七夕立秋

涼風初蕙轉靈氣已空浮
乍喜雙星夕俄驚一葉
秋架河烏鵲冷驂路白
榆愁玉漏應添暑琳宮得
暫畱

詠綠牡丹

洛陽多異色一種得春偏
池穀搖光亂曉綃掩態

妍珠憐金谷妓萼降九疑仙若植唐宮裏名花誰
更先

送安茂卿遊燕

寶玦離筵把瑤徽別思催如何人北上正值雁南
來醉裏荆卿市愁中郭隗臺詎無揚意者爲薦子
虛才

寄東湖寺了然上人

丈室千峯外孤棲巖道深白雲同幻跡流水是禪
心夜梵飛煙淅晨行躡霧岑世人歛道行霞未望
東林

題葉義士卷

讀書還慕俠落落布衣雄身困蓬蒿裏名傳都市
中千金季布諾一羽魯連功友道久不作因君見
古風

王良才以畫梅見贈賦此以答

開絨照眼清訝見一枝橫疎影移湘素寒香散几
屏常留粧裏色不落笛中聲但有楊生筆無勞賦
廣平

九日周孝廉邀登吳山

靈峯最高處載酒得幽情共豁登山目空餘把菊

心夕嵐千嶂合秋水五湖深天外憐遊山寒臯散
薄陰

送澤南方山人自林屋東還兼簡五臺陸太
常

曠歲青琴掩茲晨綠酒同空江仍送客高樹正鳴
風秘境探靈草遐心託遠鴻因逢竹林彥悵爾憶
山公

寄資慶寺望園上人

開社五湖裏東林繼遠公方袍梵行苦圓覺性天
融巖杳常疑雪波長欲混空世人不可見遙禮白
雲中

天王廢寺

化閣王墟奠蕭然蔓草中廢遊憐霸業灰劫嘆禪
宮巢穴香臺圯生苦畫壁空慈燈如可續開社待
陶公

哭凌孝廉玄雨

未躋文考歲已籍孔融名汗驥期千里舐瓊價十
城人間悲劍失天上恨樓成書牖殘燈在寒宵伴
素旌

上春十八日皇甫司勳燈宴送徐太素遊金

陵

上國擔簦早燈前送遠遊如何歡賞地番動別離
愁挾藻誇能賦懷珠歎莫投驥車待明發歌管暫
淹留

送秦博士秩滿北上

造士勤千羽春風化自惇傳經鱸席久教胄虎圍
尊桃李盈南國風雲壯北轅山中何所贈聊一折
芳蓀

東陽縣圃爲鄭少角賦

解宇卽林繇爲園萬木攢池分千磡綠臺抱兩峯

寒花宛河陽種人同秋浦看鳴琴多暇日登矚每
盤桓

和清甫弟詠樓牕中隔城山色二首

危樓俯城堞虛牕瞰重巒霞氣披朝爽煙光眺日
殘山疑從芥納島似入壺看靜賞心彌遠冷然秀
色餐

千雲一書閣列岫綺疏間在市成雲卧臨牕得嶮
攀助吟詩內景移障畫中山着屐平生興何妨日
掩關

送潘憲使督漕北上

泰芻輪海上漢乘轉山東抗疏據長計開渠樹遠
功天齊標域廣日觀表峯崇使仕應周覽還攜賦
藻雄

偕王康憲元美王儀部敬美錢山人叔寶王

太學百穀集陸徵君叔平山館

言過陸渾宅煙霞象外幽酒盃隨叔茂徑竹待王
猷桺帶溪陰合花含嶼靄流飛沈總殊迹逸趣共
滄洲

送徐翰林還朝

洽聞宜著作妙選屬論思傍日供香案聯鷄步玉

墀借閑歸院早散衙出宮進定自恩波沐朝朝侍
鳳池

送伊禮部服闋北上

嚴裝趨日闕恨飲別春城名字輝三署文章嗣二
京江浮望李權隴結報劉情漢室多鴻業敷張待
馬卿

送吳秀才遊燕

燕山千里道懷缺向皇州夜鶴驚離別春蘋恨遠
遊平津正開閣少府况同舟爲報唐天子新豐客
馬周

代賦得許山橋送徐翰林

飛梁五湖上虹影半牕橫鳥似蓬山屢波疑太液
清星槎應泛斗仙櫂是登瀛定作商家楫哀然一
代英

送皇甫司勳遊白嶽

眷言訪靈嶽飛思遠霞催曉瀨千盤雨春梯百丈
苔青泥繕梁模白石是樓臺巖壑應增色題詩謝
客來

沈徵君嘉則過訪同錢山人叔寶小集期魏
孝廉元明不至分得堂字

高齋集卷八

九

吳宮一草堂蘿竹逕全荒呂駕遙相命嵇琴靜以
張雲移峯駐影落樹留香綠酒懷人處空除半
夕陽

同沈嘉則顧從化集懸磬室得愁字

相攜就君約掃逕白雲幽時暮春偏惜顏酡酒更
浮江山同逸調花鳥獨深愁莫唱繁蕪曲王孫正
遠遊

燈下看芍藥沈嘉則錢允治同賦

名萼嬌無賴燈前奈爾何香隨芳蟻散艷逐玉枝
多漏徹渾愁睡更深更覺曉莫言窺蝶少亦自繞

飛蛾

過敬堂張進士與靜臺杜進士同集

封苔石逕荒白日掩蘿房地靜疑淳古人閒卽上
皇基平據梧逸點也浴沂狂一笑傾盃酒都令意
象忘

沈嘉則吳少君錢允治家第河水集曲林草
堂分得青字

經時卧岑寂一爲啓煙局百榼能浮白孤松脚撫
青踈花澹幽薄微月暖空庭以我高翔意冷然對
客星

高齋集卷八

十

曲林草堂同阮魯蔣三都尉得朝字

屢景初移候朱明乍履朝竹晴全解簪花晚半醉
條楊閣人玄默龐扉地寂寥薜蘿情自狎誰識有
金貂

送袁魯望督學山東

校藝新分間題才舊秉衡風觀齊大國道淑魯諸
生岱色青千古溟波撼百城送君歌四牡芳草促
王程

沈伯宏載酒同蔣引之汪子建錢允治遊徐
氏園二首

殊服標芳苑，登遊意灑然。香花和雨崖，絕島分

煙。曠景皆疑盡，逢人每託仙。高陽偕勝侶，倒載

池邊。

層峯臨碧圯，曲沼抱璇房。竹嶼通雲術，芝臺接漢

梁。林光含片雨，鳥影下殘陽。莫訝風流客，悠然造

辟疆。

贈季恒張生

苔水栖真隱，幽蹤世罕知。雲房共僧住，煙艇逐漁

移。每飲公榮酒，能吟謝朓詩。區中吾所隘，汗漫與

君期。

南齊集卷九

十一

高素齊集卷之九

吳郡黃 姬水 著

五言律詩三十首 五言排律六首

梁內翰使魯南還過訪有贈

十載京華客，星軺下九重。君非方朔隱，寧慕向平

蹤。一涉淄澠水，雙躋日月峯。遂令潛閉士，得與故

人逢。

玉川程郡博父子將遊淮海過訪有贈兼簡

王中丞

歆向擅詞雄，蓬居問蓋公。大巫驚句拔，行聖羨書

南齊集卷九

十一

工草樹臨淮盡，雲霞抱海空。荊州煩寄語，識面夢

思中

荅鴻山華學士書問

焚魚何太早，白首卧青山。詩市鷄林外，書藏石室

間。瑤華忽以惠，瓊樹未由攀。若問梁鴻隱，吳趨日

閉關。

送寒山寺旭公遊天台

緬懷天台秀，千里一瓢尋。况是無依跡，因知不住

心。剡中行雪遍，華頂宿雲深。智者談經地，攀崖覓

舊林。

竹在亭爲江藩中尉賦

萬竹蕪由昔孤亭昔自今緬尋當日隱還落傳時
林衛渙仍敷綠榮園不改陰孫枝徵瑞遠孝感一
何深

仲春五日同孫將軍集張都閤園亭看梅得

雲字

勝日人同賞名園席幸分庭饒巖石趣坐有厭塵
群崖及易傾日潭空不礙雲咏花梅樹下芳思正
氤氲

再送畢子

重刊集卷九

十一

西原一相送白草暮生煙別酒筵欣再歸帆路怯
千著書堪卒歲把袂莫經年况復當窮紀行行重
黯然

王元美伯仲將爲洞庭之遊再楫見招病弗

克從賦詩送之

逸思超雲上殊庭逸域中鈴房靈草翳石几素書
空羽駕攀非遠霞鏤帳未同千年閼神秀奮藻待
興公

代凌玄旻哭弟詩

鳳也悲毛鍛麟兮哭趾傷珠分誰並美鴈斷不成

行帶爲何求減琴隨子散亡惠連雖有夢不是賦

池塘

莫遠生猶爾長離詎弗歎姜肱方共被徐叔忽憑
棺玉樹摧何易金膏覓自難如吟棠棣什惟有涕
沱瀾

枝息所爲張子賦

處士今仍見微星在會稽徒然懷鵠志晏爾學鵲
棲圭竇容身小茆茨任意低巢林與鑿穴將與古
人齊

荅淮陽陳太守玉叔

重刊集卷九

三

鄂客淮陽守裁詩聞采薇桂山招復作雪曲和元
稀一展瑤華句俄生寒谷輝美人懷獨夜松際月
光微

送朱鴻臚在明使楚

鴻卿共職舊景鑠荷朝新載奉天王賜言歸帝
宵親雲飛巫峽曉蘋綠楚江春定是靈臺上占星
識使臣

凌玄旻以畫梅見贈詩以謝之

畫梅還寄遠一鴈下重雲老幹疑虬立寒花訝雪
紛病餘看瘦影言外挹幽芬從此羅浮月清宵獨

夢君

王儀部敬美北上過訪話別

美爾國華選星曹列紫霄直清共舊服熙洽荷新
朝蘿徑深藏雨花溪暗上潮青山一尊暮聊得緩
征輶

贈破瓢道人吳少君

孤雲任飄泊宇宙一身輕瓢碎翻除累詩工亦避
名貧來笑莊貸隱去少和營余本支離客逢君意
卽傾

五日

東坡集卷九

四

五日聊從俗蒲觴亦復持蘭香浮翠釜葵葩積空
幄脩景山中度繁陰雨後滋無嗟芳歲歇續命是
靈絲

五月七日國賓李兌山過訪留訪人

甌遠秦臺月來尋吳苑霞新詩滿湖海舊里問桑
麻疇足三時雨庭餘五日花一會應共戀明日又
天涯

送春臺蔡兵憲督學山西

開府重宣教期年已化吳俄然將孔鐸還復向堯
都秋入黃河落雲迷紫紆思同天畔月萬里寄

心孤

贈曉山施子

高栖吳市者於越一奇英鴻術窮咸氏青囊授郭
生營菟覓玄宅拈馬協佳城侯貴爭延致居然客
上卿

西樵陸子移家陽羨詩以訊之

地擅荆南秀君家向此移買山聊避俗閉戶爲耽
詩躡嶺招仙令窮巖訪帝師桂植隨處有何必入
峨嵋

題飛雪圖爲靖江張尹賦

東坡集卷九

五

江天飛雪遍大地轉陽和幽壑行人少空山僵木
多冰壺堪擬操黃竹自興歌倘念袁高士千旌華
戶過

殷明遠過訪有贈

寂寞憐同調頻過揚子亭高言析玄秘勝氣薄青
冥秋色含炎卉晨飈落夜葉投章何以報吾欲借
河星

伯駟項子自金陵還訪賦贈兼簡厥弟仲馳

京洛言歸日空林輟軫紆維摩方掩室阮籍况窮
途雨外峯全翳霜前草半蕪才名今二陸未許著

潛夫

致爽園詩爲江莊南賦

王家標別館桂坂接煙巒魏沼朱華蒲梁園修竹
寒涼颼生綠蔭空碧映清湍何必西山裏朝來挂
笏看

大弘寺看菊

看菊來蓮宇林丘散曉霞霜迎青女節露灑法王
家方訝金爲地還疑天雨花化宮元世外搖落有
春華

送王太僕元美北上

重刊卷九

六

九列新膺簡雙旌夙撰行繩糾伯冏正蔬布子星
清日向皇居近春隨客路生堦前楊柳色先遠別
愁繁

崇階列上寺黼黻謁華京聲望三台逼文章一代
傾尚書給劄待丞相掃門迎翼翼才猷展無慙荅
盛明

送李翰林服闋北上

琴和讀禮後風駕理朝簪雖切瞻雲戀其如捧日
心論思更天閣著作自文林美爾仙舟去春江柳
色深

林張別駕伯喈問疾

理藥經旬卧荒塗人跡稀如何五馬過不遣一鷗
飛白石支床冷青松藝薏微倉茫徑裏稚子候
寒扉

五言排律

何山懷二何高士

緬彼梁高士名丘並城藏草堂茲隴騎桂尚昔時
芳千載懷龍性孤封識雁行嚴應馴厥罷臺是讀
書荒栖隱今殘寺登臨此夕陽嗟予思秉尚松月
柰蒼蒼

重刊卷九

七

詠庭前栽石

夙有奇章好移峯種綠庭蓮華含雨潤雲葉裊煙
青逼漢鰲渾舉翔風燕欲零階流仙鏡月臺隱芳
基星荔錦重重濯苔錢片片熒嗽之清作礪抗處
介爲礪已自堪眠醉時還一據醒祇憐丹字滅空
爾憶幽經

劉侍御別業賞垂絲海棠

別館徵詞客名花吐屢朝華鮮宜露浥枝弱怯風
飄傍島行雲態臨池步襪嬌睡深紅乍展粧罷粉
初銷腸斷絲堪繫魂迷香詎招地幽偏覺麗景縹

祗添韶連袂歌難艷駢筵酒易消同持可憐意銀燭夜還燒

送梁伯龍尋山詩

尋山躡屨去撰日即長途萬里捫三嶽孤踪歷五都
克時訪隱處秦代問松區太華蓮常白巾南草盡
朱玉杓逢石髓金篋覓靈符牛駕出關過鸞笙登
嶺呼黃河天上落平野掌中鋪瀑影看廬阜猿聲下
蠡湖西窓剪燭夜話勝酒頻沽

劉僉憲歸自洛中

中夏山川逸經秋離別長寓書花始發行役草齊

高素齋集卷九

八

黃三黜空嗟惠七堪原美康宦情本鷄肋世路是
羊腸莫問梁園沒空憐魏寢荒守臣非狗祿訪治
匪迷方衆口爲碑詠飛言作戟傷車前猶望雨臺
上尚留霜威草應懷洛霸離合賦湘壁縉寧掩白
蘭剪豈移芳塞馬詎云失淵龍且自藏從滋向寥
廓區外共高翔

壽皇甫司勳二十四韻

綺齡通瑣籍蘭省綴華綬翼異才猷著忤忤節烈
持責阿稱黷直撫貴目宣癡謫賈人爭惜遷禽道
詎移試難身別器樹惠口騰碑吏事將儒飾民功

以教綬楚籌能弭變越識每原疑薊北懷三喜漢
南附百夷遺榮矯天步謝俗與雲期散帙芳腴漱
含毫妙句締圖書既洽淡史牒復蕙蕙有吐皆生
氣無談不解頤匠心千首賦國手五言詩鳳閣猶
留翰雞林遠播辭擅場推考部入室屬陳思造飲
唯陶舍構遊但習池東山花舉屐北海月銜卮瑞
極分纏日玄旻司御時七旬躋自易萬福萃咸宜
賓譙漢漢露仙輶辰辰颺蔡經家擬脯梅福市寧
芝藥闕遊三景椒庭服五滋購元周史薄朔亦漢
郎卑名定標丹錄椿年寧有涯

高素齋集卷九

九

高素齋集卷之九畢

高素齋集卷之十

吳郡黃 姬水 著

七言律詩四十三首

送思質王中丞總制雲中

簡書重拜向邊城肅肅秋原擁去旌素抱赤心酬
聖王新添白髮爲蒼生劒懸海上妖氛滅騎出雲
中掃電行南北山河勤保障采薇功業並垂聲

送皇甫百泉兵憲滇南

滇南萬里宦遊人此地山川闊自秦蜀帝猶啼杜
宇血漢皇空祀碧雞神晴嵐霧濕常疑雨寒澗花

開不待春君去宣威到夷落白狼檠木定來賓

送皇甫理山倅莆中一首

秋空雲樹澹長臯愁對薜蘿無送客舸自惜才華多
不偶暫時州郡莫辭勞桃花石上尋仙篆蘆葉溪
頭聽海濤倘過梅山弔梅尉清朝未遂挂冠高

懷東顧給事新闢池館有約未赴寄之以詩

立朝名節竟何爲顧况年來鬢已絲買地藏霞裁
綺石開軒納月引清池西垣諫紙今誰請北郭琴
歌好自怡幾欲尋君蔣詡徑白雲芳草負幽期

阮都尉宅同王巖龍得回字

城頭日落姑蘇臺西第留賓尚未回莫怪酒盃頻
爾共由來花徑爲余開野田鳥雀歲空稔枯樹天
風寒漸催擊筑狂歌忽復醉高高秋月下巖隈

送客還休寧

霜林木葉聲颼颼無那歡筵動別愁吳市古來堪
采藥嚴灘西去有歸舟殘陽送客下汀雁寒月依
人過驛樓會訪靈巖重訂約春風先爲掃花丘

寄吉陽何中丞

新承閫寄大淮濱轉餉功當第一論賦出從來令
紙貴交深祇自覺醪醇即看左右商家雨已見巡

行召伯春猶記山公啓事日酒壚曾共竹林人

寄玉陽史吏部

論交謝范在雲霞每一興懷添鬢華義行翩翩誰
不羨宦情草草復何嗟峯招白鷗人何處洞踏青
驪迹已賒試問玉潭仙院王庭前碧柰幾時花

金陵還集皇甫司勳宅

湖上歸來鬢已絲正逢梅尉采芝時北牕喜共陶
潛酒東壁曾題桺惲詩雲散更從屏裏度花殘還
向管中吹寄言惜日銜盃者莫負餘秋在菊枝

文壽承父子過玄芝館

區外寥寥問索居不將懶慢棄相如草蔬真媿茅
容饌花竹能留子敬與老去娛觴盃上蟻狂來濡
髮壁間書自憐門巷逢迎少明月高霞數過余

張太學載酒同劉侍御彭秀才石佛院看芍

藥因懷龍灣徐太守不同賞也

山繞吳宮舊館娃清江曲曲綠楊斜偶移畫鷁同
盃酒不道空門有艷花白日簾櫳堪幕霧夕陽闌
檻更添霞美人不見偏惆悵欲折瓊枝感歲華

張太學席上送姚太史還朝

蓬苑影纓美年少星裝千里赴神臯王程草色催

緹騎仙闕花香待錦袍侍從從容恩最渥文章清
秘價偏高金閨楊柳還堪折綠酒紅亭揖佩刀

雲湫唐子將之汴過訪作

相逢何必歎途窮豪士襟期四海同死黨常存樂
布烈釋紛真有魯連風平臺狐兔尋梁苑澤國青
蘭過楚宮此日蓬門千里駕倉忙蔬饌媿茅容

送劉侍御子威北上

裁詩命酒更看花無邪王程別恨賒捧屣再瞻天
上鳳避車猶記府中鴉蓬山合待凌雲筆秋水難
攀上漢槎解釋異時瓊樹憶唯應千里惠瑤華

送孫敬持會試

金陵爲客共遨遊煙月秦淮幾度秋席上每憐鶚
鷗賦墟邊常解鵬鷖裘看花獨上長安陌別酒重
登古驛樓帝里春光易留滯絨書先寄海東頭

立春日客過

芳辰起沐強冠簪曉色希微動遠林殘雪經旬偃
幽薄條風一日變鳴禽黍生寒谷燕人律蘋綠江
南楚客吟歲歲每開長命酒任教青鏡二毛侵

人日同彭山人魏孝廉集章憲副新第得人
字

訪君攜策過城闌雪後青山映綠筠居似晏平甘
湫隘襟同逸少任清真蒲萄新釀春爲酒花柳初
年日是人痛飲狂歌此生事莫言窮達共沉淪

姜山人史孝廉張太學家弟清父過玄芝館

茸泉釀

閒情老去唯耽飲好伴幽牕詩與琴栢酒新開春
乍煖松醪初熟雪方深因君每欲傾家釀笑我時
還對影斟語爾迷花山簡道可能騎馬再來尋

冰壺館夜集得燃字

纔過求仲還羊仲不憚衝泥野徑前遇酒每從壇

曲飲懷人卽是剡溪船月沈花外春鍾動雪覆檐
間夜燭燃良友關時合歡賞那能虛擲此芳年

正月十五夜玄芝館同姜山人諸君對雪

日暮留賓興轉賒俄看門外雪交加始始承幌清
還媚片片迎風直復斜不夜城中兩重月宜春枝
上一齊花當筵攬取瓊瑤色併入詞人曲裏誇

風松閣看雪

霏霏瑞雪灑江天無那芳情綠酒筵映月渾迷銀
燭裏隨風忽墜玉樓前紫池點石元無定綴葉封
條亦自妍何必芳菲桃李節年年春色此中偏

南齊書

五

同彭山人孔加陸儀部子傳張太學幼于竹

堂寺探梅

嘉辰勝賞喜相招寒澗流澌度虎橋滿院芳叢催
客思一簾香霧鎖僧寮由來慧境春偏早自是祇
林雪不消把酒共憐飄落易行吟樹下更攀條

王元美敬美兄弟過訪小集得遲字

十年回首真成夢會面番驚離別時意氣當杯須
盡醉風波往事總堪悲滄洲人在鷗同老窮巷春
來花亦遲入洛聲名推二陸彥先酣縱竟何爲

集虎丘水西寺得歌字

野寺尋幽載酒過溪深窈窕入煙蘿峯從碧海浮
孤石池向銀河借素波香雨墜時談小品彩雲飛
處度清歌高林風動暮蟬急祇覺空山秋氣多

人日集皇甫司勳宅

金盃同醉使君家終宴彈絲復奏茄初夜燈光全
寫月新年勝彩半圖花蘭芳乍汎風前葉梅馥微
含雪後葩莫道開春春未入嘉辰宛覺轉韶華

立春日讌張都閫宅得光字

綺屏銀燭列華堂寒郭沈沈畫角長帳下笙歌留
夜色雪中梅柳漏年光將軍空老南山獵詞客還

西齊書

六

開北海觴獻節條風今日至共搖彩筆競春芳

早春同彭孔加章道華袁魯望劉子威陪王

元美兄弟集張伯起怡曠軒得梅字

爲愛名園勝日來華筵還喜接仙才池邊挂柳偏
宜月雪後看花盡是梅宿酒未醒仍縱飲新詩頻
就更教裁總言今歲春逢閏九十韶光祇易催

送王和仲北上兼簡文壽承王百穀

春明送客閭亭酒無那垂楊裊碧虛惜別驪歌花
落後挂帆江雨水生初曾聞相閣還延士謾道王
門可曳裾爲報故人頭白盡朝朝暮暮一牀書

新秋馬顧二處士集玄芝館得殘字

幽居一畝半，植藥花徑開。尊傍石闌初，候涼風生。
樹裏未昏纖月墜，雲端美人共惜芙蓉晚。志士空
悲蕙草殘，良友嘉逢那可別。夜深猶對女牛看，

虎丘王元美伯仲席上送張伯起伯仲會試
北上得心字

吳嶽招提載酒尋，征人猶得共登臨。游鵑定擬風
雲遠，匹馬無嗟冰雪深。自是壯懷增劒氣，番因離
緒識禪心。唯餘嶺上白雲在，留伴陶君卧舊林。
上巳日石湖王百穀席上送童山人子明

南齊集卷十

七

詞客來遊修禊辰，澄江十里綠楊津。喜尋勝景酬
佳節，愁對青山送遠人。水上傳觴浮露氣，林間着
屐藉花塵。吳臺越嶠同芳草，無那明朝兩地春。
虎丘再送童山人歸越

送別登臨祇自嗟，由來此地恨繁華。吳王霸骨埋
青草，越客鄉心對落花。雲度前溪飛片雨，日沈高
閣挂殘霞。柯山每憶尋仙跡，便欲同乘雲水槎。
代賦鳳凰臺送陸祠部之金陵

高臺突兀臨江水，煙樹微茫瞰遠洲。宋室遺墟猶
可問，唐賢佳句至今留。九宸摩日河山艮，一壑藏

雲花竹幽元是鳳凰池，上客不妨飛蓋數來遊。

分得滕王閣送陳暨陽守南昌

豫章自古稱名郡，高閣臨江瞰碧津。帝子跡隨流
水逝，騷人詞並落霞新。地分吳楚雄南服，天接星
河望北辰。今日陳蕃紆紱去，朱旛綠樹此行春。

新正九日陪嶺南李郡博集張幼于宅得深
字

元晨上客共招尋，江月初生挂碧林。高館明燈臘
酒熟，空城殘雪暮鐘沉。傳經劉向官猶薄，避世君
公隱未深。此日梅花見顏色，羅浮萬里異時心。

南齊集卷十

八

袁孝廉過訪吳門有贈

逢君盡日倒清尊，身世行藏且莫論。黃鶴後時悲
寄處，青雲前路羨飛翻。驚傳藻句頻裁綺，欲結芳
盟一采蓀。歸去蕪城明月夜，可因南鴈憶吳門。

陽山宋公兵憲閣中過訪送之

仙鳧一去幾經春，駟馬重來問隱淪。室婦更驚投
畚客，邑民猶識種花人。臺端霜肅千寮政，海徼風
清萬里座。遙想旬宣多暇日，夷君巖畔好尋真。

嶺南歐郡博遠寄書貺荅贈

嶺南才子邁華風，早歲聲名動域中。無用官嫌廣

文冷合知詩有拾遺工雙魚兩地元非隔老驥雄心亦自同今夜思君淮海月清光解到五湖東

虎丘訪陸君弼有贈

命駕高情真爾賢松間每共品名泉蘭交初喜雲霞締蕙詠先從湖海傳長劔市門頻過俠敝裘山寺獨棲禪卽看世路誰青眼莫笑孫登散髮眠

同顧王政集海臨王君宅

彥先元是厭風塵玄髮甘爲挂檄人省闕懷蘭會伏夜河陽種樹尚留春白雲不負南鄰約綠酒渾忘東郭貧落木蕭蕭煙浦上青山相對總閒身

高素齋集卷之十

九

沈開子得金陵王姬書賦之

經年離別路迢遙唯有音書慰寂寥一字啼殘徐淑面八行消盡沈郎腰鴛鴦被底空傳夢蛺蝶襦中尚憶嬌秦女從來易招鳳月明樓上莫吹簫

謝張幼于惠米

鶴饑鵝飽古來然一飯周貧爾獨賢十日誰憐茅漏雨三旬空笑突無煙梗分南國香應遠種出新城味更偏食力未能同孺子令人慚愧伐檀篇

石東唐山人作生壙于所居署其堂曰本丘

自詠一篇因次其韻

三尺墳當一畝宮棲身埋骨此丘同秦王漢武空疲築玄晏王孫在不封帳裏鶴栖烏鳥月巖前桂雜白楊風適來適去元無定總是人生夢覺中

高素齋集卷之十

畢

高素齋集卷之十

高素齋集卷之十一

吳郡黃 姬水 著

七言律詩四十四首

送李于麟觀察浙省

遙聞闕北徵鴻翼喜見江南有豸袍王尉自能吟
海日枚生應復賦江濤數名報國無嫌晚簿牒看
山不厭勞意在芳荃非在祿星軺誰識是霞鑣

贈南明汪中丞

百篇華賦美相如吳越名山半品題青微功勲在
廊廟白雲蹤跡入樵漁相過不厭茅容饌獨往偏

東齋集卷十一

尋惠遠廬泉石煙霞雖欲戀其如巖谷下翹車

徐使君子與過吳不面賦此以寄

賈誼行看對宣室潘安未擬賦閒居遙知淚盡蘆
傍樹自可身驅坂上車一水相望猶隔面三年欲
寄不成書生平僻性元耽懶莫訝嵇生與世疎

嶺南黃公補公駟赴試南宮過訪賦贈

萬里裁詩意太勤十年勞夢此逢君佩情若贈三
湘草觀面如瞻五嶺雲雪路停驂聊訪舊松牕剪
燭暫論文才名自昔飛寰宇何必今朝入洛聞

贈梁總戎

乘軺北冀來天將開府東吳馭遠夷夜半濤聲入
刁斗春深海氣暗旌旗玉鈴祇自牀頭闕金印重
教肘後垂青微無塵原草綠帳前歌舞獵回時

送龍貳守改擢隆安

萬里雙旌向蜀州當年下士憶風流金昌柳色郵
亭曉巫峽猿聲郡閣秋廉叔應興五袴詠裴公唯
有一牀畱黃童白髮滄江上莫挽西陵載石舟

青城草堂爲王孝廉賦

綠野煙霞絕四鄰城東卜築草堂新林花先挂扶
桑日溪水偏饒蘋葉春百榼酒爲聞道士一牀書

東齋集卷十一

作下惟人他年駟馬應過此莫謂臨邛詞客貧
郡大父吳公榮擢行運使奉送

雙旌遙指越江潯十載吳門惠澤深特寄理鹽共
國計由來食水是官箴六橋移舫湖光暖孤峙開
衙海氣侵可嘆使君辭郡日滿城棠樹爲誰陰

分得鄧尉山送吳別駕擢留都刑曹

憶昔行春來此地朱幡畫戟叩香闌雲霄莫挽王
祥駕煙水空餘鄧尉山雙管重攜郎署裏一牀猶
挂郡齋閒逢蒔自隔諸侯貴玉樹秋霞恨莫攀

汪元壽歸自太原以襄陵酒見餉賦贈

雲中歸客貽名酒琥珀光生鸚鵡杯蜀國郾筵空
自美杜陵桑落不須開一車未擬春前送萬里能
攜馬上來愁肺百年那可釋玉山今日爲君顏

贈會稽岑太守

會稽自昔佳山水却喜名儒此拜州西掖五衣秦
給事東方千騎漢諸侯峯頭聽政渾成隱樹下班
春卽勝遊回首舊山空谷在月明萬里夢羅浮

寄郡大父黃門龍公

一自僊郎拜瑣墀郡中何武至今思懸知魏闕鳴
珂日猶記吳門食水時雙管忠規臣節盡五衣恩

東齊集卷上

三十一

寵帝心私廟堂倘肯咨民瘼謂道東南力已疲

送張幼千之秣陵

天橫北斗夜光闌客子晨裝別故歡才僞自憐遊
上國名高還羨借長安壚頭酒美將裘換渡口花
深踏馬看知爾遠心羞燕雀鳳臺孤眺大江寒

送嚴太學應比之金陵

柳色閶亭挂碧煙名都遙送孝廉船槐深曉市攜
細篋桂白秋原躍錦鞵六代訪從仙閣外三山眺
落鳳臺前客儻貴新豐酒應憶壚頭曾共眠

姚江邵進士過訪有贈

嗟余區外自孤翔多爾披蓁問隱鄉徑竹解教留
訪駕庭花若爲侑行觴才陵卿相稱元叔足歷山
川羨子長一曲鏡湖風月主千年今復有知章

送邵子之廣陵

幾度壚頭共阿戎那堪今日送征蓬隨堤柳訪前
朝遠吳市芝尋往跡空禪榻經旬淹夜雨客裘千
里怯秋風到時莫恨煙花盡猶可吹簫明月中

毛伯華兄弟過玄芝館

蕭條門巷寡逢迎懶慢還應恕長卿已自迷途窮
七聖寧將失路問三生青山短牖寒花色白月空

東齊集卷上

四

除落葉聲但使綠尊常對客不知身外有浮名

芙蓉園爲宗彥斗西賦

帝胄賢豪迥邁倫芙蓉闕苑絕風塵孤芳出水人
同逸朱萼凌霞賦並新廬嶽峯高雲自攬洞庭波
近月爲鄰天家元與人間隔總度秋風亦是春

送張太學訪大司成姜公

橫經昔在諸生列懷劒難忘國士恩一夕忽移王
子權幾人重過翟公門丹陽渡古江楓冷鐵甕城
高海霧昏爲語投冠金馬客應知身詘道逾尊

和徐徵君怡曠軒觀落梅得中字

昨日看花花正穠重來惆悵幾枝空隨萍半移
池上學絮全飄盡閑東秦壘迢遙悲夜月漢宮
悴怯春風臨觴莫恨凋零盡留得鄰家玉笛中

贈靖江朱鴻臚在明

徒然結髮事詩書一宦憐君意氣疎玩世由來容
曼倩爲郎何用笑相如十年京洛空縑服萬里江
千有敝廬媿我簞瓢恒閉戶不嫌窮巷每迴車

聞歌

南國新傳第一聲乍歡還怨總含情高飈月下渾
招鳳嬌度花前恍聽鶯三日餘音令木墮半天逸

東坡集卷二

五

響礙雲行劉郎頭白元多感奈可何哉唱渭城

雨中程子虛攜酒同汪子建茅平仲沈伯宏

過玄芝館探得東字

竹樹蕭條風雨中酒肴多爾問蒿蓬一椽不厭原
生漏十日真成桑子窮乘興自能來剡曲避喧何
必去墻東世人誰識青冥意彈雀紛紛笑弋鴻

張使君伯喈過訪同皇甫司勳小集奉答

一日雲霞初把臂十年州郡已知名莫言拙宦同
潘令賸有雄辭似馬卿挑灌自能來衛駟烹葵應
不厭吳羹幽居非是延之過松菊經時只掩衡

澄源龍郡公期過草堂擁篲竟日不至賦詩

奉謝

竄跡梁鴻只著文民懷吏畏詠張君爭傳五馬尋
寨壑獨啓雙扉倚暮雲徐孺高風空自媿魏文古
道向來聞襟期千里元如面神劒差池未是分
初夏沈子攜酒徐園得開宇

名園

勝侶

覆水房櫳疑

畫出凌空島嶼若飛來巖花送雨春猶在澗葉藏
雲午未開爲愛習池風景異爭教山簡不嚙杯

沈嘉則將爲中原之遊索贈賦此

東坡集卷二

六

遠抱悠然隘九州中原聊爾豁雙眸山從碣石連
雲峻河出龍門接漢流踐滑三峯尋嶽曉鳴枯兩
岸渡江秋梁園不是無修竹不學相如事客遊

贈鏡公

蒲團晨夕誦楞伽兀坐空林過落花遠水浮杯無
定錫深山持鉢但餐麻百年半卧蜀山雪萬里孤
拳越嶠霞七尺菩提元是客不知人世有天涯

張文選助甫過訪失候及謁水西寺復不值

悵然賦此

中原才子金門彥兩地冥交自昔年玄度遠尋泉

石裏巨源先過酒壚邊亂山幽壑明晴雪獨樹寒
原澹夕煙只尺同懷尚千里空林回首一悽然

張吏部助甫集玄芝館同周公瑕錢叔實得

林字

芒塗今始一開林上客高軒喜過尋舂鳥不飛池
上酌片雲忽墮竹間琴會稽合窺鴻君迹湘水元
含賈誼心剪燭渾忘語申旦西牕寒漏夜沉沉

汪司馬視邊

建節乘輅下天邑雲中千騎引邊笳金城遠畧能
謀國寶玦雄心豈戀家孤塞三秋唯有雪龍荒萬

五言集卷七

七

里但吹沙經年別思憑誰寄搔首南鴻對落花

孫山人兆孺過集賦逢字

吳山楚水路重重千里襟期一日逢自幸鸞音聞
阮籍却憐康性識林宗花開半嶺堦前石霞起全
迷戶外峯把酒相看多意氣誰憐湖海有元龍

送屠田叔謁選北上

玉駟寶玦贈征人熙洽欣逢景鏢新北地築臺應
致駿中原結網豈無麟文章爭美相如貴祿米休
嫌晏倩貧送別登臨聊極目楚江千里綠蕪春

寄伊客部

自君一別承明廬離索偏驚物候餘禮樂定尊桓
太傳文章獨幸馬相如九城月出分關直三殿花
香搢笏書結友雲霞人不見滄波當作五湖漁

四月廿日徐太素載酒祠亭皇甫司勳有作

和荅同賦者家弟清父侍遊者新月李姬

也

城南載酒及嘉辰羅綺偏嬌座上人節過方菲花
更艷時當四五月猶新才情不爲年華減意興唯
於泉石真補闕詞塲元獨擅巫山屢句復誰倫

寄荊溪吳宮詹

五言集卷七

八

陽羨稱奇五湖裏神宮僊宅每思攀潭前古樹今
猶在洞口青螺竟不還日月舊游頻入夢雲霞新
契好開顏卜居爲報嘉賓道欲買荆南一峴山

送王元美廉憲之楚

白簡遙臨全楚地朱旛高引大江湄裁書莫謂峯
無雁惜別偏憐澤有離湘水千年重見賦峴山他
日更留碑漢庭健行看召才筆何人擅一時

賦得洞湖贈凌玄旻

羨君瀟灑五湖濱博洽英芬早歲聞若過中郎應
倒屣每逢大令爲書裙蠡舟一去迷青草禹簡難

尋帳白雲七十二峯三萬頃盡吞胃臆吐奇文

送周子移家秣陵

金陵佳處舊神京君向清溪暫結衡臺上鳳遊江
自古峯頭鶴去月空明懷文伯玉應騰譽賣藥韓
康盡識名可歎壚頭今寂寞五湖誰共白鷗盟

送凌中丞之洪都

十三雄郡古揚州開府洪都控上游帝子閣中橫
列岫仙人峯畔掛飛流百城騎竹迎蒼佩千隊鳴
笳引絳騶不日中臺定持憲天王方爾佇嘉猷

寄南昌周太守

寄南昌周太守

九

寄崇千里專城守譽滿三臺左腋臣青瑣讜言聞
拜夕朱旛惠澤霈行春河陽花色憐猶昔蜀郡桑
枝詠自新試問卽今懸榻日肯思卧雪向時人

送古明禪師還蜀

梵行精持五十霜群書博覽類支郎尋山偶出啼
猿峽到處唯留掛鶴床萬仞天風立臺雪千重風
浪採巖香君歸莫卽峨嵋老大地何非是爾鄉

再送古明禪師

杜足維摩事藥王與師相見卽清涼遺民從此過
蓮社玄度常令卧薜蘿房行苦經年棲石壁心安五

月上瞿塘空門別思依然劇無那雲天萬里長

送張別駕伯喈北上

懸榻題輿並足誇春明無那各天涯閭亭解掛攀
離柳驛路偏芳贈遠花霄漢正開丞相閣寒星夙
戒使君車上林筆劄從教給寧遣君才負國華

高素齋集卷之十一

高素齋集卷之十一

十一

高素齋集卷之十二

吳郡黃姬水著

五言絕句二十三首

春江花月夜

春波將月逝夜月抱花流
姮娥與洛水何得漢江遊

大石塢八景今存其四

拜石軒

平生許椽情況復秉貞
介開軒面巨石聊學南宮拜

高素齋集卷十二

毛竹磴

修篁夾丹梯雲術益幽遠
登頓不知疲迤邐上空翠

翠

招隱橋

石梁跨流水巖桂自成樓
當年橋柱上却笑長卿題

題

宜晚屏

屏風高九疊宛與匡廬同
曳策一瞰目嵐光夕照中

中

顧中含汝和齋中六物詠

研山

洵美文筍寶流傳自米顛
若非有巖壑那得染雲煙

石鼎

隆耳復峻距文藻妙縷劃
齋心清似水沉薰焚晨夕

澄泥研

八角類盤製異質何年坑
傳聞土人云邢侯墓中得

木几

高素齋集卷十二

誰斬癰腫木名爲天然
几何必賜靈壽自隱南郭子

陶樽

陶尊何太樸宛有上皇風
一斗載名酒堪著北牕中

中

叩竹杖

張翥見時物依稀似可據
莫攜向葛陂或恐化龍去

偶詠

天地一浮漚吾生何所求
阮宜其曠達日掛百錢

遊

蘋綠遊魚細泥香掠燕新飛花與飛絮併作一園春

蕭齋對雪

坐几閒無聲瞻庭已一色雖號今日衣尚慶來年食

謝劉侍御惠米

不作朱門謁王孫餞若何還能餉桑子無用貸監河

閨情

羅房一片月與妾最相親借問何爲者衡陽亦照人

題畫

澗澗挂林飛峯峯出雲上中有采芝人空山成獨往

衆卉發華滋名花吐奇萼四運有推移丹青無凋落

山多會稽情水有瀟湘氣波芳與林枝互作舟中壑

遙峴霞成壁叢篁煙足林石上堅裏佇茂白雲

心

雪後泛湖

金飈酒力薄長歌遡前浦暮投楞伽鍾千林含凍雨

玫瑰

首夏清和候玫瑰柔芳微飈一吹拂始信玉生香

山茶茉莉

丹萼玄冬艷瑤葩朱夏鮮若教開一處方得色香全

高素齋集卷之十三

吳郡黃 姬水 著

七言絕句八十八首

送孫都閫千甫督漕北上

飛舄輓粟入 皇州風引千艘遡上遊宸極昌明

瞻紫氣河渠效順借安流

關河險阻路悠悠朔雪炎飈于役愁餉國祗將勤

報 王別家不爲覓封侯

題桃源圖

朝市雲林總是愁人間歲月逐東流花源回首迷

高素齋集卷之十三

陵谷海上三山何處求

姑蘇雜詠

支硎山

古寺荒涼澗壑深樞駒籠鶴此開林支公還剡經

千載石上寒泉流至今

天平山

峯巒鬱鬱若蒸煙萬石嶙峋盡插天絕壑長松初

過雨龍門千丈落飛泉

天池

池開天上曲藏霞夾路松陰十里賒疊嶂層峯萬

合處一泓寒碧浸蓮花

虎丘

吳王埋劍已千秋尚有精光夜壑浮一自白公開
運後畫船簫鼓四時遊

太湖

島嶼空濛水上浮胥江西望拍天流湮波三萬六
千頃盡屬鷗夷一釣舟

消夏灣

吳王避暑此中過別殿離宮被澗阿鳳輦龍舟歌
舞地惟餘煙草帶寒波

高素齋集卷之十三

大石

千盤危磴踐苔青巨石渾疑仙室局絕巖登攀一
長嘯巖前飛霧盡冥冥

百花洲

翠輦歡遊碧水濱百花香氣霽氤氲于今寂寞餘
空渚應逐西施化彩雲

真娘墓

空山寂寂鬱寒暉孤塚春殘草半腓紅粉千年埋
骨處香魂猶逐落花飛

越來溪

吳沼臺傾秋草斑五湖流水白雲間千船咒甲來
何速一葉蛾眉去不還

郊臺

周家禮樂昔崩頽吳子居然泰畔開一自姑蘇塵
塵走紫壇白玉但荒臺

橫山

泉石偏饒五塢間夕陽湖上美潯潁野人不得君
王乞且學深公一買山

玄墓

碧巖岩堯重復重遙看一片白雲封翠微深處禪

西齋集卷三

三

關外萬頃湖波七十峯

館娃宮

百花洲畔館娃西荒楚含煙景物悽曾是吳宮歌
舞地一林古木暮鴉啼

寒山寺

古寺千年紀斷碑月中楓樹影寒漪空江不見題
詩客唯有烏啼似舊時

靈巖山

豫廊香逕但煙霏千載繁華事已非一自吳王館
西子至今猶剩彩雲飛

龍巖二十二景今存其四

龍峯曉日

成削雙峯倚碧空神龍蟠處霧濛濛高臺忽掛五
更日直接扶桑萬里紅

大門絕壁

山半崔巍拱絕壁誰開雙闕峙青雲世人欲識仙
凡路霞術星衢自此分

獅象倚門

銅駝石馬總塵埃獅象遙從太古來定自鴻濛鑪
冶出始知仙府是天開

西齋集卷三

四

紫洞棲霞

紫洞沉沉開別境金庭玉柱未須誇僊人住處無
罍雜唯有青天五色霞

題惠茂卿綠陰館四植

梧

百尺高梧碧漢齊茅齋常自綠萋萋孤生恰似幽
人性何用栽琴與削圭

竹

月上閒扉疑葉暗雲生晚戶覺枝低蓬山移得浮
筠籜應有青鸞上下棲

蕉

墻畔濃陰覆地垂春風披拂露華滋閉門盡日無
塵鞅枕籍閒牕月上時

紫薇

時臨朱夏度炎曦一樹繁花覆屋陲爛熳常看百
日艷芳菲寧減萬年枝

賦得海上春雲禱送友

海上分攜值暮春吳堤芳草碧煙屯無情最是浮
雲影容易天涯隔去人

送孫禹錫遊武林

五

春風吹動綠蘋洲芳草王孫事遠遊見說桃花易
迷客六橋深處莫移舟

寄中白王貞外

憶昔新豐客馬周羈離風雨滯殘秋平原高義無
由報一劒空懷已白頭

送張戢石歸嶺南

禽尚高蹤千載追燕秦吳楚歷探奇江山盡向歸
囊挈半入丹青半入詩

汪元蟲訪羅浮歸詩以贈之

越井遺封接女墟葛洪丹竈道開廬一節萬里渾

閒事屋下看山却媿余

程子自廣陵過吳門送之

王孫寶玦氣如虹草綠天涯馬首東同是春堤楊
柳色隋隄纔折又吳宮

莫子文過宿

江南秋草白湯湯身賤時危路轉難茅屋西風
客夜空林飛雨石牀寒

嘲王海南

芳草天涯信馬蹄柳枝桃葉鬪香隄春風到處堪
回首不入天台亦自迷

寄方山人

幽人區外寄高蹤家住吳山第幾峯一片白雲
屋底飛泉百道數株松

陸華甫卜居陽羨賦此以贈

陸通本是伴狂者世上誰知歌鳳心聞道牆東猶
足隱莫教釜餽入山深

送汪子謁未太史

平生一片男兒氣留劒鼎恩豈顧身君是平原門
下客更將肝膽向何人

丁總戎介夫過訪

一別重逢逾十秋酒壚猶記秣陵遊君今懸取黃金印窮巷書生已白頭

送顧願甫遊燕

燕山縹緲五雲天雙闕蓬萊竊紫煙君去定知攜藻筆都人爭羨帝京篇

行國歌謠意不歡辭家匹馬向長安孤遊但有腰間劍莫向秋風易水看

送湯生遊太和

采真僊室事遐征千里長江春水平兩岸青山隨去鷁啼猿聲裏到樊城

西華集卷五

七

荆巫遙接漢江湄猶似羊公置酒時功德漸磨風景在行人莫問峴山碑

會讀襄陽耆舊傳龐公遺跡至今存余將采藥攜家往爲我停驂訪鹿門

金銀宮闕入氤氳三十六巖惟白雲掛月峯頭天柱曉瑤壇笙磬禮元君

製茶詩爲張道南作

山坳一夜春風吹摘取鮮芽入鼎炊仙掌露乾雲細細嫩香微綠火抽時

送懋上人安禪湖上

七十二峯煙水上此中泉石絕無塵青山隨處堪留鳥始信孤雲是汝身

贈慧開士

孤雲蹤跡本無依隨意樵垞與釣磯莫訝山僧耽覓句詩中三昧卽禪機

與崔子乞青蓮花

異色奇姿倚寶闌碧霞高映綠波寒維摩眼觀元無垢乞取青蓮靜裏看

爲皇司勳贈董少姬

回眸微睇媚千般新畫雙蛾學翠翰一曲幽蘭低

西華集卷五

八

繡帳玉釵曾挂長卿冠

爲皇司勳留段姬得鴻字

別思那堪秋思中羅幃釵影恨春風欲教梁上常棲燕莫遣天邊望斷鴻

聞鄭姬箏

羅幃不柰豔陽天一片春心十二絃促柱再彈歌激楚紛紛花落玉樽前

瑤箏彈處兩心同悽惋番生嬌曼中一自絃中訴離別滿城芳草怨春風

送汪子再入金陵訪董姬

一見都除兩地思春風忽自轉羅幃懸知別後重逢意不減當初識面時

新紅詠

珊瑚挂鏡畫雙眉羅綺嬌春不自持欲把花枝比顏色海棠含露半開時

爲皇仲都詠美人贈髮

絲絲髮綠雲長歲月猶餘膏沐香一自枕邊持贈後至今臨鏡不成粧

催粧詩爲茅太學賦

羅衣倩着尚含羞蘭閣將辭足每留莫訝香車門

東坡先生集卷之三

九

外促由來織女詣牽牛

綺繡羅帶兩明璫結恍辭親出畫堂桃李佳期那可失莫教紅淚漬新粧

嫁得才人似馬班誰言薄命是紅顏莫因眉黛頻

臨鏡畱與張郎畫遠山

題董姬描像寄遠

閒牕桃李又春風君去經年信未通祇恐容華不相待丹青移入畫圖中

桃花曼臉柳枝腰寫入霜毫亦自嬌唯有雙蛾渾與舊爲無張尹不曾描

芳顏鏡裏暗銷紅一幅輕綃彷彿同若道相思不憔悴君當驗取別來容

山爲眉黛水爲裙十二峯頭一片雲寄與羅幃孤鳳影欲教無地不隨君

自憐眉黛未全殘說與行人淚暗彈君若比來思妾面畫中猶勝夢中看

貌得紅顏寄遠人粉痕殘處淚痕新妾心不與君心異畫裏蛾眉卽是真

燕壘爲趙姬賦

趙家姊妹競新粧學燕爲巢結綺房玳瑁梁間棲

東坡先生集卷之三

十

比翼托身何必在昭陽

銜泥巢幕煖香浮柳絮花遮春自畱雙語雙飛復雙宿樓頭霜月不知秋

和沈嘉則贈阿九

雕梁激響連綿玉羅薦飛裙一片雲已自沈郎腰帶減不堪花下更逢君

詠物十八首

柳

南陌香塵逐馬蹄東園桃李下成蹊春來樹樹花先發獨有垂楊葉早齊

芍藥

庭中芳卉爛春朝十二雕闌增麗韶若與牡丹爲
侍御風前差讓一分嬌

薔薇

紫粧綠蔓半縈空幾處池臺弄曉風會同宜春館
裏種輕裙含笑摘芳叢

牡丹

魏紫姚黃一品誇朱門戚里關繁華莫言三月芳
菲晚占盡春光此花

玉蘭

春來一葉未曾芽千葉含香綴碧霞移向揚州僊
觀裏當年那復數瓊花

紫薇花

紫薇一樹短牆隈百日飛英委綠苔處處園林共
秋色何須花向省郎開

繡毬花

玉葉如毬簇素銷團圓皎皎綴柔條若非不夜珠
臺月應是峨眉雪未消

山茶

時逢玄律却敷榮艷藻妍葩照雪明應是琪園分

異種人間留得寶珠名

蛺蝶花

翩翩舞蝶去牆東深院花殘恨曉風猶有春蒐飛
不散尚來枝上戀芳叢

夜合花

瓊藥英英冒白雲空庭月色影紛紛寒簾小閣涼
如水馥郁濃香靜夜聞

茶花

嘉祥幽巖閬日華被岡彌谷育靈芽丹崖千丈雲
深處玉露先開仙掌花

玫瑰

清和景物總添華灼灼丹榮擢紫霞彷彿漢宮神
屋裏珊瑚爲樹玉爲花

簷蔔花

流水茅堂自遠譁掩關啼鳥卧閒霞日長庭院無
人跡空砌香生簷蔔花

西番蓮

亭亭碧幹倚風疎千瓣紅英細細舒總道仙葩傳
異域大都色相類芙蓉

荷花

橫塘十里綠楊斜風景依稀是若耶日暮蕩舟腸
欲斷鴛鴦浦上並頭花

秋葵

亭亭奇萼吐輕黃若比戎葵是淡粧豈爲秋風開
較晚丹心一點不傾陽

木槿花

秋風籬落槿花寒燁燁容華白露溥偃仰空林聊
玩物朝榮暮瘁靜中看

秋海棠

秋至原間草欲黃海棠庭院正揚芳燈前月下嬌

東齋集卷五

十三

無那怪得花名是斷腸

題錢叔寶畫障

翳翠蘭苔滿湖上半巖樓閣白雲間平生此地常
飛夢彷彿錢郎畫裏山

爲雁山水部題溪山障子

林深草閣俯清潭萬壑千巖浮翠嵐知爾家山頻
入夢畫中彷彿見江南

明光起草屬郎官伏闕清宵覆錦寒身在仙臺卽
壺嶠何須圖畫壁間看

題畫

共撫長松出世塵煙霞土木想風神若非函谷
書者應是崆峒問道人

千巖飛瀑瀉空灘石枕藜牀修竹寒一卷南華霜
滿樹破牕風雨夜燈殘

高素齋集卷之十三 畢

東齋集卷五

高素齋集卷之十四

吳郡黃 姬水 著

頌古人七十首

貧士頌

披裘公 札也行國公邁中遠食新力負冬裘夏

披黃金可拾素操豈移秘名飄往佇覽莫追

老萊子 老萊鴻翼蒙中耕處草木遵遊水菽啜

咬綠闌陳謨朱方偕底績毛食粒感容宣父

榮啓期 啓期至素拒外抱中以教舒詠因服表

衷志揚舜絃詞慨尼聰三樂弗諼一丘固窮

高素齋集卷十四

春秋三子 殊方三子同道一心蜩視姬邦鳳遠

泰岑作幾舉色舍和保真豈謂陋棲廢厥高吟

鮑焦 於烈鮑焦踽步周行耻辰叔季結想上皇

晤賜啓言投蔬立僵孤潔名流洛水並長

齊餓者 溜境荐凶教也設食槁瘠有來虛餓孔

棘呼嗟致聲舉瞳作色簞豆終揮含餒甘沒

黔婁先生 有穆先生正以短身祿辭兩國室乏

兼辰缺歛曾側撝諡妻陳存雖苦節卑乃康名

北郭騷 騷尚蠱盤銖塵晉寵毋益莫克相門斯

踵銜惠何深酬身忻悃取不賊廉死非傷勇

仲尼三弟子 素王樂天水飲蔬飯道鑄堊賢器

同一範乃回幾化乃參聞貫彼不受命曷知貧憲

河上貧者 宋有玄人希微澹寂湖澗幽盤織葭

聊食厥嗣淵投月珠乃獲量龍作戒碎糜它石

子桑子 桑也居困輿寔良朋決旬病雨一飯造

門歌絃甫奏思故方深究之莫得歸彼生辰

列禦寇 鄭圃列子壺丘是師刑名山霽清謚女

饑彼以人饋我以身辭垂言窮巷世仰冲虛

莊周 莊生知樂漆園曠逸郊犧不爲塗龜自厄

假粟監河誇金三百達言罕譬秩有倫脊

高素齋集卷十四

鴈冠子 荆有哲靈幽巖芳蹈服不周形冠因作

號赤縣隱名丹書闡道有朋陟顯斥交終操

顏觸 觸居側邑明擢齊宣侯師雖顯山玉弗完

至道一陳鄙邑言旋貞樸無願君子頌焉

陳仲 子終蚓操於陵自寘鵝哇兄饋李克螯半

乃屢乃縷乃衣乃爨楚患內規高潛園灌

王高 高生不辰會泰厥失莞然匹婦罄爾四壁

晝糲夕薪草衣糲食素患與貧而無戚戚

宋勝之 勝之德淳至孝作人姊食從寄兄爵蔑

輕樂游郇囿耻就孔勳絃策綜玩展也鴻生

張仲蔚 仲蔚削智繕世自陶玄珠則保浮名弗

饗采椽惟何惟蓬與蒿獨彼劉魏雅素締交

向長 向子委順榛莽居食淡每匱受鬻返餘

潛玩微象暢契玄知綠海攜友名岳偕歸

孫期 期也居約職共爲子乃從兌澤牧厥姤豕

青衿考質芳壠詔語德懷蠢寇名徵天府

閔貢 清矣仲叔廉節與推友饋弗嘗公聘再辭

嵇顛在旅鮮食莫需潔躬從沛卒老于斯

梁鴻 伯鸞清白幼遭屯極惟皇作合彼美令德

力耕陵山爲春吳國良彥偕心烈士並域

南齊書卷四

三

張楷 公超克學融博古經簪從既廣鵠徙何深

花邑時駕玉壺永春優游郊里忘厭處貧

孔嵩 嗟爾仲山淪賤攻苦才成國器祇編邑伍

騶候新郊節逢故與握手論交報言援古

吳祐 祐方弱冠卽抱義悲匱却將贈牧諷典書

父交相邁忝生載規人各有心厥志莫移

裴壽 元考純叟性澄不誘敵志星幃滅景雲數

任歆克熙于天宜考玄儒國謚懿述弗朽

郭太 懿哉林宗胥史豈羈遐追聖學言邁王畿

蛾習典學麟獲授書奔哀歸處藏器棲遲

符融 偉明逸韻抗道虬盤婦亡無斂友欲備棺

乃行古志青野埋捐同襟偕逝用晦林泉

申屠蟠 恬曠子龍被褐處空冲心玄境汚跡傭

工贍依蚤失經緯咸通蒲繡數返考命以終

徐氏父子 孺子者何挺生奈出田耕止共鑑磨

行給臣僉檄求帝兩旌辟子胤丕承足昭先德

龐參 伯重曷師青牛戶堂遠播京洛子止塗傍

潛道觀文理素詠細須捷懸服庸保索糧

寒貧 德林玄默範彼樂儒塵業弗務道典日披

寒貧致號芳自莫知戎臣問遺取食却衣

南齊書卷四

四

孫登 公和弗偶宜陽居穴炎曦蔽草寒暑被髮

文係虞絃載鼓載闕阮扣絨言嵇游戒別

董京 威輦飄踪洛陽客至潔棲幽社汚游囂市

達矣行吟鄙哉言仕倏焉遐舉獨遺玄賦

夏統 統幼孤匱孝睦則聞采林星往拘水海征

顯榮族勵沮溺自任斂形遐世畢影高襟

郭文 郭父嘉尚山水遐思名島旣歷荒谷攸居

賜服弗御導園暫棲一朝捐瑟二哲揚微

郭翻 武昌翻里臨川寄室乃耕汚萊禾成弗獲

乃鬻漁獵售人無直沉器連漪允符清德

沈道虔 道虔玄澹老易研文饑仰掇秘寒鮮復
 矜戴周贍族孔給淑人老年藿食琴典忻忻
 孔淳之 淳之屬懷索丘山水徑草芄芄牀書楚
 楚三星締姻一壺成禮郡招耻屈帝徵遙徙
 翟法賜 翟世清尚法賜尤皎樓秀餐靈服毛御
 草廼避敷求復投杳渺達人能蛻青巖陳殍
 劉凝之 白尚凝之古逸自期于宗謝業于野爰
 居哲媛同德賢王抗儀衡陽終隱遂厥遁思
 朱百年 百年玄藻樵山自給一日弗售兼人無
 食孝不御溫廉能卻物淑妻辭饋並彰清德
 顧歡 歡也農流性資秀悟年方岐嶷推甲作賦
 屬垣晝業然糠宵度機心永絕山禽掌哺
 吳蔡二隱 懷德鉅儒北學南師履揮宋組鑰關
 魯書休明景式高抗亦持古稱夷白撫頌不虛
 徐伯珍 伯珍幼艱抱影長嘯藝翰摹精古墳探
 奧九巖逸棲四人齊毫自擬魯參世稱商皓
 沈麟士 麟士俊敏尚志窮居誦口而畜業手以
 需計典都游終履鄉歸昭昭經術來嗣足垂
 沈顗 處默高步憲稱欽風守我冲寂傲彼尊榮
 餓我並蓬餐膳皆空山植溪毛日舉以供

阮孝緒 卓哉士宗年芳行偉百萬推金一塵甘
 餒瀛海清踪穎陽高軌叢竹安愉沒躬無悔
 劉訐 訐當韶紀孤困即遭觀賓弗利比友相招
 東澗盤止遠岫遊遨玄貞清諡千載猶昭
 胡叟 叟不家治寔勝焦生碧草寄趾黃流適情
 仰供養子時乞華門視彼榮富太虛馳雲
 范元琰 吳有元琰敏求慧性既涉九經復昭三
 秉寂矣厭紛儼平居敬藝蔬足老終違辟命
 朱桃椎 桃椎恬閑裘索陶熙裕襟弗諒世網苦
 摩構雲取壯綿草由頤友治請言默示無爲
 孟浩然 楚嶽降靈孟哲挺生林嘉邈尚文妙匹
 心放適情志任率天真臨觴負諾樂豈易名
 高繹 高子勵行卓犖邁古德聞帝摧號錫山處
 室用雖艱鄉周弗取唯勤遜志披文暢喜
 杜生 杜生野寄逾紀潛門讓畝散睦假室裕貧
 嚴卜韓方以粒以薪孫尉惠綏吟厥條陳
 俞潛 清老放達風神塵表歷偶弗偕芳林孤蹈
 名公致嘉迦業強造曠性不堪從厥所好
 賈收 賈生茂士性類吐絲綠醅則嗜白衣罕攜
 室當交謫友寔攸思嘉圖雖慰玩豈忘饑

丁時習

廷彥邦直克陶哲器國止青蠅園藏白

賁今妻刑德翼子繩義藝士昭揚播芳百嗣

蘇雲卿

雲卿國彥乃丁世亂故交達顯湖洲遲

玩管樂致忻幣書臻荐松間一語明發遐竄

蘇扶

庠叟用晦逸範夙傳乃生麟角亦尚龍潛

歌彰清蘊書適熙天抱窮以沒題轉弗全

何溥

溥也哲儒聖步賢趨玉堪擬德隅寔彰儀

躬遭盲鞠心嗜道腴獻稱有試友殯無歸

周方叔

矩道崇廬考墳自娛如何檀施乃繼儒

庠朝軒有造山釜無儲羹獻饌式宴樂胥

呂徽之

作者徽之絕塵不羈益耒山耕離吾捕

漁遁趾一出僻牖人知諸少甫扣孤雲復移

胡汲仲

夷風浴濁卓生長孺履有確守困無纖

累雖當粒絕終辭慕譽歸友贈言堅哉見志

杜有開

伯陽儒碩瘦炊莫給養蒙而需載績以

易孔鞠饑災克全守德子經婦義斃焉弗失

張介福

覃懷秀產吳邑卽旅志在希賢動能中

禮白刃莫懾素介無取生雖聞道沒猶含悔

王達

跛者王生外歉內足山袖秦方市簾楚卜

學必窮年談唯稽牘與義隱詞質皆彰舉

王賓

仲光馳隱獨影窮棲毀顏佯廢編髮高嬉

性偕赤子道屈貴與同邦企德展矣我師

邢量

邢叟好古經紉史究室之御今身勞井臼

晨炊昏餐暑麻寒覆問奇有來如鐘在扣

高素齋集卷之十四

高素齋集卷之十四

序

刺唐詩二十六家序

叔氏浮玉子梓唐人詩自武德迄建中二十有四家成有詆之者曰唐人詩自貞元以後其音以緩替之漸也弗梓可也以問余余作而嘆曰夫詩者聲也元聲在天地間一氣而其變無窮者也取諸洩志而真已矣代曷論也今之談詩者其誰不曰風騷而下其漢與魏乎漢魏而下其唐之盛乎

高素齋集卷之十五

指五尺童子而問之亦知談如是也嗟乎名言也而未爲達方之說也卽是而論則三百篇已矣奚有于騷奚有于漢于魏又奚有于唐之盛耶嗚呼今古時遷質文俗革聖人制禮樂而不制于禮樂故苟根于志不必復古苟出于真何嫌于今奚必易衣裳而纓領反雕峻於采茅者哉昔九方堙相馬曰臣得其精而牝牡驪黃弗與也以代論詩是以牝牡驪黃相馬失其精者衆矣若曰氣有強弱調有高下以是疵焉則天地之可以聲求者莫如風雷必以奮者迅者爲雷則殷殷然以鼓者非雷

也耶必以飄者颺者爲風則颺颺然以噓者非風也耶故激烈雄遠者詩也溫柔暢婉者亦詩也惟其真焉而已浮玉子曰彼之詆者亦知貞元建中諸子之撰其律和其情備非不嘉藻也慮夫效之者其調日趨而莫之底也余曰否否在人今夫閨房閭巷未嘗論討而其言可被管絃彼宿儒老師曰某格某調卒歲穿求而不能幾一言者有矣故如其人雖降而爲貞元建中真也猶之章縫之士而爲桑麻之談俗亦雅也非其人雖躋而爲開元天寶弗真也猶之市井之夫而習都人之語雅亦俗也嘗聞陳思王曰有南威而論淑媛有龍泉而議斷割竊笑夫窮鄙之社空空其夫字義句讀尚未或通却乃剽竊其詞倔強其句嘵嘵然曰我漢我魏我盛唐也而輒置其蜚喙以凌誚媒孽往哲可羞也已悲夫悲夫良工獨苦寧自今哉有唐三

高素齋集卷之十五

二

于王孟者所不待贅也于是浮玉子命書簡末以
詔同志云浮玉子嘗學于先子五嶽君故知詩

適適藁序

予父少綜墳典設科於晦墨之館嘗會諸門生言
志時予方髫幼父試之曰亦言汝志余即應曰棲
丘蹈畝采藥飲泉父因指予笑曰此真山人兒也
及長游郡校而執志山水後母亡因違心疾每在
泉穴則神情怡暢危攀邃討積日忘疲輒有累糧
長往之意若歸廬舍即心怔體慙不能一日歡坦
且春明控景則思飛花滿屋蔓草連蕪青女司辰

高要集卷五

三

則思紅樹巖隈蒼葭水曲霞月之夕則思石簞臺
琴雨雪之晨則思洲蓼江權雖至玩圖披壁往往
心熱於攜家夢寐丘壑者二十年於茲矣嗚呼物
性不齊人心各有譬之鷄鶩雖驅置疇旬其黍啄
峙棲終來依人若夫山鸞野鶴雖樊之縛之其意
未嘗忘振翮於青冥也噫性不可矯矯性者偽心
不可違違心者勞莊生有言曰不自得而得彼者
是得人之得而不自得其得者也適人之適而不
自適其適者也嗟乎流光不駐人壽幾何今之赴
藁即昔之趨壯也世之殉榮希進兀兀老死牖下

可也

高要集卷五

四

湖上編後跋

嘗謂詩才本於天學以克之已耳苟限於天雖學
亦難神造故有童而晤有白而俛俛者矣幼于張
子蓋多得於天而又弗懈于學其所造可知矣幼
于以城府不可居讀書傍伽寺中以傍伽去城府
不遠復入吳山頂最高處予在金陵時常作詩送
之暨歸手持是編示余余讀之歎曰幼于之所造
一至是哉夫悅紛華者奪志逐埃霧者惰業故厚
我貨者瀆我守溢我名者喪我實今幼于飛唯恐

其不高潛唯恐其不深履超曠之域棲澹薄之鄉
神與湖山會身與空玄俱餐沆瀣遊混茫一有宣
吐輒臻佳境余之詩曰詩成盡染煙霞色性定應
同土木容斯言符矣昔人謂山林臯壤實文思興
府屈平所以洞風騷之情抑亦江山之助然則幼
于之詩蓋得於天得於學而又得於山水間也

金昌集序

夫高言不出於衆人之口而亦不止於衆人之心
知斯二者可與論言于百穀矣蓋人以言宣言由
人異求嚙嚙啾啾于衆鳥亦不可得也求啁啾啾

高齋齋集卷五

五

啾於鳳鳥不可得也聲不可假故言不可飾唯其
人焉耳百穀才性警敏志行脩潔閉影一廬讀書
談道高情勝氣風塵物表其視世上齷齪若啞
嚙兒輩不少回面一目也故發而爲詩則挈霞爲
思綴穀爲辭窮情極態盡滌氛埃直遊玄邈往往
有人不道句雖其遠到未可涯測而造述如是斷
可鳴世矣非若人安能爲若言哉沈開子以人之
知百穀者少也而不知衆人之心則然也嗚呼衆
鳥常有鳳凰不常有故曰大聲不入于里耳折揚
皇琴則嗑然而笑奚惑哉

敝帚集序

吳興玄旻凌子梓其所爲文暨書而以贈言附焉
命曰敝帚集百里走介命余爲序且曰首珠玉于
甌甌此帚不千金歟而不自知其握珠抱玉也玄
旻髫齡誦典十四爲古文窮探四部綜覽百家撮
其菁英醞釀沾洽有所宣述卽汪洋閎肆紆徐繁
縟神運則萬言立吐心精則一字求工文法史漢
偉以屢也書準辭命嫺以婉也蓋立解獨照頓臻
奧境矣嘗讀太史公自敘及班氏父子傳乃知遷
固著撰不過悲談之論就彪之業耳今凌子大父

高齋齋集卷五

六

比部公父繕部公咸棟梁文固而凌子克禪其學
不亦盛哉以凌子之才爲鴻羽雉膏必矣它日見
諸行事若一矢下燕片函喻蜀抒歌清廟載筆曲
臺以國華之選爲邦楨之用則此帚當掃除天下
矣

青萍集序

辛未秋八月安子茂卿之遊燕也撰日戒行過黃
子言別出示所著青萍集命黃子序之黃子廻環
諷詠則俊朗新逸其氣豪宕其音悲壯其志幽憤
賦準楚騷詩追唐雅茂卿攜之入燕也將與太行

爭奇易水競寒天邑呈雄日闕映麗矣夫茂卿渥
注之駒蹶足於始步丹穴之鳳鏤翼於一飛余每
扼腕惜之今讀其詩乃知其拓落不偶無足怪者
嘗謂天之畀人雖隆貴積富若無所靳至於一言
片撰洩天地之秘則必使之拂抑屯剝坎壈以終
其身古今詩人之窮可歷歷數矣夫天之所忌在
此而不在彼則詩固有出隆貴積富之上者茂卿
於天之所忌者既已得之於所未嘗忌者奚慕哉
嗟乎相如爲郎子雲執戟雖曰高才無貴士然不
爲無所遇也則是集也其茂卿之子虛甘泉也夫

古書卷五

七

亦與堂稿序

夫文道之興也匪道弗載是謂虛車匪文弗行是
謂蓄軫故工詞賦者雕章縟采而病微言之乖語
性命者鈎簪研樞而乏絢藻之麗余嘗僭爲之論
曰漢代無經生宋室無詞人甚哉文之難言也余
讀思堯項伯子亦與堂稿其屬文也燁然華其造
理也粹然醇蓋本之以淵源之學而發之以雋永
之辭庶幾乎文而道者矣然豈無所自哉蓋永嘉
哲人相踵聞道之賢如王景山周行已劉安節者
生于其鄉綴文之士如王羲之謝靈運顏延之者

宦于其土風漸澤被千載不泯且思堯爲甌東先
生之子嘗從荆川念菴二先生游家學箕承師門
矩遺其所得不既深乎夫思堯以亦與名堂復名
稿者以骭髀不偶冀天亦有以與之也而不知天
之與思堯者則厚矣夫富貴貧賤皆天所以與人
者然古之所謂富貴者以立功言也故曰崇高莫
大乎富貴今之所謂富貴者以謀祿言也故曰富
貴於我如浮雲嗟乎若但今之所謂富貴者思堯
之所得不與易也

青霞集序

古書卷五

八

毛仲章氏少失恃育於大父石峯公石峯公端人
也故才望似之髫齡諷典與兄伯華同學歲幾三
十乘跌宕二十年洩而爲言以逐日之步吐凌雲
之思每有述造卽卓犖僞偉滌埃滓而遊玄曠焉
吳自陸機兄弟以後崑山復產兩璧矣一日仲章
詣黃子出青霞集讀之曰是百穀王子序而梓之
攜之而西者也王子以學士大夫知仲章者不逮
什一藉是緩頰公卿間使有聲聞王子余友也亦
爲是言哉夫詩在工不工不在知不知也苟工矣
不知奚病焉此楊雲所以俟于百世者也知豈易

言哉肉眼之所知道眼之所鄙道眼之所知肉眼之所笑老子曰知我者希則我貴矣世之釣飾芳采者其詩孰與仲章哉噫嘻周人懷鼠以爲璞鄭人買櫝而還珠寧自今矣王山人以仲章無銜于時奇仲章於青霞之外善言仲章者也若伯華之評擬之於岑王章李間允爲知言矣余嗣二君而言復何言哉先大夫東樓公與礪菴中丞公同舉于鄉先子五嶽山人爲中丞公忘年交仲章寔通家不爲溢辭云

金子坤詩集序

高素齋集卷五

九

金子坤氏西域默伽國人也 高皇帝握圖御宇亘地來王厥祖以歸義授鴻臚卿者始入中夏賜姓啓土遂爲金陵人至于坤父陽樂守東原先生以進士起家於是金氏彬彬文學矣子坤少歲與伯兄子有同門學才行交秀俱著名字時大司寇東橋顧公儒林宗匠特加甄藻榮問益馳蔚然江左子有領乙酉鄉薦蚤世子坤廼益游思憤籍極意述造通覽六締窮研五際發藻奮董生之帷綴語妙君房之筆其於詩也古體非建安元康不涉于目近體非貞觀開元不挈于懷寧芳咀腴揚芬

吐艷凡平生豪宕憤激愀愴之懷一于詩發之其氣弘以暢其辭瞻以靡其調和以雅其旨邈以玄鑄自精心可稱高手昔人謂陶靖節爲古今隱逸詩人之宗子坤其庶乎余交子坤二十餘載見其肆力于篇章方其壯也清華縱逸飛蓋則嘲風月鳴鏢則賦江山至其老也恬夷澹泊擁四壁而含毫撫一瓢而吮墨夫子坤不以老壯廢吟不以泰約輟詠其所得于詩者深矣余幼習聞先君所著典錄曰默伽國產龍馬麒麟及讀劉向西域傳曰西域多珠璣珊瑚虎魄壁流離今子坤生于中夏是卽龍馬麒麟珠璣珊瑚虎魄壁流離也乃竟終身淪沒不得與遠方珍異並登天府悲哉悲哉郭道人次甫以瓢笠之資爲子坤刻集集成子坤走書寄余吳門命敘簡首余讓不文書三至而操瓢然豈盡知子坤耶

遊梁稿序

高素齋集卷五

十

山林臯壤寔文思興府屈平洞風騷之情抑亦江山之助信斯言也余讀金維良氏遊梁稿殆有得于江山之助者哉維良休產也慕洛陽中邑嵩山少室之勝果足訪焉嘗從西亭宗正公遊宗正公

以上客客之歲一遊遊必有詩與孟衛原中丞李
前渠憲副許殿卿左史劉伊坡右史山人鄭中伯
沈懋學中尉西園諸君輩結社倡酬揚確風雅一
時詩名動梁宋間彬彬乎其盛矣哉昔司馬子長
南遊江淮上會稽探禹穴窺九疑浮于沅湘涉汶
泗講藝齊魯之都而後著論成李白北抵趙魏燕
晉西涉岐邠歷商於至大梁復之齊魯淮泗再入
吳轉徙金陵上秋浦潯陽而後歌詠富惟良早歲
不慕仕進優游山水既而跡探群嶽神遊九陔愔
然稅駕大梁興有所寄發藻咀華積彙成帙式克

高素齋集卷五

十一

似之今觀其詩孟門大行其壯偉也三川大河其
融湯也夷門芒碭其慷慨也具茨緱嶺其超廓也
芳林玉澤其美麗也免苑雀臺其淒清也備衆善
而獨兼之豈非遠超司馬之芳塵謫仙之逸駕哉
况惟良洽聞敏識書覽百家心耽群藝而於詩律
尤造其奧宗正嘗稱其詩麗以則文核而雅許左
史亦謂其上薄唐音取重時彥予素與惟良談詩
深知其槩是集之足傳不獨以二公之言為然也
雖然梁孝王築宮下士置禮優賢故四方詞客騷
人如雲而集流連謳譙宣吐妍章照耀當日迄今

稱之今宗正經學孝行聞于海內非梁孝比而惟
良飾躬礪節且多藝不特為詞章之士而已也

杜山人詩序

夫詩者人心也有是心而假言以宣之者也故涉
樂而笑言哀而歎者真也蘊悽而飾忻臆喜而貌
戚者偽也偽不可以言詩也太史遷曰詩三百篇
大抵聖賢發憤之所由作也詩可偽乎哉余讀杜
子之詩則真也非偽也杜子結髮綜學屬文修正
履方體若不勝衣而拘卓犖倜儻之志為經生知
名每部使校學藝輒謂功名可立就乃竟蹉跎不
獲一第于是肆意聲歌凡其鬱抑幽憤之心悉於
詩發之故其詩也其辭雖惋而旨幽以遠其調雖
平而意抑以沉其格雖正而氣微以揚一句一字
咸出肝膈非徒務枝葉而無根莖之深者也是則
杜子之詩也咸曰楊雄曰詩賦小道壯夫不為噫
斯言過矣即如雄言則今之稱雄者文章乎抑清
靜寥寞也乎雄言過矣嗟乎君子得時則見諸行
事不得時則託之空言故言者功之寓也苟駕而
無功不若蓬累而有言也杜子之言可不朽矣奚
以駕為哉

高素齋集卷五

十二

夢遊桃源詩序

嘗讀陶靖節桃花源記而羨道真之仙遊也靖節書曰奇縱隱五百一朝啟神界又曰借問遊方士焉測塵囂外詫其爲仙矣武陵太守之好事南陽高士之欣往皆不可得徒爲千古之恨耳及聞阜仲房夢遊事益增問津之慨仲房夢涉大江登山谷逢漁叟摘桃實浩然長吟境非人間興寄象表所夢之地安知非桃花源乎嗟乎人生一大夢耳鄭應莊蝶莫之辨也安知道真之遊非夢乎又安知仲房之夢非夢乎天夢以精感吉祥之先見

高素齋集卷五

五

者也昔蔡茂陶侃微時侃夢登天門茂夢取禾穗後皆極貴顯仲房之夢桃源未必非侃之天門仲房之夢桃實未必非茂之禾穗也引齡裕祉漁已告之矣一時慈林咸異而歌之命黃子書諸簡首

詠淚編小引

夫情變於中色移於外衷心酸惻淚翕而生此乃根諸奧膈出自真感禁之不能禦過之不能忍啼之者腸斷聞之者顏枯而不可僞飾也則是靡蕪之怨何殊夫楊柳之嗟彤管之思豈異乎長門之泣哉至如過墟吞哭登山隕涕聆萬潛來讀禮泣

集青林擊凡白首號塗原也江婉玉則秋悲漢陞長流晉亭俱灑愁四興於平子哀七起於陳王凡若此者孰非悽怛隱痛之至悰乎此詠淚編者創之十洲方子華山張子衍爲八章寄我家君遂同此撰將使纏綿往襟對言而申鬱氣氤新抱舉嘆而增傷爾矣茲有好事君子覽賞不釋圖鏤布傳倘有遭離判之辰握纒縈之緒者當必不終誦而沾衣也嘉靖乙未歲冬十一月望日

高素齋集卷之十五

高素齋集卷之十五

五

吳郡黃 姬水 著

序六首

刺兩漢記序

夫史以述王道辨人紀彰厥軌迹以昭法戒蓋聖人之耳目來世之龜鏡也苟是非善惡不足以示懲勸觀廢興則雖侈聞淫綴雕琢稱匠者無所取焉史官之設肇自軒后虞夏商周載在詩書王迹熄而人倫廢孔子乃遵周公之制立百王之法而作春秋春秋者事經之標的也慨夫悼史邈而行

高素齋集卷十六

滴素文沒而言絕後有作者罕臻茲理故號良史之才者議論頗繆于聖人近通人之作者甄明或闕于前史又况情文不類出二家下者乎若乃漢侍中悅晉太守宏性靜詞華圖書掌七閣之秘學該才逸文章擅一時之宗穎川託疾文若禮敬于微年牛渚高情謝尚晤譚于申且憤操攬權明哲炳幾先之見當溫厚遇不阿秉亮直之貞著申鑒則本仁義以獻替賦北征則邇尼父之風流抱結遐志洩而爲文故其書也要在達道義章法式篤名教之本發帝王之蘊如論災沴則本疇之休咎

陳天人之際也如論夷狄則本謨之卽敘嚴夏夷之防也六臣三諫悅遇主之難也三遊四弊悼養士之失也典經儒家斯文教化之任也井田封建中正協和之思也忠邪著消長之幾王霸析德刑之辨禮究承天立政之端樂與穆倫導俗之本作營玩好廸鑠形貴異之懲內嬖外戚述倖佞亢寵之戒言多準經議不悖聖其于作者亦云庶幾矣且書有二體曰書曰紀書之體創自馬遷紀之體沿於左氏閎衍周賡區分條燦一家之言固不可少而平易質直綜括簡要辭約而事詳則紀爲得

高素齋集卷十六

二

焉故杜預有曰記事者以日繫月月繫時以時繫年所以紀遠近別同異也兩漢紀者則左氏體也品擬其文並爲嘉藻荀則典麗婉通緬嗣西京之絕響袁則渾深爾雅一瀚江左之靡風誠藝林之珉玉史家之圖籥矣但其刊布弗廣遂致湮晦昔大復何舍人得荀氏書抄本于徐太宰家刻于高陵涇野呂公序之曰予曩在史館數問荀氏書弗獲見而恨校讎之無副若袁氏書則尤所希觀者也宋紹興間汝陰王鉉謂比班范史缺裂不傳矣况今日哉支硎楊公臂造先子五嶽山人語及荀

袁之書亟爲歎賞云往時曾于雲間朱氏覽宋刻本真天府閼笈也惜未祈借爲可悵悵乃今不可復覩矣後不逾月有持一編售者則朱氏本也先子傾囊購焉將序刻未暇而先子已矣噫神物有歸幸獲張華之劍奇姿未耀敢私桓氏之珠輒復梓行以永流播愴焉述事聊承堂構之心率爾蕪辭豈盡作者之意可慨也已嗚呼著策所以立公言也權行所以立公正也書契所以立公信也然譽或倖得毀有外來心迹之間沈隱莫察微瑕掩瑜尺朱蓋紫自古然矣悲夫悲夫此仲豫所以有未克之談而彥伯所以有恨然之歎者也

高齋書集卷六

三

貧士傳序

粵天生民惟民有欲廼作君師俾寄乎理故帝王之治井授廬分務存普濟而玉燭之化人熙戶給自臻大同粒被之外靡圖滋美富貧之目於斯未分自夫鴻古旣降窮縱肆趨茹杯土茅之俗遐珍甘峻雕之風起故天下之民五性盡其衷十盜集其室盈則驕華僭于宸御歉而匱瘁諂赴頓陶貴錙豐溢者力適而勢彰金篋單虛者友疏而家誚於是各人其人各心其心舍子身皆胡越處一姓

爲仇讎攫而爭也如猛獸驚鳥秦而養也如廐肥欄畜然祿以德享財非忤入精英之聚鬼神所殃多藏之門鮮不罹咎如漢卓以郿陽而族晉崇以金谷而收若是燼滅者不可勝紀良足鑒矣然昏惑沉淪危亡安樂莫不熙熙利來壤壤利往貪墨克指而桀心克位饕餮苟得而跼行塞間貴豪積貨于丘山元庶槁躬於溝壑嗚呼此天下之所以日就於匪康而貧士之所以希覯也困昌貞於周辭無怨難於洙訓豈我誣哉然庸彙雖繁廉資者特受情瀾雖倒清介者獨持則代亦有其人焉由

高齋書集卷六

四

今論世卽事考心或逸尙高盤弗屑塵穢或懷冲養順恐係天和飽仁飫德則澹視如雲苦節清修則嚴揮若浼保身明哲以遠害而輕履命舛垂以居易而泰是皆襟倖玄造意軼遐皇不以欲疚不以俗磷不以終淪者也吁哉卓乎其諸蜂營蟻競而靈鳳丹山神龍蒼海超然無累矣乎使天下皆貧士之心焉則揖讓成而雍皞登矣詎可易視之哉慨其不樂世聞名跡韜閼間有散見經史百家者不有類傳曷便披仰馬遷之紀貨殖未免興汚揚雄之賦逐貧豈能激濁陶歌蕭詠細帙多遺乎

也幼遭坎壈雖處屢空之時緬思古人寔獲宴如之抱癸巳之春青陽卧疾乃就榻上徐爲編摩姬周迄今凡得七十五人列爲二卷務皆畢老無榮斯登芳蘭倘先窮後達老乏少殷有一朝之遇者皆所未遑也始之蹟述繼以頌揚庶乎景表懿德遠掄素風則是傳也匪徒爲一己之私好將以望天下之固窮君子庶幾有聞而起也

集古印章序

夫印章者先王所以敵象作則以昭信萬國者也而私印則其流也書有八體一曰摹印名雖繆篆

西華齋集卷六

五

而妙出周籀秦篆之外高古奇絕莫漢魏若自唐以下不逮焉但陵谷僅開墟墓間出人代曠邈流傳寔罕東川顧公博雅嗜古厥嗣汝由中翰汝修鴻臚汝和廷評汝所光祿義同韋氏鑒有張華並朔藝苑暨中翰仲子君錫太學克紹前烈才望不減三世六君極搜窮購得古印章凡一千七百有奇玉剋金鏤腕文蛟綵燦然克筭俾登諸冊廼考製釋文名曰集古印章以貽好事雖堯圖禹策不重也嘗覽王厚之印譜趙孟頫印史寂寥無幾每以爲恨今後二公三百餘年而所得不啻百倍

焉猗歟盛哉然太丘之後有元方元方之後有長文世德足徵矣

楚騷協韻序

古昔聖哲制字以擴目之明至六書焉括之矣制律以道耳之聰至七音焉盡之矣故有言洩則有文有文著則有聲然備萬物以成形者字也而包衆字以成聲者韻也韻非天地自然之聲乎故言之不足則詠歌之詠歌之不足則嗟嘆以至蹈舞而不自知者皆自然之節也故孔子刪詩皆絃歌以合韶武之音非以韻之協乎離騷則繼三百篇

高華齋集卷六

六

而作者也風雅之匹而辭賦之宗也蓋發於悵鬱條侘之餘字字性靈言言衷本苟韻有弗協何以導志何以動物何以感天地通鬼神哉惜乎王叔師洪慶善則闕而未協朱重晦則協而未詳屈東屠田叔氏玩誦而病焉廼究英央之訛則以古韻協之亥豕之謬則以古文訂之然後復炎漢篆隸之舊黜江左聲病之拘而千載作者之心始無憾矣田叔本高華之曾稟超曠之資負經國之才於書無所不覽而於屈宋獨寤寐焉夫屈宋賢人失志之賦也田叔亦豈不得志者哉噫乎古之君子

志在家國今之君子志在富貴田叔豈今之所謂
不得志者哉而田叔以四事答客難未盡田叔之
志也田叔之志亦足悲矣

皇甫少玄外集序

皇甫司直公詩文若干卷既登梓矣厥嗣秦樞復
襄所散逸曰外集將梓焉持以詣余授簡序之余
泫然曰司直公余王姑子也與先君五嶽山人束
髮同席余父事之少歲受知于公嘗侍談園牡丹
之讌酒間賦詩余後至有洛陽花色在不減後看
人之句公亟嘉歎焉曰山人有後也嗟乎昔惠今

東齊集卷六

七

茅負公甄與多矣忍序其遺文哉皇甫裔出殷宋
代有聞人其鬱起藝林也則士安導源于晉代皮
致孝常濬流于唐年而尤盛于今日公與長公華
陽進士叔氏百泉司勳季氏理山司衡競奮鸞龍
聯輝花萼公與司勳特備典與匠心國手無以尚
之矣公天授靈懿性標朗澈覃思六籍博極羣典
咀含腴潤萃掇菁英雖感召情動而興會神超凡
有述造靡不精詣片言洩玄黃之秘一字爲川嶽
之珍浹洽如劉向深沈如子雲有辭人之譽而弗
淫有良史之質而弗俚信江左之才傑而海內之

文雄也若詩之體裁聲調則長公叔氏評在別序
允矣知言獨悲夫一宦陸沈淹留于仕路中身隕
謝迫促於年涯詩人命蹇復何言哉此雖外集亦
自罕儷蓋威鳳無乖音德驥無蹶步崑丘不產平
砥硤鄧林寧植乎棘棘秦樞能禪公業品藻弗爽
夫豈阿私乎哉

白石山人郎署集題辭

嘗謂歌詠之道機妙一心性靈夙授匪由力致見
融資敏則童口升堂識劣才凡則素毛泣路故塗
謠巷誦縑緇未諳而或采列于風騷碩學巨儒聞

東齊集卷六

八

見雖多而或棄置于高聽有不學而能有學而不
能也譬諸花花異態而同研鳥鳥殊聲而合響若
剪華索態刻鳥求聲詎可得哉白石蔡子之生也
包山洩與霄水浮英奇雋瑰瑋穎智絕倫獵書齋
日邁江夏之文彊射策并年儼洛濱之子晉覃思
藝苑遂擅詞場良由玄巧從心吐如宿構玉割荆
山匪琢而瑩繭生貞嶠不組而文豈非所謂性靈
夙授者哉郎置集者蓋自飛步泰宮勸駕展繡轂
之猷含香漢署給劄摘溫服之藻國奉皇華弔汨
流於千里堂摧讓草繼壘樹於三千郎采南淹睟

江山而發秀闢心北眷瞻雲日而舒情凡茲遭歷
盡託瑤華且依鬱之情而吐之以宜朗之思馳軼
之氣而節之以清婉之音冲雅之體而譽之以雕
潤之詞故其爲言也明圓暢朗而沉以遠紆徐雖
暇而壯以激華茂精縉而典以法淡冷如劉揚華
嚴如機雲逸如公幹新如開府評古調則建安元
嘉之苗裔儼近體則貞觀開元之質篋去鈴士之
恒幹超輪匠之秘機誠詩人之特秀而作者之長
雄也先子五嶽山人寔君知友時廻綠竹之車眷
言問律每誦黃花之句展爾賞音一覽茲編嘆詠

高素齋集卷之十六

九

彌日將序之帙首錄梓齋中奈何詩美王融方勤
題壁之念酒懷嵇散遽動過墟之悲癸卯歲除結
幹白下晤言及此悽惋惻心爰命小子嗣續厥志
敢忘斯文之燕陋不敢忘先人之然諾云爾

高素齋集卷之十六

高素齋集卷之十七

吳郡黃 姬水 著

記五首

重修蘇州府學記

大中丞我渡陳公之撫吳也鎮以簡靜綏以惠和
百僚咸憚萬姓以輯江海不波我園孔謚於是表
陳羽籥載廸文教昭昭厥音躊躇辰泮訓經講禮
之暇徘徊廟宇召諸生曰宣尼爲萬世道學之宗
則文廟者吾儒之大家廟也忍視其頽而弗葺哉
且以宰牲所舊在廟之東隅則又曰東生氣也而

高素齋集卷之十七

一

屠割于斯焉是以殺承生氣也盍徙諸於是檄有
司計之出贖金遷二邑之富民董之蓋前爲巨猾
所侵常十之四其功易隳也廼度地準繩購材鳩
工卽學之儀門之右南面爲宰牲所東西爲神厨
撤博士廨列于道山南簾俾各食攸居於是廟祠
門廡齋廬堂閣以至亭圃坊垣靡不振墜繕圯剔
蕪飾凋經始于隆慶辛未季春之吉閱三月而告
成宮牆之高宗廟之美煥然鼎新矣嘗考乘書郡
學建于宋景祐間文正范公嗣後代加營拓若我
明牧守則魏公觀以下至徐公贊凡十餘人臺臣

則孫公樂以下至公凡四人崇儒右文功豈在文
正下哉粵古君人者之于農也制田里樹畜以養
之則必設庠序學校以教之於兵也出則受成於
學反則釋奠於學以訊誠告學爲君人者之先務
尚矣公寔有農兵之寄者首加意于學也知本哉
先是公夢一周姓者與公乞衣及視學之日得斷
碣露卧于名宦祠蓁莽中乃文襄周公忱像也公
懼然昇而屋之於來鶴樓後夫文襄於宣皇帝
時撫吳十有九年其惠績吳民至今歌之不衰公
非有愛民之實心何能精爽感孚若此然則繼文
襄而民歌之者其公也此修學事也附綴簡末

代蘇州府重建堂庫碑記

隆慶三年歲在大荒落之餘月郡治重建堂庫成
君子收躋士民胥悅廼屬余記之曰粵惟郡治肇
自國朝胡元年加闢於洪武二年至英廟時
則增構於況守鍾林守鶚世宗時則改建於王
守鴻漸鍾守鑑越三十有一載正月庚午災郡守
蔡侯亟用締造請於督撫林公召屬吏計之則曰
費若干緡召耆老計之則曰費若干緡卒如耆老
之議者從省也於是審材用則取諸帑藏之餘鳩

徒庸則取諸輿走之隙期今靡煩攻治弗怠前堂
凡若干楹後堂凡若干楹如制鼎新若榱棟之弘
壯輪奐之美麗巧築之堅緻逾於曩昔豐盈架閣
二庫舊與堂接今則別創一區不假寸木悉以甃
爲之若宸然此出自侯臆蓋深長之慮也茲役也
不擾民財不勞民力民咸子來經始於二月癸巳
落成于四月壬辰何如其速哉良由侯之涖吳也
以聖學造士以王教迪民恭儉是率繁苛是蠲民
戴之若父故視公事如家事爾下之義寔上之仁
有以感召之也君子曰可以觀治矣夫堂以聽政
也然堂上遠於百里堂下遠於千里防壅蔽也庫
以藏貨也然王者藏於天下諸侯藏於百姓戒培
剋也侯則達民之情而導民之利者也豈徒建是
堂庫已哉余敢以是爲來後告其謀度則某某採
辨則某某謾作則某某云

雙塔禪寺重修殿記

蓋聞造寺創於伽水關苑肇自香山迨竺經一譯
於摩騰而蓮刹遂彌於震旦良由聖靈周遍於自
億像法皈仰於大千上至王公下逮士庶莫不躬
禮支提心依正覺若此精藍寔標吉土建自李唐

拓於趙宋王居士兩塔之營表無縫之妙果徐提
舉千田之給樹最上之善根賜書璀璨於琅函題
額昭回於銀榜香臺迥真復殿高驤樹借檀陰峰
移鶯色地爲蜀國舍卽毗城矣嗣後妙思抒記之
日迄今本清改構之年善勝崩淪禪宮銷歇寶地
鞠爲蕪蕪金容毀於風雨迺有德盈上座任振復
之謀祖曉道人爲募化之主莊嚴倍於曩時經始
成於不日但殫心以締勝因而回首卽同壞劫方
頌美輪遽嗟橈棟茲焉不葺便成廢墜於是德盈
亟捨鉢貲兼哀檀施揆日準繩礪金礱石蕭宮再
飭梵宇重輝飛甍巖嶭以連雲積拱嶙峋以納日
鏤檻虹盤雕檐疊舉山縈繡稅芟繞璇題高僧是
萃淨行攸居梵伎與寶鐸齊鳴天花與芳蓮共馥
一躡悲宮咸離火宅芬域常固福業恒新光承東
壁燈傳數比於河沙釐祝北宸鞏圖永同於山嶽
助修信士並列貞珉云

凌虛閣記

夫冥寂玄曠之士非炎濁界所可居靈秘之區非
生死身所可到豈曰心生取舍寔乃人境冥合者
也故習禪之輩必就名山夫旣背俗乖世自然違

南齊書卷十七

四

南齊書卷十七

五

埃離霧靡不累足重巖寓形絕石矣凌虛閣者沈
居士棲息寂觀之所也古稱陽羨佳山水而山之
神秀者莫若荆南荆南峯巒潭洞環異莫可殫記
其幽巖深蔚擅一山之勝者莫若龍池龍池之奇
處則凌虛閣也蓋始入龍池兩山環合如峽盤紆
坂涉重澗而後至下龍池寺又折而上曰中龍池
寺圯鞠爲林谷又折而上曰上龍池有禹門禪院
在焉其中長松修竹之布絡飛泉怪石之轆轤石
菊天竺羅生千庭芝草芳蘭交蔓千逕至是行若
窮地若絕情愴寥廓非區中所有由禹門循一蹊
窅窅而登攀懸磴陟崇巘其上廣平後有穹崖峻
削千仞上摩切天下臨無地石梁橫跨其罅隙嵌
以閣焉欲化造神營也其右有白雲巖巖有湫卽
龍之所棲雲氣常蒸繞其上有石類盤陀可坐有
洞類屋可居閣中延矚則太湖若杯越山若垤日
月之吐納煙霞之縈繚在衽席間信寰中之殊域
物外之奧壤也山僧通于役將鬻閣以償居士捐
貲因爲居士所有焉居士稟性靜虛持行清恪法
門宗旨頗以證得固所宜居也何嫌于道俗乎嗟
平方袍而無梵行道亦俗也白衣而有慧心俗亦

道也昔匡嶽東林遺民游止於遠公之室始豐瀑
布伯玉信宿於僧徒之廬寧有道俗之分哉

代蘇州衛武進士題名碑記

夫兵者國之大事然馭兵莫先於擇將擇將莫要
于選舉古者兵農一途文武一道外而折衝之士
卽內而密勿之臣也厥後岐而爲二於是有選將
之目焉然有選材力武猛能引彊蹶張者矣有選
材力驍捷善馳射者矣我明則有武舉之法自
勲弁以及編伍自鬻秀以及衆氓咸得充試或六
年或三年每文舉之後則都御史御史試之擇其

高素齋集卷七

六

策畧弓馬之優者以貢于京師天子命廷臣覆
試之擇其策畧弓馬之優者以獻于天子而官
之曰武進士凡擁旄授戟列侯上將皆由此出也
我蘇自洪武迄于嘉靖二百年間登是選者纔三
人耳厥維艱哉蓋思效忠規武節以仰副國家檢
才之盛心斯可矣然管侯謀帥而用詩書之卻縠
衛青招士而舉方畧之克國武猛驍捷敵一人者
耳不足尚也余嘗莊誦歷朝武舉詔制若英
廟則曰通曉兵法謀勇出衆者孝廟則曰文理
優韜畧熟及射中式者又曰先策畧後弓馬則

祖宗取士之意豈專在武猛驍捷哉昔唐視進士
科增置武舉而得郭子儀宋視制科詳定武舉而
得高志寧今孤挺卒能勘亂禦侮策勲王室今之
登是選者咸口詩書腹方畧安知無郭子儀高志
寧今孤挺者出於其間乎何君萬鍾等伐石紀名
請余爲之記

高素齋集卷之十七

高素齋集卷七

七

高素齋集卷之十八

吳郡黃 如水 著

傳三首

泰和令東洲繆公傳

嘉靖乙丑東洲繆公卒之明年厥嗣可貞持公門人沈陳州狀詣余舍杖拜泣曰先君負大志遇明時竟淹于一令持忠入冥之恨欲託鴻筆以昭來示少宰崔公銘諸壤給事陳公表諸隄子不可無述乃評隲懿行著之于簡俾州史傳循吏者採焉公諱宣字時化形貌質木中寔穎朗振年而孤痛

高素齋集卷之十八

父樂一翁蚤世悲取遺書讀之博聞強識敏于爲文少歲克邑庠生每試輒爲一邑冠先太守關西胡公按撫江右朱公聯七邑士試之爲七邑冠才譽駿騰善說詩徒衆日廣每大都授時橫經者恒不下百人歲辛卯新制選郡邑高才弟子負貢入太學公與選癸卯領鄉薦甲辰舉進士授東和令公濯心展體數導惠政拒請託抑豪巨流亡理冤滯境內肅然先是境中大祲群聚之徒依山豪爲寇捕討不克公嚴爲緝以信義開曉之其黨悞悟喙窺民安資其游海亂繩之治朝歌利

之別未或逾也公爲治以教化爲先首葺黌舍邑貴人怨公者詆以單賄蜚語聞于朝整菴羅先生端人也移書柄臣曰魯禘以泮宮與頌今吾令以速辜寃哉竟落職歸無何上疏條寃狀事下御史臺得白將詣闕待除會遘疾嘆曰吾所以爲此者以讒口蒙垢耳寧復事折腰爲耶迺治圃蒔卉日以觴典自娛泊如也若孝養母氏敬事伯兄蓋天性云藏書萬卷命可貞讀曰無忘乃父乃祖之業可貞清才綴學異日繼公未竟之志若公之于樂一翁者何必不爲公乎黃子曰世望多循吏詔用惻惻無華者公殆其人也使公久於其任庶桐鄉偃師之勲可見矣嗟乎九列而瘞不如一垓而蓋余不恨公之淹于一令獨恨公之爲令弗終也噫吁以興學墮官則文翁何武不得爲循吏哉

高素齋集卷之十八

惠茂卿小傳

天室外史曰嘗怪今之論人者愛憎毀譽嗾隨人唯徇其跡而弗究其隱雖有善人無以自表見於世也作惠茂卿傳

惠茂卿名林世居陽山爲吳間族號陽山惠至大父始家吳城遂爲郡人焉茂卿爲人沈毅剛介多

智能任俠好義喜讀書少從先子五嶽山人遊不爲章句之學志在古文辭時作小吟一二聯語頗精鍊後辟縣功曹到舍六十日卽投檄去仰天嘆曰丈夫不能翻飛作鴻鵠乃俛首與鴟鴞爭腐鼠不亦可笑哉遂屏居一室抗迹謝俗見故人輒掩面走曰汚汝汚汝居家端整對妻子不妄笑語置物皆有常處內外非井如也家始裕中落薪水有時不給客至設酒饌必豐款曲竟日乃已甘分循禮無夸言無越行終身唯着布絮未嘗御綺麗之服過所善人見坐中有貴介公子或不合意者卽

南齊書卷六

三

拂衣去曰吾不能覓人顏色也臨財推讓樂施行克其志雖家無擔石揮千金而不顧可爲也交友以信不輕然諾性慤直好面折人過里中有鬪者詣茂卿陳曲直得茂卿一言各厭其意而去人有阨困輒掉臂赴之而羞伐其德昔季布以諾聞茂卿庶幾其人歟

論曰太史公以韓子兩譏儒俠而以季次原憲讀書懷獨行君子之德弟子志之不倦游俠若朱家田仲之流雖不軌於正義然言信行果已諾必誠亦有足多者焉若茂卿者卽其所爲殆近於君子

之德而軒軒慕豪舉之風蓋儒而俠者也可不謂賢乎人多因其跡而少之而茂卿亦退然自少不銜聲于時故其名遂湮沒不彰悲夫悲夫其人苟賢雖夷門抱關市井鼓刀賣漿之徒皆能施于天下後世而况不爲此者乎已矣哉三代而下無公是非也

張應和小傳

皇明嘉靖四十載歲在辛酉應和張先生行年六十有子三人並有才品吳中日爲三英其仲獻翼徵所善大夫士之言以爲壽猥及余余曰皇甫司

南齊書卷六

四

勲之言暢以理劉侍御之言屢以奸王觀察之言囑以矩諸公賦詠咸鴻詎名筆也余復何言哉然余與應和爲布衣交最昵知應和特深乃撫其大節俾傳孝友者擇焉嘗聞之河圖曰孝順二親天司賜算故齡可徵也

張季子先生名冲應和其字世爲鳳陽人元末有仕平江者避僞周之亂徙家金陵留一子贅長洲徐氏因占籍焉是爲應和高祖家世素比至生季子而父產益豐季子賦性敏慧和易慈異弱歲卽卓犖不凡就名儒爲師傅讀書不泥文詞唯以知

大義爲急事父母蒸蒸色養舉動咸當父母心母
李氏疾季子焚香籲天割左股一臍置湯藥以進
疾因以愈後服買遊京師歸途語人曰大人每有
痛處吾卽惕然不安今覺心動無乃恙乎乃倍道
行遇盜斫傷其肱及抵家果驗其言人皆以爲孝
感所致云敬兄若姊睦弟若妹分財有薛包之讓
撫寡有庾袞之仁所謂立採雍和志情友穆者也
至若赴阨有季布之諾散金有劇孟之豪急公有
任氏之義好客有鄧公之風皆其因心廣類履順
之所極乎余與季子交二十餘年未嘗見其怒形

重刊卷八

五

于色待人一以寬惠無少苛刻意余是以益信其
孝友成性無所矯飾者歟

黃生曰孝友人倫之本自古哲王經邦設教咸是
攸尙漢以前不立傳至晉以下乃始標著豈漢
世近古人各修行砥名不勝載紀而叔季澆訛君
子之道希觀歟史臣曰昔者弘愛之理必藉王公
大人近代敘孝友之情恒出茅屋之下嗟乎金富
則必爭篋單則靡競蓋傷俗之弊也然則悖德之
事多由侈富之家而季子自振弊俗不益難能也
哉

賀大總戎玉江楊公榮擢鎮守定海文

皇明嘉靖四十有二載歲在大淵獻大總戎玉江
楊公奉天子簡命鎮守定海將建旗鼓載斧鉞
行矣其屬某索余言以爲賀余作而言曰是誠可
以爲公賀也浙之定海負溟渤控扶桑倭夷入貢
由博多而五島而烏沙而海收舶于定海焉其
犯順亦由之重地也承平之日置十有六衛領以
都指揮使司至是復設總制以全浙諸府隸焉重
任也三代之制天子六軍其將比命公周末置前
後左右將軍秦因之位上卿漢置車騎將軍衛將

重刊卷八

木

軍位次上卿今之總制秩與卿埒重臣也以重臣
轄重地而荷重任非公之威名素重者曷克居是
哉公少有膽畧善騎射讀孫吳書歲乙卯倭奴深
入寇三州我軍莫敢嬰其鋒時公守劉河候其情
歸而擊之以一旅之衆斬首五百餘級明年拒陸
壩又明年殲橫涇又明年踏三沙雖古名將不過
是不六七年間起自列校超擢台槐之下于是名
震華裔矣余聞善師者不陳善陳者不戰不戰而
屈人之兵以威名足以服之也昔李牧備邊匈奴
十餘歲不敢近趙克國備羌若零離留番皆降漢

茲役也吾見屯警有防耕戰有備海不波徼外弛
折矣是誠可以爲公賀也浙與吳唇齒國也浙靖
則吳謐然則爲公賀者乃以自賀也爲之賦采芑
之詩曰征代獫狁蠻荆來威又爲之賦崧高之詩
曰周邦咸喜戎有良翰

送熊兵憲文

四十有一載嘉靖歲在閏茂之玄月我兵憲鏡湖
熊公奉 天子璽書佐藩滇南將戒徒祗役邑大
夫徵言于余以贈公之行余邑瀕海沐公保障之
澤尤深敢不拜命之辱稽首颺言曰 皇明廉察

高臺齊集卷八

七

使之設卽周言循行漢言採訪蓋使告爾祥陳時
臬事其任匪輕也蓋必如古人所謂仁可恤孤明
可振滯剛不避強禦智足以照姦者廼克勝厥任
若東吳以罷敝之民加以倭奴之警其責益大且
艱苟非有文經武緯之才者茂克濟矣公自釋褐
爲州守倭奴犯州城孔棘公倉卒拒守州民賴以
全活監司上其功 天子嘉焉三遷崇秩公以長
厚之德宏遠之畧典幹之勤肅給之敏綏之以惠
養之政鎮之以安靜之風示之以糾察之公凜之
以撻發之神施之以平反之恩故熟溺者生瘡痍

者起敗官者懼干紀者屏強暴者化反側者安寃
抑者伸至其禦倭也來則援枹擐甲以殲之去則
訓旅明堠以備之倭奴不敢彎弓而西向者五年
于茲矣四郡之民咸賴公以全活奚啻一州哉詔
曰兵者刑之溢也刑者禮之餘也德又禮之本也
非公具仁明剛智之德而濟之以文經武緯之才
曷克臻是哉今公以治吳者治滇卽吳民之懷去
思可以占滇民之歌來暮矣公行矣爲之賦南山
之詩曰樂只君子民之父母又爲之賦六月之詩
曰文武吉甫萬邦爲憲公行矣

高臺齊集卷八

八

代送郡推龍公被召文

皇明隆慶二年歲在戊辰春三月 天子下璽書
辟郡縣廉能官入爲臺瑣合天下凡十有七人我
郡推澄源龍公居第一公屬邑邑侯某等徵余言
以爲贈夫郡推刑官也監司所寄以讞獄者也然
上之人每以下之苛刻爲能而下之人恒傳致以
迎上之意嗚呼今之民何如也凋瘵日甚而法易
犯巧僞日滋而辭多詭爲民父母不加哀矜而以
深文窮竟之譬諸人抱羸疾醫師者不益其元復
攻以峻劑吾恐民之瘳者無幾矣公禁之菁英也

舉嘉靖壬戌進士甲寅泣吾郡具厚長之德負明
察之才每折一獄必詳必慎簡罪惟輕甚罪惟重
然二辟雖重而非故焉則開改惡之路五疵雖輕
而非過焉則嚴隱惡之誅非不明罰而株染者無
所逮非不慎罰而姦伏者無所逃寬恕如定國平
反如不疑泣辜如盛吉振滯如薛奎且食水有鄧
攸之潔杜交有褚炫之介執論有陳君之正決斷
有蘇公之敏適公具獄問或傾濫二歲之中成書
理出者凡若干人考白立除者凡若干人嗟乎羈
鳳無搏噬騶虞無蹄啗蓋其性然也余官留都去

高素齋集卷之十八

九

家甚通聞公戒行七邑之民如失慈父攀轅塞途
噫嘻好生者民之恒情也公豈能要此于民哉是
行也公當爲侍從之臣任繩糾之責朝夕論思獻
納以致主於堯舜將見德化之施成刑措之治則
公之仁及一郡者仁及天下矣於邑侯之請也爲
之賦南山之詩曰豈第君子民之父母又爲之賦
卷阿之詩曰惟君子使媚于天子

高素齋集卷之十八

甲

高素齋集卷之十九

吳郡黃 姬水 著

頌二首 祭文一首 疏一首

太僕懷東顧公七袞頌 有序

皇明隆慶五年歲在協洽八月望日懷東太僕顧
公年七十矣公兄子可貞造黃子曰太僕公誕辰
將謀觴焉子盍頌之黃子曰余於太僕公寔通家
子余之願猶夫子也但公之直節在朝廷榮名昭
華裔海內學士大夫稱述而詠歌之者至矣余復
何言哉余竊觀天之所以厚公者而知公者必壽

高素齋集卷之十九

一

也夫祿德名壽以尊親皆人之所共欲而不可必
得者公若執左券以取償于天而天之畀公若取
求攜得而無所難者啓公之壽豈不足徵哉公爲
原魯先生四世孫得洙泗伊洛之傳以進士令姚
江有惠蹟 先皇帝召補給事中 公抗疏請宥還
議禮放廢諸臣罷方士用事者 先皇帝震怒杖
闕下謫徙保安會 今上皇帝卽位錄先朝言事
者通超遷今官公父母進其給事中之封以亞卿
方公杖闕下時公知委身已矣庸自意得衆瘡絕
漠之地居荒三十年公知俟命已矣庸自意復起

家九卿之列給事者半年亞尹者三月公尊親之心雖切庸自意未及滿籍而得封如其官今公祿益大位益崇名益顯而父母之封咸以皇太子覃恩出于異數天之所以啓佑公者可謂厚矣詩曰天錫公純嘏眉壽徐魯公有純嘏之錫安得不介以眉壽哉敢以詩人頌魯侯者頌公焉頌曰原魯之孫學邇淵源道宗宣聖義析微言抗步紫庭鳴琴宰邑擢拜夕郎賜衣溫室命猷大藩入蜀占星倂然一疏直氣干冥批鱗撼木堯堦屈軼沙陲雪積譴謫奚恤投身萬里閱三十年貞難素夷氣

古書卷十九

二

裕神全蒼震炳離握乾纂業登拔遜荒賢人布列始參納言喉舌則司載尹黃圖輦轂聲馳肅肅僕臣罔也克正牧拭匪懈承弼是靖疏傳見幾浩返林臯高翔寥廓翰矯扶搖功成身退天道是違名揚親顯宇宙完人時維八月京雲騰戶躋彼七齡受茲多祜賓筵秩秩絃匏在房文孫翼子綵服成行梅市褰芝毛壇拾草獻以上檜後天難老

代貞母劉孺人頌

有序

劉孺人者高安傅君孟春之母也孟春舉進士首疏其母貞節皇帝下詔旌其門孺人筭而矢志

至艾弗渝上養二親下鞠藐孤辟縕朝夕一身百瘁者三十六年其與杜植母嚴憲虞渾母孫定少嫠撫其孤顯名當時者何以異哉向使孺人不食死則親養罔終遺孤失怙安有今日哉故孺人所爲較之從死者爲尤難君子曰孺人貞而道矣嘗讀劉向列女傳所載梁寡高行之育子陳寡孝婦之養姑世主大其義美其行而賜之號孺人兼焉一人之節孝扶百世之綱常猗歟偉哉余與傅君同年且同門有兄弟之義目覩盛典心佩徽風爰作頌焉其辭曰資靈含德澄粹恭良誕自華裔長

古書卷十九

三

沙靖王夙閑四教玉頤蘭芳天作之合珠湖之陽攜歸君子宜其家室鳳凰和鳴忽焉乖翼崩摧迷絕撫膺號泣誓欲同歸仰天不食姑曰吾歸汝聽姑言半齡之孤汝勤汝恩汝苟滅性宗祀孰存汝舅汝姑孰共寒暄姑諭再三水漿入口一醺終身九原無負含辛襁褓服勞井曰龜勉躬績何亡何有迨子稍長課以詩書斷織訓學聖賢是期姑舅奉終率禮靡虧紅顏抗義白首不移子奮儒林爲代鉅哲釋褐紫庭陳情疏切言言瀝肝字字灑血天子旌嘉休有光烈節孝兩盡鞠子成名維母之

行嚴霜凜冰維母之心白日青冥千秋百禩永垂
頌聲

祭沈母黃孺人文

維靈裔出江夏賦性懿淳風敦四教玉隸蘭芬作
嬪君子婦職靡闕規獻樂羊禮加龔缺主饋惟真
恪養舅姑修髓以膳筐藻是蒞爰誕佳兒荀龍何
驥截髮延賓丸熊勵志舅也遊宦天外霜衣舅也
歸田花下春卮居哀致鳩孝毗徐憲薛包推讓高
義攸贊鷄鳴鳴雛珮鳬雁是宜凡民有喪匍匐救之
有子鶚薦翩翩六翻朱紱方來榮期禴翟胡然一
疾大命弗延君子偕老中道棄捐余忝葭莩素欽
闔德忽焉承諱豈勝心惻白露零草寒燈照幃肴
馨酒旨靈其格思

秋涵居士買田疏

秋涵居士寄跡市廛而有泉石之想役形埃霧而
抱玄漠之思廼築室城南名曰餐英惺惺覺非夷
然委順悉屏塵累以樂餘年日賣卜藝菊以自給
然經時抱甕而無擔石之儲終日垂簾而無百錢
之積餽粥不繼未免嬰懷夫顏子坐忘猶需負郭
之養陶潛任達尚求三徑之資鄭樸耕于谷口麗

公耘于壠上苟非蟬飲蚍食安能無朝夕之累乎
欲與買田以全志操聞有好事咸樂推與不過捐
一飯之惠便可爲卒歲之供在我敦通財之義在
彼遂食力之清誠一段勝事可爲它日美談也昔
邨超每聞欲高尚隱退者輒爲辦百萬資并爲造
立屋宇况數畝之費又非損一人之有惡乎憚爲
哉繼富寧如周急贍友猶勝飯僧高賢曠侶告之
必諾若詩人所刺褊心易辭所着吝嗇者弗與焉

高素齋集卷之二十

吳郡黃 姬水 著

雜著

古蹟 第宅 園亭 塚墓

敘曰天地郵舍也古今人過客也其人往矣而有
不泯焉者則所存之蹟耳形隨代邈名以蹟留見
其蹟如見其人也嗟乎觀河洛則思禹功涉沅湘
則懷舜德攏黍悲周汾雲想漢心憐召南之樹淚
墮岷山之碑寧無從哉故言第宅則非改人非而
城郭依舊語園亭則池平臺圯而風景不殊此婁
玄躑躅于仲翔之室而向秀哀思乎中散之林者
也至于塚墓則七尺之身僅託一坏之土封樹漂
湮犁摧莫保如豫章下車祀先賢以崇化征南題
碣詔後人以無傷有由然矣不有紀載曷稽來世
哉

論曰采椽斥題之風遠而高臺層樹於是乎興衣
薪葬野之俗微而玉匣金鳧於是乎作夫王侯哲
彥偕分踰制且爲世譏乃今編列白徒有丹刻其
室綺殺其園閣門其墓廬者矣嗟乎卽如夫差建
春宵之宮海靈之館伽梁榭廊銅溝玉檻其侈靡

極矣然卒掩骨於卑猶戈人之一塚況其下者乎
闔閭營丘深池重柳飾以黃金珠玉之鳧殉以專
諸魚腸之劍違禮厚葬遂爲越人所發雖謂之暴
骸可也寧無取於玉孫之賢士安之達也哉
贊曰楚負入吳建城拓幘館岫苑洲姬祚弗延歇
也爲治桃夏肇焉代爲守舍治禩已千名園大地
遺墟宛然燕辭舊宅麟卧新阡蛇龍難辨陵谷易
遷億載靡蕪藉此信編

縣治 公署

敘曰天子諸侯南面以臨民而今之邑古子男國
也有三仞之城則必有五雉之堂禮樂於是乎敷
條教於是乎宣訟獄於是乎讞宇言大啓堂詠攸
躋邑治所繫豈細哉故首述之而以公署附俾有
考焉

論曰古者封建諸侯則邑治其家也民其子也易
侯而今則邑治其寓也民有弗子者矣後之治是
邑而居是治者其無以寓視哉昔漢重守今以爲
數更易則民不安有治理效轍降墮增秩居官者
長子孫焉噫嘻三代不可復矣漢世良吏寧無望
于今日哉

贊曰唯邑有治聲自李唐曰宋曰元徙建康常昭
代卜食在郡之陽千秋永食式用民康

坊巷 橋梁

敘曰坊古之市也市之門也巷古之里也里之塗
也曰中爲市而農工濟表厥宅里而淑慝彰亦邑
政之大端也徒扛輿梁載在周典所以利涉而吳
爲澤園橋梁尤多焉

論曰邑之有坊古以表德今以表爵來者日繁往
者日湮巷則悉廢表揭僅存人口耳嘉靖癸未一
名守治郡易西市坊爲濟臺干將坊爲得人尊道

高素齋集卷之二十一

三

崇儒舉無不善若增建濟臺一坊而所謂西市干
將者仍之庶千載遺蹟不至一旦漸泯耳橋梁自
宋以來疊石甃甃極爲堅巧緻密後有改作弗逮
乙卯倭警多毀郭外之橋以拒者然寇卒弗拒徒
毀耳噫寇能蹈萬里之海獨以一衣帶水限之耶
坊之湮者闡之巷之廢者舉之橋梁之圯者葺之
則有司存夫

贊曰維坊與巷厥民攸聚化居懋遷風聲是樹有
穹其梁星離虹翥處有比閭行無厲揭

高素齋集卷之二十一

高素齋集卷之二十一

吳郡黃 姬水 著

銘六首

石硯銘

嘉靖癸亥吳興徐汝寧作石研命友生黃姬水爲
之銘曰斲潛樸爲方圓虛其中含藻妍侯卽墨德
普宣貞弗渝惟汝堅白弗汚惟汝玄垂篇籍猗萬
年

快閣斗研銘贈朱司業

探潛淵碧嘉石象斗形方以直散綺霞含玄液秘

高素齋集卷之二十一

十一

室英蓬山筆揚華發藻垂千億

曲几銘爲崔罔賦

採茲樸木丹腹弗施趾象龍鼎用效烏皮遙杖同
珍管榻攸宜或寤或寐是馮是依曠釋形縛任保
天倪智以曲全道合卑棲鴻盤有日麀化何時彼
噓嗒然南郭子綦

印章匣銘二首

鵲鏤金龜刻玉琢文犀厠祺石鐫姓字當符竹慎
題封嚴記籍醉有侯誕有伯曰私章匪人錫

爾中則虛爾外則方維爾其含章

玉羅牋筒銘

裁雲爲牋琢玉作筒無忘問遺敢告中秘

高素齋集卷之二十一 畢

高素齋集卷之二十一

二

高素齋集卷之二十二

贊七首

吳郡黃姬水著

姜玄仲像贊

少敦詩書厥身藏器生逢繆辰棲巖樂泌雖識冥鴻誰嗟坂驥頽頽樸貌超超逸氣紫嶠飛心綠樟怡志金玉飭躬績藻揆藝秋鴈猶傳夜星忽墜夢中鶴鹿脫然歸寄得正以終朗吟而逝翳骨松楸留容天地步宛尋山顏疑覓句徘徊觀瞻頌言宣綴

浮玉叔像贊

唯腴之豐其顏渥也唯潤之積其儀偉也剛腸寡諧心怍怍也高氣自負意軒軒也業抗于宗家之良也善稱于鄉國之寶也綠酒自命性所樂也豪吟不輒情所寄也斯人也蓋末俗之遺直而清時之貞遯也

張心雨像贊

煙霞骨相虎燕姿容神秀而朗體厚而豐祕韜諳豹妙義談龍三山思邈萬里心雄含藻吐霓朱翼追風功成身退遊從赤松

伯籌姪像贊

儀標秀朗東含穎異朱霞曉開皎月秋麗濯濯鮮妍若三春楊柳之姿軒軒爽舉有萬里風雲之氣我黃米吳歷世綏延武功祖肇文德家傳文規武略願子是兼卻穀詩書尚父韜鈴以余視之子非阮家之咸謝庭之玄也耶

惠懋卿小像

厥貌不揚厥衷維良泐然若拙而智煌煌退然若怯而毅洸洸峭然若隘而度汪汪重千金於然諾無擔石而慨慷閉門却掃以咏以觴蓬蒿半堵藜木一牀早游鶩於任俠末稅駕於老莊乃聖世之遺逸爲山林之珪璋居真弗兢處濁能清而非俗人之所可量者歟

鏡月上人像贊

厥目炯如發智炬也厥色愉如治苦海也厥容偃如超忍辱也厥儀整如表軌範也冷如灑如登解脫也泊如澹如涉清源也兀若禪定白石跏趺恍若談義香林演敷貌類凡俗心則菩提嗟乎無相亦色有相亦空非僧是僧妙智圓通其有髮之惠忠而留鬚之碧峯也歟

雪航和尚像贊

早齡祝髮性性聞聞慧根夙具梵行精勤躋第一位得不二門談塵忽捐法舟遠傾埋骨荒嶽挂影寒燈山留定色月剩空心昔真是幻今幻是真一妙涅槃無滅無生

高素齋集卷之二十三

吳郡黃

姬

跋七首

題張幼于刻文太史帖後

此衡山太史與幼于孝廉劄子也太史既沒孝廉勒之石以永流傳嗟乎緬思題凡之人忽沾開篋之淚一日之紫紙爲異時之黃絹太史忘年之雅孝廉歎逝之情在殘行遺墨間矣

玉芝館帖引

玉芝館帖者海陵朱君鐫其所藏名公辭翰也爲

高素齋集卷之二十三

君之先者志四傳一詩一劄一几七帖不忘親也爲君者詩二劄二不忘友也噫乎翠碣丹碑猶存愛日之念八行片紙盡是停雲之思矣昔人謂王文梁書鍾鐫爲三絕余於茲帖亦云

題陳道復書樂志論後

古有寢巢棲澤而眇天子之位負甌織畚而避諸侯之招其所樂者大也必若公理所論而後輕富貴豈可必得卽如所論與慕富貴者何異哉公理初欲卜居清曠以樂其志後卒就或辟參操軍事公理非真能忘富貴者于論見之矣此卷陳太學

所書復補圖於首爛熳多天趣爲玄旻嘉玩玄旻博學雋才方將紆紱帝王之門無徒樂此爲也

跋文德承金臺八景

昭代之有北都猶周之鎬京漢之洛陽也余生斯世伏迹幽介不獲裹足負簠一矚其勝每以爲恨今觀文德承氏金臺八景則帝京薊門之蔚奇太液瓊島之瓌麗居庸西山之險峻玉泉蘆溝之清曠宛在目睫若置身天邑王畿間也至其用筆設色布意立趣非尋常畫工所可及噫文子有此雖潦倒勗遊奚恤哉

高素齋集卷之二十三

題吳文定公所書 御製文集抄

書假象畫亦本性情故如右軍寫樂毅則情多怫鬱書像畫則意涉瓌奇蘭庭典集則思逸神超私門誠誓則情拘志慘良有以也今觀吳文定所書御製文集抄其謹嚴斂整其敬君局脊之態宛然筆墨間前輩爲人可想見已

書胡冢宰遊武當山記後

嘗謂遊覽之作詩如謝康樂文如柳柳州亦不鉅鉅諸篇描寫山水之勝殆盡古今罕儷茲讀栢泉胡公遊武當山記則康樂柳州不得擅美於前矣

武當山水甲天下而成祖營建宮館金碧絢爛
瓊臺琳宇不在蓬萊方丈下也平生夢寐其勝而
牽于婚嫁未得躡屨其間每以爲恨三復之餘峯
巖潭洞究在几席則此記可爲少文屋下遊矣子
宣邵君鐫諸珉以永流播敬識于後

書資恒堂記後

慕槎舅氏裔出高華時逢垂繆少讀鄒魯之書長
究軒岐之術終歲授徒而饗餐不繼有時賣藥而
筭篋嘗單既謝晏嬰之宅言棲伯通之廡誠可憫
也姬水南陔夢冷雖切渭陽之思東郭室貧徒慙
刻曲之事命廣文之作記願范純仁之推財顧給
諫之抒歌望郭元振之濟物嗟乎慕義高賢好事
君子但損涓埃之惠卽成覆庇之功孰謂郭范不
再見于今哉

高素齋集卷之二十四

吳郡黃 姬水 著

書三十九首

與歐郡博禎伯二首

讀輶中藁金陵舊遊諸勝恍在目曉董祠記以表
秋爲孔子之政而董子相江都爲孔門政教千載
論廣川者所未發之旨僕何幸得附驥以垂不朽
也昨聞足下將過吳門無任翹佇僕非嵇夜無以
來呂安之駕但爲武丘諸山靈相招耳

日月幾何忽爲徂暑嚶嚶黃鳥寔懷同心讀輶中

高素齋集卷之二十四

十一

藁干役之中不廢遊陟許掾才情可以想見若詞
之溫麗秀逸則逢人說項斯矣首霜兩畦青苔蝕
壁廣文先生擁榻長吟與據梧隱几者同趣其高
牙大纛車馬如市符牒如雨厥心皇皇憂患者視
公所得何如哉

與李憲伯于鱗

竊謂丈夫不自樹立垂勳竹帛便當譔造一家之
言以貽厥後不作草木漸滅然學識未能享敝徒
醜每誦公盛藻恍然自失若窮鄙之社聞鐘鼓而
羞盆缶矣中郎撤蕙君苗焚硯有由然哉先人志

存經濟時命不遭晚復一第竟不試禮闈其浮雲
富貴憤世疾俗之心唯是遺文半篋而已得大文
序之庶託不朽向年面諾銘刻不忘梓事甫畢即
持獻門下伏唯注意存沒銜感

與毛禮部青城

遠道遣辱辱損華札兼以高藻開緘迴諷如覲顏
面緬惟白門睽違夢想勞結每風晨月夕未嘗不
懷庾公也僕於庚申之歲言返舊林椎髻短褐閉
影慕藪與相往來者非農圃則衲子漁父門無長
者之微寓訊無由遂致絕問心則十載一日萬里

東坡集卷三十四

二

比鄰耳承論鼓盆失珠之戚無任駭悼然以竺乾
之空蒙莊之達視之咸適咸安耳何足介哉我公
當以此自寬矣僕年逾五十髮白齒墮蒲柳早凋
夫復何言然松喬之慕老而彌篤邇寤寐石函青
華之文頗有所得倘公剖綏山之桃余擘吳胥之
麟願以相聞騎羊負局會而當有期耳

荅西亭宗正二首

辱損雲章長詭讀之千里如面恨不能爲長卿之
遊徒懷河間建館而已姬水嘗謂丈夫生世苟不
得時卽當滅景秦莽遵詩人伐檀之義已矣奚復

干諸侯爲我公天挺宗英人倫歸仰乃忘已虛懷
獎飾寒卿之士若伯鸞孝威非所取當也慙汗慙
汗詹祿翰林集先君曾爲東輯當時卽已亡逸此
公欲於人物志中作傳容博訪寄上不敢負不敢
負

姬水江東賤士也甘心慕藪恥爲諸侯之遊雖平
生夢想如公者生幸同天邈焉異縣弗復一瞻符
采爲憾辱公不鄙遠損藻翰謬加甄獎瑤編爛惠
珍貺駢頒撫躬知媿緬昔宗藩如沛獻達於經學
而詞賦或歎陳思長於詞賦而經學未融公寔兼
之且孝德通于神明義行薄于雲天誠帝室之麟
鳳也豔羨艷羨敬賦崇孝詞一篇山林枯槁之什
不足詠歌盛美聊見慕好之私三讓篇容嗣上承
諭書目篋中無之當采訪以聞

荅謝山人茂秦

僕素懶慢衰年益甚嗒然據稿與世都絕忽往遠
訊恍若晤對孟門句注不覺爲遙矣誦諸藻撰說
卽解願詩多動魄良由寤寐李杜精靈來歸不假
模擬自然合轍耳削劇布示方今紙貴奚云災木
哉

與徐太守子與

自公之宦楚也則思心與楚遠也繼公之宦滇也則思心與滇遠也及公來吳則交謁不值焉悵悵悵恨屈原洞風騷之情抑亦江山之助公之遊楚與滇也當有巨麗之詞與荆巫雲夢蒼山洱海爭雄勝者惠示一二俾少文爲屋下遊何如

與凌文學玄晏

奉記後以積勞兼爲風寒所襲火疾大作遂爾困頓翰至知玉體未復益增煩憂所喻代作悼弟之什未能搦管俟病少間當更搦一二塞命若六律

高齋書

四

恐不能也以無鹽唐突西子多更醜耳不若已之草草不具

答倪月林

獲奉手訊宛覲光儀其慰不佞自林陵東還芻習十有八載矣不佞之念足下猶足下之念不佞也何時遡長江登石城坐玉露山房發瓊笈噴玉屑一餐沆瀣之氣也所委玉露山房詩不知命名之義爲方生所強漫爾賦上病中草草不具

答嵒岷中丞張公

姬水幼承父訓粗習墳史非無四方之志而時遭

大謬慕臺孝威孫登之爲人鑿穴編草滅跡慕藪者二十年于茲矣明公道聽人言忘分推誠招以東書遇以隆禮降王公之尊下匹夫之賤雖聖哲勤士何以加焉但杜櫟_非石之資學術不足以備咨問文藝不足以效鈴藥何以仰荅明公盛心乎此姬水所以日夜撫躬而汗顏者也急景不停留焉歲謝偃仰空廬慕德興懷敬賦蕪辭四篇北而稽首齋獻臺下伏惟

明公進而教之幸甚

與陸山人夫從

高齋書

五

草堂別去擬仙棹卽日發矣豈意信宿虎丘恨不得從諸公豪飲悟石之下徒誦明月秋扶一塔孤之句而已得臘月八日書知足下觀濤海上始信高人之蹤如鴻徙鵬運下視不佞真猶槍枋之鷄耳與濶石書果拙筆也足下以爲屬者豈伯英妙蹟舊觀不復抑子敬佳書謝安不賞耶

與濶石

昨海上書至甚慰但龍光在握而冰雪之姿逸不可卽爲之悵慨邇者知與夫從登狼峯觀鯨濤睇日出便欲躡足閭風晞髮若木恨不能假翼與俱

耳咽和高藻不靳惠教前寄惡札夫從以為屬夫
物有真贗如玉真也石贗也玉有贗石無贗僕書
石耳何贗之有以為贗者玉視之耳一笑來使鵠
立草草不盡

與梅潭書

姬水里中賤土也減景秦莽甘心溝壑素矣迺辱
明公謬加甄藻命効鉛槧自分謗劣不堪供事腆
儀下頒無任凌競姬水自棄諸生以來椎髻短褐
不敢涉趾公門謹北面稽首拜賜伏惟尊慈矜宥
不宣

與顧中翰汝和

曠隔經歲眷想用勞忽接榮翰殊慰翹緒足下杜
門著書僕復民迹蓬蒿無緣晤對良足悵歎家弟
清甫久荷隆眄兼以醇規友誼之厚一至于斯肝
膈之言藏之心背恨易衣併食之日不能為之謀
耳承貺閣帖重逾金玉當永為寶寶矣載謝

與朱孝廉邦憲

睽違彌遠傾想勞結山川阻曠無緣言熈良足悵
慨足下德林冠冕文囿鸞龍覽沈嘉則序諸篇歎
述不去口僕家貧累積學殖益荒奈何奈何家弟

來聊附尺書一承動靜言不宣備

與斗西宗室

忝來辱損華牘兼以杜吟遊詠之脫莊誦之餘藻
續盈目殊珍悅口如登梁臺而飲楚醴也艷羨何
如授簡之命敢不祗承但山林枯槁之言不足為
重有元美雄文便欲撤藁西遊引俟稍豫為之序
與澹息軒詩同呈教耳先人捐館之日僕臥蓐瀕
死平生所蓄異書一旦散盡范註孝經無以應命
奈何珍簞登領寤寐雅德對使作狀不備

上武岡王少鶴

姬水幽介賤士減跡秦莽甘心溝壑者有日矣仰
辱 英王忘 帝室之尊渙頒藻翰千里函幣以
全楚通志自 憲廟以來尚闕編載茲將開館國
邸給札仙臺延納鉅公鴻士 舊章 新紀舉
四朝之曠典成百世之信書誠不朽之盛事也姬
水雖至愚願一登龍以希附驥但述作必待乎賢
人筆削當寄之史匠有通達之識而後撫事精詳
有華美之文而後立言久遠若姬水學既淺膚辭
復蕪陋顧茲授簡撫已銜慙且婚嫁未畢尚平之
累方牽疾疾常嬰羣虞之時大繆不能遠涉道途

趨赴嘉召慙負降眷悚仄無已徒使長卿引領於
梁國公幹馳情於魏坂非固避陸通之金寶不敢
當穆生之醴耳腴儀敬用完璧罪實不恭伏惟宸
慈原宥惶恐奉啓

與姚禹門

不面在昔勞念可言雲泥一隔會面難期空谷朝
霞千里想見聲色耳

上蔡兵憲書

夫郡之有志所以紀方輿述文獻封域山川之所
由奠水利兵防之所由設戶口田賦於是乎考人

南齊書

上

才風俗於是乎稽蓋乘書乃邦國之急務而姑蘇
又東南之大郡尤不可無志者也吳中紀載之書
自子貢之越絕范曄之春秋以來則張勃有錄陸
廣淵有記曰圖經曰紀聞紀事雜見而未哀成帙
也至於范端明之吳郡志整則整矣而未免挂漏
之虞盧舍人之蘇州志瞻則瞻矣而不能無訛繆
之失厥後姑蘇志則始於吳文定公寬終於王文
恪公鑿蓋會范盧二書而折衷焉者也然文定未
成而告徂文恪甫成而趨召雖二公亦不能無
遺憾焉且正德以後迄今未續時更二世事閱

三朝其文章制度因革損益尚皆缺焉恭遇明公
建旄茲土以霜臺而布陽和以戎政而敷文德疆
徼謹清當偃武修文之日國家閒暇正典廢舉隆
之時維時郡志所宜編纂伏乞延禮鉅卿旁求鴻
士必有介特之行通達之識綜博之學陽秋之筆
無愧良史之才者寄之以述作之任焉庶成一郡
之要典爲百世之信書鋪張太平裨益風採甚盛
事也

與王元美

穆太公詩課完久矣漫書傳後真續紹也沈盡偶

南齊書

九

有米顛之癖雖平生愛敬如足下且不能割彼挂
千金劍者何人哉余誠小人也然終當以義勝制
情矣唯足下需之對使占復

與張中丞崑崙

姬水處空谷據槁梧門無轍迹室有網塵孰不弁
髦其人也乃仁君不我遐遺降以溫劄重以腆貺
使臨之日謹北面跪讀稽首拜賜竊惟周之雖有
可受之義而受之寔懷素食之慙報酬無地徒自
書心而已犬子學本鹵莽不見錄于有司分也尚
誰咎哉然明公栽培盛心則感激無極矣仲楮無

任悵惘之至

與斗岡嶽伯

秣陵一別習習逾紀矣姬水滅迹空穴無階通問
睽離日遠夢想彌深辱損榮示恍若雲隆誰謂大
丈夫相知果在接塵而遊哉伏讀嘉藻騷雅之匹
紙敝墨渝猶手之矣執事父子歆向昆弟機雲門
業之盛獨擅一時敬羨敬羨小壻顧九思初試繁
劇夙夜祗懼清白之操雖不佞所素勗而吏事未
諳唯執事提携之幸甚

與仲融

東晉書卷三

長公來復奉手教兼以珍葉文章燦爛赤城霞標
恍落屏几華章溫諭推比太過不敢當不敢當讀
合溪序錄泛然置我雲霞舉矣方抱怔疾未能追
和稍能抒思即同夙逋併呈教也所委書紙謹上
二十幅辭既蕪累筆復醜拙昔人有嗜土炭之癖
者足下之謂歟足下伯仲儒才朗識競秀詞林所
望驥足雲路奮翼天池丘壑洵美勿終盤桓山川
悠悠書往神馳

與胡秀才書

承親友損貺貧無以荅尸惠者數年于茲矣繼自

今不敢拜命之辱謹附使完壁容面謝不宣

與汪元美

不佞言不文人不足重奈何虛辱授簡之命哉邇
者婚嫁已畢餽粥稍足自給不敢復事筆研以敝
帚享也來儀完壁容面謝不宣

與陳淮安玉叔

遠辱榮示不遺幽介惠好載申感誼良厚捧讀新
藻珠璣盈目古云楚人多才信哉及讀尊君大夫
江閣嘉編則公家父子誠歆向彪固也而以文考
烏童目不佞過矣蘇環有子李嶠無兒非公與不
佞之謂乎蕪辭媿非瑤音之報腴腴祗領一發而
赤

與屠田叔

覽楚騷協韻及讀騷大旨諸篇深契靈均千古之
心匪特苑其鴻裁獵其艷辭而已原悲國人莫之
知而千載之下知原者復得田叔執謂古人有不
同心哉世人但知讀騷而不知協韻夫協韻者古
今人文自然節奏至於騷雅尤不可無故讀之使
人動魂出涕之感創焉者正以此也田叔獨知之
然知田叔者唯黃生乎序文勉綴塞命兼累之辭

真著糞佛頭矣

荅謝山人茂秦

辱榮示兼贈藻什未獲傾蓋卽終久要顧僕委謫何以甄錄于大君子之門耶昨歲歸自金陵湮阨老賤之人羞著冠裳恥與俗人言閉影空廬謝客却掃椎髻短褐畢志經鋤門無長者轍跡欲致一書莫爲之郵坐是闕報心則曠然日馳涓繩間矣邇者復以所著詩帙下教猥以定文屬我余何知哉余何知哉是猶呼聾瞶之人而使之察色辨聲也竊常謂歌詠之道本諸性靈有足衷本斯有是

真著糞佛頭矣

主

迷吐故言也者言乎其人者也非可以貌飾也足下天挺秀逸襟宇峻朗以布衣雄一世抗節有王霸之風赴急有季布之諾秉尚有孺子之清故氣洩而意邈聲宣而理愜誦之穆如味之腴如者也夫近體始于唐而獨擅長於唐開元天寶格調高矣大曆以後情致備矣今之操觚之士倣盛唐者格則高而律或未細效中唐者情則備而氣或少劣足下蓋實兼之殆體裁李杜而包括錢劉者乎一章之內辭既鮮駁一句之中文亦罕類反覆諷詠無可譏評但窺管之見吹毛之論或一意雷同

疊見諸篇全首平善都無警語如此之類更裁定之何如病中草草卒業偕加丹鉛唯大方恕其狂繆幸甚

謝吳門高士扁

姬水伏跡溝壑沐浴大父母膏澤有日矣但漂泊湮阨之人自甘蓬藿之逃媿齒衣冠之列不敢輕謁公門以覲大君子精光唯安於耕鑿爲眷風化雨中一擊壤之民而已伏蒙頒賜多儀祇領之餘省己懷慙至標以高士之目是以蹄涔而準滄海燭火而並太陽汗眩不知所云足蕩不任行履敬遣親弟生員黃文水齋狀叩首臺下以謝伏乞尊慈矜察宥其狂悖幸甚

真著糞佛頭矣

主

與養齋嚴公書

姬水溝壑士也辱長者車轍過存窮巷此雖盛德不遺細小而區區感惠之情自不能已僕嘗一謁門屏而兩過高軒未能數數候荅居者蓋老賤之人披裘帶索髮白面緇每闕趾見賓有靦汗出故寧負慙不敢大踞影取羞也伏乞大人君子諒余心于形迹之外不勝幸甚

荅午山少宰書

姬水委瑣頑鈍荷蒙甄陶誦先王之言慕聖哲之
義思欲跨騰風雲煥耀竹帛以仰荅我公造就之
恩然翼未奮而先鍛足未驤而先蹶雖卑棲駕步
之所致抑亦時之大繆也我公遭明盛之時處卿
相之位毗一人正百官握樞運斗斟酌元氣以惠
元元朝野拭目想見太平而浩然拂衣玄髮滄洲
矣雖清風高節飛照華裔今 聖天子廓帝紘恢
皇綱夙夜圖治伊傳周召未能終處江湖也翹車
之招拭目以俟姬水一違台範俯仰十五年矣望
德馳情寔勞夢寐但溝壑之人絕意世紛惟誓短
褐以事園灌門無長者之轍欲一修候誰因誰掘
昨歲郭侍御以分題命劾鈴槩爲我公壽蕪累之
辭僭塵玄覽方將以狂悖獲譴是懼迺辱遠損榮
示兼以珍貺祗領悚仄山川阻修日月迅邁奉晤
未期豈勝忉忉倘杖屨東遊俾得再侍精光聆聲
欵此生之幸也佇望何如舊作數篇呈師門政竄
兩漢紀一部容易爲獻草草跋復餘唯順時珍攝
不宣

與大司馬蔡公子木

僕天地畸人物情所棄終身坎壈老而愈困無足

爲左右道者但丈夫生世不能取功名自見于時
卽槁死已矣安能以裘索之服憔悴之容干諸侯
取人憐笑乎故寧杜門減景窮餓而不悔也恭聞
超擢本兵之任喜躍無已方今南北二虜爲患孔
棘得執事德隆望重者與尚書楊公正人君子協
典機務自當消弭醜類不恭之心昔溫公嚮用外
夷戒勅邊吏曰中國相司馬矣胡馬不敢南牧我
吳民二三年間得免兵革之苦皆執事之賜也渾
暑唯爲國加愛不宣

與徐汝寧書

徂暑一別忽焉杪秋撫辰懷遠增其歎惋比來道
況想益融釋昔荀爽貽李膺書曰方今天地氣閉
大人休否願怡神無事偃息衡門任其飛沉與時
抑揚之數言者敢爲足下誦之鄙人平生坎壈老
而彌困雖身外事一無嬰心但數口衣食之計未
免俛首役形于宇宙間良足媿恨分韻詩尚未就
以諷詠高藻及青州伯仲諸君之什每握管便欲
撤稿奈何奈何

荅張虛江給事

姬水伏迹溝壑甘心枯槁結縉之中腫瘡之色無

所營求于人人亦不見齒錄久矣迺辱執事繆加
甄藻未奉半面千里遺書以締久要此執事必有
知于僕而僕亦不敢自外于大賢之門也執事宰
邑則稱慈父立朝則稱正人僕與鄉人每語及執
事咸稱執事爲長者則執事誠當代第一流人以
若人而莫之予棄則又私竊幸且喜矣掩關堽處
人事曠廢且無風便闕然久不報

與王進士沂陽

兩辱誨示足見肉骨之誼與先子非生死交無以
及此每讀輒感激流涕先集去冬梓成特遣童齋

高才集卷十四

十六

請勘正先集信今傳後當不朽矣然知先子者莫
如足下足下先子之桓譚也僕之選刻固人子分
內事遲遲者務精耳非有他也被訕口者謂先集
謂未必傳謂僕爲冀顯者助謗諸井蛙棘蠅何足
以知何足爲累哉亦何足較哉其舊板所刻雜著
入之集中似不可棄之尤不可茲以類標目各自
成秩曰象令考曰吳風錄曰河記曰理生玉鏡曰
易繫精義今欲補刻者曰西洋朝貢典錄曰黃氏
定易曰老子玉略曰張氏興亡錄曰會稽問道錄
曰東室寤言曰懷賢傳凡十二種合爲黃氏外集

刻成者先寄奉覽僕平生坎壈太上之立一無所
成忽焉皓首唯了此一事死即瞑目矣聞發憤時
義必欲爲梁會二狀元之事以舒洩鬱積姬水幸
甚

荅趙相公大洲

奉違台範一紀餘矣曩客白下公以吐握之勤下
禮賤士矜睠間駑馬價重感激知遇愚心不忘庚
申之歲携家東還滅景空廬日以周孔之書自娛
服則耕龐公之壠采梅生之芝桂髻短褐與世都
絕自是藜藿之墟無長者之轍夢想徒切瞻敬無

高才集卷十四

十七

階恭承我公際明良陟台階以宰相兼御史大夫
之任咸謂論道之人而爲執法之吏非所宜處殊
不知 皇上在東宮時目覩吏部都察院聽命於
宰相故以宰相而爲吏部都察院此 皇上獨斷
之令典而 大聖人作爲之微權而一二明公又
能精白一心表率庶寮進退百官化殘賊而爲長
厚變鷹鷂而爲鸞鳳天下蒼生並受其福然而爲
臬爲守爲令未必盡副德意者何也嗟乎官人在
哲知人寔難或貌白而衷墨或始廉而終貪或小
辭而大受一人之耳目安能周四方之視聽哉愚

嘗謂黷貨之人不刑以重典不已蓋黷貨之人將以奉其身也身不存矣奚貨之黷善乎渭崖霍公之疏可行也魯女舍其織而憂周晉宰不共七而知防狂悖之言勿加譴責幸甚

與謝山人茂秦

吳客來惠我華牘寄我藻篇荒落之人遠蒙存錄感戢無已足下行譽詩名播滿寰宇賢王築臺諸侯走幣誠一世布衣之雄也僕滅景慕數屏處蓬蒿門無長者之轍所與往還惟韋帶枯衲而已僕竊謂人生不能自致青雲則亦已矣安能附青雲之士爲哉此僕迂僻之性不敢爲通方君子道也

與郡侯王公

姬水伏跡慕莽門無長者之轍不敢越分論禮也如明公者雖身遊德化徒心切景慕而已乃辱降尊臨卑輕身先於匹夫于旌之詠傳播四國嗟乎文侯之于干木仲舉之于徐穉古道不作久矣姬水何人也得此于明公哉高誼鄭重感激感激但椎髻短褐不敢伏謁公庭謹北面稽首大門之外遣弟生員黃文水齎狀叩謝臺下伏乞台照慈宥幸甚

與張別駕

邇辱校讎之命卽迴環諷詠首冊不日卒業矣及覽第二冊則病甚目眩不能讀乃召家弟河水於榻前令渠朗誦余則靜譯至於聯篇之賞會或片字之譏評皆竭自愚衷而輔之以家弟之揚確者也若以疾故漫不加定竟付之家弟則不佞不忠于左右甚矣豈敢哉豈敢哉其所揭之票所上之書所呈之詩皆門人邢生所書可詢也家弟不以直告公而爲之辭則是爲兄不當隱而隱過矣過矣聞言駭汗深慮獲矣輒布區區唯照察幸甚

高素齋集卷之二十五

吳郡黃姬水著

行狀三首

伯父中南府君行狀

伯父中南府君長余父二歲後余父二十四歲而沒自余之喪余父也視伯父猶父也而伯父視余猶子也乃今已矣纂行述德余小子事也曷忍哉每握筆輒悵然廢矣府君諱魯曾字得之自呼爲中南山人黃氏之先河南汝寧人也宋元兵興間高安公徙家袁州高皇帝馭宇封功樹爵六世

高素齋集卷之二十五

一

祖昭信校尉斌官于吳遂爲吳人焉斌生信信生景暉陞授武略將軍景暉生暉暉以進士起家任刑部郎中暉生異府君異仲子也賦性英特敏慧絕倫髫髻與余父五嶽山人同就塾師卽能日記千言屬對如響刑部公嘗語人曰此吾家二驥也稍長游思六籍傳誦精研與余父並振駭苑翮翩稱俊江東矣弱冠爲邑弟子員治易摘義皆肝膈精鍊語一切世儒章句之書不涉於目唯玩經懸解而已丙子應比南畿大宗伯李公廷相得府君卷亟加嘆賞擢置第一曩時進呈錄文咸出主司

高素齋集卷之二十五

二

之手是錄獨刊府君論一道不更一字後數上南宮不第一日同年崔公桐爲少宰謂府君曰子日暮矣時乎崔隲勿復失也今禮曹司務員缺子少屈志可乎府君笑曰豈有黃生不第肯泐忍一官哉竟眇然謝之人每勸其謁選卽厲聲許之曰咄嗟乎汝真區霽人也安知余哉夫仕以爲道非爲祿也居今之世非進士不獲行志黃生苟不入進士籍寧槁死蓁壑耳胡能俛首低眉爲五斗粟計哉歲己未年已七十餘猶擔簦都門往來張灣皆徒步海鹽王君文祿國士也亦遲晚下第盲瞽俗目不調選而歸時嚴相柄國聞而奇之願見二人二人不往曰彼竊位者安能爲邪奚趙子文事乎及屬續猶亟曰促裝吾北上矣齋志下泉嗚呼痛哉林屋友人徐君縉詩來哭之曰一經隨牒罷萬事蓋棺休蓋傷之也嗚呼痛哉府君自領鄉薦卒業成均坎壈四十年甘心韋帶至死不悔其視今之求仕者雖墮尉之卑以髮白齒墮之人奔走險速詘腰撓膺媚悅其上官至詭呵咎撻不以爲辱者何如哉府君肯爲祿仕則一州一縣之印可佩竟不屑就牢落窮死此其志節亦足尚矣府君長

身偉幹風儀秀朗寡嗜慾鮮飲食儻蕩怍直動與俗迂里中逢衣之徒不與往還見之略不加禮有少年新第者謁府君府君箕踞瞪目曰豎子遽如許耶至宿儒鴻生卽蹠屣傾衿虛已咨質勝氣疎才闊略世務然天經克奉人倫攸歸先是大父蔭菴府君暨大母王碩人夙夜營窈贊而鉅萬卽遭家難業就凋落伯兄孝曾少嬰羸疾不祿府君與余父烝烝色養務悅大父母心及大父奄棄僅遺居第悉推諸幼遜處采椽育孤妹治奩嫁之今肥城縣令錢君用商配也生平寡合不妄比一人早

高士傳卷五

三

歲相與締密者則有皇甫進士冲司直濬稽勳汾水部濂王中丞守太學寵四三人而已最後一二忘年之友皆國中豪儁或評騭藝文或切劘道術面則直諒背則標獎白頭如傾蓋焉所著詩歌文賦會萃衆家不專師尚取所嗜書讀之俾漸漬融液于中然後涸思極慮裁出新範錄以偉詞文喜左氏傳莊子離騷司馬遷班固書詩喜曹植謝靈運李白岑參王摩詰孟浩諸人嘗曰有疑疑於聖人無疑信於常人若左之精華之曠騷之婉遷之直班之腴植之健靈運之縉白之逸摩詰之麗浩

之澹吾挹其神擷其菁以洩之於言而已奚啻昔人舊轍爲哉凡有述造寓心霞表稍涉埃霧卽撒去之故稿多不存右閭一集未盡所蘊仲子河水方哀採銓次未能也暮齡耽賞泉石頗與塵冥居邇闌闌樂履清曠體擅濟勝便於登陟於是結釋侶於東林訪仙蹤於西市余家南城室多竹樹數數過之過必嘯咏畢畧目余爲阮家阿咸也卒之前數日過余時芙蓉爛開卽解帶流連素不善酒引滿酣暢月出送歸至吳宮原上臨別謂余曰詰旦當復過汝偕汝往定慧寺僧假涅槃經一覽余

高士傳卷五

四

敬諾期逝不至府君病矣棘趨候之病甚矣遂違不諱噫乎庭花未飛林月猶挂而青苔履綦不可復再矣向之欲假涅槃經於寺僧者豈遂成讖邪嗚呼痛哉府君學決如揚雲言妙如君房優寒場屋卒居空鄙庸腐人下良足悲也然府君文章雖不售于當時可俟知千來後且奉親有孫畧之懋侍兄有顏舍之篤分財有薛包之讓抱女有劉平之義交友有王仲之誠履方修正細德靡踰其躬行又彰彰如是卽窮死無憾矣若以一第爲府君少則桑樞蓬戶不及連騎之榮而纖履孽繭果歟

萬鍾之富哉府君生弘治丁未三月朔日卒嘉靖辛酉六月晦日享年七十有五娶徐氏都御史徐公源之孫少繼娶蔣氏側室趙氏刑部主事陶公瓚之女甥男三長道美郡學生娶郡倅顧公某女次道貴蔣出娶金氏次河水趙氏娶某郡博戴公冠孫女皆郡學生女二長適項元澳兵部尚書項公忠曾孫次適曹文昭孫男三人嘉瑞郡學生娶曾嘉德聘韓道貴出嘉玉嘉璧嘉賓俱幼河水出孫女五人長適盧應鯉郡倅盧公某之孫次適溫子傳翰林編修溫公應祿之姪餘俱幼道貴等卜

高壽集卷五

五

某年月日奉府君柩葬於吳縣梅灣之新塋姬水撫拾梗略敷綴不倫言既蕪疵事多缺墜嗟乎考諡無下惠之妻禪技有叔師之子昭銘不朽必資同好南岳幽居表節乎始安之誅太原明德垂烈於中郎之碑唯大人先生俯加采焉姪姬水杖淚謹狀

江西按察司僉事進階朝列大夫震洋趙公行狀

隆慶四年庚午七月十有三日震洋趙公卒姬水承諱病弗克走哭八月朔旦厥嗣樞生遣其子雲

蒸匍匐詣余泣再拜以行狀屬余公與先子五嶽山人同舉於鄉姬水寔通家子義不敢辭敘之曰公諱汴字伯京震洋其別號也趙氏之先自七世祖子安勝國時始家吳之常熟璜涇里後置太倉州割隸其地遂為州人世以道義名德望于鄉里再傳生聰寔公之高大父聰生謙謙生璧至璧而業始大纂緝譜系知胃出宋王牒南渡時避居吳中人不知也璧生四子公父一蓬翁璧季子也仕為直隸河間府知事以公貴封大理寺評事公賦稟卓異敦厚穎敏髫髻時偉然有大人志一日侍

高壽集卷五

六

一蓬翁謁李文安公公大器異之曰是必大而宗者一蓬翁勤于教子延陟必海內鉅儒公精妍六籍博覽諸史洽聞強識含咀道腴屬文舉筆便成宛若宿構十五為州庠生即居第一後每試輒雋目為東吳才子督學御史蕭公取列郡異倫之士考決魁解得公及揚州去斗松江沈愷三人曰某為書第一某為禮第一某為春秋第一後悉如其言郡守胡公招選郡中諸文學揚確藝文潤飾吏事公首與焉當是時公榮名藉甚愈自謙退恭雅略無浮靡矜誇之習人以遠大期之辛卯領應天

鄉薦第一試文一出海內傾視爭傳誦模倣焉蓋公生當正德嘉靖間天下文運方興德行道藝之科廢而專尚文辭公覃思極詣一時雕鏤藻績之功粹然莫尚自是崇習日衍日麗不可復加公實有以開之也公始發解都人士瞻望稱嘆傳言今秋解元已老不謂更少蓋公馳名早期望素故也戊戌舉進士授浙之蘭溪令蘭為八省通津使舫輻輳公調度有方費約用給降寒濤暑展體靡懈或出應賓客雖涵浴後猶不解巾帶庭無滯訟案無稽牘釐弊剔蠹百弛咸振縣治火繼以大水公

不盡其美

七

經畫賑恤民忘其災焉時漁石唐公楓山章公為邑尊官門有請託公一不假借人不敢干以私發奸槌伏境內肅如也興學校藝甄拔髦俊皆獵魏科躋顯仕自是文學博士蘭始彬彬矣監司行部得公廉幹狀稱為良吏薦書交上銓部行擢擬注臺諫給舍部有素銜公者排阻之授南京大理寺評事公啓書折獄哀敬自持有所讞議允經愜理廷中稱平民以不寃癸卯九廟成覃恩賜封由是一蓬翁始受章服之榮焉未幾歷右寺正尋陞江西按察司僉事掌屯田水利兼理倉糧兵備公

以一蓬翁年老欲乞閒就養翁不可乃就道居任閱月巡軺泣楚藩王聞公重名執禮候謁盡恭長戍衛士方荷戟負鉏喁喁望買父之來而公已承一蓬翁之諱旬旬奔還矣執喪焦毀行服墓次庚戌服竟羸瘠未能赴任辛亥當考察期公以儉人浮詆降職左遷癸丑罷母某夫人憂執喪如初時島夷犯徼公與二弟捐金百兩粟百石佐守城費上官義之徵有司禮幣致謝及題三鳳堂扁以褒異風諭焉避寇徙郡城故廬悉燬於夷曹夫人復下世遂絕意仕進丙辰有當道同榜者知公最深頻以書來動公曰朝野傾佇勿失時也勉治裝北發逮揚疾作亟返旆抵郡病甚矣眩瞶幾殆樞生窮治禳進膳藥經歲向瘥乃杜門養病良時吉日則召親朋擊鮮醢酒考鐘伐鼓留連歌吹畢日忘疲暇則總轡湖山舒心曠目靜賞泉石有終焉之志或勸之仕歎曰夫仕非徒榮其身也將以毗國阜民也不幸讒廢弗獲少展其志命也亦已矣老復何為哉若但以祿爵則性分中事終不以外物加也侍御尚公按吳下車卽造公廬曰服公問素矣以公之才豈宜耽處閒散也特厯禮幣勸駕公

不盡其美

八

卻不受爲書陳謝曰丘壑之人絕跡朝市久矣林樓淵宿各從所好也丁卯今上皇帝馭極詔天下方面官五品以上得一進秩公以例復原職加朝列大夫時訢訢豫也已已秋忽復臥牀樞生遽遽延醫公笑曰吾亦知醫吾病病矣投七無益也奄盡大命惜哉公平生不慕虛譽不爲矯激可喜之行與人外和易而內嚴毅人皆愛而憚之處族黨親舊未常有煦煦之態遇事輒赴其急人感服不忘自少敏學無間畧漏弱冠始室卽晨興佔俾多在雞鳴前一老嫗執燭辨明而出夜分而入晝日不踐房閨曹夫人嬪公半載未識其面及登第四方生徒雲集閭舍講授其中橫經籍書鈎纂不輟特不勤著述間爲酬應文字輒駢麗精絕常曰今世拈筆爲文詞率多白士欲藉聲譽以取世資若宦成名立何復勞心蟲篆與之較短長耶有詩文簡稿及駁稿藏于笥公精通醫技下及農圃卜筮陰陽諸書靡不覽究獨不解神仙事旣得疾始延方士求導引長生之術霞篇蕊笈窮搜極討矣公三仕一介不苟取及居鄉不肯廢著書財以與時逐唯農畝所入歲以輸官而無羨餘常曰今世

仕者率多漁獵於人以自封殖吾惟世業田宅是營而已若稱貸以取贏市肆以要倍吾不爲也夫苞苴之防應培民財也鷄豚之戒恐牟民利也而殘賊之歌于小雅者正今日矣公獨在官則著食水之操在家則有拔葵之仁亦難能哉公抱蘊雖弘履辰則繆然宰邑樹鳴琴之績評廷流泣筆之恩若使假之以位其猷爲又何如也卒骭髀弗究所施何哉嗟乎執戟空疲一時興拓落之歎衡門無改自禩垂清白之聲今有位峻上台名齊北斗轉眼身損名頹爲世觀笑者視公所得孰多哉且損益盈虛時乃天道嗇於其身將必豐于其子孫樞生學贈文雄行醇才妙布衣蔬食世祿等乎寒門遠性冥心章縫同于遜士誠國中之秀而江左之英也諸孫器識儔朗歲謝林寶樹克昌厥後必矣此及公不盡之所留也撫拾梗槩綴以蕪詞唯大方君子擇焉謹狀

孝廉玄雨凌君行狀

隆慶壬申歲十一月十四日丙申吳興縉部凌先生葬其仲子于慎漾之原先是以其伯子湛初所述復略走書黃生曰欲爲仲子謀不朽則兒湛初

謂不得黃先生狀不可伯子書曰黃先生足徵也
噫黃生惡乎足徵也略固爛然文矣至矣乃稍爲
詮次作狀狀曰玄雨凌君諱潤初玄雨其字也凌
之先自三國迄唐代有聞人仕宋爲平章者曰夏
仕元爲秘書少監者曰時中爲翰林直學士者曰
悉翁悉翁生均德始自安吉遷歸安均德生賢仕
高皇帝爲治中以剛正謫去宣廟時有上治中
名者御製招隱歌召見命偕司馬總臺政不拜書
賜常孝褒遣之治中生晏如精六書之法工楷篆
以布衣歷都察院右僉都御史都御史生敷贅烏

高皇帝集卷十五

十一

程遂爲烏程人敷生震爲黔博士有文名博士生
約言爲尚書比部郎晉階朝列大夫比部生通知
憂爲繕部先生母包氏玄雨生而英異美丰容髯
鬚卽秀髮不凡五歲就塾逾年通經九歲屬文甫
十二卽睹作者之奧凡有著造不煩臆索輒同夙
構蓋靈根頓悟卽超玄昧操觚染翰每自許于世
無雙人亦目爲異童子矣嘗與所雅善陳君當獻
讀試策一過卽掩卷謂曰若記之乎曰未也玄雨
吐所記不失一字陳爲驚服大父比部公在家嚴
毅勤課諸子弟文諸子弟懾甚難一見卽見難一

言玄雨每謁見必自請題隨命隨蒼馳辯如流公
獨器之嘗從公語及射策公書出王文成五策觀
之曰此業舉者要領也玄雨手其書揭一過卽棄
去公心怪之曰奈何曰不敢也卽五策中所謂要
領者畢解矣因琅琅覆誦益以譏評公大喜曰此
兒殆優于七過萬言者矣公嘗覽伯子所爲文若
詩顧玄雨曰難兄乎玄雨笑不應公則又曰夫文
安始而可曰難言也夫文必有馬卿之風骨長卿
之波瀾而嫻以左氏之辭藻然後炳炳麟麟光耿
於人矣不然惡親其可者就令所造寔兄不猶假
設得讀書半年則擗朽磨鈍鉛刀或能一斷也比
部公嗟然曰曹子桓如此何問子建哉故知不難
一兄矣居嘗絕無玩好不嘖人過不及談俳從諛
之說更不喜言錢穀或言錢穀卽面訶曰奈何乃
公前驚鴈耶尋以淹病療倒遂翻然歎曰吾寧然
傷于關雎而爭尋常哉吾聞山陰南至臨安多有
金堂玉室仙人芝草陳安世某季偉左元放許邁
諸得道者皆在焉吾將浪迹其間乎鶴上之人或
可揖也乃自西子湖南屏登五雲三竺散髮狂吟
索筆書長句一篇鐫之崖石頂之披病亟歸歸且

高皇帝集卷十五

十一

急戒戶者亡通客而故所善客來輒起逆之有楊子者寔甚不繼廣而與貂貴人游不恥者也謁玄兩玄兩取析衣衣之周人之急貸貴弗惜人負之絕不竿量姑夫人四弟二稍貧玄兩事之倍諸姑歲時問遺病爲營醫藥曰富者不必問貧者可念耳伯子好楮古必物相當值玄兩喜有弗當輒虧然不自聊曰噉噉之貨其利幾所而又若負何然爲膏伯子所善客某者故世交亦粗善醫所貿易必屬客客因以贖本籍某鬻伯子與之金伯子後覺而馳還之玄兩不可而言客于伯子曰客謾固

東坡志林卷五

十一

客臯意者卽客且弗問寧問客所籍某願耶日丁卯君嘗嘗試謀于玄兩曰吾欲讀易而難書之義若何玄兩則爲治書文三百首是時方縉暑汗淫淫下揮管不輟夜不三鼓不就臥遂病然嘗試時猶強起著冠焚香籲天獻欬泣下人問之則曰陳故貧不第呼庚癸矣伯子病雖病力必問偵起居與人言但及伯子歿則涕已承睫曰天不考胡令吾病病之也伯子故好琴每受琴于人輒夜以繼旦竟以琴故復病後覘知伯子琴必攘去曰我豈惡于琴哉誠不愁病肺不憊其及也已已歲太侵

客謁伯子曰誠于茲居米數百量可倍稱伯子不可謂玄兩亦不可復寓書伯子曰頃兄不可客議甚幸甚幸兄無長貲卽一倍之息豈不能爲兄助客議良是然非仁人之用心矣且奈何激天幸哉卽利相什亦賈人事耳客可絕也伯子受室故事室必有簪珥伯子所得倍焉母夫人以告玄兩曰故知若負謀益之矣玄兩矍矍久之乃曰兒難薛包哉籍令十半兄何害也且是以爭合矣玄兩病彌留日者言委禽當愈於是大父母使人私焉玄兩堅謝弗許謂私者曰病如有不可言婦已矣父

東坡志林卷五

十一

母何以自寬當俟病瘥議之耳屬續之前二日伯子脈之玄兩執手訣曰不復年矣伯子泣數行下玄兩張目曰勿哭哭且奈何弟生死吾兄弟比以病而弟濱死今使兄痛于我必致飭無乃以我故而行憂于親耶且吾兄弟夙興夜寐思以樹立以光昭祖父之烈迺今不獲一日養以死傷哉命乎然兄在卽弟死瞑矣勿痛于我以行憂于親也明日醫有以水中金薦者時已口噤弗能言猶謂伯子曰恤恤乎以若所爲不脫矣夫藥可率服耶是夕玄兩分必死而故詒母夫人與伯子曰弗事

夜半乃與繕部先生訣曰兒無生命矣顧毋兄不堪也兒且別父奄然而逝玄雨強記博覽嘗謂腹中無鄴侯馬牛襟裾耳故凡六籍子史百家之書靡不漱潤寒芳擷其菁英下逮覆逆之患藥石之術琴博之藝皆不習而盡其妙又天才橫發瞬息千萬言一矢口卽藻績盈目矣其殊絕之資宏瞻之智直欲以文章陵轢宇內彼莢莢甲乙之科豈其所屑哉至於蹈藉位勢而折節賤貧畔岸絀絀怵迫之徒而燕昵恢廓不羈之士雄心勝氣可使豪傑之士遁迹靡前夫倣儻非常之士嘗睥睨一

高齋集卷之三

十五

世者非固然負已也其踔絕之識視彼庸衆之言僕邀之行直糞蠅視虱耳于玄雨何尤哉玄雨非倣儻非常之士乎哉玄雨生嘉靖辛亥七月十五日卒隆慶庚午十二月十六日享年二十黃生曰蘭摧玉折古有之矣如王延壽王勃王寧林傑之流皆以童悟早夭無足怪者若玄雨者孝友之性處仁積義庶幾尊行君子之風迺蚤夭何哉噫天道報施已不徵于顏氏子矣夫麟踞周野麟非不瑞出非其時也今玄雨之娠也母夫人夢緋衣人指之曰霖雨天下潤澤生民然則假之以年未必

不爲世瑞則玄雨者固麟也而竟踞焉豈亦出非其時耶謹狀

高齋集卷之二十五

高齋集卷之三

宋

高素齋集卷之二十六

吳郡黃 姬水 著

墓志銘五首

明威將軍蔣君邦士室張恭人墓志銘

蔣君邦士余中表弟也一日持狀詣余泣曰余喪
吾妻如失良友余又悲夫半生糟糠方沾寸祿弗
克享以死然壺行有足述者予其銘諸玄壤迺按
狀敘之曰恭人張姓父襲母曹氏世居維亭爲吳
閩族自大父籍娶於戴因徙家尚湖龐壠遺安鄭
門繩義恭人生有令質端靖婉慧稱秀閨房父鍾

墓志銘五首

愛之慎所擇對託婚蔣君十七來黜敬順勤儉善
事其舅昭信校尉守竹公及王安人王安人晚歲
多疾恭人代主內政巨細必諮居嘗菽藿至供祭
羞者則必潔必豐守竹公受任三十餘年居官清
白請老赤貧蔣君襲爵上郡恭人悉解簪珥以給
行橐蔣君登壬戌會武進士陞授指揮僉事明年
癸亥 欽摧把總福山港守竹公命携恭人往又
明年倭夷寇三沙境中騷動人告蔣君曰必歸而
室蔣君心知其不可問恭人恭人曰吾子將屯於
此民望攸屬人心一搖不可復制且子守在封疆

安問家爲蔣君曰正合吾意乃抗旌振旅邊鄙遠

寧蔣君被論家居恭人輒相慰勞曰修職由已讒

口由人苟心無愧忤毀譽奚恤焉恭人益勤苦操

作遣丁奴力耕率婢媵以勤女紅故蔣君千役海

徼而無不遑將父之歎皆恭人之力也性不喜紛

華見人綺繡珠翠之飾心竊鄙之曰是得爲婦容

乎吾聞服有章寧綰無靡蔣君女兄若娣嘗館於

家恭人友愛惇至視諸甥如已出敦族睦嫺逮賤

御下一由於禮而過於厚死之日聞者失涕恭人

女而婦不遂其天年一疾暴卒蔣君以王事不及

墓志銘五首

視容悲哉恭人生嘉靖乙未三月十六日卒隆慶

戊辰四月二十二日享年三十有四子一秉越聘

潘氏女二長字袁貞度次女幼以是年十一月九

日甲寅祔葬于吳邑西橫山祖塋之次余密親知

恭人賢蔣君之狀爲不誣是宜銘銘曰

誕自德門歸于華胄玉穎蘭芬有齋尸豆進規樂

莘名成學就綸翟既膺縞綦安陋克孝克惠天性

仁厚春華忽彫埋芳松岫微音永垂雖折而壽綴

懿貞珉以詔來後

明處士雪舟吳元墓志銘

雪舟君卒之明年其季子堯徒跳百里縑杖詣余謁銘持伯兄石麟狀再拜泣曰父有善而弗彰非孝也彰善而過實亦非孝也唯是錄先人之行無溢辭焉余心嘉歎與之言則倣儻瑰瑋士也嗟乎父者子之表範也觀影知表視形見範君之為人從可識矣迺受其辭而書之曰君吳姓銓諱自號雪舟主人吳爲泰伯後代不可考勝國時名勝楚者始居江陰之華塘再徙青陽遂昌厥緒勝楚生祥甫以逸材應高皇帝辟拜官湖廣觀察辭不赴歸以隱終祥甫生洪洪生玉玉生章爲時雄俊

高皇集卷六

三

有南園漫叟集播在藝林則君之父也君負才悃愿修正履方少讀書熟記精研每意所融解有經生所未及者但詞乏葩麗不悅時目無何歎曰吾人誦習先王之言貴身被服之耳安能緣飾空言以求售有司取富貴爲哉遂舍去寄迹農賈之間操奇贏遊都市則屏居一室展籍吟諷不與販夫駟僮交一語省視簾裝雖暑月必衣冠而往容止有常度不失嘗曰賈以殖貨吾以殖學農以治田吾以治身疇曰賈賤行農鄙事哉君飭躬砥節以孝爲本嫡母陳氏庶母周氏繼沒君非陳出其執

喪善毀一也南園翁獨居外寢君設榻其傍祗省匪情每中夜聞咳聲輒披衣執壺就之雖嚴冰不憚也晨羞夕膳必具甘膳先意察色在樂其心見翁心有不懌卽終日不食婉道曲諭務底于悅而後已君巨室僕御寔繁而奉親之舉每事必身爲之者踰三十年此恒情所難居南園翁憂哀至殆于毀滅三歲未曾見齒聞君在孺時父母有疾則戀其側童輩引之嬉戲不忍舍去蓋天性然也時人爲之語曰養親匪難養志不易古稱荀侯今有吳季君可謂孝子矣昕朝盥櫛恭謁宗廟一日

高皇集卷六

四

若有使之去者方奮武梁木忽墮人以爲孝感所致云至若事寡嫂猶母撫孤姪猶子睦族恤鄰贈匱救喪息爭有陳君之化掩骼有嚴仲之義聞人之善欣若得聞人之惡慙若失皆其稱著人口者君偉幹蛟儀不喜飲酒不妄言笑燕居無倚側之態望之知其端人也居常教子則曰今之文章非古之文章也吾願汝曹爲善人已矣無徒藉佔俾爲謀祿計也汝曹以祿養無寧以善養乙卯歲倭變仲子兌死義今從祀邑彥廟庭季子若孫綜學樹行咸國器也其道行于子足徵矣君體至性以

標懿秉幽貞而翰尚使當禮賢聘才之朝則玉帛
賁于巖穴雉膏登于鼎寶矣乃竟淪翳慕茹悲哉
悲哉然不盡之慶天殆界其後之人也銘曰

吳以國氏肇自姬伯青陽之宗世垂令迹資靈稟
淳爰誕碩德循陔采蘭集包藝稷暨暨蒸蒸克共
子職生也不忝含笑瞑沒維皇弗僭來葉其奕松
區是剪永奠玄宅薦辭不媿勒此貞石

代處士守謙陳君墓志銘

嘗讀逸民高士傳每嘆丘園貞遯之士非今不逮
古也蓋聖后握乾仄席幽人旌車賁于巖穴有朝

五

五

板築而暮該輔者矣炎漢以降州里舉辟之典不
廢故雖寢巢匿數長往不反而華名耀世矣自夫
科試取士秀民咸由此出然有擯遺憔悴于江海
之上者槁死牖下而無聞也悲哉余于處士陳君
之沒重有慨也夫按狀君諱騰字守謙取空谷自
芝之義號蘭軒主人裔出潁川長太丘之後世居
浙之龍泉溪頭厥後徙家松源故又爲松源人曾
大父子昌大父繼厚父昇代有隱德君生而穎朗
夷粹峻卓研討墳策心暢理籥少孤奉母范碩人
至孝閭族稱焉既長筑立患於任衆調繁一日廢

卷而嘆曰丈夫貴樹行耳彼富貴奚界焉况如機
筭龜昔人所畏乎遂棄舉子業詠嘯泉石安排無
悶然日以觀覽自娛凡古人興亡輒洞其要善談
論捉衽之下卽能傾座性雅好客客亦樂與之交
非附援也晚歲慕冲舉之術雖堪輿未伎無不旁
曉治家課子動中樂度里人化焉揆厥素履殆亦
古隱君之流歟君生正德壬子四月八日卒嘉靖
壬子三月廿有六日子二長應祥娶某次應科娶
某孫二長璇次璣應祥卜癸丑某月某日奉柩葬
楓林之原窆焉應祥綜博芳茂爲學官弟子員聲
譽籍甚嘗從余游故余知君特深君卒之明年予
自南闈出守吳吳距松源路千里也應祥袒跣徒
步遠來乞銘余夙嘉陳君之行且應祥孝誠有感
我衷也吏事之暇含毫述懿銘曰

燁燁華宗德星是紹蟬蛻累埃霞鑣遠蹈孝慈率
躬檢鏡攸歸皓首抱經偃蹇巖棲有子克繼藻雅
翼翼奇身豐後天道靡忒松喬願學年命有涯黃
金難化埋玉空嗟閩江潯潯玄臺永宅於千百齡
垂芳貞石

太學生子雲沈君墓志銘

余與沈君伯氏趙州仲氏儀部友善因識君乙卯歲余客金陵君游南雍每解鵬鵠飲我日益契密及還吳數復遣訊申以壚頭之約詎謂遂成河山之慨哉已已暢月厥嗣士醇持所為狀率弟汝臣乞銘于余又幸君之有子君其不死矣按狀敘之曰君諱應龍字子雲別號檜臺沈為常熟名族代乘隱尚曾大父某大父海以進士起家進階大中大夫生韓癸未進士終曹州守司儀虞司城則君父也母張氏繼程氏君生而穎異讀書一過千言長與伯仲同門學父沒析居自業庚子伯仲同

事蹟卷五

七

領鄉薦君嘻曰吾獨不得為河東鳳乎悉謝家務下惟精誦學日閱肆庚戌督學莆田黃公校藝補太倉州學弟子員是歲仲舉進士甲寅授南京儀部郎迎養程安人君事程安人若孺慕然不忍姓步離迺援例入太學奉程安人于仲邱君因卒業太學少司成雲間朱公亟賞其文乙卯戊午辛酉凡三試不第仰天嘆曰噫乎一枝之羽不能千仞命也奈何雖然丈夫生世所以顯親揚名者貴不辱耳奚獨一第哉君益砥礪名節吟諷典書折節與碩儒鴻生游思欲獵德林騁詞苑為江左第一

流人胡竟澹死朝露哉君孝友天植痛早失恃歲時灌獻必躬必潔程安人有疾嘗藥輒禱昕夕不解帶大中大夫暨曹州司城三先生之祀鄉賢也君寔贊伯仲是圖焉伯仲宦中外餽問無缺未嘗干以私君事兄甚恭伯仲亦獨厚愛君歲侵出粟賑貸設粥以食餓者梁塗有圯損皆繕葺癸丑邑令王公以倭警築城君首割園林之半為內池奇石異卉悉置不問焉性剛方倜儻峭直與人交洞白無它腸聞佳山水近則躡屩遠則泛鷁服駿窮登盡涉不以為疲園有清白臺日列古鼎名畫焚

事蹟卷五

八

香晏坐其中客至即擊鮮醺酒厚具樂飲每至夜分其豪舉如此居家肅而有紀御下嚴毅訓子延禮高矩以忠厚孝弟學喚吟七字書几上朝夕提命莫匪義方今二子充禪家學藻雅不群皆君蒙養之功也君生嘉靖甲申十二月十一日卒嘉靖癸亥七月三十日享年四十子男二長士醇娶錢氏侍御公孫女也次汝臣娶程氏女適錢懋功士醇以母命卜某月某日奉君柩安厝于虞山西麓祖塋之次君之卒也二人方童穉越六載而後克葬嗟乎離陵谷未遷無俟聊人之誨而松楸載植

何殊季義之營銘曰

高華之族甲海虞一門累葉朱紱紆誕生英儁才
且都玉昆金季德業須弱齡已列逢衣徒虎圍齒
胃稱楷模擯無桂飾空韞珠飭躬孝義寧非夫吁
嗟抱志泰嶽徂越年唯六長藐孤龜著協靈刈蔡
區歸然潛闔閭黃墟我銘貞石繁厥膚考名千載
永不蕪

金君良才壽藏志銘

黃生曰適來時也適去順也去來寢覺耳人以有
涯之年隨無涯之知而顧鰓鰓以營丘銘壙為諱

高素齋集卷二十六

九

何哉先是金君於隆慶某年胥吉土於吳山之麓
躬葺玄廬至萬曆癸酉介余舅氏俞先生良史持
陳博士應龍狀乞銘於余余作而言曰金君之為
是也其曠達有同於趙岐陶潛可謂無怛化者矣
爰稽行述德為之銘曰

帝吳衍裔金天長句吳之派族更良靈善以世遠
發祥魁梧疏達誕璵肪任能經業家阜昌軼材踔
行服衆芳行年七十貌堅強松區手翦湖山陽崔
嵬潛闔何鬱蒼百歲言居壽未火千秋保有其永

康

卷之二十六

高素齋集卷之二十七

吳郡黃 姬水 著

誄辭二首

史母周孺人誄

周孺人者史太僕玉陽先生之元婦繼源太學之
配承東孝廉之母也史為漢壯侯後周為晉孝侯
後家範所崇節義有自矣嘉靖三十有九年十二
月周孺人卒嗚呼哀哉百歲同歸雖遂下泉之願
一朝失怙豈盡終天之思況夫諾舟矢志揚衛姜
之貞風徙舍勵修踵孟氏之芳烈不有纂紀微音
曷貽余與孝廉誼猶伯仲泫然操觚以荅授管為
之誄曰

高素齋集卷二十七

誕自華閭稟茲淳懿柔惠端淑四德咸備道遵師
氏教本性成旁習墳典炳義含英父母愛之相攸
是慎君子作求克恭克順宜其家室問于姻宗君
舅君姑婦職是供曰賓曰祭勤于主饋綜理內政
拮据靡瘁哀哀內姑為仲父嬪念彼少嫠扶昏掖
晨君姑有疾百方治療衣不解帶躬親澣溺居喪
毀瘠克慎其終二世王母送養亦同相厥夫子朝
弦夜牘匪曰辭章大儒是鼎科場屢躋通駁才名

乃應秘選客死于京嗟哉孺人聞訃幾絕命子扶
櫬千里灑血子方弱冠女在提携忍死鞠育銜辛
茹悲劬勞義訓斷髮拔葵昔在岐嶷口授詩書及
長就傳海內高矩榮養不逮忽焉黃土嗚呼哀哉
鳳剖鏡兮鸞分凋遺雛翼兮命不留雞豚捐養兮
空椎牛嗚呼哀哉寒風吹兮總帳塵縫衣在笥兮
啼慈親友人迷德兮銘素旌千秋百禩兮垂頌聲
都御史思質王公誄

都御史思質王公卒于嘉靖庚申十月一日未克
葬今上皇帝馭宇纂隆釐典湛恩渥洽子世貞

匍匐詣闕上書 皇帝詔復公官隆慶已巳十一

月九日始奉公柩永奠于項涇之陽嗚呼哀哉公
與先子五嶽山人同舉薦于鄉姬水寔通家子綴
蒙甄識奉德不忘世貞世懋命姬水作誄嗟乎賤
不誄貴勿不誄長然陳思誄其兄平原誄其祖情
之所鍾遂冒斯義嗚呼哀哉千古冤衷雖洗雪于
一旦十年寒魄竟莫返于九原追唯往昔酸怛涕
洟爰述懿烈綴茲素旂其辭曰

華盛惟王累禩發祥文獻司諫先後裕光學正來
宦啓宇我邦迨乎司馬積仁厚龐薦生鴻哲貞夷

明粹嶽神川德吐符洩秘性稟忠良瓌姿偉氣軌
精邃奧綜括羣藝登名 帝籍作彥金門行人授
圭錫期王藩載擢臺卿肅紀桓桓 存儲出閣三
事匡言忤貴擊邪斥罷權閹視鹽河束簡嚴黃沾
代狩荆襄澄清攬轡墨吏奔突巨豪剪刈竹箭菁
包咸爲薦士庚戌之秋醜虜內侵公曰通州寔控
上京設機拒守儲聚不驚晝夜登陴環甲浹旬使
騎莫渡畿甸謐寧惟 帝念功超拜中丞公益盡
瘁經略籌畫首疏捐帑閔茲鋒鏑繕城置堡郊保
是益周覽疆場嚴備阨塞建以重臣戍以銳卒治

餉轉芻蕘時風給逆帥驕恣貪謀自誅繼是出撫

青兗再轄浙閩倭警孔棘簡命有廷展體宣猷選
將厲兵天鉞所指震蕩曝鯨大猾斃擿互市不行
三江不波青徼靡塵歲在甲寅胡騎深入殺將覆
師我圉孔棘維 帝曰咨孰當愼敵曰公貞忠爰
降手敕越民遮留公轄遂北乃請金錢是賑是恤
爰整我旅殊死衛擊儉狃于襄獻倖授賊明年乙
卯移督薊遼公以身殉繫頸心忉迺集衆思盡算
羅韜分屯險地授戟雄驍中權制勝奔命靡勞焉
縻柔懷降質徠招遼左一捷威振九域効績如可

舉麾若雷石溝喜峯望風先摧守則山峴戰則川
隕方叔召虎異代同才烏乎哀哉權相忌功媒孽
斯起十八字帖深誣巧詆外則相客給公解組彈
以譁辭中以飛語逮繫棘林傳致命理被以危法
竟殞西市烏乎哀哉錯以益傾飛由檜扼華亭喚
杳廣陵絃促繁霜晝飛精曜朝匿氣貫貫虹血應
化碧善人罹殃是遵何德烏乎哀哉 今皇秉籙
恢綱廓絃覃澤汪濊景鑠聿新子抱冤狀飲泣叩
閭 帝咨岳牧功錄辜伸錫厥褫服齋恨庶平父
忠子孝各完令名烏乎哀哉時維陽月玄冥在御
龜筮協貞爰闢埏埴松區既剪靈舫攸屆短晷汜
頽朔麗淒厲鳴駟咸悲步鳥亦淚長夜不晨潛闔
永闕援札寫思攀慕曷已烏乎哀哉

高素齋集卷之二十八

吳郡黃姬水著

疏七首

正覺禪寺創世尊殿募緣疏

夫漢庭感夢秘函分譯於千花梁壁無言心印密
傳於五葉由是天竺白馬普建于中區須彌青鷲
偏管于南部迄我 昭代 高皇睿聖每云佛教
實而不虛演小果則化凶頑而善良悟大乘則立
本性而識宗旨浮屠之教賴以不廢鹿苑弘開于
上邑鷲峯彌布于遐陬矣吾郡正覺禪寺者奠瓊
清華環林叢鬱當子城之奧域爲吳苑之精藍高
士陸志寧捨宅于勝國之末名僧弘此宗請額于
宣廟之朝祖鎮而下五傳福懋法舟早傾慧燈幾
燼香花之地將爲茂草之鞠矣平湖五臺陸太常
儒宗稱傑銓署標聲學貫九流禪超三昧於志寧
有雲仍之裔於福懋則烟霞之交慨彼黍離身寄
振後恭遇郡守春臺蔡公以精一之學敷循良之
治節儉躬率於一人教化風行於四國儒是通方
政唯公溥視彼緇衣均爲赤子譬諸大造豈擇纖
埃爰采輿言旁求梵行以同瞻者命以薰修

任茲開雉累年侵地一旦咸歸風流頌于國中德澤被於區外矣圓曉素嚴戒律之持益勵精進之志欲圖拓業仰答隆知謀諸同袍性仁曰寺之有殿乃莊嚴佛像祝延聖壽之所也前規尚闕後緒宜承邇遭震業職此之由於是發心誓願畢力經營創三百年金地之未敷祈億萬載寶幢之永建敢告十方共成浩役捐有餘之塵錫結無盡之勝因稽彼舍經造寺受長夜之福聞之梵論檀樾獲彼岸之登財施卽同法施福田在力身田去貪恡根證菩提果謹疏

定慧寺建藏經室修佛亭疏

夫如來真諦乃檀林之寶篇天竺精藍實鵠城之金界經文什襲當籍隱室之良佛像莊嚴必資輪奐之麗定慧禪寺有經板四部散漫莫收而佛亭一區傾頽未葺白馬之悲徒切青鴛之業猶燕其師秋田囑付于涅槃之日厥徒玄照焦勞于傳鉢之年馬居士竭分減之誠長者為檀越之主用告十方助成一願庶俾新者創造常令厠之堅完舊者增修不歎丹青之彫落貝葉攸藏永護無邊之文句香花再啓事來有衆之瞻依尊信品經

超五濁之欲圃補理故寺種二梵之福田往因不繆來報足徵除愛恡根證慈惠果謹疏

月溪上人報恩寺講法華經助修浮圖疏

蓋聞道無二語實有非真佛在一心妙明各具故千花貝藏悉意蕊之餘芬萬寶幢篇皆性珠之剩耀然非無盡義辯寧入不二法門則講師者信祛惑之元監而拯溺之慈梁也月溪上人都孕秀上器稟資髫齡祝髮博習經文夙智膺衷精修梵行詞鋒了捷不異者舍之比丘理簪宏深再見方袍之平叔千里渡杯已印心於上輩三年掩室仍

杜口于冥機邇者達官遺禮以致聘勝衲建幢而奉迎道流悅慕俗衆皈依爰啓淨筵延登高坐闡金河之十妙談玉塵之重玄掉彼廣長吹散靈山之雪演茲秘密敷周大地之雲寶塔騰舍利之光香臺覆法雨之潤音聲輪碾除外道慈慧炬燭照群迷假一乘之法施種二梵之福田俾波經越之完成咸阿闍黎之願力普願拈花共躋證果

聖壽寺指南房重修佛亭募緣疏

夫寺名聖壽乃肇建于生公房曰指南寔開林于僧苑標晉代香燈衍千載之傳地接吳丘山水

擅半塘之勝卽觀悟雉之聽經何殊鳴馬之繞塔
歲月滋多殿廡傾圯藻耀慈宮不復丹青之煥莊
嚴法相空悲風雨之侵寺僧守玄稱秀道門克修
梵行心勤精進苦無禪誦之區目覩荒涼奮有興
復之志欲共成乎勝事必賴助于十方聞在伽耶
造寺受長夜之福謂爲檀越施財獲彼岸之登結
歡喜緣去貪悵障謹疏

寶林禪寺重建大士殿方丈募緣疏

蓋開補理故寺種二梵之福田化度一僧超三塗
之道岸若寶林禪寺者白雲講師願力之所構文
襄周公護法之所成佛宮宏麗僧舍幽嘉大闢天
台之宗上續中峯之教法幢建二百年慧炬傳十
六世誠莊嚴之淨域而薰習之妙區也邇者塵播
祝融數同灰劫丹青成煨燼之土香燈爲瓦礫之
場觀音遺像棲藁莽間乞士餘瓢宿風露下雪航
和尚弟子海印英年稱道門之秀朗質勤梵行之
修志圖興復力限單微茲遇定山觀察袁公儒林
翹楚而精于釋部之談宦篋清貧而倡此檀那之
施命杼短疏用告上方去貪吝心發喜捨願一椽
一柱皆登解脫慈梁片瓦片軌卽詣清涼法地碧

題再觀庶回向之有依香室重開俾經行之有所
悟我相之空花證菩提之善果謹疏

寶光寺重修世尊殿鬱林太守陸公祠募緣疏

寶光寺者有漢鬱林太守陸公績捨宅所建者也
三利招提十方講刹請額於赤烏之年銀榜輝煌
於來禩締造於至正之歲寶坊偉麗於中吳厥後
吉土雖遷法幢如故旃林再闢慧構聳新湛玄高
衲弘闡賢首之密宗楚蘭傑師預修永樂之大典
曾學士記不異休文法王之碑程舍人書卽是藏
用龍興之碣若鬱林太守陸公者學究天人志存
匡濟橘懷短袖孝行聞于童齡石載空舟廩名著
于宦日預知亡辰空惋昌時誠一代之哲人三生
之佛子也塵景屢移香臺易圯梵宮彫落何以爲
焚修之場祠宇傾頽不堪爲妥侑之地金容將毀
皈依興嗟木主無依徘徊生慨茲寺僧某有振復
之志無瓶鉢之資敢祈檀越長者共成補寺勝因
願學須達多祇園之施應受波斯匿長夜之福謹
疏

造觀音大士像募緣疏

夫造建旃林尚獲二梵之福裝嚴妙相應登六度之舟况觀音大士者以慈悲為解脫以圓通為應感示普度於十方惠證明于三昧者也今蠡溪居士捐貲創作平廟堂而道人捨身願掌乎香火但未望金容何以為瞻禮之地故敢祈檀越先須發喜捨之心苟一銖半兩之施俱來庶七滿八平之像斯顯共成勝果永植慧根由真相而斷凡相因心田以種福田謹疏

虎丘禪寺秋月房創玄帝疏

夫如來號曰金僊老子稱為伽藍蓋仙佛本一道而寺觀非二門也玄天上帝者壬癸稟精生于天一龜蛇示相現彼地千祐民之烈丕顯于累朝翊運之功獨著于昭代虔心有禱靈貺斯荅虎丘禪寺秋月房者昔也王短簿之別墅今為邢高士之遺祠僧真杰一鉢糊口數椽棲身戒律是持焚修不輟欲因金界創建琳宮聽鳥叅朱鳥齊飛曇花雜柰花並茂必資檀越共就繁工但捐一錢之施即獲諸福之祥香火奉於無窮功德同于有永謹疏

高素齋集卷之二十八

高素齋集二十九卷

江蘇巡撫
採進本

明黃姬水撰是集凡賦一卷詩十二卷雜文十六

卷王世貞藝苑卮言稱其詩如北里名姬作酒糾

時出俊語囊中寓貶已足見其一斑矣

黃淳父先生全集二十四卷

〔明〕黃姬水撰

中山圖書館藏明萬曆十三年顧九思刻本

附《四庫全書總目·黃淳父集

二十四卷》提要

黃淳父先生全集卷之

吳郡黃姬水著

婿顧九思

男嘉芳

賦三首

玄圃賦

玄圃者玄洲史子作之厥畝人玄子康之以玄繼
玄可尚也黃子遂作賦焉其辭曰有周史之苗裔
兮寔漢侯之末孫處華狀之貴介兮抱冲曠之遠
心相胥伯恭畏之墟兮爰樊圃而葦林方百畝以
爲區兮肇命之以玄名羌寂寞於人外兮屏諠塵
于罔聞同枝巢與坏鑿兮聊託性以棲情羅松栢
以爲塗兮闢薜荔以爲門抗棗館與葯房兮揭桂
棟與蘭楹覽邃宇延閣之暈煥兮璇題分映乎繡
甍施綺虹于軒楯兮上納月而捫星繚周屋之脩
折兮樂櫺粉櫺之粼粼堂皓肝而爽塏兮室歲歲
乎其冥或俯干而學舫或對石而構雲或瀟瀟以
消夏或垣芳以且春崇臺累榭岩岩亭亭兮臨曲
綴靡不逐勢而各成也若夫危峯借峽迴沼通源
沱潛緬演實溜闌干欹斜挂路峭險懸湍石室空

飛飛梁蛺蝶草樹枝交薄
鮮鮮叢攢牆蔓纏格井葉
覆欄愁麗宿棟寒兔走原
紫瓜臥壠翠羽浴川柳
枝逐浪花片成瀾始播搔
而風撼忽謁諠而霞鮮
乍昏乍旦氣候屢遷爾乃
觀稼有軒采桑有室椎
髻理蠶蓬頭種秫煮玉青
泥藏書素壁木奴千頭
兮等侯封花蛾五色兮縉
仙食賞會兮風雲居處
兮木石絃酒兮命侶嘯歌
兮永日蕩志兮遨遊寫
目兮登陟廣觀兮逃聽栖
遲兮偃息事隔兮理存
智恬兮性適于是而草玄
兮岷山揚雲之亭于是
而守玄兮譙郡老聃之宅
彼仲長之園兮惟務誇
乎廣大晏嬰之宮兮又奚
卜夫湫隘向秀之山陽
兮既謀夫朝夕之利仲子
之於陵兮又苦節而太
儉吾猶笑法真之不窺而
將希漢陰丈人之息械
也亂曰大道合漠厥惟玄
兮至人尚玄黜聰明兮
恍惚窮冥致靜虛兮湏洞
渾灑聞無朕兮光曜失
珠罔象得兮天潛天游超
濛濛兮崑崙之丘曰玄
圃兮層城九重涼風居兮
瓊宙碧宇在吾心兮仙
凡不隔奚遠邇兮

餐英室賦

白門趙君子實寄塵跡于牆東抱眞想于霞外考

室時菊儲英緒糧客至手烹以代茗供蓋仙人之
上藥而山家之清餉也因命其室曰餐英黃子爲
之賦曰唯蕭瑟之凜秋兮迅商發而慄慄厲金素
而搖落兮解華叢於密苑何芳菊之奇神兮獨敷
榮於幽坂時擢縹幹與青柯兮耀紛葩之布衍歲
粧延蔓凌颺冒霜暉藻星羅離離煌煌根渥三泉
頤晞九陽含精稟醇色效祇黃迺有北山潔士東
軒靜君逍遙散髮翱翔中林薄言采之寧芳擷芬
羹以三危之漿兮調以五滋之液爰吸和而飲粹
兮遂躋朝而餐夕既充虛而輔氣兮復弭癖而蠲
疾制頽齡于濛汜兮駐鮮好之顏色後天不老隨
後腸易美必餌桂啖松飯胡麻與芝朮也亂曰美
渠落兮惠草殘蘭有華兮零露溥掇瑤葩兮貯玉
盤雲腴結兮石髓寒蕤門食兮風子餐招王母兮
驂烟駕羗羗曰日兮生羽翰

瑞泉賦

夫二儀闢而后土奠今既協夫陰凝之度彼咸池
與暘谷今實應夫綠甲之圖稟上善而叩虛牝兮
頌川德之淵深昭大順而泄地寶兮羗醴泉之斯
出苟在平壤而涌伏流兮允符乎瑞應之攸徵肆

中丞之甲宅兮控毘陵之奧區忽感涕而上奮兮
 注竇宮之清渠光灑潑而漾碧兮擢金沙於錦繡
 散不上而漸漸兮聽薜牀之鳴琴懸為五色之虹
 兮結為三危之露酌玉膏於瀛洲兮瀉丹砂於華
 岡既清泚而滌滌兮復綺疏與芳沃照溪上之綠
 竹兮浸湘沚之崇蘭汎秦源之桃花兮下華陰之
 蓮葉竝昆岑之神井兮適嵩岳之天池擬員丘之
 饒病兮同溫泉之蕩邪豈惟一姓之發祥兮効吐
 王右之昌符亂曰泗水所流表忠孝兮混混洋洋
 含靈異兮中丞登翼潤萬物兮作時甘霖遺安清
 今嘉猷嗣之導其淵兮飲挹戒貪潔厥躬兮徵治
 効世井列食兮源遠流長慶無疆兮

黃淳父先生全集卷之一

黃淳父先生全集卷之二

吳郡黃 姬水 著

壻顧 九思 編

男 嘉芳 輯

頌 贊 感遺辭

貧士頌 七十首

披裘公 札也行國公邁中達食薪力負冬裘夏

披黃金可拾素操豈移秘名飄往佇覽莫追

老萊子 老萊鴻翼蒙中耕處草木遵遊水菽啜

咬綠闌陳謨朱方偕底績毛食粒感容宣父

天黃淳父先生全集卷之三

顧子

榮啓期 啓期至素拒外抱中以教舒詠因服表

衷志揚舜紘詞慨尼聰三樂弗諼一丘固窮

春秋三子 殊方三子同道一心蜩視姬邦鳳遠

泰岑作幾舉色含和保真豈謂陋棲廢厥高吟

鮑焦 於烈鮑焦踣步周行恥辰叔季結想上皇

晤賜啓言投疏立僵孤潔名流洛水竝長

齊餓者 淄境荐凶救也設食槁瘁有來虛餓孔

棘呼嗟致聲舉腫作色簞豆終揮含餒甘沒

黔婁先生 有穆先生正以矩身祿辭兩國室乏

兼辰缺斂會惻攜謹妻陳存雖苦節畢乃康名

北郭騷 騷尚盤盤錄塵晉寵母莫充相門斯

踵銜惠何深酬身忻情取不賊廉死非傷勇

仲尼三弟子 素王樂天水飲疏飯道鑄三賢器

同一範乃回幾化乃參聞貫彼不受命曷知貧憲

河上貧者 宋有玄人希微澹寂湖澗幽盤織蔑

聊食厥嗣淵投月珠乃獲量龍作戒碎糜它石

子桑子 桑也居困與實良勿決旬病雨一飯造

門歌絃甫奏思故方深究之莫得歸彼生辰

列禦寇 鄭圃列子壺丘是師刑名山霽清謚女

饑彼以人饋我以身辭垂言窮巷世仰沖虛

意深先生集卷之二

三

莊周 莊生知樂漆園曠逸郊儀不為塗龜自厄

假栗監河誇金三百達言罕譬秩有倫脊

鵬冠子 荆有哲靈幽巖芳蹈服不周形冠因作

號赤縣隱名丹書闡道有朋陟顯斥交終操

顏觸 觸居側邑明擢齊宣侯師雖顯山玉弗完

至道一陳鄙邑言旋貞樸無願君子頌焉

陳仲 子終蚓操於陵自竄鵠哇兄饋李充蠮半

乃屨乃縊乃衣乃褻楚患內規高潛園灌

王高 高生不辰會秦鹿失然匹婦罄爾四壁

晝耨夕薪草衣藿食素患與貧而無戚戚

宋勝之 勝之德淳至孝作人姊食從寄兄爵茂

輕樂游郇囿恥就孔勳絃策綜玩展也鴻生

張仲蔚 仲蔚削智繕世自陶玄珠則保浮名弗

襲采椽惟何惟蓬與蒿獨彼劉魏雅素締交

向長 向子委順榛莽屏居食淡每匱受鬻返餘

潛玩微象暢契玄知綠海攜友名岳偕歸

孫期 期也居約職共爲子乃從兌澤牧厥姤豕

青衿考質芳壠詔語德懷蠶寇名徵天府

閔貢 清矣仲叔廉節與推友饋弗嘗公聘再辭

瞢顛在旅鮮食莫需潔躬徙沛卒老于斯

意深先生集卷之二

三

梁鴻 伯鸞清曰幼遭屯極惟皇作合彼美令德

力耕陵山爲春吳國良彥偕心烈士竝域

張楷 公超克學融博古經簪從既廣鵠徙何深

花邑時駕玉壺永春優游郊里忘厥處貧

孔嵩 嗟爾仲山淪賤攻苦才成國器珉編邑伍

騶候新郊節逢故與握手論交報言援古

吳祐 祐方弱冠卽抱義悲匱却將贈牧諷典書

父交相邁忝生載規人各有心厥志莫移

嬰壽 元考純叟性澄不誘敦志星悼滅景雲數

在歎克熙于天宜耆玄儒國謚懿述弗朽

郭太 懿哉林宗胥吏登羈遐追聖學言邁王畿
蛾習典學麟獲授書奔哀歸處藏器棲遲

符融 偉明逸韻抗道虬盤婦亡無斂友欲備棺
乃行古志青野埋捐同襟偕逝用晦林泉

申屠蟠 恬曠子龍被褐處空冲心玄境汚跡備
工贍依蚤失經緯咸通蒲纁數返考命以終

徐氏父子 孺子者何挺生奈出田耕止共鑑磨
行給臣僉檄求帝兩旌辟子胤丕承足昭先德

包累 伯重曷師青牛戶堂遠播京洛子止塗傍
潛道觀文理素詠細須捷懸服庸保索糧

寒貧 德林玄默範彼樂儒塵業弗務道典日披
寒貧致號芳自莫知戎臣問遣取食却衣

孫登 公和弗偶宜陽居穴炎曦蔽草寒暑被髮
文係虞絃載鼓載闐阮扣絨言嵇游戒別

董京 威輦飄踪洛陽客至潔棲幽社汚游囂市
達矣行吟鄙哉言仕倏焉遐舉獨遺玄賦

夏統 統幼孤匱孝睦則聞采林星往拘水海征
顯榮族勵沮溺自任斂形遯世畢影高襟

郭文 郭文嘉尚山水遐思名島既歷荒谷攸居
颺服弗御導園暫棲一朝捐瑟二哲揚徽

郭翻 武昌翔里臨川寄室乃耕汚萊禾成弗獲
乃鬻漁獵售人無直沉器漣漪允符清德

沈道虔 道虔玄澹老易研文饑仰掇穠寒鮮複
衿賦周瞻族孔給淑人老年養食琴典忻忻

孔淳之 淳之屬懷索丘山水徑草芄芄牀書楚
楚三星締姻一壺成禮郡招恥屈帝徵遙徙

翟法賜 翟世清尚法賜尤皎棲秀餐靈服毛御
草廼邀敷求復投杳渺達人能蛻青巖陳殍

劉凝之 白尚凝之古逸自期于宗謝業于野爰
居哲媛同德賢王抗儀衡陽終隱遂厥道思

朱百年 百年玄藻雉山自給一日弗售兼人無
食孝不御溫廉能卻物淑妻辭饋竝彰清德

顧歡 歡也農流性資秀悟年方岐嶷推甲作賦
屬垣畫業然糠宵度機心永絕山禽掌哺

吳蔡二隱 懷德鉅儒北學南師展揮宋組鑰闢
魯書休明景式高抗亦持古稱夷白搗頌不虛

徐伯珍 伯珍幼艱抱影長嘯藝翰慕精古墳探
奧九巖逸棲四人齊耄自擬魯參世稱商皓

沈麟士 麟士俊敏尚志窮居誦口而畜業手以
需討典都游終履鄉歸昭昭經術來嗣足垂

沈顥 處默高步憲稗欽風守我冲寂傲彼尊榮

饑戎竝遶甕饍皆空山植溪毛日奉以供

阮孝緒 卓哉士宗年芳行偉百萬推金一塵甘

餒瀛海清踪穎陽高軌叢竹安愉沒躬無悔

劉訐 許當鄒紀孤困卽遭觀賓弗利比友相招

東澗盤止遠岫遊遨玄貞清謐千載猶昭

胡叟 叟不家治寔勝焦生碧草寄趾黃流適情

仰供養子時乞華門視彼榮富太虛馳雲

范元琰 吳有元琰敏求慧性既涉九經復昭三

秉寂矣厭紛儼乎居敬藝蔬足老終違辟命

朱桃椎 桃椎恬閑裘索陶熙祿弗諒世網苦

縻構雲取壯緯草由頤友治請言默示無爲

孟浩然 楚嶽降靈孟哲挺生林嘉遜尚文妙匠

心放適情志任率天真臨觴負諾樂豈易名

高繹 高子勵行卓犖邁古德聞帝擢號錫山處

室用雖艱鄉周弗取唯勤遜志披文暢喜

杜生 杜生野寄逾紀潛門讓敵睦假室裕貧

嚴卜韓方以粒以薪孫尉惠綏聆厥條陳

俞潛 清老放達風神塵表麗偶弗偕芳林孤蹈

名公致嘉迦業強造曠性不堪從厥所好

賈收 賈生茂士握紫吐珠綠醕則嗜白衣罕搗

室當交謫友寔致思嘉圖雖慰玩豈忘饑

丁時習 廷彥邦直克陶哲器國止青蠅園藏白

賁令妻刑德翼子繩義藝士昭揚播芳百嗣

蘇雲卿 雲卿國彥乃丁世亂故交達顯湖洲遲

玩管樂致忻幣書臻荐松間一語明發遐竄

蘇扶 庠叟用晦逸範夙傳乃生麟角亦尚龍潛

歌彰清蘊書適熙天抱窮以沒題韉弗全

何溥 溥也哲儒聖步賢趨玉堪擬德隅寔彰儀

躬遭盲鞠心嗜道腴獻稱有試友殞無歸

周方叔 矩道品廬考墳自娛如何檀施乃繼儒

糜朝軒有造山釜無儲黎藿厭饌式宴樂胥

呂徽之 作者徽之絕塵不羈益未山嶽離罟捕

漁遁趾一出僻牖人知諸少甫扣孤雲復移

胡汲仲 夷風洽濁卓生長孺履有確守困無纖

累雖當粒絕終辭慕舉歸友贈言堅哉見志

杜有開 伯陽儒碩瘦炊莫給養蒙而需載績以

易孔鞠饑災克全守德子經婦義斃焉弗失

張介福 單懷秀產吳邑卽旅志在希賢動能中

禮白刃莫懾素介無取生雖聞道沒猶含悔

王達 跋者王生外歎內足山袖秦方市簾楚十
學必窮年談唯稽牘與義隱詞質皆彰暴

王賓 仲光耽隱獨影窮棲賤顏伴廢編髮高嬉
性借赤子道屈貴與同邦企德展矣我師

邢量 邢叟好古經紉史究室乏御令身勞井臼
晨炊昏餐暑麻寒覆問奇有來如鐘在扣

頌任大夫平夷功有序

我明自 高皇放馬以來疆宇寧謐時夏又安百
八十年於茲矣吳為東南郡雖有杼軸之歎而鮮
金華之患故民不知兵武人具伍不堪授甲今年

黃澹庵先生集卷之三

下

春閨越姦民私商日本督府持之急乃搆虜入寇
瀕海之境悉罹殘虐焚掠州邑百里震悚膏血融
川白骨彌野虜椎首黥膚反唇反趾兩手持刃短
刃在前長刃曳後迅躍飛走蹈刃弗撓且士無步
伐之律而將無刑賞之權以重死之民而當輕死
之寇亦潰而已矣我大父母復菴任大夫受檄臺
司整戎廓掃與衆決曰今日之役爲民社也願以
身徇同甘苦撫傷痍哭死埋骼推孝表節于是人
人奮怒士氣百倍大夫躬自授袍授甲控弦棲宿
恭駕洪濤或孤軍摧鋒或單騎薄壘或晝夜躡鞍

或晨夕絕炊艱危萬狀一身九死而卒獲折首獻
馘之功皆大夫精忠一念感動人心所致耳嗟乎
賞不以爵而賞以義戮不以刑而戮以義義賞有
榮於爵義戮有辱於刑故武備百年修之而不足
人心一日激之而有餘出億萬生靈于水火之中
大夫之功當銘太常而耀青史矣余小子曷述哉
然沐浴至德自不覺形諸詠歌也竊效與人乃作
頌焉

頌曰我有封疆大夫守之我有人民大夫生之我
室我廬大夫民之我飲我食大夫粒之赫赫明明

黃澹庵先生集卷之三

九

天子褒之百世而下配社祀之

淮陽平倭頌有序

皇明嘉靖三十八載淮陽倭平迺督撫克齋李公
之功也淮陽之民歌之曰李父生我於是其邦之
守令鄉大夫士相與貌公而生祠之若民志也以
余素辱公知命余作頌勒之金石以昭來嗣噫公
之功銘在太常載在國史矣何俟余言哉然立祠
之意則出自邦之守令鄉大夫士而守令鄉大夫
士又因民心而爲之也遂不獲辭乃撫其槩而敘
之曰倭奴千紀頻年爲孽淮陽扼南北之衝泗州

陵寢在焉實重地也 天子特簡廷臣之能者俾
寄節鉞爰命我公督撫茲土董我戎旅公將命夙
夜憂勞徵兵募士分布要害曲禦周防海徼綏謐
今年已未四月壬寅倭賊萬衆分道內侵登陸剿
劫殘喙淮揚之民騷然震驚公乃正營部厲卒乘
命將肆討鋪張淮濟授之以方略與之以節制示
之以奇正之機兼之以摧陷之策聯之以犄角之
勢每臨敵與兵備副使劉公躬擐甲冑爲士卒先
且誓士卒必死斬退怯者以殉軍中曰賊不滅汝
無生故兵氣震奮虜喙豕突輒輪無返其在廟灣

黃卷金鑑卷之二

十

者獨負險後滅紛紜縱擊時通政荆川唐公視軍
南來身薄賊壘克載厥功夫倭奴往歲兩寇瓜揚
一侵盱泗民之荼毒甚矣今萬衆內侵不五旬而
殲之自有倭患以來未有若此捷之神速者誠足
以揚 皇靈而雪民憤嘗讀禮祀典曰能捍大患
則祀公生淮揚之民而淮揚之民祠公也固宜爲
之作頌

頌曰王者馭世奉天時行成物有秋降暴有兵矧
曰猾夏曷不修刑齏倭奴昏瞶獷狻不共厥常
肆焉假擾狼狼羊貪驚我邊徼 天子曰咨孰撫

朕師乃命我公秉鉞載旗我公來止嚴翼是圖除
戎繕甲伍候增俾精誠一念矢殪天狐四月維夏
海波揚颺愍惡弗悛陸梁叫呶伺間深入人心大
搖我公奮殛訓師選鋒秘謀遠畧殂折衝軍聲
振瓦義氣干虹援枹而鼓如熊如貔白羽纔麾屠
翦一空載俘載馘蠻夷驚攝我疆我圉海外有截
三農就緒士女歡悅太堪符見撓搶青滅春秋之
典言獻戎捷維鍾與鼎薦其功伐江淮之間崇祠
業業誰其作之民心允協於千百年永垂鴻烈

太僕懷東顧公七袞頌

有序

黃卷金鑑卷之二

十一

文元

皇明隆慶五年歲在協洽八月望日懷東太僕顧
公年七十矣公兄子可貞遺黃子曰太僕公誕辰
將謀觴焉子盍頌之黃子曰余於太僕公寔通家
子余之願猶子也但公之直節在朝廷榮名耶華
裔海內學士大夫稱述而詠歌之者至矣余復何
言哉余竊觀天之所以厚公者而知公者必壽也
夫祿德名壽以尊親皆人之所共欲而不可必得
者公若執左券以取償于天而天之昇公若取求
即得而無所難者啓公之壽豈不足徵哉公爲原
魯先生四世孫得洙泗伊洛之傳以進士令姚江

有惠蹟 先皇帝召補給事中公抗疏請宥還議
禮放廢諸臣罷方士用事者 先皇帝震怒杖

闕下謫徙保安會 今上皇帝卽位錄先朝言事
者迺超遷今官公父母進其給事中之封以亞卿
方公杖闕下時公知委身已矣庸自意得裏瘡絕
漠之地居荒三十年公知俟命已矣庸自意復起
家九卿之列給事者半年亞尹者三月公尊親之
心雖切庸自意未及滿籍而得封如其官今公祿
益大位益崇名益顯而父母之封咸以 皇太子
覃恩出于異數天之所以啓佑公者可謂厚矣詩
曰天錫公純嘏眉壽徐魯公有純嘏之錫安得不
介以眉壽哉敢以詩人頌魯侯者頌公焉

頌曰原魯之孫學邇淵源道宗宣聖義析微言抗
步紫庭鳴琴宰邑擢拜夕郎賜衣溫室命讞大藩
入蜀占星偶然一疏直氣干冥批鱗撼木堯堦屈
帙沙唾雪磧謫奚恤投身萬里閱三十年貞難
素夷氣裕神全蒼震炳離握乾策業煜拔遐荒賢
人布列如參納言喉舌則司載尹黃圖輦轂聲馳
肅肅僕臣罔也克正牧拭匪懈承弼是靖疏傳見
幾浩返林臯高翔寥廓翰矯扶搖功成身退天道

是遵名揚親顯宇宙完人時維八月涼雲麗戶
彼七齡受茲多祜寘筵秩秩絃匏在房文孫翼
綵服成行梅市零芝毛壇拾草獻以上樽後天難
老

代貞母劉孺人頌有序

劉孺人者高安傅君孟春之母也孟春舉進士首
疏其母貞節 皇帝下詔旌其門孺人笄而矢志
至艾弗渝上養二親下鞠藐孤辟纊朝夕一身百
瘁者三十六年其與杜植母嚴憲虞潭母孫定少
孺撫其孤顯名當時者何以異哉向使孺人不食

死則親養罔終遺孤失怙安有今日哉故孺人所
爲較之從死者爲尤難君子曰孺人貞而道矣嘗
讀劉向列女傳所載梁寡高行之育子陳寡孝婦
之養姑世主大其義美其行而賜之號孺人兼焉
一人之節孝扶百世之綱常猗歟偉哉余與傅君
同年且同門有兄弟之義目覩盛典心佩微風爰
作頌焉其辭曰

資靈含德澄粹恭良誕自華裔長沙靖王夙閑四
教玉頰蘭芳天作之合珠湖之陽摘歸君子宜其
家室鳳凰和鳴忽焉乖翼殯摧迷絕撫膺號泣誓

欲同歸仰天不食姑曰吾婦汝聽姑言半齡之孤
汝勤汝恩汝苟減性宗祀孰存汝舅汝姑孰共寒
暄姑論再三水漿入口一醺終身九原無負含辛
襁褓服勞并曰黽勉躬績何亡何有迨子稍長課
以詩書斷織訓學聖賢是期姑舅奉終率禮靡虧
紅顏抗義白首不移子奮儒林爲代鉅哲釋褐紫
庭陳情疏切言言瀝肝字字灑血 天子旌嘉休
有光烈節孝兩盡鞠子成名維母之行嚴霜凜冰
維母之心白日青冥千秋百禩永垂頌聲

贊七首

姜玄仲像贊

少敦詩書厥身藏器生逢繆辰棲巖樂泌雖識冥
鴻誰嗟坂驥頽頽樸貌超超逸氣紫嶠飛心綠樟
怡志金玉飭躬績藻揆藝秋鴈猶傳夜星忽墜夢
中鶴鹿脫然歸寄得正以終朗吟而逝翳骨松楸
留容天地步宛尋山顏疑覓句徘徊觀瞻頌言宣
綴

浮玉叔像贊

唯腴之豐其顏渥也唯潤之積其儀偉也剛腸寡
諧心慍慍也高氣自負意軒軒也業抗于宗家之

良也善稱于鄉國之寶也綠酒自命性所樂也豪
吟不輒情所寄也斯人也蓋末俗之遺直而清時
之貞遯也

張心雨像贊

煙霞骨相虎燕姿容神秀而朗體厚而豐秘韜詣
豹妙義談龍三山思邈萬里心雄含藻吐霓舉翼
追風功成身退遊從赤松

伯簪姪像贊

儀標秀朗衷含穎異朱霞曉開皎月秋麗濯濯鮮
妍若三春楊柳之姿軒軒爽舉有萬里風雲之氣

姜玄仲像贊

我黃來吳歷世綏延武功祖肇文德家傳文規武
略頌子是兼邵穀詩書尚父韜鈴以余視之子非
阮家之盛謝庭之玄也耶

惠懋卿小像

厥貌不揚厥衷維良洵然若拙而智煌煌退然若
怯而毅沈沈峭然若隘而度汪汪重千金於然諾
無擔石而慨慷聞問却掃以咏以觴蓬蒿半堵藜
木一牀早游鶩於任俠末稅駕於老莊乃聖世之
遺逸爲山林之珪璋居真弗兢處濁能清而非俗
人之所可量者歟

鏡月上人像贊

厥目炯如發智炬也厥色愉如治苦海也厥容偃如起忍辱也厥儀整如表軌範也冷如灑如登解脫也泊如澹如涉清源也兀若禪定白石踟蹰恍若談義香林演敷貌類凡俗心則菩提嗟乎無相亦色有相亦空非僧是僧妙智圓通其有髮之惠忠而留鬚之碧峯也歟

雪航和尚像贊

早齡祝髮性性聞聞慧根夙具梵行精勤躋第一位得不二門談塵忽捐法舟遂傾埋骨荒楸挂影寒燈山留定色月剩空心昔真是幻今幻是真一妙涅槃無滅無生

感遺辭 有序

賓鶴張處士博物嗜古所蓄秘玩積筥盈箱以遺後之人季子雲槎君乞文太史揭書感遺二字周山人繪圖以志不忘孫伯起因著感遺賦焉詩曰君子有孝子孝子不匿此之謂也余嘉迺世德爰作辭曰

粵弓正之苗裔具茂先之玄覽既羅真以搜異乃婆娑以遊行塚書壁簡闕牒陰符千金契帖八駿

馬圖碧鐵紺軸雕渙紛敷夏鏤金鼎周荆寶樽彝高聳齒殊瀉異形蜿蜒鬱翳螭彩龍文匣中飛景臺上玉榮飾犀雕翠激電浮星乃若秦國琉璃宋郊結綠夜輝隋掌春暖郢握萃瓌麗之淳精極神姦姦之巨偉類海藏之籠奇同山經之敘詭彼季子之愴慕爰圖寫於丹青儼音容之如見念手澤之猶存哀哲孫之有懷托藻掇以抒情羌無言而不疾通繼序以率行倣靈運之述德擬士衡之思親繫永世之克孝昭維則于繩繩

黃淳父先生全集卷之三

吳郡黃 姬水 著

壻顧 九思 編

男 嘉芳 輯

五言古詩 三十三首

始發吳至都下述懷六首

落宿沒逢堞崇雲結扶肝揮手卽脩路羸馬從此
驅故鄉豈不戀遠身誠令圖親朋相追送勸吾盡
一壺出門睇叢薄白骨彌黃墟狐狸馳陰陔空屋
號飢烏朱曜失精光迅風卷皐蕪關河邈形影舍

入黃淳父全集卷之三

悽玄鬢枯況乃攜妻子道阻不可徂

伯玉遊近關仲尼欲梓海梁鴻歌五噫梅生紫芝
采大雅著明哲老聃戒辱殆由來亂無象炳幾寶
前解鳬鴈足稻梁飲啄固有在不見桑樞人絃歌
樂無改眷言遵碧嶂瑤溪積鮮霽次寥山孔靜空
宇朱霞灑擁條猗猗哀奔崖瀑泉駭窟伏巖石間
逍遙遺世械真想不嬰物恬愉合玄宰匪羞黃雀
群鷗運定溟渚

二七翔文囿精意誦典籍頗禪雕龍業咀腴吐丰

澤抗心尹說儔隆想在竹帛興言念惻惻思展安

世策靈修無淑命惜惜咎懷璧誰知三十年坎壈
咸陽客纏綿嬰憂患舉足觸虺蜴神辱而志沮嵒
夜莫能釋願奉莊生言超然謝拘迫咨余迷方子
抱命守貞宅

衡紀邇推遷沆碣屈西顙夕陰吹商飈蕭瑟空林
掃薄帷鳴蟋蟀綠堦凋蕙草中夜不能寐起視月
皤皤離獸紛赴穴南旻叫鴻早覽物惻余悰繁傷
怒如擣借問爾胡爲羈人在遠道誰言憂可任憂
來令人老

入黃淳父全集卷之三

二一

迴波戀舊渚歸雲依故山北風與南枝矯性物所
難胡爲背鄉邑杜杜多慨嘆親朋盡一別不復奉
容顏去間如昨日青春忽成丹搖搖羈旅心夷猶
積愴煩臨睨悵修阻江芷嚴霜殘但傷行路苦未
暇憂饑寒前除爛河宿濡袂涕汎瀾

般紆沂長江駕言造皇里桴候縱橫馳征艦戒前
弭嘉遊覽九宸神臯洵腴美秘掖肅天居金鋪啓
玉扉月殿拱華清雕甍焰霞綺靈丘衛寢園青道
接郊時城中十二衢寶馬交糺李赫赫侯王貴甲
第干雲起軒軒珪組客清途獵獵仕夷世多歡娛
高車耀朱紫帝京雖云樂不如潁陽浹散髮卧林

樾崇岡布幽趾

雜詩四首

朱華冒青阪夕落成枯茅南山崇朝隣屏翳須臾
開昨日金貂子今朝閼泉臺軒后旣云邈寄氏行
歌哀狹徑匪不捷窘步卽邪回爵服諒可玩厚生
基禍媒搶鷄何譁謹哂彼扶輪摧達人厲高蹈矯
志違霧埃身貴物自賤冥遊筌可排願言總霞纓
周遊凌九垓

綠圖不可作皞世愴難逢繆辰當厄季此離丁我
躬氛霧橫大漠縹馬奚所從慢惱豈天降儼媚處

東坡全集卷之三

三

高墉貪婪肆啄害萬姓哀杆空山川盡圯竭日月
屢告凶惜誦自貽愍話言多伴聾敷枉欲陳詞蹇
修誰爲通驕人復高張出入何從容咨余獨沉抑
謾詢羣口叢寧知黃鶴志高視隘洪濛溘死亦奚
惜彭務行匪中何如翔寥廓陶遨以俟終

少小負明姿矯潔揚芬郁周旋奉桀黠先民以爲
服爛熳竟無成戰戰兢兢弗殺毀積金可銷霜飛鄉
衍哭嗟吁類與取何曾掩珠玉曹沫不恥敗季布
甘奴辱石父僕中牟晏嬰解驂贖古來烈丈夫詎
肯死溝瀆連連青春謝作條沉心曲微驚攪瘁容

奄忽凋髮綠年命苟不逢且作長垣牧

嶄巖多虎豹虎豹在市衢幽阻多荆棘荆棘生堂
塗貧賤遭迫阨時俗哂不夫孤踪同泛淫靡散身
名俱林類拾穗死聞之肝腸枯問陬古云醜嫫母
今信都墨陽沉寶匣虹采光糝糊颺車玉虬駟墀
翳蜺旌但飛飛俯列缺招邀鄰泰初琳宮餐泔沔
蒙汜不受拘胡能繫塵壤局促悲泔沔

旅中對月述懷

長江一萬里到海只須更人生無百年忽忽流光
徂青春忽受謝已矣悲令圖呂尚不逢載渭水終
釣徒五十猶負薪會稽爲逐夫咨余昧前算儻個
靡良塗緬懷空中賞嚴鄭與之俱弓旌久不作身
名竟慕蕪微月曉幽幔緒雁寒商呼青火無精景
燮燮高林枯撫枕多悶嘆中且涕沾襦

卧疾柬何太史元朗

殊鄉薜蘿綠行者感化離摯疾旣云遘雲牖憂寒
窺簷前白日邁青春與之俱東城桃李花倏爾謝
華滋理樂卧閒寂空此芳菲時煮玉飲其液輔以
九光芝或展丹篆文素衿聊以娛嘗聞煙客者八
景恣瀟灑攝生在攝心攝心豈外假真境本玄寂

若攝卽指馬澄懷延日華孤坐青霞把忽憶西垣
人新詞振風雅仙臺休沐餘朱絲奏瑤華行憶踏
飛花覽物眺垌野賞心一不晤幽悵竟誰寫

上張中丞四首

作君以康民建牧乃輔理分陝本重寄全吳洵隆
委鮮烹貴德厚芬治在才美我公授鉞來澄清及
遐邇旬宣甫暮月歌誦溢塗里樓堞晝燧消城門
宵柝弛三事成稽功千金賦租市灌澤滿萌生殊
勲報 天子

周什詩人源楚謠詞賦宗都尉漢代傑陳思魏室

書卷八卷之三

五

前

雄李唐天寶後寥寥雅道窮昭代盛賢雋蔚然炳
鸞龍南金豈常有北驥亦易空我公岷嶓秀文章
揚馬工四部析心極萬言宜惠風長謠獵藝圃今
古皆摧鋒稱詩復能賦經國奏膚功

豫守懸榻樹魏侯枉干式卑身以下士末俗古道
熄我公滄海度折節禮幽人文學載後車儒生命
前席嗟余減影人荷裳衰衣覲太息咨民瘼虛懷
訊匡國一時爲美談浚郊在吳陌水動礪溪情山
生商巖色勤哉吐握心姬旦比隆德

金陵定鼎地石塘紀江池天關峙嵯峨星廬列參

差蒼佩重專席絳騶清路馳腴邑周鑄京崇秩漢
台司霜簡百寮憚皇圖永保釐睇湖悲龍去陟臺
懷鳳儀習習逢歲晏悵悵感交知引領向天末空
林勞夢思

夏日登鷄鳴山懷朱司業

迴阡結飛轡登頓窮嘉旦孤悵感滯淫與命凌汗
漫延閣緣雲上江山送目亂丹嶽俯神臯奔流赴
溟瀚玄湖仙嶼隱岷苑皇衢散靜賞娛清暉須臾
狀殊換遠樹積繁陰白鳥矯輕翰傷哉千里目煙
際綠蕪斷伊人美無度引睇在霄漢金門著作庭
蓬山藏書觀麟趾橫經餘焚香坐清晏所思邈難
卽西嶺日欲旰抱景榮寸心勞勞空廬嘆

簡郡大父青城毛禮部時致李學士之碑

緬昔少年時明姿何婉孌綴藻若春華六籍事漁
畋曷彼迷邦言有積希自街遭命叔夜奇不復似
雄薦曩惠今爲茅興言痛緇練時亂丁我躬鼠跡
寄它縣衣弊履復空藜藿不克膳戚草詎釋懷忸
怩恒在面齒髮日以非唯存氣一片綺季歌療芝
割肉責曼情穢潔雖不同亦各行所見咨余方泣
岐前路智猶眩欲就諸侯招已勝賢人戰涸鱗恥

求活羸馬悲先倦於世苟無營安往非貧賤逢君
卽良樂光輝生顧盼感惠激中腸陳詞淚如霰耿
耿平生心白日高天炫

王元美伯氏敬美仲氏解組域中肅軫區外
爲園以栖名曰離養余心嘉焉遂爲賦之
殊才抱瓊音緣辰邁屯厄盡尚諒茲秉賁園爰以
關豈曰窮曠目聊以寄卑翮桂道臨清川粉榆阻
迴陌納月曲疏池霽霞高藝石嘉林日葳蕤俗草
時屏剔楚均賦滋芳周任戒殖慝遵交遠匪人樹
德去非辟蔽翳無冬春盤桓有朝夕消憂覆綠樽
懌志敷丹籍寥廓翔曠心竊暖抗遐迹名位旣驅
縛筌理亦排釋濁界玩一座妙氣服五液願奉莊
生言逍遙唯所適

許尚寶仲貽席上作

撫時感冬索有冽嚴霜序玄颺結寥天修塗偃荒
楚殊方久滯淫悵鬱黯余緒眷懷同心人空林每
延佇山公與稽生冥交夙所許迴驂展良覲嘉譙
式斯舉絃匏在兩房克筵維篴管陶陶敦故歡永
夕繼華炬曠爾偕鴻心冷然洽蘭語長江無西流
傾曦不東處萬細豈足論覆此盈樽醕別園抗藹

房煙霏接仙籟漸泉響迴潯微月暖孤嶼廣除被
幽薄寒條露零渥放意傲以遊誰言有羈旅

贈張中丞

修景逝南陸芳林翳蔚若濯枝降豐澤華棟炎暉
却淮陽臥鎮餘宣城聊掩閣靜階寂無譁千里治
恬莫仁君豫以遊茂對情所樂別館張几筵後車
命文學廣術灑神颺朱輪戾蘭薄言讌君子堂白
晝榆陰落蒸饌苾圓方降分藹酬酢樂飲豈太康
禮儀乃卒度海嶽涵細微嘉招及藜藿銜命何局
蹐冠裳隔疏橋惆悵奉精光清雲睇遼邈未能歌
湛露慈惠已霑渥竹生東山阿孤根忻有託

閱騷

楚平抱廉潔結綬爲三閭從容議國事翼贊騁良
圖一旦遭讒譖幽墨悲南徂離憂悠長鞠心軫形
容羶物芳表姱行美人悵脩途重華不可晤異采
空懷瑜九州豈不廣義難違舊都舉世况滋垢汶
汶嗟淖汙夷居旣云陋濟沅誰前驅惟有汨羅水
可以捐吾軀哀多白日曛志迫青冥孤千秋百歲
後天壤清名俱蕭齋值商節隕霜摧寒蕪征鴈叫
寥汰木脫風鳴枯

送毛儀部

我昔常恨別此別恨難弭所嗟平生親揮手一萬里萬里若驚風猶希託雙鯉音微苟不嗣形影何由通申晏不可留蓄意涕瀾瀾結綬列王官將以寄化理仕不爲蒼生爵服玩徒恥相彼夸毗人如酌亦孔取誰能諸侯貴一擲輕脫屣岷嶓蠶鳧國寰宇嘉山水翩然躡霞鏡高步紫冥裏遠心樂林草跌宕在文史有時挹浮丘跪授丹絳旨手持碧奈花駕麟餐鳳肝願從乞刀圭何愁迫濛汜各保金石軀殊庭可不死常佩真人言神理超玉璽去

何翰林席上作

咨余繹墳籍少小美柔翰思展經國猷勲名慕青汗胡我生不辰豺席邁時難鴻鵠歌五噫寧微哀夜漫空抱黃鵠心番令笑斥鷃落落遠遊人感感多慨嘆駕言適中郎迎屣倒王粲和惠洽同好華堂張曲宴主人蘭臺英逸氣凌公幹匪直文藻緜况乃心琰琬襟期既云偕一晤煩憂散絲竹泛觴醴嘉賓樂以衍長江入青溪寒潮響離岸霜天白草枯風樹暮禽亂情盤愁景遽仰視河宿爛豈不

懷太康聊以娛申旦

送蔡郡公入覲

帝錄垂億載皇符肇元禊基命炳休明纂隆蒼蕃社覲后當日正朝宗奉天紀翼翼秉介圭巍巍謁丹陛王章稟龍旂臣謨矢玉戾我侯飭侯度優游式戾矣

其二

作君爲生民立牧乃奉天太守資共理專城寄旬宣中吳俗云敝上德吏稱賢我侯來煦赤治國若烹鮮淮陽臥黜日蜀郡詠堪年率職由衷盡敷條以身先片言無留獄四國有閒田膏雨嵩車下仁風穉榻邊但食鄧攸水還投安陵錢樹茲吳公績特奏 天子前治行擢第一循良千古肩

其三

嗷嗷雲中羽械械霜前葉玉衡玄冥指緹騎長河涉履端局王春錫庶勤侯接振鷺令譽終爲龍寵光燁毗佐遊才妙論思簡博浹迢迢望京邑渺渺睇江滌嗟余栖穴人少希安世業甘伐河干檀寧希渭濱獵美化身幸漸宏猷心所愜聊抒穆如誦聲與塗歌協

讀楊太史用修選朱客部子价詩

楚艷江潭詞漢嘉河梁篇魏晉及唐唱異貌同敷
妍風雅豈殊致寓目衷本宣咨伊匠心苦玄賞空
千年靈蛇自謂握腊鼠衆所憐寥寥六漠內誰聽
伯牙絃司裡江左秀弱冠卽懷鉛漱潤播芳蕤文
囿鬱孤騫楊公秘室英謫居瀟南天博極擬平子
紬書並馬遷千里爲定文寧謝陳思賢張華嘆左
賦桓譚稱雄玄一時騰紙價可諒百代傳欣余奉
光誦迴諷心冷然寄言驚藝者岐陋慎所前

荅張太學幼于

蘇東坡集卷之三

十一

詩

王者慨不作失志賢人忤楚謠與漢賦周雅踵前
塗世代迭以易妍醜各自區茲道詎云邈天心假
人敷吐述匪性靈雕飾終累蕪陽阿空浩唱已響
已塞衢豈直和者寡還傷識曲無之子抱玄賞藝
陌塞芳腴謂余秉孤律就問荆南徒惠好日益密
亮情締中孚別來幾何時高林忽鳴枯良訊欣再
奉勞結腸轉紆念子精屢越日向寒雲盱冰雪滿
脣路留滯歲復徂願以羈旅身假翼歸風俱但媿
琅玕贈報爾無瑤瑜

途中詠懷二首

客子倦行遊征帆下雲陽天寒江流急落日江離
黃中夜不能寐攬衣理清商哀禽鳴北林仰視明
月光灼灼三春花奄忽凋秋霜想彼高原枝鬱鬱
含貞蒼颯珠等魚目蘭忌當門芳駕言適濟極愿
隨黃鵠翔道遠不可致思還歸故鄉

故鄉不可思貧賤欲何之季子無黃金室人且不
炊買臣不乘駟徒爲俗所嗤噉噉雲中翼繒繳無
所施天夭隰中楚樂子之無知興言絕中腸淚下
沾清漪

述志上文宗翠巖黃公

蘇東坡集卷之三

十二

詩

寥余生也曾厲志在韶髮祕經檢綠字橫藉肆搜
擷硤宕文史間歲歲嗣前哲彥昇規擬筭景翼繆
稱窟隱坐日沉思濡翰弄鉛札蕪累戒妄染骭骸
寡相發綈裘復何有空留魏公拙弱齡念皇輿
竹素希垂烈周容豈靡隨沉淖軫叔末商歌起該
輔林薄登尚說小才昧修能昭質皎且潔紉佩牽
秋芳高冠聳雲切搏扶扶意俯首抗步擗膠葛良圖
期自勉嘉祚効隆碣胡迺雁繆辰阻途歎回穴屯
疾邁徽經修娉苦戰繼嚙此白璧冤憤恨竟誰雪
黃鵠悲後時寄處等蜩蟻抱景向空宇奈息憂廢

假棄觚鮮臂力彈欽恥掉舌帝關不可叩日域罕
弭節短褐恒不完棲蓬聊茹蕨言就靈氛占誰能
測維幹東方尚穢跡三閭覽醢飲全襟以葆真吾
將倣倪缺黃公間代英儒林迴驤越綜博蔚雕龍
逸軌西都軋黼黻本天授光明自磨剗聖齋闡尼
軻王猷展臯契曠度薄雲天夷然任濶達文銓秉
南國朗鑒時髦閱坏冶固一陶駑駘詎無別噫余
客京洛時緒正騷屑裘涸秣陵秋酒市長安月感
茲千金顧潤草衷腸結日夜長江流寸心何時滅

客還集阮都尉宅

歲除客還家親故忻展覲今奉三秋儀昨懷千里
訊墟曲開素心春風上枯鬢步兵夙寡諧締交江
東俊媿匪黃生陂曰余可消吝談玄辨雕龍意慙
悟游刃衰遲復受年奔畧一何迅不療商皓飢徒
握楚原瑾古來賢聖徒慧智存疾疚俛仰大塊間
盈觴莫勿進

黃淳父先生全集卷之三

黃淳父先生全集卷之四

吳郡黃 姬水 著

壻顧 九思 編

男 嘉芳 輯

七言古詩 四十七首

五招詩

先人壯歲思際昌期樹勲竹素有志無時遇
欲追蹤尚平遨遊五嶽而婚嫁繫維年之
不登竟睽厥志今雖已矣其精爽所棲當
在花峰石室間也已酉秋日歸自白下履
霜露撫虛几潸然出涕因著五招聊託楚
些云

我所思兮泰山顛天門日觀含靈詮稷君鉏父相
周旋不如歸來還故鄉胡爲一往日月長側身東
望摧我心思之不見涕難禁

我所思兮赤帝峰丹書玉字藏芙蓉靈臺神宅栖
其中不如歸來還故閭胡爲一往寒暑徂側身南
望絕中腸思之不見涕浪浪

我所思兮在華岑蓮峰千仞如削成王漿靈草餐
玄精不如歸來還故丘胡爲一往歲月流側身西

望裂肺肝思之不見涕漫漫

我所思兮今之陰孤峰靈峻當昂精蓬根護草撥其英不如歸來還故廬胡爲一往陰陽除側身北望勞神蒐思之不見涕淚繁

我所思兮在嵩丘三臺二室雲中浮王喬鬼谷相盤遊不如歸來還故扉胡爲一往年歲非側身長望銷體膚思之不見涕淚枯

姚元白市隱園作

主人飛遯青溪側散髮孤吟操翰墨靜處看雲竹裏陰狂來弄月波間色天涯遊子怯春衣醉酒壘

頭尚未歸怪得名園過詞客一時花柳盡芳菲

飲酒與何元朗

主人昨日始罷官沽酒留賓坐夜闌桃葉渡頭月正滿樂遊苑裏雪初殘冀北江南天萬里與君贈蹬皆如此邂逅銜杯得幾時門前車馬東流水

東飛伯勞歌

天邊別鵲雲邊鴈湘江洛浦遙相吟誰家麗質千黃金非徒美色兼美心珊瑚首飾羅衣裳芙蓉發秀蘭生香都閒婉嬾方總角獨向春風纖手濯鉛華青鏡無十年空留可憐還自憐

俠客行

三月春風滿洛陽翩翩玉勒度垂楊臂上珊瑚挂明月腰間寶劍懸秋霜遙看夾道花如羅連鑣何處不經過鬪雞南陌方驕勝射兔西山又較多平生一片橫行心報讎何用相交深不識人間重紫屋但知意氣輕黃金大義審從犯禁來榮名却向忘軀回顧看寂寞讀書者多少蓬蒿空負才

送崔巨歸平度

去年秣陵道送別青門草今年客吳趨飲酒松江鱸匹馬明朝又西去一隔雲山不知處才大難逢祇自嗟白頭空抱匡時疏聞君結宅近蓬萊芝英石髓仙巖開餐精鍊骨且高卧人間誰築黃金臺君不見鳳鳥食琅玕丹穴棲高翰雲雨苟未得蛟龍且泥蟠憐君落落復還家余亦飄零向天涯拂劍出門月在地滿天霜色照江花

朱進士席上作

都門朱博真出羣閉帷精誦還工文長身七尺玉山立談鋒千丈千青雲黃金一擲結賢士烹鮮宰肥置筵几登堂揖客扶風豪擊筑高歌任西野黃生渡落湖海人瑾瑜在握家赤貧五侯七貴招不

往舉頭蕭杌無所親與君一見許意氣斗酒相娛
足相慰江山總是人代非浮世何須悲不遇君不
見車傍荷鍾杖掛錢至今飲者芳名傳人生適意
但酣暢東方漸高杯莫放

謝吳子惠鐺白之藥兼乞秘方

黃山發水生高賢研經博習還探玄李固從師遠
負笈韓康賣藥不取錢余也飄飄湖海客愁逼塵
催頭早白青鏡長教勲業悲丹砂空自駒陰惜一
遇都門解鵬鵬相看意氣多慨慷惠我青泥雪一
七頃刻全消鬢上霜五千曾授關門吏袖中奇方

顧無秘

分得宮亭湖送朱客部之任九江

岷江東流一萬里汪洋匯作宮亭水吞雲納日巨
浸間白頭浪涌波如山巨廬峻削逼參井峰峰倒
映芙蓉影空濛遙帶九江城衝煙寒鴈起秋聲攀
崖牽葉詠謝客風雅還應追李白使君新懸太守
章揚舲鼓柁來潯陽青山綠水無今古郡中風月
誰為主願得分風送爾行州民正望車前雨

贈會川給諫

長江一萬里九派分潯陽
斷春古江夏遠郭流湯

湯君家結宅嘗其墟二川交會靈祥渚潯奇發秀
產英哲廟堂之器稱璠璣新綰銅章宰百里司
牧由來寄通理莫訝仙鳬向闕飛即看馴雉隨
車止宓子彈琴不下堂俄然四國仁風揚降岳克
生周俊又澗河再見漢循良香名今已達天子
召對行當下徵璽扶搖六翮霄漢擠鸞鳳寧教枳
棘栖

送古狂子之金陵

君不見梅福棲會稽梁鴻隱吳市人生鬱鬱苟拂
意便當著敝名山裏王君漢落抱奇才曾將筆札
供蘭臺一朝勝氣與時忤從此孤蹤歷九垓寒雲
忽送蘇門轍云自觀潮度東浙即看匹馬秣陵遊
携琴去卧華山雪嗟余遠性自風疎却笑年年空
著書行當採藥與君往願得長隨白鹿車

送郡大父春臺督學晉陽

太行我我西北來漳河東注何縈迴河山發秀產
英哲商榷周栢濟世才經稱神兮學稱海聖賢事
業身期待皇皇行道孔孟心妙歲清朝服察案
出守還分刺史符百城俄頃皆回枯民安物阜士
敦行漢室循良近代無持憲霜臺寄門鑰由來樽

姐能籌略居然玄化執一心青微沉烽路弛拆校
文新 命簡 天王千騎迢迢指晉陽晉陽本是
陶唐地洙泗微言爲闢揚飛狐句注分夷夏紫塞
寧教牧虜馬汾邑重來保障人西河再見傳經者
攀轅心逐去旌懸目極黃雲萬里天荷君功德如
山重抒醉聊學輿人誦

送張幼于讀書湖上

越來溪上楞伽側雄圖一片平蕪色綠水難留西
子丹青山空傍吳王國枕書累月卧林丘花落禪
房白日幽無那春前別張緒湖頭楊柳憶風流

意室集卷之四

六

七

分得千人坐送王元靜任福泉

君不見生公臺前一片石聽法千人羅講席悲宮
智殿今幾秋天花不散迸水流使君揚鞭服官去
青絲提壺酒有與那堪此地一分襟相思聞嶠千
重樹名藩上佐選才雄婉婉嘉猷望譽隆君行莫
厭風塵苦作吏丹山碧水中

賦得栖霞寺送謝司寇秩滿北上

蕭梁一古寺遺迹自前朝貌佛千巖秀藏經孤塔
標鹿將名澗水虎定嘯溪橋峰頭常宿鍾山霧門
外應通揚子潮謝公三楚英清途早影纓玉堂高

美文章價青瑣爭傳直道名蘭臺薇省連膺寵五
時出納千寮竦官屬文章北斗尊地當畿甸南邦
重駟駟肅戒謁彤墀密勿論思 天子毗懸知長
樂聞鐘日猶訝禪宮休沐時

爲王元美題溪山深秀圖

王君遠性嗜山水許椽才情差可擬謝吟孫賦猶
未足妙繪還徵錢伯子剡藤十尺貌巖阿溪容濬
澹山峨峨不雨常飛屐阜瀑非秋盡瀉瀟湘波長
阜野市何幽窅縈紆鳥道青冥表古寺松深啼狖
多蕪城草合行人少白雲鷄犬散茅茨千丈虹梁
架壑危花裏漁郎共邀饌石邊樵客一看棋平生
欲覓蓬山麗弱水難舟空悵睇良工筆力信有神
夜半移來向人世王君傲儻志莫酬手持黃紙心
滄洲未從尚子尋名嶽且學宗生屋下遊

送王叔承遊洞庭衡嶽

逸思迥于霓常懷仙嶠躋鳳凰豈逐鷄鶩食鴻鵠
寧同燕雀栖冥飛一何遐羅單安所加遠日馬貫
月桂螭蛄之窟非吾家石戶携妻子同平待婚嫁
超升埃霧凌烟霞王君飽綠宇少小負奇氣酒酣
散髮時一吟七貴五侯皆失貴落落一劉生長安

恒借名抗俗步兵少青眼尋幽許掾多高情東風
吹遍江頭絮別余謂向五陵去腰纏五圖手一節
翩然直上祝融峯蕭湘蘭渚經過早啼後樹裏荆
門道衡岳朝來但白雲洞庭春到無青草黃生身
世歎支離老至偏多失路悲寄君一掬哀時淚爲
我西城弔舜祠

送郭次甫遊峽

春風吹開仙掌雲玉陽觀裏花紛紛亂巖鳥道從
此去直到張公合丹處盧生遐想在蓬萊風雨閒
扉掩綠苔茶竈烟微桐葉暗年年勝事待君來

詠楊花

百花落盡方飛絮三月猶餘已送春處處池亭晴
舞雪家家簾幙畫鋪茵爲萍終逐東流水逐馬空
爲南陌塵巫峽雨前偏攪夢臺城烟畔倍傷神飄
零身似天涯墻塵亂心如閨裏人最是年華易催
迫渾添霜髮鏡中新

徐汝寧子與解郡還過吳門王元美伯仲載

酒石湖

汝寧太守真豪士當年作吏稱通理郡裏方看集
鳳凰原間又見遊麟死忽憶滄洲遂拂衣何能束

帶見鄉里飄然削迹下吳門珣珣載酒故情敦
筵輟策共詞客澄湖靜賞青山色石湖山水重復
重漁歌牧唱樵人蹤鷗鷺青天立遙渚颺颺白晝
啼長松此時懷往生悽惋越來溪接長洲苑世間
萬細寧足論眼前一樽但長滿君不見吳王臺榭
麋鹿遊不及鴟夷一葉舟

朱司業席上作

秋風蕭瑟吹秣陵天涯貂弊客不能胡爲踟躕朱
門影矯足長當遵大嶺玉堂學士江左賢明經第
一誇妙年秘室文章冠詞囿禮樂明和還齒冑石

蘇東坡集卷之四

九

典

渠罷講下蘭臺高堂置酒召鄒枚玄談永嘯延落
景貪賞煙霞象闕來我愛主人情太厚雕盤玉斚
千金壽鳴笳擊鼓樂未央宛見南榮橫北斗瀛洲
蓬觀本僊家別有壺天駐歲華蟋蟀已吟井上葉
鴛鴦猶泛池中花酌酒與君須暢飲當杯且莫生
咨嗟君不見六朝羅綺餘荒阪寒楚蕭蕭走颺颺
無情堤柳只自垂昨日吳宮今晉苑又不見人生
聚會能幾何山陽聞笛哀情多黃公壚頭兵祿阮
乘輅轉眼悲山河立馬踟躕且莫去明日孤雲定
何處

白門歌贈嚴潭王司徒

君不見白門道平臺十里生秋草 高皇昔馭六
龍飛中天僊闕高巍巍石頭城抱長江水淮流半
入宮牆裏星曹儼向太微列月光常照鳴珂里羨
君爲郎正少年桃葉渡頭連錦鞵公庭多暇白晝
卧掩閣經時只草玄臺城高挂後湖月六代繁華
盡銷歇大夫時勢作賦腸舒嘯江山思超越憶昨
別駕天台時金昌贈別攀煙綵登臨空負謝公約
桐栢石梁勞夢思瑤華携來白石子披誦丹青縹
綃綺赤城霞標恍在目令我篋中珍片紙今歲清

東晉書卷之四

十一

秋

秋客鳳城龍門一觀酬平生感君義重拭長劍寸
心耿耿銀河橫燕市筑新豐酒交態如君復誰有
憐余一別長干花白鷺洲前起暮笳空囊媿乏珎
玕報持贈青天一片霞

斗城行贈中白王員外

永嘉山水天下奇羅浮之顛江之湄峰頭鑿井象
列宿咤視天台與九疑王公讀書卧雲壑洞口春
秋換靡靡璇臺日侶僊靈游翔區曠志栖玄漢側
漁六籍獵五車揚芬淑潤敷春華時時着展賦登
眺當年謝客無多誇妙歲英聲馳上國權門跼藉

東晉書卷之四

土

林蘇臺卽是長干月難寄搖搖一片心

湘江行爲蔣都閫送郡大父王公應召北上

衡嶽遙當翼軫峙祝融高插青冥桂海雲生巫
峽峰岷峨雪作洞庭水灘江北下是清湘東注鵬
溟萬里長竹枝不減舜妃恨蘭葉猶含楚客芳朔
城風土由來厚羨君門業高華後意氣常懷舉鵠
心文章獨擅雕龍手早年結綬金閨新黃紙滄洲
作使臣下賢寧有朱旆貴信獄單敷丹筆仁簡才
顧問徵書下從此仙曹分八舍何武他年祗易思
寇恂今日應難借單車去去向皇州唯有胡牀郡

壁留愁心攬取蘇臺月影入湘江日夜流

海陵歌贈朱太學

海陵一片揚州土襟帶江淮地何阻八紀由來屬
斗牛九圍自古雄吳楚薔薇滿接茱萸灣瓊花一
樹無雙顏縈折河橋明月裏空濛島峙巨濤間當
年太守朱文季威德懷民還畏吏一從言返西陵
舟至今猶想東方騎此地曾聞誕俊髦香夢協
非凡曹蜚鴻超逸真龍彩王邵風姿信鳳毛美君
本是清華胄湛實浮英功日懋卓犖行藏詣德林
歲蕤詞藻翔文囿峴山蒼蒼映雪川平生名勝心
所憐開緘觀爾雲霞字恍惚江山在目前

送汪元蟲謫晉陽

故人別我胥水頭孤征萬里向并州平時猶憶山
陽別此別那堪腸寸折千鍾一飲歌慨慷白日黯
慘無精光須臾陰飈走沙石木葉盡脫江波立吁
嗟世路太行轅九疑對面何復言讒口金銷古來
有今日寧知點玉冤千山萬山盤句注鴈門九月
誰能渡接地風雲紫塞秋連天冰雪黃河路君不
見負累鄒陽書幽憤嵇夜詩豪傑皆如此歎息欲
何爲世間萬細何足說失馬生牛君試閱著書寧

殘遷史身游說猶存張相舌越石胥靡季布奴願
君自保千金軀腰間寶刀虹光吐壯士相看淚如
雨

人日懷朱太守于价

去年爲郎長安道省中行路生青草今年作牧九
江城白榆庭下喧灘聲憶昨人日月在天高齊設
像數几筵石鼎自煮中冷泉題詩萬里寄瀘川鳩
鵲樓前月正午盧龍山頭初過雨金陵春釀百斛
傾主人醉後還留賓須臾飛詔來南甸五馬雙旌
看不見誰知人日轉眼逢八賢分散悲萍蹤西嶽

東坡全集卷之四

三

朱

道人去不返東閣僊郎卧假寒嗟余病客只飄零
閉戶經旬親藥碗自君一別心賞乖足跡不到長
安街此日思君往事歇潮溝石上空明月草堂同
是題詩人我今題寄轉傷神許祿年來倦登陟欲
訪匡君猶未得匡廬一望一沾衣歲改星回信息
稀調水當時蘇學士看山今日謝元暉

憶昔行寄繆太學

我昔栖金陵胥胥歲屢適雖因烽烟阻却爲江山
留石頭城南長干里朱橋幾曲青谿水一雙芒屨
不向市只在樵垞漁墅裏囊中無錢桂玉炊荆糲

劍在妻子嗤新豐不作馬周客上林寧用狗監知
五侯七貴接杯酒不如瓠壺瓢勺飲一斗狂來嘯
入雲天長豈著岑牟之服揭漁陽繆君遠性翔寥
廓眼前樸邀糞上螻軒軒皎皎越俗姿宛似朱霞
半天落黃河之水西北傾豈隨世態移交情元龍
偏負湖海氣劉生恒借長安名有時邀我酒壚傍
飛花撲甕春蟻香玉釵寶瑟鬱金房豪呼六博賭
千觴持杯每自傷蟋蟀貫酒何曾吝鵬鷃憐君失
意下長安余亦還家歌考槃江山千里隔烟月回
頭往事愁漫漫北風烈烈吹枯樹十日空城飛凍
雨雪花入屋滅夜缸微吟爲寄相思苦

書集卷之五

五

朱

雪中登鷲鳴寺千佛閣循西麓步至覆舟崗

上作

林陵暮序三日雪淮河流漸冰夜結嚴風吹山水
欲折鳥雀不飛狐兔絕羈人一室衰生眠門前無
路厨無煙容顏自好氣益壯門戶四望驚皎然興
來著屐上青嶼便有高朋載芳醕陰屯素積石乳
懸自覺禪關更幽阻酒酣大叫孤峯頭寒光慘冽
不可留玄雲綿密晦入極萬有莫辨大塊浮湖昏
淑黑狀千詭奔沙駭浪魂欲禱火洲日壑何處求

峨嵋陰山只尺是初疑虛空三昧鴿王家珠林銀
樹琉璃花又疑仙人白玉十二城玄霜絳雪上藥
成嗚呼雪中凍人今比屋千載空傳詠黃竹

聽查十八彈琵琶歌

壽州鍾郎善琵琶國工斂手咸咨嗟阮朱絕藝那
能續不惜千金傳一曲十八從師廬子城五年技
盡六彈成抑揚按捺擅奇妙從此人稱第一聲今
年客自郢門還瑤枝手把來蘿關江湖聞名二十
載相逢兩鬢風塵斑據牀拂袖奮逸響叩商激羽
高梁上聯綿曲折抽芳緒悽鏘蹙劫生孤愴欲舒
逸氣更促柱切切嘈嘈作人語炎天冽冽滿屋霜
白日颼颼半窓雨雲停霧結池波搖木葉槭槭鳥
翔舞迴颼驚電指下翻三峽倒注黃河奔胡沙黯
黯吹落月千山萬騎夜不發調本絃韻太苦酸相
思馬上關隴寒從來慷慨易成泣况復秦聲向客
彈

醉後歌贈沈秀才開子

沈郎意氣何軒舉片言感激心相許懷瑜握瑾人
不知平生直項無低眉豐頤廣額骨相異朝霞之
姿背冥志胷中直欲雪夢吞眼前但見蠹處視手

持鸚鵡向余泣庸聽奇音豈相及讀之字字皆琅玕江河萬里驚飛湍嗟哉龍藏與蠖屈世間誰得復誰失百年須臾餐適意莫使啣杯虛一日黃金買笑芙蓉樓舖帳橫釵醉璫瑟君不見桃葉渡頭春復春桃花愁殺渡江人又不見落星岡前落屋石千載空悲綺裘客洛陽李子黑貂貧會稽太守昨負薪古來豪桀誰不遇試問長夜何時晨鳳鳥不至麒麟死白髮朝生吾已矣酒酣拔劍酒更呼贈君此歌肝膽枯

題長江萬里圖送貳守龍公之隆安

大江西出岷山裏東注奔流一萬里源同甕口初濫觴川分湖匯何茫茫含靈著怪由玄宰霧雲蒸鬱變明晦三湘納漢帶九州絡地浮天趨巨海錦湍迅瀨翔鷺鷥黃鶴磯邊鸚鵡洲黃金紫貝漾白日萍實菱花榮素秋侯也蘇臺勸佐理吏戴民懷頌聲起千里俄敷樹下春三年但食江南水徵車鳳使下承明刺史符懸人並榮騎吹還臨巴子國醴筵出祖吳王城鬱林舟輕那可渡漁陽折轅還自赴吳地方深詠去思蜀中應復歌來暮五馬會過陳豫章千秋巖穴道彌光他時一掬思君淚灑

作江波萬里長

兆柔行送高給事

兆柔之歲沴孔烈斗垣稽象孳為孽西北震蕩地柱折壯士仰天肝膽裂平生許國腰下鐵樓蘭之頭月氏血隼飛水蕩憂未絕吁嗟又見隕喉舌美君少年青瑣列奇觚讜論何款切批鱗寧畏履尾啞賈生南遷鄒陽緘白壁青蠅竟誰雪長江悠悠鍾阜嶠芳草門前聽啼鴉越山千里戒歸轍天雲不飛心煩結攬衣恨恨不能別君到吳臺往事閱范蠡身全子胥抉由來炙手須臾熱失馬生牛理難說願君常保素絲節人間萬細皆螟蟻人間萬細皆螟蟻

贈大中丞陳公

吐符崇嶽誕儒英執憲持繩列上卿三吳分閫寄隆命一時膏雨敷羣萌吾蘇頻歲饑戎後行軸其空星在罽那堪為政復紛更共願居官須長厚公綏上德若烹鮮境內醇醇室晏然南畝三秋有禾稼東溟萬里無風烟浩洽閒情遊翰墨蓬門每見文侯式遂聞塗巷起謳歌頓覺江山增潤色蘭樹當門俗所憎何曾枋鸚鵡識演鵬得失寧期塞上馬

是非空笑棘中蠅蒼生忍使無安石賈傳行當對
前席憐余吳市採芝人因爾梅山問遺迹

阮侯北征贈以古劍因系短篇

予家寶劍昆吾姿麗藻繁縟雙盤螭星文照夜光
陸離開函六月霜淒淒張華已矣秦客遠沉淪一
世誰相知山人佩爾多歲月幾共吳門芳草歇平
生空抱飛揚心愁把青萍伴白髮將軍別我來我
家乘輅去去向龍沙丈夫意氣在心許花前解贈
持秋霜君別我今我別劍蕭蕭風奪芙蓉豔酣歌
起舞落日前躊躇回顧心茫然乃知神物終當遇

會看騰躍入雲天

送錢叔寶遊白岳

黃山突岬何雄哉千尋鳥道相盤回頂上雲峯三
十二天中面面芙蓉開飛崖峭壁摩霄聳丹砂常
自靈泉涌藤花羅蔓不計年岩間藥草仙人種王
孫落魄栖吳門名山夢寐勞心魂片帆忽挂春水
去乘流直遡桃花源一路青山夾谿曲哀猿月出
啼巖谷越王城頭雲不飛嚴陵灘前草初綠冥搜
窮歷非人寰謝公題遍蒼苔間右丞圖書况佳妙
篋中携得雲霞還向長碧嶠心徒切塵區虛自年

華閱送君執手一慨然日暮門前聽啼鵲客成子
浮丘公軒轅煉藥曾此中千年空憶乘龍處烟霏
石宇長濛濛洞口如逢鹿髯老與爾相期拾瑤草

金陵行效六朝體

金陵多王氣星纏協斗牛楚子埋金憑秘記秦皇
沉璧臺南遊千秋圖籙待真主一統山河宅帝
州我皇握鏡飛淮南奠極神臯控赤縣日畿千
里麗且康天室九重茲復舊鈞陳繚繞少海明隘
視周鑄陋漢京西抱長江天作壘東盤複嶺石爲
城鍾山鬱鬱高截嶼淮水溶溶走紆折芙蓉丹闕

雙雲峙扶荔青廬千宿列清宮闕殿聯曲房直從

九

泰紫摸圓方金莖承露僊人掌珠鳥攀星玉女窓
虹飛複道挂晴旭琬館珍臺綴繁縟甘泉路上長
赤芝太液波中下黃鸝御溝芳草瀉流霞內苑啼
鶯到日斜建業烟迷建章樹長干月照長門花東
西第連甲乙帳鳳翼朱甍遙對望五侯七貴數經
過翠幃香車遞相向雕櫳繡戶紅氍毹十二樓臨
十二衢挾彈探丸金絡馬橫絲理曲紫羅襦渡頭
桃葉落花影蒼苔半蝕胭脂井朝朝臺畔鳳凰飛
夜夜樓前鵲鵲空可憐六代昔名都一旦成灰愁

是何日四海噉噉思太平余本臃腫材復作溝中
斷仰天大叫夜漫漫爲君吟成一木歌倒時泰華
西流河

海上三神山歌贈楊伯海

伯海瓌偉卓犖動與俗迥有高蛇塵表之志瓌
川宗子爲之作傳若曰誕然而以世之東觀蓬
臺言者非伯海志也余故歌此爲之勸駕云

嘗聞三神山云在大海東下載靈鰲上集群龍金
銀城闕琉璃宮瓊林碧樹何青苑仙人道士居其
中玄芝藝爲糧丹泉飲爲醴千秋萬歲可不死手

常注先生集卷五

廿一

七

攀琤梯瞰寥廓九河潏只十嶽垤只隘哉中州不
可以止瀛洲道里七十萬方丈蓬萊同汗漫洪濤
無風百尺瀾水底茫茫無畔岸欲往從之託飛翰
漢帝秦皇空浩歎楊君胃中太崛奇高才勝氣不
受羈軒軒爽朗朝霞委萬言一目誦莫遺雄文立
吐如泉馳陽翟豪舉扶風客成言不悔心如石酒
酣拔劍耳熱時噓噓千丈虹霓白遠心自擬遊溟
鯨眼前誰礙誰與論千金盡散落魄士一刺豈謁
諸侯門年過三十不得意硃岩清狂爲俗忌出門
有礙居顛顚仰天大叫裂目皆海上神仙豈難至

便欲驪巖駕此駟珠庭真館三丘閣冠霞珮玉翔
且戲奈花采掇瑤筍餌逍遙天地無終始回視赤
縣螭蛄之窟楚楚蜉蝣狎狎魑魅朝生暮死而據
噬無已羨君度世出千塵余亦丹臺天帝臣招邀
盧敖載雲氣八極同驅五色麟

太湖歌壽阮都尉

玄源洩天地瀝爲太湖水百川吸納常不盈三江
流注無窮已虛牝窈墨莫可求雪山排浪天欲浮
禹功萬世賴底定巨都大浸當揚州波上空濛七
十島宮亭雲夢皆如潦夜半龍腥千丈潭日出萬

常注先生集卷五

廿一

七

頃蘋花寒中藏洞天幽且阻玉禾瑤筍琅玕樹靈
威丈人曾此住洞前十里一仙壇云是劉根生羽
處金庭玉柱在人間何須海底覓三山阮侯少小
負奇氣平生不倚將軍貴齷齪近步恒自嗤萬里
封侯謂可致肘後常懸一豹韜輕裘緩帶心雄豪
喜見迨秋太白高風雨時鳴匣裡刀五十未挂麒麟
袍門巷蕭條何所有圖書四壁苦半畝經旬不
掃竹間扉吟就新詩滿人口有時鍾鼎高堂羅鄒
生枚叟相經過五經發難若探筍千言立吐如懸
河酒酣據地仰天叫氣作虹霓掩雙曜湖水益深

山益峭崎人激烈衆人笑丈夫風雲應有期遭逢
豈必皆年少君不見會稽守平津侯負薪牧豕俱
白頭塞翁之馬宋人牛世間萬事良悠悠阮侯阮
侯豈徒爾好立功名報 天子歸來扁舟五湖裏

泰山高行壽雙渠郡侯

君不見泰山高光律萬仞控神臯監視方輿逼圓
蓋滄海爲杯黃河帶天門日觀雲霧生栢樹千株
芝九莖吐納百靈輦庶類七十二君咸告成苞祗
効祉泄玄秘誕麟育鳳昭王瑞時人方避桓典驩
漁陽載詠張堪穗鄧攸飲水民有孺文翁設教士
有模千里江山盡增潤一時草木皆回枯朱輪黑
髮逢華誕綺霞繚繞文星燦自是吾侯能壽民烹
羔舉兕稱侯筭泰山元多烟客居神房香井標仙
閭他年倘遇稷丘者會見琳宮駕鹿車

南岷歌壽王中丞

南岷山鬱青冥間九井玄滋深莫測十三峯高不
可攀猿叢魚鳧昔開國抗阻峨眉連太白西極華
陽稱奧壤奇巒秀壑神仙宅蜀主得道西山阿石
室曾栽五色禾青羊肆中授玉冊由來紫氣函關
多山川吐靈誕申甫學海經筭鏡千古子雲相如

未足前華國文章炳棊組一從爲官三十年折轅
垂橐無俸錢初勞州縣致卿相邑頌毗謠塗路傳
潼關寄閭展籌畫青微無塵淨疆域治河已建百
世功轉餉應儲九年積天皇億載正垂衣耆英豪
俊當樞機即看雨露蒼生潤日月常瞻 帝道輝
姑蘇刺史符曾剖胡床猶自懸東廡墾田興學歌
士民至今去後思何武岷山絡井含氣殊涌瀆分
川紀夏紆演漾溟茫一萬里餘波流得到三吳

壽雲槎外史張應和

君不見五陵豪千金裘馬玉色醪又不見陶朱流

木奴千頭等列侯總使人生常滿百莫教一日花
前擲張君本是江東俊百萬呼盧然諾信狂歌痛
飲五十春世上何人識懷瑾今朝誕日開綺筵文
賓奉竿酬萬年靈椿不凋紫芝秀道遙甲子壺中
天蔡經昔住吳門宅麻姑夜降瑤麟壁桑田滄海
只須更笑指寰中走紅日嗟余祕笈曾探搜刀圭
入口回鬢秋何時謂語瀛臺事期爾同爲汗漫遊

附詞一首

江南春

園林二月抽新筍微風細雨郊原靜柳條處處變

鳴禽簾幙差池雙燕影銷娃宮灰青草冷桃花半
覆吳王井陌上遊人落醉巾寶馬香車逐綺塵○
花開遲花謝急曉起看花薄羅濕踏青拾翠如不
及回頭日墜山疑碧愚者惜費長邑邑賢達又媿
修名立那知人世若飄萍胡乃不樂徒怔營

黃淳父先生全集卷之四

黃淳父先生全集卷之五

吳郡黃 姬水 著

壻顧 九思 編

男 嘉芳 輯

五言律詩八十九首

詠懷七首

長安爲滯客落落向誰論
悅魄惟芳草忘憂是綠尊
窮鳥笑卑擇潛虬嘉遠蟠
王侯且不事何況孟嘗門

窮迹何須嘆行藏衆所嗤
延陵亦皮相鮑叔迺心知

黃淳父先生全集卷之五

知不盡商山草空悲楚澤
薜蘿總多玄髮恨白日只
西馳

眇眇孤征客風煙鬢易摧
已無封侯骨空有佐王才
漠北廉頗老江南庾信哀
綺裘呼換酒石上醉千回

布衣雄一世飄泊任無家
狂投青樓月閒栖白寺霞
今遊卽已昔歡處忽成嗟
寄語中園僅榮華詎足誇

水自秦淮入山連楚望回
馬來空說渡風去祇餘臺
然諾扶風客聲塵洛下才
向人無俗韻長臥白

雲堆

哭比唐衢善憂同漆室繁竟庭悲軼死周室嘆若生乾象多氛孽坤維亦震驚空餘一片氣誰與請長纓

旅世復爲旅勞勞役此形容飢愁玉粒鄉夢落金庭調鶴知身逸看山得眼青閉關無一事飲酒讀騷經

春日同衡山太史過大林禪房

舍北一禪刹追遊及早春言從放鶴室因侍換鵝人幽境投蹤遠芳林屬賞新平生寥廓意來此卽

怡神

荅阮時濟雪夜見懷二首

雪候惠新詩開緘憶所知忽然聞郢調恍爾見瓊枝阮藉長吟夜袁安高臥時由來詠招隱易動剡溪思

獨酌寒鐙下悵然懷離羣誰知吟白雪卽是賦停雲蕭索年芳駛飄飄意緒紛瑤華如可攬持此報夫君

冬日同皇甫少玄百泉集林公房

浮世聊乘暇空門自遠譁遺民結齋社玄度愛煙

霞湛境調心馬香筵現掌花徘徊當落景猶聽演三車

觀堂僧廬詠雪

寶刹虛庭晚俄看珠霰侵人應叅雪竇地本是琪林積素疑添髮繁空祗攪心香臺一沾灑渾訝雨花深

陸可槃下訪

相對雲林客悠然意不譁琴書閒更寂草樹晚偏華饌客貧烹菽謀生拙藝瓜逕中無別侶非仲卽烟霞

秉尚

志士貴秉尚吾師倪缺流願穿北海榻恥散洛陽裘三徑可不出諸侯何足遊春風長微蕨畢景好歸休

過雲圃盛子鵠息軒

名園標帝里番是遠羣塵羨爾鵠栖穩嗟予龍性馴竹深全覆雪鳥澀半含春邂逅卽投分誰云傾蓋新

夜集黃庫部官舍

登朝抱經國直道嗟陸沉袁著結蒲日朱雲請劍

心飲余都市酒聽爾江潭吟野戍動悲角寒煙愁暮陰

賦得桃葉渡送張幼于之金陵

遺蹤傳自晉此水鑿由秦不見渡江妾空餘渡口
春烟波易生恨花柳似含顰才子今臨眺風流繼
昔人

都門逢王屋張山人

與爾頗同調羈心相對悠嵇生元不偶平子況多
愁殘鴈逢春入寒潮帶雨流何如臥巖壑桂樹共
淹留

秣陵歸社中諸君過集得清字

客子歸來日閒居寡送迎庭柯不改色墟曲自多
情人逸雲偏近家貧鶴益清也知無負郭肯許老
蘇生

紫山徐丈過南星別業

別業江城曲蕭然水竹偏不因山色在那使客情
憐樹翳陶門日蘿生蔣逕煙南鄰堪自貰取醉夕
陽前

大壑禮部招飲東麓亭

郎官休沐暇遊子滯淫歎僊嶠偶成眺風烟聊自

寬江流積雪暗山氣入雲寒却怪壺天暮西林下
日難

分得清涼寺送陸祠部之任金陵二首

古寺石頭裏荒涼碧蘚滋江山千里矚樓堞五城
窺帝子繁華地禪宮銷歇時清郎多暇日登陟有
餘思

滄洲方欲臥白首更爲郎帝邑標嘉麗仙曹接鳳
凰迦墟青草合眺嶺白雲長若問南朝寺應憐晉
苑荒

漫興

緬企古高抗投軀欲杳深漸於時態遠忽已歲華
侵月不遺蓬戶雲常住竹林若非茲玩把那復可
開襟

送中白冬官齋戎服北上二首

天鉞仗嫖姚邊城太白高除戎昭聖武祗役著賢
勞江雪催征騎晨星引佩刀平生請纓志莫遣旅
情忉

於赫戎兵詰將軍城朔方貝綬朱綴飾金鎖綠沉
裝膽落烏荒國心雄白面郎都門一揮手跋馬意
飛揚

夜集馮祠部官舍得黃字

題柱漢宮郎休衙頻舉觴能令貢公喜還怨阮生
狂照夜寒月白愁人原草黃寧辭達曙飲天路馬
蹄霜

長干寺除夕

一年今夜盡况是客中過白髮長安酒青雲短褐
歌潮聲徹僧梵雪色照巖柯誰謂空門裏番令百
感多

花命日過開元寺

淑景散芳甸叢林隱化臺如何花日好番向空門

書李金集卷之五

六

吳

來古殿巢飛狹閒房闕綠苔都將艷陽思消盡欲
成灰

懷虛巖周山人

嗟余長卿病累月臥空林出戶見芳草故人懷遠
岑看花到春盡煮石住雲深園綺采芝處知君偕
隱心

次彭孔嘉韻贈郁虹如

憐君窮巷士寥廓思偏豪既自能齊物何曾更解
嘲狂來携酒桶老去棄詩瓢却媿長安客紅塵車
馬勞

晦日仲都宅賞花借月

命客西園夕其如兔魄消那堪賞花日却負舉杯
邀總道黃金落還期桂一飄吾將驅月馭碧海挽
仙鑣

上巳日巫澗諸君過集開雨館

眷言歡令節清讌洽文賓不見采蘭者空懷洛水
濱桃花和飛雨芍藥攬芳春寄語東城子邀遊及
此辰

穀日集何祠部官舍

寂寞揚雲閣松篁絕四鄰霞鑣出塵外蘭具見情

書李金集卷之五

七

自

真始對一年月俄消十日春所嗟知己恨落落向
誰申

過姚元白市隱園二首

言就白雲約名園聊近尋飛梁渡作徑曲榭石爲
林每過小山容誰知大隱心清暉足娛賞不覺夕
霞沉

地僻寒塵鞅霞鑣許一攀平亭全抱水疏牖半銜
山柳臥漁磯靜花臨丹甍閒憐君息機者長日掩
蘿關

過金子坤新居

言過巖穴士寥落荒林間芳草闕幽躅白雲怡好
顏尊酒貧常滿浮名老更閒謝君耽耽賞移宅傍
青山

元夜少洲席上送金平淵之高淳得鳳字

送客郎官宅良宵一舉觴金枝歡吐鳳玉軫愴飛
凰月以離心滿春隨去路長無端風雨恨併作阮
途傷

寄童侍御二首

直道豈容世由來事可嗟徒然擬靈草誰復采春
華歲月交游闊山川謫宦賒知君忠膽在不敢怨

長沙

歲暮南遷客霜稜左掖臣天涯共芳草不及故園
春道在官宜薄詩工家益貧聊將加餐意千里贈
離人

顧仁效陽山別業二首

買棹訪真隱秦源路轉偏龍歸春岫雨鶴候夕扉
煙竹葉藏仙壁藤花覆野田暗流泉百道都會草
堂前

限隄山深處雙峯一徑斜澗生殘夜月巖被隔春
花向子元耽嶽龐公自隱家林間瑤草供聊以佐

餐霞

爲大壑仙吏賦內人彈琴四首

風流傳粉郎掩閣度春芳天帝遣素女雲和弄玉
牕聲中半雛鳳絃上雙鴛鴦詎學長門奏綠愁不
可長

盈盈盧家女二八正芳菲纖指弄瓊綺柔情託瑤
徽綠牕令月白金屋罷雲飛嫁得臨邛客詎傷知
音稀

玉柱橫香閣朱絃鼓麗人飛泉疑瀉峽白雪暗飄
塵赴節雙彈逸含情九弄新定知羅帳裏常得駐

陽春

紅絲當戶理促柱風淒淒游子心應解湘妃調欲
迷不愁鸞鶴別長作鳳凰棲簫史它年去何勞秦
女携

正覺寺禮中峯禪師像

禪師化已久遺像儼香林滿月標今相彌天見昔
心宛窺入定色恍接演敷音本自無真幻同爲
匪欽

瑞相院夜集荅王亮卿

可歎千時者嗟予心獨遠明河低客酒涼氣灑禪

靡道已羞齊瑟塵偏上洛衣阮途何用泣長往北
山薇

清玄觀葛稚川宅

葛稚移家處星壇表翠微青巖惟桂樹遠地慙荷
衣鶴並千年去鷄隨大藥飛丹砂不可問衰髮奈
輝輝

美人以繡鴛鴦貽張長公戲爲賦之

昔日河洲上春言情昵深風波一垂翼天末空懷
音不寄雙栖影那知匹處心絲絲出離緒長佩合
歡襟

訪豫陽田子席上投贈

挂席當秋杪回驂向日斜主人山陽侶酒熟正還
家過雨空潭月迷烟斷渚花從茲謝范好常得締
雲霞

同金子坤盛仲交市隱園對雪

遙空散密雪獨往問幽栖不道金陵裏蕭然有剡
溪冰雲連水合偶木抱峯低晏歲關山夜羈人意
惻悵

賦得秋雲嘲鑒塘項子

氤氳復繚繞秋至更霏霏每向歌前駐還從舞處

飛覆花雙作艷度月五成輝恨殺陽臺上朝來感
夢稀

訪文德承攝山耕寓

訪爾嚴栖者迢迢披荔從閒扉挂層瀑危路隱千
峯白首鶴裴客青山石戶農浮生能幾日一別十
年逢

同姚元白余伯祥訪圓志和尚

駕言禮開士象外各超然回首卽成劫初心未是
禪寒岑列虛牖野谷流平田石筵香飯罷暝色生
松煙

歸自武林別紫山徐丈虛巖周子

門徑只垂柳飄零客到家琴閒人有伴秋盡菊無
花苔綠石滋雨藤陰樹隱霞那堪賞心者明發又
天涯

賦得白日牛西山

落照猶餘照傾曦未墜曦當年吳子國正是烏棲
時空爲清暉戀潛令綠髮移誰能挽龍轡光彩復
東馳

永興禪寺

山自長干外叢林面面幽前峯鐘梵雜晨夕入雲

流草長棲禪地花殘滯客秋年華復幾許荏苒半
生愁

過阮侯齋中

言過幽栖處清秋景倍嘉風聲微在竹日影漸移
花逆旅憐生世爲僧恨有家自多區外想把酒玩
青霞

送浮山梁公子還嶺南

萬里京華客寒風思故園如何芳草歇猶自滯王
孫中散世難偶玄成道益尊遙知庾嶺雪羸馬聽
哀猿

東還留別南館諸公

快飲青門道臨岐思鬱陶七襄空錦報一劒復萍
飄楚望迷江滙秦淮暗柳條援琴何用鼓去客已
魂消

顧太保臨濠別業

水木清華地名園開逕紆疏渠連碧漢架巖巖類蓬
壺培草舍煙細仙禽喚月孤從教習池上數過高
陽徒

飛蓋西園裏氤氳度夕霏金塘全映帶玉樹半芳
菲曲徑藏花霧平臺抱月輝如何猿鶴主猶未遂

初衣

荅陽山宋侍御

寥落荒塗士多君念不疎一爲驄馬使三寄越鄉
書昔有賦窮鳥今無憐涸魚酬知在崇德北首重
踟躇

送僧海印受戒武林

爲法謁師去還將靈域尋由來持行苦不憚入山
深鳥外栖雲巘花時度雪岑吳僧卓錫處知爾欲
開林

送唐孝廉遊嵩山

坤靈奠五嶽高大是嵩丘四樹仙人種三臺帝子
留方偕禽慶侶去挾鳳笙遊若到箕山上還應弔
許由

荅謝山人茂秦二首

冥交千里外魚素遠能裁劒未豐城合琴先鍾子
開關山心豈隔歲月髮偏催爲問漂零跡應多在
鄴臺

芳訊頻年至寸心銜所知每懷嵇夜駕常誦玄暉
詩海內交初定天涯會未期江南有蘋葉春暮最
相思

王百穀過玄芝館得時字

壺觴坐孤館，颯爾動涼颼。高宇秋回日，空庭雨過時。
村深花覆屋，山近石穿籬。欣此賞心晤，幽襟聊一披。

秋日

平生寥廓想，終歲臥長林。鷗下池偏靜，蘿垂逕益深。
難馴是龍性，易有唯蓬心。幽意無人會，秋雲在遠岑。

禱雨詩爲王兵憲賦贈施太守

畏日將焦稼，祈天願積薪。蘊隆驅魍魎，夭矯見龍神。
還以隨車雨，敷爲行縣春。甘霖元已旱，傳說是商臣。

松風閣看月

清輝憐乍滿，永漏坐將殘。飛鵲山川迴，疎花池館寒。
昔年千里共，今夕二毛看。綠酒無辭盡，佳期欲偶難。

立春日

旅食他鄉久，俄驚時序新。蘭林卽藹藹，澗溜漸粼粼。
憲也元非病，雄兮何逐貧。今年春到早，應笑未歸人。

客中七夕

客中逢令節，幽意託蘭鞋。雨暗江潮至，秋回天漢移。
嵇康不偶日，王粲未歸時。欲向雙星問，應曾解別離。

牛女詠

鵲梁依漢起，龍轡逐颼馳。石冷香梭歇，榆深僊翟移。
何當一夕詣，番動彌年悲。會晤苟如此，不如長別離。

十八夜詠燈

銅錯紛華藻，蘭膏散綺煙。共言元夜好，還見九枝然。
先花忽生豔，後月不虧圓。若向羅幃照，流暉更可憐。

姚元白竹素山房詠春雪

獻歲又逢雪，林光澹以淒。寒輕全帶雨，冰渙半成泥。
妬梅縈閣悄，學絮傍臺低。飄蕩春風裏，偏令客思迷。

十七夜玄芝館花下

山館復過客，秋光野逕偏。如何悲木落，猶喜對花妍。
抗俗心難下，遲年景易憐。寒塘石上月，已減二宵圓。

十九夜阮侯宅

招尋在區外清賞白雲前良友何嫌數幽居不厭
偏霖林含雨氣秋卉奪春妍未吐青巖月難惟先
自寒

秋日張幼于招遊石湖

共遣區中累來從物外遊溪山勝不改吳越跡空
留遠浦蒹葭晚陰崖薜荔秋寒光送歸櫂漁唱起
江鷗

雨

白晝忽云暝愁深秋草腓北風吹海水蕭條作雨

青先生集卷之五

六

飛樹暗侵潮氣峯低斂暮霏他鄉驛離日莫嘆客
無衣

雪

一夜吹天雪寒生建業城風威侵骨冷霽色照襟
清莫問袁安臥何慙東郭行當年程正字溘死豈
求名

過史孝廉冰壺館

過爾林居僻雲霞一逕通形驪百年內心賞幾人
同日晚花房合秋深燕壘空物華間玩久不覺夕
陽紅

中秋夜坐

旅人貪看月危坐到天明露重蛩偏響風淒鵲屢
驚一身羞短劍四壁笑孤檠唯有還家夢今宵亦
不成

九日同何翰林康山人顧太常集天界寺

尋山來古寺泉石弄清暉何事良辰賞番於羈思
遠松崖飛雪冷竹徑入雲微搖落登臨日那堪客
未歸

臘月六日雪

窮歲五日雪江山積霧昏荒塗礙僵桂及壁挂飢

青先生集卷之五

七

猿有客兔園賞幾人狐白溫如何洛陽裏偏沒袁
安門

冬日遇顧太常攜酒過志上人山房

余意在寥廓愛茲塵外鎮揭來枯禪地況是清郎
招古殿天寒樹空城日暮潮忘歸晤心賞偏愛石
門遙

小歲夜集朱子介齋中

厭厭官閣夜餘生履寒莎何事除年戀番於小歲
多從君休沐飲慰我勞人歌同是飛騰景偏驚客
裏過

已未除夕二首

獨坐寒燈裏孤峯伴旅身白頭重受飾芳草尚淹
人有酒且娛樂無衣豈厭貧却憐今夜盡逢歲又
逢春

他鄉逢臘盡牢落掩山扉髮與年俱換人因春恨
歸流漸漸石冷遠樹入烟微貧賤皆如此何嗟身
世違

新正三日顧孝常惠酒醉後賦詩貽之

三朝非九日送酒有王弘柳意風前動梅神雪後
增解醒猶未得中聖忽相仍報爾北牕下清尊得

好朋

黃淳父先生全集卷之五

不

朱



黃淳父先生全集卷之五

黃淳父先生全集卷之六

吳郡黃 姬水

著

壻顧

九思

編

男

嘉芳

輯

五言律詩九十二首

寓顧尚書息園

依然江總宅寥問傍青溪言造辟疆竹乍同漁子
迷桐花覆蘭閣荔葉隱芝棹一罷尚書履青苔沒
故蹊

毛禮部招飲東麓亭

黃淳父先生全集卷之六

一

真

崇觀來仙吏呼朋共洽歡崖懸芝閣迴松偃石門
寒暢飲彈秦筑羈憂結楚蘭江山秋更好不柰旅
人看

同王亮卿集會司務官舍

幕府咨嘉畫詞林擅妙才公榮飲酒共匡鼎說詩
來溝水空城逝秋蘭芳歲摧逢君多慷慨筑罷玉
山頽

贈盧次梗

有客不偶世長歌意何如名高劉生諾淚盡鄒陽
書獨夜鳴枯裏千山積雪餘飲君壚頭酒江水渺

愁予

王虞部席上

蘭筵集同好綠酒恰幽情阮籍方外士王克文苑
英秦河飛雨暗楚望入雲平一語石梁勝恍然霞
氣生

偶成

茂苑看麋鹿其如懷往何栖烏吳殿冷芳杜楚江
多暮景嗟無立勞人自有歌當年一片氣去去擲
東波

春晚

黃清先生集卷之六

十一

共

高卧青巘下孤情與世違但看郭北墓空笑首陽
薇西日鳥初沒東流花正飛無人知苦調霜月照
金徽

送王秋官元美北上

送子去長安行行贈握蘭識廷秦法吏題柱漢郎
官鴈候人難別驪歌日易殘空令懷益者延佇遲
雲寒

送張伯起叔貽會試二首

兄弟元稱驥騰驤並絕塵牒書初謁帝衣線遠
辭親把袂多雄氣分琴一怡神無嗟晏歲別前路

是陽春

學本同門出才應時輩稀獻書還詣闕勸駕此
征騑花喜連枝豔鴻看並翼飛雲泥自茲隔把酒
重依依

送劉侍御子威謫官閩中

憐君佐幕去宦拙復何論下位無非職南遷亦是
恩江山待驄馬琴鶴伴閒猿坐嘯應多暇題詩到
石門

同顧仲常訪郭次父

問隱白雲鄉奇峯度石梁花深疑路絕鳥下覺原

黃清先生集卷之六

三

方

長門閉青山影溪流玉樹香知君不出戶來就管
寧牀

屈子自言家罹兵火慰之

曾是黍離歎畚生一畝官剡山誰爲買阮路共悲
窮鴻去聊隨雪蓬飛且任風贈言盈篋在且莫嘆
囊空

贈王和仲

窮巷蕭然卧未曾憂不堪焚庭留露竹鑿牖面煙
嵐史籍傳心畫仙柯擅手談携琴時過爾顏色起
花潭

同中南伯父大林房

江城尋古寺寥閭向溪開
值我止酒日何訪入社
來暮禽喧石塔秋樹覆香臺
山逕鹿門裏猶堪乘月回

歲暮荅趙光祿

旅泊京華日懷歸未得歸
達人同澤雉志士甘山
薇雨雪年光映關河暮景微
多君狐白貴肯念客無衣

贈殷參議

年來味禪悅脫冕挂城東
豈爲一官拙應知萬有

空人歸秋膾裏夢落曉猿中
余本巖穴士相期桂樹叢

呂光祿招飲官舍

羨爾金門隱曠然違世氛
裁書懷趙壹改席待羊
欣林盡生秋氣山空飲夕曛
省中無一事掩閣只論文

翁康二山人招飲靈谷寺

秋盡同爲客登臨來驚峯
禪宮歎灰劫盃酒信萍
逢深谷無禽語閒扉有鹿踪
更憐歸路好烟樹夕陽重

黎唯敬吳子克金子坤姚元白余伯祥過集

旅寓得疎字

上客集華裾他鄉烽火餘
牆頭堪過酒廡下卽爲
廬損益向平識逢迎阮籍疎
明朝千里客西日且踟蹰

送張伯起入試

之子遊何壯揚帆古越臺
江山雄上國辭賦屬名
才白璧登和氏黃金招郭隗
驂騑千里足雲路此時開

往年常侍先子過泗洲寺無極禪師精廬看

菊載離寒暑無極化去先子相繼隕沒重

過懷怛潛然迷感

藍輿懷往日松塔禮寒霏
栖鴿空梁在懸燈白晝
微花憐無滅相草恨有涯
暉何事除煩地番令淚滿衣

庚申五月余自金陵歸清甫弟過集

幾年遊洛客此日掩柴荆
池草方無夢山猿始不
驚勞人知酒德靜者識雲生
欲解還山意君看芳杜情

浮玉睢山二叔過集齋中懸沈石田飛雪圖

試紫玉研分韻得黃字

老賤還家日松蘿一徑荒閉門苦自厚入夏柳先黃有社棲威輦無人餉子桑殘縑與破研留取伴空囊

同徐元甫史叔載集阮都尉宅得深字

自嘆違時者幽懷寄北林但存微尚在寧惜此身沉鳥下益苦靜雲來助竹深阮咸同放達綠酒不辭斟

夏日懋公房

支郎安禪處形影一茅茨不礙栖床鶴唯存挂衲枝迎秋露蟬急向晚峯雲奇已絕區中跡東林寧負期

黃澤泰集卷之六

六

四

負期

七夕張太學招陪蔡進士不赴

別館張筵地群賢興自偏陶公正止酒伯子且停絃高樹新秋入微河片月懸美人不可見悵望女牛天

宿弘覺寺白雲僧舍二首

支遁誅茅處巖虛竹樹幽聞鍾上方月尋壑石門秋風雨羈人路江山暮日愁繩床與僧飯信宿白雲留

精廬石巖際遙對芙蓉峰半榻山中雨一燈階下蛩楚天正蕭瑟客已蒙茸投迹何能遠欣茲塵外蹤

栖幽寺

理策栖幽寺晨光轉桂阿啣花衆鳥至聽法老龍過霧氣躋巖薄泉聲下嶺多沃州禪肯在一就問恒河

祖堂贈海上人

不下芙蓉嶺安禪已十年蕭然雙樹業遙自一花傳室有歸龍鉢山無養鶴田皇皇霸離者來就叩

黃澤泰集卷之六

七

四

迷川

涉江

揚舲白鷺渚煙樹曉漫漫橫雁長天澹吟猿片月寒逝波傷歲易涉浪識途難日暮鄉心切乘流下急灘

句曲道中

行役風塵久依然返舊林馬蹄沾客泪雁足繫鄉心野店鳴蟲候長臯下日陰盆碗合已聽空抱高山音

雲陽舟中

落日雲陽道悠悠帆影過潮生江水濶天淨月華多白露沾春草哀禽鳴夕柯蘿衾鄉夢轉淒斷榜人歌

荅紫山徐丈

風波多苦辛感念同懷人不遇方爲士傾家未是貧平原無重義易水誰輕身已矣勿復道金庭期采真

白髮

余髮已種種胡爲忽染霜一絲隨歲改千丈逐愁長末路逢人賤良圖撫鏡傷無令智者哂永日且

青溪先生集卷之六

八

盈觴

慧山汲泉

名泉山寺僻蘿竹映交加峰影含秋霽林光向夕佳泠泠停湛碧細細寫沉霞每過梁溪棹還來汲露華

還家二首

游子多離憂江山阻且脩還家徒有壁作客已無裘不改鹿門月偏驚落木秋陽阿調自遠末俗又何尤

辭家徂暑候返駕鴻飛辰却笑干秦者依然泣楚

人由來士也賤惟有病宜貧種菊已堪把采之聊駐齡

八月晦日同中南伯父餐英館候菊

何處饒秋色君家籬下枝亦知花未吐却喜酒先携白日深畦冷微霜綠逕滋還將不盡興留作再來期

夏日過崇慶山房

晉代標蓮宇梁園過藻人言從惠公約嘗締法王因佛日能違暑禪風不度塵自知悲失路欲此扣迷津

青溪先生集卷之六

九

賦得抱琴來取醉

綠綺開虛館花間共舉觥逢君卽鍾子謂我是公榮生計營糟築前人留飲名豈無獨酌趣相對更多情

九日獨酌

寂寞揚雲宅秋風入破齋蓬高全沒屋竹長半侵堦天運元無定人生固有涯達人遺軌在臨酒一興懷

仲春同陸顧二子虎丘謁邢麗文墓

幽人宿草墓綠醅醉山楓年晚未投分道同還企

風高魂依處士達骨傍生公况並闔閭域知君不愧窮

花朝同中湖玄室過北禪寺雨花堂晚集

嘉辰偕妙侶珠寺玉琴將日是尋芳勝堂猶雨貝香王孫情正遠釋子意俱忘坐攬空林月松榆滿石梁

過俞貞木遺宅

鹿門舊棲處蕭樹一區清草沒求羊跡溪含篴濮情亂雲埋斷碣孤石拱頽楹予舍東林近深慙秉尚名

春仲同中湖淞涯宴橋山園池二首

王猷息駕處風景望偏賒盧橘凌寒葉江梅過雨花林賢弄杯竿湖隱問桑麻屋下週榆柳依稀元亮家

東林鳴鵠勝過雨一尋芳窮逕還開圓層軒復隱房窻中涵水氣樹裏挹山光春至饒花事由來陸渾庄

詠橋山園古木

秀植三玄異清虛五沃嘉不知年鵬翰還發艷陽葩匝院飛紅雨迷樓冒綺霞若令移漢苑應壓上

林花

靈隱禪院覽貝葉經

西域翻香貝東林借法筵檀園分寶葉梵語秘金詮疑自空花雨還因白馬傳支郎晨誦地應見長青蓮

過四甫弟庄居

放舸出蘿郭懿親訪避喧湖山早結屋花柳小成村少壯還敦業窮愁且著言白眉吾望汝他日振衰門

季春徐陸沈諸公過集得清字

何以迂文駕荒臯水竹清厨懸貧阮籍客喜勝公榮柳暗初巢燕花殘尚語鴛定知蓬屋上盡日五雲生

華陽表伯少玄百泉理山表叔虛巖可繫二

子談園賞牡丹余最後至分韻同賦得人字

華宴追隨晚初宵賜賞新流光方逝水別苑自留春燭畔渾妝媚歌前恍步塵洛陽花色在不減後看人

荅少玄談園讌賞覽鄙作因懷先君

雕宴叨花侍瑤篇得藻披艷陽嘉賞地凋落故人
思豈意向隅淚重沾歎逝詞膏腴慙克父何以慰
謀詒

賦得羅帳春風吹

羅帳香垂薄春風暖拂輕不能將斷夢番爲攬芳
情鏡裏催花落衾邊喚月生妾軀還借爾晨發度
遼城

雨中登天王寺閣

俯檻騁遐矚烟蕪暮色同青山片雨外綠樹一樓
中林鳥坐不語城雲生欲空荒涼禪誦地千載舊

吳宮

贈朱子价職方

逢君多意氣投分卽忘榮識遠宦爲夢形全善不
名三山仙吏隱六代旅遊情試覓平臺路秋風蔓
草生

雪夜市隱園

積雪沒深戶霏霏糝復增薄寒皆作乳灑沼卽成
冰日暝林猶皎雲寒景益澄剡溪今見戴綠酒喜
何勝

盧刑部招飲鷄鳴寺

古寺臺城舊香臺啓宴遊郎官素絲暇客子綠燕
愁江冷春猶淺山深雨未收當盃莫不飲六代一
荒丘

同王陳二山人集朱客部官舍

寒雨官衙靜青尊野客過苔花被幽薄樹葉下高
柯宦拙潘生鬢時危寧戚歌逢人烽火後更覺別
情多

集馮祠部官舍

清曹連紫掖高譙五雲天身在鳳凰列情於麋鹿
偏月明人醉後鴈到客歸先今夜窮途恨壚頭一

暢然

臘日過王百穀尊生齋

披蓑過高館寥廓絕塵氛偃竹初辭雪霽林猶翳
雲賦驚文考筆書愛羊欣裙語默意俱適開簾坐
夕照

送顧中舍汝和還朝

送子朝天去離筵胥水濱江帆懸片雨瑤軫戀斜
曛彤管仙臺珥華珪禁苑分寄言直宿者莫誦子
雲文

送蔡中丞子木巡撫河南二首

中邑艱釐保臺端邁重臣如何受霜管亦自布陽
春河洛猶思禹松高曾誕申願言崇令德莫不嗣
前人

任本風霜肅州當天地中具茨圖可訪脩竹賦應
工不道長卿駟還過仲蔚蓬三花如采掇寄我五
湖東

玄芝館送童子鳴還衢

忽命千里駕眷言懷所知披裘行市日裹屨入山
時石室留樵斧桐江訪釣絲明朝挂帆去烟水繫
余思

姜玄仲過玄芝館得峯字

忽爾據梧暇披衣上士逢無忘綠酒意共惜白雲
蹤細草全封井高花半出峰漁樵路非阻曾許幾
人從

孫山人雨集

蕭然端居室一畝半滋蘭細物全身易逢人適俗
難雲沉花歛照雨過竹生寒不是鹿門士何能問
鵲冠

袁尚之謝湖草堂

徒然抱經濟自首尚沉淪不偶憐穠夜長耕慕鄭

真書幃瞰蛟室漁艇識花津不是滄洲客寧教魚
鳥親

集朱進士天闕山房二首

抗館面靈秀峯巒相蔽虧寓心本寥廓息志聊栖
遲巖狖巢綠棟山泉流入池悠然會真想坐見白
雲滋

澗道歷威紆閒房綴嶺疎松陰下虛牖瀑氣灑清
除厨出步兵酒牀留天祿書余情眷丘壑靜賞意
何如

燕秦使君官舍

建禮趨墀暇秋生庭樹涼鳴琴遲來客把酒惜流
芳月照冰廳冷花開粉署香主人情未已偏自愛
更長

同友人集阮時濟宅得咸字

逢君湖海客盡日酒杯銜愁獨憐王粲貧偏愛阮
咸菊開秋被逕桂白月生蟻欲就聽猿約飛心千
里帆

宴陳鳴野清嘯堂

言過陳仲舉歡晤坐空林隣寺喧風鐸前峯落暮
陰十年重對酒雙鬢向來心莫問生涯薄囊中足

短吟

秦淮客思

客館傍朱橋，蕭辰奈寂寥。
柳隨鄉思挂，雁逐旅魂飄。
秘宇崇雲覆，瑤城寶月消。
江帆行色動，明發待歸潮。

北固

北固轉南川，丹徒挹紫蓮。
柳風含畫鷁，芳草接長天。
客盡黃金索，魂消宋玉篇。
故鄉回首憶，明月送清絃。

客中聞歌

芳草王孫路，驚逢蟋蟀秋。
聽歌人下淚，把酒月臨舟。
雲鳥隨歸翼，烟潮趁夕流。
鄉閭有思婦，此際想登樓。

望虎丘

故國返長洲，輕舸過虎丘。
塔懸無隱刹，雲映不藏秋。
香徑紅蓮浦，金亭紫霧樓。
自憐爲客久，翻覺似初遊。

贈慈舟僧

希有林中士，能安樹下貧。
五時經盡計，八解義來詢。
禪月常懸皎，談花日吐新。
妙舟乘般若，方此度

迷津

禮楊公君謙支硎山房

稗川烏石嶺，逸少戴山陽。
夫子新標舍，支公舊隱鄉。
窻含群木秀，堂接五雲長。
自作名賢宅，林泉亦有光。

送殷孝廉之南都兼遊金焦

探巖夙所好，觀國壯茲行。
海暗三山雨，城含六代情。
前期屬年少，嘉眺及秋清。
元是江東俊，應馳洛下名。

虎丘試陸羽泉

清和風日好，輕舸擢迴川。
仙掌携嘉蔘，禪林問古泉。
雲寒花蹙外，煙颺石牀前。
桑苧高蹤遠，空令憶往年。

湖上訪姜子

問隱重湖外，江葭引櫂迂。
風波嗟獨苦，尊酒慙相於。
花竹北窻寂，烟霞別墅孤。
流芳坐堪惜，之子勉良圖。

金氏恨晚園

疊嶂隱丹梯，行行碧草迷。
峰雲千朵秀，樹鳥百重啼。
壑轉蘿爲屋，池迴花作堤。
人非園灌逸，那得愜

幽栖

宿紫筠山房贈金子堪

清尊良晤夜花榻爲余留片石白雲寂閒門溪水
流梧颺飛作雨竹氣灑成秋仲子多華藻南金媿
莫酬

端陽赤城山房獨酌二首

眷言值嘉節兀坐處空林朋故無良晤青山是賞
心閒房啼鳥寂白晝高榆陰未許時人識悠然梁
父吟

嘉辰感時邁綠酒欣自傾孤石含雲媚群芳向候

東坡全集卷之六

六

七

榮古今真大夢賢聖亦虛名莫笑謀生拙聊爲谷

口耕

懷陸祠部子傳

玄髮歸田日著書今幾春雅流時望重詞翰世人
珍夢與金華遠身偏花鳥親嗟予麋鹿性感念同
懷人

送范郡博還江右

秋杪結飛轡歸雲嘆遠征昌黎三疏後陶令一官
輕雨外花枝動霜前雁羽橫天寒江路阻無那
紆情

白下峇皇吏部子循

阮藉羈愁日相逢俱異鄉栢梁新藻惠省柱舊題
荒客淚天涯盡禪房秋草長不須悲失路憎逢是
文章

謁皇陵

皇祖玄宮在瞻依草莽臣寢園當日闕功德萬年
新神烟泉臺夜恩餘花木春鬱葱占王氣百億拱
居辰

東還經淳化關憇石子澗

悠悠此行役驅馬夕陽中澗水流千折松巒匝萬

東坡全集卷之六

九

重心懸雲樹杪目亂野花叢落落長安客羞令關
吏逢

句曲道中旅寓

山縣暮聞鐘搖搖嘆旅蹤秋深秣陵道月暗茅君
峯計日鄉心切驚時感念重一簣山店裏獨坐把
芙蓉

春夜阮都閫携酒過赤城山房

將軍嚴武貴浣水過鳴鸞種石南宮拜栽篁子敬
看濤聲方在樹春色未馳寒酌酒永茲夕愁顏聊
自寬

冶城道院逢湯納言

同心在冥契白首非相知以茲片言諾卽是平生
期林宗偏獎士叔夜每違時一笑花丘畔克然慰
所思

同康山人宿栖霞寺

與君同所好霞外共招尋人世多岐路青山是賞
心看花到溪盡拾草攀崖陰去宿東林月石門烟
霧深

元日立春

元正初獻歲玉琯卽移春日彩偏增麗年光一倍

黃淳父先生全集卷之六

十一

新椒花長命酒蘋葉遠遊人正曆今堯舜欣逢奉
朔辰

九月望虛岩山人携酒偕往叔寶懸壺室中

看菊

言過丘中客飛梁綠水隈君家黃菊吐吾輩白衣
來竹竿論文把蘿軒照月開愧無裴迪興常接輶
川才

黃淳父先生全集卷之六

黃淳父先生全集卷之七

吳郡黃 姬水 著

壻顧 九思 編

男 嘉芳 輯

五言律詩 九十三首

春日言懷

誰道春風至希令添髮華無言向桃李有癖染煙
霞世事澹如水吾生直似麻本來一枯衲祗是未
離家

冬日言志

空谷堪栖遁嗒然無所營水禽聞夜唳山木玩冬
榮人世蕉鹿夢吾生蓬累行掩關聊養拙豈是愛
逃名

金陵暫歸與惠茂卿話舊

遠道歸來日風波話苦辛今朝握手者經歲夢思
人水月禪林夜鶯花茂苑春宜城飲酒伴誰似葛
強親

南歸再過惠茂卿話舊

東歸訪舊隱高臥絕氛埃鬱爾庭前樹皆余去後
裁身隨鷓鴣隱心想鳳凰來酒罷拂瑤軫自言常

不開

客還溪上對月

孤煙散崇堞圓月照前除樹密搖光亂溪長受影
虛千杯秋思裏一枕客愁餘永夜簾俱寂幽棕獨
會子

吳太學懋極自真州還歛

千里呂安駕開尊念夙期金陵一以別瓊樹每興
思惠好芳花贈歸心落葉知雲峯三十六臥對掩
扉時

楊司務華山草堂

福地標丹館愛茲泉石紆梅生采芝處揚子草玄
居海氣含林潤嵐光落檻虛山公方啓事夢與白
雲疎

送姜玄仲還湖上

知君耽小隱烟水翳花村忽憶石上月浩然歸鹿
門鴻飛何所慕麋性詎能樊一畝滄江上猶堪容
灌園

送王界川歸越

三年寓吳市家在越王城暮雨催鄉思寒蕪是客
程爲歌別子建留酒待公榮天際望來樵錢塘春

水生

蔣侯宅觀荷得東字

君家盆荷好邀我綠尊同葉翠初舒後花嬌半吐
中紅深隔簾雨香散小庭風別有耶溪上芳情寄
浦東

繡佛齋爲汪東五賦

瞻禮未離相皈依卽斷言閒身爲佛子巧手出王
孫松下齋心澹筵前法觀尊此中得禪悅何必向
空門

姚元白席上賦得父乙爵

受福歌周雅呈祥紀漢年千秋留廟器此日奉賓
筵饗養形猶具丹青色更鮮宗資元嗜酒借爾吸
長川

題周貞玄草堂

賣藥長安市栖身白社貧柴門任沒雪草堂自生
春緬憶巢居子如何坏遁人華棖非不麗轉眼衰
黃塵

問疾丹泉居士

愛爾味禪悅蕭然掩室中欲知摩詰病應悟藥王
空嗒隱無人識癰形有鶴同晤言誰與共余本是

愚公

雪中蔣孝廉彥舒過玄芝館

長吟坐高館雪霰忽交加
竹葉常暗暗梅枝入戶
斜池開不夜月林吐先春
花此夕應僵臥誰憐處
士家

白嶽何柱史過訪以山行失於應門詩以謝之

南臺驄馬客問隱到花林
草綠元隨意鶯求自好
音采芝成獨往看竹枉相
尋却笑陸通婦空驚轍
迹深

和皇甫司勳元夕雪

漬素照彤闌蘭膏然九微
似憐百枝艷故遣六花
飛淑候同爲瑞芳宵併作
輝珠塵滿香陌遊騎詎
云稀

訪王大復元於虎丘僧舍

愛爾栖泉石言尋支遁房
白雲期有在秋水遡何
長埋劒池常冷談經臺已
荒悠然晤言處落日遠
山蒼

贈沈儀部四首有序

儀部授真訣於煙客悟玄旨於紫文將解

綫域中服食霞表余慕之賦詩贈焉

言辭華省貴去作仙臺郎
玉酒長生藥金庭不死
鄉茅山招白鵲蜀肆覓青
羊願乞鑪中雪回余頭
上霜

常懷紫霞想早授青苔篇
嚼蕊瓊池側凌颼闌風
顛玉禾栽五色瑤笥斲千
年安得鷄飛日隨君直
上天

憐君紆綬者高抱采芳心
名已挂仙籙身將蛻碧
林椒庭長飲玉黃冶可燒
金莫使抱關子空瞻紫
氣深

雲腴一以服虛駕何能留
蕊室三花樹瑤京五城
樓不愁滌汜迫長與冥茫
遊鶴信無相遠黃瓊道
士流

陸祠部養病崇因寺詩以訊之二首

伏枕違香省蕭然臥空林
知君將宦意聊一託禪
心秋至嶺雲白人閒庭草
深明光待新奏莫久脫
朝簪

憐君華省貴恬澹獨澄懷
言借維摩室聊爲蘇晉
齋藤陰覆古殿瀑水散空
壻真際一以悟冥筌當
自排

和朱子价蓬萊道人寄書曲

謫身去赤縣挂籍丹臺中人間塵易隔海底路難
通龍泥光逼斗鶴信遠乘風玉虬不可駕惆悵望
仙宮

送張幼于應比南畿

囊無市琴物篋有似雄文征馬催秋色難樽戀夕
曛半生懷白壁前路是青雲竇氏庭中桂攀來可
贈君

拜先塋

陸道為錢氏所侵

脊茲春露感絮酒奠黃墟誓墓人難作管莧業漸

黃澤先生集卷之七

六

蕪心摧殘碣沒淚灑疎楸枯不保一坏土空慙七
尺夫

送梁伯龍遊荆南

見說荆南路遙從巴蜀分江春半流雪峽曉盡飛
雲之子抱羈思孤遊弔湘君不知寒坂夜猿叫若
爲聞

荅袁進士魯望

同作他鄉客還憐會面賒那堪夢瓊樹忽爾枉瑤
華元禮方觀國彥先當憶家綠樽無與共空負一
春花

元夕立春

元晨到元夕青馭甫言司蓂莢全開日葭灰初變
時漢家祠夜早秦史立春遲剛喜燒燈夜韶光動
九枝

贈壽寧寺棲雲僧

蕭然雙樹下丈室住雲深幻世無依跡禪門不著
心補衣將片影演法布周陰出離生能度寧然年
歲侵

送張月鹿謁選北上

計車方在駕立馬別交懽空自破萬卷唯能博一

黃澤先生集卷之七

七

官原間白日暮江上綠蕪寒寄語當途子應憐貢
禹冠

贈豫陽田子

麟鳳不世偶升沉何足論鄭玄栖北海梅福謝東
門秋水排筌理春華擣藻言父交悲再把感激道
彌敦

送江郎中考績北上二首

言辭握蘭省去謁承明廬雪路燕山繞楓林楚國
疎香名題柱後恩寵賜綵初別日懷賢念江離伴
索居

知爾遠心在芳荃寄一官白頭甘宦拙強項媚人
難月省三年瘁星輶千里寒 天王方賜對于役
未須歎

月夜飲錢山人宅次孔加韻

重逢流火候林壑得秋多野戶低涵月溪橋曲抱
河但能同社酒不復羨朝珂自愛饒花竹藍田數
爾過

散後步月滄浪池

嘉譙星常聚新秋月再圓尚携賢榼酒來弄佛臺
烟霽宇空玄觀清池照止禪達人恒自適河上喻

驪淵

送何祠部叔昆還雲間

送子東歸日清曹早罷郎已多桑梓念況是尊鱸
鄉芟冷初衣在城蕪舊宅荒逢人亂離後墟曲話
淒涼

送康山人還永嘉

江海同漂泊君今何所之長安勸遊日落木送歸
時自信布衣貴難逢前路知永嘉山水好因動謝
公思

送朱給事還閩中

言陳雙管切恩謝五衣榮屈軼不常有朝陽但一
鳴方懷甫規恥何恨范滂名君到梅山下應多采
藥情

送谷子還嶺南

憐君嶺南客客處遂携家鮫浦珠為樹鷄林玉作
花蒼梧萬里道碧海九秋槎知爾啼猿夜唯餘鄉
夢賒

送顧太常擢大名別駕

清郎標素節劇郡喜新除未解彥先綬先題仲舉
輿河山雄魏土風俗古堯墟到日逢來鴈無忌欲

寄書

秋日朱孝廉邦憲來訪

閉戶何所事愁來唯著書媿余非叔度忽枉林宗
車地僻蓬還翳天寒雪尚餘空懷美人贈無以報
瓊琚

詠一思還一生

一想一盈眸生生無斷頭寸心應淚積雙眼是思
流匪石元難轉如沱豈易收涕腸猶蔓草纏附不
能休

詠鏡前應玉挂

昔照常含笑今臨忽鎖眉文殊方一把白玉自雙
隨據月嫦娥泣淪波湘女悲如何半粧淚番遣兩
重垂

送幼于應試二首

握手故人別羈懷重以違平生泣珠淚爲子一再
揮盛世方蒲帛殊才寧布衣佳音須早慰秋鴈正
南飛

太學稱高第少年看飛翾豈知鴻鵠志寔厭鷄鶩
樊沙走薊門樹山紆落坂輾臨岐欲有贈情至不
能言

壽百泉岳伯二首

方岳初辭綬仙曹早振珂一時曾避鮑到處每思
何世擅文章貴人傳藻翰多更憐芳棣萼玄髮臥
雲蘿

簡編勳業在泉石歲華餘舉吏如題目威蠻屬校
書開樽命歌舞着屐侶樵漁梅福舊吳市寒芝載
鹿車

戚祠部過訪不值

當代文章伯清朝禮樂卿如何高軒過正值荷簑
行矯慎方耽隱龐公未釋耕悠然空谷裏惆悵白

雲情

寄蔡司馬子木二首

一面三年別雲中鴈字沉江南芳草色天末故人
心莫謾嗟乖雨方看倚作霖玄真問蹤跡烟水五
湖深

黑頭登鉉日王室賴維貞勳業周方叔文章漢馬
卿嶺雲聊自悅關月一同明已矣荷衣子空餘結
綬情

懷陸祠部駕部兄弟

一自就官去睽携歲易侵東林僧已化南郭隱逾
深花萼欣聯序烟霞違賞心江湖儻懷舊莫遣鯉
書沉

送靜師歸蜀

孤錫歸西蜀栖禪舊給園峨嵋六月雪巫峽萬山
猿聽法不辭遠安心豈在言行蹤何用問無住是
空門

贈客

知君少年日曾作梁園遊送酒壚姬笑飛花賦客
愁玄經授揚子清譽重南州回憶平臺草空成白
髮秋

花命日阮都尉載酒過赤城山房得花字

溪水過侯芭玄亭竹外斜相思春郭草獨往暮潭
霞對酒開情素看芳惜髮華樓心何所事裁遍石
闌花

載賦得星字

莊生在空谷塊爾甘沉冥奄忽逢花日飄零寄客
星人閒聊種樹地僻解談經爲愛高軒過松門夜
未扃

阮時濟邀賞新榻

蘿榻開文館氤氲山靄浮經年據高士一日借南

黃注卷之七

主

卷之七

州入戶花低覆穿楹月細流橫琴與揮塵清晝每
淹留

夏日同姜玉華郭次甫管建初東禪澄上人

房煮茶

塵外招清侶燒泉借荔房鳥聞雲意遠石靜雨痕
涼白芋桐花紫青泥栢葉香始知山中日可作小
年長

送毛儀部擢憲粵中

清班昔侍從丹微遠分符化蜀動行建浮湘跡已
孤蛟腥射灘水蠶瘴接蒼梧寄語王尊道無令嘆

長途

寄翔海表弟總戎海上

之子抱英略才名出世勳朱旗建滄海青微息妖
氛龍劍時嗟暮魚書歲不聞天涯念兄弟灑涕一
看雲

贈結草僧主席正覺寺

諦義久寂寞宗門藉爾傳黑衣稱妙秀白塵談重
玄雨濕千花藏雲深五葉禪聞師開林業力穡在
身田

席上口占送客

黃注卷之七

主

卷

北海初分席西齋喜盍簪室中星暫聚門外雪初
深林葉虛壇滿烟霞遠峙沉何堪遽離索回首憶
山陰

懷顧太學

天末白雲長思君詎可忘如何經歲別猶自限河
梁抱典不出戶緯琴恒在牀著成鴻烈字想見挾
風霜

送吳郡博

鴻儒膺鸞薦振鐸來吳門道尊都講席官冷廣文
軒此日酬稽古它時定乞言江離送征棹離思一

何繁

同徐山人過四甫弟耕漁草堂

歲陰感時邁軫念在原鴒把菊識形役看山得眼
青崇雲不出岫逝水但飄萍詎是昏冥托漁人笑
獨醒

冬夜徐莫二子過集栖霞館

江天搖落候蕭館一燈明清夜相看客孤雲共此
生霜花傍愁髮旅鴈入羈情懶慢今成癖君應恕
長卿

寄李方伯

書江先生集卷之七

五

五

遠道不可即逢人聊致書所嗟百歲內少別十年
餘頭白江南草官驅隴上車寄言久要者還復念
離居

過北岡和尚

開士安禪地芙蓉澤國西門將芳草閑室與白雲
栖秘密傳龍藏精脩任虎溪從教許玄度常自宿
招提

送林貢士會試兼述別懷

忽忽十年別逢君意若何青雲鴻翼遠白髮鵷冠
多雨雪連長道春水帶濁河 明廷方待對驛矣

莫蹉跎

癸丑元日

窮愁值元日風雨臥中丘春色寒林動年光朝靄
浮道高心似谷時往歲如流莫即傷遲暮公孫猶
可侯

元旦日食

端辰日有食搔首嘆居諸十月周詩詠千年魯史
書空今憂糲食誰復念衣初臨酒不能御頽然臥
草廬

賦得蓮峰贈周子

書江先生集卷之七

五

吳

峻削五千仞蓮峯千葉攢仙人金液闕神女玉漿
寒昏霧堪藏豹青天幾下鸞何時駕白鹿訪隱一
捫巒

新羽

彩翼雙翻玉芳春半及韶炎洲初化日丹穴欲摩
霄柳外栖猶弱花間舞乍嬌昭陽一片影偏怯曉
風飄

楊少參邀同石湖雪汎

緬彼湖山勝言從雪裏看寧嫌江路阻自得酒杯
寬林白千峯近溪昏一水寒無令負心賞搖落髮

俱殘

謁顧公祠

東海有隱者儒林振孤芳傳家一德遠作廟孝思
長舊井照白日空除翳幽篁愀然醉過客仰止一
彷徨

訊張幼于墓上

筑筑狐菟域萬壑無人煙况復白楊暮何堪蕭瑟
天骨寒經歲草血盡五更鵲思子零霜夕潸然寄
此篇

送王百穀北上

華京遙負笈晏歲肅征驂文藝諸生上才名六館
飛當驚長卿賦不歎彥先衣莫以無南鴈經春信
息稀

贈殷吏部

年少馳風雅西京擅子虛天曹題柱日星使謁關
餘庭牧鄧攸馬門稀褚炫車寥寥嵇夜後誰復巨
源書

贈游黃門

仙曹應東掖郎署冠南臺劉向傳經志揚雄作賦
才瑣闥榮夕拜中禁仰風裁誰復雲霄貴高軒問

草萊

懷戚祠部

寂寥松逕裏曾枉使君車人去空芳草時徂幾望
舒名題漢官後情結楚纓餘唯有馨香字懷中一
慰余

寄贈曹太史

歸臥華陽館悠然鸞鶴思獨憐霄漢客亦自嶺雲
怡前席恩非薄當門忌所宜唯應事述作篇籍百
年垂

張幼于宅餞王百穀

門外西雖篋懷中北闕書竭來張仲讌合送孝廉
車春水生前浦寒雲翳遠墟蘭時歡友別結念欲
何如

癸亥除夕

命酒深宵坐盤蔬聊自陳年徂不待曉臘盡未逢
春梅萼疎堪折蘭條弱可紉如何芳歲戀祗益長
年人

穀日雪

老至明農念言披汜勝家俄驚日是穀忽訝雪爲
花委積四山皎飄飄千里賒總欣占歲稔無那惜

年華

花朝後一日

萬事不關慮巖扉臥寂寥解醒來酒伴看月過花
朝綠野春初動青山雪未消人生但適意何復慕
嘉招

城南觀荷酌酒陸山人竹下

托跡唯泉石招携興不違觀荷依靜渚看竹啓閒
扉水館炎威薄山城雨色微如何池上客不遣白
鷗飛

玄芝館看蘭花得歌字

黃澤父先生集卷之七

木

商節開涼宇蘭生堂下羅影從披處亂香自暗中
多定紉靈均珮還抽宣父歌憐君能好我芬馥較
如何

紫山徐丈自林屋過訪

江城宿雨歇霽宇澹秋陰忽枉金庭客空堂霞氣
深苔文生片石花霽散高林一話滄洲事偏怡靜
者心

向太學過訪有贈

忽枉四明客冥交自昔年茲晨柳阿駕它日剡溪
船文藻任承富風流賀監賢清言一以晤心賞獨

冷然

贈王生

清世高盤者脩然寥廓翔秦人綠溪隱商皓紫芝
糧槎定凌牛斗簫應下鳳凰何當遡霞水一問白
雲鄉

贈吳明府

艾組方躋仕荷衣卽返初荆蠻采藥後彭澤種花
餘老去偏怡酒閒來但枕書憐余秉尚者期爾共
逃虛

賦得海虞贈蔣孝廉

黃澤父先生集卷之七

九

名邑中吳最青山控海偏井丹雙鵠去壇檜七星
懸虞仲風猶在言游學有傳緬懷桑梓地東望每
悽然

台垣春曉爲顧大理賦

三元當淑候九寺動光輝日馭臨黃道星垣接紫
微花香迎劔珮雪色見朝衣願佐行春令陽和自
近畿

送張侍御之上饒

高軒過窮巷酌酒送君行半刺聊隨牒三騶夙著
聲青山虛郡閣芳草促王程召賈知無遠寧忘眷

別情

與篠澳中舍禪房夜話

相逢他鄉夕慷慨酒杯深愛爾九天使蕭然雙樹
林明鑑洲渚話白髮亂離心回首復愁別空江寒
月沉

送吳秀才伯修之金陵

上國計賢良延陵及建康青山催興遠白鷺引洲
長作賦成鸚鵡登臺眺鳳凰丹花秋正發折取一
枝香

重過金峰寺得寒字

香積白雲端頻來坐夜闌濤聲到崖盡松色入門
寒人是小山隱心同大劫看如何在巖壑猶自戀
旃檀

黃淳父先生全集卷之七

黃淳父先生全集卷之八

吳郡黃姬水著

壻顧九思編

男嘉芳輯

五言律詩九十九首

上巳日逢已

上巳仍逢已嘉辰霽宇清蘭亭懷往

情新月隨波逝飛花逐騎輕祗憐

東城

立秋日得芳字

茲辰屆金序大火謝朱方豈維風

涼亦知催木葉祗恐敗蘭芳

共長

夜坐

微雨灑郊甸涼生小苑中身隨五湖遠心與萬綠

空簾度花間月亭含水上風夜深虛枕簟河影挂

疎桐

與陸啓孫

青山供嘯傲白髮老丘樊雨過前溪曙霞沉半嶺

昏懷賢攀呂駕表德媿康門莫謂常貧賤應知吾

通傳

同阮都閭集魯儲勳伯仲書屋得曉字

古宇清川上侵晨過杖藜雙星初別日舊雨再逢
時高樹秋陰翳疎峰露氣滋君家花萼好素節坐
來移

送沂陽王進士應試南宮

把袂心猶爾分琴意愴然蕭條江漢

天韓子上書日公孫對策年寧無
君先

憶清甫弟客燕

春日別同氣歲盡尚殊方旅食身
霜懷中刺應滅腰下鉞徒長今日

斷行

詠水仙

可愛瑤花色芳時吐綠園凌波難覓影照月已無
痕雪冷姑仙骨雲迷湘女魂春心吾欲托何必楚
江蓀

送王巖潭郡伯還宣城

時巖潭乞其先
公墓文來吳

跋涉來吳日關山雪未消
斐碑欲有托呂駕詎辭
遙塵榻懸能下清琴御不調悲風君易感贈別思

攀條

送林大理父還嶺南

送客秣陵秋紅亭黃葉舟喜從毛義養還羨子長
遊海氣蒸庾嶺江流下石頭從教狄梁國回首白
雲愁

送吳山人之大梁訪弟兼謁西亭王孫

君去幾千里孤遊向洛城已多山水
情白髮仍爲客春風怯送行梁王好

枚生

送周文宗二首

周文宗先生集卷之六

嶽降唯英哲昌期際盛明德全周禮

卿化雨沾多士清風動百城元知尼

狂生

驂駢去莫駐風水恨難任白髮負知己

心亂山明遠甸落葉鳴林別意那能說悠悠江

水深

送梁太學謁選北上

忽枉羅浮客飄然思出羣人疑梅嶺月詩借鳳潭
雲五斗非懷祿芳荃可贈君青門駐馬別對酒不
能分

贈許復賓

湖海交偏好烟霞性所同我無適俗韻君有古人
風綠酒形骸外青琴山水中吳趨千載後依舊寓
梁鴻

分得毛公壇送童少瑜歸太末

送子歌吳嶠仙壇隔世塵金庭元福地瑤草可輕
身客舍梁溪月歸帆越水春青霞無久住

留人

溫代巡海上平倭詩二首

飛檄初傳警單車卽戒行氣應吞瀚海

溫代巡海上平倭詩二首

溫代巡海上平倭詩二首

生秉羽先登將銜枚後拒兵轅門方

奔鯨

繡斧天王使躬親賊壘臨有嘉還折立

心羣醜真驅電三農已慰霖從教開戶食甘雨

航琛

賀張幼于生子

君是丹山鳳今看鳳有雛綺盤分果日香閣夢蘭
時瑞色年同入懷情春共宜余家近南舍親見送
麟兒

題劉二守晚香亭

高才多忤世直道豈容身拜夕黃扉客行春皂蓋
臣種花應有托愛樹詎無人莫以湘江遠餐英賦
楚均

送陽谷王明府赴召北上

羨爾絃歌宰恭承辟命嘉使車唯伴鶴仙邑但留
花侍從遴儒妙論思待國華王程稽不可芳草恨
天涯

分得臺城送張幼于之秣陵

可歎繁華地梁時留故城駝秦空有
情一夢看前代孤蹤訪舊京知君多感

分得臺城送張幼于之秣陵

分得臺城送張幼于之秣陵

沾纓

荅客問

生平非習懶世事本無營偶自同嵇

卿水邊宜竹性岫裏識雲情唯有北牕

此生

賦得春城月出人皆醉

白日忽西墜江城生暮烟酒杯因境有春月倍堪
憐花下迷山簡壚頭臥阮宣此時若不飲空自惜
流年

早春集徐文敏公祠赴季子玄素之招也

芳草祠宮闕青山抱郭幽傍門漁艇宿鄰寺佛香
流月出烟中樹鷗迷花外洲空林瞻舊德思結瓏
雲愁

題劉侍御清舉樓二首

夙有仙人好為樓碧漢中三千皆帶垓十二宛瀛
蓬超世心應適凌雲賦益工手招黃鵠下知爾欲
乘空

巢鳳三重閣攀芝百尺梯朝霞飛繡綺
題楚客憂堪釋秦蕭思欲迷余心厭
長霓

送金郡守中石表賀 聖誕北上

治郡堪稱牧趨朝共仰仙九天瞻舜日萬
年鳳象分華笏龍光接上筵從茲徐穉楊
常懸

溫侍御去思詩

南國乘驄使當朝珥筆郎臺霜即雨署栢是甘
棠歌賈來何晚思何去益長吳民懷善利相與祝
庚桑

送魯望袁祠部之任留都

玉署新郎宰金陵舊帝州維法事咸秩孤謙告嘉

猷落日懸征旆飛鴻過驛樓春卿原上別草色不
知秋

贈小癡山人

嘗披高士傳君與昔賢期興到每搗漈閒來一采
芝神遊出霞表足跡半天涯識得生為幻癡人未
是癡

秋夜何祠部席上得楊字

遠心厭華組早謝尚書郎開筵但期仲談
揚花藏蘭衍遠月挂石門涼今夜銜君酒
味長

贈雲卿馬太醫

吳市採芝者青山栖霞紫書探笈秘蓄
多厭俗耽秦隱當杯發郢歌摯生常臥病
車過

寄方南寧

潘子宦何拙嵇生性復疎一麾萬里外三署十年
餘惠政蠻方被新詩粵嶠題秣陵分手後還念五
湖漁

答顧朗生山中看梅詩

山中有芳樹淑候吐葩新置酒同騷客看花伴麗

人譙疑梁苑雪曲是郢門春因憶舊遊處羅浮入
夢頻

次韻荅舍玄子

憐君哭窮恨末路一何深空老櫺間足誰收爨下
音綠蕪知別意黃鳥見交心攬取芳花色歸風惠
好音

贈張上虞

逸人聞上教虛抱出寰區道在名爲累形壯
腴褐衣懷美玉罔象得玄珠隱几渾遺世
據梧

送彭秀才章峯計偕北上

趙壹時雖晚揚雲賦自工獻書馳漢闕
宮稱俊江東舊掄才冀北空黃金臺尚在昔
秋風

送詹前山歸歙

吳市栖梅福儵然遠俗氛眷言懷舊國愴爾惜離
群客路尋芳草家山在白雲容成鍊丹處歸臥討
仙墳

八日上巳同沈嘉則錢叔寶子功父集魏季

朗宅得江字

麗日初逢已良朋共倒缸還憐魏家玉空紉楚人
苙紅蕖晴翻砌幽禽畫語牕莫辭重卜夜花月奈
春江

送邵汝恒自廣陵還休

春作維揚客歸橈復送君猶携隋苑月去臥黃山
雲草歇時頻換灘平路不分近家鄉思切莫遺暝
猿聞

文玉

一片無瑕玉溫然皎麗容堪爲簡史弄終與楚王
逢種處成雙壁觀之價五封何當持作佩趨步得

相從

王元美臥疾小祗園詩以訊之

可歎經時別聞君方養病文園臥司馬丈室掩維
摩散秩閒秋草懷人耿夕河還將加餐飯裁綺托
江波

中秋汪元蟲邀余虎丘看月

時元蟲將
成晉陽

遠道方愁別良宵且覓歡溪陰山殿合蘿影石壇
寒勝賞逢秋半離情生夜闌可憐吳地月先作隴
頭看

懸磬室爲錢叔寶賦

儒者管恒薄王孫業自疎唯應抗木食曾不厭蓬
居花鳥吟哦裏江山點筆餘誰言徒四壁猶有一
牀書

雲隱菴募緣詩

禪宮丹碧麗銷歇亦堪憐雨色凋旃棟苔痕上梵
筵施金功作岸補寺福爲田爲語檀那道黃墟不
擘錢

送陸符卿奉使秦藩

迢遞秦川路芳辰秉節旄杜園花外曲墻坂雪中
高受玉天王寵乘輅星夜勞漢京多舊跡一一待

揮毫

半偈卷爲王太學賦

詎謂揚雲閣峯成摩詰廬問奇談義裏作賦息言
餘學種旃檀樹兼收梵字書遺民逃世者結社願
相於

贈景渠明府

明經拜郎日百里宰仙城製錦才偏美鳴琴政自
清縣花隨路種田雉傍車行試問王喬爲何年向
玉京

送張虛江臬藩之官浙中

受簡來燕邑承符向越城渚宮秋草合澤國夏雲
清雨定隨車去星還傍節行枚乘更能賦正及海
濤生

周公瑕席上贈莫孝廉雲卿

睽携憐十載綠酒此逢君若問年來事唯怡嶺上
雲高篁池外暗落葉雨中聞佇看翻飛日還尋鸞
鶴群

送李郡博移淮安別駕

護衣仙掖久開幔聖壇初欲展龐元驥還題陳仲
興楚城蕪半合吳苑柳全疎劉向論思待行看下

辟書

送雲溪僧還山東蔡徐二徵君

支遁還山日江城歲復殘孤雲栖岫遠一葦泛波
寒雪徑苔花濕風簷竹葉乾金庭懷二隱飛夢落
仙壇

和項思堯曲池草堂

言從謝巖下聊關仲長園友鹿元同性盟鷗不在
言蘭滋同楚畹花滿似秦村人世適然爾窮通何
足論

月波太學過訪留集

建業別時酒錢塘夢裏潮十年書未達千里駕非遙空谷山初暝寒條雨未消白頭欣把對剪燭戀殘宵

人日同阮侯諸君集魯勳儲第

初年纔七日物候一時新烏報幽牕曙花催別院春綺屏華貼勝金薄巧圖人西第留賓處歌鍾奏酒頻

良會及佳辰寧辭綠酒傾百年俱是客七日況逢人華屋知春早芳筵見月新還期看梅去携榼問南鄰

喜顧中舍汝和祭告南歸

聖后金符握祠臣玉檢將嶽靈甄上瑞海若效嘉祥萬里經途遠千年際運昌星輶欣觀止震疊頌周王

郊居

卜築傍寒郊機心久已拋圃花蛾作繭門樹鶴爲巢但自能齊物何須著解嘲竹塢僧去後明月滿衡茅

送陸太僕之任南譙

華寺滁陽勝琅琊擅蔚奇泉香移抱甕山翠繞壑

惟良弼箴輿日閒郊散馬時拔茅心自喜宸歷荷昌期

浮玉叔席上

誰謂詞林秀常懷烈士風高情寄泉石勝氣薄雲空醉裏書偏聖窮來詩益工阿咸頭共白樽酒百年中

和郡大父劉公長至日遊玄妙觀

仙觀元殊境王官多暇晨白雲迎畫戟瑤草藉朱輪曉月空壇泛寒花閨洞新陽和隨五馬千里盡回春

送康裕卿顧孝符之和州

歡友不堪別良辰自可憐何當送君去正值落花前采石尋仙跡香泉禮梵筵誰知一江水亦自隔風煙

送康山人之江陰

君去蘭陵日江鄉三月春花香初撲酒海味正甘人杜甫夔州老馬卿印邑貧殊方同作客回首念風塵

送程後臺考績北上

獻蹟肅征旆河梁此日分黃圖頌遺愛金馬待修

文宦橐琴兼鶴王程樹復雲惟餘寸心在持取報明君

送丘郡博令柳城

教胄復宰邑彈琴俗不譁還將桃李樹散作河陽花千谿暗蠻雨五嶺明仙霞去去巴江道啼猿伴客槎

送清父弟讀書包山

雲栖悅林屋獻歲卽徂征蘋葉春帆杳梅花夜幌清波寒弔蠹處壇古訪根情謝客方縈思那堪池草生

周黃門與鹿過訪贈別

公理趨朝日君平隱市時能忘青瑣貴來覓白雲期東掖推名德西京播藻詞春風不綰別偏向柳條吹

顧茂儉獲白鴈之瑞輒爲賦之

何方來瑞鴈素質耀貞姿渚白投無影沙明下豈知但餘霄漢氣寧作稻粱思羽翮三年養風雲應有期

送張山人遊金陵

裹足來千里金陵訪帝州山當雲闕擁江抱石

城流遲爾披新詠令余感舊遊六朝烟草地客裏莫登樓

思溪上人房

開士悅幽栖禪乘第一躋妙香還作界迸水卽成溪智劍能除妄心燈自燭迷誰言身是幻不壞似菩提

嚴中嚴載酒虎丘與姜玉華同集

移舟乘素節着屐趁殘陽碧岫全沉霧丹林半染霜琴因幽賞靜酒爲故情長千載雄圖恨池寒空劍藏

冰壺上人住持靈巖寺

澹泊維摩室繁華帝子宮開林青嶽表談義白雲中香徑春芳綠琴臺暮雨紅僧門有玄暢于以聞宗風

贈玄旻凌文學

才妙年方少詞林早擅場看碑先魏武賦殿失中郎琴酒空山冷蘭若綠水長時開雲錦字宛爾奉清揚

城南別業

小構碧溪濱幽偏遠俗氛樹春皆吐玉峯曉盡生

雲舊井容鳩乳閒門過鹿群已知名是累減影不求聞

贈荅真州蔣孝廉

龍澗棲遲日烟霞臥碧蘿濤聲侵郭冷山色隔江多綠字唯耽耽青琴獨嘯歌媿非求與牧開徑望余過

贈崔嘉

若水栖真隱幽踪世罕知雲房共僧住烟艇逐漁移每飲公榮酒能吟鮑照詩區中吾所隘汗漫與君期

詠懷

達觀皆是妄大道豈漓真煮石閒房夜滋蘭小曉春人輕覺我貴身裕喜家貧却笑栖栖者原間空泣麟

送吉子典厥滇南

調補無榮秩卑栖奈爾何一官隨牒去萬里積程多茂苑看花別炎州聽鳥過元將稱驥足行矣莫蹉跎

姜玄仲見過

撫侯夏初臨幽人喜見尋半簾飛雨細一逕落花

深對客青霞氣開琴黃鵠心市朝非欲遠吾道自山林

偶詠

麥候晝初長陶然臥葯房筍抽林合影花落樹分香半景松門外孤霞沼石傍衰顏應可返人授餌芝方

送張廉憲之任滇南

秉憲入黔中飛心萬里雄蒼山雲氣合滇海河源通地盡西南徼人同漢焚風懷柔在文德銅柱陋前功

邵汝恒將有廣陵之行携琴過館

青林携綠綺來就子期彈一奏清商曲空城風雨寒閒情寄流水別思起離鸞坐看松門日霏微下遠巒

承訓書院為魯王賦

維城奠東土別構向芳原曲觀臨蘭坂平臺帶竹園訓言承和德錫命仰君恩設醴能延士爭思客楚元

贈盛賢士

名閥欽華胄清時歎逸才鸞群嚴穴遁鴻寶石函

開方自長桑授林同董奉栽摯生常抱疾時望鹿車來

秋日過開元寺松溪僧廬逢鹿門德士

二佛曾浮晉叢林寔肇吳丹碑全剝薜蘿地半成
蕪樹色迎秋變峯陰向晚殊香筵集妙釋小品盡
中敷

崇因寺西傳僧精舍

蒼鬱開林久威紆闢宇幽山雲飛不去溪水抱還
流綠酒陶公置青琴許掾留香臺百花滿佛地詎
曾秋

瑞光寺圓通房

靈區標四瑞淨域啟千年影殿疑無地浮圖半插
天一燈寒照日雙樹靜生烟山水盤迴處茲丘勝
獨偏

過靈隱菴逢楚瑛禪師

扶筇閒覓寺揮塵偶逢僧貝葉翻西域靈花得上
乘風生增野曠雲結益峯層回向迷方者虛龕禮
一燈

毛仲章過訪留集

晨光含宿霧竹逕掩山家雨館簷凝瀑秋林葉是

花迎王渾倒屣請憲卽停車相與奇文賞清矜照
片霞

送汪秀才昆季落第還新安

寥泝雲中鴈奇毛世所稀未能六翮舉猶作一行
歸市酒悲燕筑裁書恨洛衣倉忙覓東路立馬問
漁磯

九日明上人招遊普明菴

嘉節來幽討禪房共濁醪靈花渾對菊淨域卽登
高疎樹含殘雨層峯映遠臯余悵厭埃霧物外有
霞鏤

寄贈吳蒼臯

蒼臯連白嶽泉石古來清逸士此投跡幽區遂擅
名千金片言重萬戶一詩輕與爾頗同調嵇康甘
避榮

贈心雨張師

長跪雲腰請青苔授秘篇黃金生大地白日舉高
天久著茅濛識俄逢王烈緣封侯酬夙昔待汝穀
城還

寄沈孝廉體道

遠鷁爲襟抱高霞比性靈苔承雙謝屐花翳一揚

亭客過詢詩律人閒著酒經懸知牛女分天益少
微星

閒居二首

寰中無福地性裏有壺天滅影雲垓遁枯心雪嶺
禪門無排藿駟竈有布芝田采采蜉蝣羽翬然笑
大年

澹泊形如木紛華心若冰金花朝可掇玉黍夜還
登綠酒墟中叟清齋社裏僧大游天地外吾欲附
南鵬

贈壽寧寺密上人

緇流稱妙秀年少得真傳自是雙林下還修五葉
禪翻經迸水案挂衲白雲天時復吟佳句清才愛
皎然

贈壽寧寺持上人

佛教初來漢僧舍始入吳法傳猶有炬衣去尚留
珠妙智能超淨慈根本離污禪門定稱傑千載嗣
前趨

黃淳父先生全集卷之八

黃淳父先生全集卷之九

吳郡黃 姬水 著

婿顧 九思 編

男 嘉芳 輯

五言律詩一百零二首

大茅峯

興言陟危磴天表眺孤岑旭日被長甸初霞澄薄
陰珠庭瞻紫氣丹籙覲玄心茅君騎鵠處白雲留
至今

華陽洞

福地人間世傳聞煙客居此中多得道窮墨信靈
墟花猶漁子誤草是仙糧餘到此懷真隱深山松
館虛

玉晨觀

玉晨標紫觀死在第三峯昔日朱陽館陶君此聽
松青泥美芝熟翠碣古苔封可憐嵇叔夜石髓未
能逢

積金峯

煙駕凌仙嶂雲衢知幾重丹砂流碧澗白日擁琳
宮此地龜符授何年鶴信通層樓一以眺宛爾躡

六壩

三宿巖 昔人泊於此
三宿而去故名

奇巒涌平地突兀香臺前客到會三宿巖名已千
年洞竈真成室峯擎卽是蓮如何一拳石亦自吐
雲煙

曉出牛首道中

亂石盤紆逕飛花藉綠莎層梯夾秀木複殿綴懸
蘿霧氣出谷薄泉聲下山多如何興云盡猶自戀
巖阿

觀音閣

懸厓綴香閣下瞰千仞谿忽訝厓爲室始知雲可
棲江連楚水外山盡秣陵西日暮潮生處愁心芳
草迷

清涼山

淒涼陟故壠迢遞俯神京地盡山俱沒天空江與
平夕陽鍾磬處芳草綺羅情青歲殊方客空悲鷓
鴒鳴

祈澤寺

野寺藏山麓松蘿開徑賒清泉常作雨老樹半成
槎客至驚棲鷓鴒閑對落花莫嫌吟臥久余意在

煙霞

虎洞

林深乍晦明靈洞計崢嶸玉筍標爲柱芙蓉削作
城山高鳥不度皆靜虎常行巖際陰飈起孤遊黯
余情

草堂寺

夜宿滄波閣朝行澗道清脩然來此地紛矣媿吾
生江染靡蕪色山含薜荔情寄言草堂客莫遣曉
猿驚

鷄鳴禪寺

息駕縹緲下松風天外飄如何玄寂境不遣旅情
消六代空鳴鳥三秋祇弊貂無情原上草靡藿自
前朝

定林寺

禪宮翠微半四面芙蓉城樹色若黛染山形類削
成泉從壁間落雲向屋頭生深夜聞僊梵空臺雨
氣清

曉陟方山絕頂憇石龍池上

天上盤飛磴懸崖仄路分度梁全隔世入嶺不知
雲地迥空香度巖深暗瀑聞清池堪一憇白石淨

苔文

攝山

總轡靈區煙霞路鬱紆空潭含瀑冷遠岫枕江
孤此日身名翳前朝歲月蕪攝生多異草畢志老
山圖

栖霞寺

吳地標仙嶠梁朝啓化城巖開千佛古塔建一珠
明草沒徵君石苔留過客名探奇到此盡山水獨
含清

宿雲谷禪師團瓢

支公禪誦處石壁一龕栖枯木形無縛空花智不
迷蘚塔交虎跡磻戶亂猿啼密義從君說然燈嶺
月西

天寧寺

此地巖穴秀何年梵剎開林疑鶴王布石定仙人
栽亂瀑流花去空雲帶雨來繩牀清夢曉殘月江
猿哀

同金楊二孝廉雨花臺雪眺

香臺眺晨雪琪樹結陰霏銀界諸天朗珠塵大地
輝山長含霧冷江黯入雲微不是談經日空花亦

自飛

同楊伯海昆季遊天隆寺

孤剎千巖裏空潭翳古篴石梁慈樹綠闕殿覺花
黃物外春偏澹山中日倍長空門一以到心境卽
清涼

崇化寺梅花水

春雨躡招提空山草木萋落花深掩室飛澗曲藏
蹊憑石名泉賞援蘿翠壁題玉膏堪駐歲願此結
雲栖

達摩洞

一祖西歸處靈蹤今尚遺危峯出天表古洞瞰江
湄壁絕無蘿挂崖傾有石支白雲青草渡猶似折
蘆時

嘉善寺石觀音洞

窈窕來尋寺還將古洞躋因巖成石室借棧作芝
梯谷口栖霞滿峯頭過雨低如何下山路常使故
蹤迷

東山

昔臥會稽客因畱東山名宛然林泉趣猶是謝公
情遠墅草全沒空門臺半傾誰知遊衍者偏解慰

蒼生

燕子磯

羈思寄遐矚危磯駕巨濤煙深南北渚風急去來
潮赴海波難駐揚塵切易消桃花吹暮雨莫向客
衣飄

潦源卷

孤菴杳嶂裏蘿竹日淒淒山雜雲難辨泉兼雨易
迷經年一倍住白晝衆熙啼歸騎下層麓千重暮
色低

同金子坤郭次父登謝公墩

東坡先生集卷之六

六

七

淒涼餘往蹟來眺綠蕪中人代河山異風流今古
同春雲雙帝闕暮雨一禪宮貧賤無時望空令懷

謝公

五日臺城懷古

昔日繁華地年年野人耕鳥啼猶是夢桺挂本無
情江上暮山出客中春草生余愁誰解識聊一詠
張衡

攝山看杏花

孤刹隱修嶂門前江水流雲深異草因鹿去古泉
留山殿春猶冷禪林花更盛自憐扶病骨曾不廢

遊遊

登雨花臺

當年說法地臺上草紛紛高座不可見空香如有
聞川光亂晴日花氣和春雲望遠多愁思那堪倚
夕曛

靈谷寺

入寺心彌遠頓令塵想遠長松百盤路落葉半局
扉雨氣連山白泉聲溜石微夕陽幽谷裏野鹿伴
人歸

宿吳鍊師房

東坡先生集卷之六

七

憐君滅景者抗宇在巖阿門有千年樹園多五色
蛾蜚迴塵外軫一問石邊柯今夜遊仙夢不遠在
烟蘿

宿湖沒鎮

仙源最深處杳靄隱房櫳玉洞從茲覓令人懷往
蹤山花香蔓石水葉爭牽風月落青巖曙啼禽響
磻空

張公洞三首

鍊藥餘茲境仙翁不可逢石函金笈秘丹竈紫泥
空地脉千盤入天光一竇通懸蘿窺石穴青靄失

前蹤

玉柱成仙室金膏閤禹糧蒸雲泉穴竊積翠石門
涼乳竇藤花墮芝田萑葉長青螺遺蹟在回憶竟
茫茫

限日自成畫栖靈不記春飛崖曜丹翠積石拱嶙
峴綠壁飢鼯泣依筇野鹿馴仙翁留漢姓豈亦避
秦人

玉女潭二首

玉女乘鸞處峯頭此碧潭瑩心聊一憩靈秀逼諸
嵐積翠空陰合凝波雲氣含冷風吾欲御恍爾接

虬驂

爲覓仙源去行行渺翠微澄泓一珠鏡蒼靄百重
圍丹壁成虹瞰涼飈作雨飛自從臨榭開潭石益
爭輝

善卷洞

上下探靈跡雲封二洞偏亂泉奔壑響危石骨巖
懸並是神仙宅中分日月天緬懷師帝者心遠得
冥筌

晚登吳氏臺因懷心遠處士

高臺日夕裏天遠眺縈紆山水全交勝池亭半已

蕪空波落霞映墟木上烟孤處士瞻遺宇風流在

五湖

宿寶峯上人精廬

東林鐙火寂采菽供盤餐夜久風雲滅山深花雨
寒牀頭棲鴿擾谷口種芝代每到空門裏番悲世
路難

過許山人家

誰憐懷玉者行役多風塵偶不值玄度銜杯蘿月
新僊丘開福地隱宅帶花津從此怡山下經過有
主人

石林埠

幽境何年闢山深俗鞅稀石林披霧暗花徑入雲
微繞戶流泉駛排空翠嶺飛歸橈谿雨歇夕景澹
澄暉

竹谿南眺

泊舟南谿下一眺南山陲曲塢流雲亂層林宿雨
滋出花臺縹緲穿竹路逶迤遺祠仰前哲猶見土
人思

洞山吳氏別業

清谿杳然去隈隩一來尋水到流花處山疑啗石

林閒房虛暮色幽壑下藤陰永日松窻坐偏宜靜者心

維摩寺

登臨日已夕稅足菩提坊剎覆千霄樹林開匝地
芳香室通海氣闕殿鎖巖光余亦維摩客因來叩
萊王

釜山曉日

海壚開宿霧波未囑初陽潛發蛟宮彩空浮貝闕
光未湏臨日觀何處有扶桑便欲乘颺去飛心萬
里長

錢氏山庄

物外訪高躅沿洄一水清花藏薜荔室石覆芙蓉
城白髮王孫恨滄洲逋客情余心悅恬曠將共結
鷗盟

邀笛閣

桓伊撫牀處葯館倚江標波上當時月灘前舊日
潮花常自落楊柳詎曾凋長笛若能賦應追宋
玉驪

七月七日同金楊二子過半峯僧廬

余嘉谷口遁去藝子真田曾是亂離日堪逢牛女

天希微南郭隱妙秀東林禪花塢共玄晤羈心聊
暢然

宿玉陽書院

仙院鳴鐘至松深日易昏一樓寒雨集萬壑海濤
翻煮石方添火樵山未掩門此中逢道士相與折
玄言

過何翰林山庄

披草來墟里幽居林樾間何曾塵鞅到惟是白雲
還帝子金陵古仙人蕙圃閒知君宦情薄結宅近
東山

禹陵

茲山信靈氣南望接蒼梧海近鑪峯暗天寒鏡水
枯翠微空玉帛丹壑隱金符猶仰玄宮在千秋片
石孤

戢山寺晉王右軍宅

逸少千年上悠然臥此丘誰知弋釣者恒切陸沉
憂石壁花宮寂荒苔舊井畱臨池掃素處空有白
雲流

周孝公祠

載謁先賢宇徘徊落日前壯心應不死卓行至今

傳細草沾祠雨高柯結壠烟長調拂寶劍徒自媿當年

蘇長公祠

孤岫層峯合移雲谷口遲昔賢曾買宅今日有遺祠石牖飛泉冷山楹積蘚滋風流那可作空尔白雲持

過張幼于園亭

偶然念良友乘暮到芳園遠霧寒浮水微陽薄被原開門掃竹籜出逕認苔痕莫訝相遇數幽懷與晤言

徐太學別業

即幼子菴

愛爾雲關好無人常自扇藤陰含水氣木勢壓山形昔是維摩室今爲揚子亭何耽區外賞栖志在商冥

天王寺閣看落日

憑高眺夕陽烟霧已蒼茫遠樹幾行棲青山半嶺藏原間被餘照鳥背帶殘光對此憐遲暮誰能不盡觴

包山訪紫山徐丈

白髮餘孤憤青山老一經雲霞供秀句木石寓枯

形此地傳商賅因君弔楚靈無言饑莫療瑤草在金庭

訪姜山人玄仲於湖上

小隱清川上蘼葭渺一涯滄洲協真趣潁水寄遐思花但漁郎覓言唯惠子知璜溪人未老猶及後車時

過大佛寺先君舊寓綠竹精舍

山寺標精舍蕭條枕碧漪依然舊花竹過此忽凄其泉挂題詩壁藤懸借榻居追隨難再得涕泗白雲滋

同皇甫司勳水部過石湖僧廬

勝侶同春眺乘流野寺過竹疑侵岫盡花較入溪多鑿壁危懸磴穿雲小結窩遂令許元度坐臥弄湖波

過懋公房同清父弟

安禪無歲月一室掩空林離相猶爲相觀心未是心膝傍生野竹掌上集仙禽幽晤渾忘去門前暮雨深

集郭侍御子靜寄傲園

玄髮辭榮者蘭阡別構幽竹藏尋壑路花隱隔溪

樓營島分山秀疏渠合澗流平泉花木麗未必勝
茲丘

謝眺青山宅蕭然遠世氛看花皆是雪移石即成
雲飛閣連青嶂修房帶碧瀆余心愛寥廓把酒戀
斜照

集顧黃門子期園亭

北郭清華地池臺別構新飛來有蓬嶠迷處是花
津月落山猿曉雲封石乳春自從焚諫草聊作種
瓜人

贈張幼于廬墓

東坡全集卷之九

古

下地音容遠終天抱永思堪憐攀壙日猶似侍闈
時雉鹿同棲影風泉總助悲欲知君涕淚看取墓
傍枝

三月同史二南城看桃花

結侶臨芳甸看花到曲谿繁英晴日麗穠雪晚雲
低歷亂偏撩目繽紛不辨蹊徘徊且莫去祇恐再
來迷

天池寺

松深幽不測磴仄曲能通峯影千花麗池光一鏡
空香林元化國白石是禪宮玄度平生迹偏多丘

壑中

同王青州伯仲虎丘雨泛

綠尊邀勝侶蘭漿遡清川遠岫全迷雨長林半沒
烟吳王千載國漁子五湖船行國無人識長謠一
泫然

題張伯起求志園二首

名園闢幽阻宛爾在山岑逕狹綠花密谿陰爲竹
深曲房連曠宇叢薄間疎林誰識悠然趣禽魚可
會心

吳市棲仙地幽居隔世喧人標顧彥望興寄仲長

東坡全集卷之九

圭

子維

園松覆雲爲館谿迴花作樊草玄耽寂寞常自掩
蘿門

過大慈僧廬

一廡甘澹泊挂衲白雲間掩室棲雙樹乘杯歷五
山落花看世幻芳草伴身閒殘日寒燈裏空庭宿
鳥還

蔣侯招遊胥臺

論交唯蔣徑消歇黃陂綠酒同雲載青山與月
期片琴凌石迥雙槩出花遲況復秋風至登臨動
遠思

自盤關步至上方寺

曲塢香林杳長阜短策輕溪花漁艇亂壁苔
清落日峯頭挂陰風水面生千年懷霸跡二動五
湖情

報國寺在津宮之古

城南一古剎宛在杏壇西地僻山雲冷禪榻
說經曾悟石送客不過谿香晒儒童佛皇皇問
渡迷

過梅花泉上有贈

上士耽幽賞山中一瀑泉流花不知處挂石自何

漢書卷之九

卷之九

卷之九

年秋水談蒙叟衡門詠衛賢知君濠濮想對此日
悠然

元日城南看雪二首

霽雪開華歲凌虛引眺長千門添曉色四野倍年
光日接江山亂心含草木芳莫辭今日飲遊榼是
椒觴

上日登臨舉危譙勝侶攜雪明山近郭雲合樹藏
溪意似春臺適身將銀海迷韶華兼瑞色總入彩
毫題

賦得中嶽

中嶽標中域崇高獨擅名三花同歲古二室與雲
平館裏看仙奕峯頭聽鳳笙箕山一以望應動顏
陽情

九日周孝廉邀登吳山

靈峯最高處載酒得幽情共豁登山目空餘把菊
心夕嵐千嶂合秋水五湖深天外憐遊興寒臯散
薄陰

天王廢寺

化閣王墟奠蕭然蔓草中鹿遊憐霸業灰劫嘆禪
宮巢穴香臺圯生苦盡壁空慈燈如可續開社待

漢書卷之九

卷之九

卷之九

陶公

沈會稽招飲蘭亭二首

敞讌青巘曲秋陰澹遠虛晉賢修禊處明牧剔幽
初深磳寒花被高林暮葉疎登臨同謝眺喜及政
平餘

嗟余登陟好覽古每生悲况復山陰道那堪秋暮
時崇岡帶蒼霞密篠照清漪緬想永和日風流宛
在茲

三江城望海

飛梁跨浦口遙睇海天沉潮落空城暮雲低斷壑

三山區外想億劫幻中心試問蓬萊水于今復
幾深

獻花巖

窈窕青巖曲扶筇不憚尋融公昔投迹悟道茲山
岑白石禪扉淨長松慧徑深回看雙闕峙圖盡在
東林

牛首山弘覺寺

茲山江表秀秋壑陟蘿陰架巖連宮曲藏雲芝磴
深天標雙闕峻地涌萬峯沉禪誦東林夜靈花自
得心

吳山晚眺

躡磴一舒眺捫蘿絕巘留海門昏落日江渚清
秋高樹攢飛觀平蕪帶古丘伍祠聊躡躅愁見越
山稠

泛西湖

載覽名區秀紆迴遡綠波飛梁界湖色複宇隱巖
阿繹景秋常駐青霞夕競多回思南宋盛衰矣邈
山河

白龍祠觀水簾洞瑞石

清晨眺北嶺選壑憩龍祠洞窅泉常挂山空石自

移江濤春霧暗巒翠夕陽滋轉巘松門暝遊蹤詎
惜疲

城南

城南一畝宅經歲掩扉多自愛蓬蒿翳無嫌鳥雀
羅池寒全覆竹樹老半緣蘿忽訝蒼苔跡堦前野
鹿過

清明日集息園

清明風日好况復園林嘉但使攀芳樹何須怨落
花弱藤上高格低柳礙浮槎獨有思歸客偏多感
物華

除夕與金子坤郭次父登台城後集小寓

散步崇岡後明燈綠酒初那堪惜除歲又復感遺
墟寒柝嚴城急春星短屋踈明朝問生計猶是一
牀書

元日同文德承郭次甫過斌上人精舍

古剎稅霞鑣雲林自遠囂到來齊浩劫何用紀元
朝竹密無行逕僧閑不過橋空飈灑寒雨巖穴轉
蕭條

北固山

眷言遵北固歇馬一彷徨魚鳥親閑渚風煙帶遠

楓山盤吳地盡江入楚天長木落登臨日偏令游子傷

丹陽道中

世路誰堪語羈人獨苦辛淒辰變草木遠道多風塵何事將歸日番爲子役人龍蛇不終屈窮路是通津

縹緲峯

縹緲標靈界峻嶒烏道躋浮峯七十二宛在五湖西煙水扁舟路平蕪翠輦堤如何臨眺裏能使客心悵

消夏灣諸宮

湖中靈島峙島裏別藏湖石路迴崇薄煙墟接遠蕪翠華餘寶地玉柱闕瑤符何但能消夏仙林歲不枯

明月灣石公巖

覓異轉崇巒奇形信駭觀危崖開斷峽積石漱飛湍壁絕無蘿挂灘空抱日寒莫愁松路暝明月正宜看


東湖寺

凌曉陟香剎苔莓踐滑難峯高五湖近谷杳雙林

寒山菓霜全落巖花風半殘欲尋靈草拾隔嶺是仙壇

金峯寺

行行翠微半幽謁排丰茸不道僊源裏仍開釋子宮山深松路遠泉斷石梁空共此池上酌禪心澄現中



黃淳父先生全集卷之十

吳郡黃 姬水

壻顧 九思 編

男 嘉芳 輯

五言律詩一百四首

元日皇甫司勳劉侍御過訪值往蕭寺失迓
賦此以謝

履辰新歲改訪駕故情臨挂楊塵猶暗排屏雪正
深蔣生唯仲徑許緣半禪林悵此白雲跡春風負
賞心

穀日張幼千招飲陸山人池上不赴社中賦
詩皇甫司勳有二仲不來過張太學有開
選不能招之句因酬此篇

尋盟邀社侶載酒過山家詩德會元擅風流緒足
誇晴繒鋪積雪雲樹綴芳葩遙隔同心晤空廬愴
物華

送陳漁洋令龍巖

出宰南安地炎程宦牒催孤城一海接列騎萬山
迴潔操珠璣賤仁風瘴癘開漢京臺史候應見兩
鳧來

芸閣爲雲間顧太學汝修賦

青林倚華閣紫笈秘緹緗不惜千金購真誇萬卷
藏芸香朝棟靜藜火夜牕長君腹還稱笥咀含六
藝芳

雲華卷爲雲間顧中舍汝和賦

雙樹初標舍三曹舊作水榮途揮艾組覺路覓金
繩綠字皆禪部青藜是佛燈定知齋壁裏留偈有
高僧

美人教梳頭曲爲弟六郎作

曉月重開鏡春風正入幃櫺來憑素手綰出費芳
思澤少香難滅盤多結不移寸心何可報惟有畫
雙眉

賦得鳳凰臺上聽簫爲安茂卿作

纖手停還弄柔腸斷復迴江如將恨去月似逐歡
來簫玉憐人玉秦臺卽鳳臺祇疑身欲舉鸞馭莫
相催

十六夜皇甫司勳宅燈讌得花字

芳炬初宵滿熙辰上日嘉珠光不讓月彩艷盡凌
花賦管同流綺歌梁共駐霞歡筵常此奉寧惜度
年華

集張幼子文起堂喜徐徵君來期皇甫司勳

不至探得文字

止酒還銜酒逢君正憶君榻先徐孺下屐未庾公
閒柳挂縈池露梅飄沒薛文如何來舊雨猶自賦
停雲

徐徵君訪皇甫司勳同張幼子家第清父宴

集余偶不赴分得星字

相思但瓊樹言訪自金庭飲酒陶公舍談經揚子
亭候禽全變柳春沼半生萍奚藉元方過荀家始
聚星

徐太素招集其先文敏公祠同皇甫司勳徐

徵君共賦探得空字

方駕春城畔遺祠夕照中花深添逕曲雲落礙潭
空大地同蕉鹿浮蹤是雪鴻高陽風日好不飲規
山公

晦日同紫山徐丈家第清父集張幼子遠暢

樓聞郭生琴張娘歌分得千字

高樓紅燭然妙曲競芳妍花落隨桃扇春生逐鳳
絃愁將新弄寫歡以舊心傳美酒頻教換無論價
千

集張幼子曲水草堂瞻唐李供奉像探得雲

字

林館瞻遺像淒然慨往聞寵深神女賦恩薄弔原
文池宛江千月山渾匡阜雲飄零一盃酒千載更
邀君

花朝前一日雪

風前輕易散雨後弱難持淑候成冥節青林作縞
枝飄揚驚絮早零落訝梅遲南陌尋芳騎爭教覓
酒旗

暮春集怡曠軒花下遲月分得真韻

池上開虛館林間晤上賓還憐花未落應待月重
新芳氣偏侵酒清輝欲近人非關戀深夜秖爲惜
餘春

張幼子南館賦春歸之什

游興未云已春歸將若何浪教愁裡度半是醉中
過一鵲初迎序餘花尚戀柯因思少年事容易擲
東波

送童少瑜遊泰山

標秀唯東岱翩然裹足從白雲餘漢禪古樹有秦
封海日全生夜河流半挂峯君原抱靈氣應與役

丘逢

黃山爲吳孝甫賦

千仞標巖谷峯峯盡浴暉丹砂平地涌瀑水半天
飛臺子思棲穴黃公志采薇仙人煉玉處宜爾開

雲扉

虎丘送周才甫

歡友難爲別靈丘更一攀捫巖飛澗上覓路落花
間樹綠唯春樹山青是夕山空池餘劍氣相對壯
離顏

贈安茂卿二首

黃山爲吳孝甫賦

五

年少江東俊才華負嶠奇如何遊洛日翻是泣途
時玉點瑜難掩蘭鋤芳詎移青天那可問幽恨楚
均知
浮沉且遷史幽憤自嵇生石瓢難爲用朝花可玩
榮青山雙屐遍綠綬一詩輕天運吾今識何如畱
飲名

廷評梁使君恤刑至吳下張太學邀晤贈之

二首

載旌辭闕下秉節泣江津在宥湛思遠維良簡命
新星輶定隨雨秋暑亦敷春借問居廷日誰爲結

襪人

丹筆還持夜高槐獨謝秋好生宣帝德緩死起民
謳吳楚蘭輿歷江山藻賦畱論交得張仲因以識
荊州

七夕立秋

涼風初蕙轉靈氣已空浮乍喜雙星夕俄驚一葉
秋架河烏鵲冷驂路白榆愁玉漏應添晷琳宮得
暫畱

詠綠牡丹

洛陽多異色一種得春偏池穀搖光亂牕綃掩態
妍珠憐金谷妓萼降九疑仙若植唐宮裏名花誰
更先

送安茂卿遊燕

寶玦離筵把瑤徽別思催如何人北上正值雁南
來醉裏荆卿市愁中郭隗臺詎無揚意者爲薦子
虛才

寄東湖寺了然上人

丈室千峯外孤棲巖道深白雲同幻跡流水是禪
心夜梵飛煙澤晨行躡霧岑世人欽道行霞末望
東林

題葉義士卷

讀書還慕俠落落布衣雄身困蓬蒿裏名傳都市
中千金季布諾一羽魯連功友道久不作因君見
古風

王良才以畫梅見贈賦此以荅

開絨照眼清訝見一枝橫疎影移湘素寒香散几
屏常留粧裏色不落笛中聲但有楊生筆無勞賦
廣平

送潯南方山人自林屋東還兼簡五臺陸太常

曠歲青琴掩茲晨綠酒同空江仍送客高樹正鳴
風秘境探靈草遐心托遠鴻因逢竹林彥悵爾憶
山公

寄資慶寺圓上人

開社五湖裏東林繼遠公方袍梵行苦圓覺憐天
融巖杳常疑雪波長欲混空世人不可見遙禮白
雲中

上春十八日皇甫司勳燈宴送徐太素遊金陵

上國擔簦早燈前送遠遊如何歡賞地番動別離

愁挾藻誇能賦懷珠歎莫投驪車待明發歌管暫
淹留

送秦博士秩滿北上

造士勤千羽春風化自惇傳經鱣席久教胄虎圍
尊桃李盈南國風雲壯北轅山中何所贈聊一折
芳蓀

東陽縣圖爲鄭少府賦

解宇卽林巒爲園萬木攢池分千磧綠臺抱兩峯
寒花宛河陽種人同秋浦看鳴琴多暇日登矚每
盤桓

和清甫弟詠樓牕中隔城山色二首

危樓俯城堞虛牕瞰重巒霞氣披朝爽煙光眺日
殘山疑從芥納島似入壺看靜賞心彌遠冷然秀
色餐

千雲一書閣列岫綺疏間在市成雲卧臨牕得嶽
攀助吟詩內景移障畫中山着屐平生興何妨日
掩關

送潘憲使督漕北上

秦芻輸海上漢粟轉山東抗疏摠長計開渠樹遠
功天齊標域廣日觀表峯崇使牡應周覽還攜賦

藻雄

借王廉憲元美王儀部敬美錢山人叔寶王

太學百穀集陸徵君叔平山館

言過陸渾宅煙霞象外幽酒盃隨叔茂徑竹待王
猷柳帶溪陰合花含岫靄流飛沉總殊迹逸趣共
滄洲

送徐翰林還朝

洽聞宜著作妙選屬論思傍日供香案聯鵷步玉
墀借閑歸院早撤炬出宮遲定自恩波沐朝朝侍
鳳池

送伊禮部服闋北上

嚴裝趨日闕悵飲別春城名字輝三署文章嗣二
京江浮望李權隴結報劉情漢室多鴻業敷張待
馬卿

送吳秀才之衛遊燕

燕山千里道懷缺向皇州夜鶴驚離別春蘋恨遠
遊平津正開閣少府况同舟爲報唐天子新豐客
馬周

又賦得濟山橋送徐翰林

飛梁五湖上虹影半牕橫島似蓬山麗波疑太液

清星槎應泛斗仙權是登瀛定作商家楫裒然一
代英

送皇甫司勳遊白嶽

春言訪靈嶽飛思遠霞催曉瀨千盤雨春梯百丈
苔青泥結梁粳白石是樓臺巖壑應增色題詩謝
客來

沈徵君嘉則過訪同錢山人叔寶小集期魏

孝廉元朗不至分得堂字

吳宮一草堂蘿竹逕全荒呂駕遙相命嵇琴靜以
張雲移峯駐影花落樹留香綠酒懷人處空除半
夕陽

同沈嘉則顧從化魏季朗集懸磬室得愁字

相攜就君約掃逕白雲幽時暮春偏惜顏酡酒更
浮江山同逸調花鳥獨深愁莫唱靡蕪曲王孫正
遠遊

燈下看芍藥沈嘉則錢功甫同賦

名萼嬌無賴燈前奈爾何香隨芳苒散艷逐玉枝
多漏徹渾愁睡盃深更覺酡莫言窺蝶少亦自繞
飛蛾

過敬堂張進士與靜臺杜進士同集

封苔石逕荒白日掩蘿房地靜疑淳古人間卽上
皇基乎據梧逸點也浴沂狂一笑傾盃酒都令意
象忘

沈嘉則吳少君錢功甫家弟清甫過集曲林

草堂分得青字

經時卧岑寂一爲啓煙局百榼能浮白孤松聊撫
青疎花澹幽薄微月暖空庭以我高翔意泠然對
客星

曲林草堂同阮魯蔣三都尉得朝字

麗景初移候朱明乍履朝竹晴全解籜花晚半辭

金貂

條揚閣人玄默麗屏地寂寥薜蘿情自狎誰識有

金貂

送袁魯望督學山東

校藝新分簡題才舊秉衡風觀齊大國道淑魯諸

生岱色青千古瀛波撼百城送君歌四牡芳草促

王程

沈伯宏載酒同蔣引之汪子建錢功甫遊徐

氏園二首

殊麗標芳苑登遊意灑然澗香花和雨崖絕鳥分

煙矚景皆疑畫逢人每詫仙高陽借勝侶倒載習

池邊

層峯臨碧圪曲沼抱璇房竹嶼通雲術芝臺接漢
梁林光含片雨鳥影下殘陽莫訝風流客悠然造
辟彊

贈季恒張生

苔水栖真隱幽蹤世罕知雲房共僧住煙艇逐漁
移每飲公榮酒能吟謝眺詩區中吾所隘汗漫與
君期

梁內翰使魯南還過訪有贈

十載京華客星輅下九重君非方朔隱寧慕同平

人逢

蹤一涉淄澠水雙躋日月峯遂今潛閉士得與故

人逢

玉川程郡博父子將遊淮海過訪有贈兼簡

王中丞

款向擅詞雄逢居問蓋公大巫驚句拔行聖美書

工草樹臨淮盡雲霞抱海空荊州煩寄語識面夢

思中

荅鴻山華學士書問

焚魚何太早白首卧青山詩市鷄林外書藏石室

間瑤華忽以惠瓊樹未由攀若問梁鴻隱吳趨日

閉關

送寒山寺旭公遊天台

緬懷天台秀千里一瓢尋況是無依跡因知不住
心剎中行雪遍華頂宿雲深智者談經地攀崖覓
舊林

竹在亭爲江藩中尉賦

萬竹蕪山昔孤亭昔自今緬尋當日隱還落舊時
林衛渙仍敷綠梁園不改陰孫枝微瑞遠孝感一
何深

同孫將軍集張都閫園亭看梅得雲字

勝日人同賞名閫席幸分庭饒巖石趣坐有鹿麋
群崖反易傾日潭空不礙雲吟花梅樹下芳思正
氤氳

再送單子

西原一相送白草暮生煙別酒筵欣再歸帆路怯
千著書堪卒歲把袂莫經年况復當窮紀行行重
黯然

王元美伯仲將爲洞庭之遊弭楫見招病弗
克從賦詩送之

逸思超雲上珠庭邈域中鈴房靈草翳石几素書

空羽駕攀非遠霞鑣悵未同千年閱神秀奮藻待
興公

枝息所爲張子賦

處士今仍見微星在會稽徒然懷鵠志晏爾學鷄
棲圭竇容身小荏苒任意低巢林與鑿穴將與古
人齊

荅淮陽陳太守玉叔

郢客淮陽守裁詩問采薇桂山招復作雪曲和元
稀一展瑤華句俄生寒谷輝美人懷獨夜松際月
光微

送朱鴻臚在明使楚

鴻卿共職舊景鑠荷朝新載奉天王期言歸帝
胃親雲飛巫峽曉蘋綠楚江春定是靈臺上占星
識使臣

凌玄旻以畫梅見贈詩以謝之

畫梅還寄遠一鴈下重雲老幹疑虬立寒花訝雪
紛病餘看瘦影言外挹幽芬從此羅浮月清宵獨
夢君

王儀部敬美北上過訪話別

美爾國華選星曹列紫霄直清共舊服熙洽荷新

朝蘿徑深藏雨花溪暗上潮青山一尊暮聊得緩
征輶

贈破瓢道人吳少君

孤雲任飄泊宇宙一身輕瓢碎翻除累詩工亦避
名貧來笑莊貸隱去少糾管余本支離客逢君意
仰傾

五日

五日聊從俗蒲觴亦復持蘭香浮翠釜葵艷積空
坼脩景山中度繁陰雨後滋無嗟芳歲歇續命有
靈絲

書李季集卷之七

五

五月七日國賓李兌山過訪留集人

甕遠秦臺月來尋吳苑霞新書滿湖海舊里問桑
麻疇足三時雨庭餘五日花一尊應共戀明日又
天涯

送春臺蔡兵憲督學山西

開府重宣教期年已化吳俄然將孔鐸還復向堯
都秋入黃河落雲迷紫塞紆思同天畔月萬里寄
心孤

贈堪輿施子

高栖吳市者于越一奇英鴻術窮咸氏青囊授郭

生營菟覓玄宅培馬協佳城侯貴爭延致居然客
上卿

西樵陸子移家陽羨詩以訊之

地擅荆南秀君家向此移買山聊避俗閉戶爲耽
詩躡嶺招仙令窮巖訪帝師桂檣隨處有何必入
峨嵋

題飛雪圖爲靖江張尹賦

江天飛雪遍大地轉陽和幽壑行人少空山僵木
多冰壺堪擬操黃竹自興歌倘念袁高士千旌車
戶過

書李季集卷之七

五

殷明遠過訪有贈

寂寞憐同調頻過揚子亭言析玄秘勝氣薄青
冥秋色含炎卉晨飈落夜蕤投章何以報吾欲借
河星

伯駟項子自金陵還訪賦贈兼簡厥弟仲馳

京洛言歸日空林輟軫紆維摩方掩室阮藉况窮
途雨外峯全翳霜前草半蕪才名今二陸未許著
潛夫

致輿園詩爲江藩匡南賦

王家標別館桂坂接煙巒魏沼朱華蒲梁園修竹

寒涼颼生綠蔭空碧映清湍何必西山裏朝來挂
笏看

大弘寺看菊

看菊來蓮宇林丘散曉霞霜迎青女節露灑法王
家方訝金爲地還疑天雨花化宮元世外搖落有
春華

送王太僕元美北上二首

九列新膺簡雙旌夙撰行繩糾伯罔正疏布子星
清日向皇居近春隨客路生堦前楊柳色先遣別
愁榮

卷之十

七

崇階列上寺黼辰謁華京聲望三台通文章一代
傾尚書給劄待丞相掃門迎翼翼才猷展無慙蒼
威明

送李翰林服闋北上

琴和讀禮後夙駕理朝簪雖切瞻雲戀其如捧日
心論思更天閣著作自文林美爾仙舟去春江柳
色深

答張別駕伯喈問疾

理藥經旬卧荒塗人跡稀如何五馬過不遣一鷗
飛白石支床冷青松蕤窻微倉茫陶徑裏稚子候

寒扉

寄黎惟敬

一自秣陵道別君三歲餘青袍多舊恨綠綬有新
除曼倩隱金馬相如著子虛片鴻知達否萬里積
南書

答姜玄仲見懷

吾國有真隱工詩今白頭長洲見月夜懷我秣陵
秋杜若山中草風塵客裏衆多君夢思意併向尺
書收

憶弟

卷之十

六

憶昔辭粉邑天涯逐斷鴻不愁饑月里只自醉新
豐浪迹衣塵積驚心戍火通如何春草夢多在夜
猿中

皇甫僉憲還山奉寄

投綬歸來日遙從瘴嶺驅舟輕應載石囊富爲緘
詩薄俗芳蘭忌長途倦馬悲無嗟霄漢遠自有白
雲期

聞周山人計詩以哭之

千里哭吾友秋風涕淚繁一丘埋俠骨何地弔吟
魂慨慷平生氣淒涼別日言遙思冥冥處白草闕

新原

劉總兵輓詩

平生孫吳略況復詩書敦空自期萬里何人作九
原帳前齊灑泣門下未酬恩海上風雲色猶存滅
虜魂

代凌玄旻哭第詩

鳳也悲毛鍛麟兮哭趾傷珠分誰並美鴈斷不成
行帶鵲何求滅琴隨子敬亡惠連雖有夢不是賦
池塘

莫遠生猶隔長離詎弗歎姜肱方共被徐叔忽憑

墓

左

棺玉樹摧何易金膏覓自難如吟棠棣什惟有涕
汎瀾

哭中南伯父

鴻鵠志何遠龍蛇迹自沉定知十上恨猶是九原
心執手簣上語傷情篋裏吟幸留名不死迷作重
詞林

哭姜山人玄仲

計在四
月八日

秋杪書猶達冬殘計忽傳正徂當佛日哲隕卽龍
年溪剩翔鷗水山留種秫田吟魂招不可漠漠五
湖天

死生無戀易貧賤不求難賢媛私論謚良朋遠具
棺山河壚畔邈花月社中寒欲誅陶徵士清辭媿
始安

哭凌孝廉玄雨

未躋文考歲已籍孔融名汗驥期千里肪璵價十
城人間悲劍失天上恨樓成書牖殘燈在寒宵伴
素旌

哭文水弟二首

辛勤三十載育汝五齡孤詎意先朝露空令泣夜
烏鴈分單作影荆在半成枯塵掩芸房冷琴書歎

墓

左

已燕

療病無上藥殞命逼殘冬年共人間盡春從地下
逢片時成永訣萬事慨深棕草綠池塘路于今罷
履蹤

哭項思堯

居疾當初夏分携屬早春誰知生別日遂作死離
人幽憤嵇康賦飄零張儉身楚魂招不可灑泣向
江蘋

挽朱縣簿

微國傳家舊爲儒抱一經早雖通聖學暮始計王

廷佐邑來花縣居官式考亭岱遊催太迫哀誄自堪徵

輓汪古沙

可憐落魄者湖海久棲身人爲耽詩老家因結客
貧山河慨往日生世信飄塵知爾羈魂者猶悲芳草春

輓陳東隱

仲子千年上高風在灌園伊人亦秉尚諒節信彌
敦死並青琴逝生多白壁冤江潭吟楚些爲爾一
招魂

哀寒山寺僧智淵

性在超香界身傾墜道門青山留定色芳草剩吟
魂禮塔新松影尋龕舊蘚痕法度今已矣誰復賞
清言

阮侯喪二子詩以慰之

可歎生如寄彭殤亦豈殊那堪一日裏丹穴失雙
鵲在襁魂猶戀看珠淚已枯探環應不遠聊以慰
長吁

輓吳夫人

柱史有嘉伉儷聲自昔時少君承儉德羊子進良

規一旦音容盡千秋義烈垂遺鵲雙鸞驚可以慰
深悲

輓王母郁夫人二首

閨行真難並慈魂不可招腸因哭城絕髮爲倚廬
凋儀德華綸稱貽芳彤管標黃壚含笑往歸穴慰
今朝

勤儉還能老無慚門內人詎知魯母貴不改少君
貧影挂殘燈冷恩留舊線塵陳情空爾切莫輓報
劉晨

輓陳母

賢母宜遐壽胡爲歎露傾生嗟門內老名實世間
榮總帳留慈影寒原引素旌看雲吳苑客無那白
華情

黃淳父先生全集卷之十一

吳郡黃 姬水 著

壻顧 九思 編

男 嘉芳 輯

五言排律 二十一首

荅毛青城禮部兼謝分祿之惠

詞臣拜郎日，握手大江濱。道以南遷貴，家因久宦貧。巨公甘滄泊，逸少任清真。鸞鐵九霄翮，鵬遊八極神。若非洛陽令，誰問雪中人。

荅袁進士見懷

念子美無度，音稀心不遐。何堪夢瓊樹，忽復枉瑤華。元禮方觀國，彥先當憶家。晨趨六舍月，夜宿上方霞。心賞人難晤，年芳景易斜。空令桃葉渡，落盡一春花。

送張幼于侍母氏還武陵

烏情戀慈母，扶侍越中歸。華程尋親里，長幃叩佛扉。彩毫雙岫落，畫鷁六橋飛。門外江潮冷，樓頭海日輝。省餘還眺矚，客裏有庭闈。霜樹紅亭酒，因君奏玉徽。

何山懷二何高士

緬彼梁高士，名丘並域臧。草空茲壟翳，桂尚昔時芳。千載懷龍性，孤封識鴈行。嚴應馴鹿罷，臺是讀書荒。栖隱今殘寺，登臨此夕陽。嗟予思秉尚，松月奈蒼蒼。

四日普照寺齋會

獻歲風日好，相期來佛扉。溪雲一澄霽，香樹盡含暉。掩室豈因病，涉關須晤機。身躋化城逸，性與業海違。乞鉢分麻飯，繩牀共衲衣。谷中春尚淺，江上陽初微。庭草無心綠，牕禽有象飛。淡然枯木地，息慮願皈依。

靈谷寺得虞字

曉策歷城隅，神臯訪閭區。石門松路遠，畫壁薜蘿垂。蕪谷暖泉聲，竚峯高塔影。孤濕雲晴作，雨積霧晝成。瞞王氣山中，望禪心衣裏。珠鹿踪交客，履芝饌出僧廚。此地宜猿鶴，吾生類樵虞。榮名羞捷徑，行止昧前途。結友總嘉邇，照襟皆中孚。晤茲翠微室，寥寥人境殊。

報恩講寺真武殿成乃休邑謝氏捐貲所建

命虛上人世奉香火余嘉其事賦詩紀之

北極垂玄象，東林肇赤烏。金沙因佛地，琳宇闢仙

都土木真窮麗丹青永不蕪寸心靈覓蒼億載駿
功扶廬嶽遺民社曹溪刺史徒雨花零洞草聽鳥
雜雲見檀施應起岸焚修定離塗珠庭盤日月于
以華 皇圖

詠庭前栽石

風有奇章好移峯種綠庭道華含雨潤雲葉裊煙
青逼漢鰲渾舉翔風燕欲零階流仙鏡月臺隱旁
碁星荔錦重重濯苔錢片片焚嗽之清作礪抗處
介爲矧已自堪眠醉時還一據醒祇憐丹宇滅空
爾憶函經

廿九日雪懷中湖陸子

密雪布漫漫懷人倚閣看遙知笏整臥同苦朔風
寒凍霧縈勞憶飢禽助永嘆夜船真欲駕春曲不
任彈身聖湖花隱家貧山蕨餐洛陽賢令遠誰復
問袁安

飲寐二首 有序

黃子減景蕭萊塊處一室愁思憤懣其來
無端惟飲惟寐庶幾忘之若夫臨觴不御
假寐永嘆情則亢矣噫豈好荒怠也哉

飲

緬思古高達惟飲留其名匪曰甘沉酒聊以祛怔
管蘿門挂白日綠醕時自傾萬細果何物杯前可
相嬰劉賢頌爾德畢士了吾生安得中山醴長令
壺爵盈

寐

北窓一繩榻日夕恒栖遲林霞隔清夢安識昏明
移飄飄帝鄉遊駕虬鞭紫螭恍然上皇世至治觀
無爲戚也歌長夜寤言欲何之願寐而無覺諷誦
周賢詩

劉侍御別業賞垂絲海棠

別館徵詞客名花吐麗朝萼鮮宜露浥枝弱怯風
飄傍島行雲態臨池步襪嬌睡深紅乍褪粧罷粉
初銷腸斷絲堪繫魂迷香詎招地幽偏覺麗景繚
祗添韶連袂歌難艷駢筵酒易消同持可憐意銀
燭夜還燒

送梁伯龍尋山詩

尋山躡屨去撲日卽長途萬里捫三嶽孤踪歷五
都堯時訪隱處秦代問松區太華連常白中南草
盡朱玉杓逢石髓金篋覓靈符牛駕出關遇鸞笙
登嶺呼黃河天上落平野掌中鋪瀑影看廬阜猿

聲下蠡湖西牕剪燭夜話勝酒頻沽

為箬溪顧中丞賦老圃亭

華簪辭魏闕小隱寄湖家首宿開畦細蘭荃關逕
斜遙分碧海菜還種青門瓜三秀俱寥草五蛾應
集花為公裏邑擬作吏漆園誇漢叟機心遠山陽
酒利賒祗懸安石望未許老桑麻

劉僉憲歸自洛中

中夏山川邈經秋離別長寓書花始發行役草齊
黃三黜空嗟惠七堪原羨康宦情本鷄肋世路是
羊腸莫問梁園沒空憐魏寢荒守臣非徇祿訪治

卷之五

五

匪迷方衆口為碑詠飛言作戟傷車前猶望雨臺
上尚留霜戚草應懷洛驛離合賦湘壁緇寧掩白
蘭剪豈移芳塞馬詎云失淵龍且自藏從茲向寥
廓區外共高翔

送栗貳守入覲

堯墟奠大夏崇嶽吐靈符瑤圖開景運玉粹誕純
儒六藝漱詞潤九經咀道腴風儀藹瓊樹天性同
騶虞理簪啓八象文鑣轡三都雕龍誇世禪薦鶚
表魁殊雅步抗榮籍華纓影要衢專城寄初試作
牧轄名區德是萬人傑才真千里駒拜州方治洛

典郡復來吳時雨隨車至仁風首路駘大猷宣力
贊貞教惠心孚豈弟今猶見循良古所無登臺如
玉燭飲水擬冰壺持尚唯青白懸章鮮赭汚南陽
畏葸杖西蜀詠衣襦治已徵鸞集誠能懷維難困
虛杓宿應庭寂梓陰敷有勳皆建茂無澤不回枯
賈父歌來晚張君誦載塗露庾栖畝陌雲屋接壘
郭七邑春斑樹三江夜釋桴報政供侯覲數言起
帝俞秉圭趨瑣闥考度協明謨一牀留挂柱五馬
肅征徒借寇人遮道思何愛洽膚朱旂行夾鹿綠
綺別分鳧紫宸書屏待黎氓臥轍呼下士伏莘野

卷之五

六

繆辰懷阮途能忘徐稚賤不棄任棠愚感惠念湛
渥臨岐愴鬱紆搖搖寸心結日傍去旌徂

三月十五日為崦西冢宰賦碧山書院

震湖儲秀哲軋府策華纓視草趨薇掖題才握藻
衡相如傳妙麗子若著廉平黃閣方虛待青丘忽
繫情焚魚鮮闕蚤鳴鵲闌園清柳宅惟迴水蘿垣
宛帶城導渠通碧漢藝石接丹瀛葯館因雲構芝
臺為月成勝偏吳國選美甲洛陽名由笈藏瑤壁
壺膏照刻楹五經人卽笥十賚隱忘榮綠野邀詩
彦香山締社盟獨憐安石願終詎釋蒼生

次泉楊邑侯繼倭詩三十韻

帝道光函夏皇暉仰罄天五戎咸戴日四海不生
煙百八當嘉際東南恒晏然綠莎方偃革白羽罷
鳴弦逋寇潛爲孽倭奴肆弗虔頻年防互市一旦
警侵邊錦甸夷塵滿朱譙戍燧傳餘民靡有孑萬
室已如懸彌野惟骸積長河但血濺不堪悲杼軸
那可荷矛鉞天子空推轂將軍蔑舉旆撓搶妖
未滅偷狃性難悛剖竹河陽尹包菁楚國賢文規
金馬客武略玉鈴篇白面誰云懦丹心祇益堅遠
籌千里敵妙達五兵權鞠旅重伸義揚麾一蕩羶

唐李益集卷十一

上

唐

壽皇甫司勳二十四韻

綺齡通瑣籍蘭省綴華綬翼翼才猷著怛怛節烈
持責阿稱黯直撫貴目宣癡謫賈人爭惜還禽道

詎移試難身別器樹惠口騰碑吏事將儒飾民功
以敘綏楚籌能弭變越嶽每原疑薊北懷三喜滇
南附百夷遺榮矯天步謝俗與雲期散帙芳腴漱
含毫妙句締圖書既洽泱史牒復歲甦有吐皆生
氣無談不解願匠心千首賦國手五言詩鳳閣猶
留翰雜林遠播離擅場推考部入室屬陳思造飲
唯陶舍擗遊但習池東山花舉屐北海月銜卮瑞
極分躔日玄旻司御時七旬躋自易萬福萃咸宜
賓譙濃濃露仙輶戾戾颺蔡經家擗脯梅福市蹇
芝蕊關連三景椒庭服五滋聃元周史薄朔亦漢
郎卑名定標丹錄椿年寧有涯

唐李益集卷十一

上

唐

問陸諫議疾

諫議勞王室登翼懷清時寸心耿丹石三疏伏青
規芳蘭俗所忌靈草性豈移納祿任蕭杌探牒恣
歲甦窮經極理窟耽耽成書癡馬卿有沉疴桓譚
劇精思况復衰遲候何堪毀瘠悲湫露抱淹疾偃
仰臥頽茨聲儉莊舄在影乃杜宣疑藥乞刀圭益
方尋百一奇終然孽生愈暨同衛子疲花樞掩山
色石枕聽流淅飛葉賓階合新苔琴屋滋一往維
摩叩偶成烟客期駕言西山鹿授以太乙龜歎忘

樂自足慮遣神不虧絳樓吞碧柰玄谷長丹萸頽
齡可永續玉貌常不萎詎藉枚乘賦聊廣宣城詩

送沈憲副任楚藩兼壽六秩

華胄姬封遠靈符嶽吐奇黃中窺玉潤清舉挹瓊
姿藝苑文章伯儒林禮樂師彥先南州望安石東
山推驥有長鳴志鴻為可用儀窮經白首業影組
青雲期雅步趨蘭省榮光被瑣墀居民咨水部勅
罰慎雲司仁愛流丹筆貞孤表素絲淮海臥長孺
平原試望之無雙並瞻慕兼美自委蛇鸞鳳欣再
親風月良在茲賦政遺棠愛塗謠頌麥岐冰心徵

黃淳父先生全集卷之十一

九

載石威信著褰帷劇郡多稱績名藩豈量移飛霜
將管至霖雨定車隨設牧分遐徵明王守四夷周
臣任疆理漢相上條宜南服黃華遣西原白露滋
嶺猿啼遠道江芷亂幽思苔暗羊公石雲生神女
祠人從迴鴈處心折去鳥時况復逢初度于胥介
壽祺願君作者俊長翊崗陵基

黃淳父先生全集卷之十一

黃淳父先生全集卷之十二

吳郡黃姬水著

壻顧九思編

男嘉芳輯

七言律詩一百十五首

送思質王中丞總制雲中

簡書重拜向邊城肅肅秋原擁去旌素抱赤心酬
聖主新添白髮為蒼生劒懸海上妖氛滅騎出雲
中掃電行南北山河勤保障采薇功業竝垂聲
送皇甫百泉兵憲滇南

黃淳父先生全集卷之十二

九

滇南萬里宦遊人此地山川闊自秦蜀帝猶啼杜
宇血漢皇空祀碧雞神晴嵐霧濕常疑雨寒澗花
開不待春君去宣威到夷落白狼槃木定來賓

送皇甫理山倅莆中

秋空雲樹澹長臯愁對蘼蕪送客舫自惜才華多
不偶暫時州郡莫辭勞桃花石上尋仙篆蘆葉溪
頭聽海濤倘過梅山弔梅尉清朝未遂挂冠高

懷東顧給事新開池館有約未赴寄之以詩
立朝名節竟何為顧况年來鬢已絲買地藏霞裁
綺石開軒納月引清池西垣諫紙今誰請北郭琴

歌好自怡幾欲尋君蔣詡徑白雲芳草負幽期

阮都尉宅同王巖龍得回字

城頭日落姑蘇臺西第留賓尚未回莫怪酒杯頻
爾共由來花徑爲余開野田鳥雀歲空稔枯樹天
風寒漸催擊筑狂歌忽復醉高秋月下巖隈

送客還休寧

霜林木葉聲颼颼無那歡筵動別愁吳市古來堪
采藥嚴灘西去有歸舟殘陽送客下汀鴈寒月依
人過驛樓會訪靈巖重訂約春風先爲掃花丘

寄吉陽何中丞

新承開寄大淮濱轉餉功當第一論賦出從來令
紙貴交深祗自覺醪醇卽看左右商家雨已見巡
行召伯春猶記山公啓事日酒壚曾共竹林人

寄玉陽史吏部

論交謝范在雲霞每興懷添寄華義行翩翩誰
不羨宦情草草復何嗟峰招白鶴人何處洞踏青
驛迹已賒試問玉潭仙院主庭前碧茶幾時花

金陵還集皇甫三勳宅

湖上歸來鬢已絲正逢梅尉采芝時北牕喜共陶
潛酒東壁曾題柳惲詩雲散更從屏裏度花殘還

向管中吹寄言惜日銜杯者莫負餘秋在菊枝

文壽承父子過玄芝館

區外寥寥問索居不將懶慢棄相如草蔬真魏茅
容饌花竹能留子敬輿老去娛觴杯上蟻狂來濡
髮壁間書自憐門巷逢迎少明月高霞數過余

贈金孝廉子坤

豈因貧賤事干謁閉戶著書無斗糧猶恥王孫一
飯惠未忘俠烈五陵狂黃金散盡留顏色白髮悲
來歌慨慷相對秋風都市酒青天不語泣干將

逢張給事

遷客羈人總似萍幾年重見秣陵城卽看縉服知
遊態每誦新詩識宦情孤激寒潮依石落千山積
雪隔林明同學江湖憔悴盡莫將簪組負清平

贈盧司徒

初辭墨綬侍含香明世翩翩飛鳳凰道上口碑歌
召父禁中題柱目田郎談兵氣欲吞滄海作賦才
堪報七襄却笑扶風驚座客爲君腰下拂干將

逢侯太學兼柬中白虞部

江濶城高鴈影遲秣陵秋色正悽其可堪作客飄
蓬日又復逢君泣玉時仙嶠廳輪塵外軫石梁霞

氣夢中思寄語郗公元好事買山寧負白雲期

贈毛禮部

遷客休嗟髮欲蒼心勞牧郡幾星霜蘭香斂握爲
仙吏蓮炬曾分侍玉皇賈誼憂時空有涕揚雄作
賦已無腸嗟余媿乏南州望感激陳蕃意不忘

贈李虞部

意氣誰憐湖海豪秣陵時序正蕭騷客於京洛偏
縉服人遇徐君卽解刀教習昔分麟趾學爲郎新
接鳳凰曹吳臺一別渾如昨忽漫相逢已二毛

西園贈沈膳部

淑候閒房憩午陰晤言不覺夕霞沉芳洲日澹江
潮急遠壑煙生山木深花落空堦雙燕影瀑懸層
壁一猿吟著書沈約元多病未許清朝卽解簪

登三山宿聽江樓經落星崗李白換酒處二

首

水窮山絕地偏幽古殿丹青闕一丘萬里奔濤回
片石千年斷岸壓孤舟吳天草綠春難盡楚滋煙
深客易愁獨樹梅花空谷夜潮聲月色宿江樓
空巖香閣叩栖禪坐見歸禽沒遠天鐘度寒潮罷
峽外帆移芳草驚洲前春江半是巴山雪暮嶺全

迷楚澤煙忽憶仙人換酒處飄零今古一悽然

臘月十二日宿中白冬官齋中

鷄黍相留意自真風波辛苦詎堪陳遲年更灑西
河淚逆旅仍逢東郭貧積雪江山殘照月破寒梅
柳暗催春結交今有平原在肝膽不愁空向人

送朱客部擢守九江四首

故人出守勞申餞悵飲前期那可忘腰下已分千
里印壁間惟挂一胡牀元暉掩閣諍辭少汲孺居
官道味長別後魚書願頻寄莫言潮不到潯陽

潯陽遙枕大江邊雙引朱轡入楚天楊葉洲低淦

浦浪蓮花峰接香鑪煙江山名勝二千石陶謝風

流十八賢欲慰臨岐珍重意好將宰郡政聲傳

天書新拜虎符榮驛路遙瞻法駕行一鶴自隨堪

坐嘯六條不設已風清堦前花映匡山色枕上猿

添江水聲莫訝侍臣還外補向來明主重專城

五載追隨不斲離別君何地最相思吳苑春深贈

柳日楚江秋冷折蘭時郡樓方待庾公嘯石壁重

吟謝客詩見說次翁多治行卽看廷詔璽書馳

長干寺資上人房夜坐

可歎勞人于役難又驚年歲客中聞先生雙履慣

行雪季子一裘聊送寒已識繁華同曉夢由來人世似波瀾那堪江上閒猿嘯聞到空門夜月殘

秣陵詠懷

年年作客長干道前路蹉跎誰賞心花鳥幾回芳歲歇江山一慨白雲深徒然命酒新豐市何似狂歌中散林懷玉古來俱不偶莫教雙袖泣黃金

送毛儀部擢濟南守還蜀四首

憶昔天王曾召對可憐拓落髮華催青城元是神仙宅黃閣虛遊宰相才羌水月明探鏡石市橋花發上琴臺占星若遣輪軒使知是徵書入蜀來

書李金臺卷之十一

本一

卷之十一

清宵話別思冲冲寒雨蕭條山館空皂蓋朱轡投檝裏錦江玉壘挂帆中畏途豈識王陽意解組爭高疏傳風明日故人天萬里慙時還戀酒杯同

曾為中禁文章客共羨南宮禮樂郎五馬辭榮真

不易單車就路一何長行藏莫問嚴平肆述作重

開揚子堂萬里橋邊頻極目幾年乘興上吳航

苦經仕宦海中波去向青田種玉禾驛舍此時看

鴈別家山一路聽猿過楚巫潭下離情切望帝宮

前客淚多獨有江湖流落士感君裘馬欲如何

二月十五日夜同郭次父金子坤過市隱園

得花字

夫人遺世械地慙隱心九春之春惟仲為勝一月之月在望偏澄且王孫怨草窮士泣途誰無撫時之歎也因歌今日殘花昨日開之句摘平聲字分韻余得花字

春半更逢三五夕相邀二仲過君家雨餘新水漾芳月竹裏閑扉棲落花解道仙源自鷄犬不知帝里有繁華嗟余飄泊風煙日石上頻來酌醴霞許石城維適軒賞荷花作

傲吏閒居翫物華過君池館自清嘉情耽醺醺渾

書李金臺卷之十一

七

卷之十一

無事手種芙蓉盡作花十丈承將仙掌露雙頭染取赤城霞稽山賀老歸來日五月涼風擢若耶

五日和宗伯昭

風雨江湄一倚欄奈逢歡節不成歡試看今日秦

淮水猶為當年楚客寒符薦靈絲交彩縷湯傳翠

釜沐芳蘭驚時游子情無限欲向篴篥引裏彈

九日

異國流芳看屢歇懷歸遊子悵如何心驚遠浦南飛影淚灑長江東逝波客裏逢秋更蕭瑟老來行路轉蹉跎故園黃菊誰為主荒楚天涯風雨多

清涼山雪霽

凌寒結客上嶙峋萬里光生雪霽晨日出陰崖偏
有耀天連大野總無垠島嶼層層涌銀浪樓臺處
處散珠塵自是帝京風景異可無詞客賦陽春

金子坤姚元白陳子野盛仲交余伯祥招飲

永寧寺與雲間何元朗山陰陳九臯新安

王亮卿姑蘇吳子充同集得樓字

青郊歇馬拂吳鉤萍聚天涯共白頭久舍新豐唯
命酒長謠故國一登樓林殘半壑飛寒雨潮落空
江急暮流世路風煙悲去住莫辭西日醉瑩篴

長干寺立春日

異國逢春思欲迷空林孤坐雨淒淒仙臺芳草寒
逾綠僧院閒禽畫一啼青眼幾曾看世慣白頭猶
自向人低深山何處無芝蕨却羨梅生隱會稽

荅冲溪國博

思君空自上胥臺江水東流鴈北回佳麗鳳京堪
吏隱委蛇麟閣愜仙才可憐歡友蘭時別更喜新
詩雪後裁客子易驚芳緒改傷心開落故園梅

贈大壑何禮部

君家昆季稱雙鳳入洛青雲爾獨翔南省清班持

素節西京飛藻屬華章誰憐沈約芳荃意謾學留
侯辟穀方才大自來多宦拙莫嫌十載尚爲郎

同毛儀部西天寺飯僧

青巖紺宇喜同登松壑烟深信幾層已羨清曹飲
水吏還將餘祿飯山僧此日藍輿招靖節當年白
馬處摩騰如何漂泊孤雲迹回首空門亦未能

贈少洲馮司徒

王官新綬映朝暉諷議從容藻思飛上苑花深歸
騎晚清溪月近署齋微已誇治郡功名早却笑爲
郎心事違一自江山命詞賦秣陵嘉麗倍增輝

息園賞杏花得枝字

平津舊闢招賢館乘興來尋愜賞期南陌青旗醺
甲酒東風小苑斷腸枝遊絲日煖即橫路舞燕泥
香故掠池見說醉花宜及晝可能辜負記陽時

白下逢鹿門茅吏部

蕭條齋閣傍清溪潮響空城月色悽六代遺蹤邀
翰墨一時名輩待詮題新豐客久花頻落華省官
閒鳥自啼試問山公方啓事冥交還憶竹林棲

息園賞芍藥得寒字

淺白深紅闌合歡絲絲香雨晝難乾直須一日三

百盞無那東風十二欄水上新傳錦字艷樓頭長
怨玉簫寒可憐春色隨花盡留與還應帶月看

首春人日宴鹿門禮部官舍

獻歲韶光回帝里春官蘭署覺春多齋中奏酒僊
臺月溪上流花太液波禮樂清郎瞻列宿文章鴻
匠識三都貢公寧負彈冠意擊筑當筵一慨歌

送王中丞總督河道北上

總轡長河已戒徒經營禹蹟建功殊重臣肅肅千
官憚嚴命棲棲六月徂汾水白雲含寶氣靈川潤
色協瑤圖垂衣聖主思賢輔會見台階握斗樞

贈白灘張黃門

茂先博極時人羨妙歲彩纓猶瑣闥碧漢槎隨星
使遠玉墀花繞夕郎飛西京藻雅推孤律左掖風
裁寵五衣數得相過問奇字祗因明世諫書稀

送王貞外秩滿北上

握蘭香署冠諸臣獻績明光觀紫宸南省清郎素
絲潔西京華藻蕙樓新星文遙仰青廬夜晝詔應
廻禁苑春江上聊傳一掬淚寄教千里贈征人

春日長干即事

帝城春色更相宜正是長干花滿時草綠平臺雲

細細鶯鳴紫禁日遲遲朱甍照耀王侯宅白馬聯
翩遊俠兒落魄仲宣愁思裡朝來番益髮中絲

常郡伯過訪

五馬忘榮問隱淪蕭然窮巷擁朱輪衛侯再見干
旌詠徐孺慙非下榻人日照華門猶卧雪雲寒花
徑忽生春從教盛美傳吳國仰蒼無能媿此身

鄧山章子招飲官署

少年何武爲郎早畫省無雙獨爾推地切晨趨青
瑣闥官閒晝掩白雲司後湖月色開尊晚東礪泉
聲落檻遲莫笑故人成老大此身端欲任支離

酬王給事見訪兼贈北征

翩翩符采等珪璋爭羨華年拜夕郎江表才名推
驥足殿中風旨著鴛行偃榛窮巷高軒過芳草天
涯驛路長辯博揚雲居侍從會看溫室秘詞章

仲春二日景山錢太常邀飲神樂觀

太常清德誰堪竝縹酒邀賓桂樹阿芳草綠時滿
輦道桃花迷處覓仙都星壇碧澗春流細天闕
晴峯暮靄多更有羽人來奏樂松風歷歷度雲和

賦得長干柳

春煙嫋嫋雨濛濛梁苑隋堤一夢中纖葉空憐半

江水殘絲猶怯五更風永豐園裏情無限蘇小門
前路乍通寄語飛花好栖泊其教飄蕩恨西東

丙辰除夕

天涯滯客當窮紀綠酒燈前意不歡中歲流年偏
覺易後時行路轉教難夢驚故國重雲遠影伴空
山積雪寒可嘆雄心隨白髮向人羞作臥龍看

八月晦日顧奉常招飲靈谷寺

曾是高皇標鹿苑清郎招客載華觴山中泉繞
花宮冷寺裏松開慧路長地悅禪棲宜落日人愁
旅食近重陽石門黃葉重遊處風雨傷心看畫廊

九日何孔目招飲永興禪寺

年年九日秣陵道仙吏招携上鳳岡對酒空思故
園菊登高偏斷旅人腸驚心草木含秋氣滿目江
山映夕陽莫訝秦淮歸騎晚芙蓉煙路月蒼蒼
毛儀部朱客部葉祠部江兵部招飲栖雲道

院得微字

南省詞臣休沐日仙臺宴客白雲微秋濤下磧流
偏急暮雨含峯濕不飛燕市天寒看寶劒湘潭人
老泣金微風塵今古多漂泊把酒無嗟世路非

集姚元白市隱園得殘字

別館張筵暮色寒共誇驚坐客長安墟頭換酒鷄
裘薄江上聽歌玉樹殘野水繞籬穿石度青山入
戶隔林看樽前忽報空城鴈無那羈人愁歲闌

集何元朗四友齋得芳字

都市相逢俱作客可憐青歲忽凋芳黃金交薄誰
同調綠酒情親是異鄉花草尚存吳苑沒江山不
盡楚天長東門仙尉尋芝日結友寧嫌湖海狂

臘月十一日同盧次楨集馮祠部官舍得從

字

都門忽覩燕臺客仙吏相招喜過從烈士酬知懷

一劍狂生負氣輕千鍾烏悲殘角煙中戌月冷空
潭雪後峯頭白仲宣須痛飲古來流落幾人逢

集江駕部官舍

省郎高譙敞南榮花竹蕭疎照眼清冠蓋祗今存
道氣江湖先自識詩名天山劍老扶風客海水秋
枯建業城世路茫茫尊有酒悲歌白日爲君傾

正月晦日集市隱園得鶯字

水竹爲園池館清春光婉婉媚新晴月逢凋莢今
朝盡人是看花昨日醒一望一迷著地柳半啼半
澀出林鶯追隨勝賞堪行樂把酒咨多芳歲情

魏國西園

一室凝香晏坐時
門違俗鞅碧苔滋
花繁不道流芳歇
山靜方知白日遲
逋客豈須招桂樹
羈情空自折蘭枝
人間醒醉渾閒事
莫詢江潭漁父辭

汪元蟲携酒市隱園與朱客部同集

夢賞名園暮景留
乍驚一葉早吟秋
別家游子空搖思
典國郎官已白頭
水氣蒸煙迷曲渚
天風吹雨滿西樓
芙蓉楊柳渾無賴
醉裏悲歌亦是愁

張太學載酒同劉侍御彭秀才石佛院看芍藥因懷龍灣徐太守不同賞也

山繞吳宮舊館娃
清江曲曲綠楊斜
偶移畫鷁同杯酒
不道空門有艷花
白日疎櫺堪幕霧
夕陽欄檻更添霞
美人不見偏惆悵
欲折瓊枝感歲華

張太學席上送姚太史還朝

蓬苑影纓羨年少
星裝千里赴神臯
王程草色催緹騎
仙閣花香待錦袍
侍從從容恩最渥
文章清秘價偏高
金間楊柳還堪折
綠酒紅亭揖佩刀

雲湫唐子將之汴過訪作

相逢何必歎途窮
豪士襟期四海同
死黨常存樂布烈
釋紛真有魯連風
平臺狐兔尋梁苑
澤國菁

蘭過楚宮此日蓬門千里駕
倉忙蔬饌媿茅容

送劉侍御子威北上

裁詩命酒更有化無那
王程別恨賒捧宸再瞻天
上鳳避車猶記府中鴉
蓬山合待凌雲筆秋水難
攀上漢槎解釋異時瓊樹
憶唯應千里惠瑤華

送江駕部擢守上饒

江南春盡生綠蘋
飲餞難分把臂親
身率一州堪作牧
手持六詔去臨民
露冕爭誇憑軾貴
星裘不改折轅貧
此鄉風土休嫌薄
君是當年食水人

送薛比部擢守重慶

名都作牧分符遠
萬里岷江轉道東
開國相傳自巴子
化民今復有文翁
荔枝載酒西樓近
蕙草懷賢古塔空
爲報寬仁賴川守
卽看鳳集郡城中

送客還休寧

相逢意氣卽相親
霜落空江悵別津
帝里花殘愁作客
仙巖芝老待歸人
遠心欲寄峯頭鶴
俗眼誰知原上麟
見說黃山更深阻
借君川谷一逃秦

送張比部擢長沙僉憲

雙旌遙指黔中路
持憲雄藩羨剖符
范叔奉書應攬轡
廉君爲政定歌襦
雲山故繞黃陵廟
春水難

分青草湖此去浮湘知有賦鴈回還寄彩箋無

送胡綸脩服闋還朝

青谿柳色正芳菲日送仙舟愴夕暉院榜題名年
最少掖池供奉曲應稀定分花炬歸中禁曾借飛
龍出瑱闈元是玉皇香案吏好從天上理朝衣

送馬文美東歸

異國逢君曾幾時不堪今日又分携文章京洛多
聲價花萼庭闈切夢思一葉高風洞湖起片帆晴
雨海門吹家鄉欲問荆南客爲報年來鬢盡絲

送翟丁二進士北上兼簡嚴太史

平生同抱泣珠心羈旅相逢思不禁匹馬敝裘汾
塞遠離筵衰筑大江陰公卿爭爲開東閣天子
應教賦上林寄語青雲故人道貢公白髮已盈簪

送楊兵部考績北上

秋風匹馬去朝天三載爲郎羨獨賢御筆書屏名
已達紫庭入奏課誰先霜催木葉星輶裏日散花
香曉漏前妙選定應留侍從都門相送思淒然

送曾源泉歸汝寧

一別經年音信稀石城重見思依依僊丘丹碧移
詩卷虜血模糊在戰衣李尉空悲國士遇班生莫

遣壯心違南山射獵且高臥無那春風欲送歸

中秋集定慧寺時自金陵暫歸

共喜中秋河漢明東林坐見月華生青天不染金
波冷古寺無人玉漏清竹栢空階交藻影蛩螢深
巷雜砧聲故鄉番作思家夢此夜長安兒女情

十六日華山宅得清字

爲憐淑候成佳賞西第邀賓吹紫笙人苦風塵春
不艷時逢燈月夜還清馬遷留滯悲前事蔡澤栖
遲笑此生身在故鄉家在洛衡杯猶是客中情

宿虎丘留別勿干

一歲河梁幾別君行人偏自惜斜照空門片石疎
花映遠水孤帆斷鴈聞旅髮風塵年易入故心樽
酒路難分家山莫怪重留戀回首看時是白雲

荅伯父中南

機雲少歲同游洛求點清風共考槃老去匠心知
獨妙塵催旅髮已全殘自甘向子終身賤却笑陶
公百日官可嘆飄零惟小阮當年空作白眉看

錢大理經歲不面詩以見懷

一登九列居華要竹下經年憶巨源誰道王孫穢
堪結已聞于尉獄無冤風摧旅鬣淹危路雪覆寒

莎臥破垣不是長卿甘懶慢白末元自隔朱門

荅贈馮山人子喬

雲間才子舊風流足躡烟霞入帝州白首傳家但
詩篋青山去國一鶴裘也知前路無推轂聊逐閒
情事放逐試問江南烽火後秣陵今日可宜秋

寄吳中故人

萬里千里及蕭辰辛苦羈離歎此身飲酒新豐不
聞客題詩古驛未逢人江山空有還家夢裘馬誰
嗟行路貧爲報遙遙無定跡他鄉異縣老風塵

企齋朱明府入山訪道內人亦修梵行賦贈

謁師持戒躡霞岑斷相離言悟自今方喜先生歸
五柳却看居士住雙林聽經石上花初墜習定山
中雪正深麗蘊有妻皆得度應知不異鹿門心

荅浮玉叔見寄

久攀桂樹臥清嚴雲遠風疎思不凡蘿薜牕前臨
聖草琅玕花下誦仙函一時綴藻推諸謝幾度銜
杯共阿咸書寄秣陵人更遠長江何日下孤帆

陸山人新築餐英館于赤城之墟恨余留滯

金陵未得游衍其中寄此志懷

陸渾不見三年久聞說移家南郭間買地編籬因

種菊結廬鑿牖爲看山居鄰泉石何嫌陋身伴禽
魚更覺閒欲出華陽一相訪嶺雲怡悅未能還

卽事

南北山河苦鋒鏑男兒誰肯事平戎臥龍當代空
梁父歌鳳何人是陸通烈士劒芒寒白日王孫草
色怨東風年來蹤跡孤蓬似半在新豐酒市中

將辭白下作

忽驚木葉下秋霜倦客應歌我馬黃白下江山佳
麗地江東豪俊少年場青琴不厭嵇康懶綠酒偏
容阮籍狂頭白飄零好歸去五湖蝦菜是吾鄉

同湯納言集冶城道院二首

憑高載酒凌芝樹澄霽山川騁望新帝闕雲霞常
抱日仙壇花鳥別成春避時自笑疎狂客愛土何
慚獻納臣綠酒盈杯須共覆一年歡賞幾芳辰
風景不殊人代改吳宮晉苑此蕪城青霞似吐干
將氣芳草猶含羅綺情花塢日遲春靄亂仙臺人
散月華生憐君綴組心偏遠喜結山中鸞鶴盟

贈姬人

漫指秦淮當碧池李真何似太真姿霓裳不作宮
中調紈扇能留篋內詞雙玉界粧非舊恨千金買

清萬里塵遙想旬宣多暇日夷君巖畔好尋真

嶺南歐郡博遠寄書貺荅贈

嶺南才子邁華風早歲聲名動域中無用官嫌廣
文令合知詩有拾遺工雙魚兩地元非隔老驥雄
心亦自同今夜思君淮海月清光解到五湖東

虎丘訪陸君弼有贈

不帶駕高情真爾賢松間每共品名泉蘭交初喜雲
霞締蕙詠先從湖海傳長劍市門頻過俠故裘山
寺獨棲禪卽看世路誰青眼莫笑孫登散髮眠

同顧主政集海臨王君宅

彥先元是厭風塵玄髮甘爲挂櫓人省闈懷蘭曾
伏夜河陽種樹尚留春白雲不負南鄰約綠酒渾
忘東郭貧落木蕭蕭煙浦上青山相對總閒身

石東唐山人作生壙于所居署其堂曰本丘

自詠一篇因次其韻

三尺墳當一畝宮棲身埋骨此丘同秦王漢武空
疲策玄晏王孫在不封帳裏鶴栖烏鳥月巖前桂
雜白楊風適來適去元無定總是人生夢覺中

賦得洞庭湖贈凌玄旻

羨君瀟灑五湖濱博洽英芬日歲聞若過中郎應

倒屣每逢大令爲書裙蠡舟一去迷青草禹簡難
尋悵白雲七十二峯三萬頃盡吞胸臆吐奇文

余漂金陵者六年田廬蕩盡迂拙之性懶於

干謁甘心窮餓而已庚申還家不能具饌

粥三月飯麥輒復不繼幼于市米餉之嗚

呼黃金盡而交疎誰能解尺綈於范叔貸

斗粟於莊生哉古人不亡一飯感而成篇

鶴飢鵝飽古來然一飯周貧爾獨賢十日誰憐茅

漏雨三旬空笑突無煙粳分南國香應遠種出新

城味更偏食力未能同孺子令人慚愧伐檀篇

沈開子得金陵王姬書賦之

經年離別路迢遙唯有音書慰寂寥一字啼殘徐
淑面八行消盡沈郎腰鴛鴦被底空傳夢蛺蝶襦
中尚憶嬌秦女從來易招鳳月明樓上莫吹簫

送周子移家秣陵

金陵佳麗舊神京君向清溪暫結衡臺上鳳遊江
自占峯頭鶴去月空明懷文伯玉應騰譽賣藥韓
康盡識名可歎壚頭今寂寞五湖誰共白鷗盟

送袁中丞之洪都

十三雄郡古揚州開府洪都控上游帝子閣中橫

列岫仙人峯畔掛飛流百城騎竹迎蒼佩千隊鳴笳引絳騶不日中臺定持憲天王方爾佇嘉猷

寄南昌周太守

寄崇千里專城守譽滿三臺左腋臣青瑣讜言聞拜夕朱轡惠澤霽行春河陽花色憐猶昔蜀郡桑枝詠自新試問卽今懸榻日肯思臥雪向時人

送古明禪師還蜀

梵行精持五十霜群書博覽類支郎尋山偶出啼猿峽到處唯留挂鷁牀萬仞天風立臺雪千重風浪採巖香君歸莫卽峨嵋老大地何非是爾鄉

再送古明禪師

杜足維摩事藥王與師相見卽清涼遺民從此過蓮社玄度常令臥薜蘿房行苦經年棲石壁心安五月上瞿塘空門別思依然劇無那雲天萬里長

送張別駕伯喈北上

懸榻題輿並足誇春明無那各天涯聞亭解挂攀離柳驛路偏芳贈遠花霄漢正開丞相閣寒星風戍使君車上林筆劄從教給寧遣君才負國華

人日射陂客部齋中瞻禮升菴太史像烹中

冷泉作供分得遙字

一勺名泉手自調石筵香燼夜遙遙半生寤寐虛雙鯉萬里容輝挹片綃學海競誇天閣秘春心欲托帝巫招芳樽潦倒卽官舍江芷皋蘭雨未消

金陵寒食

禁烟時節若爲情春草芊芊春水生不挽人行唯路柳慣催花落是宮鴛鞦韆影裏嬌嘶馬醴酪香中白泛錫風雨滿城愁旅髮怕言明日是清明

送周光祿奔父喪還蜀

送君無那值春明江上搖搖望去旌白髮空懷知己報青門偏使別愁縈八千里外啼猿路五十年前烏鳥情見說忠臣爲孝子好加餐飯慰蒼生

黃淳父先生全集卷之十三

吳郡黃 姬水 著

壻顧 九思 編

男 嘉芳 輯

七言律詩一百十四首

俞秀才孟麟皆春堂讌集

習池元許過山公對酒何須悲路窮日月泥塗身
作梗關河烽火鬢成蓬夜深人醉絃歌裏春半花
繁煙雨中年少看君多意氣南金聲價復誰同

送孫敬持會試

黃淳父全集卷之十三

金陵爲客共遨遊煙月秦淮幾度秋席上每憐鸚
鵡賦壚邊常解鷓鴣裘看花獨上長安陌別酒重
登古驛樓帝里春光易留滯緘書先寄海東頭

五月望日集金氏園得情字

五月園林風日清相看把臂金蘭英堂開竹裏渾
無暑酒送花前却有情鳴鳩感時催滯客懸鶉談
世笑狂生主人不盡留賓意借與秦淮片月明

立春日客過

芳辰起沐強冠簪曉色希微動遠林殘雪經旬偃
幽薄條風一日變鳴禽黍生寒谷燕人律蘋綠江

南楚客吟歲歲每開長命酒任教青鏡二毛侵

同中湖玄室二子過禪興寺

鹿苑精廬息鳳群古碑碧落辯蟲文浮金空閼仙
人井沉玉猶傳尚主墳覺殿曉幢千樹合香厨午
供一麻分莫憐春事凋殘易夢幻空門有悟聞

雨花臺晚眺

落落天涯客未還高臺舒眺夕陽間鈎陳縹緲
皇居肅鶯嶺崑崙佛宇開千里孤雲虛歲月六朝
一夢自江山天花隨塵談經處石上惟餘秋草斑

報恩寺

黃淳父全集卷之十三

長干東晉舊禪扉鹿苑重開人代非淮水潮生花
雨潤秣城秋入慧烟微旃林盡是黃金布象塔俱
成白玉輝共仰 先皇追報意五雲常遶孝陵飛

贈三華郭師

燕臺勞夢經年積南館相逢意獨溫不厭鹿麋時
輟輒自憐桃李負盈門京塵易上郎官髻旅雁偏
驚滯客魂憶昨長安歎分手馬頭殘日照寒原

王司徒官舍述懷

宅傍青溪草樹幽閒雲羈思共悠悠冰壺郎署聊
分膳風雨天涯祗弊裘窮路故教衰髻泣除年不

爲旅心留半生空有酬知恨愁見長江日夜流

金陵除夜

衰遲客思偏憐歲叔世天心若忘才韓愈送窮窮
不去王通止謗謗還來梅花欲雪寒逾重草色回
春臘暗催白首飄零媿妻子一簣清漏應殘灰

新正十三日僅初諸君過慰岑寂命酒小集

分韻得天字兼柬華學士

中林幾見月華圓把酒長懷達者賢白髮空餘前
路恨青蠅猶喜故人憐河水已泮方春水鳥雀爭
呼欲雪天爲報焚魚唐學士新詩早與世人傳

東沈太玄

三

十四夜宴仲都皇甫宅因懷少玄司直

九衢燈火正霏微蘭宴開時暮靄飛歌舞花前看
月起年光柳上識春歸金尊低度蛾眉色畫棟爭
流風燭輝獨有草玄人不見滿堂絲竹一沾衣

人日同彭山人魏孝廉集章憲副新第得人

字

訪君攜策過城闌雪後青山映綠筠居似晏平甘
湫隘襟同逸少任清真蒲萄新釀春爲酒花柳初
年日是人痛飲狂歌此生事莫言窮達共沉淪

東沈太玄

休文詞藻永明誇錦字遙傳爛若霞稽夜七堪元
爲懶劉蕢一第未須嗟羅門畫掩青山色藥枕朝
餐白石華知爾停雲每惆悵秋風猶負逕中花

句曲旅舍望茅峰

華陽洞古白雲寒山縣逢秋兩度看花暗仙巖藏
路杳月明旅館對宵關金峰遙憶歸笙鶴玉觀何
年禮斗壇自是芳辰無藥駐愿從兄弟乞還丹

賦得小玉

芳歌婉舞貯窻紗一片堪憐髮藥華丹水盈盈瑜
始茁藍田采采璧初芽琴臺未解琴臺客蕭風繞

東沈太玄

四

逢簫史家若使當年獻和氏纖腰占斷楚宮娃

仲冬月夜同朱明府金孝廉張大學市隱園

攜酒散步

何須巖樹可棲遲十畝芳園半是池已道嗒然塵
市隱香令渺有江湖思朱橋霜冷芙蓉逕丹洞雲
深薜荔帷邀客夜遊明月裏車榜挂酒鳳笙吹

寓永興寺

古寺寥寥淹旅泊欲將迷路叩金繩九秋京洛無
衣客一日空門有髮僧愁畔看山還對酒天涯逢
雁易沾膺孤懷耿耿不成寐永夜虛堂伴一燈

顧刑部招飲官廨

仙齋開燕艷陽展淑氣氤氲接紫宸柳挂臺城純
是霧花飛杜曲不勝春青雲空羨同門友白髮偏
侵失路人日落高陽山簡醉馬蹄歸去踏芳塵

錫山逢瓠川宗子

帆落日下天末忽漫河干逢故人雲雨已乖經
兩鶯花猶共茂園春青霞賦潤真堪把白馬談
誰與倫自喜倦遊京洛客因君一洗素衣塵

顧九霞載酒招遊惠山

芙蓉溪上綠楊深蘭艦携觴眺碧岑遠楚千重來

暮色晴峯一片盪湖陰飛泉亂瀉桃花峽好鳥交

鳴祇樹林總道春芳易消歇他鄉倦客更登臨

贈萬總戎二首

曾向麟臺策異勛西山鸞鶴此爲羣人間辟穀逢
黃石區外從遊招白雲獨往參禪一萬里端居悟
道五千文不知朱紫長安客多少低頭却媿君
漢家壇築昔曾登謝組高風世所稱黃屋山來輕
北郭青門今復有東陵隱君十賚山中相破衲孤
雲海上僧借問寥寥蟬蛻者何年還受鶴書徵

姜山人史孝廉張太學家弟清父過玄芝館

韋泉釀

閒情老去唯耽飲好伴幽臆詩與琴栢酒新開春
乍煖松醪初熟雪方深因君每欲傾家釀笑我時
還對影斟語爾迷花山簡道可能騎馬再來尋

俞是堂招飲卧龍山道院

岩崑仙閣郡樓西潭水桃花路欲迷半嶺松陰千
丈合攢峯暮色萬重低滄波島峙餘秦望荒草臺
城舊越栖何事賓筵歡賞地番令客思轉淒淒

臘月廿四日沃洲呂光祿席上

雲林簪組元同調華省駢筵喜見招酒隱蹉跎年

冉冉宦遊戚草鬢蕭蕭山深凍雨皆成雪水落迴

溪不上潮末路行藏何足歎此生唯有誦逍遙

水壺館夜集得燃字

纔過求仲還羊仲不憚衝泥野徑前遇酒每從墟
曲飲懷人卽是剡溪船月沉花外春鍾動雪覆檐
間夜燭燃良友蘭時合歡賞那能虛擲此芳年

送章士元守臨安

仙郎出守南雲外銀艾新懸故里還畫省初辭丹
鳳闕朱轡遙指碧鷄山但使遠人移露鬢莫教行
路嘆凋顏試看劉向滇池績亦是儒生震百蠻

十六日市隱園得朝字

過爾園居畫寂寥欲開愁肺綠樽澆三千白髮仍
孤客九十芳時又一朝種石成林疏綴館跨溪爲
路曲通橋春風剛到春全露半在禽聲半柳條

送李于麟觀察浙省

遙聞關北徵鴻翼喜見江南有羽袍王尉自能吟
海日枚生應復賦江濤勲名報國無嫌晚簿牒看
山不厭勞意在芳荃非在祿星軺誰識是霞鑪

正月十五夜玄芝館同姜山人諸君對雪

日暮留賓興轉除俄看門外雪交加娟娟承幌清
還媚片片迎風直復斜不夜城中兩重月宜春枝
上一齊花當筵攬取瓊瑤色併入詞人曲裏誇

集西園呈沈膳部仲文

遙憶仙曹瓊樹枝每因休沐慰相思迹隨金馬聊
成隱心與求羊元有期半嶺房櫳依澗出夕陽草
樹抱雲奇君今不向茲園醉試看高臺共曲池

章吏部茂實擢南臺太僕賦詩敘別

當年一別限雲泥宛見名隆位益躋清似鄧攸方
主爵正如伯問復擔圭九天臺閣瞻符采六代江
山待詠題此去憶君秋色裏長千月白草萋萋

贈南明汪中丞

百篇華賦美相如吳越名山半品題青微功勲在
廊廟白雲蹤跡入樵漁相過不厭茅容饌獨往偏
尋惠遠廬泉石煙霞雖欲戀其如巖谷下羈車

張幼于松風閣看雪

霏霏瑞雪灑江天無那芳情綠酒筵暎月渾迷銀
燭裏隨風忽墜玉樓前縈池點石元無定綴葉封
條亦自妍何必芳非桃李節年年春色此中偏

再過西園與沈膳部時膳部有廣西僉憲之擢

懷賢

一月幾相求仙苑還憐泉壑幽眠石情閒宜
水竹看花時換到葵榴爐中藥欲隨鷄變臺上雲
曾伴鳳遊見說省郎移爨伯對君先動別離愁

寄嚴編修

金門一去雲霄遠瓊樹三年夢寐長歲歲校書延
祕閣朝朝珥筆侍君王璧池水冷陳槐落帳殿春
深扶荔香總道彈冠爲世笑故人今喜有王陽

徐使君子與過吳不面賦此以寄

賈誼行看對宣室潘安未擬賦閒居遙知淚盡廬
傍樹自可身驅坂上車一水相望猶隔面三年欲

寄不成書生平僻性元耽懶莫訝穉生與世疎

同彭山人孔加陸儀部子傳張太學幼于竹

堂寺探梅

嘉辰勝賞喜相招寒澗流澌度虎橋滿院芳叢催
客思一簾香霧鎖僧寮由來慧境春偏早自是祇
林雪不消把酒共憐飄落易行吟樹下更攀條

送徐郎中還山

羈宦思歸張翰船秋風一夜起吳天愁來看劒空
憂國意盡投冠不待年栗里未荒栽菊徑晉平猶
乏買山錢嗟余舊是雲霞契落日滄江贈握筇

嶺南黃公補公紹赴試南宮過訪賦贈

萬里裁詩意太勤十年勞夢此逢君佩情若贈三
湘草觀面如瞻五嶺雲雪路停驂聊訪舊松牕剪
燭暫論文才名自昔飛寰宇何必今朝入洛聞

寄王給事

名儒妙選直承明久在黃扉沐寵榮自是袞龍無
有關非關仗馬不能鳴雲臺論議酬三疏溫室詞
華軼二京寄語推賢韓鄭道治安今老洛陽生

王元美敬美兄弟過訪小集得遲字

十年回首真成夢會面番驚離別時意氣當杯須

盡醉風波往事總堪悲滄洲人在鷗同老窮巷春
來花亦遲入洛聲名推二陸彥先酣縱竟何爲

送張山人斯植還洞庭

嘉麗金陵古帝畿放遊應與世情違百年浪迹飄
萍是六代遺蹤蔓草非山水盡收吟客篋風塵不
化野人衣白雲豈作長安物殘葉湖頭一笠歸

贈梁總戎

乘輅北冀來天將開府東吳馭遠夷夜半濟聲入
刁斗春深海氣暗旌旗玉鈐祇自牀頭闕金印重
教肘後垂青微無塵原草綠帳前歌舞獵回時

寄張儀部

越王臺上雲雨睽一入長安會面稽待詔蘭香紅
日近直廬花漏玉繩低青宮典禮宜璋璣祕室摘
詞滿綠綈若問萍蹤無定泊年年歲歲醉鄉迷

集虎丘水西寺得歌字

野寺尋幽載酒過溪深窈窕入煙蘿峯從碧海浮
孤石池向銀河借素波香雨墜時談小品彩雲飛
處度清歌高林風動暮蟬急祇覺空山秋氣多

送廬山人次梗還濬縣

空自時標千里駒與君同哭阮生途足離楚國方

爲玉泣下鮫人始是珠七首風霜羞烈士馬蹄花
月憶名都各天南北應難見頭白臨岐酒一壺

送龍貳守改擢隆安

萬里雙旌向蜀州當年下士憶風流金昌柳色郵
亭曉巫峽猿聲郡閣秋廉叔應興五袴詠裴公唯
有一牀留黃童白髮滄江上莫挽西陵載石舟

人日集皇甫司勳宅

金盃同醉使君家終宴彈絲復奏箏初夜燈光全
寫月新年勝彩半圖花蘭芳乍泛風前葉梅馥微
含雪後節莫道開春春未入嘉辰宛覺轉韶華

九日宋明府招飲石湖草堂因懷王履吉

越溪西繞闔閭城弭櫂盃佛宇清菊日猶能醉
陶令竹林那復見嵇生澄湖鷺白霜波遠曲塢花
殘夕照明每爲江山易增慨百年時序況關情

木末亭送史叔載張幼于東還

高高亭子眺孤岑木葉初飛綠陰才子不逢時
太暗故人臨別意何深江山易灑楊朱淚歲月偏
驚宋玉心書劒經年歸未得爲將鄉夢報家林

青城草堂爲王孝廉賦

綠野煙霞絕四鄰城東卜築草堂新林花先挂扶

桑日溪水偏饒蘋葉春百榼酒爲聞道士一牀書
作下帷人他年駟馬應過此莫謂臨邛詞客貧

立春日譙張都閫宅得光字

綺屏銀燭列華堂寒郭沉沉畫角長帳下笙歌留
夜色雪中梅柳漏年光將軍空老南山獵詞客還
聞北海觴獻節條風今日至共搖彩筆競春芳

九日同宋邑侯吳郡博登四瑞寺塔

風流豈弟使君賢問隱閒乘綻菊天藉草上尊招
野服紆林畫戟駐空禪青山供眺殘陽裏白髮逢
時落葉前平楚迢迢聊極目羈人宦客各淒然

郡大父吳公榮擢浙省運使奉送

雙旌遙指越江潯十載吳門惠澤深特寄理鹽共
國計由來食水是官箴六橋移舫湖光暖孤峙開
衙海氣侵可嘆使君辭郡日滿城棠樹爲誰陰

早春同彭孔加章道華袁魯望劉子威陪王

元美兄弟集張伯起怡曠軒得梅字

爲愛名園勝日來華筵還喜接仙才池邊挂柳偏
宜月雪後看花盡是梅宿酒未醒仍縱飲新詩頻
就更教裁總言今歲春逢閏九十韶光祇易催

分得鄧尉山送吳別駕擢留都刑曹

憶昔行春來此地朱轡畫戟叩香闌雲霄莫挽王
祥駕煙水空餘鄧尉山雙管重攜郎署裏一牀猶
挂郡齋間蓬蒿自隔諸侯貴玉樹秋霞恨莫攀

送王和仲北上兼簡文壽承王百穀

春明送客閭亭酒無那垂楊綠碧虛惜別驪歌花
落後挂帆江雨水生初曾聞相閣還延士謾道王
門可曳裾爲報故人頭白盡朝朝暮暮一牀書

沈儀部南還過訪

香署初分返故岑經年空憶璫華音相逢問訊多
新句一別升沉只素心石落暮潮荒滌遠花藏寒

月戍樓深南臺不又淹司馬筆札方思給上林

汪元蟲歸自太原以襄陵酒見餉賦贈

雲中歸客貽名酒琥珀光生鸚鵡杯蜀國郾筵空
自美杜陵桑落不須開一車未擬春前送萬里能
攜馬上來愁肺百年那可釋玉山今日爲君顏

七月觀玉蘭花

百卉正逢搖落候俄驚玉樹綴千葩從來不見花
時葉今日番看葉底花朵朵瑤光照秋色色鮮香
氣染朝霞令人却訝春風早一倍樽前感物華

贈會稽岑太守

會稽自昔佳山水却喜名儒此拜州西掖五衣秦
給事東方千騎漢諸侯峯頭聽政渾成隱樹下班
春卽勝遊回首舊山空谷在月明萬里夢羅浮

新秋馬頰二處士集玄芝館得殘字

幽居一畝半檀藥花徑開尊傍石欄初候涼風生
樹裏未昏纖月墜雲端美人共惜芙蓉晚志士空
悲蕙草殘良友嘉逢那可別夜深猶對女牛看

寄郡大父黃門龍公

一自僊郎拜瑣墀郡中何武至今思懸知魏闕鳴
珂日猶記吳門食水時雙管忠規臣節盡五衣恩

寵帝心私廟堂倘肯咨民瘼謂道東南力已疲

虎丘王元美伯仲席上送張伯起伯仲會試

北上得心字

吳嶽招提載酒尋征人猶得共登臨游鷗定擬風
雲遠匹馬無嗟冰雪深自是壯懷增劒氣番因離
緒識禪心唯餘嶺上白雲在隨伴陶君回舊林

賦得姑蘇臺送宋明府赴召北上

吳沼層臺昔已傾遺墟猶傍闔閭城花洲盡是蘼
蕪色夕嶺偏多麋鹿情獨擅登高留翠碣每因歡
稼駐華旌送君一上心千里願逐雙鳬入帝京

送張幼于之秣陵

天橫北斗夜光闌，客子晨裝別故歡。
才儁自憐遊上國，名高還羨借長安。
壚頭酒美將裘換，渡口花深踏馬看。
知爾遠心羞燕雀，鳳臺孤眺大江寒。

送嚴太學應比之金陵

柳色關亭挂碧煙，名都遙送孝廉船。
槐深曉市攜細篋，桂白秋原躍錦鞦。
六代訪從仙閣外，三山眺落鳳臺前。
客中儻貫新豐酒，應憶壚頭曾共眠。

次文太史韻贈周黃門

廿載交游識諫臣，相逢忽憶髮華新。
也知事業于今富，却訝琴書只舊貧。
繫獄五年酬聖主，還家十日侍慈親。
泥塗肯念同門友，老大無成愧此身。

姚江邵進士過訪有贈

嗟余區外自孤翔，多爾披蓑問隱鄉。
徑竹解教留訪駕，庭花若爲侑行觴。
才凌卿相稱元叔，足歷山川羨子長。
一曲鏡湖風月主，千年今復有知章。

送邵子之廣陵

幾度壚頭共阿戎，那堪今日送征蓬。
隋堤柳訪前朝遠，吳市芝尋往跡空。
禪榻經旬淹夜雨，客裘千里怯秋風。
到時莫恨煙花盡，猶可吹簫明月中。

送皇甫子約謫官汴藩

明經第一列鵷鷺，奉使遙過鸚鵡灘。
白雪謠將歌舊郢，浮雲曾是徹長安。
卽看王令香名達，莫遣潘生宦意闌。
遷客羈人總蕭索，別離況值歲華殘。

桃源澗

春明客髻思悠悠，尋眺芳晨宿雨收。
挂漢濤聲白石冷，沉霞潭影碧蘿幽。
搜窮仙壑源猶遠，落盡桃花水自流。
寄語秦人莫相笑，年年空作問津遊。

登大慈寺閣

七峯環處一祇林，披霧凌霞梵閣臨。
海氣暗侵香樹濕，晨光微散石門深。
長廊風雨悲空劫，淨室鸞花見定心。
謝客向來山水癖，況於白社許相尋。

送皇甫子循守緇雲郡

見說名區曾鑄鼎，迢迢僊嶺度朱輪。
白頭一宦休嫌拙，遠道單車豈厭貧。
江上蘼蕪爲征客，郡中風月屬何人。
卽看召對釐宮夜，亦自遺思行縣春。

同顧黃門集陸紳甫宅

幽栖陸渾喜相招，顧况高懷坐寂寥。
莫嘆爲官成拓落，卽看作客尚蓬飄。
寒深石逕花難發，月照江山雪未消。
白髮愁中又逢歲，且傾綠醕永今朝。

贈楊大叅

遙承世德關西冑，早動聲華洛下遊。
吏道由來苦微墨，達觀誰似擬虛舟。
寒蘭意遠山雲白，種柳門開江水流。
總謂王塗空戚草，未應玄髮返滄洲。

寄皇甫虞州

嗟君左宦蓮城日，却笑人稱展驥才。
道直尚餘郎署草，官清應長訟庭苔。
遊名郡百篇在坐，嘯白雲千嶂迴。
見說桃花易迷客，欲因仙吏訪天台。

和顧黃門憶子慰內

秀胤方誇岐嶷行，凋蘭摧玉不堪聞。
須知齊物同

李善集卷之七

七

唐

莊叟莫遺鍾情似，卜君埋骨青郊低。
白日畫容香閣結，淒雲探環羊叔應。
非遠彷彿蘅薇夢裏分。

讀汪生遊梁稿

愛爾裁詩字字清，五花箋寄洛陽城。
半槭綺縠河間出，一片秋霞水上生。
莫向王壇重問律，自於陸賦得緣情。
遊梁在昔多詞客，不使鄒枚獨擅名。

寄汪中丞楚中

栢臺持憲上卿尊，開府荆南控大藩。
匡國功成周召虎，治民績異漢劉昆。
曾無芥帶吞雲夢，曲有陽春奏郢門。
峴首依然宇宙在，羊公置酒幾回捫。

毛伯華兄弟過玄芝館

蕭條門巷寡逢迎，懶慢還應恕長卿。
已自迷途窮七聖，寧將失路問三生。
青山短牖寒花色，白日空除落葉聲。
但使綠尊常對客，不知身外有浮名。

芙蓉園爲宗彥斗西賦

帝冑賢豪迥邁倫，芙蓉闌苑絕風塵。
孤芳出水人同逸，朱萼凌霞賦並新。
廬嶽峯高雲自攬，洞庭波近月爲鄰。
天家元與人間隔，總度秋風亦是春。

送張幼于訪大司成姜公

橫經昔在諸生列，懷劒難忘國士恩。
一夕忽移王

李善集卷之七

七

唐

子權幾人重過程，公門丹陽渡古江。
楓冷鐵甕城高海，霧昏爲語投冠金馬客。
應知身詘道逾尊。

和徐徵君怡曠軒觀落梅得中字

昨日看花花正穠，重來惆悵幾枝空。
隨萍半積芳池上，學絮全飄畫閣東。
秦壘迢遙悲夜月，漢宮憔悴怯春風。
臨觴莫恨凋零盡，留得鄰家玉笛中。

贈靖江朱鴻臚在明

徒然結髮事詩書，一宦憐君意氣疎。
玩世由來客曼倩，爲郎何用笑相如。
十年京洛空縑服，萬里江湖有敝廬。
媿我簞瓢恒閉戶，不嫌窮巷每迴車。

聞歌

南國新傳第一聲，乍歡還怨總含情。高懸月下渾招鳳，嬌度花前恍聽鶯。三日餘音令木墮，半天逸響礙雲行。劉郎頭白元多感，柰可何哉唱渭城。

雨中程子虛攜酒同汪子建茅平仲沈伯宏過玄芝館探得東字

竹樹蕭條風雨中，酒有多爾問蒿蓬。一椽不厭原生漏，十日真成桑子窮。乘興自能來剡曲，避喧何必去墻東。世人誰識青冥意，彈雀紛紛笑弋鴻。

張使君伯喈過訪同皇甫司勳小集

一日雲霞初把臂，十年州郡已知名。莫言拙宦同潘令，賸有雄辭似馬卿。排簾自能來衛驛，烹葵應不厭吳羹。幽居非是延之過，松菊經時只掩衡。

澄源龍郡公期過草堂擁篲竟日不至賦詩

奉謝

竄跡梁鴻只著文，民懷吏畏詠張君。爭傳五馬尋秦壑，獨啓雙扉倚暮雲。徐孺高風空自媿，魏文古道向來聞。襟期千里元如面，神劒差池未是分。

初夏沈子攜酒徐園得開字

名園綠水赤城隈，勝侶欣逢鄒與枚。覆水房櫳疑

畫出凌空島嶼，若飛來巖花送雨春。猶在澗葉藏雲午，未開爲愛習池風景異。爭教山簡不斷杯。

沈嘉則將爲中原之遊索贈賦此

遠抱悠然隘九州，中原聊爾豁雙眸。山從礪石連雲峻，河出龍門接漢流。踐滑三峯尋嶽曉，鳴枯兩岸渡江秋。梁園不是無修竹，不學相如事客遊。

贈鏡公

蒲團晨夕誦楞伽，兀坐空林過落花。遠水浮杯無定錫，深山持鉢但餐麻。百年半卧蜀山雪，萬里孤拳越嶠霞。七尺菩提元是客，不知人世有天涯。

張文選助甫過訪失候及謁水西寺復不值

悵然賦此

中原才子金門彥，兩地冥交自昔年。玄度遠尋泉石裏，巨源先過酒壚邊。亂山幽壑明晴雪，獨樹寒原澹夕煙。只尺同懷尚千里，空林回首一悵然。

張吏部助甫集玄芝館同周公取錢叔寶得

林字

芒塗今始一開林，上客高軒喜過尋。群鳥不飛池上酌，片雲忽墮竹間琴。會稽合竄梁鴻迹，湘水元含買諠心。剪燭渾忘語申旦，西牕寒漏夜沉沉。

汪司馬視邊却寄

建節乘輅下天邑雲中千騎引邊笳金城遠略能
謀國寶玦雄心豈戀家狐塞三秋唯有雪龍荒萬
里但吹沙經年別思憑誰寄搔首南鴻對落花

孫山人兆孺過集得逢字

吳山楚水路重重千里襟期一日逢自幸鸞音聞
阮籍却憐鹿性識林宗花開半翳塔前石霞起全
迷戶外峯把酒相看多意氣誰憐湖海有元龍

送屠田叔謁選北上

玉騶寶玦贈征人熙洽欣逢景鏢新北地築臺應

致駿中原結網豈無麟文章爭美相如貴祿米休
嫌晏倩貧送別登臨聊極目楚江千里綠蕪春

寄伊客部

自君一別承明廬離索偏驚物候餘禮樂定尊桓
太傅文章獨幸馬相如九城月出分闌直三殿花
香擗笏書結友雲霞人不見滄波常伴五湖漁

四月廿日徐太素載酒祠亭皇甫司勳有作
和荅同賦者家弟清父侍遊者新月李姬
也

城南載酒及嘉辰羅綺偏嬌座上人節過芳菲花

更艷時當四五月猶新才情不爲年華減意興唯
於泉石真補闕詞場元獨擅巫山麗句復誰倫

寄荆溪吳宮詹

陽羨稱奇五湖裏神宮僊宅每思攀潭前古樹今
猶在洞口青驪竟不還日月舊游頻入夢雲霞新
契好開顏卜居爲報嘉賓道欲買荆南一嶠山

送王元美廉憲之楚

白簡遙臨全楚地朱轡高引大江湄裁書莫謂峯
無雁惜別偏憐澤有蘼湘水千年重見賦峴山他
日更留碑漢庭述作行看召才筆何人擅一時

上巳日石湖王百穀席上送童山人子明

詞客來遊修禊辰澄江十里綠楊津喜尋勝景酬
佳節愁對青山送遠人水上傳觴浮露氣林間着
屐藉花塵吳臺越嶠同芳草無那明朝兩地春

虎丘再送童山人歸越

送別登臨祇自嗟由來此地恨繁華吳王霸骨埋
青草越客鄉心對落花雲度前溪飛片雨日沉高
閣挂殘霞柯山每憶尋仙跡便欲同乘雲水槎

代賦鳳凰臺送陸祠部之金陵

高臺奕兀臨江水煙樹微茫瞰遠洲宋室遺墟猶

可同唐賢佳句至今留九宸摩日河山一壑藏
雲花竹幽元是鳳凰池上客不妨飛蓋數來遊

分得滕王閣送陳暨陽守南昌

豫章自古稱名郡高閣臨江瞰碧津帝子跡隨流水逝騷人詞並落霞新地分吳楚雄南服天接星河望北辰今日陳蕃紆紱去朱轡綠樹此行春

新正九日陪嶺南李郡博集張如宅得深字

元晨上客共招尋江月初生挂碧林高館明燈臘酒熟空城殘雪暮鐘沉傳經劉向官猶薄避世君公隱未深此日梅花見顏色羅浮萬里異時心

題段姬贈叔寶扇次孔加韻

南浦雙鳬秋各飛離魂遙逐阮郎歸柳迷淮水添愁緒雲斷巫山懸別衣鳳去罷吹簫上曲鷺分空憶鏡中輝羅襦紈扇臨岐贈悅懌那忘念德微

拂水巖

綠樹蒼崖接碧空雲泉千尺挂飛虹銀濤倒拂青天上靈液遙從瀛海東乍爾隨巖春霖霖忽然成霧晝溟濛余襟久爲緇塵染願借清冷一浣中

牛首山弘覺寺

累足名區詣風幕萬峰雲杪一花宮江流半繞三

山外塔影孤懸雙闕中石壁哀猿宜夜雨秣陵煙樹易秋風平生未識朱門路青眼惟堪對遠公

同秋宇太史少峰孝廉俞園賞牡丹得香字是日新栽一高本

勝日名園共歡賞華軒曲宴列笙簧迴塘柳色雨中暗隔幙鴛聲花外長一品含春玉樓貴千金呼酒銀缸香藥欄滿逕猶嫌少移得高枝忽過牆

送韓武庫守瑞州

水州新拜綰銅章祖帳青門杜若香經術還應飭吏事才名久已播仙郎卽看民口歌桑麥再見山頭集鳳凰遙憶朱輪行縣日千巖爭映錦江長

黃淳父先生全集卷之十四

吳郡黃姬水著

壻顧九思編

男嘉芳輯

五言絕句 八十一首

金陵雜詠十九首

鐘山

金陵照海色晨夕翳仙霞玉柱宸遊日千年想翠

華

秦淮水

朱衣三千士開鑿壓靈符寧知天子氣已屬驪山

徒

落星岡

片石宿莽間陰林曉廳走昔日謫仙人綺裘此沾

酒

冶城

吳王昔鑄劍靈冶躍雄雌子胥錫鏤死何用干將

爲

鳳凰臺

鳳凰昔遊此臺下江潏潏中原集黃雀戢影向丹

山

勞勞亭

朝朝送客處亭子臨江水欲知離別情草色一千

里

胭脂井

銅瓶汲朝綆碧甃桃花冷紅顏一朝空千載胭脂

井

桃花渡

蛾眉不解別少別思綢繆至今修楊渡風波生別

愁

樂遊苑

衣冠修禊日何異洛川濱山河一旦改桃李不成

春

長千里

晉時烏衣巷正接小長干燕子飛不至春風野花

寒

青溪

青溪帶九曲溪傍跨七橋沙際露殘月籬根見落

潮

太平堤

堤長何蜿蜒湖光映林阜春曉生綠煙宛似臺城柳

白鷺洲

孤洲驚浪中二水割南北日暮蘆花飛江波渺一色

西浦

當時桂陽人曾與蘭香遇芳草啼鷓鴣惆悵飛花暮

華陽洞

白鵝騎茅君松風聽陶史至今埋丹處夜夜丹光起

起

臨春閣

貴嬪張麗華雙閣相對峙不見靚粧人春風泣羅綺

穿針樓

牛
高樓瞰芳渚歌舞昔曾遊不待穿針夕年年怨女

華林園

悲
晉室亦傾覆何況臺與池濠濮會心處千秋過客

謝公墩

老我石頭側王謝每登臨誰知弋釣者恒切陸沉心

大石塢八景

拜石軒

平生許祿情況復秉貞介開軒面巨石聊學南宮拜

毛竹磴

修篁夾丹梯雲衢益幽邃登頓不知疲迤邐上空翠

招隱橋

石梁跨流水巖桂自成樓當年橋柱上却笑長卿題

宜晚屏

屏風高九疊宛與匡廬同曳策一曬目嵐光夕照中

玉塵澗

碧澗疏以鑿瀾瀾周茅宇洗耳思枕流不惜捐談塵

青松宅

青松覆屋冷晴日常飛霞龍鱗千尺強巢鶴今應遍

楊梅岡

南越有嘉樹歲稔被岡岑高林五月雨珍果落山禽

欸雲亭

古亭構崖巔夾塏有淮趣白雪常自留解伴幽人住

長春園十景

鏡光樓

光律池上樓宛自林間出捲幔俯遙空波光薄雲

日

睇瞻臺

十成誰所極海月經其下彷彿度鸞笙宛似瑤臺

夜

黃薇樹

弱蔓榮高格輕香散曉風何言宜春裏自可摘芳

叢

小嶰谷

恍疑慈母山綠竹生幽谷琴酒此中栖琅玕照蘿

屋

蓮衣渚

芳渚落蓮衣紅顏幾時好采采芙蓉花涉江秋易老

桃花岸

桃花夾芳堤下有桃花水寄言武陵人箇是仙源裏

飲鶴池

池波湛澄碧蘋藻泛秋風仙禽飲其上清唳徹寒空

叢梅塢

種梅脩塢中老榦皆成鐵寒葩忽舒素朝來滿林雪

淞源井

碧井接淞源冷泉出甘壤曉露汲桃花蘿窻煮仙掌

觴咏亭

一觴與一詠招我同心客聊以陶性靈百年復奚適

顧中含汝和齋中六物詠

研山

洵美文筍寶流傳自米顛若非有巖壑那得染雲煙

石鼎

隆耳復峻距文藻妙縷劃齋心清似水沉蕙焚晨夕

澄泥研

八角類盤製異質何年埴傳聞土人云邢侯墓中得

木几

誰斬癰腫木名爲天然几何必賜靈壽自隱南郭子

陶樽

陶尊何太樸宛有上皇風一斗載名酒堪著北牕中

叩竹杖

張審見時物依稀似可據莫攜同葛陂或恐化龍去

詠物十九首

橘

歲凝照湘水縹幹摘星丸已自珍苞品金華薦玉盤

松

乳枝攏坂上蔥翠生蒼烟餐服千年食飛行類僊

荷花

蕩漿綠楊津菱歌曉唱新江南秋易老愁殺采蓮人

湘竹

昔日英皇淚千年向竹留至今湘江上猶自不勝

秋

山茶

陰壑凝冰雪蕭條惜歲華如何空林裏猶駐赤城霞

牡丹

分得洛陽種春來盡作花如何楊子宅亦自有繁華

碧桃

仙源不可到一種華林稀素質臨風皎天邊露未

柳

水仙

瑤花開素芳梁園雪初冷恍爾霜月前盈盈波上影

海棠

婀娜春難盡嬌容沐露膏朝來睡未足朱戶日初高

秋葵

亭亭倚秋坂白露葩華滋莫恨開時晚丹心恒自持

桂

金粟國香飄秋風正次寥平生叢桂隱願作小山招

蛺蝶花

百卉春風歇幽叢抱檻斜尋芳魂不散化作枝頭花

梅花

夢斷羅浮月窻前橫一枝莫教花落盡留待笛中吹

玫瑰

首夏清和候玫瑰弄柔芳微颺一吹拂始信玉生遊

香

山茶茉莉

丹萼玄冬艷瑤葩朱夏鮮若教開一處方得色香全

賦得秦淮柳二首

春雨暗前浦酒家臨官渡柳條牽地長不挽郎舟住

願作楊柳枝莫作枝上萼枝長有人攀花飛無定着

朱子价齋中夜集賦得蘭影二首

崇蘭奠瑤几寶炬流光華心含一般臭影照兩重

花

華燈落芳影歲蕤花葉繁依依燕姑夢黯黯楚均魂

雪後泛湖

金飈酒力薄長歌遡前浦幕投楞伽鍾下林含東雨

春江花月夜

春波將月逝夜月抱花流短檣與洛水何得漢江遊

偶詠二首

天地一浮漚吾生何所求
阮宣真曠達日掛百錢遊

蘋綠遊魚細泥香掠燕新飛花與飛絮併作一園春

蕭齋對雪

坐几閒無聲瞻庭已一色
雖號今日衣尚慶來年食

謝劉侍御惠米

不作朱門謁王孫饑若何
還能餉桑子無用貸監

河

潘戶部招飲以往靈谷寺不赴

清秋風日好飛興在林泉
不爲山行約寧虛水部筵

雨後

西原雨初歇霽景遠林分
千澗灑涼瀑一峯飛亂雲

美人調鸚鵡

玉殿春花落彩雲入綺軒
還將脉脉意欲共綠衣言

畫蠶

天錦吐文絲瑤筐飼葉時
公桑不復事載詠幽風詩

閨情

羅房一片月與妾最相親
借問何爲者衡陽亦照人

題畫八首

澗澗桂林飛峯峯出雲上
中有采芝人空山成獨往

衆卉發華滋名花吐奇萼
四運有推移丹青無凋落

山多會稽情水有瀟湘氣
波芳與林枝互作舟中翠

遙嶼霞成壁叢篁煙是林
蕭然丘壑裏佇我白雲心

逸士甘長遐谿山千萬重
猶嫌投迹近故遣白雲封

樹色封雲暗泉聲激石幽
千山風雨夕遠浦一漁舟

奔流下危磯紺宇臨江渚
日暮翠微鐘帆收楚天

雨

石逕芝爲草幽除蘭作花
寄言小山客箇是隱君家

黃淳父先生全集卷之十四

三十一

先生全集

黃淳父先生全集卷之十五

吳郡黃姬水著

壻顧九思編

男嘉芳輯

七言絕句一百二十首

金陵古意十首

小婦家住金陵步門前朝暮揚子潮采花莫采無
根草折柳須折最長條

青門柳枝藏暮鴉經過遊子未還家桃葉渡頭可
憐水臙脂井上斷腸花

黃淳父先生全集卷之十五

三十一

吳

艷唱空聞陌上桑矐矐日照芙蓉梁阿儂笑飲吳
姬酒若個解燒荀令香

吳姬整釧安釵梁共道采花勝采桑迷子洲邊驚
翡翠莫愁湖裏逐鴛鴦

聚寶城門平坦開傾都士女眺香臺夕陽官路遊
人散競折花枝挿髻回

杏子雨晴天氣寒追尋桃李畏花殘朱雀航頭南
去路酒旗懸處是長干

香草叢中迷迭多婉童遊女奈春何多情最是秦
淮月夜夜堤前照踏歌

金陵百斛蒲萄釀絲騎香車橫復縱昨日蔣祠歌
舞散今朝梅廟又相逢

四照三英蕊蕊新綠絲嬌底動香塵鎮日江頭看
不足門前又喚賣花人

綺羅逐隊沸歌謳盡在東城南陌頭本爲春愁拾
芳草爭如芳草又牽愁

留都元夜二首

六街半是五侯家處處燃燈鬧月華自是帝城春
色早千枝萬樹一齊花

十二芳衢錦作堆香塵幾處逐輪飛燈光月色元

相映照夜難分若個輝

送沈仲文僉憲廣西二首

霜簡炎州遠戒驂龍城天上擁峯嵐長江西去幾
千里行盡瀟湘更向南

由來教蜀有文翁吏事經生本自同會見焚僊迎
法駕誰云象卉隔皇風

余伯祥席上送吳黎二貢士下第歸嶺南

相思燕越已經春此日相逢啼鴉新世路銷魂惟
有別君今況是泣珠人

何翰林期余魏國西園看花以疾不往

公子芳園闌鳳簫微陰十里綠楊寒王家不是凡
花鳥祇許乘春仙吏看

送汪太學遊江都六首

薔薇芍藥與茱萸無數芳菲傍酒壚惟有蕃釐仙
觀裏一株玉蕊世間無

千里王孫歸未能風雲意氣每超騰年來裘馬遊
遊處不是金陵卽廣陵

自古烟花住麗地揚州只合少年遊春來客思元
無賴莫上迷藏場帝樓

吳都隋苑盡蒿蓬莫向蕪城弔故宮二十四橋沽

酒夜一聲水調月明中

樓上歌聲寶瑟微相如寧怯鸛鷄衣平明挾彈雪

塘路十里珠簾過馬蹄

回首紅顏雪滿顙人間何物勝提壺當年却笑揚
州鶴願得腰懸刺史符

送孫都閫千甫督漕北上二首

飛芻輓粟入 皇州風引千艘遡上遊宸極昌明
瞻紫氣河渠效順借安流

關河險阻路悠悠朔雪炎飈于役愁餉國祇將勤
報 主別家不爲覓封侯

題桃源圖

朝市雲林總是愁人間歲月逐東流
花源回首迷陵谷海上三山何處求

毘陵道中

勞歌江上採江蘼一日愁添幾絲
借問客心何處折渡頭燈火落帆時

送及齋兵憲

江草芊芊江水平不堪相送使君行
懸知甘雨隨車去故遣春風逐旆生

櫻桃園紀事

櫻園誰說是飛狐狂寇縱橫薄大都
日暗空山哭新鬼一坑白骨葬千夫

贈徐元甫二首

遙從東海訪蓬壺水裏藏金得寶珠
莫道尋仙非急務由來劒術出陰符
撫劒長歌意氣雄名高空自臥江東壯
心肯向丘樊者笑對雲山七十峯

顧奉常許乞名酒詩以速之二首

君家歲酒鬱金杯春滿糟牀注綠醅
定是太常齋不飲可能分送一車來

賤老相尋氣獨豪春陰十日飲春醪
鸛裘典盡君休笑雪裏長安酒價高

送程工部二首

秦淮江上柳條新腸斷天涯送逐臣
京兆田郎辭畫省漢廷題柱是何人
可憐壁點與蘭鋤解道人間有毀譽
才子渡湘今古淚靡蕪滿目送征車

陸祠部養病崇因寺

知君欲采西山薇遺步金門願不違
借問洛陽千里宦秋風江上幾人歸

錢君招飲郊外以疾不赴

城南桃李一時新燕鵲湖頭獨占春
寄語東風休妬畫花開猶有未看人

送汪太學還吳門二首

五湖烟水是吾廬都市逢君一寄書
客子渡江春欲暮楊花飛盡獨愁余
花落朱橋燕子愁不堪相送雀航頭
君行別見吳門月應憶金陵十四樓

劉侍御舟中送張幼于應試四首

揚雄元似長卿文應羨華名貢籍聞
雪髮慈闈君

莫戀前期分手是青雲

山有薜蘿江有離姑蘇臺下別交知槐花滿路催
行色管領秋風更屬誰

光祿鍾山紫氣浮五雲雙闕是瀛洲珊瑚寶玦青
驄馬踏過金陵十四樓

落日西原起暮塵計車那可滯征人貢公已絕彈
冠意猶喜王陽結綬新

送姚季和

峴山蒼水在湖州躡屩翩然去莫留惟有薜蘿解
幽思年年江上待君遊

賦得海上春雲禱送友

海上分携值暮春吳堤芳草碧煙屯無情最是浮
雲影容易天涯隔去人

送孫禹錫遊武林

春風吹動綠蘋洲芳草王孫事遠遊見說桃花易
迷客六橋深處莫移舟

寄中白王員外

憶昔新豐客馬周羈離風雨滯殘秋平原高義無
由報一劒空懷已白頭

送張戕石歸嶺南

禽尚高蹤千載追燕秦吳楚歷探奇江山盡向歸
囊半半入丹青半入詩

汪元微訪羅浮歸詩以贈之

越井遺封接女墟葛洪丹竈通開廬一筇萬里渾
閒事屏下看山却媿余

過福源道院

桃花千樹路逶迤松下房櫺白日遲借問青霞原
隔世可容樵客看圍棋

贈鹿門上人施藥

晨鐘夕梵獨棲禪濟世清囊有秘傳莫訝鹿門時
采藥由來釋子是金仙

程子自廣陵過吳門送之

王孫寶玦氣如虹草綠天涯馬首東同是春風楊
柳色隋隄纔折又吳宮

莫子文過宿

江南秋草白漫漫身賤時危路轉難茅屋西風留
客夜空林飛雨石牀寒

嘲王海南

芳草天涯信馬蹄柳枝桃葉闌香堤春風到處堪
回首不入天台亦自迷

寄方山人

幽人區外寄高蹤家住吳山第幾峯一片白雲茅
屋底飛泉百道數株松

陸華甫卜居陽羨賦此以贈

陸通本是佯狂者世上誰知歌鳳心聞道牆東猶
足隱莫教釜餽入山深

送汪子謁朱太史

平生一片男兒氣留劬酬恩豈顧身君是平原門
下客更將肝膽向何人

丁總戎介夫過訪

一別重逢逾十秋酒壚猶記秣陵遊君今懸取黃
金印窮巷書生已白頭

送顧願甫遊燕二首

燕山縹緲五雲天雙闕蓬萊窈紫烟君去定知携
藻筆都人爭羨帝京篇

行國歌謠意不歡辭家匹馬向長安孤遊但有腰

間劒莫向秋風易水看

送湯生遊太和四首

采真仙室是遐征千里長江春水平兩岸青山隨
去鷁啼猿聲裏到樊城

荆巫遙接漢江湄猶似羊公置酒時功德漸磨風

景在行人莫問岷山碑

曾讀襄陽耆舊傳龐公遺跡至今存余將采藥携
家往爲我停驂訪鹿門

金銀宮闕入氤氲三十六巖惟白雲挂月峯頭天
柱曉瑤壇笙磬禮元君

製茶詩爲張道南作

山坳一夜春風吹摘取鮮芽入鼎炊仙掌露乾雲
細細嫩香微綠火抽時

送懋上人安禪湖上

七十二峯烟水上此中泉石絕無塵青山隨處堪
留舄始信孤雲是汝身

贈慧開士

孤雲蹤跡本無依隨意樵垌與釣磯莫訝山僧耽
覓句詩中三昧卽禪機

送曾應元之上蔡

秋風搖落送君時橫鴈江頭酒一卮訪古倘過王
粲宅道余千載共衰遲

毛鹿門折簡爲守歲之約不赴詩以謝之

僧厨木榻自晨昏客裏除年一黯魂杯酒相邀非

敢負羈人端合住空門

姜司務湖山席上二首

忽漫相逢數別年清歌妙舞醉花前帝城如錦春如海盡入君家玳瑁筵

秦淮飛月挂仙臺絲竹紛紛佐酒杯誰道風塵洛陽客愁顏今爲使君開

寄邵孟堅

世路由來九折懷不知誰復是平原羈人莫上隋堤望柳色依稀似故園

送張玄超太學

可嘆相如白髮紛鸛鵲寒冷泣秋雲天涯共是思歸客橫鴈江頭忍送君

雲隱菴錢郭子

榮何脩竹亂啼鶯一抹青山隔水明解道孤雲蹤跡似空門殘日送君行

秋夜

蟬歇還驚絡緯鳴秋風忽已動江城山牕寂寂無眠夜梧葉芭蕉聽雨聲

醉起

山中長日卧烟霞車馬無塵靜不譁石上酒醒天

已暮一簾月色覆桐華

悼鶴

一蛺蝶竟不還猶疑清影月明間帝鄉應作仙人驥何日重來緱氏山

慰鶴

戢翼早栖江海中可憐雙影各西東主人元是烟霞侶莫怨秋風蕙帳空

題獵馬

鐵騎連錢玉勒斜朔風一片捲黃沙胡兒莫漫長城獵首藉由來入漢家

剪拂

玉色連錢歷上驄千金駿骨老秋風鹿麋自是山中性不羨充閑剪拂功

贈如幻禪宿

針芥玄詮夙有聞脩然孤行出人群年來踪跡不知處住遍青山與白雲

題錢叔寶畫障

翡翠蘭苕滿湖上半巖樓閣白雲間平生此地常飛夢彷彿錢郎畫裏山

詠倭扇

龍宮蛟窟詎能攀別有空濛海上寰 聖世不因
賓四裔人間那得見三山

爲鴈山水部題溪山障子二首

林深草閣俯清潭萬壑千巖浮翠嵐知爾家山頻
入夢高中彷彿見江南

明光起草屬郎官伏闕清宵覆錦寒身在仙臺卽
壺嶠何須圖畫壁間看

題張伯起香雪廊

小齋西面抱空塘幾樹梅花繞曲廊獨倚闌干微
月上半簾寒雪動幽香

虎丘別山人惠茂卿張道南僧道燈弟熙父

壻與睿二首

片帆孤客去吳門山寺鳴鐘日欲昏怪殺河梁一
尊酒如何少別亦銷魂

惜別銜杯過虎丘行人無奈亂山愁澄江一別秋
風裏楓葉蘆花是客舟

題大容秋鳴

寒渚孤禽汎碧漪江頭獨立歎羈離天高水濶夫
容老欲采迢迢動遠思

贈衲詩爲郭次父作二首

破衲裁雲爲汝贈仙巖歷井待君登莫言壞色不
堪著有髮無家卽是僧

鷓鴣凋盡未言歸又向名山臥翠微挂樹一衣君
可共天門八月雪常飛

何翰林席上聞歌二首

金絲玉柱奏羅幃一曲餘音三日飛俠烈今朝腸
亦斷爭教司馬不沾衣

月照高堂理玉箏冷冷飛峽瀉寒冰羈人一聽陽
春曲不畏秋風客秣陵

何祠部席上觀舞二首

飛袖隨風低綠鬟斷雲惆悵落巫山當場何處偏
銷魄半折纖腰一盼間

良夜邀賓宴紫房玉除銀燭列鳴簧盈盈雪態嬌
羅薦絕倒金釵十二行

贈歌者李節

絃上歌珠字字清乍歡還怨不勝情當筵醉殺新
豐客十四樓中第一聲

口占贈何氏秘書丞

錦樣花箋五色舒八行飛灑鸞龍紆才情一段誰
堪似羞殺當年女校書

題楊秀才室人畫海棠

燕飛脩閣簾櫳靜
純扇新題春思長
妙繪一經仙媛手
海棠生艷復生香

催粧詩爲茅太學賦三首

羅衣倩着尚含羞
蘭閣將辭足每留
莫訝香車門外促
由來織女請牽牛

綺繡羅帶兩明璫
結悅辭親出畫堂
桃李佳期那可失
莫教紅淚漬新粧

嫁得才人似馬班
誰言薄命是紅顏
莫因眉黛頻臨鏡
留與張郎畫遠山

嘲何生

洞房昨夜春風生
燕子重來花又新
帳裏猶思逐魂術
粧前仍作畫眉人

無題

宛轉歌喉兩度聞
蒲萄林底石榴裙
不知何處留明月
空自今朝恨彩雲

新紅

珊瑚挂鏡畫雙眉
羅綺嬌春不自持
欲把花枝比顏色
海棠含露半開時

閨情二首

十年夫婿遠從戎
紅粉樓中怨塞鴻
擣盡寒衣向

明月那將砧響托西風

秋風搖落轉淒淒
其望望心心欲面
期寄語蘼蕪江上客
白頭不是別離時

通書八首

百尺高臺麋鹿遊
金楣玉檻此荒丘
行人莫問興亡事
蔓草寒螿故苑秋

共撫長松出世塵
烟霞土木想風神
若非函谷著書者
應是崆峒問道人

千巖飛瀑瀉空灘
石枕黎牀修竹寒
一卷南華霜滿樹
破牕風雨夜燈殘

絕壑清溪小構幽
涼風吹送白蘋秋
空山盡日無人到
惟有寒泉繞戶流

洞庭霜落五湖秋
天淨無雲水不流
楚客愁心何處劇
一行殘鴈下蘆洲

翠微深處石壇空
竹樹千盤細路通
欲采黃精向幽谷
不知身在白雲中

縹緲鸞笙白鹿車
方瞳綠髮只冷霞
可憐人世三千歲
剛是山中挑一花

東西羸馬度秋原
古渡無人日欲昏
一片寒雲生

木末忽看山雨失前村

送蘇君昭之武林二首

長身玉立早懷瑜兄弟才名繼兩蘇家在黃山身
在越筆牀酒榼幾遊吳

木葉初飛秋宇高蒹葭江上泛輕舸知君解作枚
乘賦正值錢塘八月濤

題楊妃上馬圖

唐家妃子古閑都恩愛還同掌上珠欲侍華清陪
後騎不勝沉醉倩人扶

贈吳參軍成器

腥血模糊尚染袍髦頭落盡將星高由來屬國官
蘇武一尉空酬百戰勞

爲余上舍悼亡二首

繡帳香銷寶鏡塵經過芳樹不成春蛾眉莫道爲
枯骨猶作裏王夢裏人

蕭娘玉碎與珠沉淚眼看花恨已深可歎紅顏一
朝盡獨留不死白頭心

黃淳父先生全集卷之十五

黃淳父先生全集卷之十六

吳郡黃姬水著

圻顧九思編

男嘉芳輯

七言絕句一百十五首

姑蘇雜詠三十一首

支硎山

古寺荒涼澗壑深樞駒籠鶴此開林支公還刻經
千載石上寒泉流至今

天平山

峯巒鬱鬱若蒸煙萬石嶙峋盡插天絕壑長松初
過雨龍門千丈落飛泉

天池

池開天上曲藏霞夾路松陰十里賒鼎嶂層峯萬
合處一泓寒碧浸蓮花

虎丘

吳王埋劍已千秋尚有精光夜壑浮一自白公開
逕後畫船簫鼓四時遊

太湖

島嶼空濛水上浮胥江西望拍天流湮波三萬六

千頃盡屬鷗夷一釣舟

消夏灣

吳王避暑此中過別殿離宮被澗阿鳳輦龍舟歌
舞地惟餘煙草帶寒波

大石

千盤危磴踐苔青巨石渾疑仙室局絕巘登攀一
長嘯巖前飛霧畫冥冥

百花洲

翠壑歡遊碧水濱百花香氣靄氤氲于今寂寞餘
空渚應逐西施化彩雲

貞娘墓

空山寂寂翳寒暉孤塚春殘草半腓紅粉千年埋
骨處香魂猶逐落花飛

玄墓

碧巘崢嶸重復重遙看一片白雲封翠微深處禪
關外萬頃湖波七十峯

寒山寺

古寺千年紀斷碑月中楓樹影寒漪空江不見題
詩客唯有烏啼似舊時

館娃宮

百花洲昨館娃西荒楚含煙景物悽曾是吳宮歌
舞地一林古木暮鷗啼

靈巖山

襟廊香逕但煙霏千載繁華事已非一自吳王館
西子至今猶剩彩雲飛

短簿祠

晉室名賢擅藻詞煙霞別墅此栖遲曾將金谷爲
珠寺留得青山短簿祠

生公講堂

脫屣金沙想竺師講臺依舊傍清池千花片石中
亭月猶似當年說法時

洞庭西山

閑說劉根生羽處金庭杳曖閬仙墳廳輪一往無
由見洞口壇前但白雲

垂虹亭

松陵東接越王城千尺晴虹波面橫南去北來橋
下路年年柳色送人行

梅泉

玉膏千丈出蓬萊別島瑤花照雪開正是春風泉
脉動寒香百道白雲隈

桃澗

見說仙源別自春桃花逐水出漁津知君厭俗務
家去却惟明時有避秦

石湖八景

石湖

萬頃晴光上下浮洞庭東去百花洲遊人莫向湖
頭望煙草猶含霸業愁

范祠

水上荒祠翳碧蘿文章事業一生多題楣猶是君
王筆不讓當年賜鑑湖

楞伽寺

碧嶼浮圖插紫霄羅盤石磴寺門遙松雲隔處鐘
聲杳欲就東林惠遠招

行春橋

飛虹百尺臥蒼波宛似星橋架夕河元是綺羅香
筆地畫船日日載笙歌

藤塢

白日晴巖常曉靄古藤千尺挂蒼厓何年儻化蛟
龍去脰蹇深山空霧埋

越來溪

吳沼臺傾秋草斑五湖流水白雲間千船兜甲來

何速一葉蛾眉去不還

郊臺

周家禮樂昔崩頽吳子居然泰時開一自姑蘇麋
鹿走紫壇白玉但荒臺

橫山

泉石偏饒五塢間夕陽湖上弄潺湲野人不得君
王乞且學深公一買山

龍巖二十二景今存其四

龍峯曉日

峻削雙峯倚碧空神龍蟠處霧濛濛高臺忽挂五
更目直接扶桑萬里紅

天門絕壁

山半崔巍拱絕壁誰開雙闕峙青雲世人欲識仙
凡路霞鋪足循自此分

獅象倚門

銅駝石馬總塵埃獅象遙從太古來定自鴻濛鑪
冶出始知仙府是天開

紫洞棲霞

紫洞沉沉開別境金庭玉柱未須誇僊人住處無

器雜唯有青天五色霞

題惠茂卿綠陰館四植

梧

百尺高梧碧漢齊
茅齋常自綠萋萋
孤生恰似幽人性
何用裁琴與削圭

竹

月上閉扉疑葉暗
雲生曉戶覺枝低
蓬山移得浮筠籥
應有青鸞上下棲

蕉

牆畔濃陰覆地垂
春風披拂露華滋
閉門盡日無

東坡全集卷之六

木

塵映枕簾閑牕月上時

紫薇

時臨朱夏度炎曦
一樹繁花覆屋陲
爛熳常看百日艷
芳菲寧減萬年枝

詠物三十七首

柳

南陌香塵逐馬蹄
東園桃李共成蹊
春來樹樹花先發
獨有垂楊葉早齊

芍藥

庭中芳卉爛春朝
十二雕闌增麗韶
若與牡丹爲

侍御風前差讓一分嬌

薔薇

紫莖綠蔓半繁空
幾處池臺弄曉風
曾向宜春館裏種
輕裾含笑摘芳叢

牡丹

魏紫姚黃一品誇
朱門戚里鬪繁華
莫言三月芳菲晚
占盡春光足此花

玉蘭

春來一葉未分芽
千葉含香綴碧霞
移向揚州僊觀裏
當年那似數瓊花

東坡全集卷之六

十一

簾前花

流水茅堂自遠譚
掩關啼鳥臥閒霞
日長庭院無人跡
空砌香生簾蔔花

紫薇花

紫薇一樹短牆隈
百日飛英委綠苔
處處園林共秋色
何須花向省郎開

繡毬花

玉藥如毬簇素綃
團圓皎皎綴柔條
若非不夜瑤臺月
應是峨眉雪未消

寶珠山茶

時逢玄律却敷榮
艷藻妍葩照雪明
應是琪園分異種
人間畱得寶珠名

蘭花

綠葉丹莖王者香
蔭池滋曉冒秋霜
貞幽獨有麝蕪草
空谷無人也自芳

蛺蝶花

翩翩舞蝶去牆東
深院花殘恨曉風
猶有春蒐飛不散
尚來枝上戀芳叢

夜合花

瓊蘂英英冒白雲
空庭月色影紛紛
寒簾小閣涼如水
馥郁濃香靜夜聞

榴花

嘉樹朱明擢綺霞
葳蕤紫萼冒紅芽
水晶簾外珊瑚色
曾作河陽縣裡花

茶花

嘉卉幽巖閔日華
被岡彌谷育靈芽
丹崖千丈雲深處
玉露先開仙掌花

玫瑰

清和景物總添華
灼灼丹榮擢紫霞
彷彿漢官神屋裏
珊瑚爲樹玉爲花

西番蓮

亭亭碧幹倚風疎
千瓣紅英細細舒
總道仙葩傳異域
大都色相類芙蕖

荷花

橫塘十里綠楊斜
風景依稀是若耶
日暮蕩舟腸欲斷
鴛鴦浦上並頭花

秋葵

亭亭奇萼吐輕黃
若比戎葵是淡粧
豈爲秋風開較晚
丹心一點不傾陽

桂花

涼影一簾分夜月
天香萬斛動秋風
淮南何用歌招隱
自可淹留桂樹叢

水仙

淖約含風不受塵
冰爲肌骨玉爲神
空壺月色明如畫
馥馥盈盈水上人

木槿花

秋風籬落槿花寒
燁燁容華白露漙
漙偃仰空林聊玩物
朝榮暮瘁靜中看

秋海棠

秋至原間草欲黃
海棠庭院正陽芳
燈前月下嬌

無那怪得花名是斷腸

茉莉花

梅風初霽挂虹霞華屋深深燕子斜正是晚涼新
浴罷冰簾玉藥一齊花

梨花

天南消息夢華軒桃李蹊空恨不言正是黃昏人
寂寞一枝風雨掩重門

綠萼梅

清空林著冷葩一枝低映小窗斜精神別樣誰
堪並應是仙人萼綠華

菊

燦燦星羅秋色新東籬岑寂自蕭晨歸來憶道折
腰苦半爲黃花無主人

蕨

萱草曾將樹北堂蓂莢朵朵盡含芳元知汝是忘
憂物何事余憂遂不忘

梅

月白霜凌照草堂一枝封雪吐孤芳隴頭使少人
千里總有馨香莫寄將

桃

小小茅堂結水西種桃千樹已成蹊春來兩岸花
爭發不是秦源亦自迷

山茶

庭前綠樹發奇葩白雪林中駐赤霞不是僊家曾
種此窮陰寧吐豔陽花

爲題出水荷花二首

性比明珠身比霞綺羅纔著換袈裟綠波一朶含
真湛不是東風開落花

千花萬葉總歸根般若真如箇裏論鋒捷蛾眉聞
片偈青樓回首是空門

柿

赤實嘉名元獨擅懸霜濯露向秋開一株甘潤含
金液應是暉章殿裏栽

來禽

元知南國多嘉植纔見東風吹滿林內苑鳥銜甘
熟復從教珍菓與來禽

柳枝詞

年年送客碧江頭酒散紅亭水自流折盡長條春
又綠東風不解別離愁

與崔子乞青蓮花

異色奇姿倚寶闌碧霞高映綠波寒維摩眼觀元
無垢乞取青蓮靜裏看

天妃宮看西域海棠

此花云是永樂間
中使鄭和手植

仙觀臺荒蔓草中海棠一樹太憎紅可憐亦是星
松物不學葡萄入漢宮

鶯鶯待月

偷出西廂漏已沉空堦月色浸花陰羅幃此夜人
孤獨碧海青天一樣心

薛濤彩牋

膩滑鸞箋玉版香浣花谿上校書郎絨情欲寄情

無限腸斷春風字八行

師師檀板

粧罷臺前柳色新靡蕪千里怨芳春清歌本下梁
州拍不數當年郢曲人

綠珠墮樓

自經金谷幾芳春東市捐生爲妾身一死酬恩何
足惜妾身元是路傍人

太真玉環

繡帳精誠托夢通馬嵬羅綺泣春風玉環元是君
王賜今日持環愛已空

昭君琵琶

憔悴明君出嫁時迢遙玉塞影遲遲可憐漢將無
頗牧千載空悲馬上詞

西施戲瓢

西施歡愛戲瓢中玉殿春山桃李風歌舞未終聲
鼓動五湖流水彩雲空

飛燕嬌舞

昭陽雕輦綺羅催掌上盈盈雪態迴一自輕身承
寵日漢宮新築避風臺

文君琴心

蜀客臨邛作賦時高山流水少人知余心元有求
鳳意一聽哀絃不自持

梅姬嗅香

當簷梅樹玉紛紛一夜風前度早芬頻把花枝嗅
何事欲將幽恨問東君

詠聲

渾疑紅壁新歌燕宛似瑤窻乍囀鶯百媚千嬌聞
不得若爲枕上喚卿卿

詠態

步步移芳太出羣河陽縣裏氣風流青樓不是巫

山曲何事番栖一片雲

詠情

脉脉無言有所思時時含笑更低眉芳心一片誰能解獨許相如曲裏知

詠色

傾國傾城世所誇流光繡戶盡生華傍人若問鏡中色即是桃花更染霞

詠髮

釵承墜馬髻偏新霧濕雲低別樣春若使秦宮當日貯綠鬟羞殺曉粧人

詠肌

一片冰姿月色涼芙蓉裏斷人腸軟溫初浴蘭湯後不道人間玉有香

為皇仲都詠美人贈髮

絲絲鬢髮綠雲長歲月猶餘膏沐香一自枕邊持贈後至今臨鏡不成粧

為張長君詠美人寄枕

自從雲雨散陽臺只尺天涯腸九迴指汝一條巫峽路好將寬夢枕中來

聽美人琵琶

春閨寂寂夜沉沉料得文園病已深一曲琵琶兩行淚似將幽恨荅琴心

乞美人繡鴛鴦

鴛鴦本是美人貽萬種離情萬縷絲寄語新歡莫相妬新歡應有別離時

詠美人分鏡

盡眉思愛海般深生割今朝痛不禁剖鏡與君君莫忘各持一片照明心

為皇司勳贈董少姬

回眸微睇媚千般新畫雙蛾學翠翰一曲幽蘭低

繡帳玉釵曾挂長卿冠

為皇司勳留段姬得鴻字

別思那堪秋思中羅幃釵影恨春風欲教梁上常棲燕莫遣天邊望斷鴻

聞鄭姬箏四首

羅幃不柰豔陽天一片春心十二絃促柱再彈歌激楚紛紛花落玉樽前

瑤箏彈處兩心同悽惋番生嬌曼中一自絃中訴離別滿城芳草怨春風

高張玉柱豔歌新別駐紅樓一段春入手千杯須

盡飲繁絃不醉恨多人

嬌歌逸調總含情會有新人彈故筆最是春風易
生怨莫教花下奏秦聲

送汪子再入金陵訪董姬

一見都除兩地思春風忽自轉羅幃懸知別後重
逢意不減當初識面時

和沈嘉則贈阿九

雕梁激響連綿玉羅襪飛裾一片雲一自沈郎腰
帶減不堪花下更逢君

贈美兒

小小芳名屬教坊纏頭官錦賜英王若教邂逅臨
邛客應解琴中雙鳳皇

永嘉侯子招飲董生館

瑤窻花落晝啼鶯百丈游絲掩畫屏對對青鸞解
歌舞雲和一曲董雙成

爲毘陵唐子贈趙少霞

自入歌樓粉黛空舞衣不奈度春風朝霞一縷初
疑處恰似青蛾鏡裏容

爲沈太玄贈王賽玉

繫馬香衢楊柳新狂呼百斛金陵春玉釵挂處微

流睇嬌殺青樓第一人

賽玉

一雙嬌眼斷人腸萬種柔情半面粧若把名姝比
名玉連城白壁也輸香

代叔寶答小喬見寄

花前月下見紅粧雲雨無緣枉斷腸一片琴心渾
不柰却教神女夢襄王

代賽玉次韻荅華元臯

花月金陵想昔遊肯將薄倖負青樓花箋半幅情
千種含淚開緘字字愁

代賽玉寄沈太玄

去年今日花前別腸斷陽關一曲歌誰解相思情
更苦思君淚比別君多

題董姬描像寄遠六首

閒牕桃李又春風君去經年信未通祇恐容華不
相待丹青移入畫圖中

桃花曼臉柳枝腰寫入霜毫亦自嬌唯有雙蛾渾
異舊爲無張尹不會描

芳顏鏡裏暗銷紅一幅輕綃彷彿同若道相思不
憔悴君當驗取別來容

山爲眉黛水爲裙十二峯頭一片雪寄與羅幃孤
鳳影欲教無地不隨君

自憐眉黛未全殘說與行人淚暗彈君若比來思
妾面盡中猶勝夢中看

貌得紅顏寄遠人粉痕殘處淚痕新妾心不與君
心異盡裏蛾眉卽是真

燕壘爲趙姬賦二首

趙家姊妹競新粧學燕爲巢結綺房玳瑁梁間棲
比翼托身何必在昭陽

銜泥巢幕煖香浮柳幕花遮春自留雙語雙飛復

雙宿接頭霜月不知秋

夢覺香題贈梅姬二首

羅幃脂粉氣氤氳魂繞巫山十二雲一點梅花香
不盡月明還向夢中聞

樓閣徘徊春夜長芙蓉花底宿鴛鴦回思昔日高
唐夢多得羅浮一段香

黃淳先生全集卷之十六

黃淳父先生全集卷之十七

吳郡黃姬水著

壻顧九思編

男嘉芳輯

序十一首

刻兩漢記序

夫史以述王道辨人紀彰厥軌迹以昭法戒蓋聖
人之耳目來世之龜鏡也苟是非善惡不足以示
懲勸觀廢典則雖修聞淫綴雕琢稱匠者無所取
焉史官之設肇自軒后虞夏商周載在詩書王迹

熄而人倫廢孔子乃遵周公之制立百王之法而
作春秋春秋者事經之標的也慨夫惇史邈而行
鴻素文沒而言絕後有作者罕臻茲理故號良史
之才者議論頗繆于聖人近通人之作者嘵明或
闕于前史又况情文不類出二家下者乎若乃漢
侍中悅晉太守宏性靜詞華圖書掌七閣之秘學
該才逸文章擅一時之宗穎川託疾文若禮敬于
微年牛渚高情謝尚晤譚于中且憤操攬權明哲
炳幾先之見當溫厚遇不阿秉亮直之貞著申鑒
則本仁義以獻替賦北征則邇尼父之風流抱結

遐志洩而爲文故其書也要在達道義章法式篤名教之本發帝王之蘊如論災沴則本疇之休咎陳天人之際也如論夷狄則本謨之卽叙嚴夏夷之防也六臣三諫悅遇主之難也三遊四弊悼養士之失也典經儒家斯文教化之任也井田封建中正協和之思也忠邪著消長之幾王霸析德刑之辨禮究承天立政之端樂契穆倫導俗之本作營玩好廸鏤彤貴異之懲內嬖外戚述倖佞亢寵之戒言多準經議不悖聖其于作者亦云庶幾矣且書有二體曰書曰紀書之體創自馬遷紀之體沿於左氏閔衍周贍區分條燦一家之言固不可少而平易質直綜括簡要辭約而事詳則紀爲得焉故杜預有曰記事者以日繫月月繫時時繫年所以紀遠近別同異也兩漢紀者則左氏體也品擬其文並爲嘉藻荀則典麗婉通緬嗣西京之絕響袁則渾深爾雅一前江左之靡風誠藝林之珉玉史家之圖籀矣但其刊布弗廣遂致湮晦昔大復何舍人得荀氏書抄本于徐太宰家刻于高陵涇野呂公序之曰予曩在史館數問荀氏書弗獲見而恨校讎之無副若袁氏書則尤所希覲者也

宋紹興間汝陰王鉉謂比班范史缺裂不傳矣况今日哉支硎楊公嘗造先子五嶽山人語及荀袁之書亟爲歎賞云往時曾于雲間朱氏覽宋刻本真天府閱笈也惜未祈借爲可悵悵乃今不可復覩矣後不逾月有持一編售者則朱氏本也先子傾囊購焉將序刻未暇而先子已矣噫神物有歸幸獲張華之劔奇姿未耀敢私桓氏之珠輒復梓行以永流播愴焉述事聊承堂構之心率爾蕪辭豈盡作者之意可慨也已嗚呼著策所以立公言也權衡所以立公正也書契所以立公信也然譽或倖得毀有外來心迹之間沉隱莫察微瑕掩瑜尺朱蓋紫自古然也悲夫悲夫此仲豫所以有未克之談而彥伯所以有悵然之歎者也

刻唐詩二十六家序

叔氏浮玉于梓唐人詩自武德迄建中二十有四家成有詆之者曰唐人詩自貞元以後其音弱以緩替之漸也弗梓可也以問余余作而歎曰夫詩者聲也元聲在天地間一氣而其變無窮者也取諸洩志而真已矣代曷論也今之談詩者其誰不曰風騷而下其漢與魏乎漢魏而下其唐之盛乎

指五尺童子而問之亦知談如是也嗟乎名言也而未爲達方之說也卽是而論則三百篇已矣奚有于騷奚有于漢于魏又奚有于唐之盛耶嗚呼今古時遷質文俗革聖人制禮樂而不制于禮樂故荀根于志不必復古苟出于真何嫌于今奚必易衣裳而綰領反雕峻於采茅者哉昔九方堙相馬曰臣得其精而牝牡驪黃弗與也以代論詩是以牝牡驪黃相馬失其精者衆矣若曰氣有強弱調有高下以是疵焉則天地之可以聲求者莫如風雷必以奮者迅者爲雷則殷殷然以鼓者非雷也耶必以飄者颺者爲風則颺颺然以噓者非風也耶故激烈雄遠者詩也溫柔暢婉者亦詩也惟其真焉而已浮玉子曰彼之詆者亦知貞元建中諸子之撰其律和其情備非不嘉藻也慮夫效之者其調日趨而莫之底也余曰否否在人今夫閨房閭巷未嘗論討而其言可被管絃彼宿儒老師曰某格某調卒歲穿求而不能幾一言者有矣故如其人雖降而爲貞元建中真也猶之章縫之士而爲桑麻之談俗亦雅也非其人雖躋而爲開元天寶弗真也猶之市井之夫而習都人之語雅亦

俗也嘗聞陳思王曰有南威而論淑媛有龍泉而議斷割竊笑夫窮鄙之社空空其夫字義句讀尚未或通却乃剽竊其詞倔強其句嘵嘵然曰我漢我魏我盛唐也而輒置其蜚喙以凌誚媒孽往哲可羞也已悲夫悲夫良工獨苦寧自今哉有唐三百餘禩不知作者凡幾而流傳于世者僅百人耳雖所詣不同緬想吟魂靡不極慮沉思殫其生平者矣則雖卑弱如晚唐不可以訓而亦不可以湮也况夫郎拾遺秦隱君皇甫司空輩與錢劉抗行者哉至如李蘇虞許接軫于沈宋顥詠頎建方駕于王孟者所不待贅也于是浮玉子命書簡末以詔同志云浮玉子嘗學于先子五嶽君故知詩

刻六朝詩彙序

夫說詩者曰詩自風雅以降楚謠漢賦沿于魏製卓矣晉則綺靡宋則頽頹齊梁而下妖豔矣爲是說者非不知言未爲達權之論也夫詩本性靈鬱積宣吐協之以詠歌之節敷之以藻縟之文而詩道備矣故玄黃旣分萬有眞麗盈天地間聲聲色色皆詩也好鳥哀猿咸成律呂秋蓬春蕊盡是英華故曰詩者天地之心也故詩之有靡艷譬如車

服之有朱轂女工之有丹綃也奚必椎輪之是而朱轂之非乎奚必疏布之是而丹綃之非乎噫說詩者可以觀矣然迦厥華彥超越者衆撫其冠冕可略而言如謝康樂之高才盛辭一振顏俗陶靖節之冲襟古調永爲雅宗張陸潘左蔚爾中興許孫王杜號爲平典阮步兵之詠懷寥廓顏光祿之清喻淵深鮑參軍之形寫奇矯范彥龍之宛轉映媚沈休文之清怨悽斷陰子堅之梅花照日薛道衡之空梁燕泥至如惠休兩釋以白足而匹藝苑之英令暉二媛以娥眉而齊玉階之秀其它則人

則是彙也詎非昭明之羽翼哉因壽諸梓以遺同好庶幾表揚前哲垂範來嗣云爾

奚囊續要序

姑蔑少瑜童君妙才綜學篋多異書嘉靖戊午刻奚囊廣要今歲甲子復刻奚囊續要皆有裨于世用者也續要爲日凡十爲編凡三十蓋童君忘食于梳輯傾囊于繡梓可謂勤且好矣曰輿地本于形法之家名山異域之所載也曰農圃出于農稷之官耕桑食貨之所始也曰傳記則保性命盪心志者之所考也曰翰墨則習書契稱詩歌者之所覽也曰養生則方技王官之守曰卜筮則著龜聖人之用曰格物曰賞鑒曰譜錄曰滑稽則咸出于稗官百家之閎衍亦六藝之流裔可以多識而博聞者也劉韻七略術數方技在所弗遺斑固藝文神仙房中靡不畢錄劉武之千餘卷張華之三十乘豈盡儒家者流耶然今之儒非古之儒矣務章句而無益于身心謀利祿而無補于國家儒哉儒哉嗟乎禮失而求諸野安知農圃醫卜間無真儒乎童君自梁溪過吳門以成刻示余命叙簡端聊綴數語云

楚騷協韻序

古昔聖哲制字以擴目之明至六書焉括之矣制律以道耳之聰至七音焉盡之矣故有言洩則有文有文著則有聲然備萬物以成形者字也而包衆字以成聲者韻也韻非天地自然之聲乎故言之不足則詠歌之詠歌之不足則嗟嘆以至蹈舞而不自知者皆自然之節也故孔子刪詩皆絃歌以合韶武之音非以韻之協乎離騷則繼三百篇而作者也風雅之匹而辭賦之宗也蓋發於悵鬱條佗之餘字字性靈言言衷本苟韻有弗協何以

導志何以動物何以感天地通鬼神哉惜乎王叔師洪慶善則闕而未協朱仲晦則協而未詳甬東屠田叔氏玩誦而病焉迺究英史之訛則以古韻協之亥豕之謬則以古文訂之然後復炎漢篆隸之舊黜江左聲病之拘而千載作者之心始無憾矣田叔本高華之胄稟超曠之資負經國之才於書無所不覽而於屈宋獨窮其妙夫屈宋賢人失志之賦也田叔亦豈不得志者哉噫乎古之君子志在家國今之君子志在富貴田叔豈今之所謂不得志者哉而田叔以四事答客難未盡田叔之

志也田叔之志亦足悲矣

海運編序

余五廟祖昭信校尉斌斌之子忠信二世三人自高皇帝洪武癸丑迄成祖永樂庚寅泛海督儲者三十年咸疲爾以役死余是以知海運之難嘉靖壬辰先子五嶽山人獻書長安歸時河決豐沛濱金溝也作河記余是以知漕運之害余自束髮捉衽談當世務竊爲司計者憂之暇披元史嘗鑒膠萊新河以避游路之險然以久湮昔王公獻以司憲行部身寄開復績未底成而訾者紛如以爲單貲消功余誠未詳新河之易易利利也乙卯歲七月客秣陵邂逅平度崔子于冶城仙宇手示海運一編讀之姬水盱然擊節嘆曰真殊聞也排百年之患以開萬世之利害哉子之言也計也餘矣古者天子地方千里中之而爲都輪將五百里而至諸侯地方百里中之而爲邦輪將五十里而至如禹貢所載入于渭亂于河迺幣帛九貢之法漕運弗事也維是秦罷五等置郡輪將起海上而漕運自秦始漢都關中唐因之宋都汴海運弗事也維是胡元穢夏都幽燕而海運自元始昭代初

軍儲餽遼京儲餽每歲糧艘若干柁盡歷巨洋而上如我蘇則自劉家港達直沽也鵬溟蜩磧經塗輶軻厥後憚海而漕也則又今年決滎陽明年決荆隆今年潰張秋明年潰金溝墊民耗國非計也崔子隱尺几而周六合之務控隙陰而友千古之人守文固而負封侯之氣伏桑樞而抱經國之猷是編也身履日習心陶慮研非口耳臆說也籌計遠稽廢興考隱括道本根有策以爲之經量事期慮財用計徒庸校護作有書以爲之緯度泉渠相阜壚審廣袤作泉源考規堰壩賦丈仞時鍾洩作閘壩考戒艦棧表礁湍砥遠邇作船舶考宏要畢陳纖細具列舉而行之可朝事事而暮告成也夫新河有五利焉由淮之漣子抵天津一千四百餘里而海洋當三之一善風信宿達耳視洄洑萬里沙門危轍何如也一也由膠抵萊三百餘里而所當濬者半之擁會特二百萬緡耳視河決一里動靡數萬何如也二也古之治河也導之今之治河也防之防之者引以爲用也新河則合沽灘之二水約高密之衆泉無假于河而河獲東導三也河不溢而豐沛千里之壤可田水不厥而青登萊

三州之墟可稼化淳鹵而行沃以益賦四也立部伍以齊師旅聯兵衛以殿津隘寓軍政於芻輓以耀武五也故漕運者漕而海者也新河者海而漕者也司計者審之哉或曰新河始于元崔子亦踵之已耳而子奚亟稱之也黃子曰否否元至我明未百年即崩比際成必其經畫未盡鮮久遠之謀耳用崔子之言則終焉永臧矣謂新河始于崔子可也嗚呼苟利于國不必其出于已今議雖格然聖天子勵精于上百執事奔走于下必有舉而行之者周禮曰事功曰勞行子之言即子之勞也昔鄭當時穿六輔渠關中得穀而渠下民田又得以溉至今言漕運者必稱之崔子非今之鄭司農耶嘗聞賈逵爲豫州牧通渠民便之謂之賈侯渠安知它日不謂新河爲崔河也客請刊布命黃子叙之簡首

貧士傳序

粵天生民惟民有欲迺作君師俾寄平理故帝王之治井授廩分務存普濟而玉燭之化人熙戶給自臻大同粒被之外靡圖滋羨富貧之目於斯未分自夫鴻古既降窮繼肆超茹探土茅之俗遐珍

甘峻雕之風起故天下之民五性盡其衷十盜集其室盈則驕華僭于宸御歎而匿瘁諂赴頓陶貨繼豐溢者力適而勢彰釜篋單虛者友疏而家誚於是各人其人各心其心舍子身皆胡越處一姓爲仇讎攫而爭也如猛獸鷙鳥聚而養也如廐肥欄畜然祿以德享財非忤入精英之聚鬼神所殃多藏之門鮮不惟咎如漢卓以郿陽而族晉崇以金谷而收若是燼滅者不可勝紀良足鑒矣然昏惑沉淪危亡安樂莫不熙熙利來壤壤利往貪墨克招而桀心克位饕餮苟得而跣行塞閭貴豪積貨于丘山元庶槁躬於溝壑嗚呼此天下之所以日就於匪康而貧士之所以希覲也困亨貞於周辭無怨難於洙訓豈我誣哉然庸索雖繁廉資者特受情瀾雖倒清介者獨持則代亦有其人焉由今論世卽事考心或逸尚高盤弗屑塵穢或懷冲養順恐係天和飽仁飫德則澹視如雲苦節清修則嚴揮若浼保身明哲以遠害而輕履命舛垂以居易而泰是皆襟倅玄造意軼遐皇不以欲疚不以俗磷不以終淪者也吁哉卓乎其諸峰營蟻競而靈鳳丹山神龍蒼海超然無累矣乎使天下皆

貧士之心焉則揖讓成而雍皞登矣詎可易視之哉慨其不樂世聞名跡輟閱間有散見經史百家者不有類傳曷便披仰馬遷之紀貨殖未免興汚揚雄之賦逐貧豈能激濁陶歌蕭詠細帙多遺余也幼遭坎壈雖處屢空之時緬思古人寔獲宴如之抱癸巳之春青陽臥疾乃就榻上徐爲編摩姬周迄今凡得七十五人列爲二卷務皆畢老無榮斯登芳簡倘先窮後達老乏少殷有一朝之遇者皆所未遑也始之蹟述繼以頌揚庶乎景表懿德遠掄素風則是傳也匪徒爲一己之私好將以望天下之固窮君子庶幾有聞而起也

集古印章序

夫印章者先王所以效象作則以昭信萬國者也而私印則其流也書有八體一日摹印名雖繆篆而妙出周籀秦篆之外高古奇絕莫漢魏若自唐以下不逮焉但陵谷僅開墟墓間出入代曠逸流傳寔罕東川顧公博雅嗜古厥嗣汝由中翰汝修鴻臚汝和廷評汝所光祿並翔藝苑義同章氏鑒有張華暨光祿仲子天錫太學克紹前烈才望不減三世六君極搜窮購得古印章凡一千七百有

奇玉刻金鏤馳文蛟絲燦然充筭迺辨製析文俾
登諸冊名曰集古印章以貽好事雖堯圖禹筴不
是重也嘗覽王厚之印譜趙孟頫印史寂寥無幾
每以爲恨今後二公三百餘年而所得不啻百倍
焉猗歟盛哉然太丘之後有元方元方之後有長
文世德足徵矣

適適藥序

予父少綜墳典設科於晦墨之館嘗會諸門生言
志時予方髫幼父試之曰亦言汝志余卽應曰棲
丘蹈畝采藥飲泉父因指予笑曰此真山人兒也
及長游郡校而執志山水後母亡因邁心疾每在
泉穴則神情怡暢危攀遂計積日忘疲輒有褰糧
長往之意若歸塵舍卽心怔體孿不能一日歡坦
且春明控景則思飛花滿屋蔓草連蕪青女司辰
則思紅樹巖隈蒼葭水曲霞月之夕則思石學臺
琴雨雪之晨則思洲蓑江櫂雖至玩圖披壁往往
心熱於携家夢寐丘壑者二十年於茲矣嗚呼物
性不齊人心各有壁之鷄鶩雖驅置疇旬其黍啄
塹棲終來依人若夫山鷺野鶴雖樊之縛之其意
未嘗忘振翮於青冥也噫性不可矯矯性者僞心

不可違違心者勞莊生有言曰不自得而得彼者
是得人之得而不自得其得者也適人之適而不
自適其適者也嗟乎流光不駐人壽幾何今之赴
衰卽昔之趨壯也世之殉榮希進兀兀老死牖下
者莫可紀算矣余獨何心果無感於莊生之談乎
然而尋嶽未及買山無貲南國故墟坂田之畔有
屋數椽泮溪四繞城山半開雖赤門之隅宛然僻
島長林間也丁酉之歲潦倒南還十月初吉迺就
居焉素心旣酬性宇斯泰游澹合漠將運靈壙垠
而畢影潛寂矣偃仰二畧輒抒十詠社中諸君遂
和成帙因名之曰適適藥友生某請梓以行其金
陵客思以下若干首附諸編末者以皆一時之述
也昔伯牙志在山水託諸琴唯鍾子識之子志在
山水託諸言世獨無鍾子乎覽是藥者識子志焉
可也

客園集序

夫天下之水流者瀦者皆水也惟過龍門下瞿峽
決呂梁而天下之奇觀出焉何也有以激之也故
詩由心生不激則不奇如屈平放而騷興馬遷辟
而史作不曰詩窮而益工哉締觀前代詩人莫匪

羈臣素士或高才沉於下秩而情多戚茸或忠良
遭於遷黜而思結牢愁或王孫怨別而流落天涯
或聖哲悲窮而迫阨時俗于以宜其拂鬱不平之
氣故言多奇亦有崇官顯爵逶迤廟廊者其言非
不妍美謂其聲之和乎則有之若悲歌促調讀之
令人動魂驚骨者蓋鮮矣然則詩之奇果不由于
激乎客閩集者侍御劉君子威左官閩中所著也
夫懷猷秉赤迷古匡今共一人憚百僚照萬民以
展厥蘊劉君之志也無何疾于儕列被論謫去余
嘗作詩送之曰下位無非職南遷亦是恩蓋慰之
也然君維結悶歎之情必有不堪焉者咸于詩發
之一歲之間祇役者再其往來道塗及在郡所得
凡若干首走書寄我金陵猥以陳思定文屬我噫
余曷知文而劉君之文可譏彈哉旅牕閒聞披玩
數周迺作而嘆曰淪淪乎嘉藻也哉絕去陳言務
臻新境體裁於六代色繪於初唐怨而不怒其風
人之遺乎分梁則斷情於山陽之別登樓則眷心
于魏闕之恩嚴瀨則慕子陵之節越臺則懷范蠡
之勲仙嶺則託志玄虛梵林則寓情空寂省署則
春芳掩閣郵亭則夜猿擁條酬知則片言成信寄

遠則雙淚將心感草悲禽則易驚四運之改歌勞
寫憤則難消萬斛之愁觸目洩衷豈苟作者哉劉
君與余同爲郡諸生見其每試輒雋不再比舉進
士以爲不遑詩也及拜侍御出示平生課造始知
君爲諸生時已深於詩蓋窮探綠牒之經識盡丹
碑之字腹爲書笥而手爲筆海矣此集尤爲卓絕
非所謂激而奇者耶竊怪邇來縉紳苟一涉足藝
林卽擯落不容于世嗚呼冤哉五言起於漢而蘇
李爲稱首二人者功名氣節昭揭如是亦可少耶
人之淳漓其在於詩耶其不在於詩耶嗚呼冤哉
悲乎復何言詩以窮而工人亦以詩而窮也時有
梓劉君集於閩者友人黃姬水叙諸簡首
送膳部沈子擢廣西僉憲序
嘉靖三十有五載歲在執徐士雅山人鴻竄遐陟
滯於秣城鈎玄沈子以奏最復拜禮曹尚書郎病
舍於徐氏西園園多水石禽卉之趣招山人晨夕
游詠其中將請告焉草疏在袖而廣西僉憲之
命下矣命新下例弗敢請迺與病戒行山人送之
都門之外沈子感然謂山人曰事君者有獻身之
義焉病而弗事其事者病以身其罪小事其事而

曠若職者病以心其罪大吾寧病而弗事其事無寧事其事而病也桂林象郡古百粵地也雖熙洽漸被可稱善國而堯離椎髻之餘俗在焉士其嘯乎民其獮乎余司在風紀職在化導方病余身余懼余之病余心也子盍語諸山人曰嘻藿食鄙夫潛伏幽介久矣安知經國之事乎竊有聞焉太上以德禮教民民有格心衰世以政刑教民民有遜心故禮者天地之經也民之行也帝王宰物之大柄也禮者履也君子得之以成德禮者律也小人得之以防淫子以禮官而教焚俗 明天子有深意焉子行矣子欲淑爾士迪爾民舍禮奚適哉沈子曰唯唯否否吾聞以身教者從古之訓也余身未率禮奚以教人爲子言誣哉子盍語諸山人曰孝弟者禮之樞也故記禮者曰父子親長幼和而後禮義立而孟軻氏以節文乎孝弟爲禮之實孝弟立而禮行乎間矣沈子六齡失恃事厥考似葵君及今程母太安人愉悅承志鞭撻靡怨卒立身揚名以顯其親史王公維楨曰沈子閔損王祥之徒也友愛諸兄弟惇至急難禦侮不失其性及舉進士悉推所有田四百餘畝贍其兩弟及兄之二

子所存僅以供墓祭自甘澹泊而不悔史歐陽公衢曰沈子晏子范公之徒也沈子孝弟之行可稱述如此則禮沈子身有之矣奚教弗從淑爾士迪爾民聲明堯離而冠帶椎髻在沈子之身于是沈子渙然汗蹊然起曰敢不奉子之言以藥吾身吾病且已矣遂書以贈其行



黃淳父先生全集卷之十八

吳郡黃 姬水 著

壻顧 九思 編

男 嘉芳 輯

序十八首

雲門姑蘇二稿敘

劉歆曰詩以言情情者信之符也故有是衷本斯有是述吐自然連類合章會節協奏苟無根莖之深而敷條綴葉譬如胡人語越春鳥吟秋非其致也脂水之誚寧自今矣陽山宋侯秀資融朗博極

精掇探抉文固闢提理軸以甲科高第出宰茲土興利剔蠹三載政成琴不下堂花栽一縣訟庭無事時與郡中隱君子招遊詠歌聊以行國視昔章刺史皮從事宦吳之日延禮秀民觀覽賦詩者可謂異代同風矣雖猥陋如予亦廁下塵石門禪宇數奉晤言一日以手編二帙授予且曰非予知我誰相知定吾文此丁生所以有感于子建也噫先下人之德敢不拜承獨不曰劉季緒才不能逮於作者而輒詆訶文章哉迴環諷詠披對累日目翫雕采口味華腴不肯釋手受之先生之撰抒之

以中情發之以冲臆緯之以雅音心精詞妙質文兩盡詎若亡根莖而飾條葉者也猗歟盛矣四始六義之風備矣且情隨事遷言因感生模寫宣寄殆非一轍如山中方杜多美人遲暮之傷運裏停雲有賞心垂隔之歎飛步秦宮恪展獻身之義眷情魏闕長謠去國之悲弔古蘇臺每動遊糜之慨省方下邑甫諧馴雉之懷至如祗役星勞分岐雲滄靡不含毫託藻各臻神理其思玄邈而弗近以塞其氣昌達而弗窘以蕩其聲溫厚而弗厲以弱其詞滌濯而弗陳以剏其格爾雅而弗儉以靡準辭賦則楚人澤畔之吟擬古選則漢室河梁之句語近體則襄陽輞川之奧詣也噫昔張紘見陳琳武庫賦嘆曰可謂小巫見大巫神氣殫矣予於先生之撰尚安可以贊一辭哉然締觀作者隱居則靡殷情於竹帛懷祿則鮮寄興於蓀荃今先生之撰誦雲門之篇不知其為丘園時也讀姑蘇之什不知其為簪紓人也先生貞一之養又足徵矣或者曰先生少從大司馬雙江聶公遊殫心聖賢之學行當摠蘊清途樹立洪伐為宇內偉人彼詩賤小道曷足稱耶噫荷蘭將歸之操宣尼所不廢也

夫奚貶于是黃子請梓而爲之敘

代送盧兵憲擢四川大參序

嘗聞之其政悶悶其民醇醇其政察察其民缺缺至哉言乎此大道之行與三代之英宣尼所以喟然慨想于魯季也噫嘻天生民而樹之君后而建之藩守而俾之司牧輔佐以若其性凡有宰民之寄者在奉天以生民而已世衰辟興棄德禮而徵錐刀含鸞鳳而用鷹鷂刻者爲申爲韓而民之病者十二三矣酷者爲寧爲郅而民之病者過半矣曷躋乎休明弘美之治哉蓋醫師之治疾也實則

卷之三

三

以毒藥攻之羸則以上藥養之則鮮失焉今民之凋瘵其爲羸疾也甚矣羸而攻民之全活者無幾矣然則起瘵蠲痼不有望於仁人君子而仁人君子非今日之民之上藥乎民之瘼矣東南尤甚吳境瀕海人易爲姦番舶行私倭寇俶擾迺於蘇之太倉特設憲臣之隆望者轄之且豪巨之悍塞胥吏之請張承僚之汚墨訟獄之詭譎文符之煩猥非上德之吏罕臻化理粵我璞齋盧公關中之上哲也性資貞粹宇量寬和琬琰其心金玉其度孝友爲檢鏡所歸詩書爲儒林宗範華年通籍結綬

清朝令濟陽則著魯恭之化守中都則樹蕭育之勳及秉憲也南徐慰甘澍之望北薊騰安居之謠所謂仁人君子者非公也耶蒞政有頃治教大洽蓋鎮之以清淨安之以惠和以躬默化民以長者處官筭蒲之辱畏于鈇鉞閉閣之思凜于捷杙灑濯之示彰於擗發簡一之馭敏于典幹故不鳴桴而梗化者蒙寵不効案而舞文者心誅不批抵而敗官者顏汗不微纒而飾詐者情伏不倖愆而填委者神解混然恬漠四圻寧謐游徼不勞司疏弛警樓堞銷射狼之鎗江海息奔鯨之波大猷允迪庸勳斯建東南之民其有瘳乎使宰民者咸如公焉休明弘美之治可復覩矣仁人君子之庇民濟世固如是哉或曰兵以威克愛非以愛克威仁哉公乎無乃傷于愛乎噫兵刑之濫也刑禮之流也故法生于義義生于衆適合乎人心治之要也奚獨以威爲哉今也政舉平宜開於天部簡於聖衷擢序榮資徙節蜀省公以治吳者治蜀則文翁之興學張湛之富民當再見于今日矣其承乏戎幕荷公甄藻沐携示之教渥悃悃之惠方恨廉君之來暮而惜寇侯之去速也公行矣爲之賦南山

有臺曰樂只君子民之父母樂只君子德音不已
公行矣

皇甫少玄外集序

皇甫司直公詩文若干卷既登梓矣厥嗣秦樞復
懷所散逸曰外集將梓焉持以詣余授簡序之余
泫然曰司直公余王姑子也與先君五嶽山人東
髮同席余父事之少歲受知于公嘗侍談園牡丹
之讌酒間賦詩余後至有洛陽花色在不減後看
人之句公亟嘉歎焉曰山人有後也嗟乎昔蕙今
茅負公甄與多矣忍序其遺文哉皇甫裔出殷宋
代有聞人其鬱起藝林也則士安導源于晉代茂
致孝常潛流于唐年而尤盛于今日公與長公華
陽進士叔氏百泉司勳季氏理山司衡競奮鸞龍
聯輝花萼公與司勳特備典與匠心國手無以尚
之矣公天授靈懿性標朗澈覃思六籍博極羣典
咀含腴潤萃掇菁英雖感召情動而與會神超凡
有述造靡不精詣片言洩玄黃之秘一字爲川嶽
之珍泱泱如劉向深沉如子雲有辭人之麗而弗
淫有良史之質而弗俚信江左之才傑而海內之
文雄也若詩之體裁聲調則長公叔氏評在別序

允矣知言獨悲夫一宦陸沉淹留于仕路中身隕
謝迫促於年涯詩人命蹇復何言哉此雖外集亦
自罕儷蓋威鳳無垂音德驥無蹶步崑丘不產乎
賦硤鄧林寧植乎棘棘秦樞能禪公業品藻弗爽
夫豈阿私乎哉

金昌集序

夫高言不出於衆人之口亦不止於衆人之心知
斯二者可與論百穀詩矣蓋志以言宣言由人異
求啁啁啾啾於鳳凰不可得也求嚙嚙啗啗于衆
鳥亦不可得也聲不可假故言不可飾唯其人焉
爾百穀才性警敏志行脩潔閉影一室讀書譚道
高情勝氣風塵物表其視世上齷齪若嚙啗呢
輩不少回面一目也故發而爲詩則挈霞爲思綴
穀爲辭窮情極態盡滌氛埃直遊玄邈往往多人
不道語雖其遠到未可涯測而造述如是斷可鳴
世矣非若人安能爲若言哉沈開予以今之知百
穀者少也而不知衆人之心則然也嗚呼衆鳥常
有鳳凰不常有故曰大聲不入于里耳折揚皇琴
則嗑然而笑奚惑哉

倚蘭集序

嘉靖單闕歲玄月黃子去間已竄遐阻將采榮青山以老也弭霞軫於白門旅逢王屋山人相與晤言累日手持一編示黃子曰茲集也友人金陵俞元海氏命材鉅梓子其敘之驅坂者可與語勞瘁艾者可與語痛澹落顛顛與子同也黃子一再諷之泫然悲山人之志亦以自悲敘之曰昔仲尼遊於諸侯莫能用隱於谷之中見香蘭焉與衆草爲伍援琴鼓之作猗蘭操嗟乎明王不作而王者之香不采而佩傷蘭者傷道也嗚呼人而朱翟已矣苟讀仲尼之書爲縫衣徒者其誰不欲際昌期翼王室以仲尼之道康濟氓庶策功當代光光施於竹帛也其或坎壈不偶動輒垂刺爲時俗之所迫阨然則抑沉紆軫之情安得不假言以宣哉山人以穎粹之資藻縟之思篋中蓄書千卷肆覽精研鑄造偉辭以文章名家後復師事涇野呂先生西玄馬先生卒業焉山人於是乎聞道不獨爲文章士矣已而結轡撰行孤琴千里陟鴈蕩則思子長之遊登燕臺則慨郭隗之招歷下邳則懷留侯之勛遵淮陰則弔王孫之微渡采石則慕謫仙之放發爲英章無非寓目寫心以暢寄鬱結其辭爾雅

其義嚴正而憂憤慷慨之意每溢于言外殆西京之盛藻也山人之志可悲也已故凡不得志而宣諸言亦猶石激而灘聲氣搏而霆洩我弗與也竊怪今之人樂以文士爲浮誕鄙之誣哉噫心之憂矣我歌且謠不知我者謂我士也驕古則然矣若彼徒以富貴利達曰我不得志則其志回其言僞非仲尼之徒也文若干首命曰猗蘭集

金子坤詩集序

金子坤氏西域默伽國人也高皇帝握圖御宇亘地來王厥祖以歸義授鴻臚卿者始入中夏賜姓啓土遂爲金陵人至子坤父陽樂守東原先生以進士起家於是金氏彬彬文學矣子坤少歲與伯兄子有同門學才行交秀俱著名字時大司寇東橋顧公儒林宗匠特加甄藻榮問益馳蔚然江左子有領乙酉鄉薦蚤世子坤迺益游思墳籍極意述造通覽六締窮研五際發藻奮生之帷綴語妙君房之筆其於詩也古體非建安元康不涉于目近體非貞觀開元不挈于懷寒芳咀腴揚芬吐艷凡平生豪宕憤激愀愴之懷一于詩發之其氣弘以暢其辭贍以靡其調和以雅其旨邈以玄

鑄自精心可稱高手昔人謂陶靖節爲古今隱逸詩人之宗子坤其庶乎余交子坤二十餘載見其肆力于篇章方其壯也清華縱逸飛蓋則嘲風月鳴鑣則賦江山至其老也恬夷澹泊擁四壁而含毫撫一瓢而吮墨夫子坤不以老壯廢吟不以泰約輟詠其所得于詩者深矣余幼習聞先君所著典錄曰默伽國產龍馬麒麟及讀劉向西域傳曰西域多珠璣珊瑚虎魄壁流離今子坤生于中夏是卽龍馬麒麟珠璣珊瑚虎魄壁流離也乃竟終身淪沒不得與遠方珍異並登天府悲哉悲哉郭道人次甫以瓢笠之資爲子坤刻集集成子坤走書寄余吳門命叙簡首余讓不文書三至而操觚然豈盡知子坤耶

敝帚集序

吳興玄旻凌子梓其所爲文暨書而以贈言附焉命曰敝帚集百里走介命余爲序且曰首珠玉于瓊甌此帚不千金歟而不自知其握珠抱玉也玄旻髫齡誦典十四爲古文窮探四部綜覽百家掇其菁英醞釀沾洽有所宣述卽汪洋闊肆紆徐繁縟神運則萬言立吐必情則一字求工文法史漢

偉以麗也書準辭命嫺以婉也蓋立解獨照頓臻奧境矣嘗讀太史公自叙及班氏父子傳乃知還固著撰不過悉談之論就彪之業耳今凌子大父比部公父繕部公咸棟梁文閭而凌子克禪其學不亦盛哉以凌子之才爲鴻羽雉膏必矣它日見諸行事若一矢下燕片雨喻蜀抒歌清廟載筆曲臺以國華之選爲邦楨之用則此帚當掃除天下矣

青萍集序

辛未秋八月安子茂卿之遊燕也撰日戒行過黃子言別出示所著青萍集命黃子序之黃子迴環諷詠則俊朗新逸其氣豪宕其音悲壯其志幽憤賦準楚騷詩追唐雅茂卿攜之入燕也將與太行爭奇易水競寒天邑呈雄日闕映麗矣夫茂卿渥注之駒蹶足於始步卅穴之鳳鍛翼於一飛余旻扼腕惜之今讀其詩乃知其拓落不偶無足怪者嘗謂天之界人雖隆貴積富若無所靳至於一言片撰洩天地之秘則必使之拂抑也刺坎壈以終其身古今詩人之窮可歷歷數矣夫天之所忌在此而不在彼則詩固有出隆貴積富之上者茂卿

於天之所忌者既已得之於所未嘗忌者奚慕哉
嗟乎相如爲郎子雲執戟雖曰高才無貴士然不
爲無所遇也則是集也其茂卿之子虛甘泉也夫

青霞集序

毛仲章氏少失恃育於大父石峯公石峯公端人
也故才望似之髫齡諷典與兄伯華同學歲黉三
十跌宕二十年洩而爲言以逐日之步吐凌雲
之思每有述造卽卓犖偉偉滌埃滓而遊玄曠焉
吳自陸機兄弟以後崑山復產兩璧矣一日仲章
詣黃子出青霞集讀之曰是百穀王子序而梓之
携之而西者也王子以學士大夫知仲章者不逮
什一藉是緩頰公卿間使有聲聞王子余友也亦
爲是言哉夫詩在工不工不在知不知也苟工矣
不知奚病焉此揚雲所以俟于百世者也知豈易
言哉肉眼之所知道眼之所鄙道眼之所知肉眼
之所笑老子曰知我者希則我貴矣世之鈞飾芳
采者其詩孰與仲章哉噫嘻周人懷鼠以爲璞鄭
人買櫝而還珠寧自今矣王山人以仲章無銜于
時奇仲章於青霞之外善言仲章者也若伯華之
評擬之於岑王韋李間允爲知言矣余嗣二君而

言復何言哉先大夫東樓公與礪菴中丞公同舉
于鄉先子五嶽山人爲中丞公忘年交仲章寔通
家不爲溢辭云

遊梁稿序

山林皁壤寔文思奧府屈平洞風騷之情抑亦江
山之助信斯言也余讀金維良氏遊梁稿殆有得
于江山之助者哉維良休產也慕洛陽中邑嵩山
少室之勝褰足訪焉嘗從西亭宗正公遊宗正公
以上客客之三歲一遊遊必有詩與衛原孟中丞
前渠李憲副空石許左史諸公倡酬揚榷風雅一
時詩名動梁汴間亦盛矣哉今觀其詩孟門大行
其壯偉也三川大河其融盪也夷門芒碭其慷慨
也具茨緱嶺其超廓也芳林玉澤其美麗也茱萸
雀臺其淒清也昔司馬子長南遊江淮上會稽探
禹穴窺九疑浮于沅湘涉汶泗講業齊魯之都而
後論著成李太白抵趙魏燕晉西涉岐邠歷商於
至大梁復之齊魯淮泗再入吳轉徙金陵上秋浦
潯陽而後歌詠富孰謂遊無裨于詩哉雖然梁孝
王待士司馬相如鄒陽枚乘莊忌嚴夫子之徒客
遊梁善著詞賦此其遺風哉今宗正公經學孝行

聞于天下非梁孝王比而維良飾躬砥節且多藝不特爲詞章之士而已也

亦與堂稿序

夫文道之興也匪道弗載是謂虛車匪文弗行是謂蓄軫故工詞賦者雕章縟采而病微言之垂語性命者鈎驚研樞而乏絢藻之麗余嘗僭爲之論曰漢代無經生宋室無詞人甚哉文之難言也余讀思堯項伯子亦與堂稿其屬文也燁然華其造理也粹然醇蓋本之以淵源之學而發之以雋永之辭庶幾乎文而道者矣然豈無所自哉蓋永嘉

哲人相踵聞道之賢如王景山周行已劉安節者生于其鄉綴文之士如王羲之謝靈運顏延之者宦于其土風漸澤被千載不泯且思堯爲甌東先生之子嘗從荆川念菴二先生游家學箕承師門矩遺其所得不既深乎夫思堯以亦與名堂復名稿者以骯髒不偶冀天亦有以與之也而不知天之與思堯者則厚矣夫富貴貧賤皆天所以與人者然古之所謂富貴者以立功言也故曰崇高莫大乎富貴今之所謂富貴者以謀祿言也故曰富貴於我如浮雲嗟乎若但今之所謂富貴者思堯

之所得不與易也

杜山人詩序

夫詩者人心也有是心而假言以宣之者也故涉樂而笑言哀而歎者真也蘊悽而飾忻臆喜而貌戚者僞也僞不可以言詩也太史遷曰詩三百篇大抵聖賢發憤之所由作也詩可僞乎哉余讀杜子之詩則真也非僞也杜子結髮綜學屬文修正履方體若不勝衣而抱卓犖倜儻之志爲經生知名每部使校學藝輒謂功名可云云乃竟蹉跌不獲一第于是肆意聲歌凡其云云

詩發之故其詩也其辭雖惋而

調雖

平而意抑以沉其格雖正而氣

揚一句一字

咸出肝膈非徒務枝葉而無根荄云云深者也是則杜子之詩也咸曰揚雄曰詩賦小道壯夫不爲噫斯言過矣卽如雄言則今之稱雄者文章乎抑清靜寥寞也乎雄言過矣嗟乎君子得時則見諸行事不得時則託之空言故言者功之寓也苟駕而無功不若蓬累而有言也杜子之言可不朽矣奚以駕爲哉

夢遊桃源詩序

嘗讀陶靖節桃花源記而羨道真之仙遊也靖節書曰奇縱隱五百一朝啟神界又曰借問遊方士焉測塵囂外詫其爲仙矣武陵太守之好事南陽高士之欣往皆不可得徒爲千古之恨耳及聞卓仲房夢遊事益增問津之慨仲房夢涉大江登山谷逢漁叟摘桃實浩然長吟境非人間興寄象表所夢之地安知非桃花源乎嗟乎人生一大夢耳鄭鹿莊蝶夢之辨也安知道真之遊非夢乎又安知仲房之夢非非夢乎夫夢以精感吉祥之先見者也昔蔡茂陶侃微時侃夢登天門茂夢取禾穗後皆極貴顯仲房之夢桃源未必非侃之天門仲房之夢桃實未必非茂之禾穗也引齡裕祉漁叟已告之矣一時藝林咸異而歌之命黃子書諸簡首

白石山人郎署集題辭

嘗謂歌詠之道機妙一心性靈夙授匪由力致見融資敏則重口升堂識劣才凡則素毛泣路故塗謠巷誦縑細未諳而或采列于風騷碩學巨儒聞見雖多而或棄置于高聽有不學而能有學而不能也譬諸花花異態而同研鳥鳥殊聲而合響若

剪華索態刻鳥求聲詎可得哉白石蔡子之生也包山洩奧雪水浮英奇雋瑰瑋穎智絕倫獵書齋日邁江夏之文彊射策升年儷洛濱之子晉覃思藝苑遂擅詞場良由玄巧從心吐如宿構玉割荆山匪琢而瑩蘭生員嶠不組而文豈非所謂性靈夙授者哉郎署集者益自飛步秦官勸駕展黼黻之猷含香漢署給劄摘溫麗之藻國奉皇華弔汨流於千里堂推護草戀壠樹於三阡郎采南溟睇江山而發秀闕心北眷瞻雲日而舒情凡茲遭歷盡託瑤華且依鬱之情而吐之以宜朗之思馳軼之氣而節之以清婉之音冲雅之體而摯之以雕潤之詞故其爲言也明圓暢朗而沉以遠紆徐雖暇而壯以激華茂倩縟而典以法泱洽如劉揚華麗如機雲逸如公幹新如開府評古調則建安元嘉之苗裔擬近體則貞觀開元之墳荒去鉛士之恒幹超輪匠之秘機誠詩人之特秀而作者之長雄也先子五嶽山人寔君知友時迴綠竹之車眷言問律每誦黃花之句展爾賞音一覽茲編嘆詠彌日將序之帙首餞梓齋中奈何詩羨王融方勤題壁之念酒懷嵇散遽動過壚之悲癸卯歲除結

輟白下晤言及此悽惋惻心爰命小子嗣續厥志
敢忘斯文之蕪陋不敢忘先人之然諾云爾

湖上編後序

嘗謂詩才本於天學以充之已耳苟限於天雖學
亦難神造故有童而晤有白而俛俛者矣幼于張
子益多得於天而又弗懈于學其所造可知矣幼
于以城府不可居讀書楞伽寺中以楞伽去城府
不遠復入吳山頂最高處予在金陵時常作詩送
之暨歸手持是編示余余讀之歎曰幼于之所造
至是哉夫悅紛華者奪志逐埃霧者惰業故厚

我貨者潰我守溢我名者喪我實今幼于飛唯恐
其不高潛唯恐其不深履超曠之域棲澹薄之鄉
神與湖山會身與空玄俱餐沆瀣遊混茫一有宣
吐輒臻佳境余之詩曰詩成盡染烟霞色性定應
同土木容斯言符矣昔人謂山林阜壤實文思興
府屈平所以洞風騷之情抑亦江山之助然則幼
于之詩蓋得於天得於學而又得於山水間也

書黃典客漫游稿後

黃子性悅山水而牽於婚嫁然烟霞泉石日神往
也每覽昔人登臨之什當臥遊耳隆慶涖灘歲夏

五月皇甫司勳遊嶽還以嶽遊稿相示未幾黃典
客以此稿見寄典客蓋嘗學於司勳者也其遊同
其調同未可以丹素論也黃子一披覽間則雲巖
之鬱甍塵嶺之巉巖富渚之宏偉桐江之瀏深建
業之佳麗維揚之清淑長江之淼漫大野之泱泱
宛在屋下非有靜賞之致能賦之才安能窮情喻
志萃渙景于寸臆籠群象于片言綜寫英奇暢發
靈異以洩山水之秘若此哉司勳謂吾意之含彼
宜以蔚吾景之融彼狀以神庶幾無乏思無遺物
者乎余未識典客今誦其詩想見其人殆宜置丘
壑間者叔氏浮玉山人梓其詩命書其後

詠淚編小引

夫情變於中色移於外哀心酸惻淚翕而生此乃
根諸與隔出自真感禁之不能禦遏之不能忍啼
之者腸斷聞之者顏枯而不可偽飾也則是靡蕪
之怨何殊夫楊柳之嗟形管之思豈異乎長門之
泣哉至如過墟吞哭登山隕涕聆萬潛來讀禮泣
集青林擊凡白首號塗原也江皖玉則秋悲漢陸
長流晉亭俱灑愁四興於平子哀七起於陳王凡
若此者孰非悽怛隱痛之至惛乎此詠淚編者創

之十洲方子華山張子衍爲八章寄我家君遂同
此撰將使纏綿往襟對言而申鬱氣新抱舉嘆
而增傷爾矣茲有好事君子覽賞不釋圖鏤布傳
倘有連離判之辰握縫綫之緒者當必不終誦而
沾衣也嘉靖乙未歲冬十一月望日

書東白草堂集後

余讀東白先生二集而知先生之所養不獨嗟嘆
其詩不置也其作于蜀也獄獄天藩四牡將綸綍
之命然而休寵之日恒殷靡及之懷君子曰可以
觀矣其作于居庸也投身荒微廿年爲羈縻之臣
然而牢愁之中罔嬰無悶之臆君子曰可以怨矣
故凡履亨而所處困而戚者皆內不足者也先生
大父原魯公潛心聖賢之學爲世醇儒先生能繩
厥武上遡濂洛洙泗之源所養完粹有常變者其
遇也無常變者其心也故宣諸言者如此若但以
詩稱先生豈盡知先生哉余通家子也聊爲綴述
以復授簡之命云爾

淳父先生全集卷之十八

黃淳父先生全集卷之十九

吳郡黃 姬水 著

壻顧 九思 編

男 嘉芳 輯

書四十五首

與歐郡博楨伯二首

讀輶中藁金陵舊遊諸勝恍在目睫董祠記以春
秋爲孔子之政而董子相江都爲孔門政教千載
論廣川者所未發之旨僕何幸得附驥以垂不朽
也昨聞足下將過吳門無任翹佇僕非穉夜無以
來呂安之駕但爲武丘諸山靈相招耳

日月幾何忽焉徂暑嚶嚶黃鳥寔懷同心讀輶中
藁于役之中不廢遊陟許椽才情可以想見若詞
之溫麗秀逸則逢人說項斯矣苜蓿滿畦青苔蝕
壁廣文先生擁榻長吟與據梧隱几者同趣其高
牙大纛車馬如市符牒如雨厥心皇皇憂患者視
公所得何如哉

與李憲伯于鱗

竊謂丈夫不自樹立垂勲竹帛便當譔造一家之
言以貽厥後不作草木漸滅然學識未能享做徒

醜每誦公盛藻恍然自失若窮鄙之社聞鐘鼓而羞盆甕矣中郎撤藁君苗焚硯有由然哉先人志存經濟時命不遭晚獲一第竟不試禮闈其浮雲富貴憤世疾俗之心唯是遺文半篋而已得大文序之庶託不朽向年面諾銘刻不忘梓事甫畢卽持獻門下伏唯注意存沒銜感

與毛禮部青城

遠道遣倅辱損華札兼以高藻開緘迴諷如覲顏面緬惟白門睽違夢想勞結每風晨月夕未嘗不懷庾公也僕於庚申之歲言返舊林椎髻短褐閉

影纂藪與相往來者非農圃則神子漁父門無長者之轍寓訊無由遂致絕問心則十載一日萬里比鄰耳承諭鼓盆失珠之戚無任駭悼然以竺乾之空蒙莊之達視之咸適咸妄耳何足介哉我公當以此自寬矣僕年逾五十髮白齒墮蒲柳早凋夫復何言然松喬之慕老而彌篤邇寤寐石函青華之文頗有所得倘公剖綬山之桃余擘吳胥之麟願以相聞騎羊負局會面當有期耳

荅西亭宗正二首

辱損雲章長詭讀之千里如面恨不能爲長卿之

遊徒懷河間之館而已姬水嘗謂丈夫生世苟不得時卽當滅景慕秦遵詩人伐檀之義已矣奚復干諸侯爲我公天挺宗英人倫歸仰乃忘已虛懷獎飾寒鄉之士若伯鸞孝威非所敢當也慙汗慙汗詹祿翰林集先君曾爲哀輯當時卽已亡逸我公欲於人物志中作傳容博訪寄上不敢負不敢負

姬水江東賤士也甘心纂藪恥爲諸侯之遊雖平生夢想如公者生幸同天邈焉異縣弗獲一瞻符采爲憾辱公不鄙遠損藻翰謬加甄獎瑤編爛惠珍貺駢頒撫躬知媿緬肯宗藩如沛獻遂於經學而詞賦或歎陳思長於詞賦而經學未融公寔兼之且孝德通于神明義行薄于雲天誠帝室之麟鳳也艷美艷美敬賦崇孝詞一篇山林枯槁之什不足詠歌盛美聊見慕好之私三讓篇容嗣上承論書目篋中無之當采訪以聞

荅謝山人茂秦

僕素懶慢衰年益甚嗒然據梧與世都絕忽往遠訊恍若晤對孟門句注不覺爲遙矣誦諸藻撰說卽解頤詩多動魄良由寤寐李杜精靈來歸不假

模擬自然合轍耳剗剗布示方令紙貴奚云災水哉

荅沈開子

佻來得陽月六日書兼拜藻述僭評五文言解似莊索禹貢圖書似左序傳似司馬子長每覽子文回諷不已猶能燔籙炙珍錯異味雜陳於前不覺其食之饕且飫也竊嘗恨我明立國于時輔臣如宋學士諸公皆治習宋儒程朱之學盡廢詞賦專以經義取士由是濫觴百年間文體委靡卑弱其矣至弘德間學士大夫稍稍掘起將駕周秦軼

漢魏然而稱宗匠以主盟文柄者幾何人哉不意

乃

今

復見執事也執事雄健之筆殆天授它日以文章名世斷可識矣執事抱奇偉卓越之才負蕭杭個儻之氣文章不足以盡子也文章不足以盡知子也而執事乃以予爲能知子噫予淺夫也予誠不足以知子而幸子之能知余也昔越石父不遇晏嬰則父胥靡人也管仲不遇鮑叔則仲貪怯愚不肖人也夫晏嬰鮑叔之能知父與仲者蓋有出於胥靡貪怯愚不肖之外而知胥靡貪怯愚不肖不足以累父與仲也唯是可以語知已耳予學

不足以變昏頑之性德不足以挽大繆之辰舉觸悔尤動惟繪弋無上下之交有內外之譴忱悃憤憤漂泊流亡爲衆所謠詠爲時俗所擯棄予亦甘心爲斷木死灰已矣而執事顧曰生平論人不肯多屈一指而獨於予有取焉是必有以知予者而予實無可知也子過矣子過矣嗚呼千人毀之一人舉之其必有真可譽也千人舉之一人毀之其必有真可毀也何也燕雀之智多而鴻鵠之志少也斯可喻於人之知不知矣朱客部何翰林每見輒談高雅贈言未成容索之耳天氣沍寒唯自加愛不宣

與張幼于三首

主

集

與張幼于三首

邇足下讀書赤城山房諸友相餉僕病未能歉然于心菓二種肴二品蓮酒一尊奉雨憲獨酌剩石殘林可當主人耳

維天不惠奪君掌珠深爲悼惜但彭殤妄作達人齊觀且足下歲年何蘭玉之弗繁也僕嘗罹此荼毒者敢以慰足下足下幸自寬喻毋過戚自傷無益也慎之慎之

姬水頓首柘湖來奉手示殊慰然懷人得書則既

喜矣因書憶人其勞結何如書中繾綣多相思之苦懷非故人情厚何以有此感佩感佩但推與過實深自慙慙耳足下英年博記清文敏識馳騁驚世苑超絕無倫進可以華國退可以垂世此不佞素爲足下稱說者如僕之寒鈍坎壈賤貧老大無成濩落無用方視此生如肘上之枝肉上之癭欲決去之無徒累於已憎於人而不可得而足下每曰艷慕艷慕云是惑也承示陽山公集讀之信足棟梁文園則名其傍實荷附驥序文一經大手遂點鉄成金矣羨羨靈壚長公華山鹿田諸兄望道意聞華山有北上會試消息甚喜足下面間當爲之勸駕可也

與阮時濟

眷弟黃姬水頓首華山君侯先生門下幼予使來得榮示如奉顏而承起居萬福爲慰見懷佳篇整麗暢婉羈人讀之感鼻傷心欲出一語追和隨復袖手羨服羨服陰風撼木凍雨連潮孤獸夜啼離鴻叫墅此時念我同心潛焉出涕歲暮懷人不獨居者爲然也僕年齒漸衰百念彫落惟著述一事不能忘情逝將言旋故閭減景環堵肆討墳策以

譔造一家之言當與執事共之此執事素所勗我者敢不佩諸鹿門之期諒不遠矣醉後歌一篇請教兼呈鹿田壺梁以二兄來索近作不及一一書也不宣

與徐太守子與

自公之宦楚也則思心與楚遠也繼公之宦滇也則思心與滇遠也及公來吳則交謁不值焉悵悵悵恨屈原洞風騷之情抑亦江山之助公之遊楚與滇也常有巨麗之詞與荆巫雲夢蒼山洱海爭雄勝者惠示一二俾少文爲屋下遊如何

與凌文學玄旻

奉記後以積勞兼爲風寒所襲火疾大作遂爾困頓翰至知玉體未復益增煩憂所喻代作悼弟之什未能搦管俟病少瘥當更構一二塞命若六律恐不能也以無鹽唐突西子多更醜耳不若已之草草不具

荅倪月林

獲奉手訊宛覲光儀甚慰不佞自林陵東還習習十有八載矣不佞之念足下猶足下之念不佞也何時適長江登石城坐玉露山房發瓊笈噴玉屑

一餐沆瀣之氣也所委玉露山房詩不知命名之義爲方生所強漫爾賦上病中草草不具

荅嵎峽中丞張公

姬水勿承父訓粗習墳史非無四方之志而時遭大謬慕臺孝威孫登之爲人鑿穴編草滅跡慕藪者二十年于茲矣明公道聽人言忘分推誠招以求書遇以隆禮降王公之尊下匹夫之賤雖聖哲勤士何以加焉但社櫟非匠石之資學術不足以備咨問文藝不足以效鈴槩何以仰荅明公盛心乎此姬水所以日夜撫躬而汗顏者也急景不停習焉歲謝偃仰空虛慕德興懷敬賦蕪辭四篇北而稽首齋獻臺下伏惟我明公進而教之幸甚幸甚

與陸山人夫從

草堂別去擬仙棹卽日發矣豈意信宿虎丘恨不得從諸公豪飲悟石之下徒誦明月秋扶一塔孤之句而已得臘月八日書知足下觀濤海上始信高人之蹤如鴻徙鵬運下視不佞猶槍枋之鷗耳與瀾石書果拙筆也足下以爲廢者豈伯英妙蹟舊觀不復抑子敬佳書謝安不賞耶

與瀾石

昨海上書至甚慰但龍光乍握而冰雪之姿邈不可卽爲之悵慨邇者知與夫從登狼峯觀鯨濤睇日出便欲躡足聞風拂髮若木恨不能假翼與俱耳唱和高藻不靳惠教前寄惡札夫從以爲廢夫物有真贗如玉真也石贗也玉有廢石無廢僕書石耳何贗之有以爲贗者玉視之耳一笑來使鶴立草草不盡

與梅潭張長洲

姬水里中賤士也滅景慕莽甘心清壑素矣迺辱明公謬加甄藻命効鈴槩自分謏劣不堪供事腆儀下頒無任凌競姬水自棄諸生以來椎髻短褐不敢涉趾公門謹北面稽首拜賜伏惟尊慈矜宥不宣

與顧中翰汝和

曠隔經歲眷想用勞忽接榮諭殊慰翹緒足下杜門著書僕復民迹蓬蒿無緣晤對良足悵歎家弟清甫久荷隆眄兼以醇規友道之厚一至于斯肝膈之言藏之心膺恨易衣併食之日不能爲之謀耳承貺閣帖重逾金玉當永爲寶寶矣載謝

與朱孝廉邦憲

睽違彌遠傾想勞結山川阻曠無緣言嫺良足悵
慨足下德林冠冕文囿鸞龍覽沈嘉則序諸篇歎
述不去口僕家貧累積學殖益荒奈何奈何家弟
來聊附尺書一承動靜言不宜備

與卞西宗室

忤來辱損華牘兼以社吟遊詠之貺莊誦之餘藻
續盈目殊珍悅口如登梁臺而飲楚醴也艷羨何
如授簡之命敢不祇承但山林枯槁之言不足爲
重有元英雄文便欲撒蕤西遊引侯稍豫爲之序
與灌恩軒詩同呈教耳先人捐館之日僕臥蓐瀕
死平生所蓄異書一旦散盡范註孝經無以應命
奈何珍簞登領寤寐雅德對使作狀不備

上武岡王孫少鶴

姬水幽介賤士滅跡秦莽甘心溝壑者有日矣仰
辱 英王忘 帝室之尊渙頒藻翰千里雨幣以
全楚通志自 憲廟以來尚闕編載茲將開館國
邸給札仙臺延納鉅公鴻士遴舊章構新紀舉
四朝之曠典成百世之信書誠不朽之盛事也姬
水雖至愚願一登龍以希附驥但述作必待乎賢

人筆削當寄之史匠有通達之識而後撫事精詳
有華美之文而後立言久遠若姬水學既淺膚辭
復蕪陋顧茲授簡撫已銜慙且婚嫁未畢尚平之
累方牽疾常嬰孽虞之時大繆不能遠涉道塗
趨赴嘉召慙負隆眷悚汗無已徒使長卿引領於
梁國公幹馳情於魏坂非固避陸通之金寶不敢
當穆生之醴耳腆儀敬用完璧罪實不恭伏惟宸
慈原宥惶恐奉啓

與姚禹門

不面在昔勞念可言雲泥一隔會面難期空谷朝
霞千里想見聲色耳

上蔡兵憲春臺

夫郡之有志所以紀方輿述文獻封域山川之所
由奠水利兵防之所由設戶口田賦於是乎考人
才風俗於是乎稽蓋乘書乃邦國之急務而姑蘇
又東南之大郡尤不可無志者也吳中紀載之書
自子貢之越絕范曄之春秋以來則張勃有錄陸
廣淵有記曰圖經曰紀聞紀事雜見而未裒成帙
也至於范端明之吳郡志整則整矣而未免挂漏
之虞廬舍人之蘇州志贍則贍矣而不能無訛繆

之失厥後姑蘇志則始於吳文定公寬終於王文恪公懿蓋會范廬二書而折衷焉者也然文定未成而告徂文恪甫成而趨 召雖二公亦不能無遺憾焉且正德以後迄今未續時更二世事閱三朝其文章制度因革損益尚皆缺焉恭遇明公建旄茲土以霜臺而布陽和以戎政而敷文德疆徼謐清當偃武修文之日國家閒暇正興廢舉隆之時維時郡志所宜編纂伏乞延禮鉅卿旁求鴻士必有介特之行通達之識綜博之學陽秋之筆無愧良史之才者寄之以述作之任焉庶成一郡之要典爲百世之信書鋪張太平裨益風採甚盛事也

與王元美

穆太公詩課完久矣漫書傳後真續貂也沈書偶有米顛之癖雖平生愛敬如足下且不能割彼挂千金劍者何人哉余誠小人也然終當以義勝制情矣唯足下需之對使占復

與張中丞峒峒

姬水處空谷據槁梧門無轍迹室有網塵孰不弁髦其人也乃仁君不我遐遺降以溫劄重以腆貺

使臨之日謹北面跪讀稽首拜賜竊惟周之雖有可受之義而受之寔懷素食之慙報酬無地徒自書心而已犬子學本鹵莽不見錄于有司分也尚誰咎哉然明公栽培盛心則感激無極矣仲楮無任悵惘之至

與十岡嶽伯

秣陵一別各各逾紀矣姬水滅迹空穴無階通問睽離日遠夢想彌深辱損榮示恍若雲隆誰謂大丈夫相知果在接塵而遊哉伏讀嘉藻騷雅之匹紙微墨淪猶手之矣執事父子款向昆弟機雲門業之虛獨擅一時敬羨敬羨小壻顧九思初試繁劇夙夜祇懼清白之操雖不佞所素勗而吏事未諳唯執事提携之幸甚

與仲融

長公來獲奉手教兼以珍藁文章燦爛赤城霞標恍落屏几華章溫諭推比太過不敢當不敢當讀合溪序錄泛然置我雲霞衆矣方抱怔疾未能追和稍能抒思卽同風通併呈教也所委書紙謹上二十幅辭既蕪累筆復醜拙昔人有嗜土炭之癖者足下之謂歟足下伯仲儔才朗識競秀詞林所

望驥足雲路奮翼天池丘壑洵美勿終盤桓山川
悠悠書往神馳

與胡秀才

承親友損貶貧無以荅尸惠者數年于茲矣繼自
今不敢拜命之辱謹附使完璧容面謝不宣

與汪中丞

不佞言不文人不足重奈何虛辱授簡之命哉邇
者婚嫁已畢饘粥稍足自給不敢復事筆研以敝
帚享也來儀完璧容面謝不宣

與陳淮安王叔

遠辱榮示不遺幽介惠好載申感誼良厚捧誦新
藻珠璣盈目古云楚人多才信哉及讀尊君江閣
嘉編則公家父子誠歆向彪固也而以文考烏童
目不佞過矣蘇瓌有子李嶠無兒非公與不佞之
謂乎蕪辭媿非瑤音之報腴貺祗領一發面赤

與屠田叔

覽楚騷協韻及讀騷大旨諸篇深契靈均千古之
心匪特苑其鴻裁獵其艷辭而已原悲國人莫之
知而千載之下知原者復得田叔孰謂古人有不
同心哉世人但知讀騷而不知協韻夫協韻者古

今人文自然節奏至於騷雅尤不可無故讀之使
人動魂出涕之感創焉者正以此也田叔獨知之
然知田叔者唯黃生平序文勉綴塞命蕪累之辭
真著冀佛頭矣

荅謝山人茂秦

辱榮示兼贈藻什未獲傾蓋卽締久要顧僕委謫
何以甄錄于大君子之門耶昨歲歸自金陵湮阨
老賤之人羞著冠裳恥與俗人言閉影空廬謝客
却掃椎髻短褐畢志經鋤門無長者轍跡欲致一
書莫爲之郵坐是闕報心則曠然日馳淄澠間矣

邇者復以所著詩帙下教猥以定文屬我余何知
哉余何知哉是猶呼聾瞶之人而使之察色辨聲
也竊常謂歌詠之道本諸性靈有是衷本斯有是
述吐故言也者言乎其人也非可以貌飾也足
下天挺秀逸襟宇峻朗以布衣雄一世抗節有王
霸之風赴急有季布之諾東尚有孺子之清故氣
洩而意逸聲宣而理愜誦之穆如味之腴如者也
夫近體始于唐而獨擅長於唐開元天寶格調高
矣大曆以後情致備矣今之操觚之士倣盛唐者
格則高而律或未細效中唐者情則備而氣或少

劣足下蓋實兼之殆體裁李杜而包括錢劉者乎
一章之內離既鮮駁一句之中文亦罕類反覆諷
詠無可譏評但窺管之見吹毛之論或一意雷同
竟見諸篇全首平善都無警語如此之類更裁定
之何如病中草草卒業僭加丹鉛唯大方恕其狂
悖幸甚

謝吳門高士篇

姬水伏跡溝壑沐浴大父母膏澤有日矣但漂泊
湮阮之人自甘蓬藿之逃媿齒衣冠之列不敢輕
謁公門以觀大君子精光唯安於耕鑿爲春風化
雨中一擊壤之民而已伏蒙頒賜多儀祇領之餘
省已懷慙至標以高士之目是以蹄涔而準滄海
燭火而並太陽汗眩不知所云足瘍不任行履敬
遣弟生員黃文水齋狀叩首臺下以謝伏乞尊慈
矜察宥其狂悖幸甚

與養齋嚴相公

姬水溝壑士也序長者車轍過存窮巷此雖威德
不遺細小而區區感惠之情自不能已僕嘗一謁
門屏而兩過高軒未能數數候起居者蓋老賤之
人披裘帶索髮白而縐屏闕趾見賓有靦汗出故

寧有慙不敢大踣影取羞也伏乞大人君子諒余
心于形迹之外不勝幸甚

峇午山少宰

姬水委瑣碩鉤荷蒙甄陶誦先王之言慕聖哲之
義思欲跨騰風雲焜耀竹帛以仰荅我公造就之
恩然翼未奮而先鍛足未驤而先蹶雖卑棲驚步
之所致抑亦時之大繆也我公遭明盛之時處卿
相之位毗一人正百官握樞運斗斟酌元氣以惠
元元朝野拭目想見太平而浩然拂衣玄髮滄洲
矣雖清風高節飛照華裔今 聖天子廓帝紘恢
皇綱夙夜圖治伊傳周召未能終處江湖也翹車
之招拭目以俟姬水一違台範俯仰十五年矣望
德馳情寔勞夢寐但溝壑之人絕意世紛椎髻短
褐以事灌園門無長者之轍欬一修候誰因誰極
昨歲郭侍御以分題命劾鈐幣爲我公壽蕪累之
辭僭呈玄覽方將以狂悖獲譴是懼廼辱遠損榮
示兼以珍貺祇領悚仄山川阻修日月迅邁奉晤
未期豈勝忉忉倘杖屨東遊俾得再侍精光聆聲
欵此生之幸也竹望何如舊作數篇呈師門改竄
兩漢紀一部容易爲獻草草跋復餘唯順時珍攝

不宣

與大司馬蔡子木

僕天地畸人物情所棄終身坎壈老而愈困無足
爲左右道者但丈夫生世不能取功名自見于時
卽槁死已矣安能以裘索之服憔悴之容于諸侯
取人憐笑故寧杜門減景窮餓而不悔也恭聞超
羅木兵之任喜躍無已方今南北三虜爲患孔棘
得執事德隆望重者與尚書楊公正人君子協典
機務自當消弭醜類不恭之心昔溫公嚮用外夷
戒勅邊吏曰中國相司馬矣胡馬不敢南牧我吳
民二三年間得免兵革之苦皆執事之賜也渥著
唯爲國加愛不宣

與徐汝寧

徂暑一別忽焉杪秋撫辰懷遠增其歎惋比來道
况想益融釋肯荀爽貽李膺書曰方今天地氣閉
大人休否願怡神無事偃息衡門任其飛沉與時
抑揚之數言者敢爲足下誦之鄙人平生坎壈老
而彌困雖身外事一無嬰心但數口衣食之計未
免俛首役形于宇宙間良足媿恨分韻詩尚未就
以諷詠高藻及青州伯仲諸君之什每握管便欲

拙稿奈何奈何

荅張虛江給事

姬水伏迹溝壑甘心枯槁結縉之中腫瘡之色無
所營求于人人亦不見齒錄久矣廼辱執事繆加
甄藻未奉半面千里遣書以締久要此執事必有
知于僕而僕亦不敢自外于大賢之門也執事宰
邑則稱慈父立朝則稱正人僕與鄉人每語及執
事咸稱執事爲長者則執事誠當代第一流人以
若人而莫之于棄則又私竊幸且喜矣掩關塊處
人事曠廢且無風便闕然久不報

與王進士沂陽

兩辱誨示足見肉骨之誼與先子非生死交無以
及此每讀輒感激流涕先集去冬梓成特遣童齋
請勘正先集信今傳後當不朽矣然知先子者莫
如足下足下先子之桓譚也僕之選刻固人子分
內事遲遲者務精耳非有他也被訕口者謂先集
謂未必傳謂僕爲冀顯者助譬諸井蛙棘蠅何足
以知何足爲累哉亦何足較哉其舊板所刻雜著
入之集中似不可棄之尤不可茲以類標目各自
成秩曰象令考曰吳風錄曰河記曰理生玉鏡曰

易繫精義今欲補刻者曰西洋朝貢典錄曰黃氏定易曰老子玉略曰張氏興亡錄曰會稽問道錄曰東室寤言曰懷賢傳凡十二種合爲黃氏外集刻成者先寄奉覽僕平生坎壈太上之立一無所成忽焉皓首唯了此一事死即瞑目矣聞發憤時義必欲爲梁曾二狀元之事以舒洩鬱積姬水幸甚

答趙相公大洲

奉違台範一紀餘矣曩客白下公以吐握之勤下禮賤士矜睎間駕馬價重感激知遇愚心不忘庚申之歲携家東還滅景空廬日以周孔之書自娛暇則耕龐公之壠采梅生之芝樵髻短褐與世都絕自是藜藿之墟無長者之轍夢想徒切瞻敬無階恭承我公際明良陟台階以宰相兼御史大夫之任咸謂論道之人而爲執法之吏非所宜處殊不知皇上在東宮時目覩吏部都察院聽命於宰相故以宰相而爲吏部都察院此皇上獨斷之令典而大聖人作爲之微權而一二明公又能精白一心表率庶寮進退百官化殘賊而爲長厚變鷹鷂而爲鸞鳳天下蒼生並受其福然而爲

臬爲守爲令未必盡副德意者何也嗟乎官人在哲知人寔難或貌白而衷墨或始廉而終貪或小辭而大受一人之耳目安能周四方之視聽哉愚嘗謂黷貨之人不刑以重典不已蓋黷貨之人將以奉其身也身不存矣奚貨之黷善乎涓崖霍公之疏可行也魯女舍其織而憂用晉宰不共七而知防狂悖之言勿加譴責幸甚

與謝山人茂秦

吳客來惠我華牘寄我藻篇荒落之人遠蒙存錄感戢無已足下行譽詩名播滿寰宇賢王築臺諸侯走幣誠一世布衣之雄也僕滅景秦數屏處蓬蒿門無長者之轍所與往還惟韋帶枯衲而已僕竊謂人生不能自致青雲則亦已矣安能附青雲之上爲哉此僕迂僻之性不敢爲通方君子道也

與王邵侯

姬水伏跡秦莽門無長者之轍不敢越分論禮也如明公者雖身遊德化徒心切景慕而已乃辱降尊臨卑輕身先於匹夫千旌之詠傳播四國嗟乎文侯之于千木仲舉之于徐穉古道不作久矣姬水何人也得此于明公哉高誼鄭重感激感激但

惟警短褐不敢伏謁公庭謹北面稽首大門之外
遣弟生員黃文水齋狀叩謝臺下伏乞台照慈宥
幸甚

與張別駕

邇辱校讎之命卽迴環諷詠首冊不日卒業矣及
覽第二冊則病甚目眩不能讀乃召家弟河水於
榻前令渠朗誦余則靜譯至於聯篇之賞會或片
字之譏評皆竭自愚衷而輔之以家弟之揚確者
也若以疾故漫不加定竟付之家弟則不佞不忠
于左右甚矣豈敢哉豈敢哉其所揭之票所上之
書所呈之詩皆門人邢生所書可詢也家弟不以
直告公而爲之辭則是爲凡不當隱而隱過矣過
矣聞言駭汗深慮獲戾輒布區區唯照察幸甚

黃淳父先生全集卷之二十

吳郡黃姬水 著

婿顧九思 編

男嘉芳 輯

記八首

重修蘇州府學記

大中丞我渡陳公之撫吳也鎮以簡靜綏以惠和
自僚咸憚萬姓以輯江海不波我園孔謚於是表
陳羽箭載迪文教昭昭厥音躊躇厥泮訓經講禮
之暇徘徊廟宇召諸生曰宣尼爲萬世道學之宗
則文廟者吾儒之大家廟也忍視其頽而弗葺哉
且以宰牲所舊在廟之東隅則又曰東生氣也而
屠割于斯焉是以殺承生氣也盍徙諸於是檄有
司計之出贖金遶二邑之富民董之蓋前爲巨猾
所侵常十之四其功易廢也廼度地準繩購材鳩
工卽學之儀門之右南面爲宰牲所東西爲神厨
撤博士廨列于道山南簾俾各奠攸居於是廟祠
門廡齋廡室閣以至亭圃坊垣靡不振墜繕圯剔
蕪飾凋經始于隆慶辛未季春之吉閱三月而告
成宮牆之高宗廟之美煥然鼎新矣嘗考乘書郡

學建于宋景祐間文正范公嗣後代加營柘若我
明牧守則魏公觀以下至徐公讚凡十四人臺臣
則孫公樂以下至公凡四人崇儒右文功豈在文
正下哉粵古君人者之于農也制田里樹畜以養
之則必設庠序學校以教之於兵也出則受成於
學反則釋奠於學以訊誡告學爲君人者之先務
尚矣公寔有農兵之寄者首加意于學也知本哉
先是公夢一周姓者與公乞衣及視學之日得斷
碣露臥于名宦祠藁莽中乃文襄周公忱像也公
懼然昇而屋之於來鶴樓後夫文襄於 宣皇帝

代蘇州府重建堂庫碑記

隆慶三年歲在大荒落之餘月郡治重建堂庫成
君子攸躋士民胥悅廼屬余記之曰粵惟郡治肇
自 國朝吳元年加闢於洪武二年至 英廟時
則增構於况守鍾林守鶚 世宗時則改建於王
守鴻漸鍾守鑑越三十有一載正月庚午災郡守
蔡侯亟用締造請於督撫林公召屬吏計之則曰

費若干緡召耆老計之則曰費若干緡卒如耆老
之議者從省也於是審材用則取諸帑藏之餘鳩
徒庸則取諸輿走之際期令靡煩攻治弗怠前堂
凡若干楹後堂凡若干楹如制鼎新若榱棟之弘
壯煥煥之美麗圻築之堅緻逾於曩昔豐盈架閣
二庫舊與堂接今則別創一區不假寸木悉以甓
爲之若寔然此出自侯臆蓋深長之慮也茲役也
不擾民財不勞民力民咸子來經始於二月癸巳
落成于四月壬辰何如其速哉良由侯之泣吳也
以聖學造士以王教迪民恭儉是率繁苛是蠲民
戴之若父故視公事如家事爾下之義寔上之仁
有以感召之也君子曰可以觀治矣夫堂以聽政
也然堂上遠於百里堂下遠於千里防壅蔽也庫
以藏貨也然王者藏於天下諸侯藏於百姓戒培
尅也侯則達民之情而導民之利者也豈徒建是
堂庫已哉余敢以是爲後來告其謀度則某某採
辦則某某護作則某某云

蘇州衛武進士題名碑記

夫兵者國之大事然馭兵莫先於擇將擇將莫要
于選舉古者兵農一途文武一道外而折衝之士

卽內而密勿之臣也厥後岐而爲二於是有選將之目焉然有選材力武猛能引強蹶張者矣有選材力驍捷善馳射者矣我明則有武舉之法自勲弁以及編伍自黌秀以及衆氓咸得充試或六年或三年每文舉之後則都御史御史試之擇其策畧弓馬之優者以貢于京師天子命廷臣覆試之擇其策畧弓馬之優者以獻于天子而官之曰武進士凡擁旄授戟列侯上將皆由此出也我蘇自洪武迄于嘉靖二百年間登是選者纔三人耳厥維艱哉盡思效忠規武節以仰副國家掄才之盛心斯可矣然晉侯謀帥而用詩書之郤縠衛青招士而舉方畧之克國武猛驍捷敵一人者耳不足尚也余嘗莊誦歷朝武舉詔制若英廟則曰通曉兵法謀勇出衆者孝廟則曰文理優韜畧熟及射中式者又曰先策畧後弓馬則祖宗取士之意豈專在武猛驍捷哉昔唐視進士科增置武舉而得郭子儀宋視制科詳定武舉而得高志寧令狐挺卒能勘亂禦侮策勲王室今之登是選者咸口詩書腹方畧安知無郭子儀高志寧令狐挺者出於其間乎何君萬鍾等伐石紀名請余爲之

記

四友齋記

雲間何元朗氏拜南都史官之明年以桑梓懼寇廬爲墟遂家青溪之上復卽舍傍隙地疏池藝竹構屋三楹以栖鍾阜納雲東澗灑瀑石林蘭術感紆遠索雖在帝邑曠若樵垌漁墅間也中設一榻榻上列維摩詰所說經莊子白居易集元朗嗒然隱几與之神遊而冥契焉敷之以照襟誦之以晤言枕之以夢寐不必出門定交而賞心在前矣命曰四友齋授簡黃子俾記之蓋元朗友維摩友莊友白而黃子友元朗也說者曰維摩病莊放白俚元朗精誦六經旁羅百氏束髮卽談名理抱經濟慨然有軫國佐王之志其文章非秦漢人語詩歌非魏晉唐人語口不道胡乃耽翫於空寂徇狂之說而下披乎卑弱之辭也悲夫人知元朗乎哉元朗經濟管樂而不施于當時文章班揚而不錄于有司坎壈骯髒白首淪于一官非元朗志也則其鬱沉佗傺之情當必有所託矣故維摩詰經者不思議者也莊子者無會而獨應者也而白居易之詩曰本是無有鄉亦名不用處行禪與坐忘

同歸無異路則亦詰與周之徒也故以天眼空色則役智于嫉恚貪癡羣礙恐怖顛倒夢想者悉障也以大觀齊物則闔心于喜怒哀樂慮嘆變熱姚佚啓態者悉贅也況詩賦小道曷復逞于雕龍刻玉爲哉故元朗之友維摩也友其病也而非病也其友莊也友其放也而非放也其友白也友其俚也而非俚也人知元朗乎哉或曰元朗華問望于江左且玄鑒絕倫不藏人善海內士莫不願奔走結納於元朗之門而友若斯不既狹乎嗚呼友豈易言哉昔禰衡遊許下陰懷一刺既無所適於是刺字漫滅侯君房欲友王仲回仲回謂其子昱曰君房有是言丹未之許也夫友道之難果如此則元朗之所友又何足怪者黃子友元朗故知元朗作四友齋記

東山茶所記

盛仲文氏買田東山之下闢一丈室疏泉藝石日諷詠其中客至手烹嘉茗作供匾曰東山茶所一日黃子與客造焉據梧啜茗逍遙晤言客問黃子曰士君子用世之志視平居所爲何如耳仲文殖學砥行抱用世之器當及時策足以獵取功名若

摘芳煮冽以稱仙成癖者乃遁棲閒曠者之所爲而仲交亦爲之乎黃子曰噫嘻汝朝菌之智而夏蟲之見也烏足與語仲交哉汝以就黷伸俚絀章繹句三場二試窮年兀兀者果皆儒乎而以搜神剔怪談空覈玄精心雕龍汪洋藻翰者果非儒乎汝以口道忠信身被廉潔硜硜皎皎應繩投矩者果皆賢乎而以性疎意曠落落跣弛儻蕩蕭杭不檢不羈者果不賢乎汝以掇青拾紫結駟連轡氣焰熏轅臯臯珣珣者果皆才乎而以落魄失業窮遊約處顏色腫瘡瘡瘕瘕者果不才乎夫隱顯者遇也貫隱顯而不易者志也故無康濟之志者雖有其貌賊也有康濟之志者雖無其貌仁也君子仁焉已耳奚貌之取也安知仲交不託志于茶乎他日仲交之爲世用也意者將苦諛之耳也乎將醒衆之醉也乎將蠲民之病也乎然則仲交之於茶也是故遠有取焉而未可量也汝烏足與語仲交哉昔謝傳之臥東山也着屐登覽以山水墳籍自娛若無意于用世者而拒秦安晉卒東山着屐之人安知仲交之不爲謝傳也故不曰茶所而曰東山茶所是則仲交之志也已客曰余誠淺夫

也曾不以與此請書以爲記

青溪田舍記

青溪田舍者怪吾王子寓金陵之所築也金陵古稱佳麗地而青溪尤擅勝焉溪自吳鑿有九曲連綿數十里發源鍾山洩湖播溝以達于秦淮前朝開族多居之王荆公詩云昔時江令宅今日段侯家是已昭代創建天邑青溪爲廛市車轍馬足爰其墟非厭黨埃樂林阜者之所栖矣循溪而南出禁城外五里許窈乎迴陌漠乎神垌山益深水益幽遶索決滌之區是則王子別墅之所介也墅環以溝溝上樹桑棗榆柳蓊鬱匝布別自成壤溝內有田田上有池池上有園中構三舍舍凡三楹堂寢雖不宏大而繞垣周屋曲有奧思蓋宅崇岫蔭茂樾塞高霞玩流泉悠悠會心矣登舍而望雖瞥目可盡然椒塗蘭術般紆衡折若中宿而後至者也厥田畝百黍若干鍾厥池畝十魚若干石厥圃千畦果章百頭竹竿萬箇牛蹄角幾羊足幾僮指幾一歲之入僅足以爲一歲饘粥之供王子讀於是稼於是優游卒歲不知金陵之非家也余與王子同避寇來金陵五閱歲不忘家林之思而王

子去住無著無感感兒女態余每嘆余之不及王子也蓋王子世其兩湖柱史公之學精誦強記該綜群書而陋章句之習道流釋部摩不研覈獨於禪觀直超頓境故以家視金陵金陵寓也以身視家家寓也以性視身身寓也山河大地皆性中物去住奚擇焉嘗考昔人流寓金陵者劉宋則有雷次宗蕭梁則有劉紆次宗築室鍾山西巖下謂之招隱館紆與阮孝緒劉歆爲三隱築室鍾山有終焉之志夫當其時擁高貴居大第若所爲江令數侯者不知其幾皆漸滅無聞而次宗與紆環堵之宮人至今頌之噫果紛寂孰多也然則王子之田舍雖荒涼岑落之中安知百世之下不與雷次宗劉紆並傳也耶作青溪田舍記

凌虛閣記

夫玄曠之士非炎濁界所可居靈秘之區非生死身所可到豈曰心生取舍寔乃人境冥會者也故習禪之輩必就名山夫既背俗乖世自當暴足重巖高形絕石矣凌虛閣者沈居士棲息寂觀之所也古稱陽羨佳山水而山之神秀者莫若荆南荆南峯巒潭洞瓊異固多其遼鬱幽巖擅一山之勝

者莫若龍池龍池之寂奇處則凌虛閣也蓋始入龍池兩山環合如峽盤紆坂歷重澗而至下龍池寺前有桂樹二森挺絳幕相傳爲唐時所植杪櫺樹一爲龍出入所憑爪其膚膚剥者五之二壤奧故產殊也又折而上曰中龍池寺圯鞠爲林谷又折而上曰上龍池有禹門禪院其中長松修竹之翳蒼飛泉怪石之輻輳石菊天竺羅生于庭芝草芳蘭交蔓于逕至是則地若絕行若窮悄愴窈墨非人間世矣由院後循一蹊攀懸磴陟崇巘則豁然廣平乃龍池之巔也巔後峻崖千仞上摩切天

下歸無地石梁橫跨卽其隙而閣焉殆造化造神營

也

閣

公之室始豐瀑布伯玉信宿於僧從之廬寧有道俗之分哉

雙塔禪寺重修殿記

蓋聞造寺創於伽水闢苑肇自耆山迨竺經一譯於摩騰而蓮剎遂彌於震旦良由聖靈周遍於百億像法皈仰於大千上自王公下逮士庶莫不躬禮支提心依正覺若此精藍寔標吉上建自李唐拓於趙宋王居士兩塔之營衣無縫之妙果徐提舉千田之給樹最上之善根賜書璀璨於琅函題額昭回於銀榜香臺迥奠複殿高驤樹借檀陰峰移驚色地爲蜀國舍卽毗城矣嗣後妙思抒記之日迄今本清改構之年善勝崩淪禪宮銷歇寶地鞠爲蕪蕪金容毀於風雨迺有德盈上座任振復之謀祖曉道人爲募化之主莊嚴倍於曩時經始成於不日但殫心以締勝因而回首卽同壞劫方頌美輪遽嗟桄桷茲焉不葺便成廢墜於是德盈亟捨鉢貲兼募檀樾揆日準繩礪金礱石蕭宮再飭梵宇重輝飛甍巖巖以連雲積拱嶙峋以納日鏤檻虹盤雕檐疊舉山縈繡栴芰統璇題高僧是萃淨行攸居梵伎與寶鐸齊鳴天花與芳蓮共發

一躡悲宮咸離火宅芥域常固福業恒新光承東
壁燈傳數比於河沙釐祝北宸圖鞏永同於山嶽
助修信士並列貞砥云

黃淳父先生全集卷之二十一

吳郡黃姬水 著

壻顧九思 編

男嘉芳 輯

文 說 露布 織貢圖箴

敘劉將軍淮上平倭戰功文

黃子避寇留滯秣城恤恤乎旅處也一日江子民
瑩造黃子曰汝聞淮上之捷乎爾知劉將軍之功
乎謂黃子言狀黃子曰嘻有是哉若而人也卽詩
書所載若而人者以不獲親炙爲憾今並世而不

一覲之乎翌旦江子偕黃子詣將軍幕庭再拜嘉
歎焉將軍偃僂謝曰顯委人也執政者不以顯爲
不肖使備持矛顯何力之有焉因命酒爵數行請
將軍誦之符江子所言狀江子授簡俾黃子敘之
以備野乘黃子仰天嘆曰吾侪朝經夕史終歲偃
仰操筆研以食粟者婦人耳將軍其夫也哉將軍
其夫也哉敘之曰嘉靖三十六年夏四月倭奴寇
揚及淮殘啄州縣十有三殺都指揮一所過鞠市
爲墟暴骨如莽我閩孔棘留京戒嚴時劉將軍方
下將抵役金山大司馬張公檄將軍守浦口無

何白司馬曰賊性貪憚輸掠既衆其欲已盈必無
南今去者半其在泗州者需亦去耳不如擊之顯
留此不死自效也大司馬許之會御史馬公移書
辟將軍將軍乘傳謁御史御史喜命具饗饗將軍
將軍曰賊在顯不咽食也請爲君滅賊還饗耳五
月乙卯與其家甲驅至安東謀之賊艘二十九賊
衆時脅從散去簡人人倭也遣將軍謾書將軍笑
曰賊素易我且歸則志隋此可斃而待也迺伏甲
岡下躬率四騎薄賊艘詎之賊出將軍叱三騎使
前以身殿斬一人以徇且戰且却射馬中矢馬駭
將軍下馬挾鏃賊卒馳將軍前將軍躍馬斬馳者
賊至岡下弩發賊多中弩者然且扶傷而鬪甲亦
殊死戰賊乃引去甲欲逐之將軍曰日旰矣勿逐
也賊言焚民廬以摧我將軍卽先自焚賊縱所俘
美女子以蠱我將軍戒毋犯悉縛送有司將軍度
夜當雨謂甲曰我露宿是彼以逸待我也乃違岡
十五里而軍焉選人持火器潛涉賊艘賊數驚徹
夜不得寢厥明丙辰援桴誓衆將軍執一幟以號
于衆曰汝官軍有能敢勇殺賊樹功勲者立此幟
下得三百人曰我前拒汝爲後勁命甲四十人塞

隘巷之衝每巷以五人守以五人巡曰賊出汝踣
命甲六十人分四部伏岡下曰賊潰汝擊命三巨
艦積葦泊上流曰賊艘汝燔右之虛營以張其勢
左之疑兵以分其黨復令數人升屋而譟曰獲賊
矣獲賊矣旣誓乃陣賊自巷出者連斬四五人遂
不敢復出退語其魁魁怒摘冠揮衽左手持刃右
手持弱登岸麾賊衆蟻輳矢集如雨將軍單騎遇
之格者半撥者半矢盡又張其銳圍將軍數圍弗
克將軍射賊輟殲賊氣稍奪將軍曰彼衆我寡不
先礫其魁則衆不携也迺一呼突賊壘斬前隊二
人直擣鼓下斫指麾者自頂至踵裂其尸出賊陳
後賊衆披靡相怖以目甲四起夾擊之斬獲甚衆
賊大潰還奔舟舟焚將軍追至舟上盡斬之又擒
一魁名五大王者亦斬之溺水死者不可殫計淮
倭悉平將軍不冑不介著一白布單衣巾褲如之
身不滿七尺猶夫眇小丈夫耳及遇敵提兩刀騰
躍超踊矯捷若飛刀起見刀不見將軍淮民自河
上觀者咸咄咄曰神人神人云
黃子曰倭奴犯徼七年于茲我軍不戰而覆者衆
大卽戰喪十獲一往往是也若去歲梁莊舟山之

捷亦僅見者將軍以寡殲衆而不折一卒豈非奇功也哉將軍平九流橫江白草松盤芒佈等洞嘗以三百騎破獠萬人孤身被圍轉戰三日夜斬獠紫馬首潰圍而出守蜀十年身經百戰不一劬由此觀之則將軍今日之功謂非必勝之算乎傳曰昔范宣子有功而讓而晉以平趙簡子有功而伐而晉以不競讓之謂懿德所以晉有其功也將軍讓其功以五十級聞能讓也將軍豈尋常功名之士哉雖然吾見將軍性濶疏無世俗脂韋態或多不悅于人嗚呼薦賢爲民社者尚略之哉

敘橫金之捷

倭奴入寇之又明年是爲嘉靖乙卯八月十有二日流賊五十三人自餘姚渡錢塘而西由於潛而微而寧出蕪湖抵留都楚安定門殺把總指揮各一員官軍死者千餘人歷澤水宜興無錫欲北至常熟沿海以趨柘林精悍異常轉戰三千餘里未嘗少絀蓋賊之梟銳善戰者也時都御史曹公邦輔方乘帑來吳檄至公臥不安席食不甘味迺調集王兵備崇古董海防邦政林知府懋舉諸道軍分布阨塞以逆來者與諸軍約曰賊深入內地所

死不掠財帛婦女無乃爲覲乎且以五十三人橫行三千餘里莫敢撓者其易我甚矣苟縱一人還是余之辜也爾將士之羞也諸軍曰諾賊至楓橋迷失道擄二義氓爲鄉導二義氓竊計曰此賊得至柘林蘇民無息肩之日矣不舍生以紓民患何面目見曹公乎乃給至絕地官軍四面環攻之賊匿一民居堅壁不出公躬薄賊壘巡歷諸營晝夜弗懈懸重賞明紀律誓不與賊生越五日賊食盡力屈毀其宮而殲焉自是賊始不敢窺境矣此功豈在勝墩陸涇之下乎

論曰昔司馬穰苴捍燕晉之師取將軍之資糧享士卒身與士卒平分糧食最比其羸弱者趙充國之擊匈奴躬自潰圍陷陣身被二十餘創夫已逸而投人以勞將軍厭梁肉而兵不宿飽二者皆敗之道也曹公旣與士卒同甘苦而又親援枹鼓故將士戰力以致斯捷也其功可不錄哉雖然公按部時日食一魚菜去之日折轅空橐耳至今吳民思之

賀楊總戎摧鎮守定海文

主明嘉靖四十有二載歲在大淵獻大總戎玉江

楊公奉 天子簡命鎮守定海將建旗鼓戴斧鉞
行矣其屬某索余言以爲賀余作而言曰是誠可
以爲公賀也浙之定海負溟渤控扶桑倭夷入貢
由博多而五島而烏沙而觀海收舶于定海焉其
犯順亦由之重地也承平之日置十有六衛領以
都指揮使司至是復設總制以全浙諸府隸焉重
任也三代之制天子六軍其將比命公周末置前
後左右將軍秦因之位上卿漢置車騎將軍衛將
軍位次上卿今之總制秩與卿埒重臣也以重臣
轄重地而荷重任非公之威名素重者曷克居是
哉公少有膽略善騎射讀孫吳書歲乙卯倭奴深
入寇三州我軍莫敢嬰其鋒時公守劉河候其情
歸而擊之以一旅之衆斬首五百餘級明年拒陸
壩又明年殲橫涇又明年路三沙雖古名將不過
是不六七年間起自列校超擢台榭之下于是名
震華裔矣余聞善師者不陳善陳者不戰不戰而
屈人之兵以威名足以服之也昔李牧備邊匈奴
十餘歲不敢近趙充國備羌若零離留番皆降漢
茲役也吾見屯警有防耕戰有備海不波微外施
所矣是誠可以爲公賀也浙與吳脣齒國也浙靖

則吳謐然則爲公賀者乃以自賀也爲之賦采芑
之詩曰征伐獫狁蠻荆來威又爲之賦崧高之詩
曰周邦咸喜戎有良翰

五徵

嘉靖三十載歲在大淵獻陽山大夫涖吳之三年
政教弘美治理穆清 天子嘉其績迺降冊書徵
車辟之日月陽止爰成僕夫於其行也竊效贈言
之義作五徵焉超玄先生隱居無爲之鄉霞樓霧
盤滅景塊處蓋蕭然六尺之几而慮周萬務也繫
象公子聞而造焉肅衽命詞曰蓋聞天生萬民寄
之司牧俾若其性元后不能周馭樹以公卿大夫
股肱佐理以康元元故卿大夫承辟元后奉天要
在生民而已然則建職親民可以惠浸萌生者其
惟邑大夫乎超玄先生曰唯唯繫象公子曰噫吁
嘻哉貴軒邈矣大道隱矣擊壤鼓腹之庖俗不作
泣辜肩膊之惠政不流循良潤希悃慢是力羔羊
罕詠碩鼠興詞故恣鉅於酌取者命曰疾民之蠹
賊峻於微纆者命曰驅民之網罟此湛恩嘉澍之
弗究黷屎咨怨之日積而重傷民命也今 聖天
子握乾符統羣元俊又登庸皇道煥炳然而邑大

夫之賢求其家龔黃而人召杜亦未易覩也子邑有宋大夫焉是曰永豐之英奮迹甲科濫觴百里靖共勿替大猷允迪民有田疇大夫伍之民有子弟大夫教之不繩約而負戴推輓之是輸也不輟其而冀斐牙角之是逋也畏威者仰之爲神宰懷德者慕之爲慈父省役薄歛而民自富也敦禮達罪而民自壽也訟庭不譁謳歌塗兩岐秀麥連理擢芝馴雉有來猛虎去之邑民於大夫之行也黃髮兒童靡不攀車距輪遮道塞路若失怙恃大夫之治吳也何施而然哉超玄先生曰唯唯子試言之子其擇焉繫象公子曰吾聞大夫素襟不緇乘尚砥節乃冰其清乃玉其溫苞苴不行屏絕餽遺鄧攸飲水孔奮食蔬舟唯石載齋有饋留大夫之治吳而吳治也惟其廉歟超玄子曰此誠大夫律躬之介而未足以盡之也繫象公子曰大夫智鏡物先才敏善應庶務之來紛紜雜沓輟轡旁午如絲之棼大夫決剖綜理不周不張宣迷匡贊小大畢舉案無稽牘罔無繫徒野無惰農廬無滯賔易兮若庖丁之牛裕兮若造父之馬滕薛可爲朝歌不避益見其解繩而別器也大夫之治吳而吳

治也惟其藝歟超玄子曰此誠大夫從事之敏而未足以盡之也繫象公曰予知之矣予知之矣余聞學古入官聖有明訓大夫探覽綠牒發闡道篇閱肆含咀醞釀洽飫揆爲英章睢渙彩潄星敷霞蔚鸞彪龍鬬于是而施於治也經之緯之黻之設度量置儀治藻粉乎俎豆之華潤澤乎弛張之美廢隆者章章彫敝者穰穰垂矣者洋洋其成功煥而治道光也如傳所稱仲舒弘寬以經術潤飾吏事者非耶大大之治吳而吳治也其在是歟其在是歟超玄子曰幾矣而非其至也吾語子矣夫政者正也下所取正也故明於治身不明於治人明于爲德不明于爲國大夫洞天人析淵微詣玄奧遡堯舜精一之旨佩孔孟仁義之說悟烹鮮之術妙宰割之方養之以仁教之以禮因其所欲而與之從其所好而歡之故其治也混然無事寂然無人亭落若無吏官府若無人郵無夜行之卒鄉無夜召之正耆老甘味丁男耕耘益執玄化于一心而所馳若神是則大夫之所以治吳者也于是繫象公子蹶然起曰命之矣

送熊兵憲文

四十有一載嘉靖歲在闕茂之玄月我兵憲鏡湖熊公奉 天子璽書佐潘瀕南將戒徒祗役邑大夫徵言于余以贈公之行余邑瀕海沐公保障之澤尤深敢不拜命之辱稽首颺言曰 皇明廉察使之設卽周言循行漢言採訪蓋使告爾祥陳時臬事其任匪輕也蓋必如古人所謂仁可恤孤明可振滯剛不避強禦智足以照姦者迺克勝厥任若東吳以罷敝之民加以倭奴之警其責益大且艱苟非有文經武緯之才者菽克濟矣公自釋褐爲州守倭奴犯州城孔棘公倉卒拒守州民賴以

全活監司上其功 天子嘉焉三遷崇秩公以長厚之德宏遠之略典幹之勤肅給之敏綬之以惠養之政鎮之以安靜之風示之以糾察之公凜之以撻發之神施之以平反之恩故墊溺者生瘡痍者起敗官者懼于紀者屏強暴者化反側者安寃抑者伸至其禦倭也來則援枹擐甲以殲之去則訓旅明堠以備之倭奴不敢彎弓而西向者五年于茲矣四郡之民咸賴公以全活奚啻一州哉語曰兵者刑之溢也刑者禮之餘也德又禮之本也非公具仁明剛智之德而濟之以文經武緯之才

曷克臻是哉今公以治吳者治瀕卽吳民之懷去思可以占澳民之歌來暮矣公行矣爲之賦南山之詩曰樂只君子民之父母又爲之賦六月之詩曰文武吉甫萬邦爲憲公行矣

代送龍郡推被召文

皇明隆慶二年歲在戊辰春三月 天子下璽書辟郡縣廉能官入爲臺瓊合天下凡十有七人我郡推澄源龍公居第一公屬邑邑侯某等徵余言以爲贈夫郡推刑官也監司所寄以讞獄者也然上之人每以下之苛刻爲能而下之人恒傳致以迎上之意嗚呼今之民何如也凋瘵日甚而法易犯巧僞日滋而辭多詭爲民父母不加哀矜而以深文窮竟之譬諸人抱羸疾醫師者不益其元復攻以峻劑吾恐民之瘳者無幾矣公楚之菁英也舉嘉靖辛未進士甲寅泣吾郡具厚長之德負明察之才每折一獄必詳必慎簡罪惟輕其罪惟重然二辟雖重而非故焉則開改惡之路五疵雖輕而非過焉則嚴隱隱之誅非不明罰而株染者無所逮非不慎罰而姦伏者無所逃寬恕如定國平反如不疑泣辜如盛吉振滯如薛奎且食水有鄰

假之潔柱交有楮炫之介執論有陳君之正決斷
有蘇公之敏邇公具獄罔或傾濫二歲之中成書
理出者凡若干人考曰立除者凡若干人嗟乎鸞
鳳無搏噬騶虞無蹄齒蓋其性然也余官留都去
家甚邇聞公戒行七邑之民如失慈父攀轅塞途
噫嗜好生者民之恒情也公豈能要此于民哉是
行也公當爲侍從之臣任繩糾之責朝夕論思獻
納以致主於堯舜將見德化之施成刑措之治則
公之仁及一郡者仁及天下矣於邑侯之請也爲
之賦南山之詩曰豈弟君子民之父母又爲之賦

卷阿之詩曰惟君子使媚于天子

師說送柏坡吳教授擢國子博士北上

夫金肖形于範人肖形于師師者鑄人之範也範
不端則金壞師不正則人衰故端其模範善其兒
治斯金之在鎔也于是乎爲鐘爲鼎爲瑚爲璉爲
干將鑠錒爲巨闕辟閭以成天下之名器否則爲
罇爲刃爲石爲播爲杵爲鬱爲窳爲楸而金壞矣
惟師亦然夫仲尼古今之師之宗也故鑄孔範者
能肖者三千人焉故子夏子游子張則有一體冉
求閔子顏淵則具體而微焉自周而降無善治亦

無善師荀子曰學曾未如朏贅則具然欲爲人師
揚子曰模不模范不范嗚呼師道廢矣匪一日矣
今之爲師者伸其佔俾課其章句校其文藝以獵
甲科以媒富貴以邀功名師云乎哉 皇明養士
郡有庠國有學而必擇尊嚴耆艾沉靜純和可爲
人范者以爲之師嘉靖丁未廬陵柏坡吳先生來
教吾蘇姬水郡弟子負也先生進弟子而誨之吾
見其色溫溫爾貌脩脩爾言恂恂爾吾見其事分
分爾操巖巖爾行忤忤爾言見度綏綏爾意隱隱
爾心熙熙爾弗媚上官弗凌下位弗趨炎熱弗遺
遐賤弗怙慝仕弗戚末秩簡淡而雋永寬廣而綜
理暇豫而敏給束脩至行爲儒林之表儀羅扶羣
書爲道牖之筭箴摛英章爲文囿之梁棟先生
之爲人范可謂端矣于是吾蘇之士習一時丕變
爲干將鑠錒巨闕辟閭以華宗廟朝廷以奇折衝
禦侮祈祈濟濟肖范於先生者衆矣他日爲鍾鼎
瑚璉先生鑄人之功大矣哉駿聲升聞榮資掀擢
行將延胃虎圍鉤銘末學而先生之范又以鑄天
下之士矣先生於余以遠期要我以高矩貽我而
余於先生寔諸弟子之不肖者也於其行也執爵

都門之外爰作師說敢告僕夫

竹渠說

黃子嗒然隱六尺之几而寤寐千載之人若海內
豪俊鴻士咸欲結納投交以求益也一日小亭馬
子造余請曰余江都鄙人也邇過吳門辱知吾子
余鄉有竹渠先生質姱行美爲時鉅儒誠吾子所
願結納者而子未之知也黃子曰唯唯可得聞乎
曰先生與余有中表懿常從家君游故知先生最
詳先生積學飭躬至性克孝少爲諸生每試輒最
凡十上南畿弗獲一第竟計偕銓都教授嘉湖遷
黃巖所居植竹俯渠遂以目號人因稱爲竹渠先
生云余聞吳多騷客將謀掄揚之吾子能無言余
曰唯唯願聞竹渠之義曰夫竹託阿綠嶺植之敷
之脩然干霄矣抑之弗卑也夫渠灌河納川瀦之
滙之滔然涵空矣撓之弗汚也先生礪首陽之高
蹈抱箕澣之遐情處爲潔士出爲白吏竹取夫節
之貞也渠取夫流之清也竹渠之學其以是夫黃
子曰噫嘻汝知竹之節之貞也而不知苞之固也
汝知渠之流之清也而不知源之潔也衛武以綠
竹咏德宣尼以逝川嘆道先生殆致意于本源之

地將于是乎育德而體道也今先生實茂而聲聞
資深而用博作貢擅東南之美施澤普灌溉之利
先生之得于竹渠者多矣汝知之乎汝知之乎若
人也誠余之所願結納而未能也遂書以爲先生
贈

勦除倭寇露布

臣聞昊天以秋司殺王者以武除殘我明自
聖祖歸馬以來疆宇寧謐者百八十年于茲矣
皇上馭極文教炳修率土有截四裔靡塵茲東南
夷曰日本者德化傍靈威遠肅素爲狡詐之國
聖祖嘗絕其貢獻矣頃因逋逃姦民海舶私販輒
誘致之蠱茲狂悖擅干天誅似倭我遼徼燒逼我
州城暴殲我民庶膏血草莽片邑丘墟蘇松之境
罹虐尤甚且野心凶獷蟻聚蛇伏雖曰釜中之魚
實爲檻外之獸難以力制易以計滅且武人具伍
不堪授甲而倉庾告乏莫繼樵蘇臣忝竊榮幸備
位東藩職匪戎旃心同王愷于時撫巡臣某兵備
臣某相與戮力恪奉廟謨恭人國討訓勒惟明調
發從宜據隘害以遏之設奇正以臨之嚴合圍以
困之駕飛艦於洪波薄衝車於深壘遂使豕駭犬

突電掃冰離數日妖氛一朝清蕩敢云樽俎之折
衝實乃矢石之親冒倖馘聚於轅門革面過於殊
域嘯聚之黨既已戮除噍類之餘自當殲滅此乃
王猷允塞神道潛孚豈止人謀抑由靈助臣何力
之有焉非臣庸瑣敢自矜大不勝慶抃之至謹奉
露布以聞

織貢圖箴

宸曆肇基握樞秉籙伊周奉轡桓文扶轂道洽羣
元休明炳煥長駕遠馭囊括輿軸丹藻玉琯徵靈
貺祥帝暉臨幄運泰期昌際天率土薄海窮荒解
綈回衽犇角來王其內則五輅時陳百燎夜舉樂
備肆夏禮陳百物樂旂鳳節擎旄獸鐸飛旄容驂
綴綴央央庭具克也其外則青龍旄左白武旄右
朱雀玄澤金鉦桐鼓簫箛橫吹續紛在列黃麾紫
仗刀楯五色衛制嚴也于是有司告辦鴻臚導客
次序而列各依其域東則三韓百濟扶桑勿吉日
本渤海琉球女國西則吐蕃高昌月氏車師伏羅
丁令噉達軒渠南則哀牢夜郎交趾沅谿版楯尾
濮西爨笮都北則突厥匈奴達靼鐵勒大漢白雪
室韋結骨于是方賁族百克階耀墀元龜象齒木

文龍舞鬼血若華玕琪懸聚結綠木難夜珠
重錦白疊火浣春蕪夷琛蠻璫航海而輸璀璨錯
落怪瑤瑰奇康老奏歌扞舞彫題大珙小球白雉
黃犀上 天子壽萬福攸宜漢稱職貢周曰王會
燁燁丹青永言表瑞在昔聖王遠物不貴施及蠻
貊敢告司繪

黃淳父先生全集卷之二十二

吳郡黃 姬水 著

壻顧 九思 編

男 嘉芳 輯

雜著 銘 跋 疏

雜著三首

古蹟 第宅 園亭 塚墓

敘曰天地郵舍也古今人過客也其人往矣而有
不泯焉者則所存之蹟耳形隨代遞名以蹟留見
其蹟如見其人也嗟乎觀河洛則思禹功涉沅湘

則懷舜德擁黍悲周汾雲想漢心憐召南之樹淚

墮峴山之碑寧無從哉故言第宅則井改人非而
城郭依舊語園亭則池平臺圯而風景不殊此婁
玄躑躅于仲翔之室而向秀哀思乎中散之林者
也至于塚墓則七尺之身僅託一坏之土封樹漂
湮犁摧莫保如豫章下車祀先賢以崇化征南題
碣詔後人以無傷有由然矣不有紀載曷稽來世
哉

論曰采椽斥題之風遠而高臺層樹於是乎興衣
薪葬野之俗微而玉匣金棺於是乎作夫王侯哲

彥偕分踰制且爲世譏乃今編列白徒有丹刻其

室綺殺其園閣門其墓廬者矣嗟乎卽如夫差建

春宵之宮海靈之館梅梁梗廊銅溝玉檻其侈麗

極矣然卒掩骨於卑猶戈人之一塚況其下者乎

閭閻營丘深池重櫛飾以黃金珠玉之晃殉以專

諸魚腸之劍違禮厚葬遂爲越人所發雖謂之暴

骸可也寧無取於王孫之賢士安之達也哉

贊曰楚員入吳建城拓幘館岫苑洲姬祚弗延歎

也爲治桃夏肇焉代爲守舍浴禊已千名園大地

遺墟宛然燕辭舊宅麟臥新阡蛇龍難辨陵谷易

遷億載靡蕪藉此信編

縣治 公署

敘曰天子諸侯南面以臨民而今之邑古子男國
也有三仞之城則必有五雉之堂禮樂於是乎敷
條教於是乎宣訟獄於是乎讞宇言大啓堂詠攸
躋邑治所繁豈細哉故首述之而以公署附俾有
考焉

論曰古者封建諸侯則邑治其家也民其子也易
侯而今則邑治其寓也民有弗子者矣後之蒞是
邑而居是治者其無以寓視哉昔漢重守令以爲

數更易則民不安有治理效轍降璽增秩居官者
常子孫焉噫嘻三代不可復矣漢世良吏寧無望
于今日哉

贊曰唯邑有治肇自李唐曰宋曰元徙建靡常昭
代卜食在郡之陽千秋永奠式用民康

坊巷 橋梁

敘曰坊古之市也市之門也巷古之里也里之塗
也日中爲市而農工濟表厥宅里而淑慝彰亦邑
政之大端也徒扛輿梁載在周典所以利涉而吳
爲澤國橋梁尤多焉

論曰邑之有坊古以表德今以表爵來者日繁往
者日湮巷則悉廢表揭僅存人口耳嘉靖癸未一
名守治郡易西市坊爲澹臺干將坊爲得人尊道
崇儒舉無不善若增建澹臺一坊而所謂西市干
將者仍之庶千載遺蹟不至一旦泯泯耳橋梁自
宋以來疊石甃甃極爲堅巧緻密後有改作弗逮
乙卯倭警多毀郭外之橋以拒者然寇卒弗拒徒
毀耳噫寇能蹈萬里之海獨以一衣帶水限之耶
坊之湮者闢之巷之廢者舉之橋梁之圯者葺之
則有司存夫

贊曰維坊與巷厥民攸聚化居懋遷風聲是樹有
穹其梁星離虹翥處有比閭行無厲揭

銘八首

石硯銘

嘉靖癸亥吳興徐汝寧作石研命友生黃姬水爲
之銘曰

斲潛樸爲方圓虛其中含藻妍侯卽墨德普宜貞
弗渝惟汝堅白弗污惟汝玄垂篇籍倚萬年

快閣斗研銘贈朱司業

探潛淵礪嘉石象斗形方以直散綺霞含玄液秘

室英蓬山筆揚華發藻垂千億

曲几銘爲崔罔賦

採茲樸木丹腹弗施趾象龍鼎用效烏皮遙杖同

珍管榻攸宜或寤或寐是馮是依曠釋形縛任保

天倪智以曲全道合卑棲鴻盤有日鹿化何時彼

噓嗒然南郭子綦

印章銘

鵲鏤金龜刻玉琢文犀刷棋石鑄姓字當符竹慎

題封嚴記籍醉有侯誕有伯曰私章匪人錫

印匣銘

衙中則虛爾外則方維爾其含章

玉羅牋笥銘

裁雲爲牋琢玉爲笥無忘問遺敢告中秘

斑竹筆筒銘

彼孤竹君友管城子中心藏之無間爾汝

董青爐銘

猗歟陶君含暉蘊明而吐芬氤氲

跋十三首

題張幼于刻文太史帖後

此衡山太史與幼于孝廉劄子也太史既沒孝廉

勒之石以永流傳嗟乎細思題凡之人忽沾開篋

主

針

之淚一日之紫紙爲異時之黃絹太史忘年之雅

孝廉歎逝之情在殘行遺墨間矣

玉芝館帖引

玉芝館帖者海陵朱君鐫其所藏名公辭翰也爲
君之先者志四傳一詩一劄一凡七帖不忘親也
爲君者詩二劄二不忘友也噫乎翠碣丹碑猶存
愛日之念八行片紙盡是停雲之思矣昔人謂王
文梁書鍾鐫爲三絕余於茲帖亦云

書祝京兆聽泉記後

此祝京兆四十六歲時書筆法在黃米之間勁逸
流暢翩翩然鴻翔鸞翥矣玄旻寄示索題展閱不
忍釋手京兆余師也非所謂游夏不能贊一辭歟

題陳道復書樂志論後

古有寢巢棲澤而眇天子之位負甌織簪而避諸
侯之招其所樂者大也必若公理所論而後輕富
貴豈可必得卽如所論與慕富貴者何異哉公理
初欲卜居清曠以樂其志後卒就或辟叅操軍事
公理非真能忘富貴者下論見之矣此卷陳太學
所書復補圖於首爛熳多天趣爲玄旻嘉玩玄旻
博學儒才方將紆紱帝王之門無徒樂此爲也

書法卷之五

不

針

跋趙魏公書

趙魏公書替裙禮樂則踵武於右軍逸氣縱橫則
追蹤乎太令末年雖法太和當與太和抗行此姚
弘道所藏書杜律二十三首尤爲精絕觀此刻則
巴蜀千峰沉湘一曲不獨於少陵詩中見之矣

跋文德承金臺八景

昭代之有北都猶周之鎬京漢之洛陽也余生斯
世伏迹幽介不獲裹足負簞一矚其勝每以爲恨
今觀文德承氏金臺八景則帝京薈門之蔚奇太

液瓊島之瓌麗居庸西山之險峻玉泉蘆溝之清
曠宛在目睫若置身天邑王畿間也至其用筆設
色布意立趣非尋常畫工所可及噫文子有此雖
潦倒倦遊奚恤哉

題吳文定公所書 御製文集抄

書假象畫亦本性情故如右軍寫樂毅則情多悌
鬱畫像畫則意涉瓌奇蘭庭興集則思逸神超私
門誠誓則情拘志慘良有以也今觀吳文定所書
御製文集抄謹嚴欽整其敬君局眷之態宛然筆
墨間前輩爲人可想見已

書胡冢宰遊武當山記後

嘗謂遊覽之作詩如謝康樂文如柳柳州赤石鉅
鑪諸篇描寫山水之勝殆盡古今罕儔茲讀栢泉
胡公遊武當山記則康樂柳州不得擅美於前矣
武當山水甲天下而成祖營建宮館金碧絢麗
瓊臺琳宇不在蓬萊方丈下也平生夢寐其勝而
牽于婚嫁未得躡屣其間每以爲恨三復之餘峯
巖潭洞宛在几席則此記可爲少文屋下遊矣子
宣邵君鐫諸珉以永流播敬識于後

刻選詩跋

自夫風雅寢聲而離騷蔚起蓋原以忠潔放逐臨
淵吟澤以舒壹鬱以陳諷諫故曰國風好色而不
淫小雅怨誹而不亂離騷兼之若夫選則騷之流
也漢魏尚矣自茲而降雖體因代劣而其不遇愴
怛咨嗟感悼之意則異世同情也茲編宋劉侍御
坦之刪定復倣詩傳而爲之補註蓋竊附于文公
釋騷之旨非無爲而爲也懷東顧給諫披覽之暇
授之梓人以廣其傳命予校之顧子蒙難履貞居
荒眷闕厥衷耿矣茲刻也殆亦有意哉

跋閣立本十八學士像

此閣立本十八學士像也唐文皇開館延士以杜
如晦以下十八人爲學士每與討論經義夜分而
罷尋遣圖其狀貌題其名字爵里而爲之贊以藏
諸書府噫文皇可謂不世出之君而諸學士誠一
時之遭也立本善繪尤工寫真所寫秦府學士凌
烟功臣咸稱妙于時至寫像之日文皇歎曰薛收
遂成故人恨不早圖其貌則此爲真像無疑俾千
載之下一披閱間其趨府雍容之態籌幄聲吐之
懷宛然可掬也余友周公瑕得秘閣臨本塏村李
君摹刻以傳夫丹青易敝珉石不磨後之覽者將

使好文之主必蒐羽雲陸而抱道之士思奮鱗天池矣豈無補哉沈存中以文皇因思薛收而圖像而薛收傳則以爲因圖像而思收以贊爲于志寧所爲而杜如晦褚亮傳則以爲亮所撰存中非無據姑識異同以備考云

書王履吉臨黃庭經後

唐得漢魏晉隋間書多至七百卷以黃庭爲第一陶貞白亦曰逸少有名之迹不過數首而黃庭又爲第一然則雅宜以黃庭爲日課良有見也但後世墨本摹搨失真爲可恨耳今觀雅宜所臨姿態超逸出於墨本之外習黃庭者便當以此爲日課矣願從稚朗以一瓶借

書資恒堂記後

慕棧男氏裔出高華時逢垂繆少讀鄒魯之書長究軒岐之術終歲授徒而甕餐不繼有時賣藥而笥篋嘗單既謝晏嬰之宅言棲伯通之廡誠可憫也姬水南咳夢冷雖切渭陽之思東郭室貧徒慚剡曲之事俞廣文之作記願范純仁之推財顧給諫之抒歌望郭元振之濟物嗟乎慕義高賢好事君子但損涓埃之惠卽成覆庇之功孰謂郭范不

再見于今哉

疏十一首

正覺禪寺創世尊殿募緣疏

夫漢庭咸夢秘函分譯於千花梁壁無言心印密傳於五葉由是天竺白馬普建于中區須彌青鸞遍營于南部迄我昭代高皇睿聖每云佛教實而不虛演小果則化凶頑而爲善良悟大乘則立本性而識宗旨浮屠之教賴以不廢鹿苑弘開于上邑鷲峯灑布于遐陬矣吾郡正覺禪寺者真壤清華環林叢鬱當子城之奧域爲吳苑之精藍高士陸志寧捨宅于勝國之末名僧弘此宗請額于宣廟之朝祖鎮而下五傳福懋法舟早傾慧燈幾燼香花之地將爲茂草之鞠矣平湖五臺陸太常儒宗稱傑銓署標聲學貫九流禪超三昧於志寧有雲仍之裔於福懋則烟霞之交慨彼黍離身寄振後恭遇郡守春臺蔡公以精一之學敷循良之治飾儉躬率於一人教化風行於四國儒是通方政唯公溥祀彼緇衣均爲赤子譬諸大造豈擇纖埃爰采輿言旁求梵行曰沙門圓曉者命以薰修任茲開薙累年侵地一旦咸歸風流頌于國中德

澤被於區外矣。圓曉素嚴戒律之持益勵精進之志。欲圖拓業仰答隆知謀諸同袍性仁曰寺之有殿乃莊嚴佛像祝延聖壽之所也。前規尚闕後緒宜承。適遭震業職此之由。於是發心誓願畢力經營。創三百年金地之未敷。祈億萬載寶幢之永建。敢告十方共成浩役。捐有餘之塵鏹。結無盡之勝因。稽彼舍經造寺受長夜之福田。梵論檀樾。獲彼岸之登財。施即同法。施福田在力身田去貪。恡根證菩提果。謹疏。

定慧寺建藏經室修佛亭疏

夫如來真諦乃檀林之寶篇。天竺精藍實鵠城之金界。經文什襲當籍匱室之良。佛像莊嚴必資輪煥之麗。定慧禪寺有經板四部散漫莫收。而佛亭一區傾頽未葺。白馬之悲徒切青鴛之業。猶燕其師秋田囑付于涅槃之日。厥徒玄照焦勞于傳鉢之年。馬居士竭分戒之誠。姚長者為檀樾之主。用告十方助成一願。庶俾新者創造常令剎剎之堅完。舊者增修不歎丹青之彫落。貝葉收藏永護無邊之文句。香花再啓。幸來有衆之瞻依。尊信品經超五濁之欲圖補理。故寺種二梵之福田。往因不

繆來報足。徵除愛恡根證慈惠果。謹疏。

報恩寺講法華經助修浮圖疏

蓋聞道無二語。實有非真佛在一心。妙明各具故。千花貝藏。恣意蕊之餘芬。萬寶檀篇。皆性珠之剩耀。然非無盡義。辯寧入不二法門。則講師者信祛惑之元監。而拯溺之慈梁也。月溪上人中都孕秀。上器稟資。髫齡祝髮。博習經文。夙智膺衷。精修梵行。詞鋒了捷。不異者舍之比丘。理籥宏深。再見方袍之平叔。千里渡杯已印心於上輩。三年掩室仍杜口于冥機。適者達官遣禮。以致聘勝衲建幢而奉迎。道流悅慕。俗衆皈依。爰啓淨筵。延登高坐。闡金河之十妙談。玉塵之重玄。掉彼廣長吹散靈山之雪。演茲秘密敷周大地之雲。寶塔騰舍利之光。香臺覆法雨之潤。音聲輪碾。除外道慈慧炬燭。照群迷假一乘之法。施種二梵之福田。俾波經越之完成。咸阿闍黎之願力。普願拈花共躋證果。僧紹聖壽寺指南房重修佛亭募緣疏。

夫寺名聖壽。乃肇建于生公房。曰指南寔開林于苑。標晉代香燈衍千載之傳地。接吳丘山水擅半塘之勝。即觀悟雉之聽經。何殊鳴馬之繞塔。

歲月滋多殿廡傾圯藻麗慈宮不復丹青之煥莊嚴法相空悲風雨之侵寺僧守玄稱秀道門克修梵行心勤精進苦無禪誦之區目覩荒涼奮有興復之志欲共成乎勝事必賴助于十方聞在伽耶造寺受長夜之福謂爲檀樾施財獲彼岸之登結歡喜緣去貪恡障謹疏

寶林禪寺重建大士殿方丈募緣疏

蓋聞補理故寺種二梵之福田化度一僧超三塗之道岸若寶林禪寺者白雲講師願力之所構文襄周公護法之所成佛官宏麗僧舍幽嘉大闢天台之宗上續中峯之教法幢建二百年慧炬傳十六世誠莊嚴之淨域而薰習之妙區也邇者虐播祝融數同灰劫丹青成煨燼之土香燈爲瓦礫之場觀音遺像棲蓁莽間乞士餘瓢宿風露下雪航和尚弟子海印英年稱道門之秀朗質勤梵行之修志圖興復力限單微茲遇定山觀察袁公儒林翹楚而精于釋部之談宦篋清貧而倡此檀那之施命抒短疏用告上方去貪吝心發喜捨願一椽一柱皆登解脫慈梁片瓦片軋卽詣清涼法地碧題再覩庶回向之有依香室重開俾經行之有所

悟我相之空花證菩提之善果謹疏

寶光寺重修世尊殿鬱林太守陸公祠募緣疏

寶光寺者有漢鬱林太守陸公績捨宅所建者也三利招提十方講剎請額於赤烏之年銀榜輝煌於來禩締造於至正之歲寶坊偉麗於中吳厥後吉土雖遷法幢如故旃林再闢慧構聳新湛玄高衲弘闡賢首之密宗楚蘭傑師預修永樂之大典曾學士記不異休文法王之碑程舍人書卽是藏用龍興之碣若鬱林太守陸公者學究天人志存匡濟橘懷短袖孝行聞于童齡石載空舟廉名著于宦日預知亡辰空惋昌時誠一代之哲人三生之佛子也塵景屢移香臺易圯梵宮彫落何以爲焚修之場祠宇傾頽不堪爲妥侑之地金容將毀飯仰興嗟木主無依徘徊生慨茲寺僧某有振復之志無瓶鉢之資敢祈檀樾長者共成補寺勝因願學須達多祇園之施應受波斯匿長夜之福謹疏

造大士像募緣疏

夫造建旃林尚獲二梵之福莊嚴妙相應登六度

之舟况觀音大士者以慈悲為解脫以圓通為應
感示普度於十方惠證明于三昧者也今徐居士
捐貲創作乎廟堂而沈道人捨身願掌乎香火但
未塑金容何以為瞻禮之地故敢祈檀樾先須發
喜捨之心苟一鉢半兩之施俱來庶七滿八平之
像斯顯共成勝果永植慧根由真相而斷凡相因
心田以種福田謹疏

虎丘禪寺秋月房創玄帝疏

夫如來號曰金仙老子稱為伽藍蓋仙佛本一道
而寺觀非二門也玄天上帝者壬癸稟精生于天

一龜蛇示相現彼地千祐民之烈不顯于累朝翊
運之功獨著于昭代虔心有禱靈貺斯荅虎丘
禪寺秋月房者昔也王短簿之別墅今焉邢高士
之遺祠僧真杰一鉢糊口數椽棲身戒律是持焚
修不輟欲因金界創建琳宮聽鳥叅朱鳥齊飛曇
花雜柰花並茂必資檀樾共就繁工但捐一錢之
施即獲諸福之祥香火奉於無窮功德同于有永
謹疏

大圓菴修南齋堂募緣疏

造藍事佛載開莊嚴之宮雉草栖僧亦有方丈之

室大圓菴者創建三朝宗分四瑞於山水盤曲之
處為香燈薰習之區爰啓南榮寔為左翼三楹宏
做環堵幽偏二時經禪于焉集眾八關齋會就是
招賢雙林夾牖即現菩提之身萬竹當堦盡露真
如之相誠白業之淨居而芬域之佳境也歲月既
久棟宇攸傾主僧某暨徒某欲圖興葺以似道門
浩爾繁工蕭然一鉢仰祈檀樾共締勝因益補寺
有二梵之福而施財獲彼岸之登去貪悵有漏心
種功德無量果謹疏

重修鐵瓶巷街募緣疏

蓋因九達為遠寔辨涂於井邑二梵之福迺證果
於菩提平直無陂往來弘濟若鐵瓶巷街者莫吳
國之中央為康衢之交會里有千將之蹟戶多絃
誦之風日久車多將為茂草之鞠條傾甃圯非復
如砥之時豈是悲岐終焉病涉茲有某特起慈悲
之念將施補理之功但經營工浩而鳩聚貲艱伏
望同閭長者早悟津梁發大喜捨共成勝事永利
斯民朱提赤又何辭名寶之捐龜背鹿蹊不啻黃
金之布定出迷塗並登覺路謹疏

陸居士買田疏

秋涵居士寄跡市廛而有泉石之想役形埃霧而
抱玄漠之思迺築室城南名曰養英憚爾覺非夷
然委順恣屏塵累以樂餘年日賣卜藝菊以自給
然經時抱甕而無擔石之儲終日垂簾而無百錢
之積醴粥不繼未免嬰懷夫顏子坐忘猶需負郭
之養陶潛任達尚求三徑之資鄭樸耕于谷口龐
公耘于壠上苟非蟬飲蚓食安能無朝夕之累乎
欲與買田以全志操閒有好事咸樂推與不過捐
一飯之惠便可為卒歲之供在我敦通財之義在
彼遂食力之清誠一段勝事可為他日美談也昔

邵超每聞欲高尚隱退者輒為辦百萬資并為造
立屋宇況數畝之費又非損一人之有惡乎憚為
哉繼富寧如周急贍友猶勝飯僧高賢曠侶告之
必諾若詩人所刺褊心易辭所著吝嗇者弗與焉

黃淳父先生全集卷之二十三

吳郡黃

壻顧九

男

嘉芳

墓志銘

九首

雪舟吳處士墓志銘

雪舟君卒之明年其季子堯徒跣百里縗杖詣余
謁銘持伯兄石麟狀再拜泣曰父有善而弗彰非
孝也彰善而過實亦非孝也唯是錄先人之行無
溢辭焉余心嘉歎與之言則俶儻瑰瑋士也嗟乎

父者子之表範也觀影知表視形見範君之為人
從可識矣迺受其辭而書之曰君吳姓銓諱自號
雪舟主人吳為泰伯後代不可考勝國時名勝楚
者始居江陰之華塘再徙青陽遂昌厥緒勝楚生
祥甫以逸材應高皇帝辟拜官湖廣觀祭辭不
赴歸以隱終祥甫生洪洪生王玉生章為時雄俊
有南園漫叟集播在藝林則君之父也君負才悃
愿修正屨方少讀書熟記精研每意所融解有經
生所未及者但詞乏葩麗不悅時目無何歎曰吾
人誦習先王之言貴身被服之耳安能緣飾空言

以求售有司取富貴爲哉遂舍去寄迹農賈之間
操奇贏遊都市則屏居一室展籍吟諷不與販夫
駟僮交一語省視薦蓑雖暑月必衣冠而往客止
有常度不失嘗曰賈以殖貨吾以殖學農以治田
吾以治身疇曰賈賤行農鄙事哉君飭躬砥節以
孝爲本嫡母陳氏庶母周氏繼沒君非陳出其執
喪善毀一也南園翁獨居外寢君設榻其傍祗省
匪情每中夜聞咳聲輒披衣執壺就之雖嚴冰
不憚也晨羞夕膳必具甘脆先意察色在樂其心
見翁心有不懌卽終日不食婉道曲諭務底于悅
而後已君巨室僕御寔繁而奉親之舉每事必身
爲之者踰三十年此恒情所難居南園翁憂哀至
殆于毀滅三歲未曾見齒聞君在孺時父母有疾
則戀其側童輩引之嬉戲不忍舍去蓋天性然也
時人爲之語曰養親匪難養志不易古稱荀侯今
有吳季君可謂孝子矣昕朝盥櫛恭謁宗廟一日
若有使之去者方奮武梁木忽墮人以爲孝感所
致云至若事寡嫂猶毋撫孤姪猶子睦族恤鄰瞻
匱救喪息爭有陳君之化掩皆有嚴仲之義聞人
之善欣若得聞人之惡慘若失皆其稱著人口者

君偉幹竣儀不喜飲酒不妄言笑燕居無倚側之
態望之知其端人也居常教子則曰今之文章非
古之文章也吾願汝曹爲善人已矣無徒藉佔俾
爲謀祿計也汝曹以祿養無寧以善養乙卯歲倭
變仲子兌死義今從祀邑彥廟庭季子若孫綜學
樹行咸國器也其道行于子足徵矣君體至性以
標懿秉幽真而韻尚使當禮賢聘才之朝則玉帛
賁于巖穴雉膏登于鼎寶矣乃竟淪翳秦茹悲哉
悲哉然不盡之慶天殆昇其後之人也銘曰
吳以國氏肇自姬伯青陽之宗世垂今迹資靈稟
惇愛誕碩德循陔采蘭集包藝稷豐疊蒸蒸克共
子職生也不忝含笑瞑沒維皇弗偕來葉其奕松
區是剪永奠玄宅薦辭不媿勒此貞石

代守謙陳處士墓志銘

嘗讀逸民高士傳每嘆丘園貞遯之士非今不逮
古也蓋聖后握乾仄席幽人旌車賁于巖穴有朝
板築而暮該輔者矣炎漢以降州里舉辟之典不
廢故雖寢巢歷數長往不反而華名耀世矣自夫
科試取士秀民咸由此出然有損遺憔悴于江海
之上者槁死牖下而無聞也悲哉余于處士陳君

之沒重有慨也夫按狀君諱騰字守謙取空谷自
芝之義號蘭軒主人裔出潁川長太丘之後世居
浙之龍泉溪頭厥後徙家松源故又爲松源人曾
大父子昌大父繼厚父昇代有隱德君生而穎朗
夷粹峻卓研討墳策心暢理籌少孤奉母范碩人
至孝開族稱焉既長斂立患於任衆調繁一日廢
卷而嘆曰丈夫貴樹行耳彼富貴奚昇焉况郊畿
笥龜昔人所畏乎遂棄舉子業詠嘯泉石安排無
悶然日以觀覽自娛凡古人興亡輒洞其要善談
論捉衽之下卽能領座性雅好客客亦樂與之交
非附援也晚歲慕冲舉之術雖堪輿末技無不旁
曉治家課子動中槩度里人化焉揆厥素履殆亦
古隱君之流歟君生正德壬子四月八日卒嘉靖
壬子三月廿有六日子二長應祥娶某次應科娶
某孫二長璇次璣應祥卜癸丑某月某日奉柩葬
楓林之原窆焉應祥綜博芳茂爲學宮弟子員聲
譽籍甚嘗從余游故余知君特深君卒之明年予
自南關出守吳吳距松源路千里也應祥袒跣徒
步遠來乞銘余夙嘉陳君之行且應祥孝誠有感
我衷也吏事之暇倉毫述懿銘曰

燁燁華宗德星是紹蟬蛻巖埃霞鑣遠蹈孝慈率
躬檢鏡攸歸皓首抱經偃蹇巖棲有子克繼藻雅
翼翼膏身豐後天道靡忒松喬願學年命有涯黃
金雖化埋玉空嗟閩江漪漪玄臺永宅於千百齡
垂芳貞石

沈太學子雲墓志銘

余與沈君伯氏趙州仲氏儀部友善因識君乙卯
歲余客金陵君游南雍每解鵬鵠飲我日益契密
及還吳數復遣訊申以壚頭之約詎謂遂成河山
之慨哉已巳臘月厥嗣士醇持所爲狀率弟汝臣
乞銘于余又幸君之有子君其不死矣按狀敘之
曰君諱應龍字子雲別號檜臺沈爲常熟名族代
秉隱尚曾大父某大父海以進士起家進階大中
大夫生韓癸未進士終曹州守仲司儀廣可城則
君父也母張氏繼程氏君生而穎異讀書一過千
言長與伯仲同門學父沒析居自業庚子伯仲同
領鄉薦君嚅曰吾獨不得爲河東鳳乎悉謝家務
下帷精誦學日閱肆庚戌督學莆田黃公校藝補
太倉州學弟子員是歲仲舉進士甲寅授南京儀
部郎迎養程安人君事程安人若孺慕然不忍跼

步離迺援例入太學奉程安人于仲邱君因卒業
太學少司成雲間朱公亟賞其文乙卯戊午辛酉
凡三試不第仰天嘆曰噫乎一枝之羽不能千仞
命也奈何雖然丈夫生世所以顯親揚名者貴不
辱耳奚獨一第哉君益砥礪名節吟諷典書折節
與碩儒鴻生游思欲獵德林騁詞苑爲江左第一
流人胡竟溘死朝露哉君孝友天植痛早失恃歲
時灌獻必躬必潔程安人有疾嘗藥願禱昕夕不
解帶大中大夫暨曹州司城三先生之祀鄉賢也
君定贊伯仲是圖焉伯仲宦中外覬問無缺未嘗
下以私君事兄甚恭伯仲亦獨厚愛君歲侵出粟
賑貸設粥以食餓者梁塗有圯損贊繕葺癸丑邑
令王公以倭警築城君首割園林之半爲內池奇
石異卉悉置不問焉性剛方倜儻峭直與人交洞
白無它腸間佳山水近則躡屨遠則泛鷁服駿窮
登盡涉不以爲疲園有清白臺日列古鼎名畫焚
香晏坐其中客至卽擊鮮釀酒厚具樂飲每至夜
分其豪舉如此居家肅而有紀御下嚴毅訓子延
禮高矩以忠厚孝弟學契於七字書凡上朝夕提
命莫匪義方今二子克禪家學藻雅不群皆君蒙

養之功也君生嘉靖甲申十二月十一日卒嘉靖
癸亥七月三十日享年四十子男二長士醇娶錢
氏侍御公孫女也次汝臣娶程氏女適錢懋功士
醇以母命卜某月某日奉君柩安厝于虞山西麓
祖塋之次君之卒也二人方童穉越六載而後克
葬嗟乎雖陵谷未遷無俟聊人之誨而松楸栽植
何殊季義之營銘曰

高華之族甲海虞一門累葉朱紱紆誕生英雋才
且都玉昆金季德業須弱齡已列縫衣徒虎圍齒
胃稱楷模橫無桂飾空韞珠飭躬孝義寧非夫吁
嗟抱志泰猷徂越年唯六長藐孤龜善協靈刈墓
區歸然潛聞閭黃墟我銘貞石纂厥庸考名千載
永不蕪

俞孝甫墓志銘

君姓俞諱忠國字孝甫司寇公士悅之玄孫也士
悅生藻菴公欽玉欽玉生蓉江公元弼孟縣令元
弼生矢菴公良良知生君嫡母沈氏生母周氏
君穎朗機警束髮就塾讀胡氏春秋稍通其義甫
弱冠孟縣公游宦於外矢菴公爲人質木不事事
室務一畀於君學殖遂落性閑畧家所藏書盡奇

常以贈人往往爲愛者持去亦不較矢菴公嗜酒喜鼎食君每膳必修華錯客過從厚張具樂飲又壯年盛氣頗耽聲妓哀箏順耳卽流連忘返以故資用凋悴後營孟縣公襄事乞銘於衡山文太史以司寇公所遺魚鬚杖一根爲贊太史欣然操筆由此器之嘉靖庚戌矢菴公夫婦繼歿君匍匐棺斂卒之瘞埋之資君痛二極在堂服竟矣獨裹頭素帛不忍除去如是者二十年每向余說輒歔歔泣下曰我平生不了事惟此而已父母今日入土卽明日死無憾矣詎意君竟齎恨死哉性訂直不容物然無他腸雖捉襟納屨與簪裾人遊畧無媿怍遇酒輒飲飲輒醉或信宿不以爲嫌與人言稍拂意卽攘臂呵詈之初無藏蓄見人之善稱之不置不善不爲隱不悅人之有不幸人之災不毀人之成蓋所稟之良也習知吳中文獻故實叩之能歷歷道博物鑒古多技能且不妄比人其由中敬憚者惟文博士彭學諭嘉陸孝廉舒枝太學延枝及余四三人而已君病吐食伏枕積旬骨立僅一息而神罔亂及屬纊命家人念佛裂其帳之西面曰無礙吾西行也此路無惡業之報云君落魄

無聊方沒爲人所詆嗚呼人可以槩論哉故有榮富其身顯父母庇妻子然不免爲庸夫亦有坎壈其身無以顯父母庇妻子然不失爲潔士人可以槩論哉余獨傷君之遭也君生正德壬申七月三十日卒隆慶辛未三月廿六日享年六十配陳氏太醫院院使陳公寵女也嘉靖辛亥歲先君卒男一節禮娶顧氏女一適鄭由莊節禮下是年四月三十日奉君與陳碩人柩安厝于白蓮橋 欽賜祖塋之次矢菴公與沈碩人同日葬焉君所弗克爲者節禮能爲之君有子矣爲之銘曰

荷皇祖翼明時社稷勤載嘗祈誕裔孫善式貽心則慧數則奇有阡穴於斯千百禩永無渝

王肇父墓志銘

嗚呼人生不能自致青雲以顯名當世又無富厚金錢俾得施與結納以游揚其譽雖有巖穴潛行不屑爲富貴人所爲者卒淅泯弗彰可哀也已嘉靖乙卯黃子攜妻子去鄉間將竄鹿門終焉戒寇稅于秣城同巷王策徒跣五百里奉友人王君謨狀來乞志肇父王處士墓余嘉其篤孝且素善肇父又重慨巖穴之行弗彰也敘之曰處士姓王諱

迹字肇父世爲天台之臨海人裔出琅琊氏曾大父元吉 文皇帝永樂間以伯父鄉進士牧雲翁謫姑蘇遂占籍常熟之歸政鄉至肇父卜築吳學宮之傍故又爲郡人焉大父珩父椿齡世號隱居肇父幼而穎朗長而力學凡經史裨官靡不研覽日兀兀茹苦弗倦或勸之仕肇父曰仕多患鑒在牧雲翁矣不聞膏煎桂伐之喻乎余世貴尚弗渝也迺畢景丘壑不樂榮進家貧教授生徒以糊口先是父蘭室君勵躬積學端于型範崇川巨姓爭延禮以爲幕賓若少宗伯崔公大司徒馬公邑中鴻碩多出其門肇父相繼教授二十年至今崇川人呼爲江南先生云肇父至性惇恪敦于孝友雖自御麤糲而所得束脩之饋祇奉甘醴不缺焉碩人患脾病累年弗瘥肇父左右寢興不復遠遊賣藥以給湯餌碩人疾亦尋瘥咸以爲孝感所致也同母弟遣先肇父沒肇父撫其子詔哺被煦育不異已出及詔夭則又恤其遺孤焉人皆以爲難與人交異順和易平生無一遽色疾言冲然若有所養者工墨梅自呼心梅居士所著有心梅稿若干卷與曾大父寓菴稿冷蘊錄雪牕稿大父儔筠稿

父蘭室稿並藏于家皆斑斑可誦非學究語也悲夫彼豪門右族子孫率庸謏驕蕩不能世其家轉眼淪替宗廟之儀而爲祿畝之勤矣豈若王氏讀書知禮義四世一業不少墜可尚哉肇父生弘治庚申十二月八日卒嘉靖乙卯四月六日享年五十有六配陳氏琴川德門也男二長策辟長洲掾以謹厚聞娶沈次畧娶陸孫女二策等擇某年某月某日奉柩厝虞山北麓祖塋之次黃子纂述懿美勒諸玄壤其辭曰

會稽之王裔維長吳門一葉子姓昌潔身履道屬文章四傳習教性最良倚嗟孝友稱于鄉虞山之麓松檜蒼我銘貞石千秋藏

羅母朱碩人墓志銘

隆慶辛未仲冬一日新安羅君文章介友人黃子京衰經匍匐詣余再拜泣曰不肖一齡而孤今不肖之有此身實母氏鞠養之恩也迺今背棄抱恨終天唯是墓石敢丐銘名筆以垂不朽余不獲辭按狀叙之曰母朱姓宋晦菴文公之裔配月巖羅君偉梁相懷翁後呈坎鄂州公願玄孫也月巖君少嬰疾遂棄舉子業爲郡功曹主慶積庫著有勞

續無何竟以疾卒碩人號擗幾絕家人慰之碩人曰吾不難於死所以不死者爲三藐孤耳時碩人年三十有三鏞年七歲鍾年六歲碩人屏去膏沐簪不改節躬自紡績衣縞食糲者四十年撫育三孤勞瘁萬狀甫長廸以詩書禮義三子商游則夜命諸婦女紅課諸孫於膝前今三子爲邑善士諸孫彬彬文學咸碩人訓義之功也曩月巖君捐館復遭家難食指無慮數十碩人毅然一身經理百務舉無愆尤業賴不墜真丈夫所難先是慶積庫代主者例補貲若干緡月巖君假貸以充後監司廉其與減代貲之半月巖君遂負富人金月巖君沒富人索償金碩人曰良人雖亡金不可負忍俾良人負慙地下哉悉捐所蓄珍玩以償里中咸服其識至於孝舅姑和妯娌滋蒸嘗供賓客婦穢靡闕焉九月戊戌碩人不豫時鍾在側謂鍾曰汝客閩中貿易不可失時我老疾無恙也鍾素孝頓首流涕曰侍疾安敢遠離碩人曰左右我躬不若將順我志汝亟往我疾已矣立強就道病甚矣謂鏞曰汝父死我忍死育汝輩今得同穴從汝父於黃壤吾願畢矣汝輩各自勉毋我念也復留金數錢

曰與謨製青衫之費益望其遊校也奄然而逝碩人生弘治己未二月二十五日卒茲歲十月十三日男三長卽鏞娶徐氏次卽鍾娶王氏次卽文章初名金娶柯氏孫男四嘉謨娶郝嘉猷娶方嘉會嘉賓尙幼孫女四長適程行黠次適汪文波次適胡次適某曾孫男二道生泰生文鏞等卜某年某月某日奉碩人柩安厝于某鄉合月巖君兆焉昔杜母嚴氏虞母孫氏皆艾而發撫孤成立前史書之今碩人之行無媿二母焉遂爲之銘銘曰大儒遐裔誕茲淑質嬪于華胄徽柔儷德主饋尸

嘉善縣志卷之五

五

宗曰齋以吉鏡鳳忽分哺雛成翼歷禩四十霜節益堅綫嗣以存翹室弗顛矢心靡渝含笑下泉纂懿刊石貞風永宣

明威將軍蔣邦士室張恭人墓志銘

蔣君邦士余中表弟也一日持狀詣余泣曰余喪吾妻如失良友余又悲夫半生糟糠方沾寸祿弗克享以死然壺行有足述者子其銘諸玄壤迺按狀敘之曰恭人張姓父裴母曹氏世居維亭爲吳聞族自大父籍娶於戴因徙家尚湖龐壠遺安鄭門繩義恭人生有令質端靖婉慧稱秀閨房父鍾

愛之慎所擇對託婚蔣君十七來醮敬順勤儉善
事其舅昭信校尉守竹公及王安人王安人晚歲
多疾恭人代主內政巨細必諮居嘗菽藿至供祭
羞者則必潔必豐守竹公受任三十餘年居官清
白請老赤貧蔣君襲爵上都恭人悉解簪珥以給
行橐蔣君登壬戌會武進士陞授指揮僉事明年
癸亥 欽擢把總福山港守竹公命携恭人往又
明年倭夷寇三沙境中騷動人告蔣君曰必歸而
室蔣君心知其不可問恭人恭人曰吾子將屯於
此民望攸屬人心一搖不可復制且子守在封疆
安問家爲蔣君曰正合吾意乃抗旌振旅邊鄙遂
寧蔣君被論家居恭人輒相慰勞曰修職由已讒
口由人苟心無媿忤毀譽奚恤焉恭人益勤苦操
作遣丁奴力耕率婢媵以勤女紅故蔣君于役海
徼而無不遑將父之歎皆恭人之力也性不喜紛
華見人綺繡珠翠之飾心竊鄙之曰是得爲婦容
乎吾聞服有章寧緼無靡蔣君女兄若姊嘗館於
家恭人友愛惇至視諸甥如已出敦族睦嫺逮賤
御下一由於禮而過於厚死之日聞者失涕恭人
女而婦不遂其天年一疾暴卒蔣君以王事不及

視含悲哉恭人生嘉靖乙未三月十六日卒隆慶
戊辰四月二十二日享年三十有四子一秉鉞聘
潘氏女二長字袁安國次女幼以是年十一月九
日甲寅祔葬于吳邑西橫山祖塋之次余密親知
恭人賢蔣君之狀爲不誣是宜銘銘曰

誕自德門歸于華胄玉頰蘭芬有齊尸豆進規樂
羊名成學就禴翟旣膺綰綦安陋克孝克惠天性
仁厚春華忽凋埋芳松岫徽音永垂雖折而壽綴
懿貞珉以詔來後

金良才壽藏志銘

黃生曰適來時也適去順也去來寢覺耳人以有
涯之年隨無涯之知而顧鰓鰓以營丘銘壙爲諱
何哉先是金君於隆慶某年胥吉土於吳山之麓
躬葺玄廬至萬曆癸酉介余舅氏俞先生良史持
陳博士應龍狀乞銘於余余作而言曰金君之爲
是也其曠達有同於趙岐陶潛可謂無怛化者矣
爰稽行述德爲之銘曰

帝昊衍裔金天長句吳之派族更良累善以世遠
發祥魁梧疏達誕璵肪任能經業家阜昌軼材蹕
行服衆芳行年七十貌堅強松區手翦湖山陽崔

鬼潛聞何鬱蒼百歲言居壽未央千秋保有其永康

大雲菴昂大師壽藏志銘

隆慶三年歲在大荒落之臯月大雲菴昂大師詣定靈居士曰余生年七十有六矣菩提位中六十三夏竊念無常迅速豫營塔城於虎丘之麓子其志而銘之亦知四大假合萬緣應跡奚必書書以詔來嗣爾居士廼摺據其槩叙之曰大師俗姓王法名定昂別號半雲道人父德孚代居長洲與大雲菴主一峯友善菴世業醫授之江湖異人人以爲仙德孚曰僧德士也醫仁術也遂捨師爲僧甫九齡爾十五剃度誦習內典兼通儒部洞究素難之書妙辨診切之法酌劑撫乂靡不奇效年三十醫名駿播遠近抱病求療者舟車塞門若廬州守吳公無爲州守俞公遣幣延致不憚千里如是者三十年禮部楊公循吉扁其堂曰藥師陳太學淳爲之書鉅卿鴻士贈言盈室嘉靖甲辰郡守范公命爲南禪寺住持越五年都綱員缺郡守金公上師天部廼謁 陛授職闡教十年道門悅服窮山僻苑咸遵戒律每遇鄉飲酒禮郡守禮請嘉其梵

行也七十投檄屏居一室杜口御心離塵證果曰吾從是老矣賦質敏慧能詩先子五嶽山人數過之嘗有吾愛皎然才之句性喜施鉢金輒散不畱壬寅殿災創建一新弘麗逾于前構待詔文先生徵明記其事度徒曰方輿孫曰廣瑞玄孫曰正已先卒曰圓順曰通觀曰昭忱曰明哲曰寔深曰濟時咸不墜先業克嗣宗風云或病師者曰浮屠氏之學空寂已矣奚以醫又奚以仕爲居士曰不然是不聞如來正法耳空心靜坐百無所思是爲邪見心量廣大分明應用是爲般若故上藥勝醫在施法療病而主化弘教又開度羣生之願海也奚病焉銘曰

大師具智夙命植博覽釋藏兼儒籍黃散濟人流惠澤導衆皈宗殫厥職老事身田與心宅生公臺畔營松域潛闡歸然窮泉石吁嗟百歲居此室妙明法性無存沒玄虛千古如白日

黃淳父先生全集卷之二十四

吳郡黃 姬水 著

壻顧 九思 編

男 嘉芳 輯

行狀 誄 傳 祭文

附皇甫汭墓志銘 一首

行狀 三首

伯父中南府君行狀

伯父中南府君長余父二歲後余父二十四歲而沒自余之喪余父也視伯父猶父也而伯父視余猶子也乃今已矣纂行述德余小子事也曷忍哉

黃淳父先生全集卷之二十四

一

行狀

每握筆輒悵然廢矣府君諱魯曾字得之自呼爲中南山人黃氏之先河南汝寧人也宋元兵興間高安公徙家袁州 高皇帝馭宇封功樹爵六世祖昭信校尉斌官于吳遂爲吳人焉斌生信信生景暉陞授武略將軍景暉生暉暉以進士起家任刑部郎中暉生異府君異仲子也賦性英特敏慧絕倫髫髻時與余父五嶽山人同就塾師卽能日記千言屬對如響刑部公嘗語人曰此吾家二驥也稍長游思六籍博誦精研與余父並振騷死翩翩

稱俊江東矣弱冠爲邑弟子員治易摘義皆肝膈精鍊語一切世儒章句之書不涉於目唯玩經解而已丙子應比南畿大宗伯李公廷相得府君卷亟加嘆賞擢置第一異時進呈錄文咸出主司之手是錄獨刊府君論一道不更一字後數上南宮不第一日同年崔公桐爲少宰謂府君曰子日暮矣時乎催噴勿復失也今禮曹司務員缺子少屈志可乎府君笑曰豈有黃生不第肯以忍一官哉竟眇然謝之人每勸其謁選卽厲聲許之曰咄嗟乎汝真區區人也安知余哉夫仕以爲道非爲祿也居今之世非進士不獲行志黃生苟不入進士籍寧槁死秦壑耳胡能俛首低眉爲五斗粟計哉歲己未年已七十餘猶擔簦都門往來張灣皆徒步海鹽王君文祿國士也亦遲晚下第百晉俗目不謁選而歸時嚴相柄國聞而奇之願見二人二人不往曰彼竊位者安能爲邪異趙子文事乎及屬纊猶亟曰促裝吾北上矣齋志下泉嗚呼痛哉林屋友人徐君縉詩來哭之曰一經隨牒罷萬事蓋棺休蓋傷之也嗚呼刑哉府君自領鄉薦卒業成均坎壈四十年日心帶至死不悔其視今

之求仕者雖埃尉之卑以髮白齒墮之人奔走險
遠詘腰撓膺媚悅其上官至詬呵笞撻不以爲辱
者何如哉府君肯爲祿仕則一州一縣之印可佩
竟不屑就牢落窮死此其志節亦足尚矣府君長
身偉幹風儀秀朗寡嗜慾鮮飲食儻蕩忤直動與
俗迕里中縉衣之徒不與往還見之略不加禮有
少年新第者謁府君府君箕踞瞪目曰豎子遽如
許耶至宿儒鴻生卽躡屣傾衿虛已咨質勝氣疎
才闊略世務然天經克奉人倫攸歸先是大父葵
菴府君暨大母王碩人夙夜營貲鉅萬卽遭家難
業就凋落伯兄孝曾少嬰羸疾不起府君與余父
丞丞色養務悅大父母心及大父奄棄僅遺居第
悉推諸幼遜處采椽育孤妹治衾嫁之今肥城縣
令錢君用商配也生平寡合不妄比一人早歲相
與締密者則有皇甫進士冲司直淳樸勲汙水部
濂王中丞守太學寵四三人而已最後一二忘年
之友皆國中豪雋或評隲藝文或切劘道德面則
直諒背則標獎白頭如傾蓋焉所著詩歌文賦會
萃衆家不專師尚取所嗜書讀之俾漸漬融液于
中然後涸思極慮裁出新範鑄以偉詞文喜左氏

傳莊子離騷司馬遷班固書詩喜曹植謝靈運李
白岑參王摩詰孟浩然諸人嘗曰有疑疑於聖人
無疑信於常人若左之精莊之曠騷之婉遷之直
班之腴植之健靈運之縉白之逸摩詰之麗浩然
之澹吾挹其神擷其菁以洩之於言而已奚蹈昔
人舊轍爲哉凡有述造寓心霞表稍涉埃霧卽撤
去之故稿多不存右間一集未盡所蘊仲子河水
方哀採銓次未就也暮齡耽賞泉石頗與塵冥居
過闌閣樂履清曠體擅濟勝便於登陟於是結釋
侶於東林訪仙蹤於西市余家南城室多竹樹數
數過之過必嘯咏畢尋目余爲阮家阿咸也卒之
前數日過余時芙蓉爛開卽解帶流連素不善酒
飲滿酣暢月出送歸至吳宮原上臨別謂余曰詰
旦當復過汝偕汝往定慧寺僧假涅槃經一覽余
敬諾期逝不至府君病矣急趨候之病甚矣遂逮
不諱噫乎庭花未飛林月猶挂而青苔履綦不可
復再矣向之欲假涅槃經於寺僧者豈遂成讖耶
嗚呼痛哉府君學泮如揚雲言妙如君房偃蹇場
屋卒居空鄙庸腐人下良足悲也然府君文章雖
不售于當時可俟知于來後且奉親有孫尋之慇

侍兄有顏舍之篤分財有薛包之讓抱女有劉平之義交友有王仲之誠履方修正細德靡踰其躬行又彰彰如是即窮死無憾矣若以一第爲府君少則桑樞蓬戶不及連騎之榮而織屨杼繡果數萬鍾之富哉府君生弘治丁未三月朔日卒嘉靖辛酉六月晦日享年七十有五娶徐氏都御史徐公源之孫女繼娶蔣氏側室趙氏刑部主事陶公璣之女甥男三長道美郡學生娶郡倅顧公某女次道貴蔣出娶金氏次河水趙出娶某郡博戴公冠孫女皆郡學生女二長適項元渙兵部尚書項公忠曾孫次適曹文昭孫男三人嘉瑞郡學生娶會嘉德聘韓道貴出嘉玉嘉禮嘉賓俱幼河水出孫女五人長適盧應鯉郡倅盧公某之孫次適溫子傳翰林編修溫公應祿之姪餘俱幼道貴等上某年月日奉府君柩葬於吳縣梅澗之新塋姬水撫拾梗略敷綴不倫言既蕪蕪事多缺墜嗟乎考謚無下惠之妻禪技有叔師之子昭銘不朽必資同好南岳幽居表節乎始安之諱太原明德垂烈於中郎之碑唯大人先生俯加采焉姬姬水技淚謹狀

江西按察司僉事進階朝列大夫趙震洋行狀

隆慶四年庚午七月十有三日震洋趙公卒姬水承諱病弗克走哭八月朔旦厥嗣樞生遣其子雲蒸匍匐詣余泣再拜以行狀屬余公與先子五獄山人同舉於鄉姬水寔通家子義不敢辭敘之曰公諱汴字伯京震洋其別號也趙氏之先自七世祖子安勝國時始家吳之常熟璜涇里後置太倉州割隸其地遂爲州人世以道義名德望于鄉里再傳生聰寔公之高父聰生謙謙生璧至璧而業始大纂緝譜系知胄出宋王牒南渡時避居吳中人不知也璧生四子公父一蓬翁璧季子也仕爲直隸河間府知事以公貴封大理寺評事公賦稟卓異敦厚穎敏髫髻時偉然有大人志一日侍一蓬翁謁李文安公公大器異之曰是必大而宗者一蓬翁勤于教子延陟必海內鉅儒公精妍六籍博覽諸史洽聞強識含咀道腴屬文舉筆便成宛若宿構十五爲州庠生卽居第一後每試輒雋目爲東吳才子督學御史蕭公取列郡異倫之士考決魁解得公及揚州王斗松江沈愷三人曰某

爲書第一其爲禮第一其爲春秋第一後悉如其言郡守胡公招選郡中諸文學揚確藝文潤飾吏事公首與焉當是時公榮名藉甚愈自謙退恭雅略無浮靡矜誇之習人以遠大期之辛卯領應天鄉薦第一試文一出海內傾視爭傳誦模倣焉蓋公生當正德嘉靖間天下文運方興德行道藝之科廢而專尚文辭公覃思極詣一時黉黌藻績之功粹然莫尚自是崇習日衍日麗不可復加公實有以開之也公始發解都人士瞻望稱嘆傳言今秋解元已老不謂更少蓋公馳名早期望素故也

嘉慶元年春

七

戊戌舉進士授浙之蘭溪令蘭爲八省通津使舫輻輳公調度有方費約用給隆寒溽暑展體靡懈或出應賓客雖涸浴後猶不解巾帶庭無滯訟案無稽牘釐弊剔蠹百弛咸振縣治火繼以大水公經畫賑恤民忘其災焉時漁石唐公楓山章公爲邑尊官門有請託公一不假借人不假干以私發奸擿伏境內肅如也興學校藝甄拔髦俊皆獵魏科躋顯仕自是文學博士開始彬彬矣監司行部得公廉幹狀稱爲良吏薦書交上銓部行擢擬注臺諫給舍部有素銜公者排阻之授南京大理寺

評事公啓書折獄哀矜自持有所讞議允經愜理廷中稱平民以不寃癸卯九廟成覃恩賜封由是一蓬翁始受章服之榮焉未幾歷右寺正尋陞江西按察司僉事掌屯田水利兼理倉糧兵備公以一蓬翁年老欲乞閒就養翁不可乃就道居任閱月巡軺蒞楚藩王聞公重名執禮候謁盡恭長戍衛士方荷戟負鉏喁喁望賈父之來而公已承一蓬翁之諱匍匐奔還矣執喪焦毀行服墓次庚戌服竟羸瘠未能赴任辛亥當考察期公以儉人浮詆降職左遷癸丑懼母某夫人憂執喪如初時島夷犯徼公與二弟捐金百兩粟百石佐守城費上官義之檄有司禮幣致謝及題三鳳堂扁以褒異風諭焉避寇徙郡城故廬悉燬於夷曹夫人復下世遂絕意仕進丙辰有當道同榜者知公最深頻以書來勸公曰朝野傾佇勿失時也勉治裝北發逮揚疾作亟返旆抵郡病甚矣眩瞽幾殆樞生窮治禳進膳藥經歲向瘥乃杜門養痾良時吉日則不親朋擊鮮釀酒考鐘伐鼓留連歌笑畢日忘疲暇則總轡湖山舒心曠目靜賞泉石有終焉之志或勸之仕歎曰夫仕非徒榮其身也將以毗國

阜民也不幸讓廢弗獲少展其志命也亦已矣老復何爲哉若但以祿爵則性分中事終不以外物加也侍御尚公按吳下車卽造公廬曰服公問素矣以公之才豈宜耽處閒散也特厯禮幣勸駕公卻不受爲書陳謝曰丘壑之人絕跡朝市久矣林棲澗宿各從所好也丁卯今上皇帝馭極詔天下方面官五品以上得一進秩公以例復原職加朝列大夫時所訢豫也已已秋忽復卧蓐樞生遽遽延醫公笑曰吾亦知醫吾病病矣投匕無益也奄盡大命惜哉公平生不慕虛譽不爲矯激可喜之行與人外和易而內嚴毅人皆愛而憚之處族黨親舊未常有煦煦之態遇事輒赴其急人感服不忘自少敏學無間晷漏弱冠始室卽晨興佔俾多在雞鳴前一老嫗執燭辨明而出夜分而入晝日不踐房閨曹夫人嬪公半載未識其面及登第四方生徒雲集闕舍講授其中橫經籍書鈎纂不輟特不勤著述間爲酬應文字輒駢麗精絕常曰今世拈筆爲文詞率多白士欲藉聲譽以取世資若宦成名立何復勞心蟲篆與之較短長耶有詩文簡稿及駁稿藏于笥公精通醫技下及農圃卜

筮陰陽諸書靡不覽究獨不解神仙事旣得疾始延方士求導引長生之術霞篇蕊笈窮搜極討矣公三仕一介不苟取及居鄉不肯廢著書財以與時逐唯農畝所入歲以輸官而無羨餘常曰今世仕者率多漁獵於人以自封殖吾惟世業田宅是營而已若稱貸以取贏市肆以要倍吾不爲也夫苞苴之防慮培民財也鷄豚之戒恐牟民利也而殘賊之歌于小雅者正今日矣公獨在官則著食水之操在家則有拔葵之仁亦難能哉公抱蘊雖弘履辰則繆然宰邑樹鳴琴之績評廷流泣筆之恩若使假之以位其猷爲又何如也卒骯髒弗究所施何哉嗟乎執戟空疲一時興拓落之歎衡門無改百禩垂清白之聲今有位峻上台名齊北斗轉眼身損名頽爲世觀笑者視公所得孰多哉且損益盈虛時乃天道嗇於其身將必豐于其子孫樞生學瞻文雄行醇才妙布衣蔬食世祿等乎寒門遠性冥心章縫同于遯士誠國中之秀而江左之英也諸孫器識儻朗咸謝林竇樹克昌厥後必矣此又公不盡之所留也撫拾梗槩綴以蕪詞唯大方君子擇焉謹狀

孝廉凌玄雨行狀

隆慶壬申歲十一月十四日丙申吳興繕部凌先生葬其仲子于慎濠之原先是以其伯子湛初所述履略走書黃生曰欲爲仲子謀不朽則兒湛初謂不得黃先生狀不可伯子書曰黃先生足徵也噫黃生惡乎足徵也略固爛然文矣至矣乃稍爲詮次作狀狀曰玄雨凌君諱潤初玄雨其字也凌之先自三國迄唐代有聞人仕宋爲平章者曰夏仕元爲秘書少監者曰時中爲翰林直學士者曰忞翁忞翁生均德始自安吉遷歸安均德生賢仕

高皇帝爲治中以剛正謫去

宣廟時有上治中

名者御製招隱歌召見命偕司馬總臺政不拜書賜常孝褒遣之治中生晏如精六書之法工楷篆以布衣歷都察院右僉都御史都御史生敷贅烏程遂爲烏程人敷生震爲黔博士有文名博士生約言爲尚書比部郎晉階朝列大夫比部生通知是爲繕部先生母包氏玄雨生而英異美丰容髻髻即秀巖不凡五歲就塾逾年通經九歲屬文甫十二卽睹作者之奧凡有著造不煩臆索輒同夙構蓋靈根頓悟卽超玄昧操觚染翰每自許于世

無雙人亦目爲異童子矣嘗與所雅善陳君當獻

讀試策一過卽掩卷謂曰若記之乎曰未也玄雨

吐所記不失一字陳爲驚服大父比部公在家嚴設勸課諸子弟文諸子弟懾甚難一見卽見難一言玄雨每謁見必自請題隨命隨答馳辯如流公獨器之嘗從公語及射策公書出王文成五策觀之曰此業舉者要領也玄雨手其書揭一過卽棄去公心怪之曰奈何曰不敢也卽五策中所謂要領者畢解矣因琅琅覆誦益以譏評公大喜曰此兒殆優于七過萬言者矣公嘗覽伯子所爲文若詩顧玄雨曰難兄乎玄雨笑不應公則又曰夫文安始而可曰難言也夫文必有馬卿之風骨長卿之波瀾而嫻以左氏之辭藻然後炳炳麟麟光耿於人矣不然惡覩其可者就令所造寔兄不猶假設得讀書半年則捫朽磨鈍鈴刀或能一斷也比部公嗾然曰曹子桓如此何問子建哉故知不難一兄矣居嘗絕無玩好不嘖人過不及談俳從諛之說更不喜言錢穀或言錢穀卽面訶曰奈何乃公前驚鴈耶尋以淹病潦倒遂翻然歎曰吾寧然傷于閹蹻而爭尋常哉吾聞山陰南至臨安多有

金堂玉室仙人芝草陳安世茅季偉左元放許邁
諸得道者皆在焉吾將浪迹其間乎鶴上之人或
可揖也乃自西子湖南屏登五雲三竺散髮狂叫
索筆書長句一篇鐫之崖石頃之被病亟歸歸且
急戒戶者亡通客而故所善客來輒起迎之有楊
子者寔甚不縕廢而與貂貴人游不恥者也謁玄
山玄雨取栢衣衣之周人之急貸貴弗惜人負之
絕不竿量姑夫人四弟二稍貧玄雨事之倍諸姑
歲時問遺病爲營醫藥曰富者不必問貧者可念
耳伯子好博古必物相當值玄雨喜有弗當輒虧
然不自聊曰嗟嗟之貨其利幾何而又若負何然
爲膏伯子所善客某者故世交亦粗善醫所貿易
必屬客客因以贖本籍某謂伯子與之金伯子後
覺而馳還之玄雨不可而言客于伯子曰客謾固
客辜意者卽客且弗問寧問客所籍某願耶日丁
卯君嘗當試謀于玄雨曰吾欲讀易而難書之義
若何玄雨則爲治書文三百首是時方緝暑汗淫
淫下揮管不輟夜不三鼓不就卧遂病然當試時
猶強起著冠焚香籲天歔歔泣下人間之則曰陳
故貧不第呼庚癸矣伯子病雖病力必問偵起焉

與人言但及伯子安不則涕已承睫曰天不考胡
令吾病病之也伯子故好琴每受琴于人輒夜以
繼旦竟以琴故復病後覘知伯子琴必攘去曰我
豈惡于琴哉誠不愁病肺不憚其及也已巳歲太
侵客謁伯子曰誠于茲居米數百量可倍稱伯子
不可謁玄雨亦不可復寓書伯子曰頃兄不可客
議甚幸甚幸兄無長貲卽一倍之息豈不能爲兄
助客議良是然非仁人之用心矣且奈何徼天幸
哉卽利相什亦賈人事耳客可絕也伯子受室故
事室必有簪珥伯子所得倍焉母夫人以告玄雨
曰故知若負謀益之矣玄雨矍矍久之乃曰兒難
薛包哉籍令十半兄何害也且是以爭令矣玄雨
病彌留日者言委禽當愈於是大父母使人私焉
玄雨堅謝弗許謂私者曰病如有不可言婦已矣
父母何以自寬當俟病瘥議之耳屬纊之前二日
伯子脈之玄雨執手訣曰不復年矣伯子泣數行
下玄雨張目曰勿哭哭且奈何弟生死吾兄弟比
以病而弟潰死今使兄痛于我必致篋無乃以我
故而行憂于親耶且吾兄弟夙興夜寐思以樹立
以光昭祖父之烈迺今不獲一日養以死傷哉命

乎然兄在卽弟死瞑矣勿痛于我以行憂于親也
明日醫有以水中金薦者時已口噤弗能言猶謂
伯子曰恤恤乎以若所爲不脫矣夫藥可率服耶
是夕玄雨分必死而故詒母夫人與伯子曰弗事
事夜半乃與繕部先生訣曰兒無生命矣顧母兄
不堪也兒且別父奄然而逝玄雨強記博覽嘗謂
腹中無鄴侯馬牛襟裾耳故凡六籍子史百家之
書靡不漱潤塞芳擷其菁英下逮覆逆之患藥石
之術琴博之藝皆不習而盡其妙又天才橫發瞬
息千萬言一矢口卽藻績盈目矣其殊絕之資宏

東漢書卷之五

十五

集

瞻之智直欲以文章陵轢宇內彼芟芟甲乙之科
豈其所屑哉至於蹈藉位勢而折節賤貧畔岸統
綺怵迫之徒而燕昵恢廓不羈之上雄心勝氣可
使豪傑之士遁迹靡前夫倣儻非常之士嘗睥睨
一世者非固然負已也其踔絕之識視彼庸衆之
言僕遽之行直蜚蠅視虱耳于玄雨何尤哉玄雨
非倣儻非常之士乎哉玄雨生嘉靖辛亥七月十
五日卒隆慶庚午十二月十六日享年二十黃生
曰蘭摧玉折古有之矣如王延壽王勃王寧林傑
之流皆以童悟早夭無足怪者若玄雨者孝友之

性處仁積義庶幾尊行君子之風迺蚤夭何哉噫
天道報施已不徵于顏氏子矣夫麟路周野麟非
不瑞出非其時也今玄雨之娠也母夫人夢緋衣
人指之曰霖雨天下潤澤生民然則假之以年未
必不爲世瑞則玄雨者固麟也而竟路焉豈亦出
非其時耶謹狀

誥封太宜人馬母許氏行狀

嗚呼嘗觀古之鴻儒鉅卿樹名竹帛者皆由相以
顯饋之貞成以蔡織之訓乃今讀馬氏年譜而益
信茲言之不誣矣余爲童子時卽知碧溪馬公節

東漢書卷之五

十六

集

槩彰彰著聞也以忤直事武宗皇帝在朝廷則
朝廷憚之在郡縣則郡縣懷之爲鯁臣爲良牧屹
然昭代偉人孟河先生文章學行照燁海內五
十舉進士以太宜人春秋高五疏乞終養歸距太
宜人屬纊之日凡七寒暑奉溫清執饋饌扶老疾
左右崇養以色以志旣歿哭盡哀殯盡禮國人稱
願太宜人有子然則碧溪公之忠于國孟河先生
之孝于家謂非太宜人之相且成哉嘉靖乙卯余
居母氏之喪旣祥矣孟河先生以手書年譜造余
請曰予史也而余如惟是太宜人狀敢托諸子鳴

呼余方在疚茹戚銜恤廢筆劄久矣何能文然昔者孟河嘗狀吾母矣授簡之命有弗獲辭者乃按譜敘次作太宜人行狀狀曰太宜人姓許諱寶字自珍尋甸府知府碧溪公性魯之配翰林院庶吉士孟河先生一龍之母也許金壇聞旅裔赤城氏父瓊節父王之子毋謝氏太宜人生而秀朗長而淳懿九歲就其叔姑歸艾者習女孝經及刺繡工頌敏諸姊莫能及祖姑王在老年鍾愛太宜人太宜人依以寢處焉年二十一奉嬪尋甸公時尋甸公先二歲已酉以書第一領應天鄉薦矣既歸克脩婦職事徵仕郎質菴公王孺人維謹越一年質菴公卒伯母李欲異爨太宜人爭之不得獨以身任王孺人養又一年王孺人亦卒太宜人仰天嘆曰婦以養舅姑也三歲爲婦舅姑棄養傷如之何拊膺嘔血旬喪事族人以孝婦稱自是家稍落大宜人拮据總理晝操井日夜躬紡績以生產作業尋甸公閉戶精誦四方豪俊多招徠者太宜人親飭庖爨務極芬腴尋甸公七上禮部游恩典學者二十年皆太宜人代終之助也尋甸公釋褐除兵科給事中太宜人裹糧幕醕製裘履俾陣輪將

以給又念宗嗣單寡擇良家女武氏侍櫛宦邸且授去人曰家室兒女汝主莫絆晚第爲美官願不負所學也尋甸公給事四年屢抗疏言事規切時政倭倖錢寧擅權驕橫每廷折之竟忤遣謫平陽人皆爲公惜太宜人獨曰此真不負所學矣遷吳惜也明年改順昌令又明年移倅曲靖又明年擢守尋甸所至輒建殊績鋤豪強黜淫巧緩叛亡讞冤獄變鬼俗正夷風敷文教虞翻朝歌賈逵交趾方斯蔑如也然尋甸公十年于外游宦萬里無內顧憂者以太宜人爲之內也尋甸公誦坐安銓事疏于朝復遣翰林君而闕拜告執政者太宜人戒之曰汝父以功獲罪罪亦何憾汝上書宜遜言勿犯忌諱也書上事竟白尋甸公死于官翰林君扶視至自雲南太宜人奔攬素輿一慟幾隕遂成淹痾忍死幹蠱以需翰林君之仕以繼志也翰林君齟齬尋甸公已宦京邑斷機和丸太宜人劬勞寔多翰林君資慧絕倫所事師未卒業輒謝去自以不能爲若師也太宜人延擇高矩俾卒業焉時時勸誘之曰汝祖陰隲累世汝父雖顯未艾也汝其勗諸翰林君弱冠肆志墳素凡經史外家博習研

覽撰造藻什交轢漢魏栖趾山中翱翔文囿太宜人問遺餐餐相繼不絕翰林君苦思耗越兩邁危疾瀕死太宜人夏月枕抱蚊蚋汗出不敢揮襪禱療藥辛苦踰于襁褓至今言之翰林君未嘗不灑然涕下也嘉靖戊子翰林君領順天首薦執尋甸公喪畢計偕春官不第太宜人慰之曰往年汝發解北畿汝從子震章舉南畿今年汝從父又發解北畿天忌恒滿汝但遵晦俟時而已向疾病患難中詎意有今日哉吾亦不願汝蚤貴也五試輒不第從父光祿卿從子司寇郎皆先貴每落第太宜人委曲慰解無少含愠意人高其識丁未上榜除翰林院庶吉士秋八月乞養還觀庭下太宜人喜曰吾昔爲黃門婦今爲翰林母吾願足矣開歲太宜人壽八十朝野縉紳遠近走賀翰林君執爵跪酌太宜人升軒酌斗其樂只且三月如許命翰林君立石表外王父母墓散米帛以贖許之鰥寡貧乏者期春和每歲一造翰林君嘗邀族母七十以上者數人偕太宜人居玉華山莊百方奉歡太宜人詣場圃觀穫翰林君與諸子姪操帚荷藁于前以劇暢樂太宜人笑曰此吾之萊子也但恐虛老

其年不得與朝廷出力耳卒之歲太宜人復如許病翰林君輿以歸數日不食不語醫案脉咸曰不治翰林君私草表詣華陽洞天請于司命願減算以益母壽翌旦太宜人夢三道士與語遂甦踰月起坐逮秋腹背肉厚面色膩白如少翰林君心悅太宜人曰吾老極矣今轉少非可久者不見膏火將滅乎可速治後事翰林君欲泣承語時先是建裕後堂以遷太宜人正寢至是落成太宜人曰吾所居已壯麗汝復爲此恨吾不能久處也吾享汝志乃命掖入堂上圍坐取酒餚致壽以退是夜病作增劇但額額常言曰汝願無盡吾年則有盡也奈何旬日不進藥餌某日忽開目令召二十七叔來舉手囑曰叔與吾兒善吾兒年過五十亦是衰境且未胤今痛吾病已稿瘁矣脫吾死當何如願叔慰吾兒勿至滅性也他日完養精神上以效忠盡下以延宗祀以繼汝父未盡之志死即瞑目矣言畢澡浴整服卧靈輜上息閔閔逝君子曰太宜人之母道慈而令矣于視幼子一麟猶翰林君也視二女猶子也煦育婚嫁殫厥心力不幸蚤世太宜人撫其遺孤若不失怙恃者平生自御粗淡歎

歲至哺糠粃而賓祭必至豐潔視之恂恂若無能者族人凡有巨細公私兩隙不平不問尊卑咸來諮請一二語卽剖解人以女丈夫目之睦姻贈族不吝推與卽司寇郎微時饘粥之費多所周旋餽餉之待妾媵有樛木風王氏沒憐其無子不祀以所製送終具悉耐殮以葬宸濠之變江北流民殍尸彌望太宜人爲設粥買藥置木起生者掩死者百餘人每值祿歲亦如之雖脫簪珥廢產不計也里中惡少有侵侮之者不與較及來求好亦不拒若罔知者其賢智寬仁類如此嗟乎婦人之行敬于爾舅姑孝于爾父母順于爾夫燕于爾子惠以逮賤義以賙匱儉以率躬勤以居業禮之善物也而太宜人兼之可謂全德矣不然榮富祺壽有未易致者太宜人之賢於天道不足徵哉太宜人生成化庚寅六月八日卒嘉靖癸丑某月某日享年八十有四子二長卽翰林君一龍初娶忠愍侯鎮江衛指揮孫晉女次娶大金吾袁璋女又次娶中山武寧王孫徐京女幼卽一麟娶瓌溪典饒史鰲女女二長適荆溪儲某次適京口歐陽某孫男一孫女二翰林君上某年月日奉太宜人柩厝某原

合尋句公玄兆禮也燕謫之辭纂述微美唯鳴筆大君子采焉謹狀

誄

貞山陸給事中誄

維嘉靖三十年十二月二十五日明貞山先生給事中陸公卒嗚呼哀哉堯堦靈草不產於幽僻之朝周岡鳴鳳寧觀於慢慝之世厥遭維艱生固不易也若乃勵忠貞之節輸蹇諤之誠批鱗撼木瀝血剖胃蹈鼎鑊刀鋸而不避者非明君臣之義居死生之分不能也貞山先生以博學峻行舉丙戌進士時宰相遇主貴震天下皇道方煥而深懷賈誼之悲衆人皆喑而獨抗朱雲之請遠識惟先剛腸罔比甫居諫掖章疏累上竟竄黜弗究厥施骸牘以死嗚呼哀哉余先君五嶽山人少與先生同席文恪王公之門先生丈人行也迺降德忘年定交末契迨先生寢疾委弊先屬續旬日以余嘗嬰疾從霞客授聃氏觀復之旨召至薜次與語欣欣然有起色瘠則甚矣形不載神也余勸以虛靜勿營思慮先生曰余何思慮哉平生惟事君讀書二事未盡難強排耳悲夫悲夫先生委質不貳之心

死而後已者也取琴軫悼聞笛生哀余獨何心哉
然數盡化窮人皆有死特愴夫瀕氣消而輿覆云
閉哲人燼而社稷靡衛爰託弱翰告哀泉下遂作
誄曰

倬彼洪裔綿歷姜齊漢烈來令因家姑胥抗遜樹
績機雲揆辭宗季朝議竄身湖湄其在于明枝著
庭衍發祥既長奕世級冤累仁所基殊鍾異誕厥
誕維何珪璋瑚璉六齡誦策九齡綴文儒林蚤驚
精繹洽聞話言訓典揚古推今伯季聯翩三鳳蜚
聲締繪遷固閎肆孤拔既傾後輩復賞先達抱茲

東坡全集卷之四

五

七

一經兩科巍擢雅步蓬瀛優臺清列及拜夕郎東
曹贈蘭靖共匪懈奚在擇官肅肅霜稜溫室生寒
青規日伏獻替謹言一月三疏四事誠要規切時
政戒壅慎調牧寺釐姦選髦羅妙表獄觸聞笏楚
靡校上宰柄國孔灼其光一新著令制度恢張謹
微防漸用惕履霜誰有力者摧峙障狂奮袖彈劾
獨立不懼鬼嘯于庭弗沮弗怖寸肝義激蹈刃若
赴 天子覽之始嘉終怒二相初罷名動京師縮
項吐舌咄嗟載衢百姓遮騎樂觀其儀怛怛伊人
誰曰非夫七尺之軀與天地揭屈放賈遷亦復何

說束身炎微委命灰滅萬里孤臣絃誦不輟稍遷
邑長言轄永新詰逋誅猾摘發如神偃師朝歌裕
於治禁加仁示禮騰頌輿人納祿言歸夢韓衷腸
朝夕躬饋高軒奉毋閉影不交日獵書數譏造一
家以詔來後沉辭浮藻酣牒咀玄中庸性善奧闡
前賢史贊就雅經詰刪繁春秋二傳有辨有鑄溢
爲野記曰庚巳編嗚呼哀哉見義必爲寔由天性
曰忠與孝首冠百行親嫺善交紛排賈賑慷慨一
諾生死成信長身竦立秀宇高標英爽豈沒游魂
莫招銜志下泉豈負清朝天不慙遺君子道消嗚
呼哀哉撫牀笑言竟成悽訣賞音不作神情越裂
今子卜域奉柩臨穴總帳塵凝寒樹霧結聊托旌
旒寫我悲咽於千百年彤史有輝攬涕操觚曷盡
懿烈嗚呼哀哉

思賢王都御史誄

都御史思賢王公卒于嘉靖庚申十月一日未克
葬今 上皇帝馭宇纂隆隆釐典湛恩渥洽子世貞
匍匐請闕上書 皇帝詔復公官隆慶巳巳十一
月九日始奉公柩永奠于項涇之陽嗚呼哀哉公
與先子五嶽山人同舉薦于鄉姬水寔通家子綴

蒙甄識奉德不忘世貞世懋命姬水作誅嗟乎賤
不誅貴幼不誅長然陳思誅其兄平原誅其祖情
之所鍾遂冒斯義嗚呼哀哉千古冤衷雖洗雪于
一旦十年寒魄竟莫返于九原追唯往昔酸怛涕
淚爰述懿烈綴茲素旂其辭曰

華盛惟王累禩發祥文獻司諫先後裕光學正來
宦啓宇我邦迨乎司馬積仁厚龐篤生鴻哲貞夷
明粹嶽神川德吐符洩秘性稟忠良瓌姿偉氣馳
精遠與綜括羣藝登名 帝籍作彥金門行人授
主錫賙王藩載擢臺卿肅紀桓桓存儲出閣三事

卷之五

五

五

匡言忤貴擊邪斥罷權閹視鹽河東簡嚴董治代
狩荆襄澄清攬轡墨吏奔突巨豪剪刈竹箭菁包
咸爲薦士庚戌之秋醜虜內侵公曰通州寔控上
京設機拒守儲聚不驚晝夜登陴探甲浹旬隻騎
莫渡畿甸謐寧惟 帝念功超拜中丞公益盡瘁
經略籌畫首疏捐帑開茲鋒鏑繕城置堡郊保是
益周覽疆場嚴備阨塞建以重臣戌以銳卒治餉
轉芻蕘峙風給逆帥驕恣貪謀自誅繼是出撫青
交再轄浙閩倭警孔棘簡命自展體宣猷選將
厲兵天鉞所指蠻獠膝鯨大猾既擒互市不行三

江不波青微靡塵歲在甲寅胡騎深入殺將覆師
我國孔棘維 帝曰咨孰當愾敵曰公貞忠爰降
手敕越民遮留公輟遂北乃請金錢是賑是恤爰
整我旅殊死衝擊儉狃于襄獻俘授馘明年乙卯
督勸遼公以身殉繫頸心切迺集衆思盡算羅
縶分屯隘地授戰雄驍中權制勝奔命靡勞羈縻
未懷降質徠招遼左一捷威振九垓効級如雨舉
麾若雷石潰豈望風先摧守則山峴戰則川隤
方叔召虎異代同才嗚呼哀哉權相忌功媒孽斯
起十八字帖深誣巧詆外則相客給公解組彈以
譴辭中以飛語逮繫棘林傳致命理被以危法竟
殞西市嗚呼哀哉錯以益領飛由檢扼華亭喚查
廣陵絃促繁霜晝飛精曜朝匿氣貫虹血應化
碧善人罹殃是遵何德嗚呼哀哉 今皇秉錄恢
綱廓紘覃澤汪濊景鑠聿新子抱冤狀飲泣叩關
帝咨岳牧功錄辜伸錫厥褫服齋恨庶平父忠子
孝各完令名嗚呼哀哉時維陽月玄冥在御龜策
協貞爰闢埏隧松區旣剪靈舫攸屆短晷汜頽朔
颺淒厲鳴騶咸悲步鳥亦淚長夜不晨潛聞永閔
友札寫思攀慕曷已嗚呼哀哉

史母周孺人誄

周孺人者史太僕玉陽先生之元婦繼源太學之配承東孝廉之母也史爲漢莊侯後周爲晉孝侯後家範所崇節義有自矣嘉靖三十有九年十二月周孺人卒嗚呼哀哉百歲同歸雖遂下泉之願一朝失怙豈盡終天之思況夫栢舟矢志楊衛姜之貞風徙舍勵修踵孟氏之芳烈不有纂紀微音曷貽余與孝廉誼猶伯仲泣然操觚以荅授管爲之誄曰

誕自華閭稟茲淳懿柔惠端淑四德咸備道遵師

史母周孺人誄

主

氏教本性成旁習墳典炳義含英父母愛之相攸是慎君子作求克恭克順宜其家室問于姻宗君舅君姑婦職是供曰賓曰祭勤于主饋綜理內政拮据靡瘁哀哀內姑爲仲父嬪念彼少嫠扶昏掖晨君姑有疾百方治療衣不解帶躬親澣溺居喪毀瘠克慎其終二世王母送養亦同相厥夫子朝弦夜牘匪曰辭章大儒是勗科場屢躋通駁才名乃應秘選客死于京嗟哉孺人聞訃幾絕命于扶櫬千里瀉血于方弱冠女在提携忍死鞠育銜辛茹悲劬勞義訓斷髮拔葵昔在岐嶷口授詩書及

長就傳海內高矩榮養不逮忽焉黃土嗚呼哀哉鳳剖鏡今鸞分凋遺雛翼兮命不留雞豚捐養兮空椎牛嗚呼哀哉寒風吹兮總帳塵縫衣在笥兮啼慈親友人迷德兮銘素旌千秋百禩兮垂頌聲傳

張應和小傳

皇明嘉靖四十載歲在辛酉應和張先生行年六十有子三人並有才品吳中目爲三英其仲獻翼徵所善大夫士之言以爲壽猥及余余曰皇甫司勳之言暢以理劉侍御之言麗以妍王觀察之言崛以矩諸公賦詠咸鴻鉅名筆也余復何言哉然余與應和爲布衣交最昵知應和特深乃撫其大節俾傳孝友者擇焉嘗聞之河圖曰孝順二親天司賜算故齡可徵也

張應和小傳

主

張先生名冲應和其字世爲鳳陽人元末有仕平江者避僞周之亂徙家金陵爾一子贅長洲徐氏因占籍焉是爲應和高祖家世素比至生應和父而產益豐應和賦性敏慧和易恭異弱歲卽卓犖不凡就名儒爲師傳讀書不泥文詞唯以知大義爲急事父母蒸蒸色養舉動咸當父母心母疾焚

香額天割左股一礪置湯藥以進疾因以愈復服
賈遊京師歸途語人曰大人每有痛處吾卽惕然
不安今覺心動無乃恙乎乃倍道行遇盜斫傷其
肱及抵家果驗其言人皆以爲孝感所致云敬兄
若姊睦第若妹分財有薛包之讓撫寡有庾袞之
仁蓋立操雍和志情友穆者也至若赴阨有季布
之諾散金有劇孟之豪急公有任氏之義好客有
鄒公之風皆其因心廣類履順之所極乎余與應
和父二十餘年未嘗見其怒形于色待人一以寬
惠無少苛刻念余於是益信其孝友成性無所矯
飾者歟黃生曰孝友人倫之本自古哲王經邦設
教咸是攸尚漢以前不立此傳迨晉宋以下乃始
標著豈漢世近古人各修行砥名不勝載紀而叔
季澆訛君子之道希觀耶史臣曰昔者弘愛敬之
理必藉王公大人近代敦孝友之情恒出茅屋之
下嗟乎金富則必爭篋單則靡競蓋傷俗之弊也
然則悌德之事多由侈富之家而應和自拔敝俗
不益難能也

國華蔣州守傳

余自結髮交蔣君嘗同門學余終身溝壑君猶獲

一命之榮卽其所抱負冀當大用於世乃竟骭離
死耶死之明年厥嗣宇志藥藥直經詣余手持一
編涕泣覆面曰此先子行誼也天降閔凶先子不
豫其行誼忍使弗彰耶欲丐名筆以垂不朽先子
與子故也敢託諸子嗟乎有志無時余方戚君之
不遭復嘉宇志之不忘其親也作夷陵君傳君諱
求玉字國華蔣出姬姓散處內郡自十六世祖宋
樞密院使弋陽侯之奇子璿以大司樂扈蹕南渡
居吳邑包山遂爲包山人君在孺穎朗卓絕從父
尚書水部郎枳田公見而異之曰此吾家千里駒
也外王父兄翰林林屋蔡公嘗曰他日此兒當似
舅矣比長覃思六籍屬文新藻滌濯陳言爲郡弟
子負十年解試輒上列郡博緒山錢公奇其文志
分友善督學午山馮公按郡考校得君卷展讀大
悅出示守令曰有才若人公等作率之力也其見
器重如此庚子舉於鄉辛丑落第執父喪焦毀過
禮服闋卒南雍大司成亟加甄拔六館常爲稱
首後較藝禮闈凡八上不見錄甲子歲君齒高矣
迺嘆曰人苟爲國效忠雖一埃一尉皆王官也若
徒爲身家謀甲科奚爲毋老矣椎牛不如鷄豚之

逮存獨不能一日祿養乎遂謁選天官天官素知
君才授夷陵州守先是荆楚戒戎大司馬度列屬
罔可充部使者君至公車爲請于 朝簡命孔棘
且留滯京邸多陟屺之思於是夙夜祗役倍道南
馳北渡江疾作投匕不及竟死舟中惜哉君風儀
傑秀炯目朗音望之偉丈夫也天衷機敏觸物善
照事殷湊紛積酬應罔懈內行修飭由於性成家
財悉推與諸弟友愛甚篤諸弟賴以成立焉窮年
嗜學不廢生殖遂致豐產且積而能散有稱貸者
必紓其急不能償則折券遺去有爭鬪犯分者則
居閒喻解悉爲父子兄弟如初人方之薛包陳寔
云外王父漢菴翁無子館君父於室君事之猶父
大婦身執井臼以供老翁翁沒遺篋略無纖染撫
其所子履護彌勤外舅微庭馬君蚤世迎養外姑
於家恤其諸孤誨育兼至乙卯倭奴犯徼將掠湖
中撫臣檄邑侯康公同君敦旅以拒君出鏖募士
甫繕甲賊已突至君棄家督舟師前進賊登陸圍
君廬盡取金帛數千金而去寇退有司上其功于
幕府君止之曰傾一室以安萬姓所甘心也何力
之有焉包山之陽曰鎮下地汗潦舟夜泊多所踏

兩漢書卷之四

三

卷

溺君捐金築而夷之所費不貲人始利涉君配馬
賢明有士行內職以經君待之如賓室無勝御今
斬然在疚坐卧靈側宵悲晝哭踰年如初喪君子
曰此可以觀刑于矣君懿行實繁余特撫其大者
黃子曰余讀伯夷傳曰仲尼獨薦顏淵爲好學然
糟糠不厭而卒蚤夭盜跖日殺不辜暴戾恣睢竟
以壽終天之報施是遵何德哉嘗竊怪馬遷說之
陋也黃子曰齊景公有馬千駟死之日民無德而
稱焉伯夷叔齊餓于首陽之下民到于今稱之由
此觀之莫詳於顏淵莫夭於盜跖莫富於夷齊莫
貧於齊景矣孰謂非天道耶嗚呼人生不齡體已
矣顯晦脩短曷計焉君敦孝義拜州之日以君親
之故馳而死死亦足矣余又奚戚於君哉

泰和令繆東洲傳

嘉靖乙丑東洲繆公卒之明年厥嗣可貞持公門
人沈陳州狀請余舍杖拜泣曰先君負大志遇明
時竟淹于一令持忠入冥之恨欲托鴻筆以昭來
示少宰崔公銘諸壤給事陳公表諸隧予不可無
述乃評騭懿行著之于簡俾州史傳循吏者採焉
公諱宣字時化形貌質木中寔頽朗振年而孤痛

兩漢書卷之四

三

卷

父樂一翁蚤世悉取遺書讀之博聞強識敏于爲
文少歲克邑庠生每試輒爲一邑冠先太守關西
胡公按撫江右朱公聯七邑士試之爲七邑冠才
譽駸騰善說詩徒衆日廣每大都授時橫經者恒
不下百人歲辛卯新制選郡邑高才第子貢貢入
太學公與選於卯領鄉薦甲辰舉進士授泰和令
公濯心展體敷導惠政拒請託抑豪巨賑流亡理
冤滯境內肅然先是境中大祲群聚之徒依山豪
爲寇捕討不克公嚴爲脩繕以仁義開曉之其黨
悛悟喙竄民安資業雖渤海亂繩之治朝歌利器
之別未或逾也公爲治以教化爲先首葺黌舍邑
貴人怨公者詆以單賄蜚語聞于朝整卷羅先生
端人也移書柄臣曰魯禘以汙官興頌今吾令以
速舉寃哉竟落職歸無何上疏條寃狀事下御史
臺得白將詣闕待除會遭疾嘆曰吾所以爲此者
以讒口蒙垢耳寧復事折腰爲耶迺治園時卉日
以觴典自娛泊如也若孝養母氏敬事伯兄蓋天
性云藏書萬卷命可貞讀曰無忘乃父乃祖之業
可貞清才綴學異日繼公未竟之志若公之于樂
一翁者何必不爲公乎黃子曰世望多循吏詔用

惘惘無華者公殆其人也使公久於其任庶桐鄉
偃師之勲可見矣嗟乎九列而瘼不如一埃而蓋
余不恨公之淹于一令獨恨公之爲令弗終也噫
吁以興學墮官則文翁何武不得爲循吏哉

惠茂卿小傳

天室外史曰嘗怪今之論人者愛憎毀譽嗾隨
人唯徇其跡而弗究其隱雖有善人無以自表見
於世也作惠卿傳

惠茂卿名林世居陽山爲吳聞族號陽山惠至大
父始家吳城遂爲郡人焉茂卿爲人沉毅剛介多

智能任俠好義喜讀書少從先子五嶽山人遊不
爲章句之學志在古文辭時作小吟一二聯語頗
精鍊後辟縣功曹到舍六十日卽投檄去仰天嘆
曰丈夫不能鸞飛作鴻鵠乃俛首與鴟鴞爭腐鼠
不亦可笑哉遂屏居一室抗迹謝俗見故人輒掩
面走曰汚汝汚汝居家端整對妻子不妄笑語置
物皆有常處內外井井如也家始裕中落薪水有
時不給客至設酒饌必豐款曲竟日乃已甘分循
禮無羣言無越行終身唯着布絮未嘗御綺麗之
服過所善人見坐中有貴介公子或不合意者卽

拂衣去曰吾不能覓人顏色也臨財推讓樂施于人克其志雖家無擔石揮千金而不顧可爲也交友以信不輕然諾性慙直好面折人過里中有鬪者詣茂卿陳曲直得茂卿一言各厭其意而去人有阨困輒掉臂赴之而羞伐其德昔季布以諾聞茂卿庶幾其人歟

論曰太史公以韓子兩譏儒俠而以季次原憲讀書懷獨行君子之德弟子志之不倦游俠若朱家田仲之流雖不軌於正義然言信行果已諾必誠亦有足多者焉若茂卿者卽其所爲殆近於君子

之德而軒軒慕豪舉之風蓋儒而俠者也可不謂賢乎人多因其跡而少之而茂卿亦退然自少不銜聲于時故其名遂湮沒不彰悲夫悲夫其人荷賢雖夷門抱關市井鼓刀賣漿之徒皆能施于天下後世而況不爲此者乎已矣哉三代而下無公是非也

祭文

祭沈母黃孺人文

維靈齋出江夏賦性懿淳風敦四教玉隸蘭芬作嬪君子婦職靡闕規規樂羊禮加冀缺主饋惟真

恪養舅姑修體以膳筐藻是蒞爰誕佳兒荀龍何驥截髮延賓尤熊屬志舅也遊宦天外霜衣舅也歸田花下春卮居哀致鳩孝毗徐憲薛包推讓高義攸贊鷄鳴雜珮鳬雁是宜凡民有喪匍匐救之有子鶚薦翩翩六翮朱紱方來榮期綸翟胡然一疾大命弗延君子偕老中道棄捐余忝葭莩素欽閭德忽焉承諱豈勝心惻白露零草寒燈照幃看馨酒旨靈其格思

附墓誌銘一首

司勳氏曰吾母爲黃恭人云父暉孝廟時舉進士爲比部郎其先河南汝寧人後徙袁州昭信校尉調守蘇州遂隸蘇衛籍其投戈講藝射策發科自比部始也有子異善計然術立致富金產以貲豪郡中是謂蔡巷公配王氏生三子各析以千餘金季省曾悉捐其金購奇書秘典朝夕誦讀潛心古人號五岳山人博聞強識爲藝苑流則自五岳始也配太保公俞士悅曾孫女生姬水字淳父晚號質山姬水生而幼敏父鍾愛之出入必携之俱有所占屬每令同賦藻思秀句翩翩逼人父大奇之黃童復生也髫年選充郡學弟子負性至孝先

因母卒哭之慟因寢瘵且貌癯而神清體屏而色
稿長卿多病文心苦之也能甘貧不爲家省父輯
高士傳因頌貧士以見志焉父卒悲哀愈於母時
廼盡棄其橐中金營喪葬具旣又棄其負郭田以
梓父集屢試輒報罷後不得意棄諸生歸達官長
者邀之旣不襲儒衣冠又不具隱居衣冠輒以楚
服見夫古人有褐見者亦奚病焉嘉靖中葉倭夷
熒作烽火通于姑蘇之臺將爲避地計時大司馬
聶公豹蘇舊守也雅知五岳欲招之廬陵割宅以
蒸邱成之風淳父從詹尹以決疑遂携妻子溯江
而上抵於金陵邂逅何孔目良俊諭以就去共留
寓於冶城乃與陪都諸卿大夫游若呂光祿洵黎
戶部民表毛儀曹起朱職方曰藩因五岳而知淳
父者十之六七不曰叔敖之嗣則曰彥昇之孤也
因淳父而追念五岳者亦十之三四非曰叔師之
文考則曰弘微之希逸也交遊旣廣篇什遂多因
成白下之編自序曰登毫者有商俊之願陟鎬者
懷周士之思而今已矣乃託於越吟楚奏悲乎夫
金陵者 高帝之故都而江南之上游也蓋哀深
庾信噫慘梁鴻矣踰六年而還鄉赤城別業且屬

之他人赤城者南城也蒼松白石足以避喧淳父
每邀其伯父中商爲阮咸竹林之賞者也亡何則
又棄其山海水經漢紀諸板爲男女婚嫁之資五
岳所藏奇書散逸殆半癖好古玩嘗蓄敦彞法帖
名畫不減鉅室恒計衣食不能卒歲晏如也五岳
拙於字今受學於祝京兆盡得其甲秀秘法點畫
道逸可愛每掃除一室斐几瑩繁筆研精良焚香
端坐間自灑翰人爭取之密友過存躬自視具肴
悉豐腆酒極醇止不醉無歸也非其人謝不妄通
矣萬曆甲戌二月病脾至五月初二日卒生于正
德己巳十月二十六日得年六十六歲卒長於五
岳矣生男三人長嘉實娶王氏太學生之皐女御
史舜耕孫也次嘉芳娶伊氏太學生魯生女贈奉
政大夫伯熊孫也季嘉枝娶章氏吳縣學生培齡
女廣東布政士元孫也女一適兵科給事中顧允
思正顧出嘉實嘉芳側陸出嘉枝側奚出嘉實生
孫男一孫女一並幼女先卒給諫矢不再娶篤糟
糠之誼隆渭陽之情奉使便道歸預襄事恤諸孤
恒情以爲難淳父所著有高素齋集余爲之序又
白下稿則王廷尉世貞序也幼同父咏月咏淚諸

篇缺不載後漢紀序今之魯靈光也五岳不能加焉諸孤以余中表最相知來乞銘余僅述其所知者而系之銘曰

葉家以業儒葉儒以專藝藝成而名日益熾名成而家日益敝末并身與名而棄之竟鬼則安所不利哉匠門之阡題曰隱君子爰自柱下史姚江邵

附傳一首

吳郡皇甫 汾 撰

黃淳父先生有子曰嘉芳神姿清舉雅懷有槩所稱詩多深致余心善之與酬應無間而君顧時時

黃淳父先生集卷之三

三

念其先公也曰小子詩何能嗣先人哉日幸以公之重而序先人詩是公之不棄其孤而使孤藉寵靈以不死先人也余小子其何敢一息忘獨念先人所不死更有在人未悉也必託公吻以載人耳目小子終身志之不佞乃爲先生作傳先生名姬水淳父其字其先汝寧人以校尉調蘇州因藉焉至曾祖暉用經術舉進士官比部郎有聲一傳而祖異以貴雄郡再傳而父省曾以藝應代黃氏遂爲吳望族先生藉祖父業少就外傳顧明風惠父著膝前每有古屬應聲立和輒多雋語客滿座

一見咸能志其姓字起居莫不越席提耳相顧詭曰不意黃童復生於今遂令江夏不得獨奇年十四補邑諸生試文甚工傳馥郡國性至孝母卒柴毀幾不能生又虞傷父志入侍則拭淚伴喜退則閉戶標踊爲孺子泣兩目幾損迨父見背益啜恤酸感傍人盡斥橐中金營窶安已又棄負郭田枿遺書家日旁落且以積衰成瘵難骨支牀度不能治博士業而試復輒左嘆曰吾少不量妄冀經明可芥拾茅也賈用不售如命何夫所以宅於硤堯屹屹嘔嘔呻其佔俚窮晨夕歷寒暑而不辭者欲

黃淳父先生集卷之三

四

循榮軌娛親旦暮也親不待矣屹屹嘔嘔不自止將以奚爲夫人寄寓天壤淹忽不啻若道颺石火也匏瓜自畜坐成朽腐是不能以名而寵榮親身又以名而捐親所遺之身計畫無俚矣遂謝諸生獨出入緇流嘗慕遠遊不能自致則側身四望興言詠嘆郡有開元寺結草庵所占清曙延月聚雲戶外草樹颺颺響若空山先生攜其侶日而來而姑以是爲三峨五岳乎哉以是爲銅池金谷乎哉夫苟趣會其韶秀而鉅麗者恍然在耳目矣方岳

邵使聞先生名于旄接迹先生閉戶謝之曰鄙人

楚服何敢以辱長者或強爲贈遺力却不納曰幸
不至溝壑不敢以無功當橫施里中俗子逼欲致
先生則僮僕而出遍履支硎諸山不可尋跡游倦
而歸望其廬曰何纍纍者排也得毋貴人乎復過
去經月或挽而留之不可則嘲曰子知會心不在
遠何乃捨近矚而事遐尋先生笑曰苟欲會心寧
知遠近吾以丘壑視階庭以几席視雲山鳥飛魚
泳惟意尚羊耳且天幸憐我饒我以濟勝之具不
致褻我以諸俗之態我是以得有人所無而無人
所有子顧欲奪其所有而強其所無何天憐之而
子辱之耶吾寧以所無負諸貴客誰寧以所有負
諸名山子毋譟譟矣客又曰標異非道何用是拘
拘爲曰我少也賤貴非我倫芸牧相混政我之玄
同也奚其異嘉靖中葉島夷作孽先生因攜妻子
僑居金陵每登石城望鐘山吐雲若青蓮笑曰此
不減三峨五岳矣諸貴戚召游家園笑謝曰觀足
矣惡用是金谷銅池爲一時名勝慕之輻輳相與
靡和卽最能詩者爭下先生篇什甚富有白下集
先生始作精麗宏博至是改轍而趨澹辭雅調然
無率爾九稗語王司寇元美亟賞之評曰吳習務

輕俊微傷于淺中原好爲豪不免於寵享父乃能
劑矣司寇排異執於先生獨無間人亦以是雌黃
爲不爽踰六載島夷平先生還故里家四壁立愈
益喜法書名畫極力市易遇窘復斥以資食指稍
贏召故人焚枯酌醴爲娛樂或丐貸必旁宛濟之
使稱意去客或謂曰爾貲有幾不虞罄耶胡不已
是急而急人先生曰我念吾窘乃恤人窘施自性
耳誰能慊慊若婦人行之自如所居環以奇卉異
石焚香獨坐蕭然世外當風日清美攜酒自勞曰
此亦令人貽蕩居然有三峨五岳意吾老是矣嗟
夫金谷銅池不素玩而麗矚然役神疲力終不長
有此姦父哉先生自是不窺市井雖故交亦罕識
其面惟清令素侶爲開一徑雲間山人陸中行吐
納風流辭寄婉逸每衣險衣弄扁舟五湖間信風
來枉過吳門先生異之瀟灑相過晨夕拍浮曰見
陸生引人自遠不必山水人始重陸山人乙丑予
寓虎丘山人常餉予先生所書簞先生書學祝京
兆而道逸過之方其濯洗雕飾楚服吳語亡能小
異先生者及興至命管書所撰詠夏雲秋蓬低昂
奇變已入彷徨吟嘯清會要眇韻空烟而迴長風

激天鯨而號山鬼神意適上自覺一座無入即也
客亦莫不擊節呼詫意先生以爲天際真人矣未
年有高素齋集研練精切風格自存然亦用以娛
適不爲副在計以故挂漏者半先生沒後仲子嘉
芳泣而僂行索諸大父行獲其遺文若干篇手自
讎校爲全集而給諫顧章所貢先生倩王右其事
給諫薦於言倅亡不再舉撫世諸孤情踰具通至
是感嘉芳意斥產資剝瀾焉集行先生名益重人
咸美嘉芳孝爲能不死先生噫先生所不死非特
也

贊曰古人不得志則龍蛇其聲銷矣託藝業以名
其猶未甘聞湯乎若夫借交求伸居間自潤置埃
之不振振而沾沾然曰向也寧無屑烟霞而垢
嘉以黃先生之藝足商賈而息心人外如逃
影然斯所味與近代里闈上典矣河汾仲淹稱述
天隱吾未敢用以標目曰其隱庶矣夫

天池山人馬時可著

黃淳父先生全集卷之二十四終



黃淳父集二十四卷

浙江汪汝璥家藏本

明黃姬水撰是編乃萬曆乙酉其壻顧大思哀白

下高素齋二集及所未刊者并梓之凡賦頌贊詩

十六卷雜文八卷

玄蓋副草二十卷目錄二卷

〔明〕吳稼澄撰

吉林省圖書館藏民國五年影印明萬曆家

刻本

附《四庫全書總目·元蓋副草

二十卷》提要

玄蓋副草序

翁晉先生以門閥之雋守邱園之貞意其爲人沖和澹易然生平好古不辱贊郎青衫角巾以歸地下遺誥所述墓誌著焉則亦慷慨絕俗之士哉昔李塉論明之盛衰謂弘治以還士競文墨區別門戶評彈故今職掌既荒浮靡相習窮其禍始歸獄東陽又謂萬歷以後書生浮議自以爲是自以爲忠負氣而爭鼓舌而辨呼號喧闐各不相下使聽之者迷當之者瞶而國是因之日亂孰是以窺先生則其慷慨絕俗必有所謂慮亂憂危如塉所言於戲弘萬之際在明爲盛議諫之儒害中家國時

玄蓋副草 序 一

非弘萬復何言哉先生之詩曰玄蓋副草凡二十卷北征滇游其集別行吳丈缶廬先生裔孫也求於吳越久不能得乙卯之夏吾居京師大索於市估無以應久之而得滿城張氏藏本易以重值歸諸缶廬時先生之父峻伯先生天目歲編丈已重印寶是副草哀成家集誠盛舉也北征滇游二集儻在繼此以出吾所跋慕然文獻可徵隱顯有時於世不知先哲所歎沉滄桑之後鼠蠹之餘耶先生之詩秀水朱氏謂出西崑吾謂派別源於樂府若其五言尤所嗜誦然慷慨絕俗之趣則非捫字攬卷所可求也丙辰二月越人諸宗元序

玄蓋副草序

有明七子倡復古其稱詩指要一本於謝榛榛之言曰取李杜十四家最勝者熟讀之以會神氣歌詠之以求聲調玩味之以哀精華得此三要則浩乎渾淪不必塑謫仙而畫少陵也明史志之以爲諸子心師其言王李標榜風流構會追琢其章金玉其相祧宋而宗唐披蘇而挈黃靡靡之音堅涇之辭至是一變然而摹形繪聲比象設色矧皇門戶神不舍其宅是所謂得人之得而不自得其得適人之適而不自適其適誠與穀均亡其羊者也吾鄉吳先生翁晉生有明中葉以後當七子貌古

玄蓋副草

序

一

之時弇州太函諸人與先生敦崇夙好爭相推重而先生之爲詩原本風騷融會今古發其幽閒深沈之思一洗明季噍殺之習卓然成一家言昔竹垞作靜志居詩話於于鱗多微詞獨稱先生樂府如健兒騎駿馬左右馳突靡不如意是則造新豐者未必不爲壽陵之學步而澄思獨往能自樹立者固千載而彌光也旃蒙之歲諸子宗元來杭昕夕與共出先生所著玄蓋副草以示曰此海內孤本余得之京師以餉缶老者也未幾缶丈以書來責序蓋將以重梓云貞維吾鄉詩人自吳叔庠後光沈響寂且年湮代遠勢異時移梓桑遺箸零落

散佚不可勝數獨先生以詩世其家自其大父允

祥公父峻伯公均有著述爲時宗仰高文舊德世載其聲其至於今已四五百歲矣劫火中更市朝陵谷而是編楮墨完好古澤如新繼峻伯公天目歲編之後重印問世先人遺美聯輝並耀斯固一家之慶亦吾邑文獻之光也抑貞聞之揚子雲曰言心聲也書心畫也春秋說題辭曰詩之爲言志也天文之精星辰之度人心之操也苟不得於心而求於言不得於言而求於人希風承流聲華相競亡溫柔敦厚之旨務爲支離破碎之作則詩之道失矣吾觀七子擯四溟不屑於章服之中難以

玄蓋副草

序

二

韋布而先生臨終語其子以布衣幅巾歛謂如此庶足以見疇昔詩人於地下此先生之所以爲先生歟考先生所著詩尙有北征南諸溟游諸集缶丈其十三世孫也貞於缶丈居同里閉誼屬申末故謹識數言而不敢辭太歲在游兆執徐孟陬之月莫永貞序

玄蓋副草序



延州友人吳夢陽識

吾友吳翁晉詩稱名家蓋三世云其大以觀察公起於正懷間所著有苔源存稿其尊人中丞公起於嘉靖間所著有天

玄蓋副草序

一

目歲編並行於世兩公之朝稱名宦以直節偉績掩其詩而詩固其餘也翁晉以三禮世其家卒雖一第其才不少際見而一泄於詩宜乎工矣或謂翁晉名早起所善咸當代方

聞之士詩殆以遊而工者余謂

不然曩者弇州太函兩公之名

傾寓內士人附之若趨市然兩

公所遇如翁晉稱素交者僅倖

指數蓋弇州舊為中丞同舍

郎詩實推重中丞嘗自謂峻

玄蓋副草序

二

伯進我於社峻伯中丞字也及

中丞沒獲翁晉而喜曰吾友有

子不死矣太函則中丞所舉士

獲翁晉而喜曰吾師有子不死

矣于是兩公文貴翁晉不置以

會知名之士方視兩公月旦為

軒輊莫不側目翁音唯恐名出其上而翁音則謂吾實又執兩以而在事之豈屑之為名地哉兩上而謂之時負才者竟為新聲翁音獨斤之循前人矩矱不少變或謂詩貴熟解無取積切翁音則謂吾寧為趙營平之入羌而不敢以疎勝或謂詩貴獨運無取博收翁音則謂吾寧為王頻陽之入荆而不敢以宜勝或謂詩貴奇閎不窮無取規之常道翁音

則謂吾寧為武侯之不入陝而不敢為涼公之入蔡以間道勝人方求工於句字而怯日疎取合乎情境而音日窒翁音則法嚴於章而句字協音暢於格而情境諧梁讀其詩而可以想見其人為長者析體而論其為古體於漢魏以來諸作者無所不窺降而為唐之初盛者有之而卒未嘗為中晚之為古也其為近體於唐之初盛法作者無所不窺降而

為中晚者有之而平未嘗
為唐以後之為唐也至其
為康樂為少陵晚而有專
詣焉不佞則妄謂康樂之詩
精而有執擬之者多局於區
中少陵之詩全而無餘擬之者

袁蓋副草序

五

輒遺其之外聞者咸黜其誕
而翦音獨是之唯是之而所擬
者蓋精深而忘其為擬詩其
浮於名與世有不能割其名
者必兩以也顧兩公沒而輒
誣之以自異其名于是乎不

享延翦音所以壯事兩公者獨
生死不移人謂翦音位長者
宜其詩尔也而名蓋歸之矣
然則翦音之詩翦音所自有
能不以遊而變者尚何藉遊乎
及不佞之序其詩竊有感

袁蓋副草序

六

焉吾觀翦音之詩終不與世
推移匪直其才足居也藉令
後觀察中丞而起當必有可
觀者而今徒觀翦音於詩已
耶悲夫詩凡二十卷命之曰玄
蓋割草玄蓋為天目別名其

藏書有在姑稱副云

先君子中丞公為內外兄弟故予與

翁晉少長相狎云翁晉簡默寡諧

獨善允地及予嘗自予得為兩人詩

益進今詩成而允地序之矣同然

之心業有先得後何所貴一詞因為

玄菴刪草序

七

手書以授剗剗翁晉生平交自

吾兩人而外唯梅季豹茅孝若季

豹已不可作而孝若亦在茲當俟

其還日共為詩評見允地之稱翁

晉者果不誣而翁晉之不愧茲序

也萬曆丙午之冬日臧懋循書於

秦淮客舍



玄菴刪草序

八

玄蓋副草目錄卷上

卷之一

五言古詩

神仙行七解爲茅太公九十壽

長歌行三首

白馬篇

美女篇

名都篇

筵篋引

春游篇五首

贈歐楨伯三首

寓懷六首

悼亡五首

擬古四首爲仲兄得子賦

玄蓋副草

目錄上

一一

松枝一何勁

桂枝生自直

馥馥秋蘭芳

蕭蕭高桐枝

閔旱十章

代翁升贈姬人

代姬人荅翁升

雜詩十八首

卷之二

五言古詩

三寓公詩

有序

安仁劉司空元瑞

秦中孫山人太初

華亭徐明府伯臣

贈汪伯王先生

雨後東羣從

古意二首貽臧晉叔

送弟彰三首

古意

哭王元美先生七章

寄梅季豹五章

古詩十二首

壬辰穀日

過文杏館

雨後步庭中偶成

齋坐

晨起

樓居二首

玩月作

貽載伯叔

雨中有述

感懷

仲夏卽事

嘉秀堂宴集

晝臥

夏夜卽景

玄蓋副草

目錄上

一一

題東塢園亭

登王華山樓二首

過載伯叔午齋作

薄暮偶成

宿王華山中

王華晨起眺望

贈王季中三首

寒夜懷允兆

贈載伯叔三首

殘燈

早發

送謝在杭三首

荅允兆

寄馬從父

卷之三

五言古詩

古意二首贈茅孝若

雜詠十一首

詠古	早春行田間
試酒二首	覆巢嘆
雜詩	
春日溪南游眺五首以蘭澤多芳草爲韻	
同諸兄弟谿館賞王蘭花	
齋居	詠古五首
貽梅禹金	感懷
雜感五首	允兆北歸寄訊
貽恩法師	感事六首
酒中示客二首	秋夜二首
玄蓋副草 目錄上	三
東隣	詠如姬
贈王辰王	詠懷九首
夢後作	田居
寄懷俞美長	題齋壁
贈汪仲嘉	寄陸無從二首
贈曹以新二首	贈何无咎
大風感作	貽季若
歲暮書懷六首	閒居二首
別潘景升兼貽梅季豹	
卷之四	

五言古詩	
游龍井	錢塘首發
題嚴子陵祠	上烏石灘
宿大洋灘	東園紀游五首
游太王洞天	
由芙蓉村歷四十九盤抵能仁寺	
從斤竹礪趨錦溪抵大龍湫觀瀑	
度馬鞍嶺探靈巖	憇墨池因詠
賜湖雜詠二十首爲王參知公賦	
清暉堂	紆青閣
玄蓋副草 目錄上	四
知樂軒	聚秀園
紅雨蹊	漣漪亭
潛光室	暑香亭
金粟嶺	穿雲峽
超覽亭	筠阿館
綠沈坳	淳王沼
臥虹澗	香雪塢
清涼界	錦浪隄
寶界菴	浮碧臺
游江心寺登雙塔	登謝客巖

泛瞿溪	飲梅雨潭上
得翁升翁吉書却寄一首	
寄允兆孝若	陶圃詩 <small>有序</small>
夢釣	薄暮抵錢塘
夜潮	畱別震師
舟中望金華山	哭王陽德先生四章
西湖逢悅法師賦呈一首	
北游首發	別允兆
別孝若五首	荅屠緯真
范東生移居吳門過訪賦贈	
玄蓋副草	目錄上
謁淮陰侯祠	五
讀于子冲叅知詩感作兼呈于可遠先生	
經陳思王墓	荅周世之冬日見貽
去掃齋詩爲沈千秋賦	
志士惜日短	艷歌行
郊游	燕中逢張異度賦贈
別沈千秋	別戴伯叔二首
除日東震師	
五日集秦淮水閣送張孟奇奉使還嶺南	
曹能始邀同焦弱侯吳允兆臧晉叔俞美長	

朱文寧城南泛舟	
九日洪子厓曹能始相招泛舟登高得烟字	
別諸德祖	
卷之五	
七言古詩	
荅漁父歌 <small>有序</small>	老女操 <small>有序</small>
叢桂操	蟲鳴歌 <small>有序</small>
銜土歌	徘徊歌
飲餽歌	拊缶歌
老烏嘆	種瓜辭
玄蓋副草	目錄上
古澤歌	愁歌
貝錦歌	白頭烏
烏鵲行	大水嘆
烏夜啼	東飛伯勞歌
長相思二首	秋閨曲
野田黃雀行	白紵詞四首
雞鳴歌	
和郭次父西湖洗硯歌	
桐柏歌爲仲兄賦	攜李夜泊信口自嘲
舟中苦熱歌	江上觀日出

同鄔汝翼潘景升過瓦官寺率賦短歌得袍	字	鴻門行	傳徒行	潰圍歌	戚夫人歌	詠萱花	翁升初度席間歌贈	過翁吉飲率成長句	送安伯叔北上	送梅使君入計	上東門行	淒淒吟	荅翁升雪中歌	歲暮嘆	白楊行	霏雪篇	蟠桃行	玄蓋副草 目錄上	七	秋海棠歌	懷何无咎	永嘉歸寄梅季豹	戲荅翁升歌	浮白歌	題唐寅畫美人	雨中獨酌	卷之六	七言古詩	古意二首	雜歌二十首	舟中沽酒辭	贈楊載之	夜泊晟溪不及會閔君朗悵然作	妖狐行	寄翁升
-------------------	---	-----	-----	-----	------	-----	----------	----------	--------	--------	------	-----	--------	-----	-----	-----	-----	----------	---	------	------	---------	-------	-----	--------	------	-----	------	------	-------	-------	------	---------------	-----	-----

薦觴詞	東塢看梅花懷弟新	古梅引	醉後作	水仙花歌	連日送蔡書感	獨酌偶成	春雪嘆二首	由谿上入王華山得硯字	別陳公衡駕部短歌	東翁吉	礪山謠二首	赴翁升飯率成二章	震上人閉關書經歌贈	牆頭草	七歌 有序	晝啼鴉	咄咄行	玄蓋副草 目錄上	八	射鴈辭	驅車吟	信筆招載伯叔	生辰嘆	閨中秋二章	贈黃用晦歌	蔡將軍歌	諸兄弟過飲得穀字	酒錢歌寄王季中	古興	擊鼓行	雨中作	燕哺兒	寄閔君朗	卷之七	七言古詩	西陵怨	臨邛行
-----	----------	-----	-----	------	--------	------	-------	------------	----------	-----	-------	----------	-----------	-----	-------	-----	-----	----------	---	-----	-----	--------	-----	-------	-------	------	----------	---------	----	-----	-----	-----	------	-----	------	-----	-----

燈花詞	銀塘怨
嗟嗟行	舍南行
飛翠閣觀梅率成短歌	
取酒行	落梅曲
春日紀游	歌贈以訓兄
怨情二首	中酒東看花諸君子
懷西湖桃花歌	古意
祗園歌寄曹以新	雨中懷四子歌
載伯叔齋中賞王蘭歌	
卽事戲呈諸君	秦淮歌寄梅禹金
玄蓋副草 目錄上	九
東塢看桃花歌	花下醉臥歌
龍井逢王子和賦贈	
明伯叔攜王姬同泛西湖	
兩華山房歌爲祝無殊山人賦	
荅贈王昭文歌	
邵少文携酒東園見招戲成短歌	
贈王昭敬文學歌	
松鶴道人歌爲王季中賦	
君不見答柯茂倩	別何无咎
金陵除夕歌	閨情四首

允兆貽孝若白定茶洗及門而碎余爲歌紀之	王郎歌贈昭王文學
短歌四章畱別王季中	
怡怡圖歌	有引 贈嚴先輩廣輿歌
飲王叔右嚴廣輿戲作	
徐州偶題	游任城南池歌
贈郭汝承歌	麟鳳辭贈于長文
大雨後于宗伯先生以歌見問賦答	
郭先生歌	爲汝承尊人郭建初
金生爲余寫小像贈以歌	
玄蓋副草 目錄上	十
荅汪明生歌	
陳仁夫招飲率爾歌贈	
中秋宴寧伯叔宅歌	贈曾波臣歌
短歌四章贈別冒伯麀	
長干行	
集流波館短歌	古意
傷離曲代寄洪仲常	
卷之八	
五言律詩	
塞下曲	驄馬

俠客	從軍行
公子行	胡笳曲
晚歸	冬夜
屏跡	獨酌
過姚伯道叔度兄弟	夜坐
苦雨	
齋雨同郎黃二子夜坐	
寄黃白仲	
宿瑪瑙寺祥上人山房	
舟夜卽事	
玄蓋副車 目錄上	十一
秋夜同陸無從孫齊之念宗漢謝少廉程子	
虛馬從父梅季豹楊徐二姬集安茂卿水閣得邊字	
俞子孟武攜具招同林逸民登紫陽山得青字	
伏承王廷尉元美先生敘先中丞遺集感德述懷敬呈四首	
早春谿南山行	
同郭次甫過徐茂吳山園畱宿得源字	
春日閒居五首	谿館獨酌二首
雨中漫成二首	臧晉叔過訪賦呈

同鄔汝翼葉茂長六橋看桃花得殘字	
喻邦相使君招飲湖上卽席分賦琴字二首	
傷妓七首	臥起偶成
病目承載伯叔以詩見訊愈後有答	
新秋山行	秋日臥病述懷四首
病中臧晉叔過訪	秋夜二首
對月	中宵大風悵然有作
驟寒	感懷
雪夜	見白髮
元日感懷	寄內弟閔君學二首
玄蓋副車 目錄上	十二
感春四首	房中十詠
夜起	初度感憶二首
絡緯	秋雨登綠綺閣
丙戌九日	述懷
正月六日山行卽事兼呈諸兄弟二首	
有客	雨晴次莊居
晚登谿亭	夜坐漫作
東載伯叔	寄謝少廉
野泊	
同諸君過翁吉拈韻得塔字	

霧中山行卽事	除夕
王華山行	春寒二首
代美人詠新柳	
卷之九	
五言律詩	
初夏山齋卽事四首	薄暮
梅雨樓居四首	酒間示妻子四首
詠陽伯叔館中荷花二首	
理髮	
淞江城西尋故杭伎墓不得悵然作	
玄蓋副草 目錄上	十三
阻風邗上	舟中曝日
湖汊夜泊	吳江晚泊
步入田家少憇	登北固
泊青山口	歸途書懷二首
送梅季豹	入山感述
卽事二首	梅溪晚發
歸舟	
上大司成趙汝師先生五首	
同鄔汝翼潘景升過印公蘭若得林字	
書懷呈少司馬王元美先生四首	

一雨	贈汪仲淹
燕臺驥首爲方元素題	
逢余宗漢赴白榆社三首	
汪伯玉先生席上詠桂同宗漢仲淹分得東	
字	歸懷
謁李供奉祠	
流波館同梅禹金子馬分得微字	
得內書	代最華月夜懷禹金
流波館別舜華	菱塘曉發
客夜二首	夜題寓壁
玄蓋副草 目錄上	十四
枕間作	望月有懷
寄季豹	
送梅泰符之楚哭丘潮州二首	
再送泰符	卽事
四月晦日大雨有作	偶成
郊居八首	荅黃白仲茗上見懷
黃白仲過訪分得齋字鹽字	
玉華山樓同白仲限韻二首	
對酒同白仲限韻	婁江道中
舟夜	曉發

舟早獨酌	梅溪舟中作
雨中東翁升二首	五日志感
小酌卽事	刈麥
送吳允兆北游五首	寄章元禮吏部
小集山園限韻三首	桐汭道中
宛陵道中	同汪仲淹夜坐
寄潘景升	
卷之十	
五言律詩	
代王姬荅季豹六首	哭汪仲淹
玄蓋副草 目錄二	十五
舟曉	舟晚
發城西	入山
哭安伯叔三首	
允兆過訪小集得如字	
同允兆集翁升宅得峯字	
雨中邀允兆登飛翠閣同用飛字	
哭汪伯王先生二首	送程柴中游天台
同孫齊之梅季豹謝少白集高座寺看竹軒	
得烟字	書懷兼呈季豹二首
寄曹以新二首	寄王百谷二首

人日雪過載伯叔飲限韻二首	
元夕宴集	夜飲
山行值雨	
春日同載伯翁升翁吉觀公集玉華山樓三首	石澗流觴得流字
賦得澗中石	過集東塢三首
三日水邊分賦美人帶影	
同吳允兆梅季豹陸纂父登道場山分韻四首	代靈珠荅孝若四首
秋夜同陸纂父吳孝父汪仲嘉馬姬集汪士	
玄蓋副草 目錄上	十六
能客舍得秋字	
同李季宣陸纂父吳孝父汪仲嘉集士能卽事得金字	
同吳石父張成叔黃貞父吳子野康季修吳用修茅薦卿集孝若宅得濃字	
歲暮書懷六首	獨酌芳梅下
早春登朝光樓二首	簪蓬 有序
敗蕉	踏青
春閨新月	咏澗中落梅
春夢	賦得桃花帶雨濃

菱花鏡	挑燈杖
拜元美先生墓三首	月夜過翁吉小飲
夜坐	朝光樓看月
秋夜	寄曹以新
荅翁升二首	有懷
荅陳伯孺寄懷	東載伯叔
大水書感兼寄謝使君四首	
白下逢潘景升述舊有贈二首	
秋夜懷余宗漢	
城南晚眺有懷孫齊之	
玄蓋副車 目錄上	十七
寄懷陸無從二首	待季豹不至悵然作
懷何无咎	別梅禹金
別汪仲嘉	歸日示內二首
九日登朝光樓二首	懷允兆
遣興	荅翁升見慰
東翁吉	夜起感懷
卷之十一	
五言律詩	
駿馬	寄孝若
感事二首	山堂偶成

翁升同黃用晦過集分韻二首	
訪客不值獨步谿上	王華山訪震師
贈印上人	
梅禹金貽書云貂色敝免頽頽吳先生作山	
長自如可以觀世矣感誦之餘聊以奉荅	
冬夜	客至
寄吳用修	荅孝若見懷二首
雪中作	歲宴山居四首
感懷	齋居偶述
對餘雪	送徐生還越
玄蓋副車 目錄上	十八
村居	同孝若夜泛
遺世	偶作
史無涯過飲有贈	書感二首
班姬怨	聞笛
造麴	贈客
哭曹以新	卽事三首
雨坐	遣興二首
寄朱太復	新鵲
螢火	蛛絲
偶成二首	

梅溪晚發時赴謝在杭廣陵之約

法華寺訪孝若病止宿

經曹以新故居

薄暮舟中作

橫林夜泊

次毘陵卽事

廣陵訪謝在杭後將過金陵會臧晉叔先賦

寄

雲陽曉發

泊江口

晴曉江行

城南曲

懷王季中

城南怨二首

雨泊武林

江上見新月有懷

蘭谿道中

玄蓋副車

目錄上

十九

舟中雜興四首

阻舟松溪

過潘灘率成

度大鶴嶺小鶴嶺

竹洲早發

松鶴齋小集分賦江字

陳公理招集團亭分得檐字

陽湖泛月

何无咎邵少文柯茂倩過訪夜集因賦

五日席上呈叅知王公

登飛霞山

和王季中詠獨鶴

暑香亭觀荷花分韻時以優童佐觴

宿知樂軒

擬游天台以暑不果悵然有作

薄暮登華蓋絕頂

東園獨步

詠美人蕉

詠八卦魚

詠雙頭蓮

東屋偶作

松下聞蟬因成詠

爽然臺看月

橫塘夜泛

乘漲

歸思

游仙巖四首

別王季中二首

括蒼道中

憇山家卽事

候薪

玄蓋副車

目錄上

二十

樵客談負薪之苦因述

沽酒

買魚不得偶成

桐廬道中

聞季豹客西湖覓之不得悵然有懷

卷之十二

五言律詩

秋思四首

憶遠二首

送孝若北上三首

過允兆漁舍分賦三首

和允兆霞霧山炤口施食二首

同潘景升過瓦官寺竹下

別季豹

別潘景升

南歸病懷六首

寄允兆二首

憶昨

伯兄讀余永嘉集喜而貽詩賦答二首

過允兆夜集分韻二首

東遊畱別吳允兆俞美長錢象先黃伯傳吳

子野范東生茅薦卿孝若分得畱字枝字

栖水遇潘景升攜李如期舟中相招夜飲因

賦

別景升

玄蓋副草

目錄上

二十二

用別景升韻贈別如期

白溪登陸

度稽溝嶺

飯雙溪館

括蒼山行卽事二首

寄孝若

山城秋夕

山途卽事

釋憤兼示內二首

送祝無殊之鹽官

夜感

夜坐卽事

宵宴

送汪生還宣州

獨居

寒夢

偶懷

曹能始暫寓攜李過訪夜坐各賦三首

入山卽事

齋坐

寄懷載伯叔四首

花朝同吳允兆曹能始茅孝若陳惟秦徐尚

之呂叔與錢叔達陳孝慕泛夾山漾以花

朝春晴爲韻

送陳惟秦之金陵

舟發吳門東溫長卿太史三首

同溫長卿登金山二首

次廣陵漫作三首

經邵伯河

過于宗伯先生東園四首

臥病南溪郭汝承過問

玄蓋副草

目錄上

二十二

過東流池上

畱別于宗伯先生二首

張秋登舟北發

阻舟天津二首

舟夜雨懷

荅溫長卿太史

荅朗公

方嗣宗招集魏姬館

寄王季中

寄何无咎

雨坐東溫長卿

方嗣宗生朝宴集分得寒字

賦得昇仙橋送吳倅之涪州

贈唐生還歙

送米仲詔明府之銅梁兼寄黃昭素宮庶四

首米爲黃門人

溫長卿招余徙私邸賦答

沈伯含武選過訪賦贈三首

卷之十三

五言律詩

長卿問藥簡謝

病懷兼呈千秋長卿三首

早臥二首

詠盆梅

望西山

玄蓋副草 目錄上

三十三

同鮑山甫武選樂爾律膳部莊靜甫羅伯倫

二山人集沈伯含武選宅

贈樂爾律移居二首

雪夜同米君夢姚幼常集溫長卿宅分韻

寄示翁吉弟二首

得震師書却寄二首

畱別長卿六首

出都書懷八首

經孟嘗君墓

經毛遂墓

江行雜成四首

王季中招飲花下

題王季中雲波舫四首

林思洪攜具偕邵少文周姜二生登華嚴山

二首

旅夢

集王昭文山閣卽事二首

感秋二首

過王昭敬齋中賦贈二首

寄內二首

詠木芙蓉三首

王季法攜酒東園見招

行園詠鶴

秋夜有懷

東園賞菊

詠菊二首

秋夜看花示周姜二生

白塔月夜王季中招同曹人介諸君泛舟二

玄蓋副草 目錄上

三十四

首

別王季中三首

發永嘉次日作

曉渡惡溪

婺州道中二首

富春道中

江行值大霧

哭季豹四首

寄慰沈千秋二首

送朱文寧之任南少司成二首

同允兆過畚公

游女

翁吉歸率示

爲曹能始悼亡四首

暑會卽事四首

七月十五夜觀焰口施食二首

寄懷長卿二首

偕允兆訪唐美成

偕三姬集沈不傾翁晉卿水閣二首

同允兆訪義法師登後山二首

六言律詩

雨中漫述

寄舜華

九日汪伯玉先生招登蔭山有作

別汪士能

同允兆湖上分韻二首

寄懷

玄蓋副草

目錄上

二十五

玄蓋副草上卷目錄

終

玄蓋副草目錄卷下

卷之十四

七言律詩

紫驪馬

關山月

劉生

洛陽道

出塞

入塞

王明君

銅雀伎

長門怨

青樓怨

寒日山樓作

齋居東戴伯叔

賦得秋夢

東郎宿甫

玄蓋副草

目錄下

一一

謁大廷尉王先生恬澹觀

得舜華書

燈宵雨讌

同王仲房吳少蒙梅季豹集歐楨伯署中次

楨伯韻

重陽前二日同王仲房諸君子集水雲閣得

豪字

寄孫齊之

荅贈程子虛白下兼寄王仲房

夜集高深甫同鄔汝翼詠隔簾美人得心字

重陽前一日沈侍御招集北園得絲字

六橋同喻使君邦相月下觀木芙蓉

十三日燈宴

諸兄弟過飲席上口呈

王憲使敬美起督浙學不赴奉寄

初夏偶成

憶長干諸舊游二首

七夕因憶去年是夕爲秦淮之泛悵然有作

題蕉雨亭

聞笛

胡山人過訪賦贈

九日寄懷方子及比部

郭道人次父過訪賦贈

送郭次父還焦山兼寄陸無從

玄蓋副草 目錄下

二

賦得寒閨怨

翁猷兄至白下不爲長干之游奉調

懷仙詩四章奉寄王長公

歐楨伯虞部上疏乞休貽詩見示賦荅

詠芭蕉四首

荅吳允兆病起見寄兼柬公擇

見燕有感

雨後書懷

湖歸荅翁升見懷之作

得梅季豹禹金書却寄一首

秋懷八首

吳駕部公擇招集倪明府公甫宅得烟字

秋日同王仲房諸君携楊徐二姬登雨花臺

得齊字二首

九日江上

十月十日雪有作

唁臧晉叔

兩夕過翁升齋中有作

湖夜

茗上對月

秋夜同吳允兆清遠樓分韻

張山人過訪有作

早春寄徐茂吳

武林春盡畱別徐茂吳

同潘景升城南泛舟得鳥字

玄蓋副草 目錄下

三

樓夜聞笛

里居書懷

荅梅禹金見寄

過馮美卿逢王世周夜集得來字

臧晉叔過訪值雪夜集樓中有作

無題

南都呈王司馬元美先生二首

戲呈載伯叔

江上看月有懷

梅花十三首

贈大司寇陸公與繩四首

贈喻叅軍少極尊司馬公與先大夫同舉進

士

詠新鶯贈崔姬

荅黃白仲兼寄屠長卿

畱別余宗漢茅平仲鄔汝翼何主臣謝少廉

諸子

古意

卷之十五

七言律詩

贈汪司馬伯玉先生二首

登白岳四首

采石感興

由南都復入白榆社感呈汪伯玉先生兼寄

王元美趙汝師兩先生二首

玄蓋副草 目錄下

四

送吳孟嘉從方學憲入蜀

示仲淹病中兼懷仲嘉

程巨源貽詩述令先公守辰州時爲先中丞

貴陽首舉讀之愴然奉荅一首

同程巨源過集蘇君昭有作

寄龍君善博士先爲新都李官

清明日同曹子念毛豹孫梅泰符戚不磷集

王司寇先生署中得光字

談叅軍思重僑居金陵賦贈次王長公韻

南都逢曹子念賦贈二首

金陵酒肆贈茅平仲 戲贈王房仲

送王季中光祿謁選北上

送何无咎游燕 題流波館壁

陳廷尉王叔貽詩見送奉荅

立夏前一日歸自金陵有作

和翁升無題三首 賦得六宮秋月怨

貽梅使君

秋盡

仲兄荅中歸招飲有作

病起過翁吉

十月十九日翁升招飲修廣堂時聞虜耗

玄蓋副草 目錄下

五

感懷

庚寅書事三首

蘇臺懷古

伯兄生日宴集有作奉和

代燕姬荅王郎

和何无咎觀女劇三首

五日席上呈叅知王公

呈別王叅知陽德先生二首

江上別王季中

歸懷荅臧晉叔

潘景升久客金陵賦寄

憶昔

寄曹以新二首

寄龍君御

贈謝司在杭

寄叅知永嘉王公三首

寄王季中二首

寄何无咎二首

詠衰柳五首

十二月十六日宿茅山紀哀

立春日郊行

同允兆集伯兄玄秀閣得冰字

金陵戲贈梅子馬

寄內

贈車膳部子仁

下第後林叔度以詩見送答之

玄蓋副草 目錄下

六一

畱別徐惟和

乙未元日

無題二首

憶昔

翁升北歸喜賦

代屈姬寄載伯叔

春雪登樓

和載伯北歸贈別之作次原韻

花朝

過明伯叔看花

燈下桃花

代棄妾怨

見燕

和謝在杭春日感懷之作次原韻

秦淮客夜感懷

畱別汪士能兼呈仲嘉

李季宜喜余至江上以詩見貽答之

南歸東翁吉

徐惟和客茗上賦寄

城夜感懷

憶閔氏亡姊

丙申元日

十四夜觀燈

閨人擁爐二首

代閨人詠梅花寄遠

朝光樓曉望新柳

寄閔叔明外兄

寄贈

白下再逢張文甫感贈

金陵客夜

歸懷

玄蓋副草 目錄下

七一

期翁吉由陸同歸

別仲兄先歸

卷之十六

七言律詩

金陵發舟趨溧水

旅肆夜飲同翁吉賦

歸途卽事

曉發蒲塘

高淳道中

桐汭道中

宿桐汭示翁吉

南歸寄謝在杭

東塢觀木芙蓉二首

寄吳公擇

雪中過翁升飲二首

元夕紀興

戊戌紀事六首

訪牟若田居時允兆北游

送謝在杭之廣陵 季豹過訪有作

初夏漫成二首

翁升貽詩送余游廣陵以無貲未果悵然荅

之

五日示內

代內荅

寄朱太復

允兆北歸賦寄二首 寄懷載伯叔

八月十五夜見月華 送閔光祿之南都

奉謁參知永嘉王公讌集賦呈

王季中夜飲話舊

玄蓋副草 目錄下

八一

王季中招同何无咎集山亭亭面太王洞天

集青旭樓

同王季中坐雨因東何无咎時无咎卜居山

中

奉陪王叅知公泛舟之賜湖

望吹臺山

登鎮寧樓二首樓爲王陽德先生構

同王季中何无咎吳伯宗邵少文林思洪集

王昭文太王樓

叅知王公貽詩見贈次韻奉荅

松鶴齋看月呈諸君子

荅贈韓茂才

吳伯宗夜餞畱別一首

林思洪枉餞江心寺賦此爲別兼貽邵少文

林元琳過訪茗上賦贈

湖上荅林茂才

同林元琳湖上泛舟

八月十六日齊王孫國華招集迴光寺結小

山社時以諸姬佐酒分韻二首

病懷東季豹

病起東潘景升

自慰二首

玄蓋副草 目錄下

九一

諸同社招國華王孫再集西園余以歸不及

赴賦此爲別

寄孝若

庚子除夕

辛丑元日

人日茅薦卿水部過訪

同允兆過陽伯叔山園同用鮮字

震師過訪畱宿

正月十三日邀諸叔諸兄弟飲奉東

元夕同諸公宴集明伯叔宅時震師偶至入

座

伯兄貽詩有翁升之感讀之愴然賦荅

田居望雨聞婦子輩請紫姑問蠶酒間戲成

一章

分植桑秧

偕內登朝光樓率爾占示

送以訓兄之淮陽謁寧伯叔任中

寄轉運寧伯叔

齋日隣人邀飲有作

出飲感事

寄懷漁舍主人

煮酒

過翁吉小集花前時翁吉有翁升之戚不能

飲

二月二日偶作

過東塢

梅溪曉發

玄蓋副草

目錄下

十一

雨後泛舟訪允兆

錢塘早發漫成三首時有僧同載因用僧字

途中上已寄允兆孝若

舟中寒食

過陽湖感憶王叅知公因呈季中

同王贊夫邵少文柯茂倩集何无咎山樓得

雲字

宿何无咎山樓王季中以詩見懷賦答

過訪王贊夫同王季中何无咎項季與邵少

文柯茂倩宴集園亭

詠瓶中牡丹

同潘別駕劉將軍集陳光祿西園因賦

觀清瀆新橋同王季中何无咎賦

永嘉寄陳公衡吏部先爲永嘉令

立夏前一夕同邵少文集林思洪園亭兼談

舊事因賦

贈八十王翁

聞警卽事兼柬王季中

詠瓶中櫻桃

詠綠陰

舟行歸思

夜阻江上

玄蓋副草

目錄下

十二

將抵錢塘岸有作

秋日山居二首

過翁吉山堂卽事

允兆客南都寄懷

過飲山園

卷之十七

七言律詩

遣懷

秋雨臥病

病中憶亡弟翁升

晨起閒坐感成

社日過山莊

允兆南歸賦寄

生朝自遣

題壁

晨起登朝光樓值雨卽興二首

過山庄收栗戲成

屠緯真貽書及詩見懷賦荅二首

祝無殊再過訪賦示 東震師

御寒衣作 東明伯叔

閒興 酒間率示翁吉

枕上作

曹能始席上率贈陳惟泰二首

歲晏偶成 辛丑除夕

壬寅元日 正月三日震師過訪

立春遣興 諸叔諸兄弟過集

玄蓋副草 目錄下

十二

早春山居

允兆能始孝若喜余至若有作用韻奉酬

舟中春盡 丹陽道中

舟中送溫長卿登陸二首

邳陽野步 贈王山人叔右當

世廟時董宗伯祝釐之詞盡出其手

下相野中卽事 淮北舟中遣興

舟中獨酌偶成 桃源道中

暮抵黃河口作 阻淺黃河

投贈于大宗伯可遠先生四首

劉文學招飲園池

送阮堅之司理之晉安二首

立秋日于宗伯先生携酒南溪作

黃石山謁黃石公祠

登于宗伯先生黃石山樓

南溪大雨觀漲 南溪晚坐偶成

于宗伯先生枉餞黃石公祠呈別

入都荅載伯叔見貽 潘太常招飲有作

送潘太常奉使塞上二首

都門秋夜 遣興

玄蓋副草 目錄下

十三

費北部元楨招飲賦贈

長安看月 飲後偶成

送張以芳之汝寧赴崇藩之約

送朗公還四明兼寄空波如晦休遠西來四

上人

送潘太常南歸

燕中逢崔使君七十初度奉贈二首君爲萊

州人善醫 感興六首

寒月有懷 寄允兆

寄孝若 同長卿夜坐有作

苦寒戲東沈千秋 病中米君夢過訪

沈千秋問疾賦呈

沈侍御招飲席上口呈

書懷兼寄呈于宗伯先生一首

嚴舍人道普招飲賦贈

王考功罔伯過訪寺居感呈

燕京至日 長安待雪

貽沈碩生國博

雪後同米君夢溫長卿夜集載伯叔宅

歲暮感懷 懷嚴道徹彈琴奉東

玄蓋副直 目錄下

十四

立春夜同米君夢沈千秋載伯家叔集溫長

卿宅聞歌

歲除過沈千秋夜集

癸卯元日同沈千秋試筆

人日沈伯含武選招集分韻

正月十三日張孺愿招同嚴道澈道普朱汝

修汪明生金雅少鄭虞臣集燈市酒樓分

得來字 贈陳仲孺

鍾叔清招飲時以左姬佐酒

贈陳姬 漁陽二首

贈殷子新計部 殷計部招飲閱帆閣

歸懷

偕米君夢過訪趙常吉秘書賦贈

畱別呂汝揆

廣川道中寄邢太僕子愿二首

贈劉觀察公白四首 癸卯除夕

卷之十八

七言律詩

甲辰元日

吳門逢俞美長述舊兼有所調

玄蓋副草 目錄下

十五

答邵少文喜余至永嘉之作

同王季中游仙巖作 集王昭文太王樓

聞王用敬談禪賦贈二首

王季中席上呈諸君 題王季中璇樞樓

劉將軍長孫携酒東園見招賦贈

酒後偶書

題王昭文太王樓二首

東甌客夜夢出塞感賦二首

五日席上口呈季中 西齋坐雨

東園池上橋成集飲作

答王昭文太平樓見貽之作

登璇樞樓

次王用敬韻贈周生

立秋夕登爽然臺率示季中

遊太平寺時寺僧募緣修建

答邵少文病中見寄 東嘉漫作二首

客中初度遣懷

九日集東園爽然臺

觀客對奕

目嘲

歸思

答贈王宣州季宣

閏九日同曹人介王季中唐謙宗茅雲甫游

僊巖

玄蓋副草 目錄下

十六

登王季法望舒樓率題一首

江上聞鄰舟琵琶

甲辰歲除

乙巳元日

翁吉招飲山園率示

贈陳使君季迪二首

和翁吉吳門舟中遇金陵董姬之作

于大宗伯可遠先生貽書見存併示大集賦

答四首

送胡別駕齋課赴計部

病起二首

贈于納言文若二首

和朱文寧詠後湖塔影

送吳非熊之西湖兼寄曹能始

沈元仲招飲賦贈時字姬佐酒

贈寇姬二首

雪後登載伯叔西樓

金陵除夕感舊

丙午元日

早春集顧朗哉分韻作

答贈何王長二首

金陵送姚園客之青州赴盧使君之約

貽謝在杭比部二首 送徐興公還晉安

中秋偕吳允兆曹能始王太古陸長康胡仲

修諸德祖洪仲章王彥倫集秦淮水閣同

玄蓋副草 目錄下

十七

用燈字

賦得秋水芙蓉贈美人

五言排律

歲暮四首

綠綺閣對雨

伯兄十月朔舉子志喜

述懷兼示梅禹金五十韻

詠新竹

聞弇州先生流言賦寄五十韻兼呈太函先

生

題郝明府百花帳

題王季中百花帳

題王昭文百花帳

題何无咎百花紙帳	走索
詠水中花影	穀日雪霽郊行
奉題季父太守公丹嶂樓	
遙見美人折梅	題翁基兄集羽樓
分詠蛺蝶花得飛字	山行卽事
卷之十九	
五言排律	
丁酉除夕立春	元日述懷
邊思	歸戍
乘筏赴白溪	寄吳用修
玄蓋副草 目錄下	十八
游石門	過洪範池
贈宮保大司寇泰安蕭公三十二韻	
贈大宗伯馮用韞先生四十韻	
寄贈萬司馬伯修五十韻	
言排律	
上大司寇元美先生致政歸里奉贈七言長律八十句	
允兆見過夜談各賦十韻用心字	
永嘉王叅知公陳淑人雙壽寄賀一章	
五言絕句	

效子夜體六首代寄載伯叔	
古意三首代寄	晚春獨坐二首
溪上	夜雨
擊筑吟	青塚
艷情	解語花
見白髮	春恨
發金陵	芳草怨
社日	示內
照鏡詞	反愛妾換馬
邯鄲才人贈廝養卒	廝養卒答邯鄲才人
玄蓋副草 目錄下	十九
採菊	不寐
秋閨	感事
懷允兆	懷季豹
起坐	夜感
寄京邑游好	不寐
詠盆魚	出梅溪
過瓦官寺有懷徐惟和	
出都	偶成
贈鄭使君二絕句	舟晚
灘上率占	山行戲作

括蒼發舟	爲王大題扇中畫梅
戲柬何无咎二絕	載花
雜詠四首爲王季中賦	
東塢看梅得五絕句	有問余買妾者答之
經下邳有感	天津卽事
憶舊三首	烏衣巷
嘲客	茅山觀古梅
震師再過宿賦呈二絕	
白溪贈一行脚僧	偶成
畱春曲四首	
玄蓋副章	目錄下
六言絕句	二千
翁升買次妾率贈四首	
春日閒居八首	偶書
題釣臺	
七言絕句	
夏宮詞二首	夏宮怨二首
冬夜對月	
送郭次父遊白岳兼訪汪司馬	
不寐	夢後
春夢	題曇陽傳後二首

泊金閨感懷	舊鏡嘆
題西園夜游圖	愛妾換馬
採蓮曲	俠客行
秋閨	頓姬墮馬戲贈
方景真携姬人入蜀戲贈四絕	
夜坐感懷	綠綺閣書恨
至外家泣止成言	宿內殯所
西家	贈趙于燕三首
阻風戲惱載伯叔	
途中別張山人性之二首	
玄蓋副章	目錄下
卷之二十	王
七言絕句	
長干寒夜三首	代寄
感懷二首	詠桃花馬
舟中	無題九首
卽事	毘陵道中
咏蓼花	
宿長干僧舍夢游曲中戲成	
代寄徐仲容	送王德操
怨情	送王承父

別陸成叔

別李豹

戲東王逸季二首

東宗宗漢

別舜華三首

送黃白仲還越

閨怨

夢中作少年行

有感

俠興

長干新咏七首

新月步長板橋

發金陵

寄允兆

獨酌

季豹見過

澗邊偶詠桃花

美人春遊曲四首

憶別

讀史

玄蓋副草

目錄下

壬三

出都

閨中照鏡感懷二首

老卒行八首

湖上有懷

金園感舊

席上畱別明伯叔

江上聞笛

卽事

叅知王公掣舟枉送茵溪兼貽四絕句如數

奉答

白溪發舟

再送孝若四首

瓦官寺感舊

過流波館

城南二首

西湖桃花曲十首

允兆以八絕送余游永嘉江上如數答之

王季中聞余告歸云不獨人愁花亦愁矣因

戲呈二絕

送曹能始大理之金陵六首

寒食嘆十首

彭城懷古

詠史三首

天津聞笛

偕呂汝揆汪明生過沈不疑小集

有懷沈千秋山中賦寄二絕

邊馬詞九首

贈姜生三絕句

病中漫興十首

寧伯叔翁吉弟同貽茉莉花東謝二首

玄蓋副草

目錄下

壬三

雜言

禽言七首

築城謠二首

桃城謠二首

里兒雜謠二十首

販人謠

燕銜泥二首

和嚴道澈二詠贈歌者

玄蓋副草下卷目錄終

玄蓋副草卷之一

吳興吳稼登翁晉著

五言古詩

神仙行七解爲茅太公九十壽

富貴相驅迫脫屣卽神仙富貴相驅迫脫屣卽神仙
仙白雲西來彌滄谷間杯中丹液一揮成淵濯之
髮綠漱之齒堅金石易敝天地齊年歌以言志脫
屣卽神仙

其二

大道不易聞忘機者自得大道不易聞忘機者自
玄蓋副草 卷一 一

得寵辱去來應之無跡朝膺黻冕夕釣川澤彈琴
詠歌圖經四壁粗穢悉除精氣返宅歌以言志忘
機者自得

其三

遯跡擬鹿門寄情於忽操遯跡擬鹿門寄情於忽
操隱而長年冀聞妙道靈局欲啓孰主其與邂逅
王喬口授秘要閨風樊桐攜手可到歌以言志寄
情於忽操

其四

奕碁雖小數其妙通仙真奕碁雖小數其妙通仙

真好之不倦養性怡神冥冥殺機中寓長春九局
相授受之積薪淝水制勝曾何足云歌以言志其
妙通仙真

其五

云何一伏生九十而授書云何一伏生九十而授
書漢治雖隆終媿陶虞茅盈得道乘龍上驅華陽
紫氣縈遶衣裙百千萬年神明不渝歌以言志九
十而授書

其六

松根何所積日華與月精松根何所積日華與月
玄蓋副草 卷一 二

精滋液滲漉晬然芝生出自幽谷爲瑞王庭甘露
斯降同享休徵嗟彼薜華夕悴朝榮歌以言志日
華與月精

其七

此曲一爲奏四座咸悅康此曲一爲奏四座咸悅
康至道弘擴衍裔無疆本榮枝茂源深流長小子
拜跪通進三觴何以侑之絳雪玄霜歌以言志四
座咸悅康

長歌行

天天園中桃花葉敷妍姿春色被空來何草不葳

粧容華競相媚清霜忽間之回風吹白日冉冉趨
崦嵫人生易蹉跎母貽遲暮悲

其二

仙人芙蓉裳渥顏鬚飄蕭白鹿銜紫芝參駕雲中
邀招我登玉臺授我藥一瓢服之精氣完壽命同
松喬長跪三致謝瑟瑟揚神飈顧盼蓬瀛間恍惚
聞飛濤

其三

高城屬透迤明河垂素練夢寐不能成故鄉安可
見屣履下空庭西月皎流盼感極傷中懷淚出迷

玄蓋副草

卷一

三

霜面白露當寒風盈盈結爲霰尺書緘更題托寄
南翔鴈入門恒苦後出門恒苦先驅車歷險阻游
子心豈變

白馬篇

白馬馳翩翩玉勒鳴金鑣少年何方來側坐多矜
驕鄉曲不知名英聲怖嫖姚飛鏑捷流星穿葉有
餘驍左發殪五犯右中連雙雕雪花光爛爛晝日
牽短刀殲讐如折薪觀者徒嗷嗷殺聲動地來胡
虜寇臨洮慘淡黃雲生草低風蕭蕭挺身付格鬪
粧束皆錦貂旣斷單于臂復磔匈奴腰長城窟以

平血漉常漂漂男兒許公家七尺隨所遭安能顧
閨中雲髮同霜凋死當爲國殤生當麟閣標

美女篇

美女十五餘姣麗世無雙廣陌被芳茸行行采春
桑低枝拂高髻纖手下攜筐指約于闐玉耳綴明
月璫合歡單羅襦隨風自飄揚雕鑪薦沈水攘袖
飛餘香婉媚秉天秀顧盼獨流光負擔以嘆息車
徒用彷徨問彼誰氏姝生長金市傍深閨十重樓
窈窕東西廂容耀等薜華灼灼敷清揚豈必矜獨
立兩美合乃常中心實有慕高義安能忘中宵擁

玄蓋副草

卷一

四

錦衾垂涕沾空床

名都篇

名都何佳麗俠少殊縱橫束身蛟螭錦匕首霜雪
明縹囊盛赤丸白馬懸珠纓寶鞭遶樹長驅獸無
留行勁弓張明月迅矢突繁星猛悍一時斃慘慘
陰氣生毛血灑郊原春草不得青獵徒咸辟易嘆
息如雷聲餘興過當壚胡姬跪相迎兔肩出玉盤
豹髓漚金罍衆歡合若一安知非弟兄青樓接垂
楊嘯呼奪輪鳴黏竿猶翹翹飛雀顧且驚白日飄
西山直視黃雲平揮手逐塵趨詰朝會東城

篋篋引

高堂置芳宴四座羅親知綺食錯雕盤澄醪含羽
卮紺袖揮雲和丹唇吹參差鸞鶴鳴東廂孔翠舞
前墀曲亂奏秦烏哀箏復聞之西氣來媚人音響
妙入微主樂請更端客醉起致辭千金不足壽執
手多後期狙詐類謬恭慎毋苛禮爲日馭無停軌
荏苒薄崦嵫壯髮如浮雲一變成素絲蕭條白楊
風忽吹桃李枝生年若日暮達人聊俟時

春遊篇

烟光團青陸惠風獵東郊懷春春日歸王孫盛游

玄蓋副草 卷一

五一

遨嬉萋萋碧草新馬嘶一何驕迢遞起飛塵馳逐車
遙遙垂楊映天綠黃鳥弄柔條下馬就當壚取酒
金錯刀胡姬不入宮安知有漢貂

其二

凜寒日以薄芳氣日以靡我我層冰消方塘含綠
水游目遍郊原行行不可止光風披崇蘭葳蕤沒
珠履輪囷喧落日雜還戚里回睇高城上處處
春雲起佳人久乖別含情待桃李

其三

清晨出北郭日午過東城顧影鬢鬟風起飄羅

纓幽谷吐溫煥喬木多遷鶯淑氣布原陸何草不
青青蒼兔突如前草深不暫驚乃知春江邊設罟
非至情歸來宴曲房挾瑟兼鳴箏

其四

萬物熙青陽青陽散華薄勾者旣已出萌者亦復
沃百年幾何時三春好娛樂紫燕馳若飛銀鞍照
江郭陳設多妖童藉卉行杯酌豈無明月珠不彈
低飛雀珠失可奈何雀飛愁網羅

其五

結伴城南隅攜手桑中路枝條未沃若尚稀采桑

玄蓋副草 卷一

六一

婦夜月引壁車遺鈿滿晨露平野靡蕪芳雙燕掠
輕霧單衿隨風揚中紈襲以素鬪雞非勇沈探丸
乏曠度春陽易徂謝飲酒庶不誤

贈歐楨伯三首

威鳳起南海德輝耀初陽毛羽一何奇五色成文
童青雲高逶迤萬里恣翱翔夕則棲嶰谷朝則鳴
崑岡六翮亂辰星音韻叶宮商尺鷃所適殊卑栖
在榆枋寄情紫氛外思一托末光

其二

落落孤松樹結根泰山崖衝飈一飄忽六合寒以

淒白日爲之避浮雲爲之低黃鵠翔其東靈鷲止
其西隆冬歷霜霰下凝千歲脂荷蘭借清蔭庶以
全華滋芳樹生庭堦未久凋歲蕤依托使之然雨
露寧不齊

其三

雙闕控長衢輝赫羅珪組中有跌宕士其志在干
古高軌軼二京六代耻爲伍知者固心賞忌者亦
色沮我聞南海濱明珠何楚楚魚目慚自將托乘
寧足數

寓懷六首

玄蓋副草 卷一

七

生平負盛氣一飯羞千人匿名屠釣間身屈氣自
伸片言山可移芥視千金珍雙耳貯轟雷不聞丞
相嗔世道苟清夷無待於解紛庶乎蹈東海草澤
棲其身

其二

大鵬與尺鷃所適各有須溟海搏長風何必加枋
榆躑躅蓬麻中此意良亦孤窮巷少覆轍世路無
安車四十苟無聞悠悠終殘軀

其三

孱軀永不勝睥睨一世間浮雲結重陰索寞居空

山環堵沒飛藿誰與相晤言紛其車馬來願見使
虛還篋笥鼓垂敝幸遺先民編朝夕聊以對庶幾
開心顏

其四

山居不厭深寥寥闌闌隔開雲自終朝明月復茲
夕受性鮮外慕淡薄乃其適酒肉有流澗輕肥寡
儔匹毛褐可掩脛何必御狐白藜藿可充腸何必
侈烹炙

其五

結交勿論舊亦勿復論新片心苟不疑觀止卽與

玄蓋副草 卷一

八

親四海富蒙賢何啻一雷陳立談傾蓋間逆意終
其身千金豈足顧斗酒通殷勤酒間吐肝膽報讐
先報恩勿使堂中客復爲行路人

其六

賢者誠足居愚亦安足嗤毀譽非愛憎末世殊難
之參乎寧殺人三言毋則疑矧彼衢路側耳觀無
停時尉氏泯滅否其人良可師

悼亡五首

閨人限各天破鏡指心期一旦罹疾疢鍼藥所不
治旅客夢若驚摧愴先星馳詎謂息趾日屬續已

淹時衾裳陳中堂膏沐竟難施昔往猶歎顏今來
成陳尸生死效執手痛無永訣辭

其二

扶疾入房櫳悲風暮騷屑宿昔饒嘉柔圓方猶在
列詎意生人離惻惻成死別一身盈百憂神短氣
嗚咽涕淚一時盡不敢繼以血庶幾志匪他相要
爾同穴

其三

歲暮何蕭條寒風動閨闥清霜向夜零前林號鵲
鵲膠木徒修修纏綿斷黃葛機中多殘絲體中無
玄蓋副草 卷一 九

全褐斗米尚可春誰與共粗糲生即爲欺魄吾又
何忉忉

其四

伊昔嬪余室迄茲一紀餘荼毒雖備嘗中復多歡
娛恩情以義固膠漆非所喻我影與子形常恨爲
二軀嗟嗟今永隔形影曠難俱小兒抱項領大兒
牽衣裾有女復羸弱遶膝粗能趨各各相問訊阿
母何所如聞此五內裂淚下同連珠

其五

薄軀嬰沈疾於世寡所務岐鵠日經營子獨有深

懼今我猶自存子忽先朝露鳴鷄旦復旦長寢永
不寤角枕代以荆錦衾易以素憂從深衷來慘悴
靡可訴所賴傾想中髣髴若憑附

擬古四首爲仲兄得子賦

松枝一何勁

高山松亭亭百尺陰廻岡柯條鬱蕭森峻嶺抗嚴
霜豈不罹歲寒根株益堅強衆木避榮芬黛色薄
穹蒼神膏凝溫液秀萼吐春陽朗月耀貞蕤凜凜
流素光玄雲散重陰髣髴龍徊翔願言此封植植
幹奉明堂

玄蓋副草 卷一

十一

桂枝生自直

桂樹何蒼蒼結根山之幽綠葉而朱華勁節凌素
秋衡飈從西衝高枝自相樛妍姿敷清霜葱鬱如
雲浮芳氣涼夜發紛緼亦宜修磊砢諒不移所貴
非其柔華實靈爲遠黃爵母見求攀援伊誰思聊
可以淹留

醴醴秋蘭芳

穹谷深逶迤幽蘭盛芳蕤移居在庭堦積潤發華
滋九莖含其英燁燁揚光輝迴風激素節馨香被
清池湛露惠鮮澤凝霜停嚴威姑姬夢云叶澧浦

敢言思欲紉以爲佩君子惜所私賴有聖人出芳名播金微

肅肅高桐枝

椅桐生高岡修枝何若若下自臨迴谿上自千層霄結實翠離離峻節凌炎燭清陰翳陽景颯沓扶神飈鬱彼三秋色萃此百尺條嶧陽疇見珍玉井潤餘膏威鳳庶來棲瑞彩霑九苞更成琴與瑟廣庭揚虞韶

閔旱十章

大火爍川原木枯石亦焦二氣欲絀縕清濁竟不玄蓋副草 卷一 十一

調亢風日以厲亢陽日以驕百穀望登場疇能樹嘉苗仰天而太息其聽或不遑密雲結復披慘悴自西郊

其二

歲已在丑夏女魃爲不仁赤日沸沙田旱風吹作塵農事竟安施耒耜升中陵陰鳥杳何之不聞和鳴聲矯首六合內漠漠皆炎氛驅車邑井間但見棘與藋緬惟束先生可以通神明

其三

義叔騁馳驅祝融肆酷烈逡巡川澤枯倏忽井泉

竭蟻行斷封戶鶴起廢鳴垤野老呼東菑憤氣遂成結誰謂驚垂龍施雨徧阡陌皇天豈無意區中竟莫測

其四

山川無纖雲日出何皓皓恍如飛野火野田燒百草我苗豈不柔往視則已槁金飈從西來安望成萬寶側聞採木使絡繹載周道民生苦剝牀朝夕不自保

其五

雨師一失職田塍多枯蒿播穀亟乘時浸灌爭嗷嗷陂池日就涸空令張桔槔安得翳陽景油雲興東臯旦桑臥靈轍夜郊啼若敖燹理豈不任咎曩適有遭望祀豈不虔聖躬無已勞

玄蓋副草 卷一 十二

其六

西北雲輪囷日中見陰殪飄風適與會忽已皎然霽天心豈不仁咎欲移屏翳我聞周官訓緩刑良有義如何堂皇間豪鷲走餘銳留獄恐不聊烹桑或已沛一婦含冤抑東海枯三歲

其七

南山薄有田貧踰十口共儉傭游其間龜拆不成

種力屈難自申愁來莫可控經行多蕭條吁嗟轉
爲慟里突斷新炊官家累餘俸巍巍栢梁臺更上
乾封頌

其八

烈日溽火旻流金兼爍石柱礎鮮微潤澗谷貴餘
瀝鬱鬱氣中人十家九成疫朝猶啼巷牖夕已暴
砂礫死者不就棺生者不就食我歌雲漢篇周餘
誠孑立

其九

畎畝日循行民生苦憔悴引領望滂沱月苦不離

玄蓋副草 卷一

十三

畢鳥雀愁空倉徵求事太息四海納溝中囑令內
帑實南漕旣疲輓北騎復備突子遺此黎民膏盡
繼之血雍雍巖廊上何以振奇策

其十

歲已云荐荒旱茲邁太甚男饑欲廢耕女饑欲廢
紉渴虹驕自垂轟雷隱不振園蔬蒸就倦崖石爛
成迸宇宙一何廣托息少微陰伐山旨則迂徙市
理或勝身當一言出四海庶沾潤

代翁升贈姬人

余少與婦偕淑婉多令儀言念結髮恩中心兩不

疑星霜已十週猶未遂齷斯漠漠兔絲花苓生匪
經時所以南山松不惜纏其枝中閨白頭吟誰曰
訣絕辭朱絃和新故一再調清颺寒則共織作飢
則共餽巢

代姬人答翁升

賤妾小家女亦復好詩書不織紉與素生平恒織
蒲幽閨愜深藏一旦爲君軀所歷多辛酸或可佐
中厨何以奉蒸嘗知有身後虞感惠千金顧報之
雙明珠燁燁三秀榮誰謂無根株髮白不再結此
意良可吁

玄蓋副草 卷一

古

雜詩十八首

朱榴何灼灼托向庭中植衆卉競春陽而獨希赤
日攢葩豈不緝顏色非所急白露生微涼繁繁結
華實玉盤出中堂委身冀見食燁然芳薌華朝榮
不知夕

其二

寒蟬何輕微處身在木末揚聲振屑霄流風不可
遏白露誰爲餐而獨解其渴伏蚓匿空庭爭壤以
生活飽者日就汚飢者日就潔

其三

晨起夫何爲東身一空宇髮燥知天晴礎潤知天
雨敝帷猶未撤聊以蔽炎暑憂多神不揚誰爲理
端緒有鳥翩翩來對我刷其羽鄉曲諒寡諧安能
慕儔侶

其四

古來滌蕩士往往好神仙服食一爲誤卒不永其
年滄海浩茫茫疇能得冥筮醺醺至無餘妖姝進
相纏欲根日以深真氣日以泯槁容不重潤素髮
寧再玄庶幾悠悠人恬漠能自全披襟叢林中歆
枕高山巔

玄蓋副草 卷一

五

其五

攜琴鳴丘中妙合伯牙旨聊以娛靈神而非急知
已吾志在高山所遇謂流水裁裁與洋洋相去不
容指曲已昧其真傾聽亦徒爾古道日淪亡曠世
感鍾子

其六

亭亭百尺松托根在荒裔嚴風吹枯林蒼色靄然
萃明堂方晦陰帝欲新其制江流蔽無聲梗楠目
夜至朽蠹亦已捐羣構亦已備斧斤獨不加誰謂
匠石棄雖無隆棟資庶幾聊永歲

其七

寂寂枯桑林霜風日夜起春來豈不榮安能與桃
李茹苦莫如茶嗜甘莫如薺天地有虧盈人生雜
憂喜逢首難爲容難骨難爲禮

其八

高門臨長衢厥木亦已喬上枝不相顧焉能蔭下
條白日俄西傾風雨來飄搖和鳴未成聲有鳥豈
安巢但令遠斧斤衰盛隨所遭枯者或就榮榮者
能不凋

其九

玄蓋副草 卷一
威鳳來南岳鳴音何喈喈鳶鷂不相從誰曰羽翼
垂肅肅梧桐枝鸞鷟將徘徊世路多嶮巇片語生
嫌猜妖狐不可搏化爲虎與豺芳蘭目以艾悲涕
臨高臺

其十

丘中有結構累歲不克完垣墻半空基寤歌謝考
槃風雨相凌迫入暮忽漫漫舉室盡嗟吁焉知予
所安榮樂匪固辭庶幾免憂患

其十一

名園綺相錯藝植奪天巧寂寂垣堵間蓬蒿獨纏

繞剪伐豈不易物性恐中天人生各有適所得良
自保漠然寡營務志豈在眇小金谷何繁華一柳
爲茂草

其十二

涼宵閒無誼熠燿行堦墀誰期腐草質亦復餘光
輝明星何燦燦浮雲忽掩之吁嗟燭火光靡靡隨
風移丈夫生世間變化各有時羽翮一以就安知
不奮飛

其十三

一燈何熒熒照見壁間第飛蛾從戶入三繞不能
玄蓋副草 卷一 十七

起膏緣明自煎趨照亦復爾滔滔與渾通作瓶
中水懷壁易爲罪韜光良有以

其十四

中野曠茫茫庶草含歲蕤培塿錯以繁焉能承朝
暉語嘿與時偕何世不可爲清風四面來一一被
金徽百川雖異流大海同所歸百夫雖異心高賢
同所懷

其十五

猛虎行空山疾風生四蹄一嘯崖石裂再嘯林木
披幽谷振餘怒陰氛相蔽虧泌水日棲止遠害寧

苦饑羊豕散亂走掠食甘如飴有時一失據人卒
寢其皮

其十六

別離日苦多相知日苦少咿咿徑寸心憂來忽如
擣生無飲酒歡安知終壽考短髮時不斂蓬蓬似
秋草舖糜寧自給妻子未卽槁欲攜南山去採芝
以共飽

其十七

白日忽已陰浮雲忽已集兩崖風雨交不辨牛馬
色豐隆一何怒震震撼枯栢桺榆空路旁窺影以
玄蓋副草 卷一 十八

伏匿大道可安行出門無終極

其十八

累月斷行游塊然處中堂朝歌暮聞哭歡戚乃不
常旣已付達觀何必齊彭殤逝者固冥冥存者亦
茫茫

玄蓋副草卷之一 終

玄益副草卷之二

吳興吳稼登翁著

五言古詩

三寓公詩 有序

三公流寓吳興卒埋骨體其塚雖枯其潛見大
致猶有可想者因爲三章以寓仰止

安仁劉司空元瑞

司空達者流澹乎寡所嗜交游揚僞聲興文襲奇
秘會稽一出守尸祝永不替少府當時詘綜理多
至計堅議忤宸衷翻然奉身退若水春洋洋放歌

玄蓋副草 卷二

日鼓柅往往杯酒間詠諧窘墨吏神機何恂怛元
氣擁遙瞻結社玩遺芳王父六七輩峴首碑尚存
餘輝被四裔

秦中孫山人太初

太初翩翩人玉立而飄飄塵世等蟻蟻放焉浮江
湖秀色一櫓結削跡甘菰蘆扁舟出碧浪恍與神
仙俱躡屩南屏山清芬襲衣裾矯首向赤城食霞
志于干強迫以婚娶諸公無乃迂華井生蓮花枝
葉自相扶白鶴一朝翔魂魄返故都墓草被秋風
安能令不枯

華亭徐明府伯臣

徵君負淵識撰述亦已富當其令四明甘雨禱如
注報篋忤長吏絳組解中路栖遲九霞麓深情托
掌故泱泱古遺音品藻有至悟田廬豈欲置將以
守先墓出沒烟濤間漁唱會衷素晚境娛刀圭神
飈颯然度大道何茫茫貽書竟成誤委蛇或就槁
芬澤藹餘慕

贈汪伯玉先生

先君當春官薦士饒宏奇絢惟我司馬文武有兼
資語必稱先王好古工修辭左氏能專規遷固亦

玄蓋副草 卷二

不遺明霞絢中天光彩射四維勁風偃喬林何況
庶草披斑管一暫輟指顧專陳師閩海波不揚京
觀表鯨鯢戎樞入以佐九垓被餘威巡行關塞間
馬首臣諸夷歸朝橐蕭條無以貽相知斐然貝錦
成遂赴巖壑期戢身太函中幽籟通神機門徑雖
容車游客鮮得窺結社星爛陳歷歷白榆枝握手
臨秋風深情兩極怡披我青羔裘飲我碧玉卮一
爲兄弟稱貴賤無等差古道日就蕪幸哉遭遇斯
德意難報塞勉旃其庶幾

雨坐東羣從

雨色散空來高閣襲其勝曲池展層波連岡吐餘
映疎篁不蔽天新枝轉修勁朝榮暮還零寂寂見
芳薜貞脆誰爲原物各有本性中戚結不解所觸
寡怡境肢體情就燥衣裾乍成潤殘書亂或理餘
杯豈獨進素心固自褊而與俗無競谷處何荒涼
終歲斷嘉問庶幾一室邇韓韓托微蔭

古意二首貽臧晉叔

南國有佳人顏色嬌芙蓉妙年十五餘充選入漢
宮進止難名狀宛轉如游龍美目乍舒盼秋水流
殿中粲笑啓玉齒衆女遂不容蛾眉豈善淫貝錦
玄蓋副草 卷二 三

亦已工君王未察識棄置同飄蓬還家理織作顧
念長門空

其二

妾有秦時銅碧綠相瑩徹鑄爲雙鸞鏡濯濯如秋
月晨起理靚粧清光皎然發空閨一獨守棄置疏
璃榻塵土深濛濛恩情恐終沒

送弟彰三首

行色忽以驕有馬躑躅鳴綢繆一尊酒臨別不盡
傾浩浩江水流悠悠浮雲征生離古所悲何況弟
與兄大道正逶迤幽蘭日叢生隨風好自愛庶幾

揚芳馨

其二

日入常苦速日出常苦遲行樂非一端所貴在及
時男兒戀故鄉安得有相知中心易隔絕對面亦
何爲廣廣歷橫術信履無淹期當世苟不稱後世
寧不嗤

其三

南國通四輪往返多朋儕昨歲猶同游今乃不克
偕涕淚忽被面慨焉傷中懷鳴鳥東西林其音空
啾啾江流一悵望蕩潏千里來鯉魚逝將從母令
玄蓋副草 卷二 四

尺素華

古意

美人彈鳴箏指爪何纖纖哀聲一爲發四座慘不
言駿馬如風颺徘徊衢路間斗酒遙相傾曜靈匿
西山餘光繼以燭深夜忘厭厭客散高堂空零落
鶉雞絃知音率已稀蒼然保朱顏

哭王元美先生七章

昔我先君子締交多俊彥燁燁敷春華亭亭吐冬
霰衆好豈不敦而公獨深眷綢惟 皇祖朝才實
希覲見冉冉二十載凋謝忽欲徧幸未喪斯文庶

幾公永筭一朝併奪之天心莫可驗宇宙何漫漫
修夜不復旦

其二

倬彼濟南生同盟稱七子餘皆受約束亦復能高
視列星耿不亂日月東西被清廟有餘音三嘆振
頽靡墓木各已拱轉見多妙旨盛極衰相循哲人
遂不起天風從楚來嗚咽悲何似隱約蓬蒿中慟
絕少知已死者不可作生者不可俟

其三

昔余游南都頗來衆人譏翩翩貴介流區區寒素
玄蓋副草 卷二 五
規落落諸生間纏纏多稱詩乃公誼益敦齒頰不
置之飢則食我食寒則衣我衣薦我趙司成謂當
國士知猶云意未殫每別出涕洟

其四

夫子歷三朝屢處亦屢出冷風生空虛浮雲無滯
跡譽望晚益隆乃膺司寇職遂使岩廊上一施文
章色深衷有所託力請返故城木石聊暫娛曜靈
忽西匿威鳳不可見人始慕其德

其五

傳聞有疾疢不謂日沈痼揚舲赤瀨渚將詣吐重

憐詎意登堂晨甫當易簀故撫蛻一慟哭左右慘
相顧肌膚稍就落神色尚爾具雖有朝衣冠周身
以布素痛無一言訣微生恐淪誤

其六

猗歟富結撰後先罕見儼當其深沈思上帝莫可
制邃古有餘著盡啓不能祕一代良史才自少習
掌記中年嬰禍患筆削有所避寸管猶自斑奄忽
竟長逝致使館閣藏名實遜漢世求之志傳間庶
幾有遺意

其七

玄蓋副草 卷二 六
泰山一何高中宵日爲朗滄海流其下白雲棲其
上拉然而摧頽吾世將安仰九野豈不擴漸爾多
草莽置趾踰踔間云胡可長往大塊一噫氣愴怛
來精爽千秋萬歲後令人發遐想

寄梅季豹五章

舊都倦遨遊遊駕言還故鄉依依出國門戀別周道
旁美酒甘如飴強沃不盡觴江流蕩空來浮雲爲
低昂檣楫逐飄風顧瞻以徬徨

其二

徬徨不暫止涕淚忽泫霏時俗廢方員束手愁余

心蛾眉處中閨顧影日沈沈衆女未能窺遽謂其
善淫瑤牀委壁間塵色暖素琴拂拭豈固辭舉世
無知音

其三

知音生不逢轉復傷離違奈何雙圓景冉冉東西
馳冗宿錯以陳明河欲蕩之腹中紆羊腸人貌徒
爾爲好我苟外假未幾將參差膠漆獨相結綢繆
有前期

其四

前期勉自愛矯亢爲先鳴嗟彼軒蓋間順風揚疾
玄蓋副草 卷二 七
聲駸駸歷空際白駒無留行壯髮不被肩奄忽雜
華星頸血欲濺人盛氣猶未平身中挾太山勿等
鴻毛輕挺劍入就室亮爾終令名

其五

爾名良可遺行歌以逍遙揮手白雲中焉見王子
喬紅顏染秋霜百年能不凋有鳥集于枯其音何
咬咬傾耳一爲聽願言敦久要緘辭向天未慨然
遂長謐

古詩十二首

山川修以邁別君西北征出門幾何時乃有萬里

情駿馬戀生芻寒鳥依枯莖兩地飛嚴霜蕭蕭風
合鳴愁思誰與宣獨夜徒怔營

其二

去鄉一何早故人一何少浮雲鬱南天不蔽夢中
道執手未可期逝水流浩浩思君恐棄捐每飯不
能飽

其三

熒熒初日輝姣姣少婦姿迢迢雲端樓曲曲絃華
柔濯濯出明鏡修修拂蛾眉昔耀邯鄲女今媿厮
養妻厮養長相守蕩子何時歸

玄蓋副草 卷二 八

其四

青蘋何靡靡黃鵠何肅肅人生易消毀譬彼盤上
燭至樂在斗酒安論清與濁出游京洛間極意美
結束五侯氣貴盛鳴金擊朱轂甲第羅四垂森若
珠與玉雲中峙雙闕天上懸廣樂厚薄不可原無
使亂心曲

其五

高堂張廣讌且爲樂今夕三動鵠雞絃音響哀以
激僞曲欲亂眞聽者遺其跡心中不相知對面復
何益天運有轉移人生豈盤石要路雖嶮巖榮名

炫簡冊

其六

高樓百尺餘中有窈窕姿纖手擢浮雲綺疏蕩流
颺顧眄當西北獨立吹參差朱唇激芳氣一世良
所稀泠泠妙曲成始憚亂以悲知音今不逢後亦
安可希徘徊三嘆息漂淪沾羅衣

其七

采蘭泰山阿藹藹露晨露行露豈不念將以遺親
故江水悠且長馨香浸中路同心亮有在毋爲秋

草誤

玄蓋副草

卷二

九

其八

初冬北寒氣明月慘舒光河漢浸高天衆星間低
昂鴻鴈奮北翎奄忽復南翔哀聲紡中出蟋蟀匿
空牀故交多綢繆棄置非所詳織女不支機匏瓜
無挹漿六翩有時備振飛乃其常

其九

高出浮雲端城郭何逶迤白露旣已下嚴霜旋亦
飛悠悠襲長夜四顧百草萎來日不可待去日不
可追壯志鬱難舒年歲倏就衰京洛多名倡結束
爭光輝絃急纖指柔流響激中闌一曲未及竟聽

者淚沾衣鴻翔東南天燕趨西南陸當戶倚躊躇
帶緩有餘悲

其十

遙望北邙道素車盛相因哀輓徒貴賤同一杼悲
辛親戚返洛邑去故而就新聚歛冢繫繫妖狐托
爲隣白草搖寒風千歲不復晨人生何忽忽處世
同鷗塵秉燭未須臾燐火潛夜明王喬難與俱服
食徒殷勤何不日飲酒堂上羅嘉賓

其十一

東城何崔嵬煌煌照京邑生者日以入死者日以

玄蓋副草

卷二

十

出陰氣蕩白楊四時氣蕭瑟客子經墟墓俛首三

嘆息魂魄返故鄉冥冥誰察識

其十二

歡至固難循憂來亦無端栗烈北風鳴冬夜何漫
漫中堂燦華燭不復知有寒極譙欲何待潛復凋
朱顏驅車一不進郭北空自嘆

壬辰穀日

去歲當茲晨高堂進三觴長跪受素辭千秋同悅
康芝草羅戶庭照日俱煌煌萊服一何鮮雙袖凌
風翔詎意樂未終一旦罹極殃赤旄日以懸素帷

日以張冉冉時月週涼颼變春霜靈几拂暗塵陳
列虛圓方玄醴反仍餘隔絕黃墟傍淚眼忽已枯
沈痛結中腸

過文杏館

虛館信寥廓幽懷浩傾寫紆展蒼徑間游目青山
下殘花未成落春風颻相假遇酒須盡歡毋爲待
來者

雨後步庭中偶成

一雨汰微暑氣候轉清淑閒階散行跡空谷寡來
躑躅娟風篠淨藹藹烟草綠時鳥驕孤唱殘英遜

玄蓋副草 卷二

十一

餘馥周墻依故基亂石改新築境超屏外譟道勝
解中燠浮雲忽過庭慨焉一寓目奄忽逝白駒拚
飛迅黃鵠世事同籠樊安能就羈束

齋坐

仲夏猶清涼鮮颼蕩虛幕冉冉雲氣除青山吐高
閣飛羽時遯林潛鱗或縱壑繁英辭故條新篁解
初籜尊酒通妙理詩書寓善謔宵寐旣已疲無使
晝夢作

晨起

晨興髮未櫛蕭然步庭中顧見綠草滋泥泥含露

濃庶卉寡異植列石多奇蹤時禽詠初陽灑灑來
微風外喧旣不接中憑旋亦融飛沈各有適觸境
何必同

樓居二首

窈窕欣樓居瞻眺亦已曠連崖冠翠竹周垣起青
嶂流颼激松樞幽靄團蕙帳池草交淑氣園禽矯
清吭氛雜旣就屏溽暑未用壯琴尊綜至適簡牘
表微尚豹隱文焉蔚龍潛德豈亢形跡一或遺世
遂非吾放

其二

玄蓋副草 卷二

十二

層構謝雕飾清暇乘逍遙千載有餘情所寄在一
朝閒雲赴近嶺游氛滅遠郊伐石奏奇響鐫扉杜
煩囂新泉伏故渠密葉蔭疏苗地偏勝自并情適
體易調人世甘浮榮壽命忽逝颼托好恒物表無
用弓旌招

玩月作

高雲開夕霽圓魄澄新景亦旣林園清復此紛務
屏松聲泛遙壑桐陰布空井人境何寥寥幽懷亦
耿耿涼露忽已深翛然坐忘寢

貽載伯叔

寒暄變常候俛仰冀良覲宵短晝夢長愴恍如歲
隔緬想林中期事事若有適筍香含露清茶氣屯
靄碧密篠覆紆徑古苔繡幽壁麤穢欣夙除翰墨
著新跡塵趨斷輪鞅烟棲抗川石玩易不去手損
益在所擇螭屐命同懷岳游未可卽

雨中有述

層簷散密雨中林結冥霧積氣蕩空濁浮烟縈徑
度淙淙伏流吐叢叢隕葉腐游魚煦新藻鳴禽變
高樹逸志當山棲閒情涉田務華鮮祛宿態尋尺
安窘步驅名名旣迫感物物已忤摧亢爲柔怡庶

玄蓋副草

卷二

十三

以全眞素

感懷

玩惕廢時日屯蹇當世故無良惡曩哲有赫慚往
祚塵土昧玄鑒恬漠存遠度耕稼奮薄身聊爲寄
終慕

仲夏卽事

五月氣候殊陰晴候屢變嚴壑收寒姿草木組餘
絢日光逗遙浦嵐靄浮近巘濕絃詎能整明鏡尚
可鑑殘蘭飛新蛾安巢完乳燕耕種欣有期百里
罷樵販

嘉秀堂宴集

中堂饒軒豁羣木總嘉秀時當仲夏交俄頃變氣
候濛濛散林雨淙淙瀉簷溜修篁蔭綠渚高壩吐
蒼岫園葵發紅彩庭萱組丹繡絲竹間清響塌甍
合奇奏傳醪觴鷺速榻管句安後赫赫仰先哲繩
繩俟來胃志苟在丘樊焉能爲世售

晝臥

生平寡奇志寢食隨所欲欣此晝刻長忘彼宵夢
促花氣蘊空蝶蕉陰徙覆鹿偶來世人朝囁嚅未
有復糞壤豈充幃不材謝雕斲

玄蓋副草

卷二

古一

夏夜卽景

新晴因炎暑涼飈發深夜綠焰吐素壁丹榮委芳
榭繁星燦簷隙陰泉迸石罅草際施螢光安知從
腐化

題東塢園亭

余家雖深山比屋苦煩促東林始開曠藹藹出乎
陸階基循故跡園亭美新築置屏當直阡藩逕割
叢竹飛泉漱幽壑中除挺嘉木高霞澄夕陰鮮飈
泛朝旭修條寄秋懷柔莢組春日灑然超人羣日
往一托足庖移命尊酒賓至受簡牘灌莽吐清絲

烟禽變鳴曲遶勝旣浩蕩結好亦深穆相要攄短章芳微播岩谷

登玉華山樓二首

山樓饒豁達暇日聊騁望烟樹含密姿風篁鼓清浪伏流紆澗壑疎光延屨杖神超形不拘靜嘯白雲上

其二

平林帶修畛峻嶺連迴谿暖暖炊烟出翹翹束楚迷落日散歸犢荻茨隱鳴雞吾方屏紛務茲焉永幽栖

玄蓋副草 卷二

五

過載伯叔午齋作

素事何馨潔絡繹出中厨生平鄙肉食甘此筍與蒲水陸窮圓方一飽不願餘啄腐攫遺腥浮世堪悲吁眷言偕長往持鉢終吾軀

薄暮偶成

落日隱遠峯返頽盪虛室涼颼能驟至煩暑聊暫革蕪裊淨如展霞綺爛若織翠藻沈朱鬣青林伏蒼翼鳴蟬非號飢靜聽若有得據高播清響食氣表貞則世人徒營營安知達士識

宿玉華山中

暝色歛空山空山鐘磬發涼颼從西來爲我解炎熱冥冥散川霧藹藹動巖月草滿濕螢聚竹密露蟬咽斷莽吐伏流修林隱歸翮觸境無不幽遇興難可歇就寢未遽寐微吟併成悅

玉華晨起眺望

晨興美瞻眺殘雨通煩襟巖岫互迴紆雲嵐間浮沈餘潤滑危磴奔濤駭重林遠矚週遭田邇聆啁嘶禽爽氣生微涼初陽破層陰久茲困塵栖於焉獲賞心言旋念未釋後期能再尋

贈王季中三首

玄蓋副草 卷二

十六

相逢秦淮曲楊柳春正柔朱樓何婉轉夾道通名謳美酒出佳人深夜猶願留爲歡不及再各已含離憂君將戒北徂余亦倦南遊良馬依長轅好鳥翼輕舟胡塵欲蔽天浮雲自悠悠桑梓幸來復歲月忽已道精誠感夢寐迢迢故見求

其二

岐路不易合親戚不易離女蘿長中林兔絲偶因依霜風雖復吹白日長照之爲樂苟待新何以明相知人生不速老故物多贈貽大壑聆波聲浩蕩無返期明德信難崇努力須良時

其三

鴈蕩擅名區千里期遊遨白鹿下雲中握手王子
喬披霧陟崔嵬飛瀑散層霄靈湫實龍見誰謂多
潛蛟明霞起赤城滄海似建標貽爾作晨餐後天
能不凋嗟彼塵世人精氣徒搖搖

寒夜懷允兆

日暮北風發霜霰忽已零樹木何蕭蕭落葉依空
庭寒氣薄我肌敝褐不掩脛山川悠且邈過鴈常
哀鳴疑塵四壁合膏火凍不明舉世皆殉貲慨焉
媿其名瓶中置涇渭安辨濁與清強笑不成歡強

玄蓋副草

卷二

十七

歌不成聲懷思我故友何由遽合併

贈載伯叔三首

賢者欲避地禍患非所懲流俗日溷濁甚于禍患
嬰積羽猶可舉積毀不可勝列樹多苦桃安知橘
柚榮溟海何滄滄日月相代生委照雖隙中燭火
慙其明來者不迫故去者不逆新嗟嗟此鄉曲求
仁焉得仁

其二

貪夫爲利役烈士爲名驅營營一日間忽忽少歡
娛彼此互嘲謔曠達兩不須結交豈無因意氣實

相如惡鳥托鴟梟靈獸附騶虞物情有固然舉一
槩三隅故人不可捐故鄉不可居踟躕恐易度中
心鬱以紆

其三

衆草易蕪穢樹茲九畹蘭芳香何藉藉有如同心
言揚蛾致謠諛懷璧來罪愆雞栖爭于桀黃鵠自
翩翩高丘足騁望焉能滯中園處幽織玄文矇眊
謂不宜涇水揚濁波渭水流清瀾清濁各滔蕩毋
使亂其源

殘燈

玄蓋副草

卷二

十八

天寒瓶水結夜永篝燈昏黯黯閱殘書寂寂傷心
魂爲照不自廣焉能周我隣高明悟舉燭斯意難
等倫

早發

舟子畏夜涉客子思早行旅泊何蕭條忽忽荒鷄
鳴不知嚴霜飛但覺寒氣生北風起枯桑河流卒
已冰凌冰舟竟度歸夢不可成殘月復素魄隙中
遙微明孤衾擁嗟吁轉側待晨興

送謝在杭三首

驅車出郭門白日翳無光寒風蕩湖波春霰集堤

楊壺觴錯相陳父老泣道旁世路一見厄誰念古
遺良駿馬困覆轍猛獸據高岡悲歌何所爲感憤
盈中腸思屬浮空雲相隨鴈南翔

其二

公孫鑄刑書羊舌折其端吏道日以察君獨利用
寬俊聲揚天衢中路忽遭讒青蠅一爲集白璧易
生患大鵬徙溟海六月息羽翰誰撓渭水波雜彼
涇水瀾前期勉自愛纒綬不盡言

其三

相如晚得志負弩勞邦君而我枯槁士賓禮胡殷
玄蓋副章 卷二 九
勤吐論弗與違結好在斯文踪跡或覓疎心期益
以親何意世道乖一旦使離分寂寂空山居贈貽
惟白雲白雲相朝夕飢渴非所論

荅允兆

中心偶不懌駕言爲西游輕舟蕩湖波鳬鴈相沉
浮山川匪峻激肉絲和且柔傾耳欲廢觀寓目聽
不周酒至仍反餘行樂非我儔居者岩穴深惠念
揚歌謳近別尚難任遠適誰克謀百年以爲期晝
日不恒修柰何志意荒中使生離憂將謝境外交
相依終一丘

寄馬從父

在昔歐文戰秋日寒無光我馬誠跼跳君馬寧不
良國人舉噉噉安知棄所長揮手出都門清涕各
沾裳道里一以間側身徒相望震澤勢稽天武夷
隔璇房空石納雲氣水流變春桑奄忽歲三移需
才循舊章君堅巖堅臥余復踐斯場太阿甫離室
一病精消亡紅顏未卽土玄髮忽已霜哀此時命
屯俛仰空彷徨羊腸覆車轍鯨波沒川梁世路安
可爲終隱計未許君哲炳幾先感嘆媿中腸

玄蓋副章 卷二

十

玄蓋副章卷之二 終

玄蓋副草卷之三

吳興吳稼璿翁書

五言古詩

古意二首贈茅孝若

有美何翩翩膏沐無用施冰練裁下裙霧綃裁上衣修短不越度落日爲水嬉乘舟沛中流飄飄隨風移纖手濯柔荑藻荇皆參差倩盼一橫發鳬鴈驚翔飛世自無東阿安知非宓妃

其二

兔絲何絲絲結附南山枝攜手高車上昔與君同玄蓋副草 卷三

歸車輪爲君轉妾心爲君持一日不可隔何況長別離相思閱庭樹在萼凋華滋蘭蕙豈不芳采掇貴及時一與衆草并安能辨葳蕤高義亮弗替夢想通重闈

雜詠十一首

桂樹布空山枝葉凌冬榮粲粲花不實始悟蠹由生安巢啄其蠹黃雀飛且鳴飛鳴有時息顯氣團蒼旻

其二

日中忽欲寐起步臨庭除纖草來媚人安知易凋

枯耳目一爲超浮世皆空虛丹漆強相被朽質將焉如充幃有芳椒糞壤幸勿蘇

其三

隣女秉機杼朝夕織作勤中歲尚無家不聞歎息聲林木少嘉蔭兔絲難附因所合非兩美化爲車下塵求賢良未得媒氏徒營營至死且不悔何況年歲更

其四

有雀巢樹巔哺育美栖止牖戶方綢繆安能遽遷徙少年肆彈射雀死巢亦毀黃口啾啾啼白日變玄蓋副草 卷三

陰雨旣已殺其母且幸舍其子

其五

齷齪里中子籌筭浩無度廣關阡與陌志意日馳騖黃金生驕態昏濁亂眞素旣嘲東郭寒復晒西山餓飲酒對妻子客至匿不晤嗟彼寥寥者多文以爲富

其六

廢興無恒態身辱志不沒功成多矜驕安能更激發勁枝固難摧微萌亦易達吳女習采芳越女習采葛采葛多苦音聽者能自別

其七

有馬出中野受性亦何剛顧影驕鳴嘶慘慘落日
黃猛士思駕馭踟踰高岡川谷悲風生亂石相
低昂柔轡一爲施遂爾稱善良徒猛不足恃柔道
庶多方

其八

陽光忽潛翳陰魄不常圓人生處骨肉安能久纏
綿業海生回風氣勢成淪漣爲歡尚苦晏何況造
厥愆葛屨徒履霜何知冰欲堅

其九

玄蓋副草 卷三

三

少年好行游秣馬先南都遭女秦淮間燁如薜華
數夕泛無分流朝出有同車歌聲何靡靡東日忘
西踰談宴正歡洽胡然來患虞改志適玄漠抗跡
希恬愉精氣雖未入羸穢率已除服食可長久思
與王喬俱白雲生空中飄忽淪虛無感此良可嘆
佇立增躊躇

其十

貧賤可肆志富貴徒羈身惴惴園城中誰辨蹈海
人千金棄敝屣萬乘輕浮雲海水蕩天地混濛澄
日精不見扶桑凋寧論若木榮

其十一

長松覆澗谷朝夕生寒烟悅目無紛華寧有憔悴
顏朱槿何灼灼朝榮暮不然枝條各相媚焉知其
後先霜霰彌玄冬庶以表貞堅

詠古

公子當食頃鳩急授几間左右驅之出卒爲鷹所
搏毛血灑庭蕪公子改常顏有急不能庇安在操
世權中心懷憤激用是三廢食求鷹境內外按劍
數罪愆一鷹服授首衆鷹釋飛翾矢心乎行禽古
今良亦難

玄蓋副草 卷三

四

早春行田間

阡陌互迴紆信履可安行麥氣未舒和春風有餘
情菲茨隱炊烟隴首通鷄鳴園土瘠就肥桑柘業
亦成鳴鳥得候先高樹流新聲吾生萬事廢安能
薄躬耕稚子荷濁醪顧景時一傾落日當揚歌藹
藹媚柴荆躑躅牛羊間聊以全吾形

試酒二首

當歌試新酒歌竟酒亦醉淡淡春風過吹我階前
蕙浮雲東南行飛鳥西北逝人生一日間動寂各
有爲丈夫以樂死安能苦憔悴奇思從中抽乃爲

萬象累太素欲自全洗削去雕績西山靄沈沈端
居閱年歲

其二

試酒臨當歌春雲遠天度鴻鴈多歸心母爲矰弋
誤桃李何灼灼不栽郭北墓七尺少娛樂安事披
紈素故者不復新新者行當故白日躍扶桑迫此
西山暮舉世求神仙茫昧棄中路大道竟何如達
人有至悟

覆巢嘆

覆巢泣遺雛口血正離漣一鳥不忍聽辛苦來哺

玄蓋副草 卷三

五

之朝舍城下食暮挾城上栖飄風雛不寒積潦雛
不飢短翮日以長肅肅毛羽齊烏老欲墮地雛成
自高飛飛飛不可呼此雛當作烏

雜詩

西北有佳人顏色一何姝高樓出雲端窈窕俯城
隅初日理靚粧臨鏡且徐徐左帶繡芙蓉右帶繡
茱萸雙帶一時舉春風吹羅襦樓下鳴金鞭仰面
徒嗟吁中心自皎皎安知衆所愉黃金善誤人無
以桑中趨

春日溪南游眺五首以蘭澤多芳草爲韻

布石歷清淺選徑陟巔峴青披檀欒竹紫藉葳蕤
蘭流颺蕩輕靄落日留餘寒林水恒遇人會心良
亦難

其二

山磴躡崎嶇露滑苔猶漬標梅散素粉初桃破丹
澤扣石時一歌班荆聊暫息顧瞻出衡廬藹藹炊
烟碧

其三

平田帶華薄春水生微波縱睇白雲上舒嘯青山
阿孤亭拔渚壑峭壁舉飛蘿雞犬寂不喧經由勝

玄蓋副草 卷三

六

自多

其四

林中饒淑氣行行長春芳高低秀壠麥遠近新堤
楊漱齒澗流滿勾袂野棘長樵唱隔修嶺徘徊西
日光

其五

嚶其黃鳥鳴出谷一何早風土悅柔桑烟光搖綠
草扶耒豈不習垂竿足用老采采三秀榮疇擬南
山皓

同諸兄弟谿館賞玉蘭花

澧浦少含輝崑岡不吐英茲樹一何奇肇錫以嘉
名皎如姑射姿鮮潔築階庭積雪澄羽扈寒氣寧
暫生上枝旣濯濯下枝亦亭亭千花狀若一各暢
春陽情桃李豈不芳繁華亂目精洗削全真素斯
意當共明

齋居

連朝美游宴獨愁亦云適白雲生遙空冉冉媚幽
石騰壑無增瀾觸林多矯翮階萌拆故紅園蕘吐
新碧傾想寄柔翰綜理歸尺籍情罔逐世生慚竟
安余癖田廬蕪欲盡江海渺難卽開徑遲春風聊

玄蓋副草

卷三

七

以當三益

詠古五首

黑牛產白犢仲尼謂吉祥父子旋失明所言若無
當敵國來圍城壯盛多殺傷析骸供晨炊易子充
飢腸精亡獨在宥并命依空牆圍解疾亦復隙中
覩天光禍兮福所倚愚者安得詳

其一

夸父逐日影不知幾萬里渭河飲滿腹終焉以渴
死高門何炎炎趨附亦復耳崑岡火焚如玉石併
就毀三咽嘈食餘庶幾田仲子

其三

穆滿駕八駿西巡先巨蒐朝飲白鵠血夕宿崑崙
丘王母觴瑤池賓主通勸酬紀跡樹槐眉日入奔
山幽謠成白雲間道里良悠悠東土未易治來復
誰克謀爲樂窮當年何必事遠游

其四

高樓臨大道設樂陳酒厄博局間白黑主客互擊
之勝者笑不勝腐鼠墮客衣飛鳶亦何爲富盛伏
禍機娛樂猶未終屠戮靡孑遺寥寥窮巷間獨處
神自怡

玄蓋副草

卷三

八

其五

彼美漆室女倚柱成悲吟民生一何艱感觸因傷
心隣人謂欲嫁斯言豈知音懷潔反見疑褰裳去
山林捐生遠濁世喟然援鳴琴千載遺歌詩三復
滄難任

貽梅禹金

明鏡臨綺疏皎潔不受塵蛾眉吐春姿冉冉妬所
因入宮良匪願丹青善失真顧影在中閨安知衆
女情團扇何以方月出正當身秋風暫相捐篋笥
終自陳

感懷

梧楸塵濛濛觸目涕泗零嗜好匪敢忘庶幾口澤
存聖善誰能摹繩繩有典刑承顏托夢寐焉可希
至人

雜感五首

鳳皇生九雛八雛俱高飛一雛不高飛棲宿梧桐
枝食露得止渴啄實得止飢歲月毛羽成文章炳
陸離鳴聲何啾啾共驚聖世稀南山巖石間烏子
母夜啼

其二

玄蓋副草 卷三

九

隴山何鬼鬼隴樹何肅肅有鳥名鸚鵡將飛翼且
伏浮客誓東歸馴擾意相屬樊籠一爲繫焉得恣
飲啄鸚鵡不踰汶柰可使去蜀至巧能人言終不
離羽族

其三

二馬同日驅所至有後先先者得食粟後者芻不
全飢飽各自爲徘徊鳴向天玄黃匪不似與衛匪
不閑歷塊疾與徐乃在滅沒間橫術同一轡駑駘
將何言

其四

猛獸蹲高岡鷺鳥立勁枝搏擊生疾風利爪奮雄
威陰氣日慘慘吞噬無已時少年挾兩矢連發血
淋漓毛翮不得完寢處用其皮念此重嘆息猛鷺
亦何爲

其五

雉鳴何鷺鷥奮然厲羽翼五步一飲水十步一啄
食朝向梁上游暮向澤中息掩者順其風卒爲羅
所得樊籠蓄且養毛采空五色黃雀能羣飛雛間
恣出入

允兆北歸寄訊

玄蓋副草 卷三

十

流水不可鑑懸水不可舟涸轍驅荒谷蹄涔寧見
羞達人釣滄茫千仞垂直鈎一舉六鰲連波聲盪
煩憂三山如培塿雲氣如蜉蝣安能從獵徒舍樂
興西周

貽恩法師

天心不易測人事亦難憑晝夢窺陰魄夜夢搏陽
精嚴霜降夏壑毒火融冬冰惠風煦秋枯商飈悴
春榮反覆循萬端孰知其所因廓然無聖凡大道
不可名吾師將何師西極有化人

感事六首

有客仕京洛出入驅華輶侍女曳羅紈左右佩吾
鈎善謔昧文史微怒嚴戈矛一朝盛勢去刺促同
楚囚身經溝瀆中子甘醢毒謀寡妻困流離哀哀
泣道周見者爭太息廉吏信難求

其二

大風起東海日夜鯨波揚島夷利操舟短兵耀玄
霜狂塵蔽京闕左右顧倉皇所畫事金縢聊用免
殺傷漢德豈遽衰謀策或未減不聞姬周朝白雉
來越裳

其三

玄蓋副草 卷三 十一
蒙鳩緝其羽計日能成巢栖戀一枝編髮繫章
莒日暮天雨陰疾風忽飄搖折卵爲破啾啾泣
終宵補綴豈不完所托實匪喬白鶴翩翩翔鳴聲
動九臯

其四

高堂張廣譙盈盈侍妖姬東箱奏笛簫西合填與
箎倡者生領盼至巧奪偃師上客獵華纓主人奉
鮮衣長跪效綢繆生死願同歸一朝禍患至潰散
各顧私客位網嘯蛸門前滿蒺藜目不辨豪賢結
交徒爾爲

其五

世事日反覆反覆不可數於冬衿絺綌狐貉御炎
暑司晨何膠膠鷄鳴非其牡崇伯化爲熊牛哀變
成虎嗟彼殉名者趨利不憚苦朝爲魯國儒暮作
洛陽賈

其六

高樓臨崇山松樹一何蒼有客居其中求仙日皇
皇黃金費千萬術士羅四方九轉煉丹液思乘白
雲翔神奇卒不驗一夕悲淪亡敗龜存死灰藥杵
棄路旁華棟倏已傾慨嘆令心傷

玄蓋副草 卷三 十二

酒中示客二首

志士勸加食達人托沈飲信命亡壽夭百年同一
瞬修綆纏轆轤時時汲深井其綆一斷絕銀瓶應
聲墮人生多營營智慮日以逞巧過拙相尋神枯
在俄頃何不鼓缶歌優游待長寢

其二

生年須極歡在世等浮客漢殿何崔嵬欲種瑤池
核辨論生雄風四座莫不悅唇齒一朝腐誰能視
其舌千載餘榮名豈足潤枯骨

秋夜二首

哀蟬號樹間嘒嘒不暫停因高播聲遠寐者惕若
驚倏忽炎暑移白露塗前庭蟋蟀居戶牖嘖嘖相
代鳴振響各有時未至母相爭

其二

空庭偶佇立虛襟擁涼風冉冉秋來交安知夏已
窮月升若木巔日沒虞淵中輪運無停時寒暑相
代終壯髮忽以短芳沐難爲工丹砂術可成勾漏
將焉從

東隣

東隣有嬌女織錦日盈尺五色炳文章絲理何秩
玄蓋副草 卷三 十三

秩西隣女效之三日斷五匹錯雜不成采亦不較
疎密里婦來借觀出門笑啞啞不堪美衣被雖勤
未爲得

詠如姬

魏王詫臥內誰哉匿兵符蛾眉何宛宛卒爲此異
圖父讐不共天報者寧可辜願一捐軀命殉彼烈
丈夫高誼感紅顏千載良所無

贈王辰玉

入山不求珠入水不求玉千里絕塵趨疇能先駿
足結且三江旁魏鬼歲不屬世道云清夷賢哲猶

隱伏佇立青天高日夕頻注目

詠懷九首

文繡衣犧牛鐘鼓饗鷄鵠神駒處路寢周道斷馳
驅所養非所適其斃立可須泥中能曳尾龜智信
不誣所以山林士往往樂潛居朱輪一脫輻傾覆
爲患虞

其二

桃李樹參差花及春陽開繁條布芳蔭朝夕相排
徊商飈忽焉至零落同枯老人生壯盛年一去不
再來聰明日以窒齒髮日以衰感嘆顧川流逝者
玄蓋副草 卷三 十四

其三

中庭積露氣百草被培榮勿謂非嘉樹而以戕其
生朝夕聊悅目不足贈遠人金穴擅繁華履綦不
及門

其四

黃葛何綿綿依附中林枝歲久成延蔓采掇可作
絲調絲織絺紵質弱輕霏霏蔽下得爲裳蔽上得
爲衣良工不顧視在苒霜風吹霜風吹不息枯死
有足悲

其五

鳥鳴動空谷魚樂忘川流蝴蝶忽而飛栩栩同莊
周吾生雖未化屢夢華胥游悠悠亡所歡忽忽亡
所憂寢興昧今昔歲月逝不留條榮知天春葉落
知天秋

其六

皇王遺載籍千古事若新流覽窮日夕役役疲其
神將欲息于仕末俗不易更將欲息于農四體固
難勤出門一望橫慨焉悟所因宰如與墳如歎息
爲反眞

玄蓋副草 卷三

十五

其七

作酒必有蘖厚薄常因之蒼黃一濡染皎皎無素
絲梧桐餘枯幹栖托梟與鴟反覆不可據世道日
陵遲蠅聲欲亂聽讒巧變是非他人爲朋親骨肉
等路岐悲哉莫能陳怛傷心脾

其八

鷗明潔其食翱翔寥廓間南風豈不勁六翮常得
完拔而傳尸鳩焉能效冲天人生各有宜小大非
所兼胡爲借世資重累成厭愆

其九

窮達有成命出處道無常懸弧自我弛伊誰爲代

張神龍樂淵潛野血斷玄黃鮑轍雖過門蘭草寧
失香事至少定形惟人所紀綱盤員水亦員孟方
水亦方

夢後作

疇昔夢登天栩栩如有憑衣裳霑雲氣倏忽萬里
程俯身謁上帝授我以長生啖我白鳳膏佩我蒼
龍精吸之不下咽視之不見形感悟身挺動屋下
鷄三鳴鷄鳴旦復旦塊然遺蓬瀛

田居

玄蓋副草 卷三

十六

朱門耀駟馬累世仕代農薄軀膏躬耕落莫居田
中秋來釋耒耜冥冥弋飛鴻散髮臨長川歌詠先
王風高蹤抗巢許庶績熙夔龍易軌在因時安論
達與窮

寄懷俞美長

疾馳多安車徐行有覆轍良馬不躡山驚馬躡于
垤丈夫事遠遊廓落名稱烈曲士守一隅次且志
意浸廣狹旣已殊耳目遂隔絕大道嶮且夷嗟余
昧成蹊

題齋壁

鑿石期見火掘井期及泉功苟虧一簣焉能遽成
山烈士有鴻圖立志須貞堅十上書不用刺血流
股間陰符入揣摹卒都卿相權志大無所成空貽
皓首嘆

贈汪仲嘉

五父陳厥昂寓目靡不眩默欬加以飾新者遂得
薦美玉蘊璞石砮硃云受獻照乘淪深淵魚目混
珍玩駑馬戒修塗良駮繁外坂碌碌取充位蓬蒿
沒英彥幾微難察識疑似易生患實水於盤中涇
渭立可辨

玄蓋副車

卷三

十七

寄陸無從二首

地紀辨南北大江表巨觀湯湯流不息波聲沸青
天顯氣成朝霞呼吸可當餐桂葉冬不凋虎豹蹲
小山鷄鳴出雲中服食追劉安

其二

芙蓉吐丹澤灼灼滿陂塘晝偃當夜舒順風揚芬
芳欲折遠相贈道路苦倉皇白露溥高空冉冉變
清霜朱顏忽凋謝刺促我中腸

贈曹以新二首

鄉曲寡儔匹塊然當一隅夕有尊酒歡朝無僮石

儲豐膏不嬰情所遇恒泊如白雲起達達充滿蓬
蒿居寄情千古前安能舍詩書李桃榮路旁未幾
成凋枯豈逐夸毘子麗服馳堅車

其二

華屋運籌策時俗競呼門借衣不斷祛借車不敝
輪昂烹及一嚮乃謂異常珍螻蟻能附羶其智安
足云客處垣堵中落落無所親啜菽有餘飽蘊絮
有餘溫黃金象南山等之同飄塵

贈何无咎

火然必就燥水流必就濕白質與黑章焉能化爲

玄蓋副車

卷三

十八

一芳蘭生空谷自來遠叢棘牛驥不共皂綺縞不
同織凡濁一何衆世路日充塞賢士遯中林塊然
常獨立

大風感作

日中風勢暴亂石盪層崖大木拔且仆枝葉東西
摧衆草羅堦除獨未離根芟居高易以危處卑胡
不諧

貽孝若

兩巧不相並兩拙不相妨自古稱善射飛衛與紀
昌鋒觸交路衛矢墜塵不揚欲擅一藝名負德思

中傷儔侶有時諧恂恂母見長

歲暮書懷六首

寒暑嘿相禪歲序當蹉跎志念負所蓄時命謬已
多天外飛嚴霜被領髮增華烈風吹中林池水澹
生波人跡日以遠閒門可張羅出亦不乘車入亦
不乘車路逢野雉飛一矢罔相加矢亡不足惜雉
斃傷天和

其二

故曆尚未捐新曆忽已授新故錯以陳喟焉傷去
就一歲何往冉憂樂靡可究憂固從妄生樂亦匪

玄蓋副草 卷三

九

眞邁隴畝堅晚實林園周早秀露條屈秋枯霜枝
逼春茂萬彙本無心炎燠自成候人生多反覆榮
辱理豈謬達人順其常泥者遂生訴

其三

邁客語不快忽忽憂思生入門急呼酒爲我蕩中
情絃歌昔所怡今已曠彌旬舍後多長松惟聞謾
謾聲麥布野田枯飢雀遶砌鳴極宴固云荒多慮
亦何成窮達寄天命母爲世患嬰

其四

食橙美其皮食橘美其實甘香豈能兼玉盤不貯

核丈夫多遠游交在慎所擇爲量一不廣遂令四
海窄寶棄空山中冥冥怨何釋不以瑕廢玉不以
完進石吐茹劑剛柔山甫著前跡異懦來衆嗤高
明罹鬼責尺短寸所長尹卜昧端策

其五

生平不漁色亦不好六博策肥弄九劍一一無所
托門祚固未墮生產日以削重累迫婚嫁餘資供
宴讌經營亦足支過乃耽寂寞閨帷輔機杼倉庾
耗鼠雀詘申貴因時明志在澹泊被褐有餘溫不
美狐與貉飲水有餘甘不美醴與酪持此終其身

玄蓋副草 卷三

二十

怡然保丘壑

其六

日落風淒淒寒凝天顛顛佇立當空庭忽見歸棲
鳥寄巢高樹枝朝夕謂自保鷹鷂忽相奪窺身野
田草飢號霜雪中毛羽日枯槁人生處危機嫌隙
在美好退讓誠獨難念此傷懷抱

閒居二首

高樓接垂楊春夢散啼鴉東風驟然來吹落庭中
花不採西山薇寧種東陵瓜經營多曠事所得不
願加

其二

烟光團晴旭黃鳥啼前林閒吟倚窗牖白雲知我心暮春天微暄池上生薄陰岩扉隱空翠佳客誰見尋芳蘭幸未枯聊以當素琴

別潘景升兼貽梅季豹

潘生何磊落梅子復清真秋風白門口會我成三人余時病初瘳痛飲猶逡巡客厨味苦薄思憶故鄉尊君車富擲果啖我情彌親携手入長干開酌羅衆賓舞影亂華燭歌聲動朱塵爲飲未有間歸思忽已新強我爲君留空舟滯江濱嗟彼世路交

玄蓋副草 卷三

王

背地多反唇而我結綢繆高詎超常倫白首無嫌猜離合非所論餘歡幾欲罄驅馬城南闌二八酒家胡調笑生陽春長年屢見促明發含悲辛候鴈度清霜露蟲吟荒榛茲夜苦不長秉燭聊重陳

玄蓋副草卷之三

終

玄蓋副草卷之四

吳興吳稼澄翁著

五言古詩

游龍井

逶迤遶叢薄迢遞越修嶺轉入空山幽蕭然隔塵境密竹奏清響長松落遙影片石結奇雲羣峭露新穎神龍何日歸寒泉湛苔井碧流裊徑細芳榭依巖冷嘯激涼飈發林回白日靜晏坐僧寮中頓令煩慮屏

錢塘首發

玄蓋副草 卷四

十一

空江波濤平首夏風氣柔四望無雲生白日皎若秋孤帆指遙裔乘興爲東游親友思晤言寧憚路阻修興復在山水探歷多奇幽焉能事芝朮枯寂終一丘

題嚴子陵祠

舟經嚴陵灘不見嚴陵釣俛仰懷高風令人發長嘯一絲噓炎燼九鼎復故廟當其興到時偶應殿中召足加故人腹目無天子詔南陽饒英彥一一據津要功名付烟莽雲臺通相吊先生何特達不著圖中貌丹青易爲毀精氣難可耗高臺至今存

白日烟相照片石屹中流狂瀾阻奔峭藤蘿垂古
蔭車轍不可到末代榮拖紳蟬蛸豈足誚去去一
羊裘誰哉與同調

上烏石灘

上灘一何遲水石怒相逼布帆不張風百丈難爲
力舟師工刺篙躑躅體不暫息舷際忽受水衣裾半
沾濕崖古無人烟綠蘿覆空色客行何所期顧瞻
意自得

宿大洋灘

暮經大洋灘難急不得上自嘆行役艱終斷塵中
玄蓋副車 卷四 二

想村墟既寥落川氣復沆瀣人多入山樵岸少臨
流網星墮空波濕雲橫絕巘廣中宵耿不寐怪獸
啼烟奔

東園紀游五首

偶來客東郡憇此名園中窈窕境欲絕逶迤勝難
窮密篠蔭新綠繁枝綴疎紅時當仲夏交餘寒散
幽叢

其二

幽叢吐芬馥媚客良亦動樓扉翳青旭徑石圍蒼
雲命展憶臨川俯池懷右軍中林動黃鳥花落何

繽紛

其三

繽紛花欲落巖壑流清飈墜我芙蓉巾令我意自
超陽崖叢灌木陰渚敷榮條獨往嗅臯禽於焉盪
煩囂

其四

煩囂雖已遠仙跡豈易尋左顧容成洞雲深杳沈
沈登臺眺初月入樹開積陰應接忽已忘如聞山
水音

其五

玄蓋副車 卷四 三
山水固自佳歌吹時聞之林烟潤哀竹澗溜調清
絲優重舞婆娑翠燭光離離客興尚未闌主人遽
稱疲

游太玉洞天

遵衢何坦坦入谷何穆穆石磴凌紫烟盤旋歷山
麓陽崖登奇嶂陰澗吐餘馥松枝掃地青竹色覆
空綠昔有容成子於此著丹籙道成軒轅師綿綿
不可續我來一覽憇緬思食紫玉雲氣時生衣江
流忽蕩目何年永托茲幽幽結蘿屋

由芙蓉村歷四十九盤抵能仁寺

弱齡覽圖經名山勤夢寐於役非有期茲遊適已
遂候當朱明移風挾新暑退樵徑歷荒榛烟林牽
密翠修隴阻近目連岡引遙睇逶迤互千轉險絕
突萬會援蘿豈勝陟就石屢成憇仰嶠情更怡俯
壑神亦悸篁鳴驟疑雨雲結杳如晦殘陽隱叢薄
古苔合淨地朱刹遺頽圯閒房入蕪穢誰營塵外
觀聊割區中累

從斤竹澗趨錦溪抵大龍湫觀瀑

晨興苦昏霧昏霧忽就卷谷幽姿未吐崖懸光已
顯列藩值紆曲密篠恣游衍披徑既超越涉流亦

玄蓋副草 卷四

四

清淺蒼靄屯遙岫白雲冒近巘松喬輩時振峯拓
頽若剪空沫驟潑人安知行近遠峽轉飛瀑出雙
目受奇綰雄虹驕漢垂晴雷驚晝展珠琲瀉仍合
衣裾潤欲泫探勝勝與迎涉險久忘險下視殊泓
渟潛見竟難辨

度馬鞍嶺探靈巖

懸磴阻叅錯峻嶺何連綿連綿不可窮仰陟若攀
天草根結飛霞樹杪溜哀泉俯從烟嵐中藹藹見
平阡來奇信已襲去美惜不延崇構何峭崿列嶂
相迴環巨石峙千仞荒藤蔓百年霞障色雜俎旗

峯勢孤拳括栢蔭廣谷猿狖驚層巔冥搜駭精魂
竄入谿谿間先日倏趨暝惘惘言歸旋

憇墨池因詠

右軍洗硯處池水尚含墨其人不可作其書亦罕
覩碑版傳好事往往傷刻畫叅知乃苗裔爲園襲
其跡樹以朱闌楯攀以碧玉石我來一徘徊恍入
山陰宅竹色藹欲流花光澹將夕臨池詎能工俯
視情亦適

賜湖雜詠二十首爲王叅知公賦

清暉堂

玄蓋副草

卷四

五

山川互迴紆虛堂襲其勝日氣破浮雲冉冉吐餘
映至人澹無爲娛樂有真境

紆青閣

巖岫相縈帶飛閣中亭亭同景表異觀近瞻舍遠
情蒼翠歷寒燠坐使芳華零

知樂軒

激水周層軒淙淙曲池瀉初陽動蘋藻潛魚跳復
下欲辨蒙莊非至樂豈外假

聚秀園

異卉植名園習習布其蔭朝英尚未落夕秀忽已

振游目三春時聊以悅物性

紅雨蹊

桃樹下成蹊花開一何爛繁華將就實好風適與
亂紛紛墜巾幘餘芳猶足玩

漣漪亭

孤亭陰密篠澗水東西分涼颼生微波鱗鱗自成
文會心匪在遠徙倚當夕曛

潛光室

主人善經世晚悟韜其精端居一室中默默寡所
營燭火用不息嗟彼徒勞生

玄蓋副章

卷四

六

暑香亭

芙蓉擢綠水綽約臨朝暉馨香都且郁冉冉隨風
吹披襟時一當安知有炎威

金粟嶺

叢桂冒秋嶺朱華綴輕霧下有靈螭盤上有棲鸞
顧披霧一爲陟冀與真人遇

穿雲峽

蹲石饒竒狀一逕若天抉晨興奮獨往雲氣可攬
結履坦情固怡觸險境乃絕

超覽亭

天中出飛構豁達松風張層巒落空翠明湖蕩殘
陽耳目一以超萬景歸蒼茫

筠阿館

有人山之阿種竹倏已就幽森欲蔽天流飈激層
構曷由解我渴芳潤若可漱

綠沈坳

曲林發春華藤樹交相翳翠色藹沈沈白日不照
地霜風何時來持彼後凋意

淳玉沼

芳沼何淳泓澄澄湛碧玉翠景泛巖巒斜光動林
玄蓋副章

卷四

七

水澹乎清人心謝彼塵纓濯

臥虹澗

蜿蜒澗疑虹下注無驚湍日映變空色霜落澄秋
顏哲人賦遂初於焉樂考槃

香雪塢

寒梅凌冬發皎潔全眞素雪落何霏霏芬香逐風
度依彼空谷中忘此年歲暮

清涼界

竹色披峭蒨儵然接神飈赤日經中天炎威不得
驕物役固已祛心境旋亦超

錦浪隄

長隄綠綠水樹木柔且嘉雜英散芳颺層波絢明
霞漠漠動春空沿泛宜浮查

寶界菴

選境雖不廣亦復開招提山勢擁蓮花露氣濯楊
枝中宵唄誦發簷鴿無驚栖

浮碧臺

日暮眺層臺澄湖澹滋碧顯氣浮高空流波蕩華
月漁父獲我思歌聲動超忽

游江心寺登雙塔

玄蓋副草 卷四

八

古寺遶江流江流浩無極何年化人居借此蛟人
室雲銜紺殿影山擁青蓮色舍利吐神光波臣晝
驚泣雙塔摩層霄顯氣扶空級拾級一延眺下界
窮千億漠漠洲渚連離離烟樹集海霧障空來霧
消天地白塵寰幾劫毀吾生寡情識長嘯激清颺
超然出宏域

登謝客巖

晨登謝客巖衣濕草間露雲流碧礪藻霧隱青郊
樹斯人骨已朽仍擅區中譽伐山固奇僻爲邦亦
殆庶心賞餘篇翰千載不可遇濁酒誰共揮片石

且成踞緬懷先達風復暢幽人趣落日照烟墟徘徊未能去

泛瞿溪

輕舟何搖搖沿泛青溪曲層崖落深翠新波湛空
綠古里澹疎烟幽篁翳晴旭我家玉華陽一水接
天目對此宛相似能令高興足昨歌隔修隴樵斧
隱遂谷洗杯當急流酌彼樽中醪同游多素心庶
以遠紛俗

飲梅雨潭上

逶迤轉深峽清淺歷幽渚空潭生晝寒飛瀑散晴

玄蓋副草 卷四

九

雨轟然振谷響驟爾奪人語壁時千仞餘藤垂萬
年許興到呼一樽適爲誰主羅坐盤石間秋氣
結眉宇杯光瀉天色蕩漾無端緒雲從礪底生翠
向波中吐顧視忘所懷翩翩欲冲舉

得翁升翁吉書却寄一首

永嘉山水郡日夕恣幽討清流時人鑑白雲或就
抱束書枕中林忽復懷遠道尺素來山阿二季敦
情好開緘未及竟頓使客愁掃此地謝池空波
浸蘋藻我夢懸青松而夢生春草春草易衰歇青
松歲常保

寄允兆孝若

揚舲赴東海，弦月三成規。山川恣探歷，所得皆神奇。
青霞爲我幕，紫霧爲我衣。清泉止我渴，白石止我饑。
良友匪克偕，當歌忽不怡。吳子特高曠，心懷出世期。
茅生亦卓犖，體蘊超凡資。近別猶不堪，何況遠相離。
新交日以新，要非中所私。秋風吹綠水，零落芙蓉枝。
歲事良蹉跎，夢境多參差。不久言歸旋，緘此慰勞思。

陶圃詩

有序

參知公剪東園之右隅而藩之中，藝名菊千餘。

玄蓋副草

卷四

十

本日涉灌漑花時，與客觴詠其間。一日偕往，命余標之以名。余曰：昔陶公有托于菊，而公復有托于陶者也。因名陶圃，而系以詩。

緬昔陶徵士，托好何冥冥。秋時有佳興，籬菊餐落英。
豈獨藉忘憂，兼欲制頽齡。王公千載下，乃復深其情。
藝菊千餘枝，灌漑日經營。商飈從西來，萬卉倏就零。
藉此含霜質，燁然敷秋榮。奇姿艷異目，疑非金令成。
幽香冉冉發，四座娛佳賓。何必煩白晝，然後具尊罍。
王公不願醉，陶公不願醒。醉醒雖不同，所適皆天真。
宦故踰陶秩，圃合以陶名。

夢釣

我本青山樵，夢垂碧海釣。羣魚伏不動，須臾白龍到。
銜珠吐吾掌，五色炫光耀。賤子難爲恩，胡然有茲報。
擲珠還爾龍，琳宮祕其奧。爾自寶爾珠，吾自愛吾道。
衝波擊巨石，疾風起萬竅。悚然悟歸舟，焚燄日初照。

薄暮抵錢塘

朝發富春江，暮抵錢塘潁。中多紆覽勝，誰言涉游苦。
陽景歛西照，陰魄尼東吐。川霞蔚綺繡，山翠澹眉嫵。
海色際遙嶺，林光淹近浦。豐域侈翫競，荒陬

玄蓋副草

卷四

十一

寓淳古觀，風夫豈昧沈淪。竟焉補素業，餘耕桑行將返吾土。

夜潮

洶洶夜潮來，扁舟忽震蕩。夢寐無所驚，客游久風浪。
岸傍垂楊古，密葉凋翠障。嗟此維繫安，藉彼根莖壯。
是時秋未冷，披衣起四望。天地何茫茫，一氣自鼓盪。
虛聲含萬有，疇能測其狀。緬惟枚叔對，厭辭庶淵放。

留別震師

明將出門去，夜聞雨聲惡。枯礪忽欲流，新花半成

落童子秉燭短厨人進麋薄慶吊安從生別離乃
爾作內境既營擾外遘亦參錯求師一轉語解我
千重縛

舟中望金華山

遙望金華山未識金華洞列嶂排晴空時搖白雲
動岸接峯勢迴波涵嵐翠重中有牧羊子叱石成
戲弄超然寄遐想情來莫可控扁舟宜淹遲番嫌
便風送晝洽青霞賞宵結紫烟夢嗟彼勞勞者日
在醺雞甕

哭王陽德先生四章

玄蓋副草 卷四

十一

先生登上壽考終福始備富康乃其餘一德足範
世顯晦同一軌夷險無二致下能悉民隱上能達
國計築城衛里族得緩兵刃懼著績嗣襲黃所蒞
生有祀今也祀豈生里巷同出涕小子感私衷悲
來不可制世喪老成人流風恐墜地

其二

吁嗟我先子偕公爲館甥美玉遠相映仕路揚英
聲公室如我母公子如我兄十年兩造訪賓我以
不賓出入帷幕間宛如同姓親敘別幾何時安知
遽就具几筵湛空觴白日悲風生大壑旣已枯高

山亦已傾吾將安所依涕淚傷中情

其三

疇昔陪杖屨放浪陽湖間嘉木吐餘蔭異卉羅芳
妍時從白雲中眺望吹臺山子晉不可呼公也亦
遽仙東海揚波瀾夕月忽已圓人世有乖離一虧
不復完向來爵賞處一一含悲端荒林慘落日曲
池溜哀泉人民豈遽非鶴駕佇來旋

其四

公負人倫鑒識余在垂髫文苑著英規計日翔層
霄在苒二紀餘其成卒不要貽書相告誠咎無乃

玄蓋副草 卷四

十一

自招日以工雕蟲華茂理必澆胡不勉經術致使
令名劭斯言今已夫余朽終不雕十上咸陽書見
黜同鴟鴞妨公知人明悔恨來中宵

西湖逢悅法師賦呈一首

憶昔白門遊交多方外友焦山郭道人花間時對
酒振藻推禪林談師不去口偕訪長干寺秋風動
霜柳安知及門日師行方北首惆悵對修竹白拂
猶挂牖從此十載餘懷思積川阜岌岌黃曲峯白
毫旌前後呪水灑楊枝黃河忽西走常恐生不逢
死後徒骨朽茲來漸水湄波濤靜川后片月貯空

瓢白雲護雙肘我從東海還邂逅良不偶湖風吹
木葉似作獅子吼五體投塔下苔淨土不垢稱名
等無名師亦爲拜手憫我塵中衣命我勤抖擻一
眞破諸妄妄滅眞何有爾時青蓮花虛空現如斗
何必瞻西方作禮無量壽

北游首發

余生不羈士浮湛在閭里杯酒日夜陳誰能會其
旨本不干世譽安知衆所毀一朝思遠游慷慨別
妻子尺書東南求長劍西北指山川紆且直萬里
從此始馬首春霞微河漢草靡靡豈曰無險阻坦
玄蓋副草 卷四 十四
坦率爲履千金等微塵垂堂誠遺體回睇丘壠間
嗟峨浮雲起感念不在生歸夢難遽止

別允兆

吾友倜儻才聲名動京洛其志不一酬閉戶耽述
作嗟余何爲者亦復去丘壑落落不偶世世儒局
見薄在遺猶多謬何況有離索願交豈無人岐路
非所樂形容一以垂天地氣叅錯齋糧不餘宿載
書不滿囊世難日糾紛疇能運權畧空流賈生涕
欲寓子雲札謔浪笑傲間深衷或有託吾志苟抑
沈終當詠場霍

別孝若五首

攜手江以南馳目江以北川陸渺千重江波浩無
極遠遊何所難難於別日子爲余所欽余爲子
所急豈同世路交尋常比膠漆

其二

膠漆有時解吾志不可移山水愁登臨忽忽言將
離春風吹河干楊柳正參差資我以路用進我以
良規所虞放佚士終難就轡羈

其三

轡羈易爲脫嶮巖難爲平浮雲會飄風相逐游子
玄蓋副草 卷四 十五
征奄尹肆其暴道路不得寧先期戒舟航飛書以
導行恩義踰骨肉豈不鑒子誠

其四

子誠一何篤讐言敢不正養身以有爲先儒著明
訓姦好固當遠毋使滋伐性與世相推移自我握
其柄勞動將何釋翹思爾音問

其五

音問慎勿虛軫我千里懷觀化行魯甸吊古陟燕
臺宇宙歷兵戎神氣索然垂原嘗尚庸流食客豈
我儕出當子同夢歸當子同偕

荅屠緯真

君生漸水東我生漸水西東西水不合意氣無參
差千里遠相憶寓我璀璨辭報君君且來執手練
水湄歡樂踰平常奈何言將睽何以贈我北長句
光陸離絨之用篋笥攬之療渴饑君昔游京華秉
禮兼稱詩侯王及庶士交結幾等夷觚爵飲無筭
藻翰縱橫飛謠詠一興妬深宮宿蛾眉而我非君
儔貧賤寡所羈聊且事遨遊遺世世見遺巖石久
抗節安能抑就卑往聞都市間異人時一窺蓬垢
外自污內存玄中微一登列仙籍鴻門無安期遭

玄蓋副草 卷四

七

遇儻斯流跪求大藥資貽君保紅顏千載常若茲

范東生移居吳門過訪賦贈

人情戀所舊子胡輕去鄉揮涕峴首陰盡室來金
闔鷄鵠避東門海風摧枯桑達人炳幾先無使罹
禍殃我誼在親交載拜登子堂一水通氣候異域
非吳越故衣陳篋笥故僕行酒漿春夜秉華燭累
宿不厭長中田輟耒耜藝圃自翱翔兄弟具余稠
豪俊相扶將遭遇固多艱爲謀寧弗臧盛衰識其
端爾祚當浸昌悲彼故山趾華屋同丘荒

謁淮陰侯祠

昔讀淮陰傳今謁淮陰祠階祀就傾頽遺像吐英
姿顧瞻白日慘四壁陰風吹當侯隱漁釣志大超

等夷一劒寄天下俛首屠中兒挾策干楚瞳雄畧
不得施因亡據壇坫所遇無堅師力摧拔山盡氣
輔芒碭奇躡足拜眞王茅土與禍基武諫旣已拒
蒯說豈能移漢終不我奪質日皦不欺入宮一就
縛舉宗靡孑遺噲等保終始雖百亦奚爲弓藏一
何早高鳥餘勁枝帝昔困平城計乃媚關氏魯元
欲女胡后泣固其宜還沛歌大風猛士空見思將
謂侯也生歿已千餘暮將謂侯也死生氣凜若斯

玄蓋副草 卷四

七

讀于子冲叅知詩感作兼呈于可遠先生

先君昔秉鐸五載滯東土報政敢居功惟帝曰勞
苦衆歸人倫鑑甘心丞相左中識兩于公乃一齊
一魯年俱在髫髻遂以國士舉在魯早符譽橫經
班白虎秉禮稱帝師爲文力追古齊其後魯振倜
儻能用武孰謂文不工遺詩茲可賭燁如玉剖岡
燦若珠出浦旣多濟南法隨方自成矩泱泱大國
風采獻寧小補梗楠勢叅天藝者今何所吁嗟楊
子玄冥心去纂組重烏不得與一借門牆吐誦詩
感中懷三嘆淚如雨

待赤日蒸丹榴涼颺襲芳蔭勝會徵豪賢時譽擅
文米流波蕩杯光當畫雲綬綬有美銜使命趨駕
返南海別思豈不勤歡情故有在延首瞻名山奇
跡閱千載棲遑匪淹時鬢髮寧遽改高堂進三爵
祿養欣所逮

曹能始招同焦弱侯吳允兆臧晉叔俞美長

朱文寧城南泛舟

松舟何搖搖搖歷城曲迴環僚閭井沿泛遵隈
隩風振空林響烟絲秋草綠寒水瀉塵襟晴嵐引
遐矚虹梁亘層波鴈渚帶修木我友展良宴偕以
玄蓋副草卷四
遠紛俗幽懷寓簪弁勝度橫野服登涉窮奧區超
覽出宏域取適非沈湎娛情豈絲竹良循先民矩
妙論發簡牘雲氣忽已歛江光沐流目歲月俟來
茲誰爲繼芳躅

九日洪子厓曹能始相邀泛舟登高得烟字

茲辰邁令序快當風日鮮清霜肅潦水涼野消浮
烟城隅命檣楫蕩然汎空天遵跡有渚鴻振響無
林蟬庶草凋榮姿陰嶼生薄寒石梁亘東西鉅麗
表中川改適眺高岡杳然目界寬層層雲樹合渺
渺江流懸徘徊亦既久客愁將共蠲揮杯畢餘景

餐英駐顏年良晤不易期聊以著斯篇

別諸德祖

詞客滿舊京朝夕盛游遨得子在新知而乃同故
交生平寡言笑昧者謂矜驕子獨諒余衷心盟締
久要爲歡苦未竟忽欲返林巢落日照大江颯然
度霜颺昔來柳垂垂今也但空條杯酒亦屢陳離
憂安得消

玄蓋副草卷之四終

玄蓋副草卷四

三

郊游

茲晨始出郊春色謁盈矚野日消微霜燕草一時
綠當晝游塵起紛紛集車轂俠兒騁騎射紅粧理
筆酒杯酒正誼雜黃雲忽滿目日暮邊書至慨焉
思頗牧

燕中逢張異度賦贈

別子在白門歲月不復憶遇子在燕市音響尚能
識余髮日以改子也多壯色攜手過當壚春風動
廣陌酒酣歌變徵怒馬相顧立黃塵雜輪鞅白日
洞胸臆慨世無荆高將誰與儔匹燕臺淪草莽易
玄蓋副草 卷四 三

別沈千秋

聞子在閭黨違子在國都國都豈無人日與子同
驅子歡余不戚余憂子不娛同心利斷金易訓良
匪誣忽朝言睽隔隕涕涕欲枯春色彌天來萬物
皆已蘇吁嗟我寒士抱影返田廬田廬亦且適在
子非良圖才貴有所施飾玉鳴天衢

別戴伯叔二首

故鄉何所念所念在丘墓夢隔江之南風波不敢

渡今晨脂我車行當首歸路野草日以綠衣襦染
春露握手悵言離顏陽淹薄暮雙闕連浮雲停軌
一返顧寥寥空谷中疇爲通尺素何以兩相慰各
各遵矩步世路固多艱骨肉豈無故留者虞家屢
歸者憂黨禍

其二

君師展禽和余慕伯夷清和誠諧衆好清徒偏性
成一朝客京洛乃爾嬰濁名游觀恣苑囿談讌羅
公卿其時豈無歡歡畢悔恨生歲月幸未淹歸休
遂故情所嗟君獨留揮涕當都亭貴賤親疎異骨
玄蓋副草 卷四 三

除日東震師

茲歲忽云盡風日淒敝廬素雪結庭陰寒氣生衣
襦荒藤翳曲渚野雀鳴廢墟憂樂互更端所歷皆
空虛吾師釋門秀習靜青山居濡毫日書經毫腐
光有餘願一燭微躬畀我凡濁除且還溥甘露萬
木回凋枯

五月集秦淮水閣送張孟奇奉使還羅浮

秦淮一臨眺高閣何爽塏復茲違令節山川若相

經陳思王墓

陳思遂於理匪獨工文藝英彥相後先靡不稱國
器主鬯非其心托酒以自廢披凶哭殿中遺忠動
天地傷哉通親表千載餘涕淚慷慨登魚山遂有
終焉意因山以爲墳備彼王者制我馬來經游當
晝白日噎其山何童童荆棘亦不蔽黃鳥鳴聲悲
陰風起壤隧斯人天篤生實不係氣類有司司籙
豆祀典宜弗墜

荅周世之冬日見貽

旅舍次長陌日月錯相踰霜風吹林木織者悉就

玄蓋副草 卷四

十八

枯中心匪易好門外時停車朝政偶一聞慨然思
唐虞詩書與簪紱彼此互有無余且不做客客豈
能傲余獨有同心子僻處城西隅述作探真源精
殫膚不腴中宵竟忘寐轉側生嗟吁忽復貽新篇
粲若春榮敷匹夫膺罪愆懷璧乃其愚愚非企而
及睨視徒區區吾道在固窮舍命將安圖不朽者
榮名千載寄若軀願言善自愛毋爲世路驅

去掃齋詩爲沈千秋賦

沈生達者流志意何寥廓隱顯隨時命一室寄京
洛寧以潔自處處世於污濁書陳汲中藏文振魯

餘鐸豈無赤舄交而非心所樂小星詠衾襦谷風
展讌譚運肘開蒙翳庭階皎如濯來亦何所期去
亦何所托歲月無常翫怡情興且博寒霜悴春榮
惠風煥秋落澄清幾何時四顧自綿邈嗟彼枯寂
士營構在一壑

志士惜日短

朝日吐東岑忽已淪西岫寒火然餘膏焚燄繼旦
晝霜氣肅廣除嚴風蕩芳囿目感多衆枯性適寡
遺秀經營在萬古其志苦不就欲爲今者圖因知
昔者謬朋侶不相成談讌亦虛覲注峽迅湍波穿
玄蓋副草 卷四 十九

艷歌行

羣鴈遵南渚羽翼何翩翩丈夫奮獨身負劍遠適
燕新衣滿篋寄鄭絡兼吳綿蹉跎志未申日月淪
逝川新衣悉就故帶斷裏不完補綴豈無人恐非
心所歡新衣苟蔽體安在綺與紈尺布終乏貽北
風吹肘寒中閨善織作弄杼臨窻前客遊雖云壯
不如早歸還

玄蓋副草卷之五

吳興吳稼塹翁著

七言古詩

答漁父歌

有序

伍員渡江漁父歌而飯之員亦歌而別

去此蘆中今赴東途脫劍不受兮知父誰何

其二

飽父麥飯兮鮑魚羹道路險遠兮心怵怵覆藥一

露兮無聊生

其三

玄蓋副草

卷五

一一

我誠窮士兮無所歸賴父得渡兮思欲奮飛

老女操

有序

里中有女賢而擇夫四十未嫁援琴以自傷

河上有鳥鳴相求兮念我家室勤寒修兮天未作

合時日適兮女德匪衰夫何尤兮無良之人不願

以爲儔兮

叢桂操

桂樹叢生兮其葉青青悲風晝嘯兮玄霜夜零偃

蹇凌冬兮燁然就榮其實可餐兮咀有其英下全

壽命兮上通仙靈疇援以爲隱兮甘此空山之無

人

蟲鳴歌

有序

吳子方晝坐蟲鳴草間惘然爲之歌

白日曠曠兮炎氣流草蟲悲鳴兮堂之幽豈其陽

微兮陰濁稠不得其故兮空煩憂

銜土歌

鳥銜土兮墳嵯峨口血漣漣羣相呼嗟哉吁嗟哉

吁可以人而不如鳥乎

徘徊歌

徘徊丘墟兮涕忽滂沱星辰易次兮四時乖和西

玄蓋副草

卷五

一一

北結禍兮日尋干戈民生無辜兮腹剝太阿顛裳

爲衣兮被髮而歌苟可避禍兮遑恤其他

飲醇歌

堯舜千鍾孔百觚平原好士空豪呼醇酒一飲唇

不枯朝哭監門夕過屠左攬賣藥右博徒美人焚

榮顏色姝燈前挾瑟羣相趨生命豈不欲延兮不

忍見魏社之丘墟

拊缶歌

南山有田彼豈離離人噉其實馬噉其其靡靡終

當以樂死安用齷齪旁人知

老鳥嘆

有何一老鳥樹頭結新巢來哺細小雛東地啄蟲
蟻西地啄禾黍哺得雛成時時爲理毛羽雛不自
愛不安于巢朝風潑刺暮雨漂搖身死毛羽禿老
鳥三遶而啼號舊巢有一雛是亦老鳥出雛復生
衆雛聞鳥之號鼓兩翼但願新巢早傾側新巢所
有舊巢食老鳥辛苦亦何益路人不忍聞扼腕爭
嘆息

種瓜辭

種瓜滿園中瓜蔓何離離炎天五六月瓜熟到地
玄蓋副草 卷五 二一
垂將車來載瓜趨市與校計市人爭啗瓜乃復擲
其蒂瓜甘不可言蒂澀多苦味須知甘苦同一根
瓜蒂誰教兩相離嗟嗟無蒂安得瓜免絲自有種
猶欲附蓬麻

古澤歌

有白者鵠有黑者烏古澤偶相聚棲止不同塗鵠
欲高飛烏不得啾啾喈喈恣胸臆謂爾鵠雖高飛
零露不堪餐白雲不堪依秋風肅肅將安之焉能
如我烏結伴作羣游饑啄野田粟暮宿城墻頭十
十五五鳴沙洲鵠聞之杳不顧振翼翔翔向天路

爾烏爾烏莫相妬

愁歌

秋霜簌簌摧庭柯朝亦歌暮亦歌世不吾知吾其
已夫又安之他海風雖蕩蕩逝水無回波壯志日
以斂玄髮日以白思憶我故人誰爲度阡陌

貝錦歌

貝錦離離日競作羅蠅飛薨薨壁其奈何孔門多
雍雍參也以孝聞參母豈不慈投杼冒僞名囊中
薏苡成明珠三言市虎人則趨孺子于公豈不利
偃稼始發金滕書虎口尚可脫讒口莫可白我一
玄蓋副草 卷五 四
爲此歌烈風盪崖石

白頭烏

白頭烏雄失雌存毛羽枯清霜夜零相叫呼辛苦
銜粟來哺雛來哺雛雛成飛飛復止止魂魄上天
鳥身死一雛啞啞血出漉一雛公然啄餘粟啄未
已鵠鷺相爭起南山雖有桂樹一旦化爲荆與杞

烏鵲行

南有烏北有鵲來往爭食喧林薄鵲翅困弱飛不
起烏飛撲撲生九子忽朝鵲死遺其雌烏分一子
爲鵲兒鵲巢餘有食烏子啄盡得啄罷東復西日

夜啾啾雌自泣老鳥徘徊鵲樹枝爲思爲仇未可知

大水嘆

河水泱泱深沒橋梁州邑治事晏坐堂堂皇皇之
間波一尺溺民波中加朴責汝田可汜竈可沈難
使徵科緩期日民各歸家血灘涎挈妻負女牽兒
啼出門不能顧南北又復何能問東西勢同鳥獸
竄路岐偷生且食藿與藜嗚呼噫喜河伯不仁州
邑忒威

烏夜啼

玄蓋副草 卷五

五

烏夜啼聲惻惻北風飄霜滿巖石辛苦餵飼八九
子到大翻飛不得力或從梟母游或從梟子食音
響一化不可革少年引弓洞胸臆安能如鳴鳩母
一而子七饑啄桑甚保羽翼

東飛伯勞歌

東飛伯勞西鸚鵡蜀雲隴樹深相組誰家窈窕處
中閨素手纖纖縫舞衣都梁藿蘂薰椒壁朝沐餘
湯覆香澤年歲纔看逢破瓜含嬌綽約芙蓉花白
露飄霜復作霞明月單窺鏡中面

長相思二首

長相思淚沾襟鴈鴻雪阻關山深美人一去無知
音銀燈飛燼汚素琴玉壺漏水夜沈沈門前烏啼
烏柏林有孺空合歡有帶空同心鴛鴦接翅虛半
衾朝來攬鏡成獨照羞殺蓮花玳瑁簪

其二

長相思渺難期深閨窈窕隔容儀柔荑之手不再
攜春山沈沈黛色移微波剪綠生秋姿是耶非耶
翩何遲憂來煎人不可治奈何割截流黃機

秋閨曲

博爐煙息洞房冷美人寒帷思耿耿桐枝蕭索搖
玄蓋副草 卷五

六

空井轉轆銀瓶絕素綆霜飛露墜樓烏警招搖旋
轉夜過丙藥砧不還如斷梗當堦明月澄清景回
身自顧可憐影機中羞織鴛鴦錦

野田黃雀行

野田高復低黃雀羣飛飛東飛西飛不暫息日暮
啾啾更唧唧寒不向空城棲饑不向空倉食毛羽
雖短潔其翼但使人無網羅少年無彈射口銜
黃花恣所適老鴟相逢莫相嚇區區腐鼠飽何益

白紵詞四首

二八顏色嬌芙蓉玉釵倒挂珊瑚紅翩翩長袖凌

春風婆娑起舞態不同宛若游龍復驚鴻流目一
眄志意通滿堂如坐秋水中梁塵乍疑曲未終

其二

東風吹煙散綠羅杯面鱗鱗生白波美人獨酌顏
微酡半偏飛髻垂纖羅蹀躞門前響玉珂纔一察
識擢雙蛾欲落不落奈月何忽聞鳴雞淚滂沱

其三

燭影晃晃搖中堂羅屏十二婉轉張侍兒短髮覆
額黃裙裾一動一飛香纖手遞進玻璃觴生丁福
運聖世昌長夜爲樂樂易荒黃鳥何處哀三良

玄蓋副草

卷五

七

其四

桃李參差花落英白紵嫋嫋會中情越女入宮吳
女驚純扇却顧傾人城嫦娥呵喝使倒行城頭啞
啞烏一聲遺舄流鈿天漸明醉臥不知江上兵

雞鳴歌

華星錯落銀河傾汝南雄雞啼一聲客子起飯將
欲行東方慘慘天未明中閨夢斷春楊柳鳥鵲羣
飛遶牕牖

和郭次父西湖洗硯歌

案頭一片石很籍墨花積洗向湖之湄不知春水

碧湖面參差藻荇多麝煤流入香微波白練淋漓
草屨濕試較臨池興若何安得縮此一湖作勺水
隨君處處供揮灑囊裏墨卿渴不死

桐柏歌爲仲兄賦

躡屨未踏桐柏山搗管爲作桐柏歌桐柏不知幾
千尺聞道羣峯一一高嵯峨或如玉女凌飛烟或
如蓮花撲青天中有神仙六七輩鸞笙鳳管相周
旋南陽代置萬家邑俯視隘同一衽席景夷臺荒
半撮土明月蒼苔驕不得其下湯湯出淮水日夜
東流無盡止發源直自來胎簪禹也導之從茲始

玄蓋副草

卷五

八

吾先世籍淮水津徙居故鄣三百春溯思桐柏舊
桑梓旨哉稱此山中人此山屹然當地穴上應維
星真氣結星若爲隕穴爲裂吾兄之名乃可滅

攜李夜泊信口自嘲

攜李城中月如霰攜李城外江似練幾樹寒鳥啼
不休行人展轉興嗟嘆九垓擬作汗漫遊歸夢夜
夜隨扁舟不如飽飯向妻子臥看青山樓上頭

舟中苦熱歌

初日團陸陸爲紫船中毒熱毒無比雲腳何曾垂
水面浪花那見生船尾平頭大扇不停揮汗出如

珠復如雨午炊煙散成鬱蒸魚羹雖美餐未能林
棲有鳥但開口惡聲微細聞青蠅草色茸茸兩岸
遍吻燥唇乾氣轉塞欲從澗底覓清泠難向枕間
歌偏側輕篙欲刺不可刺裸體時時背人立白蘋
洲上涼風寬蓮藕菱芡俱足餐奈何棄此事遠適
將隨襍穢行長安

江上觀日出

夢中忽忽聞雞聲披衣起立天漸明一輪日出照
江上萬里滾滾紅潮生鼉背參差雲氣散朝霞吐
納骨可換何時乘風渡溟海夜半狂歌登日觀

玄蓋副草

卷五

九

同鄔汝翼潘景升過瓦官寺率賦短歌得袍
字

春日步履城之壕嚶鳴好鳥求其曹古寺蒼涼一
探歷白晝狐狸啼野蒿遺址相經幾遷徙天風吹
送空江濤華嚴朱閣儼新構崢嶸或並當年高土
花深破得斷石西來法像瞻纖毫乃知神物護持
在不似青蓮宮錦袍

鴻門行

管門列戟紛如麻兩軍相見無誼譁倉卒置酒不
作樂坎坎惟聞鼓聲惡南響示決東響人殺心咆

勃飛黃塵筵前起舞劍光亂中有一劍常蔽漢壯
士毗裂擁盾前立時啗盡生虀肩風雲忽捲直龍
走地上雙雙碎玉斗

博徒行

垂楊綠滿大道旁春風吹亂紫游韁障泥繡錯各
不進下馬來觀縱博場兩人躍地去三尺一生故
有英雄癖私鑄銅錢十萬餘好采爭呼輕一擲壯
髮上指青天高雌雄未卜氣自豪偶然怒目忽相
叱道上荆鄉先嘿逃狡徇不交雞不闕天矯虹霓
生秃袖平原公子豈能識安陵富人空爲詬黃金

玄蓋副草

卷五

十

如山山可移囊中別出沽酒貲盧雉遞變日將夕
胡姬跪進玻璃卮男兒棄世同棄屣區區得失何
足齒擲帽却笑袁家郎繞牀欲詫劉氏子珠履寶
玦狐白裘半醉袒跣輪卽休獨畱腰下一短劍明
朝飛斷單于頭

潰圍歌

垓下疾風捲如海帳中燭影銷光彩四面軍聲變
楚歌八千壯士還能在駿馬噴芻嘶不休虞兮絀
定雙蛾愁左右淒涼少生氣纔一仰視涕泗流大
王叱咤股盡慄連騎奔騰潰圍出荒郊鬼哭天陰

陰大半猶爲漢家卒

博浪歌

秦王東幸人雲從六馬夾乘如六龍旗幟續紛蔽
天黑刻石處處夸登封經過博浪風動地亂捲飛
沙塵色熾壯哉力士奮狙擊副車誤中萬乘悸十
日大索無淹期孺子姓名變下邳不因亡匿遇老
父畫策誰爲王者師

戚夫人歌

鴻鵠歌聲振春殿賤妾羞覩君王面羽翼未就憐
我雛他日翻飛等孤燕妾顏嬌奪桃花紅一生恩
幸從關東忽朝目送得上意不及商山四老公長
袖從今請罷舞對酒歔歔淚如雨爲虜爲王未可
知急欲將兒拜女主

詠萱花

堂背樹有萱花開紅簇簇不受春風吹偏希赤日
暴生男未必繫此花此花却盛生男家男復生男
花亦老只恐侵凌多惡草

翁升初度席間歌贈

爾年三十髮已白以吾長爾白何惜回首垂髮嬉
戲時在苒流光輕一擲爾書早就殊縱橫吾劍擊

刺終無成七尺由來自文弱難於馬上取功名今

日之日爾初度葵榴灼灼然清露有酒盈尊不盡
歡壯心徒使空談誤獨不見爾姬人夢叶蘭萱花
如繡護闌干生兒一日歌麟趾此身便屬兒女子

過翁吉飲率成長句

虛堂豁達五月涼階下草生三尺長啁哳鳴禽聽
已變獨餘春水含池塘身在故鄉不作夢詩成誤
使人間諷展齒鏗然憶爾來正值牀頭理新甕呼
童洗却鸚鵡杯畱我痛飲稱快哉羣峯插墻森干
戟烟中弄影堪徘徊須臾蟾兔走簷隙眼底微茫

玄蓋副草

卷五

十二

流玉液青天欲衣明星稀銀河忽界纖雲白左袒
右跣踴地歌高風颯爽吹庭柯回首乾坤有真氣
冥冥漠漠藏輕蘿里兒黃金色滿腦兩富交驩逞
懷抱直置相逢豪達人曾何一言能絕倒我將謔
浪千古賢茅家兄弟非神仙華陽之山化平地茹
龍不受赤電鞭只今對酒須盡醉鏡裏紅顏易顛
頰經世出世難預期燈前莫下英雄淚

送安伯叔北上

北望浮雲開崔嵬郭隗臺黃金氣蕭索昭王安在
哉相者舉肥不舉瘦誰識權奇倜儻之真材羨君

發足自超忽燕市一空凡馬骨胡塵直犯玉門關
層冰幾裂長城窟銀鞍珠勒珊瑚鞭九衢緩控春
風前軒蓋煌煌照眉睫邂逅若箇稱豪賢近日巖
廊不講武滿耳淫哇兼廢古燕然蒼蘚色就駭天
祿青藜光不吐賈誼流涕曾上書終軍奮欲繫單
于片言可以動明主赤墀會見羣公趨羣公趨走
供杯酒意氣通家誰更厚先朝御史吏部郎二祖
聲名滿人口吾父韶年相代興功高勞苦爲中丞
有子負薪困行市起舞廉吏歌堪憑不意門風變
宿昔一貴一賤交啞啞勝負頗似山陰碁盈虛且
玄盡副草 卷五 十三

送梅使君入計

高天肅肅寒隕霜江南十月橘柚黃五馬中無一
凡馬扶車千里將騰驤使君英氣何勃勃爲政宏
才見倉卒長聞閭巷歌龐眉不使溝壑擲白骨歲
事洊惡今始登漕粟請減猶未能武人絡繹膽盡
懾何敢魚肉煩催徵口碑籍籍遍郊郭不與龜頭

同剝落童豎寧謠城上烏吏胥豈作倉中雀梁間
一榻塵糝糊部內頗無賢士夫退食委蛇坐孤閣
相對青山倒玉壺聖世循良方汲汲獻歲明堂當
大集行李蕭條斷筐篋獨携簿籍先春入黃河北
渡堅冰開雪花壓浪滾滾來浮雲已散平津邸流
風尚激昭王臺天門矐矐日轉旆王帛車書萬國
會九重受贄兼受成三載勲勞論殿最就中卓異
定誰先江南無過使君賢東朝召對應如響朱提
出賜黃金千胡虜郊關日夜至恐仗餘威向邊地
海國烽多波亦揚南北時危總堪計伏闕紛紛願
玄盡副草 卷五 十四

更畱肯撤衽席生戈矛寇恂若不從天借河內難
消父老愁

上東門行

上東門外春草淺窄衫禿袖牽黃犬獲鮮行酒手
自割不向羣雄騁雄辯七尺忽被功名愚掉頭西
上逐客書肘後纍纍懸相印列國荆棘生荒墟六
馬東巡厭王氣車頓沙丘聞海沸築城空信亡秦
胡鮑魚未徹更新帝惡風捲起咸陽塵白刃無情
光照人呼兒逐兔不復得惜哉枉死扶蘇身

淒淒吟

淒淒重淒淒嚴風吹枯梨層氷峨峨塞斷谿簾燈
青熒寒色迷南山寂歷烏夜啼生長巖石毛羽齊
反哺不逮三春萸西流欲東東日西九原無轍遵
塗泥中堂蕭蕭素帷低戢身疑塵向壁樓轉側不
寐通晨雞

答翁升雪中歌

北風吹骨寒稜稜湏臾雪滿牕中藤瓦縫參差凍
欲合愁雲黯慘千里凝野田氷高不受鑿啾啾唧
唧飛黃雀倚檻好似山陰居臥草元非洛陽郭作
賦由來稱惠連貧賤可以長周旋門前五柳枝拂
玄蓋副草 卷五 十五

地不挂侯家白玉鞭

歲暮嘆

一夕復一朝一朝復一夕東流之水莫遏其波西
飛之鳥莫斷其翼出門亦嘆息入門亦嘆息素帷
飄蕭塵四塞遺簋空教三上食死者不可生生者
欲死死不得殘機堂上蛛絲織少不成名老將逼
霜風蕭蕭吹長棘垂首吞聲淚沾臆

白楊行

壠上白楊何蕭蕭跳跟狐兔鳴寒鴉悲風愁人響
不絕逝者長寐無昏朝一時丁丁斧斤集枝折根

摧三嘆息散作千家爨下薪獨餘衰草尋常色山
形濯濯煙濛濛遺碑七尺蒼苔封龜頭完好辨刻
畫樵青牧豎穿西東日落牛羊竄亂走石馬臨風
勢欲吼歲時拜跪多子孫空向玄堂瀝杯酒

霏雪篇

北風捲石石亂走黯慘玄雲覆隴首南澗流泉東
不飛西山老樹寒仍朽簾外霏霏雪影斜六出不
作三春花平岡少見起蒼兔委巷猶聞啼鴉鳴門
前車馬跡如掃當日誰除洛陽道牀頭有酒益有
儲七尺何須憂立槁小兒狐白裘翩翩志士皮褐
玄蓋副草 卷五 十六

蟠桃行

蟠桃艷艷紅炙天一花一實三千年波濤洶湧日
出沒幾經碧海更桑田王母瑤池手自植東方小
兒三竊食有時青鳥來殿中分啖能令好顏色茂
陵松柏連浮雲遺核栽成猶未聞驪山白骨亦已
朽文成五利徒紛紜

赫連行

撫臺高高且廣下有匈奴掠草莽四萬邊軍不臨陣營門忽聞呼聲振紛紛攘攘索花布堅髮張鬚撫公怒怒未頃刻身首分合門衣火成灰塵當風揚灰不可辨誰謂我軍纔一變君不見南京射殺王侍郎浙中吳公血走藏近日司馬司空早朝退羽林亂撲多倉皇

秋海棠歌

庭砌陰森蠶畫泣秋卉嫣然弄春急欲散微風粉澤輕纔露涼露胭脂濕朝來的更盈盈半吐未玄蓋副草 卷五 十七
吐姿橫生誰言秋後春情薄老去徐娘尚有名華態易捐難獨保蘭葉萎黃梧葉槁只恐清霜忽倒飛零落尋常同蔓草

永嘉歸寄梅季豹

三月楊帆入永嘉滿江烟水飛桃花五月携琴返下若一路薰風長桃葉桃葉桃花可奈何故人一別成蹉跎幾時能挾楊家妓共醉燈前金叵羅

懷何无咎

何生別來已兩月高興逢人不得發牀頭短劍泣寒燈座上清尊照愁髮鴈宕同爲十日游雙龍白

畫飛靈湫拍手爭看叫奇絕幽壑萬鬼聲啾啾歸今索處青山麓白雲片片空相逐安得飛渡錢唐來余倡汝和登天目

戲答翁升歌

掩關十載住空谷往往從人借書讀曲几何曾橫一編脬腹徒言貯千軸君亦能稱行秘書抵掌齋頭恒晏如古今上下三千年談中纍纍若貫珠世人只問黃金產收拾遺書不過眼眉中難吐一字奇却對妻兒能飽飯

浮白歌

玄蓋副草 卷五 十八
屈指西湖十載前桃李爛熳飛晴煙佳人剛及破瓜年一時同土木蘭船偷回嬌眼團扇底密送情言短笛邊拂曙爲歡直至夕座中豪興誰最劇親脫黃衫換酒來大叫連浮三十白縱然年少陷輕薄畢竟豪賢爭嘆息佳人別後一寄書芳魂艷骨增躊躇空餘櫪上青驄馬無復松間油壁車蕭蕭何處白楊墓日暮悲風愁殺余寧復當年名善酒猶被旁人相藉口爲語旁人勿藉口人間更有佳人否

題唐寅畫美人

畫中美人乎不起一片狂心狂欲死修眉淡淡染
春山嬌睫盈盈注秋水或戴蓮花冠或着遠游履
宮入入道無乃是裙間蛺蝶幾雙飛帶上鴛鴦常
並止朱唇一點凝未動彷彿如聞畫中語美人畫
手誰最精國朝工細稱仇英前有周昉及錢選諸
惟貌形不貌意安得神妙同唐生唐生落魄晚更
凝豈但善畫兼善詩雖然不作相如賦猶見人間
俚俚辭

雨中獨酌

細雨蕭蕭動朱閣白玉杯寒新酒薄男兒蹉跎未
玄蓋副草 卷五 十九

得志閉戶看春亦不惡題詩向婦婦見誇一生不
解聽琵琶爛醉尋常花氣入侍兒纖手自煎茶

玄蓋副草卷之五 終

玄蓋副草卷之六

吳興吳稼澄翁著

七言古詩

雜歌二十首

皎皎白練絲素織寒女機裁成團扇名合歡不向
深宮縫舞衣感君意氣重攜手奉君出入障光儀
夜攬天邊之明月晝披池上之涼颼何期一朝委
棄篋笥裏令我感嘆涕泗洩

其二

東家櫻桃樹結實何累累西家有鳥啄實去墮地
玄蓋副草 卷六 一

來歲生新枝新枝成圍花爛開狂夫一去不復回
零落紅顏向牕牖寂寂流塵上鏡臺縱然棄置豈
相怨君不見老女齒落無行媒

其三

對酒不能飲晝日頽思就牀寢男兒有意乘風雲
焉能耽玩少婦機中錦上策斤不收歌呼氣凜凜
短布揭單衣殘燈暈獨枕世人論成敗反覆無定
品李廣有孫稱國士死葬蠻夷生左衽

其四

放鳥置溪上各自東西南北飛丈夫亦有志焉能

愁寒復苦饑舉杯聊自寬蛟龍失水甘泥蟠螻蟻
千羣莫相制有時大陸摧波瀾

其五

日中悵不樂散步高山頭俯看山谷底四面皆荒
丘寒鴟鳴啾啾中有四五塚嵯峨云是古時將相
及王侯子孫流離不可識安問當年黨與讐華屋
生存日置酒餘瀝誰澆黃鳥愁念此令人太息不
能已秉燭思爲長夜遊

其六

橘樹生江南渡江化爲枳根莖豈必一旦異地氣

玄蓋副草 卷六

一一

浸淫有如此鷹鳩聊辨目雀蛤併在水人生變化
亦復爾物理反覆那足齒君不見豫章男子作女
子

其七

春時滿園花梅花獨先落不忍見之使心傷坐聽
南隣弄絃索嘈嘈邊思多良人獨身西負戈濁水
浮雲能反顧何期歸信成蹉跎蓬首年來斷膏沐
牀前明鏡垢不磨待到功成列土封霜色沾眉將
奈何

其八

東女嫁賈胡囊裝鞢韠兼珊瑚西女嫁徽侯肘懸
金印連吳鉤我今老未嫁踢地徒喚天雌兔眼迷
離牝雞伏卵雛不全阿姥不知此愁苦含飴日抱
孫兒前

其九

奉君芙蓉之寶劒桃花汗血之兒駒貫札穿腸之
羽箭控風偃月之雕弧塞下霜吹百草死關頭雪
落黃榆枯願君感激且任壯挺身出關北擊胡安
用抽毫吮墨費白日衰衣博帶爲堅儒

其十

玄蓋副草 卷六

三

綺閣朱塵網羅薦曲池文波瑩冰練美人下堦空
徘徊風捲餘花雜春燕崇蘭香泛氣妍和感別經
時淚如霰芳顏灼灼桃李色何能鑄入烏銅鑑寧
爲西上逆水之雙魚不作南飛順風之孤鴈

其十一

君不見落花委逝波何時隨風上故柯君不見五
體一就木何時行嘯復坐歌君當聽此增感悟奈
何鬱鬱抱膝空山阿人生譬彼盤上燭光華一去
難再復但令般游恣逸樂車中合載絲與竹持此
從朝至日夕美酒千鍾蕩胸臆坎壈不平消已盡

不向時人矜得失

其十二

秋霜殺百草復得蘇息遇陽春生軀陷死地長夜冥冥不得辰天生男兒一腔血豈爲沾灑沙場塵隴西殺降終不侯長平士卒遭暴秦外黃小兒奮頰說西楚片語生全數萬人

其十三

團扇團如月日出當心皎不沒憶昔相從各相誓爲保終始無玷缺何期一朝入燕趙歌舞淹留竟不發牕前合歡樹枯死五經雪寄君白玉環報我玄蓋副草 卷六 四

其十四

君不見道旁柳秋陰凋薄春仍厚君不見峽中石江水有時沒水落復還出我今意氣日向衰領上數莖白髮垂東魄朝呈西魄匿轉見驅迫無寧時胡不爲歡對酒客一日坐進千餘卮列土分封亦偶爾解紛排難終何爲

其十五

君不見邊客仗劒去劒鋒銷盡未還家朔風吹亂羊萬角落日慘淡埋胡沙隴頭流水流鳴咽雜以

野馬嘶蘆笳人方聽此淚雙落將軍帳飲列伎嬌如花前隊呈回鶻後部按琵琶齊甘不知有茶苦摧藏掩抑長咨嗟

其十六

君不見石家金谷園奇樹千種未能名當年花開爛如繡此時枯毀無一莖富貴豪華等逝水黃金如山不救死何況市人弄錐刀賤置田租滿千紙鼓舌嘲豪賢閉門飽妻子驕盈一日生患害垣墻荆棘啼狐豕

其十七

玄蓋副草 卷六 五
六月方鰥體有客來叩關自陳衣繡當晝遊願見顏色通交歡童子出應客主人不襪復不冠不堪禮驅迫貴客請迴鞍客怒詫童子爾主之德有餘羶杜門寂寂寡交接將無谷口聞長安

其十八

翩翩馬上兒中統襲綺薄書詩問之先世不能對積金厚遺徒爾爲劉向富經術歆也最少名最知高門世業在文采安用區區有父貲

其十九

秋鳥暮向前林啼坐令客子悲流離我初從軍赴

關隴白口舞劍生虹霓枯柳十見榮春陽鏡中短
髮飄素霜冉冉紅顏就零落凜凜精氣成消亡但
恐鬼伯相催促一朝隕命道路旁懷思我鄉土念
我骨肉多心傷有客南來相問訊安知我屬君同
鄉答云少時識君面知君從戎在此方我行去鄉
已三載萬里羈役方倉皇來時聞君父母死野中
火葬塵飛揚又云少婦生割流黃帷稚子寒冬無
裏衣家徒飄蕩非昔盛隣里遷徙今誰依聽此令
人涕被面願君及早當還歸

其二十

玄蓋副車 卷六

六

男兒勿嘆貧生命偶不辰年當弱冠有奇志四十
不仕胡遠巡填衢塞巷洛陽客轉眄化為蒿里塵
慷慨歌不止西風吹髮髮上指柴車免遭世途厄
濁酒聊遵達人旨令我鬱鬱從憂生孰若悠悠以
樂死

古意二首

春風澹蕩桃李蹊攜手日暮香塵迷西北高樓不
獨倚東南孔雀常雙棲邯鄲才人廝養婦秦氏好
女侍中妻浮雲難掩明月曲清路時沾濁水泥金
井對植新桐小玉牕交映垂楊低但見青驄櫪間

繫不聞寒鳥城上啼何處空牀能獨守錦衾角枕
倍難懷

其二

男兒藏名在俠窟報仇報恩在倉卒明珠難博徑
寸心千金未賣一片骨楚臣爲漢不爲楚越女亡
吳詎亡越纔挽離弓楊葉穿每看寶劍蓮花發入
塞朝馳洛陽道出塞夜踏關山月咳唾羞落丞相
茵文彩直照車騎碣可憐垂老一書生手攬青銅
悲白髮

贈楊載之

玄蓋副車 卷六

七

楊生婆娑野鶴姿雞羣逐逐來見嗤賣藥欲比韓
康伯彈琴未遇鍾子期京洛塵土昏翳日憐君不
趨京洛陌江湖風浪高拍天憐君不泛江湖船若
上白雲白如絮瓢笠蕭然自來去得錢卽付打魚
人有伴且尋沽酒肆

舟中沽酒辭

瀟灑臨溪賣酒家賣酒女兒顏如花酒錢入手笑
不數爲道無錢酒可賒客子得酒舟欲放西風颯
沓生微浪目送流波愁殺人橋迴岸轉增惆悵日
落獨酌金叵羅彷彿如聞女兒歌岸傍楊柳爭棲

宿奈爾啾啾暮雀何

夜泊晟溪不及會閔君朗悵然作

扁舟夜泊晟溪口秋風兩岸吹楊柳數卷殘書擁
孤燭僮僕蕭條對垂首美人家在不可呼綠酒將
從何處沽頽然就寢不成寐深林眇眇啼寒鳥

妖狐行

妖狐汔濟不濡尾夜向隣家作人語帷帳潛形燈
燭昏病婦沉沉呼不起有客西渡錢塘雲自言符
籙傳真君登壇役兒如役卒鏐鏐鐵騎空中聞陰
風慘慘陰氣惡湏臾妖狐來就縛焚之慎勿揚其

玄蓋副草 卷六

八

灰恐使腥膻穢村落

寄翁升

層厓吹裂北風怒黃河逆流三百步登壇喔喔雞
戒晨夢裏尋君不敢渡君勿問我不出關白雲滿
目團空山男兒出處亦偶爾毋使刺促凋朱顏

薦觴詞

高堂炳燭春煌煌子婦羅拜薦羽觴侑以絲履五
文章願言壽命三千霜紅襦照耀東西廂淡黃淺
綠嫌不祥一婦不得來奉姑哀哀三日方哭夫淚
血沾襟眼欲枯生死慶弔難共途一雛墮地衆雛

呼試聽南山頭白鳥

東塢看梅花懷弟新

空山不雪亦不塵梅花偷放江南春樹下來爲詠
花客舉杯在手無相親幽芬寂寂枝頭動玉笛臨
風三四弄今夜思君可奈何江南不作長安夢

古梅引

古樹垂花當古道送寒何遲迎寒早短笛三吹三
破碎一抹霜痕春不老鏤林蹶石東風狂玉龍起
舞鱗甲香北斗沈河月射枕縹緲羅浮仙夢長

醉後作

玄蓋副草 卷六

九

連朝不飲酒一飲輒至醉蔓草無沒南山田短布
單衣亦已穢殘書半榻高枕眠妻子笑語臨牕前
憐君有才不賣賦明日恐無沽酒錢

水仙花歌

洛水千年無賦客洛水之神變精魄芳緒凝寒怨
欲抽羅襪無塵露華濕鏡波湛湛點額黃微粉膩
骨生奇香水絲蟠結不堪織未識春風先斷腸山
月橫牕相照絞室龍宮夢難到移情恍墮蓬萊
中嘆息聊成伯牙操

連日送葬書感

喪車麟麟赴中野崩榛斷莽悲泉瀉絡繹誰爲給
喪事尋常定少吹簫者昨朝薤露傷人情今朝蒿
里多哀聲可憐貴賤同歛魄挽歌一曲存空名
壘還同郭北墓墓前新種白楊樹未許天陰鬼火
燒已聞日暮悲風度魂與寂靜妻涕洟鼓吹幽咽
徒爾爲世人未識郭有道奈何不乞中郎碑

獨酌偶成

積雪浩浩南山寒風吹肘露衣裳單明鏡生塵項
領垢絲絲短髮不衝冠朝來偶進一杯酒無樂聲
名在身後雙壁未解虞卿愁千金立却平原壽放
玄蓋副車 卷六 十一
歌草澤甘沈淪養雞牧豕終其身蓬蒿偃蹇斷來
往眼底漸少賢豪人

春雪嘆二首

寥落空山雪一丈牛馬家家不得放瓶中無粟突
無煙忍見妻孥氣凋喪荒村夜夜虎跡多里胥扶
醉相衝過拉沓饑鷹爭攫肉野雀田頭將奈何

其二

正月二月雪霰集中間放晴無十日桃李定有開
花時只恐梅花不作實北風發發寒颼颼葉芻一
束畱林頭丈夫皮肉凍卽裂不衣侯家狐白裘

其三

春來作計擬出門不意蹉跎朝復昏四海豪賢半
識面越阡度陌誰見存高田常年不種麥今年種
麥遭雪厄鏡裏紅顏憔悴多鄉國淹畱亦何益

由谿上入玉華山得硯字

雪晴三日目猶眩步出谿頭雲片片楊柳含愁未
吐絲惟見殘梅落如霰涉谿布石石齒齒水勢難
平疾於箭轉入竹徑登山樓習習東風寒拂面平
頭奴子攜酒至驚起幽禽雙白練當杯興至肯袖
手倚檻哦詩聊側弁一杯一詩無已時苔壁淋漓

玄蓋副車 卷六

十一

題欲遍金多置產盈萬頃不及書生一破硯

別陳公衡駕部短歌

偶作長安游畏見長安客眼底賢豪獨羨君一日
相逢稱莫逆月俸置酒酒不空邀我痛飲明月中
霜露沾衣歌未歇蕭蕭斷柳鳴西風明日依然苦
無酒惟聽烏啼白門口胡姬笑我顏色銷安得黃
金常在手金盡長安不可畱別君歸臥蒼山秋貧
賤猶堪報知己未必侯生空白頭

東翁吉

君家大谿北結樓大谿南村居稠密苦煩促教余

何處能清酣春水平沙正堪涉莫待山中消積雪
樓上把酒歌新詩定使谿聲增激烈

礦山謠二首

朝采金暮采金草枯山根裂居民淚沾襟信信之
犬昔以吠夜今以給傳舍喔喔之雞昔以司晨今
以飽游民水衡積錢爛如土何不詔取中官歸御
府一出入流毒苦

其二

礦商聚中野各各不相下珍寶餽中官黃金餽主
者淘砂千斤得銀百公私費用兩無益詔書來詔
玄蓋副章 卷六 十二
書來中官忽變置主者顏色如土灰山頭血出金
氣死誰作封章報天子

赴翁升飯率成二章

俗客不好我我亦未嘗好俗客平頭奴子來叩門
爲道中廚午炊白因過君飯兼食豚飽後腹向花
間捫弟兄爲樂在率爾安用絲管雜伎羅金尊

其二

世人徒飲酒不解酒中味我今不醉復不醒蝴蝶
飛來有深意頽然忘七尺安知富與貴里兒黃金
高如山蠅聲擾擾不暫閒墜下滄浪水一曲與君

洗耳聽潺湲

震上人閉關書經歌贈

上人手寫華嚴經松關寂寂雲亭亭阿耨潛通硯
池水空中倒現蓮花青貝葉千函塵不翳側理苦
文皆屏置鐵門限傍掃筆塚白毫光中了文字我
今案頭紫石枯散髮長嘯青山隅苔溪亦是曹溪
水爲道西來一字無

墻頭草

墻頭草風吹柔胡不生彼庭中生墻頭庭中無不
可惡木枝蔭我又豈無野田塍農夫二三月荷鋤
玄蓋副章 卷六 十三
將見凌墻上趨難爲堦托根一據高遂爾固其荄
牛羊欲食不得食牧豎過之徒嘆息

七歌有序

萬曆丁酉允兆復爲北游余追送橫塘之下允
兆倡爲七歌余因和焉其中移商變徵相視泣
下匪直愴別而已

九河水斷鴈北徂君其舍我之燕都殘書在篋劒
在室掀髯大笑臨長途先誇海岱照顏色誰云作
客非良圖君一發歌我一和白日流雲停廣坐

其二

眼中不見燕昭王空聞駿骨臺已荒君過休問臺
下土年年青草春茫茫男兒遇合匪細事只合款
段終故鄉再和君歌飲君酒君已半百安農畝

其三

生平落落寡所諧惟君知我曠士懷襟期靡不喻
膠漆何意中道臨當乖卽看天北動雲物可無歸
夢隨長淮君歌三和三太息江水無情淚沾臆

其四

黃塵擾擾苦甲兵游子胡爲乎遠行神劍變化不
可測匣中忽作風雷鳴有如折衝萬尊俎詎須馬

玄蓋副草

卷六

十四

上邀功名四和歌聲聲底迫豪士轟令壯心魄

其五

十年五度游京洛羨君不受妻子縛公卿直肯下
布衣問是三朝老文學我獨何爲困鄉土閉戶繙
書耽寂寞五歌已和歌不休拂衣早會滄江流

其六

蘋葉翻風風勢急湖頭白波吹欲立客船解纜不
得開楊柳千條雨沾濕世上悠悠孰知已君去那
能不垂泣歌成當君上疊今江湖浩蕩將安之

其七

桂樹青青今山之阿君今欲出將奈何牀前明鏡
皎如雪母令白髮悲蹉跎道里繁懷苦不置尺書
好爲傳煙蘿和歌已畢君當發江北江南共明月

畫啼鴉

畫啼鴉空井漠漠吹桐花美人睡起雲鬢斜疎闌
曲房幃幕遮蕩子忽去天之涯黃衫寶鈿玉辟邪
金鞭騎策黎眉騮陌上相逢油壁車雙童邀之入
酒家安念深閨老容華鴉絃一一斷琵琶夢中不
識道路賒盈盈淚落沾憲紗畫啼鴉堪咨嗟

咄咄行

玄蓋副草

卷六

十五

咄咄復咄咄良馬方負輓秋氣感人深滿前木葉
脫拔劍欲出門劍光爛照地妻子牽衣裾兒女跪
出涕還顧謂兒女涕出亦何爲衣裾一割截無復
有完時丈夫生來七尺幹安能老死共餽糜

射鴈辭

荒陂大澤起秋風聯翩鴈摩高空蘆葉沾霜棲
泊同饑啄稻梁古田中交頸接翅鳴嗈嗈少年手
挽五石弓聲如霹靂驚釣童悲莫悲今雌失雄有
箭忍射孤飛鴻

驅車吟

野曠秋不綠風吹草肅肅客子行游歲月久豈意
驅車覆深谷一覆摧車輪再覆摧車軸千里還家
餘兩足猛虎咆哮競人肉日暮天寒林樹霜棲止
倉皇投版屋君不見泰山之下多夜哭

信筆招載伯叔

田有芋園有栗門前棗熟離離赤煨栗剝棗辛作
羹兼有新芻斗酒白請君聊過我相與談日夕人
生幸而無疾病區區醉飽亦足適富貴何如坐磐
石

生辰嘆

玄蓋副草 卷六

十六

母生辰兒跪拜有客至自萬里外誦彼柏舟詩書
帶母不在兒生辰客久散去空堂塵掩此蓼我淚
沾巾淚沾巾亦何補負罪深重莫比數滿前薺葉
化為茶焉能使甘不作苦艱哉艱哉一坏土白楊
悲風愁殺我

閏中秋二章

秋再中月滿輪關山不改故其曲日以新玉笛徘徊
夜將半庭前露重銀河爛東枝鵲遶西枝飛螢
火無光芳草亂木葉微微脫欲換黃楊之厄疇興
嘆有酒行爵且無算高歌高歌坐申旦

其二

月滿輪秋再中天寒桂花落桂樹青叢叢桂園
風復團露今歲三秋不易暮塞外苦授征衣遲噉
噉鴻鴈當空度川流東馳日西驚人生百年多變
故何不飲酒披紈素嫦娥昔爲竊藥誤

贈黃用晦歌

黃君畫手妙入神禽魚草樹皆逼真尺水如聞波
浩蕩片峯不盡山嶙峋山水幽深有餘戀氣勢朝
開夕似變虎頭能事更欲逞往往逢人寫生面吁
嗟相者多舉肥憐君貌人骨格奇中堂爲余拂絹
玄蓋副草 卷六

十七

蔡將軍歌

蔡將軍英氣勃勃超人羣不獨好武兼好文古映
時開夜牕雨長劒直掃秋空雲問年年猶未及壯
其志欲勒燕然勳勳業從來不易致何限英雄老
邊騎胡不假以大將權徒攝由拳一拳地長鯨授
首波不揚落日照耀旌旂黃號令嚴明慘刁斗指

顧倏集千餘艘宿將旁觀膽盡懾縮手不敢言功
烈直看灞上如嬰兒太尉營中當折節傳聞狂寇
寇幽燕要害還須守在邊君才信可等樂毅我愧
先生魯仲連

諸兄弟過飲得穀字

細雨桑條綠桑間鳴布穀此時桃李無落花池上
疎煙映深竹弟兄日晚來見過開酌高堂炳明燭
玉壺一瀉如春水黃金不惜沽醺醪生平脫落無
所拘紛紛俗客休相逐醉後新詩忽自歌萬壑風
生振林木攫肉從他鞫上鷹謀生欲抱山頭犢百
玄蓋副草 卷六 十八

年爲待黃河清將恐沈淪滯空谷

酒錢歌寄王季中

去歲相貽沽酒錢令我日就壚頭眠紫驕嘶月
未午垂楊嫋嫋秋風前今歲錢空酒不得胡姬向
我無顏色紫驕何處繫垂楊獨對春風三嘆息嘆
息翻成一曲歌傀儡酒後憶君多爛醉清秋愁未
釋春來不醉奈愁何

古興

梨花飛雪寒春晝織錦新成裁未就機上猶餘五
色絲大婦穿針小婦繡繡出芙蓉並蒂稀鴛鴦灘

鵝一雙飛丈人雖有安邊略纔到中閨興已微

擊鼓行

高堂客醉夜將半伐鼓淵淵燭影亂振瓦直似轟
雷驅當筵豈逐流風斷聲辨回颿何足誇漁陽自
昔稱慘澹銅雀荒涼歌伎散英雄異代令人嗟男
兒動說從軍苦試聽從軍樂亦古漢家何日飾朱
鷺一鼓長繩繫胡虜

雨中作

十日不出門山中風雨惡欲問桃花開還愁杏花
落落花着雨花無姿追思晴日花開時一晴一雨

玄蓋副草 卷六

十九

無開落惟有樽前楊柳枝

燕哺兒

燕哺兒一雄復一雌梁間出入不相離掠蟲啄蟻
無停時黃口接食鳴聲怡晝不苦飽夜不饑毛羽
計日成差池野雀忽欲來見欺主人黏竿能護持
啾啾唧唧空爾爲

寄閔君朗

尺素傳來問消息鏡裏摧殘壯士色可憐黃雀野
田頭飛繞空倉聲唧唧貸君沽酒錢十千當壚調
笑胡姬眠五載蹉跎償未得春風冷落琵琶絃餐

齊自甘荼自苦故衣縷縷誰當補文籍滿腹餓腸
鳴悔不相從陽翟賈

玄蓋副草卷之六終

玄蓋副草 卷六

二十

玄蓋副草卷之七

吳興吳稼登翁

七言古詩

西陵怨

妾住西陵下十五猶難嫁門前松柏未成林蓋同
蘇小結同心忽朝蹀躞馬度感君意重千金顧
誓言生死不暫離他年合葬南山墓壁車載妾來
歸家夾戶陰陰桃李花開照耀欺白日君笑何
如妾顏色花落風吹黃鳥枝君因仕宦游京師京
師地屬古幽燕妖姬個裏易纏綿可憐忘却南山
誓高樓夜醉琵琶絃絃中不道相思苦單道團圓
月正午薄命嗟嗟難重陳驚看桃李兩回春靡蕪
空有下山詠雲雨空傳薦枕神終朝愁織流黃素
無由再識西陵路故人三月情尚新新人三載情
應故敢悔從前作事非一生自恨紅顏誤

臨邛行

司馬臨邛不得志歸到成都賣車騎其時沽酒無
一錢鷄裘脫付陽昌肆忽朝天子姓字聞飄飄詞
賦誇凌雲阿嬌欲買長門賦黃金取酒送文君丈
夫有才豈終賤若個鄉人能早見壚頭故爾辱王

孫天下咸知稱狗監

燈花詞

燈花開燈花落綠焰暖微微風吹動羅幕朝望夫
堦回盤龍寶鏡空徘徊夕望夫堦返雙鴛繡被成
偃蹇去歲雲中傳素書誓言今歲免離居今歲素
書且復絕從此燈花不須結

銀塘怨

銀塘水新綠拍拍鴛鴦浴數凡七十二錦翼分相
逐一雄逐一雌雙飛不暫離何事狂夫獨棄妾關
山一去無歸期歸期苦不早去日多草草春風倏
玄蓋副草 卷七
忽變紅顏驥將老從今繡被撤從今繡帶不復結
人單物物存雙名徒使鴛鴦來笑妾

嗟嗟行

西家夜擁呼盧客快意千金輕一擲銅盤膩燭飛
紅光甕頭新酒琉璃碧酒飲不竭金不空燭花暗
落隨春風嗟嗟東家有客志萬古寥寥著書在環
堵

舍南行

舍南北鷄何悍驚呶呶司晨鼓兩翅風雨時常晦
不開門前索索無真氣雄雞久廢登壇喚寥落晨

星疑夜半五步一飲十步啄腹背毛羽空爛爛

飛翠閣觀梅率成短歌

梅花二月春霏微閣中香氣時沾衣未許東風早
相妬倒吹一片尊前飛月明照見池上水縹緲芳
魂呼欲起主人爛醉客不醒詎忍含情待桃李

取酒行

滿坐不作孔文舉挑燈不對河間女聞道爐頭酒
新熟一杯欲就文君取文君於才能見憐世人笑
我同哀蟬長門一失君王寵始信相如賦可傳

落梅曲

玄蓋副草 卷七

三

芳梅細織金窻烟一年一度春相憐何意東風早
飄蕩片片吹落玉臺前深閨思婦思欲絕對此翻
疑遶海雪鏡奩散粉粧不成素裙縞袂徒方潔千
里迢遙寄一枝花落枝無再上時香魂好逐關山
月併使征人笛裏吹

春日紀游

飯罷興忽發起登屋後山長松落落幾千樹蒼翠
直撲浮雲間逶迤取逕入山寺阮家叔姪先後至
開口一笑春風香片片梅花吹到地中有小阮逸
興飛呼酒共酌酣清暉未許春寒壓酒浪但覺酒

氣生春衣衣不露肘酒不薄攜手春山恣行樂莫
謂明日不如今試看今朝宛如昨

歌贈以訓兄

余也湖海客厭見錐刀人村居落落寡儔侶就中
却與君相親美君早明京氏易入室常羅弟子席
美君月給諸生俸盡數充爲賓客供客去不送來
不迎門前一曲滄浪清有時臨流濯長纓不知世
上悠悠情

怨情二首

東風兩種天吹寒復吹暖窻前桃李花可惜飄零

玄蓋副草

卷七

四

綠池滿金環照妾骨明鏡照君膽鏡碎地中膽不
消環沈水底骨未斷妾意由來君自知莫使旁人
持妾短

其二

東風吹玉墀搖搖見碧草不知關山何處是眼前
便有千里道翡翠單棲蘭葉枯鴛鴦獨宿桂樹槁
鴉黃自難畫蛾眉自難掃紅顏不得夫婿憐寂寂
春闈當速老

中酒東看花諸君子

昨日花前醉欲死今日花間臥不起若使看花不

盡醉名園何必栽桃李花落花開春易徂東風吹
雪上頭顧北邙山下纍纍墓埋骨誰言皆酒徒

懷西湖桃花歌

去歲快意天之涯酒船到岸啼春鴉笑攜紅袖看
桃花今歲抱病山之曲誰家酒船花下宿遙憶湖
堤烟水綠桃花處處驕春風不及西湖萬樹紅安
得醉臥酒船中酒船滿載胡姬酒歲歲花前開笑
口莫使蹉跎悲白首

古意

井上一株桃風吹花落井美人曉起汲寒漿轆轤

玄蓋副草

卷七

五

牽動胭脂影銀瓶綆斷無消息美人含怨淚沾臆
滴向石上紅斑斑始信人嬌花不及

祗園歌寄曹以新

祗園舊客吾老友籍籍聲名能似舅一寸常懷烈
士心千言不落時人口時人盡識祗園名祗園花
樹敷春榮主人自少至白首何可一日無曹甥忽
朝主去春無色東風花樹空狼藉賓階各位紫苔
生祗園哭斷曹甥跡跡斷祗園心更悲眼中落落
誰相知主人遺言數千卷每抽一卷涕泗洩余也
亦是祗園客主人晚節頗推食不識花樹今何如

聊欲因君問消息

雨中懷四子歌

池上沈沈雨不止草色離披半池水浮沈耻逐里
社兒幽獨常懷二三子吾黨兄事吳夢陽解紛排
難工文章梅生守箕宣城秀賦成楊馬論前後何
白逸興凌滄洲長句豁達松風秋中間茅維年最
少白雪幽蘭諧古調屈指盡是賢豪人散落天涯
時命屯爲取他山石攻玉濁水何以沾清塵天意
終須假一席斑管千枝酒千石飲酒酒不竭搗管
管不禿數子者老死豈作平津客

玄蓋副草

卷七

六一

戴伯叔齋中賞玉蘭歌

庭中奇樹知時節花吐千枝萬枝雪黃鸝欲啄啄
不得香氣當軒飄郁烈披拂闌干風不寒晴光照
耀紫綺冠誰使新粧一洗淨滿前情思春團圓平
頭奴子行酒急杯面花吹白波立恍疑置身玄圃
中不然亦在崑山側謝家兒郎堪比方我輩聚首
寧尋常古人今人共如此年年歲歲花之傍

卽事戲呈諸君

諸君壯心付六博一擲雌雄爭錯愕東風解作兩
種情朝吹花開幕吹落君不見中原鹿走秦人失

漢人得之楚人泣楚人泣罷漢鼎分銅雀臺荒烟
草濕

秦淮歌寄梅禹金

秦淮八月秋水滿與君駐馬流波館美人拔釵夜
沽酒嬌歌一曲腸欲斷一曲未了酒一杯興酣交
枕臥蒼苔露下不知衣濕盡楊柳烏啼聲正哀烏
啼未歇風促促此時悵別秦淮曲溝水各自東西
分尊前空憶流波目流波婉轉疊素秋兩地離心
何限愁東西溝水幾時合重訪秦淮舊酒樓樓下
蓬蓬長秋草夢君只在秦淮道衛玠風流似前

玄蓋副草

卷七

七

流波館中人未老

東塢看桃花歌

主人栽桃數十樹花開爛爛紅照霧解使東風吹
客來不放東風吹客去客來客去春復春花落花
開新更新花前有酒不盡醉枉殺春光來媚人君
不見秦人洞漁郎一移艇回首杳如夢又不見綏
山桃不能得神仙亦足以稱豪豪士千年悲白骨
秦源徒令後世惑不若把酒一杯歌一聲愛惜桃
花好顏色

花下醉臥歌

夜闌秉燭看名花欲語不語令人嗟手持一杯花
下飲白波灩灩蒸紅霞東風有情花不落花枝有
情酒不薄一花一杯飲無筭醉來欹枕花爲幕醉
時夢花花與隨醒時問花花不知華燭光殘影歷
亂習習東風面上吹風吹春色沾階草風吹幽香
滿懷抱白頭憐色復憐香徒使花枝笑人老老去
看花花奈何年年臥向花間歌今宵醉死亦何恨
祇恐生前酒未多

龍井逢王子和賦贈

我本逃名人逢君畏名客一榻松風相對醒交誼

玄蓋副車

卷七

八

何須論宿昔淪茗起汲山中泉藤花亂落琴書前
興來不惜淹歌舞載酒同乘湖上船

明伯叔攜王姬同泛西湖

湖色與天平烟條萬柳輕綠波鱗鱗蕩桂楫與君
同載美人行美人絕勝東鄰子微盼明眸注秋水
歌罷行雲忽倒流座客聞之醉不起連理東風吹
不開何處桃花逐扇來乘興回舟更秉燭鸛裘換
酒盈金壺

兩華山房歌爲祝無殊山人賦

朝躡金華巔暮抵玉華麓盡日看山興不足直向

山中結茆屋茆屋纔踰八九椽手攬秀色吞雲烟
空庭林林白石出古壁裊裊青蘿懸屋中何所有
縹緗清琴兼綠酒聽罷芳春黃鳥聲風吹落花滿
窗牖屋外何所無蒼松翠竹兼高梧炎氛迴隔秋
常盛池草露霜水不枯多君於此日棲止醒可忘
生醉忘死翩翩逸氣凌紫霞何必追尋牧羊子牧
羊叱石成羣羊自古仙踪屬渺茫金堂玉室不可
到高臥空山白日長

答贈王昭文歌

我從天目來君從敬亭返可知談裡皆烟霞一吐

玄蓋副車

卷七

九

清輝照江遠垂釣茫無東海期鐵網錯落珊瑚枝
夜半光芒動一室乃君贈我以新詩欲答未答情
脉脉老去空餘雙眼白畢竟何以持報君醉向松
根尋琥珀古來淪落多豪賢往往開口談神仙安
期美門不可卽藥爐丹竈埋荒烟始識求仙計誠
左不如抱月青山坐我歸但臥天目深重游敬亭
君亦可

邵少文攜酒東園見招戲成短歌

自從來作永嘉客處處登臨費雙屐欲挾江城少
妙伎謝公笑我無顏色邵生自命高陽徒置酒名

園夜見呼芙蓉零落曲池上月中香氣秋模糊優
童數輩忽見迫唇若塗朱皓齒白纖手清歌捧玉
壺歌罷壺傾酒添碧盡道佳人百不如也知未釣
非前魚豪達爲歡亦偶爾鏡花水月皆成虛高興
無過爲君飲斗轉參橫未能寢何處城烏不住啼
露墜高天井梧冷

贈王昭敬文學歌

客游東海上忽忽無所聞手持紫玉笛吹破青天
雲王郎一朝置尊酒花下披襟來論文下目隋唐
上秦漢中間堂室窺已徧更憐結好在聲詩六義
玄蓋副草 卷七 十
直將窮正變古時詞賦多榮身今時詞賦多沈淪
楊馬高風亦掃地顏謝餘波善没人君其用意討
經術天人之際求失得致身早擬漢賢良射策明
庭吐顏色君不見爾祖腹笥富三餘韶年偕計上
公車六十功成奉身退高臥名山始著書

松鶴道人歌爲王季中賦

廣庭不雨青濛濛雙松夭矯凌高空勢如虬龍左
右攫怒濤相擊驅長風翠靄蒼烟日飄灑翩翩白
鶴棲其下引吭向空時一鳴九臯之音振於野道
人首戴碧玉冠攜琴來就松根彈白雪幽蘭曲未

竟浮雲忽破青天寒松子紛紛滿前落露濕蒼苔
鶴欲啄兔絲何處附高標香散藤花春漠漠盤桓
三徑撫淵明乘月緱山子晉笙何如遠松復調鶴
道人早得滄洲情君不見有鳥能言曰鸚鵡陋體
腥臊愁鼎俎又不見有花爛熳曰櫻桃御苑飄零
同野蒿對此能無感時序仙禽自合依仙樹星霜
不改歲寒盟道人於我情更注我亦求仙未有期
散髮山阿歌紫芝詎須籠鶴卽相贈好折青青松
樹枝

君不見蒼柯茂倩

玄蓋副草 卷七 十一
君不見建安七子起鄴中夜題華屋晝從戎短兵
長筆恣所向始覺吳蜀無英雄又不見嘉隆七子
名驟起才大歸王法歸李餘者碌碌非我知且爲
窮源談正始草昧先開高侍郎北地旋登作者場
信陽秀出迪功儔子業於唐擬二張博南山人豈
徒博出入齊梁恣揮霍布衣一自有盧枏遂使巖
廊無著作當代掄才才在茲柯生柯生慎勿疑如
君駿發一時少眼中何有今人詩今人師心心亦
苦師心安能不師古自昔神奇稱太白更復沈雄
推杜甫聲律兼收二子長古調上薄陳思王詞場

能事業已畢便可鞭撻驅吳郎吳郎雄談尚未艾
中林颯颯鳴天籟寂然歸存難遽論請君神游八
極外

別何无咎

我亦紫烟客難爲白石歌別君醉斗酒長嘯歸山
阿山阿白雲有時卷薜蘿紛紛日在眼對此蕭然
如對君何必朱門吐雄辯信陵好士超常倫魯激
平原誅美人只今士賤黃金貴甘與中林鹿豕親
金陵除夕歌

除夕常年不作客今年作客逢除夕可憐花柳可
玄蓋別草 卷七 十三

憐人鳳皇臺畔城南陌少壯豪華已陳跡一旦傾
心合歡席故態難同故歲捐新愁肯逐新春迫嬌
歌一曲酒一杯醉死他鄉應不惜

閨情四首

花朝開花暮落暖氣薰金窻餘芳染羅幕春風夢
想隔邊城斜日徘徊倚朱閣

其二

花暮落花朝開蟲絲繞筆柱粉痕銷鏡臺征鴻不
附邊書至海燕空銜春色來

其三

落花朝落花暮絲淚漬空堦草叢變春露詎有巫
雲出塞飛但看邊月當心墮

其四

落花暮落花朝合歡空刺蒂連理半枯條五夜蘭
缸愁寂寂三春榆塞夢迢迢

允兆貽孝若白定茶洗及門而碎余爲歌紀
之

白定之洗白於玉春茶一瀉春泉綠忽朝渴憶瓊
樹枝百里相貽慰幽獨入門光怪夜離離失手墮
地無完時平頭奴子黯不語神物空言有護持世

玄蓋別草 卷七

十三

間何者乃吾有璧隕珠沈亦其偶題詩紀之幽興
添不比鴻門碎玉斗

王郎歌贈昭玉文學

王郎今年年十九妙論雄文無不有中堂磊落滿
英彥下筆誰能出其右玉樹英英雪照庭長松颯
颯風生肘有時或試魚鳥篆有時或試丹青手天
馬超羣固不羈峻阪還須防疾走我從三月東海
來扁舟繫纜江城柳君家庭院春風多片片飛花
吹綠酒王郎手捧金屈卮長跪花間爲余壽道余
未走長安陌安得詩名滿人口近來此物太憔悴

敢向公卿矜敝帚不如揣摹經世務寂然凝神在
窗牖湘几自可惜三餘縹帙應教窮二酉珠出方
知合浦奇璧存定見藍田剖男兒七尺生墮地要
使聲名高北斗雕蟲小技何足工請纓請劍驅羣
醜鄴下淒涼梁苑荒漢閣圖麟真不朽慎勿早被
千秋愚苦吟似我青山叟歌罷相貽聊當規吾與
汝翁稱密友吁嗟乎吾與汝翁稱密友

短歌四章留別王季中

入門桃李花灼灼開到滿庭紅芍藥日日呼尊啖
海錯花事將闌客亦歸東風一夕縈懷惡

玄蓋副草 卷七

十四

其二

與君相知在佩褱盛年同泛春江楫渡頭夜半歌
桃葉只今霜髮飄鏡中欲別能無淚霑頰

其三

主人不櫛客不巾脫畧形骸情更親一語一笑皆
率真我今欲別何所效慎勿厭薄尋常人

其四

行年四十不得志耻向人間復論事唯君好我口
不置尚有斗水藏蛟龍未須索我枯魚肆

怡怡圖歌 有引

圖爲姑蘇黃虬已巳年繪伯仲得其似余時尚
髻見者以爲逼真今歲壬寅伯兄題數語授余
展對之際恍然自失母論似者去真愈遠而所
謂真者求其似而不得矣因題一歌併呈伯仲

我生遘不辰十四而偏孤兩兄提携慎出入篝燈
夜讀悲啼烏東吳畫師名好手能令寸管分妍醜
憶昔中堂掃絹素雪風颯沓吹窻牖伯氏軒軒仲
氏怡貌出依稀骨格奇余也垂髫最相似可憐兒
態猶嬌癡圖成忽忽三十載世事更張圖不改母
論長者容髯異少者韶顏竟安在兒曹笑指兒爲
誰不知兒父卽此兒以此喟焉重嘆息紆青拖紫
終何時伯仲才高且淪落余合卑枝就栖托但令
三荆常伴黃髮人不負西堂壁上塵

贈嚴先輩廣輿歌

吳興馳逐諸公子日散千金樂靡靡夜半呼盧明
燭前朝來走馬紅塵裏有時蛾眉一顧笑便欲將
身赴情死黃金如山非善後不如廉吏歌聲起爾
家世宦世食貧爾更瀟灑兼清眞敝衣不浣亦不
垢軒軒霞舉凌秋旻於世一切無所好口談經術
將無倫無乃傍窺古詞賦班楊枚馬皆其人一朝

遇我滄江上意氣何期驟相向我亦家世乘朱輪
庶乎遺風未凋喪寢丘之封夫豈薄負薪自媿年
踰壯今者出爲海岱游文彩聲名等浮浪爾父方
讀中秘書爾讀父書當何如書惜牆陰夜窗燭金
匱石室令無餘射策還須邁賈董修辭始復擬應
徐不然似我志大無所用徒爾放落於麋鹿之丘
墟

飲王叔右嚴廣輿戲作

攜來故園酒仍醉故園人不作故園夢惟情故園
春故園相去千餘里故園今歲花何似尊前若有
玄蓋副草 卷七 十一

故園花故園何必勝天涯

徐州偶題

陸走車川利揖南北紛紛從此別歸人復客客復
歸道路悲啼氣嗚咽問我何爲輕去鄉烟波終夕
夢茫茫姓名不肯妄告客焉得千里不齋糧

游任城南池歌

杜陵昔作南池游何哉許簿爲其儔菱熟蒲荒八
月雨中蕭瑟舍清秋我今來游不忍去不見杜
陵吟杜句菱荷千柄柳千梢絕似江南行樂處兩
月寂無黃鳥鳴忽向此中聞一聲攜來斗酒不惜

醉醉臥池頭烟草平

贈郭汝承歌

我來黃石山未遇黃石公遇子閩中客磊落多英
風與我一言輒相合邀我小集東園中其時東園
花正吐花間學語嬌鸚鵡主人送酒酒如泉相對
不知爲客苦騰觚飛爵飲無筭醉中各各誇鄉土
我家洞庭君武夷登山臨水多佳期歲啖楊梅千
萬顆何如六月從君餐荔枝交游散落滿海內閩
中眞足繫我思我思無窮已夢逐南雲起善酒余
宗漢工詩在杭與能始其他風流難盡指詩酒兼
玄蓋副草 卷七 十七
之在吾子

麟鳳辭贈于長文

麟之趾鳳之毛公子乎遊遨胸中富江海落筆生
波濤鳳之毛麟之趾遨遊乎公子座上羅豪賢舉
燭光閭里媿我齒華賤媿我毛羽枯林棲川飲安
樵蘇但願從君覓斗酒或歌或舞皆良圖

大雨後于宗伯先生以歌見問賦答

先生栖我屋數椽瀟灑正在南溪邊南溪風雨攪
不眠屋底生浪浪拍天其時賴公新詩一出口行
雨之龍不敢吼龍今歸海海神笑遺却明珠在人

手

郭先生歌

為汝承尊人郭建初

郭先生入中英文矯矯驅二京魏色沮喪晉骨
驚大言小言中金石一字兩字鞭雷霆吾鄉先達
徐方伯中心好君成莫逆躡躡曾一來菰城悔我
髮非未相識閩中開府汪司馬往往稱君為作者
戚大將軍虛左席一片雄心歸大雅君用文武見
其長勒銘飛檄皆稱良邊頭策虜如在目謀議不
欲多開疆一日聲名動館閣秘書擬奉為君爵豈
知不滿君一笑七尺焉能為官縛高歌豪飲隘九
玄蓋副草 卷七 十八

金生為余寫小像贈以歌

會稽逸客畫通神貌人毫髮皆逼真王侯將相入
君手笑者願解愁舍顰無論妍媸與老少君但圖
來無不妙欲貌奇人卒伍間有時匹馬行邊微一
朝遇我穀城畔拂拭生綃當素案老父相傳化黃

石愧我毛骨未能換畫我不復畫赭衣一杵雖曾
操版築夢卜恐負明王依畫我不復畫羊裘一竿
雖曾釣草澤聞詔應逃漢使求畫我儵然在丘壑
左置琴書右鑒落北來聊作采真游生平不識麒麟閣他日臥游宗少文圖裏青山好贈君秋霜凋
盡桃花色繪事常留五色雲

荅汪明生歌

落落談經年四十從前誤作金陵客不分班生賦
兩都一朝策馬燕京陌陌頭華轂畫如雲侯家戚
里徒紛紛飛塵障天天欲暗就中一笑欣逢君君
玄蓋副草 卷七 十九

詩五言擅其古旁人誰識良工苦有時扣劍一悲
歌西山微微翠欲吐顧我才氣非君儔浩蕩江河
濁水流偶然狂吟薄章句未洗儒冠溺後羞君胡
許我能超俗語出清音中哀玉勝情何處最相關
春來一片垂楊綠與君攜手過當壚爛醉花間明
月孤俠心不逐浮雲變欲吊荆高骨已枯併恨今
游不如昔燕姬間一逢顏色獨有琵琶出塞入塞
聲差勝金陵舞樓側

陳仁夫招飲率爾歌贈

陳君豪俠衆所慕走馬城南獵狐兔九如流星飛

鳥怖歸來中堂白日暮綺錯雕盤滿前布博爐沉香散烟霧美酒玉壺瀉春露與我交歡吐情素邀我痛飲飲無度長安公卿日馳驚誰其不爲功名誤爾我雄談何所顧酣來擊劍肝膽怒兇觥翻衣衣盡污燭花墜影春無數雞聲三喔天欲曙馳獵仍向城南路

中秋宴寧伯叔宅歌

中秋雲合天茫茫有時雲開月吐光綵屏華燭臨高堂朱簾半捲秋風香桂花布樹周垣墻百草猶餘庭下芳主人攝客羅酒漿雕俎味錯來殊方酒

玄蓋副草

卷七

二十七

政司酒同劉章滿堂歌笑忽不揚笛簫徐奏東西廂圍碁陸博各擅長主客更端樂未央倏起倏坐興不常余也半百頭髻蒼今夕佳夕陡發狂呼酒一舉累十觴胡粉雜傳登舞場歌塵拂拂吹畫梁玉壺餘瀝澆干將男兒生不開邊疆便合理名在醉鄉焉能市義結孟嘗秋虧月旻露易霜茲宵茲樂難遽忘

贈曹波臣歌

世人工畫不工詩傳神徒詫虎頭癡世人工詩不工畫落筆頓減王維價君今詩工畫復工天地縮

在寸管中有時烟巒染夜月有時花鳥吟春風夜月春風美無度無限深情寄毫素凱之摩詰併一身君有前因君未悟我於詩畫趣復關勞君寫入丘壑間白髮肯假桃花顏

短歌四章贈別冒伯慶

十字巷口垂楊枯霜風吹殺單棲鳥君今欲別胡爲乎鸛鷀裘敝不堪贈脫來換酒趨當壚

其二

與君攜手入長干美人暮夜來新安燈前理粧續舊歡奈何明朝復爲別羅帳不知江水寒

玄蓋副草

卷七

三十一

其三

秦淮渡口泛輕楫長板橋頭坐明月行樂無如不言別有美空貽白玉環夫君又佩珊瑚玦

其四

我今獨立臨大荒淚出忽霑野草黃冠蓋如雲擁道旁布衣之權操不得與爾空悲大雅亡

長干行

秦淮九月氣高爽渡口無人蕩雙槳一片牢愁消不得日暮長干邀燕賞此中行游舊時地幾家臺榭淪烟莽去者日疎來者親邂逅三姬勝疇曩嬌

小盈盈共一樓破瓜未幾情相投連臂踏歌猶自怯向人低語尚含羞不須燈前弄寶瑟不須月下彈箏篴明眸一盼各會意飲爵無筭忘更籌臨春三閣人爭勝轉眼繁華翳荒徑何似今宵張舞筵艷質新花兩相映古調新翻作變歌歌來一曲流雲迸勝事應從我輩傳風流不數前朝盛

集流波館短歌

夜雲流來合素波
瑤窗繡榻飛羅綺
銅荷鳳蠟膩秋冷白團屏却呈雙蛾
梁塵委香滿羅薦曲曲快意千金歌
風吹酒浪濺纖指紅襦照耀金叵羅座

玄蓋副草 卷七

三

中授色誰最多故歡不見情如何

古意

秦淮黃柳凋霜枝西日照水紅滿陂
隣院花叢墜露片裙裾一掃香風吹
四座瓊漿瀉礫枕春山暗逐歌聲移
少年公子舊時客秋霜薄薄霑鬢絲
纏綿果解爲情死儂家許賦合歡詩

傷離曲代寄洪仲常

傷離復傷離傷離幾時合桃李開花復落花
坐對春風恰愁殺若言愁妾不愁君安用一室共鑪薰
當時正值雪花下矢心稠密如同雲若言愁君不

愁妾安用清淮同泛楫此身曾一誓秋風斷不飄零等飛葉何期明月蝕雲端素娥掩面泣半殘何期明鏡翳塵土青鸞歛翩雙罷舞私調吳羨饋君餐私裁鄭絡御君寒寄言君心聊暫寬終看鏡與月皎皎復團圓

玄蓋副草卷之七 終

玄蓋副草 卷七

三

玄蓋副草卷之八

吳興吳稼燈翁晉著

五言律詩

塞下曲

飛沙結陣雲關塞香難分夜黑聞狐語秋高散馬
羣雕弓欺月暈寶劍奪星文笳鼓天山振功歸霍
冠軍

其二

野曠霧茫茫天低隴阪長陰風吹白草落日見黃
羊鬼火燒車軸神鉦動戰場中閨薄命婦歲歲減
玄蓋副草 卷八 一

紅粧

其三

雕落暮雲橫三春雪未平寒光連斷磧殺氣滿空
城夜半傳刁斗天中出旆旌燕然銘未勒早晚待
書生

驄馬

青驄白玉鞭綠草去翩翩夜月隨公子春風逐少
年嘶嘶垂柳外顧影落花前何日征驍虜長驅赴
朔邊

俠客

翩翩恣冶游血色滿吳鉤獵草驚蒼兔看花躍紫
驪不循都尉髮欲請美人頭六博雄心快黃金散
酒樓

從軍行

匈奴暫速平談笑有奇兵要害杯前控風雲掌上
生天低旌旆影春斷鼓鼙聲不學山東妙徒然事
請纓

公子行

龍劍吐長虹尋常結束工鬪雞過曉市逐兔走寒
空楊柳春風綠桃花夜月紅千金爭一笑飛騎酒
玄蓋副草 卷八 二

樓中

胡笳曲

胡笳夜半吹散入海風悲一曲腸堪斷三聲淚自
垂塞鴻飄不度虜騎遁難追辛苦交河北流傳征
戍兒

晚歸

行行總吾土淳朴世情忘萬壑澄秋色千峯澹夕
陽農人肩耒耜稚子尾牛羊徑轉衡門出蕭然五
柳旁

冬夜

獨坐空山寂寒宵漸欲徂繁霜深落葉殘月怯啼
鳥事事悲浮世人笑故吾遠遊非此日不敢問
江湖

屏跡

日夕此棲遲衡門事事宜亂山供隱几片月照題
詩伴許漁樵結名羞郡縣知雖然甘棄物或恐累
明時

獨酌

獨酌不成醉衡門坐忘言紅顏甘擁褐丹壑傲乘
軒忽見山雲起時聞林鳥喧悠然少機事兼廢漢
玄蓋副草 卷八 三

陰園

過姚伯道叔度兄弟

客子不遽返主人何所爲解刀邀對酒下榻共論
詩幽鳥啼偏近餘花落故遲春生芳草遍疑過謝
家池

夜坐

萬籟寂無聞空山坐夜分未能超世網聊復謝人
羣清瑟閒堪鼓名香靜可焚何知身外事身亦似
浮雲

苦雨

天心不可測日日雨翻盆陸地堪通轍鳥驚直到
門室中泥亦濘堦下霧長昏聞插田秧畢沿溪幾
處存

齋雨同郎黃二子夜坐

蕭齋疎雨集坐久一燈殘絡緯鳴秋急梧桐滴夜
寒青山無約束濁水有波瀾三徑高風在求羊爾
輩看

寄黃白仲

日落浮雲起微茫繫我思時名猶豹隱家世本牛
醫石枕胥濤壯書探禹穴奇何如杯酒共句就解
玄蓋副草 卷八 中

君頤

宿瑪瑙寺祥上人山房

蘭若稀人跡藤蘿曲逕穿風隨孤磬起月共一燈
懸座湧青蓮界經傳白馬年因思持酒戒長得此
安禪

舟夜卽事

扁舟成夜泊何處送鐘聲影亂依楊柳香幽襲杜
蘅高天惟鴈度斷岸少人行不盡漁燈出紛紛向
月明

秋夜同陸無從孫齊之宗宗漢謝少庶程子

虛馬從父梅季豹楊徐二姬集安茂卿水

閣得邊字

孤閣憑淮水銜杯意共憐兼葭餘暝色楊柳淨秋
煙紈扇春情薄刀環旅思牽烏啼明月夜腸斷白
門邊

俞孟武攜具招同林逸民登紫陽山得青字

有客清尊具邀余短屐停林高風颯颯江遠浪冥
冥亂石攢雲黑孤峯插地青勝遊那惜醉寒逼易
爲醒

伏承王廷尉元美先生敘先中丞遺集感德

玄蓋副草

卷八

五

述懷敬呈四首

憶立先朝日詞臣共策勳中興推父執後死與斯
文石室垂青史名山藏白雲一編遺恨在雙淚尚
紛紛

其二

溢美非同調誰言欲借名青箱慙世業華袞係交
情地下今無黨人間舊有盟綠公飛將在不敢號
長城

其三

篋中遺草在幸不似相如檢處殘芸葉藏時遠靈

魚片言餘涕淚萬古借吹噓失學憐余嬾猶能讀
父書

其四

祗緣稱上乘不惜惠前綬六代雖殊轍千秋儼並
馳天心猶未厭吾道更何疑萬事應難紹承家或
在茲

早春谿南山行

風物無新歲登臨屬故山興隨清嘯發心與白雲
閒雪色留峯頂濤聲起樹間日沈歸未黑隔水是
柴關

玄蓋副草

卷八

六

同郭次甫過徐茂吳山園畱宿得源字

共試山中屐來尋湖上園主宜逢竹徑花似祕桃
源明月能乘興清梅足避喧煙波聯枕席鷗鳥夢
翩翻

春日閒居五首

蓬蘚日棲止蕭然絕世緣青藜燃夜雨紫筍試春
泉萬彙吟中別三山杖底懸生平何限意強半欲
遊僊

其二

一爲梁甫詠抱膝興逾長雲擁千峯白苔餘三徑

蒼癩真耽閑戶貧亦誠垂堂毛骨塵難染兼裁薜荔裳

其三

空名東壯志幽事累餘閒蘿月窺欹枕松風佐掩關故交惟白石長物只青山安問長生訣杯中是大還

其四

祿養吾何薄農情亦自深奉輿多舊圃釋耒有長林山雨收空色園禽變夕音幸無投杼誤一慰斷機心

玄蓋副車 卷八

七一

其五

如此韶華暮能無戀濁醪楊花飛雪色松樹瀉春濤勝覽虛輕屐微寒上敝袍悲歌何所托落落臥蓬蒿

谿館獨酌二首

薄暮弛巾櫛長吟泛醪醺誰借南郭隱自勒北山銘水闊蒹葭白煙收薜荔青夜漁燈未出隔岸亂飛螢

其二

庭畱春草暗風斷夏雲奇在再驚蓬鬢沈冥托酒

庖月淹青桂樹星綴白榆枝最好披襟處涼飈動曲池

雨中漫成二首

登樓眼難豁不斷雨絲絲白日無私照浮雲有背馳稻畦分水足竹筏上溪遲謾道柴門僻羣鷗到自知

其二

隱几不成寐蕭蕭雨自鳴虛簷生霧氣絕壑走濤聲婦細談蠶事兒麤識鳥名躬耕吾竟懶恐負鹿門情

玄蓋副車 卷八

八

臧晉叔過訪賦呈

雙鬢蓬如此因君強著冠雲藏羅徑暗秋入薜衣寒映水青菰熟分畦綠芋寬淹畱堪竟月且莫厭盤餐

同鄔汝翼葉茂長六橋看桃花得殘字

桃花千萬樹橋坐不生寒水似武陵接山同度索看酒邊春色滿鳥外夕陽殘只此堪漁隱吾將問釣竿

喻邦相使君招飲湖上卽席分賦琴字二首

蕩漾青油舫湖風午乍陰綠縈芳草遍紅惜落花

深席地爭呼酒看山欲抱琴使君空絕調無可效知音

其二

湖頭一小泊選勝得園林霧柳縈金縷風松韻玉琴白雲空外色黃鳥席邊音日落歸舟緩千林紫翠沈

傷妓七首

妖麗出名都盈盈絕代無粧猶遺翠靨身竟沒黃壚恨結三春柳啼驚半夜烏昔年游俠處花月冷西湖

玄蓋副草 卷八

其二

綵縷真難續雕鑪已罷薰斷腸今日事薄命向來聞翠色銷歌黛芳香盡舞裙不知南陌騎送葬可如雲

其三

縱有招魂術姍姍恐未真綺疏虛夜月羅薦委秋塵難必揮金者俱爲惜玉人空山一坏土寂寞傍誰親

其四

家世出平康芳魂惋自傷重收天上籍始厭市中

粧憑已虛蘭榭歌猶遠杏梁祗綠曾淚別猶爲一霑裳

其五

釵空畱燕子人已失蛾眉簫管含愁日房櫳斷掃時相思攏上樹連理路傍枝油壁車何處青驄躑躅悲

其六

伊昔湖堤上更衣使客迷只今泉路下歛態向誰啼匣閉青銅鏡門空碧玉蹄蕭條烏臼樹惟有暮鴉棲

玄蓋副草 卷八

其七

憶昔初調笑輕綰半面遮有情歸夢境無淚寄天涯桃葉遺舟楫江州失琵琶荒阡白楊樹花去落誰家

臥起偶成

坐臥無常候終朝恒晏如夢何於栩栩覺亦不遽遽羅色青霑席蕉陰綠覆除一編隨意把惟却計然書

病目承載伯叔以詩見訊愈後有答

雙眼依然在閒牕且一舒尚能窺半豹幸未泣枯

魚涓滴將開酒逡巡欲廢書嘯歌林竹下青白更何如

新秋山行

一逕翠微裏逶迤肯厭行酒鎗驅倦色樵斧答歌聲天壓羣峯小雲填萬壑平茅茨午炊熟高樹忽雞鳴

秋日臥病述懷四首

豈爲逢搖落沈沈日抱痾一哀常出涕三嘆不成歌早歲煩芝朮孤身傍薜蘿牕前長黃蘗嚼目苦心多

玄蓋副草 卷八

十一

其二

一旦成心疚彷徨思欲迷桐陰何莫莫石氣自淒淒易共莎雞泣難同野雀棲經旬不出戶遶室盡秋藜

其三

庭際飛霜入莓苔日夜黃帝嬭俄四集孤鴈正南翔渴患三秋肺愁迴九曲腸野鴉空擾擾未許宿枯楊

其四

強起披衣坐蕭條轉不任悲吟聞灌木衰色對長

林砌冷煙常合峯迴日易沈憂心方似擣何處更鳴碓

病中臧晉叔過訪

何必煩方術相看已霍然蝸涎流斷壁鴈影落高天以我孤棲日憐君謫宦年深談不知暮秉燭更畱連

秋夜二首

孤燈明復曖一室坐支頤病起猶顚顚憂來忽涕洟葉聲吹戶細蟲語上堦遲只恐飛霜色星星染鬢絲

玄蓋副草 卷八

十二

其二

秋夜何燎慄愁心一倍深寒鴟號外野羣籟響中林羽翼天難假頭顱雪易侵幾回操別鶴淒斷不成音

對月

明月慘相照空帷更寂寥庭樓塌翼鳥腸斷合歡條皎潔疑純扇參差冷玉簫人今竊藥去碧海望迢迢

中宵大風悵然有作

颯颯吹簷瓦驚風攪獨眠病身秋挾纈愁思夜纏

綿慘葉鳴牕外寒濤落枕邊詰朝青鏡裏蓬鬢轉
蕭然

驟寒

忽漫寒威逼空庭木葉飛頻年欣飽粟茲日苦無
衣霜重蘼蕪死風高鴻鴈稀深閨不成匹誰爲理
殘機

感懷

門戶何寥落兼之少婦持強歡依老母垂涕向諸
兒故國多荆杞空堂滿葦蕩縱非愁立稿誰與共
鋪糜

玄蓋副草 卷八

十三

雪夜

寒氣緣牕入中宵雪更飛鴛鴦摧半瓦狐貉少兼
衣漸使朱絃澀那言素髮稀孑然形影共相弔一
燈微

見白髮

冉冉年垂壯蕭蕭鬢已殘清霜霑更早初日照猶
寒幸未多成握那能上指冠苦心還自識一任衆
人看

元日感懷

今序還相似心情漸已非更誰勤內職獨自奉慈

聞鐻白渾衰鬢流黃少故機淚痕偷欲墮不敢濕
斑衣

寄內弟閔君學二首

汝姊何由見愁難爲汝驅鳥棲悲獨翼花落戀同
株老未隨枯眼衰將逼賤軀書來言強飯誰爲辦
中厨

其二

吾妻竟長暮念爾日忡忡骨肉元相藉形容况復
同琴淒緣別鶴林慘止孤鴻多少春山色模糊涕
淚中

玄蓋副草 卷八

十四

感春四首

雙袖無乾日春來淚已枯山雲沈遠黛野雀乳平
蕪莊缶衰難擊秦簫杳莫呼中心不斷苦餐箸亦
如荼

其二

獨處難爲適合悽過夕陽綠苔生綺閣青草遍寒
塘髮脫勝簪短吟成苦帶長春光非不好愁緒日
茫茫

其三

春色從駘蕩難教慰寂寥葉依黃鳥布花向綠池

飄歎緒絃中斷韶顏鏡裏銷非關詩作癖日似沈郎腰

其四

東風蒲柳綠白髮惱秋姿愁與年爭長衰先老自隨桐陰霑井薄花氣入簾遲莫怪眠清晝時時有夢思

房中十詠

屏

入室屏如故摧殘射雀流長懷同古烈獨倚見新愁燈影深含夜砧聲亂掩秋只今無髮髯翰墨跡

玄蓋副草 卷八

十五

空智

帷

空帷未毀撤霜氣蔽前楹片月孤相照淒風黯自生芙蓉憎舊影翡翠斷新情安得嫋嫋步令人近若驚

琴

寥落七絃琴絃絃傷我襟欲調難應手雖斷不離心鶴是當年別魚從此日沉楚妃若爲奏肯作下堂音

扇

涼生七寶扇中路起長嘆粲爛猶明月團圓豈合歡淚痕沾楚竹愁緒織齊紈秦女乘煙霧翻從畫裏看

鏡

寂寞青銅鏡珊瑚挂曲房已無雙照影那得爛生光淚逐菱花落眉憐桂葉亡玉臺相傍處猶記嫁時粧

釵

寶釵不落井開匣鳳凰齊蓬首何時耀著替併欲啼羅帷何減影翠羽未成泥從此雖貧乏難爲路

玄蓋副草 卷八

十六

用齋

鑪

翠幄生塵網薰鑪尚未遷青煙寒自滅朱火死難然西國香終斷南山恨與纏車前導婉轉暗數結綰年

燈

委壁藥燈在虛房照寂寥閉帷空自對織錦更誰挑寒焰朱難發餘輝綠未消煩憂似膏火煎迫夜無聊

絲

皎皎非常質悽然泣素絲盈箱空復爾繫腕更何時經緯難求匹纏綿自有知愁心不可理頭緒亂如斯

剪

素手當牕牖裁衣十載餘秋來聲不發塵色恨難祛良瘦身仍在防寒事已虛持將付弱女指爪幸相如

夜起

空墻殘月在簷瓦影參差露泣牕中華風寒井上枝夢驚炊日後人憶繡纈時螢火青難照綠苔碧

玄蓋副草 卷八

十七

辭滋

初度感憶二首

稱壽無駕綺餘生祗鵬冠情堪天共老淚恐骨同乾袖草多懷夢庭花少合歡向來攜手處一一是悲端

其二

孔雀東南顧蹉跎弱冠時白頭吟自切黃髮享誰期寂寞悲鸞鏡纏綿感兔絲嬌兒爭遶膝難進掌中卮

絡緯

絡緯何淒切中宵吟未休秋聲過檻畔寒意滿牀頭非客難成寐無衣不可謀傷哉幾興嘆機杼故情留

秋雨登綠綺閣

歲鞋一爲啓已覺亂愁攻風急蛛絲斷秋淡燕壘空同心無復結照膽底須銅鬢色如霜草疑寒細雨中

其二

寂寞登斯閣雙棲翼已乖驚風吹墮瓦絲雨散空堦翠浪羅幃捲香塵玉鏡埋相看多故物能不動

玄蓋副草 卷八

十八

悲懷

丙戌九日

九日今朝過蹉跎幸自全追歡腸轉結多病骨逾堅獨樹禁霜色寒花摘暮煙更誰工織素揮涕授衣天

述懷

中人產欲廢衆口總關愁先世多廉吏吾生好薄遊目從行市攝裘爲酒家畱甘臙猶能具相將毋白頭

正月六日山行卽事兼呈諸兄弟二首

新歲景依依長吟興豈微溪痕消夕漲草色換春
衣殘雪融將盡凝雲顏不飛雞聲何處出叢薄隱
柴扉

其二

蘿薜經春淺陰森一徑寒疎煙浮隴外斜日在林
端密篠妨簾輦新松礙籜冠青山百里內惟有謝
家看

有客

有客乘軒過倉皇欲避之逢迎真自厭名姓詎煩
知蓬戶難施戟雲山好茹芝無機最麋鹿不負野

玄蓋副車

卷八

十九

人期

雨晴次莊居

出門喜新霽遠樹望中微雲氣寒隨馬山光翠濕
衣亂泉穿竹過羣雀遠田飛不斷高低隴蘄蘄麥
秀稀

晚登谿亭

皎皎澄潭上孤亭迴自尊苔滋方苦滑藤老尚堪
捫曠野雲難合深林日易昏炊煙俯不辨喬木久
成村

夜坐漫作

近來不好飲欹坐但呼茶春服猶裝絮寒燈也作
花野夫忘刻鵠兒子喜塗鴉遶舍田雖薄還堪一
種瓜

東載伯叔

居山兼善病終日掩荆扉社燕先秋去昏鴉逆
歸指冠危髮短學劍壯心違林竹應無恙相將共
息機

寄謝少康

搖落何堪問楓林入望時登臨成往跡山水幾新
知混世惟耽酒藏名已廢詩尋常是秋色騷客有

玄蓋副車

卷八

二十

餘悲

野泊

繫纜斜陽盡兼葭思渺茫野田螢火綠沙岸柳絲
黃清世猶難避浮名已自忘天涯多少客秋草爲
誰芳

同諸君過翁吉拈韻得堦字

山氣當牕見忘言坐轉佳暮煙低映竹寒水淨浮
堦寂寂幽人宅悠悠曠士懷未須驚越禮久不事
形骸

霧中山行卽事

霧重交林樾晨光潋潋中濛濛欲作雨灑灑亦因
風山僻車輪斷田荒屋舍空敞裏猶蔽體相見媿
村翁

除夕

微微雪已盡凜凜歲云除寒氣消叢薄條風入敞
廬鬢毛渾欲短世事一何疎縱有人間樂寧知御
板輿

玉華山行

隴首麥寒輕透迤度隴行綠蘿隨地合紫葢滿林
生鳥影煙中度泉聲杖底鳴白雲無遠近處處寄

玄蓋副草

卷八

二十一

春情

春寒三首

飄風動飛閣積氣潤重帷煩慮日以屏歡情安可
爲楊園多宿楚蘭砌少芳蕤蘼蘼攜春色沈沈暗
裏隨

其二

羅幕染春霜朝寒嬾下牀蕙生寧似帶梅落不成
粧舞戲呈鸚鵡裘拚典鸚鵡盛年難稱意且爲守
閨房

其三

日暮不愁饑厨人饋糜微承簷靈霰集綠隙惠風
稀舊扇畱遺篋新絲上故機歸心邊鴈急只恐滯
芳菲

代美人詠新柳

弱柳思依依懷春春不違玉驄嘶影薄金粉膩香
微新綠繁愁黛輕黃歛夕霏鳥生藏未穩八九遶
窻飛

玄蓋副草

卷八

二十二

玄蓋副草卷之八終

玄益副草卷之九

吳興吳稼燈翁著

五言律詩

初夏山齋卽事四首

長日寡所事時時不廢書
古藤藏曲徑密篠蔭清渠
衣葛知寒盡食芝覺體虛
憂生文苑客結習漸能除

其二

蕭齋依浚谷秀色吐餘舒
野曠和烟樹墻空繡土花
春深黃鳥盡晴望白雲賒
謾松風下科頭到玄益副草
卷九
日斜

其三

避人甘塊處福性遂難移
曲巷荒榛合閒堦積蘚滋
陰晴當晝變榮悴逐年知
惟有耽幽賞常稱力不疲

其四

盡使繁音節將爲入道謀
虛舟信無觸積氣果何憂
新桂枝全直初篁節半柔
衣裳殊楚楚滿眼是蜉蝣

薄暮

冥冥餘霧散薄暮始分天
芳樹驅微暑青莎結細烟
蛛絲不堪織螢火詎能然
經國終誰是新書欲廢編

梅雨樓居四首

氣蒸梅雨潤涼逗麥秋微
虛閣纓山帶空墻被水衣
盆魚朝出驗梁燕暮知歸
會得飛沈意悠悠與世違

其二

倚檻看飛雨蕭條散遠空
林光滯不起澤氣蔽還通
苦滿瓦俱碧槿開池半紅
難忘丘壑美甘自老玄益副草
卷九
江東

其三

眺望遙難騁高明靜可居
歸雲滄舊浦宿雨浸空除
濁汰微暄盡陽迎積潤舒
南山一頃豆蕪穢近何如

其四

淅淅長霄急倏忽變朝暾
氣候殊難測人情安可論
食梅酸未盡茹蕪苦猶存
那得因妻子栖栖在草門

酒間示妻子四首

好飲還須足紅顏損去多朝榮看露槿
天歌
蘿天祿書堪校燕然石可磨何如對妻子耳熱仰

其二

逐手黃金盡那言快意遲當年客引去此日婦難
爲雲氣空林合苔痕曲徑滋開關猶未得且爲一
操卮

其三

游戲甘污瀆河清未可量高雲千里白醇酒四時
芳凝骨皮能畏狂心髮共長呼兒逐狡兔老不入

玄蓋副草 卷九

三

咸陽

其四

浩蕩謀生路寥寥臥一區流波空自激飛鳥互相
踰石少南山錮車同下澤驅去家如脫屣把酒意
踟躕

詠陽伯叔館中荷花二首

菡萏纖枝擢翹翹颭雨芳仙根移玉井艷質倚金
塘散影窺秋水含嬌媚夕陽江南有奇弄髮髩斷
君腸

其二

亭亭出綠水誰不羨朱華璀璨臨虛牖輕盈裊絳
紗珠光傾夕露錦色爛朝霞何必煩舟楫看花到
若耶

理髮

理髮髮未短雄心滿握中何須睎向日且爲沐當
風霜落寧同草秋來不似蓬一冠常懶著空號鹿
皮翁

淞江城西尋故杭伎墓不得悵然作

一掬關情淚何由灑白楊荒烟已宿草曠野但斜
陽骨化應無艷魂消不斷香西陵蘇小小寧復渡

玄蓋副草 卷九

四

錢塘

阻風沙上

天吳何起舞湖上阻歸橈陰氣寒先凝濤聲夜轉
驕客心刀共折鄉淚燭同消待到深閨裏應憐髩
色凋

舟中曝日

野外霜飛早舟中日照初背緣寒自炙髮怯短難
梳木葉黃俱脫峯巒翠欲疎呼童緩餘酒到岸市
園蔬

湖汊夜泊

繫艇歸心緩呼尊客計工柳疎難受月桑老易知
風鴻色流天外霜華點鏡中東籬一叢菊采采幾
人同

吳江晚泊

孤舟停落日一水逗微寒綠草烟俱暝青楓露與
溥去鄉猶未遠作客已知難情付尊前月闌中得
共看

步入田家少憩

停舟杖輕策步入中林幽竹色清煩暑蟬聲咽早
秋野人方織屨客子自科頭誰爲憐行役勞勞不

玄蓋副草 卷九

五

可留

登北固

曲磴苔封古逶迤躡紫烟雲光時盪日江色不分
天塔振空中鐸帆移樹杪船金焦兩峯右相對湧
青蓮

泊青山口

處處成飄泊相隨估客舟片帆收鳥外孤劍泣床
頭林日照還薄江風吹不休茫茫烟際草一爲長
離憂

歸途書懷二首

孤客悲無極空江日夜流蒹葭先戒露蒲柳不宜
秋鸞翻元難鍛鵲籠亦暫投懷非和氏寶棄置復
何尤

其二

霜落空波肅寥寥獨客心野風殘擊柝江月皎鳴
碓我自好奇服時方碎古琴歸與何所事鷄適有
中林

送梅季豹

岩穴千時左雲霄薦達稀新聲能動魄古調欲沾
衣故里多桑梓空山長蕨微歸樓同倦鳥不向上

玄蓋副草 卷九

木

林飛

入山感述

幾度還家夢監輿載始真隕風黃葉細歸岫白雲
新荳蕒終難化藤蘿到處親青山無恙在依舊屬
吳均

卽事二首

聞道朝廷上營田諺已成流亡虛歲事召募及春
耕溝洫將裁志邊隅欲罷兵度阡兼越陌胡騎敢
橫行

其二

防胡無上策且爲樂開邊未入司農計先煩少府
錢犁舊金甲雨會雜玉門烟轉餉何年罷東南賦
望獨

梅溪晚發

買艇將何適溪山迥自深微波寒不起空翠晚俱
沈柳市難成隱桃源未可尋中流舉伯莽聊學楚
人吟

歸舟

依岸扁舟駛中流起棹歌烟輕山似染風淡水如
羅遊興隨春盡歸心向晚多短蓑長柄笠一任老
玄蓋副草 卷九 七

烟波

上大司成趙汝師先生五首

冒死詞垣疏全生聖主恩光堪爭日月心忍負乾
坤位起名逾副時康道益尊老更思德化扶杖滿
橋門

其二

力挽中天日高懸照草萊浮雲大江盡紫氣 孝
陵來虎觀推經學龍門讓史才斐然吾豈敢狂簡
未能裁

其三

用盡桓榮力如公古亦稀吹噓多白屋趨走半烏
衣化雨成膏澤春風退殺機後凋松栢在桃李競
相依

其四

聽來經國語真不減許謨欲正三年禮惟加一字
誅自天鍾間氣於教出醇儒孤筆餘文藻還堪賦
兩都

其五

忠孝能雙美維持賴一身華夷歸藻鑑朝野屬陶
甄公自凌前代人皆步後塵只今辨難日丞相不
玄蓋副草 卷九 八

聞嘆

同鄔汝翼潘景升過印公蘭若得林字

策杖恣幽尋微暄日半陰白雲流斷壑青靄散叢
林竹覆空中色香清定後心談禪猶未已歸路引
鳴禽

書懷呈少司馬王元美先生四首

列戟森如此猶能日過從高談窮辨蜺薄枝媿雕
龍公自存真率人應好謬恭草茅親父黨爲禮恕
無容

其二

性僻難阿貴窮來苦傍人搏歟寧鍛翮涸轍欲枯
鱗歲屢遭饑饉生惟仗鬼神不令雙眼暗佇看畫
麒麟

其三

父執提攜日怡然敬不忘高才驅絳灌大道出羲
皇不獨人倫鑒兼令國步張孤兒難自見思托羽
林郎

其四

誰求廉吏後夫子誼何深未入山公啓空遺稽叔
琴客非遷幸舍名敢附儒林勉力存先業因窺作
玄蓋副草 卷九 九
者心

一雨

一雨猶未足天胡驟放晴水田方餉耨山壠尚虛
耕僮僕饑相向流亡勢漸成中宵愁不寐臥聽枯
棹聲

贈汪仲淹

與爾神交久相逢髯已凋名堪齊驃騎賦欲擬鵠
鶴歷塊霜蹄蹶傾城粉黛消據床無一事歌詠自
終朝

燕臺驥首爲方元素題

汗血自班班神超十二閑竦身來渥水仰秣向燕
山朔氣騰驤裏浮雲滅沒間長城猶有窟不飲莫
空還

逢余宗漢赴白榆社三首

游道貧難廣交情老自論秋烟溥宿莽露氣冷芳
蓀山水更詩興雲霞護展痕白榆枝歷歷對數坐
天門

其二

絡緯悲吟裏含情向濁醪一燈昏夜雨萬樹響秋
濤帶欲貽吳縞辭堪續楚騷世途何偏側交道貴
玄蓋副草 卷九 十
錢刀

其三

共醉白門酒相違楊柳枝驚心重一見垂素復何
之樵舍栖天目僊家閱武夷故鄉遊自好莫遣負
歸期

汪伯玉先生席上詠桂同宗漢仲淹分得東

字

雲氣龍從裏同依桂樹叢紛敷多映月偃蹇少隨
風招隱毋孤往游仙藉八公小山如可廢淮水不
流東

歸懷

蕭蕭寒漸作鄉國夢多違客舍深秋色山城半夕
暉孤雲依伏枕高鳥過塞幃豈好游芳草王孫苦
不歸

謁李供奉祠

高名收橐籥遺像攝衣冠蘋藻當秋薦松杉鏤日
寒酒星能再謫明月許同看颯颯天風起猶堪借
羽翰

流波館同梅禹金子馬分得微字

雙扉常不鏽下馬坐相依細雨燈輝失寒宵酒力
玄蓋副草 卷九 十一

微鳥能呼客姓波欲潤人衣消盡關山恨流黃別
有機

得內書

雙鯉雲中墮江波正渺茫綵毫偏寫怨錦字不成
行韋杜春情薄關山秋夢長徘徊忽已夕掩戶向
啼螿

代最華月夜懷禹金

啞啞烏啼後空庭片月臨三秋遲暮色一夜別離
心秦鏡還誰照齊紈且自吟愁君有仙骨吳市杏
難尋

流波館別舜華

客遊真已倦況復聽離聲把酒難成醉挑燈直到
明故鄉無湯子絕代有傾城木落空江冷相思不
計程

菱塘曉發

踏破霜華色千山一騎行疎星隨鴈影殘月亂鷄
聲未識逃名計難爲作客情何如飯脫粟高枕畢
餘生

客夜二首

獨居愁向夜露氣結寒空坎坎城頭鼓嚶嚶階下
玄蓋副草 卷九 十一

蟲人情漫不測客計苦難工栖息南枝鳥那能赴
北風

其二

風聲一何怒萬樹響刁刁旅館秋逾肅孤城夜獨
遙書淹終歲蠹裘敝向時貂朱火看成碧鄉愁耿
不消

夜題寓壁

天寒宵更永轉覺客愁多屋上烏徒爾倉中雀奈
何一燈殘少燭雙鬢壯先皤勿謂書生賤曾無醉
尉呵

枕間作

松聲滿枕寒轉展客衾單蟲語草間急烏啼城上
關隴雲遊子夢梁月故人看到曉驚雙鬢絲絲鏡
裡殘

望月有懷

何事飛青鏡無由照玉顏薄帷心獨鑒團扇影方
閒入夜烏能語經秋客未還流黃機上恨一點到
關山

寄季豹

白門霜後別楊柳幾蕭森黃口空相妬蛾眉自不
玄蓋副草 卷九 十三

淫余方留酒輟爾豈戀蹄涔身老同心在終然可
斷金

送梅泰符之楚哭丘潮州二首

不向爐頭別河山引涕新可憐千里駕難覓九原
人世味愁中薄交情死後真生芻何用薦自有楚
江蘋

其二

送君君未發斗酒滯江湄多故傷朋舊餘生任別
離春隨青草遠風到白楊悲無限山陽恨誰從笛
裏吹

再送泰符

一片垂楊裏江頭送客查東風獵蕙草春水漲桃
花獨夜難爲客先秋肯到家故人心欲見明月滿
天涯

卽事

城外風波惡傳來事可疑寧逢河伯怒莫緩府公
期人似投巫日隣非渡虎時招魂聲幾處猶減訟
庭悲

四月晦日大雨有作

忽漫雨聲惡非時黯自傷米猶難減價麥未盡登
玄蓋副草 卷九 十四

塲井溢泉翻濁池寒草不黃何如遲十日霑灑得
栽秧

偶成

門徑連山色虛無駐客驂萱應樹堂背橘豈化江
南雙頰紅銷鏡千絲白映簪不知稽叔夜疎懶有
何堪

郊居八首

物候占晴雨農情漸已諳兒頑能曳犬婦懶不供
盤蒼樹雲全住青山日半含偶因梳短髮惆悵憶
亡簪

其二

小聚丘中勝難教結構成短牆青竹覆空井綠苔
生野史編應就風人氣不平南山休射虎閭巷未
橫行

其三

剥琢聲從急柴門午未開親知稀問疾駟僮強論
才壯逐紅顏去憂隨白髮來謀生吾已拙何可不
銜杯

其四

微暄衣乍潤茅宇坐科頭簷外風喧鵲村邊雨喚
玄蓋副車

卷九

圭

鳩全生多曲木望遠一高丘款段依鄉里尋常馬
少游

其五

幾處能生活文成敢更誇松花分野老桑葉賣隣
家語燕營新壘游魚避淺沙稜稜一片骨盍臥赤
城霞

其六

荒鷄聲不接里突少炊烟縣吏催公賦村童索子
錢盡驅黃犢賣深窺白鷗眠十口將何藉南山落
豆田

其七

鑿石渠難就依山枕自安茶分穀雨候榆散麥秋
寒名在時時累家貧事事難荒園猶有筍持供老
親食

其八

卜居東向穩孤閣啓朝曛麥飯粗堪飽松醪美亦
聞家緣貧有累身可隱無文莫笑山川小英英畫
出雲

荅黃白仲若上見懷

浣紗石色古周落嗟紅顏却放剗中棹來看若上
玄蓋副車

卷九

十六

山雨欣林葉熟雲逐浦鷗閒采采勞相憶蘋香夕
照間

黃白仲過訪分得齋字鹽字

握手歡如此深知曠士懷竹能驅俗客葵可供清
齋列岫遙窺室流泉曲抱階一杯聊玩世不得廢
詠諧

其二

相迂茅堂僻呼兒爲捲簾山光憑過鳥樹色澹新
蟾野外聊雞黍盤中只虎鹽經過饒蔓草煩爾共
腰鎌

玉華山樓同白仲限韻二首

延眺樓中勝微雲不蔽郊高松孤挺幹新竹亂抽
梢地僻多牛屋山深少燕巢一杯淹暝色披割對
窮交

其二

虛窗一何豁望望俯晴風墉樹懸金粟簷花掃石
楠溪流縈似帶峯勢盍如簪欲借緱山鶴臨風共
爾驂

對酒同白仲限韻

苔色深堪坐持杯就竹根世情趨燕雀生事逐雞
玄蓋副草 卷九 十七

豚山簇天疑小雲生月欲昏松聲爲誰起絕壑夜
成奔

婁江道中

見戴無由得空回雪夜舟天陰波澹澹風急樹修
修淚逐悲歌出雲隨濁酒浮征鴻寒不度戢翼滿
沙頭

舟夜

天寒衾轉薄臥久始成溫戍鼓中宵急村鴉逐曉
喧愁多難假寐淚盡未酬恩獨有匣中劍猶堪挂
墓門

曉發

風聲向曉寂解纜赴前期寒月鳴雞早霜天度鴈
遲故交隨夢失浮客畏人知敲石生微火呼童起
作糜

舟早獨酌

斗酒沽來濁驅寒強自斟疑霜澄積氣初日破浮
陰數數時循帶絲絲不滿簪愁心不可抑誰爲理
鳴琴

梅溪舟中作

溪狹垂藤接波平夜進舟霜清鍾韻徹風細櫓聲
玄蓋副草 卷九 十八

柔客路何曾險歸心得自由感知猶有淚不向故
鄉流

雨中東翁升二首

朝來看碧草不覺自成歌烟重風常濕春寒雨更
多繁花難着眼新水定增波豈爲衝泥怯遲遲未
敢過

其二

興來思過汝妻子爲余言新草方愁濕厨人恐厭
煩花能閉戶發鳥亦隔林喧何不西堂下招尋命
綠尊

五日志感

朝來聞令節不覺涕洟瀾巢燕初成乳江魚幾罷
食憂心萱未釋衰髻艾同看太繁寧妨俗三年廢
浴蘭

小酌卽事

廣庭饒藝植幽事在山家新綠瓜縈蔓微黃栗吐
花園供初折筍泉試早收茶獨有銜杯興年來未
覺賒

刈麥

高田不中水小麥始登場野外收晴浪離間曬夕
玄蓋副草 卷九 九

陽妻孥飽餘粒鳥雀振空倉已少張公政誰云樂
易荒

送吳允兆北游五首

正好登臨日其如送遠行衆山開凍色新水泄春
聲社散嗟樂氏臺空憶郭生布衣權可使慎勿借
公卿

其二

一杯歌一曲曲罷復行杯送爾三千里那能旦暮
回寸心終不易雙鬢苦先頽勿使音聲隔迢迢候
鴈來

其三

及此芳菲日君胡忽去家故交存海內佳句滿天
涯一騎隨春草孤蓬逗落花祗憐人不見誰與折
疎麻

其四

波濤身慣涉老作渡江人客舍梨花白官橋楊柳
新出山稱大隱慢世可長貧片語酬知己千金詎
足陳

其五

迢遞山城接微茫水國分入都頻未愜出塞舊曾
玄蓋副草 卷九 十
聞目攝田光客銘推寶憲文壯心銷不得詎曰爲
邀勲

寄章元禮吏部

醉別青山下苔荒片石餘故鄉稀會面遠道一通
書盛世兵戈損空談歲月虛稽生甘自絕九患未
能除

小集山園限韻三首

風散滿園花尊醪不用賒疎篁分石澗獨樹隱山
家雨氣流青嶂谿痕漲白沙興來渾忘返林黑斷
栖鴉

其二

新柳傍池青絲絲拂小亭一壺能竟日雙鬢易成
星暮色來深樹烟光薄遠汀飛鴻當日送吾意亦
冥冥

其三

桃李落花平園扉半偃荆好風隨處受春色向情
生芳草酣同藉閒階起獨行欲知深避世樵唱雜
歌聲

桐汭道中

去家纔百里愁緒亂斜陽山隴多栽粟谿田半種
玄蓋副草 卷九 王

杭人烟分橡栗野色散牛羊芳草萋萋碧玉孫怨
路長

宛陵道中

空山送馬蹄馬上重淒淒崖斷通枯木沙存識故
谿占晴頻噪鵲過午不聞雞迢遞浮雲起鄉心忽
自迷

同汪仲淹夜坐

明燭回風撼虛堂坐夜闌敗蕉秋瑟瑟叢桂露溥
溥月隱安蟾細雪重度鴈難鄉心胡遽起仗爾一
爲寬

寄潘景升

馬上功名薄閨中離別多人情渾未識君計擬如
何紫塞時乘輿青樓不廢歌薛蘿能想見有客在
山阿

玄蓋副草卷之九 終

玄蓋副草 卷九

王

玄蓋副草卷之十

五言律詩

吳興吳稼塏翁管著

代王姬荅季豹六首

寧以他家棄遂爲君所遣人非調笑日情有斷腸
時蓬首釵難耀愁心鏡獨知秋聲何處起荷暗滿
空池

其二

爲歡苦不足暫別轉堪悲露井留桃影烟隄散柳
絲委身要後會執手訊前期莫使儂團扇秋風一
玄蓋副草 卷十

夜吹

其三

以妾眼中淚灑君川上舟舟行何計逐淚出幾曾
收粧閣銷紅粉琴臺怨白頭鴛鴦云小鳥比翼在
河洲

其四

憶爾初逢日風吹楊白花浮萍猶未化游子苦思
家夙夜多行露明河幾泛槎梧桐金井上搖落不
栖鴉

其五

茶苦甘如薺逢人未敢論綠波空盪漿碧草黯消
魂薄命多新恨啼妝少舊痕不愁君棄妾君賦勝
長門

其六

寶釵資路用且莫醉當壚遠信臨風怯佳期向夕
孤兼葭霜皓皓楊柳雨蘇蘇掃盡黃金態休疑陌
上趨

哭汪仲淹

十載寒依榻終然病不瘳陵陽懷壁恨樂正下堂
憂社散榆枝隱書工柿葉留朱絃流水在絕調若
玄蓋副草 卷十

爲求

舟曉

林鳥棲不起遠樹照人寒野草霜霜白何水觸岸
殘路長歸夢失日短客游難卒歲餘尊酒無衣且
莫嘆

舟晚

天寒雲氣薄日落水光微客路多逢估人家罷櫓
衣草枯風肅肅林盡鳥依依野泊當深夜茅茨月
隱屏

發城西

落日照城西人烟逐望迷無波鷗不起得樹鳥爭
栖帶斷繩難續書殘索尚攜枯林北風勁入夜更
淒淒

入山

徑僻往來稀山家半掩扉鹿銜枯草食雀苦野田
饑寒日沾衣淡疎烟隔樹微忽聞樵唱起始悟客
游非

哭安伯叔三首

一病都門劇還家華髮新般游亦既節好飲喪其
真池草翻生怨庭花不放春中閨流血盡枯眼向

玄蓋副草

卷十

三

何人

其二

行園猶未已倏忽到泉臺流水俱成咽鳴禽一變
哀田租空刈秫客位漸生苔幾處高陽侶驚心謝
酒杯

其三

小婦啼相向蛾眉少愛憎巫陽誰爲質司命亦無
憑戶冷同心缺人虛半臂綾更憐孤劍在夜夜泣
寒燈

允兆過訪小集得如字

握手翻成嘆蕭蕭白髮餘幾回能對酒經歲不通
書芳草生荒徑青山滿敝廬敢將詞賦出貧或似
相如

同允兆集翁升宅得峯字

一杯隨意把得與故人逢草變春前色梅舒鴈後
容亂流長遶砌殘雪尚留峯莫厭空山僻園蔬足
夜供

雨中邀允兆登飛翠閣同用飛字

孤閣臨溪上雲生滿客衣池光當檻落溪溜遶簷
飛好雨山田足餘寒花事稀沉酣那遽返林鳥亦

玄蓋副草

卷十

四

依依

哭汪伯玉先生二首

浮雲生北極白日隱東隅網觸珊瑚折風吹滄海
枯史臣慚直筆邊將昧雄圖文武誰爲憲傷哉吉
甫徂

其二

何由重入社忽墮白榆枝業永藏書地心存挂劍
時國恩榮起塚家乘藉傳碑九列人今滿龍門未
有期

送程柴中游天台

秋風生遠興送爾入天台絕頂霞長起荒蕪霧不開中寒衣苦薄攬勝賦堪裁莫謂仙源杳桃花逐水來

同孫齊之梅李豹謝少白集高座寺看竹軒

得烟字

衝泥入古寺曲磴幾盤旋竹密交山雨林高散野烟僧寮懸白拂法座湧青蓮一悟無生理杯中不離禪

書懷兼呈李豹二首

吹斷千門柳秋風滿禁城出人易老蹈海計難

玄蓋副草 卷十

五

成賦少凌雲氣歌餘伏櫪情遭時元不偶端可信

平生

其二

匣中孤劍泣白日黯然昏何處堪長往逢人敢放言捧心顰自效別足壁猶存總爲窮交在遲遲出國門

寄曹以新二首

梅花開復落無夢使君知肆斷枯魚沫林餘野雀枝石危雲動處溪漲雪消時山客時乘筏相期作水嬉

其二

幽居寄空谷竟日無人踪沙擁高田麥霽驅絕壑松素衣終不化斗粟尚堪春相憶愁難寐寒燈接曙鍾

寄王百谷二首

舉世交難合懷君夢不違鵬前梅盡落春後雪猶飛自可裁新曲誰當理故衣盈盈河漢隔無處覓支機

百谷時有小婦支機之賦

其二

不作升堂客安知道術尊松枝生自勁桂實老逾繁

玄蓋副草 卷十

六

今過谷民隱僧來白佛言芳蘭堪贈遠慎勿種當門

人日雪過載伯叔飲限韻二首

人日偶相過梅花亂笛床冰開寒溜綠雪落春風香壯髮隨年換酣歌逐興長世情難任達翻訝阮家狂

其二

歲時誰把苦斗酒會田家野圃先供菜春山未採茶風光遲岸柳雪色凍林鴉夜半猶難別長吟對燭花

元夕宴集

雲光開遠岫雪溜濕空庭月出誰能掇杯來不願
醒鑪烟銷積氣燈影亂繁星獨有梅花落歌中未
忍聽

夜飲

今朝偶謝客妻子勸銜杯野菜無過齋庭花半是
梅燈餘將燼焰鑪撥未寒灰久不看青鏡安知白
髮催

山行值雨

一雨沾衣驟春陰合四垂山家依獨樹樵客拾枯
柴蓋副草 卷十 七

枝衆壑分流細高松滴翠遲苔滋危磴滑雙屐不
言疲

春日同戴伯翁升翁吉觀公集玉華山樓三

首

入徑烟初合登樓霧忽開山光浮雪動野色逐寒
來密篠緣空澗荒藤翳古苔遠公寬酒禁不醉莫
言回

其二

竹晴根積雪疎密轉能分絕壑鳴殘溜孤峯接斷
雲素心元自合緇侶復爲羣階下長松滿濤聲日

夜聞

其三

銜杯能入聖豎拂更談禪蒼鼠窺簷瓦寒鳥集野
田草分雙磳露梅落一溪烟笑問支公隱青山費
幾錢

石澗流觴得流字

澗水當春急風吹杯逆流積陰收檻外殘雪見山
頭音豈管絃合人從少長留不知修禊會得似此
探幽

賦得澗中石

玄蓋副草 卷十 八

歷歷沙常擁粼粼溜不平根隨芳藻結影逐暗雲
生掠岸紛於燕衝波突訝鯨支機猶未得河漢隔
盈盈

過集東塢三首

春來無日醒隨處共爲羣竹密猶藏雪松高忽墮
雲幽香花不辨餘韻鳥能分每到空山裏依依戀
夕曛

其二

地僻無氛雜高歌興自賒結亭何用廣取徑不嫌
斜絕澗流殘雨長林帶落霞村醪沽可得呼燭後

栖鴉

其三

經行山不厭樵唱偶然稀
壠麥收春色墟烟歛
夕霏惠風當面好
片月入林微
犬吠柴扉啓
誰家人未歸

三日水邊分賦美人帶影

曲水沿嬌舞
芙蓉連理芳
楚腰疑帶雨
吳縞忽飄霜
恨結流難斷
情牽影故長
俄驚綠波上
雙度錦鴛鴦

同吳允兆梅季豹陸纂父登道場山分韻四

玄蓋副草 卷十

首

城上看山近
擎舟更出城
岸旁桑蔭密
隴首麥寒輕
境每緣詩合
身將入畫行
凌高雙袖濕
雲氣忽然生

其二

此地春游勝
吾還載酒過
路逢樵牧少
山墾野田多
顏刹唯青壁
荒亭徧綠莎
驟難登絕頂
據石一揚歌

其三

迥出千林上
盤旋一徑斜
泉飛渾作雨
氣合每成

霞古色分岩
樹幽香過野
花不辭沽酒
數澗底卽人家

其四

訪古情難厭
看碑斷莽間
歸雲依老衲
宿鳥戀空山
結構何年遂
行游盡日閒
後期應不負
蘿薜好開顏

代靈珠荅孝若四首

月吐同心照
衣薰辟惡香
含情空掩扇
含怨獨登牀
何處春游女
誰家夜度娘
殘桃不相擲
柰許慕河陽

玄蓋副草 卷十

其二

君家元易識
夾轂問何爲
池上鴛鴦滿
門前楊柳垂
春星燦角枕
明月鑒羅幃
獨有魂來處
翻愁夢不知

其三

一自逢調笑
無心過酒家
生來眉不畫
病起帶逾除
莫使悲前釣
還令覓後車
繁華久已厭
桃李任飛花

其四

彩筆縈愁住
新詩滿練裙
當心惟皎日
入夢豈行

雲塵骨如能換仙歌定可聞將因董威輦奉侍小
茅君

秋夜同陸纂父吳孝父汪仲嘉馬姬集汪士
能客舍得秋字

高堂開廣讌細雨坐深秋逆旅多青眼交游半白
頭伊誰吟芍藥有女擘篴篴豈爲風波惡遲回江
上舟

同李季宣陸纂父吳孝父汪仲嘉集士能卽
事得金字

歸舟聊暫輟對酒復長吟江遠濤聲歛庭寒露氣
玄蓋副車 卷十 十一

深佳人傾下蔡詞客修南金聽罷烏栖曲難禁獨
夜心

同吳石父張成叔黃貞父吳子野康季修吳
用修茅薦卿集孝若宅得濃字

客來何不次一半是吳儂列坐陳清酒中厨出夜
供庭寒知月近樹白辨霜濃華燭三更跋留連興
未慵

歲暮書懷六首

忽忽歲云暮淒淒寒向深短衣從露肘長劍拊驚
心塵色已凝空壁烟光薄遠林百年過未半愁緒日

相侵

其二

農務粗能悉衰門老自持兒猶虛力作婦好共餉
麋白髮梳頻脫青山坐不移浮名今已厭樵牧動
相期

其三

尊空客久散稍稍秫田登未契終難托游談詎可
憑夕陰生澗竹寒意滿窗藤枚叔要公子多稱病
未能

其四

玄蓋副車 卷十 十二
卒歲無衣褐優悠聊自歌烟深藏暮雀風勁偃寒
蘿壯盛殊難再嗟吁可奈何庭前數株樹朝夕自
婆娑

其五

罷酒適欲臥寥寥山館中經冬不見雪竟夕苦多
風采藥北山北垂綸東海東有懷渾未遂矯首意
何窮

其六

如何高枕日世事亦相聞故里摧喬木荒碑沒舊
勲田租秋易了隣燭夜難分幾欲移家去躊躇丘

隴雲

獨酌芳梅下

獨酌芳梅下梅花照酒中酒香花共泛花氣酒潛通對酒愁花落看花畏酒空從來花酒興併是爲春風

早春登朝光樓二首

今朝興不淺臨眺有高樓風日聊堪悅神仙未可求雲含山氣冷春入鳥聲幽玉笛無煩奏梅花在隴頭

其二

玄蓋副車

卷十

七

春樹浮空綠烟窻極望平補巢遙辨鵲出谷近聞鶯隣酒賒能至兒詩翺易成元無身外慕自足度餘生

簪蓬

有序

吳中二月二日婦女俱簪蓬聊爲之詠

昔嘆首如蓬蓬今戴首中寶釵分細葉青鏡理芳叢艷粉桃猶潤新粧梅復空著簪不還棄眷此意方同

敗蕉

庭際有芭蕉天寒葉盡凋不聞風瑟瑟誰辨雨蕭蕭

蕭片石根猶托空墻翠已消定知無覆鹿夢境莫相撩

踏青

草色芳原綠盈盈逐望賒越羅初試襪油壁暫停車新柳烟繁翠殘梅風落花王孫游未返春思遶天涯

春閨新月

梅落高樓曲雲開破鏡天羅帷空夜夜玉塞自年年恨與蛾眉結歡隨團扇捐春風吹妾夢怪底未成圓

玄蓋副車

卷十

十四

咏澗中落梅

梅花奈晚何零落澗之阿春色浮空水寒情逐逝波萍開水影細鏡濕粉痕多流向人間去漁郎不解歌

春夢

草色含窻綠池光接鏡平可憐移角枕獨自傍雕楹幽夢迷花影春情散鳥聲欲尋雙蝶去起遶玉階行

賦得桃花帶雨濃

巫峽一重雨武陵千樹花芳情兩處合春色十分

賒寒濯江中錦波蒸海上霞無端紅淚落特地使人嗟

菱花鏡

妖姬一入手錯意在蘭橈霜厚香難發波明影自搖桂輪無合暈連臉有分嬌朝夕窻風動盈盈不暫凋

桃燈杖

不藉餘膏潤何爲傍短檠焰微旋使著光暗復生明炙手應難熱焦心未易更更憐花落處夜夜獨關情

玄蓋副草

卷十

十

拜元美先生墓三首

麒麟高塚接狐兔避荒屯死自依親魄生何負國恩累朝心跡苦一代典刑存泣罷歌黃鳥風吹野日昏

其二

新阡吾始謁宿草已凄凄烟莽埋荒花湖波囓斷隄豐碑崇睿藻殘火照青藜激烈西州勸難教醉後迷

其三

爲公論大節出處似留侯報漢心常切推秦願已

酬少傳黃石畧晚托赤松游辟穀終難驗高名自一丘

月夜過翁吉小飲

以我月中興過君池上吟寒蟄泣露草驚鵲起空林會面眞堪數當杯不厭深秋來氣蕭瑟客易感人心

夜坐

夜坐感蹉跎流光逐逝波青尊留客少白髮著書多石砌吟蜻蛚山窻掩薜蘿早詣兒女累婚嫁復如何

玄蓋副草

卷十

十

朝光樓看月

積陰開向夕明月澹生秋天遠榆枝白山空桂樹幽放歌當故國把酒在高樓三弄誰家笛今宵不起愁

秋夜

愁來一把酒罷酒復生愁委壁燈光薄埋塵劍氣幽桐疎空井月草沒故園秋斟酌天寒近區區理敝裘

寄曹以新

吳門來作客日日醉君家夜月浮空棹春風滿路

花可憐淹故里翻不似天涯病色兼愁緒青銅白髮賒

荅翁升二首

地偏稀過客秋色在柴關把玩無新帙徘徊有故山霜清池水落草變野田斑辛苦勞君問園中抱甕還

其二

出門應有約載酒却無期寂寞耽玄草蒼黃保素絲桐枝何肅肅棗實自離離貧賤誰能與東京黨錮時

玄蓋副草 卷十

十一

有懷

獨立夜彷徨秋風吹鬢蒼新機方弄杼故劍久辭房鵲遶寒枝月蛩鳴野草霜有懷愁不見清淚忽霑裳

荅陳伯孺寄懷

相見卽相別中心耿不忘河深猶可楫山僻豈無梁令我悲空谷憐君滯異鄉道傍秋草色日夜自萎黃

東載伯叔

春游酌春酒日日醉花枝秋思淹秋雨時時感鬢

絲畏人吟久廢閉戶起常遲不是甘寥落中林無可期

大水書感兼寄謝使君四首

野水秋行地吁嗟遍里閭古槎浮作梗膏壤化爲渠國計艱難日生涯涕淚餘河深不可涉猶望使君車

其二

一雨能傷稼築場秋事稀索綯將棄屋杼軸尚供衣河徙枯魚泣倉空野雀飢貧家十口累辛餽北山薇

玄蓋副草 卷十

十八

其三

朝廷日有警重建柏梁臺屬玉思懷變商羊復薦災山流崩屋舍野哭隱蒿萊公府難爲計浮陰何日開

其四

海國妖氛接遲回怯用兵供輸元易困汜濫更多驚沉竈餘三板占書昧五行寄言河伯怒一爲使君平

白下逢潘景升述舊有贈二首

久別惟高枕時時憶爾游馬嘶燕市月船泛洞庭

秋霜實收丹橘風花落綺裘豪華如未歇同過酒家樓

其二

相逢白門口重聽白門鴉夾道無新柳臨流有斷槎沉香曾作伴擲果舊停車莫謂春情薄紅顏泣琵琶

秋夜懷余宗漢

霜淨月華明天高夜氣清鴈羣方北度桂樹自南榮豈不懷君切胡然逐衆行荒砧何處起木葉下空城

玄蓋副草 卷十

十九

城南晚眺有懷孫齊之

日暮城南望幽懷動薜蘿蔣山寒送色淮水淡生波騎逐浮雲少杯承落照多新知雖可覓其奈故交何

寄懷陸無從二首

十載苦成別三秋空復情愁淹淮水曲夢隔廣陵城荒苑雲常落高天鴈忽征江流浩無極聊此寄平生

其二

君作淮南臥令人憶八公蹉跎虛服食飄泊感飛

蓮花落山中桂枝摧井上桐蕪城寒入望日夜起秋風

待李豹不至悵然作

長懷當末路遠信阻歸程豈不嗟浮客其如念友生寒雲迷鴈序落日起烏聲恐爲姬人殢將貽服散鐙

懷何无咎

吳楚不同游天風吹客愁霜清秣陵月水落洞庭秋鴈起沙中磧烏啼城上樓尺書何日達含意向江流

玄蓋副草 卷十

二十

別梅禹金

厭與世人涉別君胡獨愁涼風吹露草孤月映寒流易逐蓬根斷難援桂樹留迢迢托遠夢霜落敬亭秋

別汪仲嘉

貴游揮手別繾綣戀窮交杯進胡姬酒枝存越鳥巢江風翻荇葉山月亂藤梢自信玄經誤無煩爲解嘲

歸日示內二首

惜經時別兼逢失意歸理裘開敝篋停杼下鳴

機井塌桐枝直垣存瓜蔓稀秋風滿眼恨欲老故
山薇

其二

秋落南山荳中田馬噉其今來余失路昔別爾爲
炊趯趯蟲依草飛飛鵲遶枝寒燈耿虛壁偏照鬢
成絲

九日登朝光樓二首

何事逢佳節登樓倍惘然離花開近舍野樹合遙
天作計談兵日傷心射策年故園甘白首莫使見
風烟

玄蓋副草 卷十

主

其二

高樓望眼開聊爾當登臺有婦縫衣去無人送酒
來烟濃川色暮渚白鴈聲哀楊柳空成曲誰憐庾
信才

懷允兆

野雀遶荒榛秋風引淅頻葉枯桑未落實苦摘猶
新悔作談經客因思出塞人何時息戰鬪投老故
園春

遣興

開卷忽不懌起來步前楹已看寒雨集復聽候蟲

鳴寂寂扉長掩粼粼澗未平獨憐飛鳥意猶若會
人情

荅翁升見慰

忽忽窮愁日歸來反廢書霜風吹木葉寒色滿空
廬時俗朱顏薄心期皓首虛山中歲將暮遲爾共
畋漁

柬翁吉

草變空池色微波蕩薄寒跡因歸後間心憶客中
歡梨葉經霜赤楓林向夕丹不知秋滿日何處發
悲端

玄蓋副草 卷十

主

夜起感懷

佇立久彷徨河低月復光鄰家罷機杼寒氣入衣
裳不悟秋多露翻驚夜有霜烏啼何處樹忽地斷
人腸

玄蓋副草卷之十 終

玄蓋副草卷之十一

吳興吳稼登翁著

五言律詩

駿馬

駿馬無能識躊躇在阪情
枯聊自嚙春草爲誰生
豈願登牀舞常思出塞行
燕臺徒買骨愁絕何人鳴

寄孝若

宇宙茫茫裏登樓望不分
東南寒少日西北晝多雲
漢帝將誇獵胡人復縱羣
相如游故倦誰爲薦

玄蓋副草 卷十一

雄文

感事二首

白羽插烏號風聲疾萬艘
薊門騰殺氣遼海蹴奔濤
雕落雲生濶鴻飛月出高
誰因十五女棄置佩中刀

其二

波蕩海天浮腥風黑戍樓
戈船爭耀日士馬倦防秋
氣結東南怨雲生西北愁
誰能讀書暇作計覓封侯

山堂偶成

天清收夕潦徙履下前除
鑿石開新沼疏泉入故渠
有時呼濁酒隨處把殘書
世路空相笑楊雄意泊如

其二

凜秋寒氣作開牖坐朝暾
露墜空林葉霜留蔓草根
幽禽時遶砌俗客不窺門
強欲謀生事其如懶性存

翁升同黃用晦過集分韻二首

避俗不避客衡門啓復關
波空風盪壑野曠日沉山
酒命無聊後歌成有恨間
三秋何忽忽今始一

玄蓋副草 卷十一

開顏

其二

烟薄渚鴻色寒疎庭樹枝
空池惟露積蔓草忽風披
性癖交嫌廣時危老恨遲
西堂今夜客好擬惠連詩

訪客不值獨步谿上

欲會不成會獨行還獨歌
野風吹亂棘谿日淡寒波
歲事嗟田薄山情愛鳥多
連朝驚伐木樵斧復經過

玉華山訪震師

別業開僧舍追尋有勝緣青山容借隱白石與參禪野供分林蕨齋厨引澗泉到來忘去住霜月破空烟

贈印上人

眞境無喧寂名山任去留尋空空轉病悟幻幻能修獨樹風生夕寒潭月吐秋此中多妙義莫向舍城求

梅禹金貽書云貂色敝兔頽蹟吳先生作山

長自如可以觀世矣感誦之餘聊以奉荅

詞賦沈淪日風塵擯落餘敝貂窮季子禿頽狎相

玄蓋副草 卷十一 三
如涉世無長策還山有舊廬尚存飛動意遠藉故人書

人書

冬夜

霜氣夕稜稜池塘條已永寒聲落虛牖塵影翳殘燈避俗山居僻違時野性增欲詢田舍計無乃媿陳登

客至

尊空聊送客客至復開尊應接無苛禮詎諧亦寓言枯碁分燭冷收絮向爐溫竟夕風聲起虛堂自掩門

寄吳用修

與君俱不偶離緒復茫茫落日穿林盡浮雲逐水長獨行如有礙欲濟限無梁射雉猶難獲空憐一矢亡

荅孝若見懷二首

歲晚何由見空傳尺素書風吹寒入骨愁至淚沾裾未射高壙隼先枯涸轍魚生平無限意老去漸成虛

其二

天路誰令阻人情亦復驕君辭冀北客余返郭西

玄蓋副草 卷十一 四
樵舊跡山川間新圖歲月遙惟餘文酒會高興未

寥寥

雪中作

草沒空堦雪蕭條自掩扉原平川鴈落樹密浦禽依郢里歌還獨山陰棹亦稀東南繁杵軸有客賦無衣

歲晏山居四首

門掩西顏日年光柰晚何經過惟野鹿屬眄在庭柯老去誰相識悲來忽自歌因思千古事無乃漸蹉跎

其二

倚壁空尊在堂中客不留凍泉侵戶細殘雪閉門
幽高枕山川僻端居歲月道著書無一字何以慰
窮愁

其三

天地時當閉青山隱自如樵人通野徑鳥雀下空
除日落林無礙雲歸谷盡虛寄言溪上叟竭澤不
堪漁

其四

竹敲空齋雪蕭條夕易陰故衣多斷帶短髮有餘
玄蓋副草 卷十一 五

簪禮以居山廢情緣在野深逝波誰爲返落落且
長吟

感懷

寥落羈山宇迢迢寄遠思此生多失計來日幾相
知抗俗身難屈憂時淚忽滋優游少壯去垂老欲
何爲

齋居偶述

幽獨空齋閉林林白石高縱難嬰世網猶未解天
殺文字存蚪蚪機心謝桔槔撫琴三太息山水向
誰操

對餘雪

簷際陰常合庭中雪未消春光空自遠寒意欲誰
驕柳變稀新葉梅開滿舊條出門何所適獨酌自
成謔

送徐生還越

爾向山陰去千岩雪後看地經安道宅船泊子猷
灘別景兼天暮離情屬歲闌花時應握手莫待麥
秋殘

村居

村巷蕭條際人情感慨餘故溪時復徙喬樹日應
玄蓋副草 卷十一 六

疎里俗爭趨買狂生誤著書薄田荒未置茲欲課
兒鋤

同孝若夜泛

日落停杯後涼生放棹時向空迷遠近占象識安
危柳暗三春葉桑疎五月枝更聞農語咎積水播
田遲

遺世

敢謂能遺世聊爲世所遺公孫垂老日司馬倦游
時鵲止驚風樹蟬鳴集露枝乾坤一矯首何處着
吾詩

偶作

碧草深于尺秋風忽被池登樓多暇日入谷有佳
期倦聽三聲笛饑食五色芝何當釀新秫與客日
操卮

史無涯過飲有贈

要客客卽至舉杯杯不空寒蟬泣斷柳秋鳥鳴高
桐痛飲豈知老清言如發矇幾時携手去靜嘯綠
蘿中

書感二首

北來非一使口語或傳訛岱裂千尋石沙淤九曲
玄蓋副章 卷十一 七

河操舟方載陸轉轂欲衝波世事殊茫昧吾將被
髮歌

其二

黃暈山川色乾坤濁霧生采金勤使者防塞募游
兵撫劍時悲吃投琴忽起行世人胡不察加我以
狂名

班姬怨

搗素夜淒淒班姬黯欲啼徘徊扇影沒惆悵月光
低淚向玉堦積恩隨蘭筍攜獨餘辭輦路秋草未
曾迷

聞笛

誰家紫玉笛橫向高樓吹片片梅花落枝枝楊柳
垂白雲忽不動明月還相隨聽罷無邊思空聞征
戍兒

造麴

高田半收麥壘麴隣槽牀不作杯中計其如頭上
霜汲泉後園井登秫南山場臈日饒佳興風吹酒
面香

贈客

有客赭其馬翩翩過田間自來惜苦徑未許開松
玄蓋副章 卷十一 八

關空返色不愠再投情更閒因留斗酒會陳義高
丘山

哭曹以新

胤子無從覓傳經事已違小妻如爾殉繼以新歿寡女
更誰依敗牖屯陰氣荒堦翳夕暉思君恒有淚不
獨野中揮

卽事三首

勝筭無千里亡師有七奔閣臣驅往役邊將廢行
屯士卒今兵禍壇場昔主恩誰言蕭相國容易識
王孫

其二

未泄遼陽憤休歌漸水清黃金歸北使白羽發南
兵山掘多成穴田荒久廢耕何時捐內帑一戰俾
功成

其三

寄語書生輩毋貽漢國羞終纓非浪請班筆豈輕
授歲月兵威損乾坤戰血流秋風思不極揮涕一
登樓

雨坐

秋風吹思切細雨帶蟲吟亂石空庭出頽牆蔓草

玄蓋副草

卷十一

九

侵葉聲淹獨坐雲氣擁虛襟遶砌皆流水無煩更

鼓琴

遣興二首

田家誰把苦力作不逢年進食多薇蕨驅寒有木
棉羊亡徒證路魚得在忘筌楊子何爲者寥寥草
太玄

其二

客斷堂中跡歡從稚子依蘿陰分石徑松翠落巖
扉妾解蓊新醞妻能補故衣問年垂半百未敢謂
知非

寄朱太復

罪已空聞詔才賢擯野深鼓輦春不息天地晝常
陰北極浮雲滿東夷殺氣侵詎能窺廟畧早慰小
臣心

新鵲

新鵲何馴擾低翻夕照微占晴時自噪得食每相
依未識營巢去粗能遶樹飛填河應有待莫使羽
毛稀

螢火

晝隱當幽薄宵行過短牆微明緣化火腐質不經

玄蓋副草

卷十一

十一

霜獨照山阿杳羣飛水榭涼卷書耽寂寞寧惜借
餘光

蛛絲

一經復一緯聯絡無停時欲結憑虛網還抽滿腹
絲涼風吹暗牖清露綴前輝傳得針樓巧人間總
不知

偶成二首

客游車騎盛歸賣置田租霜稻經秋獲春犁帶雨
扶書饒千帙亂酒滿百錢沽他日躬耕處從教長
綠蕪

其二

豪舉真徒爾躬耕亦偶然蠲租虛漢詔鑿井憶堯
年歸馬頻嘶轡驅牛間出田不知何所慕夢釣碧
溪烟

梅溪晚發時赴謝在杭廣陵之約

渚白草蕭蕭沙寒風色驕如何臨歲暮欲泛廣陵
潮望眼長天盡離心落日遙故人期握手青桂未
應凋

法華寺訪孝若病止宿

古寺入山僻扣君方晏眠窻飛青嶂月徑掃綠蘿
玄蓋副草 卷十一 十一

烟抱疾元無托忘名始近禪欲知身不壞常此禮
金仙

經曹以新故居

晚年曾變姓市隱向吳趨門謝簪纓客交惟飲博
徒深衷難自見每醉必余呼往事成哀些魂歸尚
不孤

薄暮舟中作

客程難自料日暮欲何之懷策空憂憤離家幾夢
思栖鳥爭野樹寒鴈落荒陂不意佳山水時因賈
舶知

橫林夜泊

岸草荒荒夕風帆落野田長懷惟遠道一望盡空
烟書劍羈南客兵戈訊北船豈緣行役久愁思忽
茫然

次毘陵卽事

遶廓千帆落寥寥一鴈過寒聲起遠樹雲色暗長
河市酒沽常薄方言聽每訛誰教爾爲客雜處畏
風波

廣陵訪謝在杭後將過金陵會臧晉叔先賦

寄

玄蓋副草 卷十一

十二

客行何所爲寒色犯江烟壯髮凋明鏡流光速逝
川霜摧白門柳鴈沒廣陵天計日能攜手情殊訪
戴船

雲陽曉發

東光稍欲發挂席海潮生殘月含霜色寒空落鴈
聲問程經野戍寓目越江城去去殊難已深知作
客情

泊江口

孤舟投岸險蔓草帶沙黃潮落江門月衣沾海樹
霜風聲何肅肅野色更蒼蒼不有杯中酒那寬獨

客腸

晴曉江行

月落雞聲中楊帆借便風烟光開遠樹海色動遙空利涉波濤息推遷歲月窮客程吾不計何必問篙工

城南曲

妾住冶城南懷春思不堪夜窻烏啞啞朝戶柳毵毵恨結鴛鴦帶光生翡翠簪何來游俠子洗馬碧谿潭

懷王季中

玄蓋副草 卷十一

十三

春日起懷思鶯啼碧樹枝草生初被徑花落已平池服食丹砂誤流光白髮欺何時理烟艇重赴故人期

城南怨二首

暫離猶不忍奈可有分攜洛水波難托高丘雲忽迷情深翻結怨夢到更含悽最苦城南宿寒烏夜半啼

其二

城南何所憶風日慘離情去棹隨波急流塵上鏡生雙飛時見蝶孤坐只聞鶯莫是章華宴令人更

絕纓

雨泊武林

維舟垂柳下雨氣盪微暄已迫看山興將符蹈海言桑稠蠶作少林僻鳥聲繁何處幽花發吹香到酒樽

江上見新月有懷

空江盪空月光細波鱗鱗破鏡期歸切蛾眉結恨新關山吹笛杳烏鵲遶枝頻此際深閨裏還應憶遠人

蘭谿道中

玄蓋副草 卷十一

十四

孤帆掛白雲雲氣亂波紋千嶂翠微合雙溪素練分曉寒侵客思宵夢托仙羣野岸雜花吐幽香細細聞

舟中雜興四首

灘流不肯平盡日漕漕鳴自笑杯中酒何如水更清青山隨岸轉綠樹向舟迎處處堪投釣臨風空復情

其二

亂石濺流澌舟行苦太遲游魚依水族旅客仗篙師未試丹砂術空懷瓊樹枝金華歷仙窟儻遇叱

羊時

其三

素琴風若掃移枕聽巖湍石覆藤蘿古天垂浦敞
寬赤城霞起爛鴈宕瀑飛寒夢落此中久東游定
不難

其四

終朝俯舷際不見一人漁涉歷少塵境攜來多道
書浪花吹石壁雲氣薄丘墟望望迷前適千峯夕
照餘

阻舟松溪

玄蓋副草 卷十一

五

溪水忽已落輕舟欲進難不須貪利涉但自足游
觀石激灘聲起風澄波色寒暮山看轉近空翠撲
眉端

過溜灘率成

雪噴灘流急斜陽挽後遲山家方弄艇水鳥忽登
枝怪石衝波起崩雲觸岸移垂楊無一樹何以慰
離思

度大鶴嶺小鶴嶺

峻嶺踰重峽松風蕩客愁仰窺千嶂疊俯鑑一溪
幽輿向空中度雲從衣上流不將身試險何處覓

奇游

竹洲早發

草草作晨食行行犯曉寒清溪纔數轉危磴已千
盤觸石雲生岫牽蘿霧隱巒人生能歷此蜀道更
何難

松鶴齋小集分賦江字

一徑水淙淙飛來白鳥雙桐陰侵石砌松翠濕山
窻酒送青絲騎花吹碧玉缸遏雲纔度曲落日下
烟江

陳公理招集園亭分得檐字

玄蓋副草 卷十一

十六

捲幔雨纖纖開樽興轉添鮮痕滋亂石山翠落虛
檐親友高情洽園林勝事兼雜歌無定曲秉燭夜
將淹

暘湖泛月

山月忽以吐烟鎔空水明一時歌吹發催放酒船
行杯瀉金波滿衣飄玉露清林迴天不盡海上曙
霞生

何无咎邵少文柯茂倩過訪夜集因賦

故人方滿座令我忘他鄉片石臨池暗叢蘭裊徑
香捲帷通雨氣剪燭亂杯光抱病難深飲微吟興

亦長

五日席上呈叅知王公

五絲逢令節兩度醉君家
棗杏傳朱火葛蒲泛紫霞
簾通新乳燕庭發舊栽花
艾葉懸何處徒令感鬢華

登飛霞山

飛來五色霞食罷勝胡麻
遠客非無托長生詎有涯
仙源通紫澗靈氣結丹砂
東海茫茫綠蟠桃幾著花

和王季中詠獨鶴

玄蓋副草

卷十一

十七

悵失臯禽侶徘徊顧月明
遶行疑並趾矯吭只孤鳴
未少凌霄意難爲引啄情
幾時從子晉緱嶺伴吹笙

暑香亭觀荷花分韻時以優重佐觴

開酌臨芳榭香來逐晚風
紅衣披檻外翠影落波中
越女嬌應妬吳姬色較空
欲裁新樂府無過採蓮童

宿知樂軒

蘿烟忽已暝熠燿流空除
暑氣臨池減泉聲落枕虛
莊生疑化蝶惠子不知魚
何似聞清籟飛沈意

自如

擬游天台以暑不果悵然有作

擬向天台去其如赤日何
胡麻分客少芳草妬人多
遙望霞成綺空聞海不波
何年訪仙術華頂遂捫蘿

薄暮登華蓋絕頂

樹頂合鳴颺江流帶郭遙
月升滄海鏡霞歛赤城標
塵鞅粗能謝雲車未可邀
松根踞片石長嘯薄烟霄

東園獨步

玄蓋副草

卷十一

十八

授粲因人飽曾無獨酌時
偶然終博局率爾步園池
積霽開殘照新花落故枝
已忘身是客不識主爲誰

詠美人蕉

托根雖片石佳麗擅南中
却扇身難蔽臨窻夢易通
紅顏時泣雨翠袖欲凌風
一入維摩喻方能悟色空

詠八卦魚

一鑑鑑文魚陰陽擬化居
波痕分斷續水德合盈虛
羣動參義畫神游契洛書
已通落見理龍變更

何如

詠雙頭蓮

金塘發菡萏掩映綠波明照日分雙影搖風共一
莖並粧奩粉散重暈臉霞生倩女誰能辨芳魂未
合併

東屋偶作

山色落庭際藹然眉宇蒼主人適公府客子罷壺
觴欄竹傳清響池花澹夕光羈棲同越鳥好雨夢
生涼

松下聞蟬因成詠

玄蓋副草

卷十一

九

閑坐松下石靜聞松上蟬聲流碧漢外思發秋風
前受性本高潔乘時聊變遷清霜留薄質持此謝
貞堅

爽然臺看月

登臺攬明月林樹歛烟霏影動青團扇涼生白苧
衣草低螢息照枝近鵲停飛久客無鄉思沈酣露
欲晞

橫塘夜泛

名區容遠客野水泛輕航杯蕩波光白衣蒸海氣
涼渚田風澹澹烟樹夜蒼蒼路遶橫塘轉花吹紅

藕香

乘漲

城南朝放艇秋水正平堤竹日明青嶂蘿烟散綠
溪天空江樹小浦濶野橋低老矣將歸客蒼茫海
思迷

歸思

歸思忽已結秋風吹不開紅蕖落芳沼碧柳摧高
臺露重蟬初咽江空鴈欲來自憐歸夢冷莫謂劒
歌哀

游仙巖四首

玄蓋副草

卷十一

十

拾棹遵長薄溪流宛轉通紫烟藏石道蒼岫吐琳
宮細草幽芬積深林返照空偶逢方外侶攜手入
雲中

其二

山氣秋冥冥看山策屨停飛泉縈曲磴亂石倚空
亭竹密交峯翠松高蔭谷青何年分一壑長此誦
丹經

其三

名山懷勝游游勝及清秋榕樹攢崖古藤花落礪
幽霞連丹障起雲抱紫巖流日暮穿陰洞涼風生

客愁

其四

最勝無過水逶迤遶石龕懸流春作碓飛瀑瀉成
潭接竹分餘溜披榛漱晚酣塵纓未可濯何處有
停驂

別王季中二首

情深難別別更別汝翁難欲慰親交念母忘子舍
歡後期言數數前路恨漫漫最好秋山色無端掩
淚看

其二

玄蓋副草 卷十一

主

作君三月客乘興日看花直置花看畢依然遠憶
家海潮天際落江路望中賒行李無煩治攜歸但
紫霞

括蒼道中

田事此云薄蜜房家望收草迷山市雨花落野塘
秋負戴多斑白輕肥少貴游故園歸自好險道不
生愁

憇山家卽事

茆屋隱修竹輕輿聊爲停蟲吟豆花紫鴈度楓林
青壘石苔生壁連山翠作屏幽懷日已適澗水復

冷冷

候薪

欲舉舟中爨能無待束薪自憐成野客終是媿樵
人石火敲猶斷墟烟忽望新停橈向浦樹風色歛
江蘋

樵客談負薪之苦因述

客至言樵苦崎嶇越嶺重朝緣虎豹跡夕涸牛羊
蹤易穀遠趨市舉家方待春始知孫叔子不薄寢
丘封

沽酒

玄蓋副草 卷十一

主

市酒沽來薄三杯傾夕曛家園常厭醉客路苦難
醺烟合江中樹天低嶺上雲林田秋事在累月不
相聞

買魚不得偶成

買魚魚不得誰識賣魚師落日照歸艇秋風吹釣
絲江楓分浪影岸草澹烟姿海錯攜來遠猶堪佐
酒卮

桐廬道中

怪石凌空起千崖一水分波光朝盪日嵐氣晝蒸
雲山市少人集漁歌斷客聞鳥啼秋漸苦何處吊

桐君

聞季豹客西湖竟之不得悵然有懷

訪客遍西湖輕舟在在無若非逢倒屣定是過當
壚波濺白雲濕林銜片月孤歸帆風忽便惆悵下
菰蘆

玄蓋副草卷十一

玄蓋副草 卷十一

三

玄蓋副草卷之十二

吳興吳稼登翁晉著

五言律詩

秋思四首

秋風一夜至賤妾早愁衣絕寒寒應動中閨夢未
稀烏啼轆轤井月照流黃機何日邊書入傳呼驃
騎歸

其二

四月採桑枝忽當黃落時搗衣尋故杵織素理殘
絲露飲寒蟬泣霜合秋草悲天邊飛破鏡歲歲改
玄蓋副草 卷十二

一

歸期

其三

野外悲笳動馬嘶邊客傷五原秋氣苦八月卽飛
霜漢隴黃榆合胡天白草荒那知少婦夢夜夜到
沙場

其四

碧草亦已歇朱顏寧復酡窻前一夜雨滴破滿池
荷返路關山近狂夫游俠多恩情歸故篋愁聽白
團歌

憶遠二首

沙塞三千里迢迢夢不閒中閨秋月苦早落玉門
關寒入重幃裡愁生獨枕間誰爲向夫壻數數示
刀環

其二

生割帷中戀蹉跎近十年君書猶未達妾信亦空
傳夕望迷關月春光沒塞烟窻前桃李樹盡數不
成妍

送孝若北上三首

長途不可望芳草已如斯滿目皆春色傷心是別
期君才安用老吾意不違時莫以連城易常懷抱

玄蓋副草 卷十二

壁疑

其二

此去春風裏君行不苦寒柳烟青客舫花雨濕征
鞍中使臨關監輕裝卽次安從來多遠畧莫爲棄
繻難

其三

我老君還少行藏自可憑深山安豹隱大澤見雲
蒸沙草猶含凍河流已泮冰故交應在念西北豈
無朋

過允兆漁舍分賦三首

放艇湖天濶安知是霅西花香微出浦草色暗浮
隄漁父不垂釣野夫安杖藜但云無所事山水日
招攜

其二

汎宅無從覓還應避客稱雲迴波澹澹山複樹層
層草澤人難返蒲輪事可仍不知魚賣否高柳挂
漁罾

其三

一水浮春綠桃花逐岸飛波光閒筆格嵐氣重簑
衣魚樂寧知我鷗馴本息機白頭鄉曲伴幾個販

玄蓋副草 卷十二

樵歸

和允兆霞霧山焰口施食二首

鬼自何年餒來歸覺路賒未能離六道且聽演三
車異域兼同域無家及有家一魂如入悟火焰吐
蓮花

其二

夜久傳鐘磬空山古佛堂乞哀寧道路施食自壇
場說法同西域招魂異北邙從前修短定且莫咎
巫陽

同潘景升過瓦官寺竹下

與君入古寺宴坐當中林寒翠落幽徑秋陰澹虛襟移時暝遂迫小語歡不禁擾擾都城客安知靜者心

別季豹

我欲歸天目君將客廣陵心知易成別身計轉難憑柳色迎霜綠河流帶雨澄山川愁欲間夢赴白雲層

別潘景升

罷酒當朝旭聞歌又夕曛長千秋正好其奈欲離羣山翠時蒸雨江波忽蕩雲莫教魚腹字經歲斷玄蓋副草 卷十二 四

相聞

南歸病懷六首

扶疾歸途遠更深始到家應門驚秉燭僕御喜停車幕去營巢燕庭棲擇樹鴉未須嗟損落萬卷足生涯

其二

起居聊自適客舍豈如斯桐井鳴風葉松窗暗雨枝生爲多辱地病是寡營時坐見蒼黃變能無感素絲

其三

有婦安余嬾因之懶益增塵蒙斐几暗雨漬林田崩身異無家客綠隨行脚僧何年禮名岳一鉢掛蒼藤

其四

生平自櫛髮病後賴姬人蓬髻時吹雪蛾眉不放春華滋周密樹寒翠落疎筠久矣知憔悴無煩拭鏡塵

其五

何肉猶難斷晨昏進一蔬衛生聊有紀飽噉不如初遺粒呼兒拾荒畦課僕鋤年來思檢括人事愈玄蓋副草 卷十二 五

成疎

其六

三益頗虛望苔生一徑荒朝傾葵葉露秋老桂枝霜誤落人間世將投釋子場不須思善後前事已茫茫

寄允兆二首

淚盡帝城邊君然我亦然功名甘已矣丘壑擬終焉但隱寧樵谷雖漁不釣川祗應長握手一笑破蒼烟

其二

野戰血玄黃時危合遁藏才爭誇倚馬肆願逐屠
羊山鳥遺音遠川雲結夢長豈無衣褐計感詠北
風涼

憶昨

憶昨長千里諸公強病身目成桃葉伎首曇芙蓉
巾夕月流歌扇秋花落舞茵豈非娛樂地終不滯
歸人

伯兄讀余永嘉集喜而貽詩賦荅二首

士豈無知已難於骨肉間幾堪驅末路欲共老空
山弋釣嬉游簡琴書晤對閒草生池又綠波色蕩
玄蓋副草 卷十二 六

春還

其二

法言安用作風雅豈非經薄俗工塗抹吾兄具典
刑漫游曾泛海歸夢只趨庭及此園荆合相將保
暮齡

過允兆夜集分韻二首

一棹衝寒過入門春色回翠添新徙枯香細舊開
梅末路名爲累流光老暗催盤餐斷葷血猶許醉
深杯

其二

推移當世故忽醉忽醒難君自成高隱吾將付達
觀夜禽棲月靜春草帶霜殘烟水誰能覓雖漁無
釣竿

東遊留別吳允兆俞美長錢象先黃伯傳吳

子野范東生茅薦卿孝若分得留字枝字
山川何處好乘興復東游交合忘新故身閒任去
留花香吹短鬢野色動輕舟祗是難離別曾無作
客愁

其二

一杯方共把笑我欲何之作計憑誰決謀生不自
玄蓋副草 卷十二 七

知草香通遠道鳥語出高枝東海茫無際歸雲託
夢思

栖水遇潘景升攜李如期舟中相招夜飲因

賦

美人家未識客爲致殷勤波影微侵襪歌聲間過
雲綠尊春不竭白舫夜初分繡被如能擁真成遇
鄂君

別景升

流水日夜去與君離思長已知生不偶敢謂樂無
荒道遠勤闌夢關嚴戒客裝莫教花落盡始爾渡

錢塘

用別景升韻贈別如期

擲果向潘郎知非夜度娘自能裁袖短誰與畫眉
長後會寧良宴相逢偶一方妻妾堤畔草容易染
秋霜

白溪登陸

所經皆適目無負作春游野屋雲生井荒厓石迸
流好奇能歷險不倦是探幽花氣吹衣濕還疑在
客舟

度稽溝嶺

玄蓋副草 卷十二

八

稠疊千重嶺逶迤百折梯白雲空掩映亂石碍攀
躋屢憇人猶喘頻來客亦迷正思前路飲下坂忽
聞雞

飯雙溪館

山行真不厭旅館有餘清滿戶流松翠臨堦激水
聲樂饑非客土因熱豈余情僮僕深憐主更當執
爨名

括蒼山行卽事二首

氣候殊難攝更衣不暫閒時寒時燠際忽雨忽晴
間廢寺多依嶺荒田半在山未昏先計宿林鳥幾

飛還

其二

荒僻奇多寓人烟間野蒿懸崖臨巨壑亂石激飛
濤岸幘凝眸遠乘輿歷磴高自嫌筋力緩深憫僕
夫勞

寄孝若

別子城南隅歸休宅一區塞門將取棘飯屑每收
榆老尚爲文役貧難受世驅生平懽問產今日始
知迂

山城秋夕

玄蓋副草 卷十二

九

上築常依野看山不厭城未成吳市隱偶輟鹿門
耕雨氣含秋淺蟬聲逼夜清幸無車騎過獨酌有
餘情

山途卽事

徑仄荒多梗空山意泊如相逢半樵語所挾亦農
書香發稻花放實離瓜蔓疎浮烟風忽捲秋色散
衣裾

釋憤兼示內二首

已迫貧居役兼嬰俗累牽到今方學圃悔昔不求
田躁動神應損狂馳度亦愆若非卿善解焉得至

長年

其二

偏人氣卓犖垂老未能平與物言多忤因人計少
成流難容濁楚室欲避高明何日攜萊婦空山事
耦耕

送祝無殊之鹽官

世薄緇衣好胡輕去故鄉客皆深作事爾獨願爲
狂嵐壓山城雨風吹海樹霜豈因生計拙辛苦逐
漁商

夜感

玄蓋副草

卷十二

十

一燈寒少燭相對鬢絲絲露氣蟲知穴風聲鵲徙
枝家貧寧負客累重始婚兒且莫嗟門戶辛勤有
婦持

夜坐卽事

短燭初更跋霜威逼夜多南隣方奏舞北里復揚
歌難狎羣兒戲惟容野雀過廢書叅佛語病識一
維摩

宵宴

强笑陳歌席終難奉客歡未能傾一石聊爾避三
端興竭香初燼神疲燭半殘飛霜滿庭砌誰謂不

知寒

送汪生還宣州

留汝不得住一杯將奈何詎言爲樂少猶恨別離
多雲擁敬亭樹霜清宛水波後期應自愛頻肯託
聲歌

獨居

雪深寒袖手燈影翳殘書飲已虛長夜愁還伴獨
居梁塵寂不動徑草荒未除良宴春難負梅花雀
啄餘

寒夢

玄蓋副草

卷十二

十二

道里豈云遠寒深夢欲迷初疑漁浦上復在敬亭
西野樹烏能宿陂塘鴈亦棲寥寥空宇內獨使有
分攜

偶懷

絲竹曠清音山川託遠心松流空磴雨蓬蕭野田
陰浪喜聞朝鵲閒愁逼夜禽微辭通夢寐洛浦不
貽余

曹能始暫寓攜李過訪夜坐各賦三首

入門何所見惟見滿牀書以我好不淺聞君談有
餘挑燈時離席就火忽牽裾夜半回舟宿漁人苦

市居

其二

落日風忽起濃霜吹島藤墟烟寒歛翠河水薄生
水戶貯山僧鉢門連漁市燈問君章服在未慙寓
公稱

其三

盤飧出薇蕨令我薄羶腥累酌驅寒色深談逼曙
星客途殊不惡歸計未遑寧好踐春游約梅花滿
洞庭

入山卽事

玄蓋副草

卷十二

十二

冒雪出山谷歸來雪未消東流膠斷浦水柱歷危
橋野色曠仍合鳥聲寒不驕昨從漁父醉今復去
爲樵

齋坐

木葉脫未掃霜華朝染多寒山澹無翠遠水微生
波開卷忽成嘆當杯時廢歌年來不照鏡容鬢任
蹉跎

寄懷戴伯叔四首

白門一爲別三見柳條新去魏思公子游燕托酒
人乘時聊玩世降志豈榮身丘壑言多放難從輦

數陳

其二

經國各相負驅馳感舊踪君謀適不用吾意遂無
庸流水空琴軫長虹失劍鋒春華倏桃李誰念後
凋松

其三

黃河蕩白日千里隔浮陰舊曲悲桃葉歸期曠竹
林徙家多置酒破產不留金舉世營營者安知達
士心

其四

玄蓋副草

卷十二

十三

壯志消難盡毋輕從事衫闕庭寧負愧鄉曲幾羅
讒楊柳青絲轡之苓白木錢分途情自異無已獻
三緘

花朝同吳允兆曹能始茅孝若陳惟秦徐尚

之呂叔與錢叔達陳孝慕汎夾山漾以花

朝春晴爲韻

風日宜沿汎迴流蕩白沙林光開宿靄湖氣變晴
霞適意聞幽鳥怡情向早花一丘能緩陟繫艇釣
人家

其二

溪水碧於玉千林雪乍消人情沿舊俗花事驗今朝
寒翠涵空谷春波落斷橋勝游兼勝地不負出山樵

其三

一唱江南曲江南無限春草吹風色淺波盪日華
新城郭看花少溪山載酒頻幾經芳候改行樂在閒身

其四

興發殊難遏今春始放晴野梅寒綴萼岸柳細含
榮游楫常攜屐展移庖必出城日斜歸尚緩倚石見

玄蓋副草

卷十二

十四

雲生

送陳惟秦之金陵

忽漫離歌發君之白下亭壚頭罷沽酒江上待揚
舲草色分波綠烟光合樹青幽懷何以贈杜若滿前汀

舟發吳門東溫長卿太史三首

一望皆春草空波蕩客愁誰羣范蠡宅自載李膺
舟文史敦新好山川耐薄游囊錢不滿百昨夜醉壚頭

其二

長河雲淡淡沙際失鳴禽王事君無替羈懷我不
任麥含春野秀柳接暮山陰流水無今古深心托素琴

其三

逐君前路去登覽亦悠哉動色惟山水傷心半草
萊沙頭津吏集天際榜歌來忽漫思漁釣烟波夕照開

同溫長卿登金山二首

江勢搖坤軸江光沒島痕微茫窮四表突兀見孤
根疊嶂連京口驅濤入海門同游指竒絕落日更

玄蓋副草

卷十二

十五

開專

其二

空江變日彩雲滅復雲生樹沒天無際帆過浪忽
平古藤垂少碍絕壁俯多驚吳楚風烟接茫茫今古情

次廣陵漫作三首

曉看京口月暮拂廣陵烟柳影時分浪花香幾到
船市人襲重錦商女弄繁絃一片豪華地誰論大業年

其二

日映維揚郭朱樓夾道高銀筆徒殫客金穴豈知
豪鹽井周千里漕渠集萬艘游觀非往昔夢落曲
江濤

其三

春江不可望一望一懷愁南北纔俄頃山川遽阻
修漁舟虛雪水客路取邗溝豈逐繁華子金羈耀
陌頭

經邵伯河

日氣成陰暄波光益渺然茆茨依麥隴柳渚帶茭
田止酒歌難廢抽書坐屢遷老爲江北客愁思未
玄蓋副車 卷十二 十六

能捐

過于宗伯先生東園四首

園開狼水北地割穀城偏結構惟師意行游不記
年竹堪藏履道花欲納平泉寓目皆成適攜琴許
就眠

其二

遠岫雲常接空堂夏亦寒古槐餘兔目老檜作龍
蟠移石成山易流杯借水難儵然一命屐已覺勝
情寬

其三

車轍時能謝園扉畫不局每通東郭履未勒北山
銘旣樹資雙井看花藉一亭主籌形勝熟高枕著
圖經

其四

客來緣問字間一命壺觴嵐氣朝成靄藤陰午薦
涼駐齡多藝菊供稅嬾栽桑儻許餘生傍求田汶
水陽

臥病南溪郭汝承過問

臥病生鄉思逢君鄉思消尚難親藥裹終不破詩
瓢榆色映谿路古鳥聲當戶嬌可憐杯酒廢落日坐
玄蓋副車 卷十二 十七

蕭蕭

過東流池上

池水日東流池魚西上游有磯聊踞石無釣可垂
釣樹色翠疑合草光寒欲浮徘徊幽思發返照媚
潛蚪

留別于宗伯先生二首

伏謁暑方熾借我中林逃烟草絲朝翠風松激夜
濤尺書朝貴絕殊禮腐儒叨廩粟時能繼兼無亟
拜勞

其二

燕邸分冠蓋誰爲夙所欽從公良不偶好我一何
深世薄隆中臥人操濮上音詩成今欲秘肯破拾
遺琴

張秋登舟北發

落日駐征驂登舟縱晚酣經時客濟北昨夜夢江
南酒肆差堪隱僧寮亦可探莫教尋野服輕去混
朝簪

阻舟天津二首

停舟非客意惆悵便風時野氣蒸雲薄潮痕落海
遲饑禽啼古堞老馬臥空陂楊柳絲絲碧逢秋不
玄蓋副草 卷十二 十一

自持

其二

兼葭渺無際涼露早蕭蕭春葉辭秋幹朝暉止夕
颺枕虛歸夢積帶緩去鄉遙愁思千重結流波蕩
不消

舟夜雨懷

一雨秋偏急悲涼入夜多銜蘆看過鴈滅燭恤飛
蛾壯士凋青鬢愁心蕩白波牀頭古刀在三嘆自
摩娑

荅溫長卿太史

我忘君貴客君急我窮交但有平原飲曾無楊子
嘲塞鴻能避弋越鳥未安巢極目驚時變愁心滿
四郊

荅朗公

夜語立草際露蟲時一喧師能振禪藻余尚昧眞
言空境無京洛塵區有給園青蓮何處覓流水寄
浮根

方嗣宗招集魏姬館

才色兩相違古今無異情美人爲君子名士悅傾
城花氣秋含冷杯光月借明北音非不競新曲習
玄蓋副草 卷十二 十九

南聲

寄王季中

平生厭京洛不意成茲游失我素所負感君無以
酬西林復嘯暮南渚鴈賓秋夢斷青山月波聲蕩
海樓

寄何无咎

以我壯游計輸君終隱情山樓美眺望京陌困逢
迎夜鵲風枝定涼蟬露葉明誰令愁達曙對酒不
能傾

雨坐東溫長卿

客居方在北盡日見浮雲晝色雨難辨寒聲秋忽
聞羣書閒几閣一室藹藹熏不是耽杯酒尋常欲
對君

方嗣宗生朝宴集分得寒字

客厨供具盛斗酒醉長安問齒君差長論交我更
難雲光秋盪薄霜氣夜吹寒滿百生年祝母虛秉
燭歡

賦得昇仙橋送吳倅之涪州

相如昔未達題柱期名成一自乘車過爭看負弩
迎參差存石勢浩蕩寄波聲論蜀誰能嗣君母憚

玄蓋副草

卷十二

十

遠行

贈唐生還欽

爾鄉多激烈胡乃獨幽深近市常如隱知詩反廢
吟征驂疲遠道饑雀怨空林須識陶朱富其名在
散金

送米仲詔明府之銅梁兼寄黃昭素宮庶四

首米爲黃門人

形勝推西蜀驅車遠道行看山精畫理仲詔善畫聽水
妙琴聲美政咨良史遺風訊老更栽花春滿縣不

讓錦官城

其二

送爾之官日難憂起綠尊交游傾帝里經術重師
門庵寺愁生變閭閻泣待恩播戎新討後隣境幾
家存

其三

秋色供西望雲生石刻多草枯巫峽氣楓落錦江
波仙靄繁鳬鳥仁風破雀羅好因莞爾笑益自信
絃歌

其四

春雪高浮浪江聲到訟庭閒情對芳樹公事坐寒

玄蓋副草

卷十二

十一

星盡變巴渝曲工題劍閣銘子雲辭載酒昭素獨斷酒
許叩玄經

溫長卿招余徙私邸賦答

歸計猶難作青山曠採薇故人能授粲客子自忘
饑風急鳥栖早霜清葉落微非君有深好何處見
緇衣

沈伯含武選過訪賦贈三首

旅舍荒堦薛誰令轍跡新豪賢欣下士羈客畏逢
人賦壯燕山雪歌回黍谷春波流皆濁水何處奉
清塵

其二

醉別西湖上依稀近十年看花虛泛艇流水輟調絃
莊鳥寧忘越荆卿未去燕相逢語不盡日墮酒壚邊

其三

真曲如能聽母云大雅亡誰將美丘壑君自在岩廊
樂府標新詠名山指故鄉夢中天目路秋老綠羅霜

玄益副草卷之十二

終

玄益副草

卷十二

王

玄益副草卷之十三

吳興吳稼登翁

五言律詩

長卿問藥簡謝

爲文無可薦善病似相如談廢銜杯後情深問藥餘
疾風吹暗牖寒氣肅空除迢遞家千里中宵夢自虛

病懷兼呈千秋長卿三首

掩戶朝霜白誰令薄中寒偶生妻子念仍向友朋寬
採藥何由遂攻詩苦未安京華冠蓋滿落落借

玄益副草

卷十三

一

交難

其二

伏枕當斜日高城急暮笳同心俱故里惠問總天涯
思入邊庭月情深杜曲花病中何忽忽累夜夢還家

其三

木葉脫已盡霜風吹綠潭病軀徒緩帶短髮不勝簪
交誼窮偏篤人情老自諳謝公門客在若箇是羊曇

早臥二首

早臥成吾嬾誰憐抱病身木皮冰結厚薪草火傳
頻孤劒能依客殘書幾誤人夢來殊有意不獨故
園親

其二

早臥宜幽獨鳥聲入夜微挑燈兼搆火擁被更加
永寒夢流黃促鄉愁鑷白稀出門風色惡每出必
成歸

詠盆梅

盆盎休嗟隘盤根異衆柯寒芳攀折少春色轉移
多豈不經霜雪其如遠澗阿一枝淹客思歸夢失

玄蓋副草

卷十三

二

江波

望西山

極目帝城西山光翠欲迷泉通天禁遠峯壓虜塵
低蒼靄縈空樹明霞護石梯何當飭杖屨處處得
攀躋

同鮑山甫武選樂爾律膳部莊靜甫羅伯倫

二山人集沈伯含武選宅

高會偕心賞深談見古情苑雲流夜色城樹起寒
聲淺酌先成醉微吟久厭名巖廊與巖壑相顧笑
儒生

贈樂爾律移居二首

卜宅都城內蕭然寄一官車書仍滿載囊粟尚餘
餐乘暇宜栽竹趨公自握蘭本無幽谷意何用羨
飛翰

其二

故馬嘶新櫪朝回客過從句應含雪冷酒豈待春
濃北牖風常掃西山霧不封徘徊朝與夕長樂度
霜鍾

雪夜同米君夢姚幼常集溫長卿宅分韻

捲帷看夜雪不避北來風柳絮先春積梅花到夢

玄蓋副草

卷十三

三

空林光通戶白酒氣暈燈紅燕市悲歌發翻疑在

郢中

其二

積雪皎于月高齋坐夜分游梁殊未倦訪戴幾爲
羣虛牖生寒氣空堦裂凍雲諸公皆痛飲吾意在
微曛

寄示翁吉弟二首

草率離丘墓愁來不可禁干時終少策避俗亦何
心苑囿行邊曠池塘夢後深賣文空作活緣手散
黃金

其二

燕山十日雪風射紫貂寒長夜空爲飲窮愁總未
寬公卿好黃老法令急申韓儒術終何用歸將老
鵲冠

得震師書却寄二首

故園日在望忽得道人書不事空相憶惟言耐索
居寒雲驅障塞幽草變庭除塵累何年畢焚香坐
敞廬

其二

書來能破妄何處更尋真客少天涯夢交多世外
玄蓋副草 卷十三 四一

人松風遙隔夜蘭雪早含春緇素終能辨衣今欲
化塵

畱別長卿六首

一人知已在不枉入長安故國懷思切孤身去住
難花香吹別酒草色引征鞍相憶寧無淚將從何
處彈

其二

塵榻到爲掃畱連半載餘涵余無俗客任爾有高
車對飲皆名酒同觀必異書別來如憶此好爲寄
雙魚

其三

美譽收高簡兼之翰墨林乘時能自愛好古一何
深揚摧慙無補睽離老不任肯將流水調世路覓
知音

其四

交道誰爲廣將從四海論那知心契者仍是故園
人快意當詩席餘情及舞茵終然切歸思非止厭
京塵

其五

身處言無用徒來橫議名更誰排世難獨子鑒余
玄蓋副草 卷十三 五一

情風色驕行路春光遠帝城那堪求友意馬上聽
鶯聲

其六

貴來難見狎賤日易成羣客且猶疑我誰能盡識
君肝腸終不間形影若爲分南去空回首蒼茫碣
石雲

出都書懷八首

久客非吾事言歸及暮春鶯花容作主草莽許稱
臣徵發金錢盡誅求道路貧憂時寧得已流涕向
何人

其二

爛醉壚頭酒曾停白鼻騮壯心驅出塞春色伴還家翠浪無非麥黃雲半是沙蕭然立孤影相逐有楊花

其三

憂心何處寫載酒日徵歌差勝逢簪組終輪在薜蘿春光殊澹蕩歸計肯蹉跎花片隨風急吹來馬上多

其四

回首瞻雙闕浮雲欲蔽燕林光春乍變野望日空玄蓋副草

卷十三

六

懸幾處貽芳草長懷躡紫煙安期曾說楚終不礙游僊

其五

性靈詩不損天地自然音未得陳清廟麤堪寓素琴榮名付當路老友許長林

謂允兆

風雅其誰主相將白髮侵

其六

隱居惟適志率爾戒南轅豈不憂多事終難托放言黃塵迷絕塞青草暗長門亦有爲驩處歌聲雜淚痕

其七

客游恣京洛興盡還江東本不求聞達安知有固窮燕姬宵醉月塞馬曉嘶風作計差無負餘情落夢中

其八

故人不輕別惆悵蘆溝橋黃鳥飛且急紫騮嘶復驕但云歸日樂寧計客程遙新水平荅雪垂楊隱畫橈

經孟嘗君墓

埋骨何年事黃金鑄俠成輿圖傳馬鬣關客憶雞玄蓋副草

卷十三

七

鳴蔓草迷荒壘浮雲失故城若無彈鋏者好士亦虛名

經毛遂墓

不見平原客茫茫野草春衆心輸脫穎尺土翳荒榛頸血能汚楚游魂不傷秦吾生雖愧爾落落不因人

江行雜成四首

春帆張海日春草沒江天屢載東游屐新攜北客篇林高花出霧山合鳥啼煙行役非牽俗樵歌忽傍船

其二

映水朝霞赤連山晝雨昏推蓬衣乍濕蘊火酒常溫
沙岸膠舟腹雲林露石根雞聲烟際出謁謁近江邨

其三

春雪消成漲開舟浪忽排奔流翻巨石飛瀑瀉層厓
煙樹深漁隱風花散客懷川梁應有濟生事付青鞋

其四

佳境宜緩棹朝吟李白詩古今寧異好山水自多玄
蓋副草 卷十三 八

奇天與空波合雲隨列嶂移中流一長嘯漁艇競相窺

王季中招飲花下

載酒來花下看花復舉觴花能添酒色酒亦助花香
密葉藏禽語疎枝漏日光更聞歌吹發春引興茫茫

題王季中雲波舫四首

雲濤浩無際泛艇興逾賒五夜邀明月三春載落花
山川容放跡煙水恣浮家遠客時能共還疑上漢查

其二

永嘉多勝事今乃在仙舟巒翠綠牕合林香入幔
流片鷗迎遠渚宿莽攬中洲不待山陰雪人皆識子猷

其三

畫舫饒新製煙波逐暝開風來憑曲檻月出眺平臺
顚露淹歌吹青天落酒杯吾生蹈海志爲爾且遲回

其四

大陸波濤滿逃名一舸中余猶慙范蠡爾自勝張
玄蓋副草 卷十三 九

融楓岸沿秋泛花谿逼曙通欲知僊路近來往借樵風

林思洪攜具偕邵少文周姜二生登華嚴山

二首

昔持華嚴偈今躡華嚴山野色空無際江雲去復還
紛披蘿作磴窈窕石爲關會得冥冥意何妨有醉顏

其二

登攀疑佛土邂逅復僊童採藥非吾事攜尊藉主同
泉流通曲澗松影落高空最喜煙嵐合歸當夕

照中

旅夢

旅客貪秋夢秋來夢枉成迢迢懷故國忽忽到邊城
馬踏胡霜冷關驅漢月明虛牕驚葉落腸斷搗衣聲

集王昭文山閣卽事二首

高臨朱閣迴僊洞隔藤蘿欲掃塵緣盡其如樂事多
圖書更索玩少長雜成歌杯底無塵俗煩言醉不訛

其二

玄蓋副車

卷十三

十

朝酣直至夜主客兩離披曠士何其曠羈人自不羈
雲霞當檻發星斗傍檐移雜坐無倫次燈輝暗酒卮

感秋二首

露坐感秋天秋條泣露蟬夢魂驚海日懷抱鬱江煙
白首能存故青雲幾好賢此非京洛地空有布衣權

其二

久客海東頭空波瀉客愁山光遙映日雲氣亂生秋
遠夢驅邊馬閒情狎野鷗平原豪舉者巖穴肯

從遊

過王昭敬齋中賦贈二首

高齋暇卽過書籍滿牀頭爾力能稽古吾衰不夢周
羹牆歌祖德戶牖恣天游豈似牢騷客尋常爲感秋

其二

對客難終宴過君坐日長野當求禮失樂可補詩亡
滅燭虛髡飲疑塵翳變牀不煩規諷後始爾樂無荒

寄內二首

玄蓋副車

卷十三

十一

春露倏秋霜蹉跎憶故鄉夢回庭樹綠目斷海波黃
骨相煙霞老鋪糜歲月長未聞天下士知己在閨房

其二

秋深明月樓歸計負刀頭蕙草忽已歇桑枝寧復稠
俠心仍慕道仙骨豈封侯屢夢乘煙霧吹簫碧海游

詠木芙蓉三首

共道春花豔秋花豔若何湘娥堪倚竹洛女不凌波
霜貨紅顏老寒依麗質多繁華應爲殿莫自感

蹉跎

其二

初日還宜照元非出水枝盈盈泣露臉灼灼弄秋
姿怨續湘纍賦奇分謝客詩空江何用涉遠道自
堪貽

其三

木末誰爲采相望一水遙無塵安待濯不語自含
嬌艷思團霜榦紅芳怯露條豈同蒲柳質寂寞怨
秋彫

王季法攜酒東園見招

玄蓋副車

卷十三

十二

主人緣客放客爲主人豪借蔭必嘉樹相驩唯濁
醪花疎秋圃曠山突野雲高歌罷鳥棲曲清霜滿
布袍

行園詠鶴

霜鶴唳霜空翩躚蘿徑中暫教依海客會待逐僊
童夢警竹間露翎梳松下風縱違霄漢志猶勝在
樊籠

秋夜有懷

孤燈掩虛室獨枕撫空牀客寐何緣假秋宵一倍
長離懷江水急薄命柳條黃西月橫天落鳥啼滿

樹霜

東園賞菊

秋氣滿林黃秋風發露香花應勝籬落客似過柴
桑句向餐英得憂從泛酒忘頽齡聊借駐復此惜
年光

詠菊二首

菊豈同凡卉名從月令傳清芬薄玉露寒色麗金
天楚客餐寧廢陶家地自偏肯教籬落下容易委
秋煙

其二

玄蓋副車

卷十三

十三

寒花寒始放相對坐蕭蕭霜質本孤潔秋期寧蕩
搖丹楓驚落葉黃柳悵空條三徑誰爲伴松枝有
後凋

秋夜看花示周美二生

列炬寒消戶看花秋滿階行杯失次第抵掌恣恢
諧不竊僊童藥聊舒曠士懷今宵如醉死花下便
須埋

白塔月夜王季中招同曹人介諸君泛舟二

首

勝地千山遠僊舟片月臨雲光開樹杪塔影落波

心矯首青天闊更衣白露深夷猶忘夜永哀吹雜清吟

其二

把酒不知夜空江泛月遙風迴白鷗舫波激紫鸞簫歡劇歌聲合談深客思消高天霜忽墜老鬢未全彫

別王季中三首

君多長者行今我薄夫敦對客無臧否論交以弟昆屢看陳舞席忽漫具離尊料得歸舟穩秋霜耗水痕

玄蓋副車

卷十三

十四

其二

醉我無虛日花前累百觴桃經三月雨菊泛九秋霜流水歸心急浮雲別思長向來娛樂地相戒在無荒

其三

把袂不忍判尊當落日傾秋風吹海樹寒色動江城芳草將貽別青霞好贈行慙非晉公子無璧返曹卿

發永嘉次日作

送客皆成返孤雲伴我還攜來空綠酒戀別豈青

山母輩能存幾慈闈早邁艱親親游子意回首淚潺湲

曉渡惡溪

解維樵語動霜落曉淒淒旅鴈方辭北歸舟日向西綴崖丹樹古覆石紫藤低身涉波濤慣高歌渡惡溪

婺州道中二首

路入亂山幽行行古婺州樵歌通澗谷農事畢田疇雲薄空林曙霜飛槁葉秋蕭條孤客計僮僕理衣裘

玄蓋副車

卷十三

十五

其二

歸人怯路長日照一溪霜野卉供游目山雲遲客裝塵情將謂斷仙跡豈云荒欲叩金華洞揮鞭起石羊

富春道中

返照明江岸丹楓照眼新山空雲片片波激石鱗鱗野店停沽酒樵舟候買薪前途隨意泊棲鳥戀歸人

江行值大霧

重霧迷舟楫安知朝日曛雞聲杳難辨人語昧能

聞灑灑交林靄濛濛雜水雲南山何待澤豹隱久成文

哭季豹四首

慘慘野中立哭君君不知論文無勦說好古有餘師濁水宜沉石衝風忽隕枝雄心翻致疾憤激世途疑

其二

朋侶爭相慕心知底自稀色荒終有托酒德本無譏四壁亡遺草周身檢故衣倚閭霜月苦空照旅魂歸

玄蓋副草 卷十三

十六

其三

才士多摧折君年安得長詩寧甘鮑謝賦許亞班楊舊社誰能與成言敢遽忘西吳一片地作者幾升堂

其四

明時遭擯落負氣鬱難申咄咄疑前輩咄咄逐衆人名存猶閱世界盡已無身宛水迎歸旆枯楊不復春

寄慰沈千秋二首

一別東南臥時聞朔鴈來終朝西北望不見浮雲

開淚積陵陽璞金空郭隗臺滯畱君勿嘆天欲老其才

其二

才老堪經世浮榮非所云擯秦蘇季子畱趙信陵君三十修名立尋常古道聞豈同余汗漫放艇太湖雲

送朱文寧之任南少司成二首

豪右流言息朝端譽望隆陪京新帝命六館舊時雍稽古先王略論詩首國風更看饒藻翰春色麗江空

玄蓋副草 卷十三

十七

其二

借問東方隱何如南國師三山清眺望六代曠心期陵寢時修謁生徒互質疑橋門歌誦起益重野人思

同允兆過吝公

精廬臨野水迫暝泛舟過燈影含虛壁星輝逗遠波剪蔬修客供擊竹契禪那來日無煩問清言一夕多

游女

有女越溪出春游罷浣紗關情眉解語司令酒無

譚扇掩桃花薄衫飄杏子斜尋常何許覓陌上枉
停車

翁吉歸率示

抱疾聞君出君歸疾未瘳經時淹伏枕暫日坐科
頭不飲非名計無詩爲道謀操瓢江海客曾否一
相求

爲曹能始悼亡四首

君家昔有詠靈樞寄京師同穴生相誓離居永自
悲衣陳連理繡卷廢合歡詩最苦中宵月依然鑒
薄帷

玄蓋副車 卷十三

十八

其二

好客君無厭盤餐笋及蒲只今誼四座誰爲飭中
廚機廢愁空織膏殘淚併枯秋風官舍冷腸斷白
門烏

其三

章服誰爲理香奩枉自陳可憐休沐日難作畫眉
人綺閣滋秋蘚羅幃網夜塵空餘青玉案進食更
無因

其四

一離永無合虛室歷週遭悼此生年促當茲故物

牢魂同帝女逝術異少君操願誦金剛偈形容見
白毫

暑會卽事四首

逃暑成高會清尊次第陳弟兄更作主叔姪遞相
賓井汲寒漿便廚供野膳新空庭涼雨過花氣忽
蒸人

其二

三朝復三夕一晤一爲歡高榭迎秋爽深杯吸露
寒桃笙施近牖斐几撫臨湍禮法雖難廢山居較
自寬

玄蓋副車 卷十三

十九

其三

小僮更代侍白羽不停搖博奕爭雄長詩書遠市
鬻杯傾竹葉釀壺躍蓮花曉稍爲耽幽賞能令永
日消

其四

觀止先朝旭酣歌向夕雲蟬鳴林響合螢度草光
分茶事寧輸酒農談亦近文當年袁紹輩齷齪不
堪羣

七月十五夜觀焰口施食二首

節啓中元盛秋開下界昏一僧施法食九地導遊

魂纏繞饑腸化焚燒業火存欲令諸苦盡除是悟
眞言

其二

粒米能傳法古今同一炊猶將稽鬼錄莫省瘞荒
基呪食如下咽業風因斷吹願消千劫火此法付
無爲

寄懷長卿二首

忘却長安路懷君夢若何茫茫隨碧草忽忽渡黃
河漢闕徵書少秦關逐客多北山吾自老年少共
張羅

玄蓋副草 卷十三

二十一

其二

丘中叟杖返忽憶金閨人以爾薄榮宦令余忘賤
貧寒傾易州酒醉墮華陽巾往昔殊難復來茲未
易親

偕允兆訪唐美成

大雅有所託世途殊不聞因之偕老友一爲訪夫
君花徑霑微雨荆扉駐夕曛故園朋好外寥落問
同羣

偕三姬集沈不傾翁晉卿水閣二首

客懷何所適水榭樹參差明月臨歌席空波蕩酒

卮曲從三艷著詩報五君知爲樂毋言靡涼風吹
鬢絲

其二

玉壺瀉不竭露草斂幽芬遠水靜浮月垂楊低撥
雲詩歌合兩美粲笑侈三分痛飲幾申日城烏莫
遺聞

同允兆訪義法師登後山二首

松蔭城南路禪關叩寂寥一令塵事遠便覺客愁
消陟磴綠秋草攀林拂露條風生竹樹勁竟日坐
蕭蕭

玄蓋副草 卷十三

二十一

其二

欲極幽探興山從舍後登城連烟樹迥江隔嶺雲
層夕磬歸林鳥秋泉落澗藤追隨良不負高士與
高僧

六言律詩

雨中漫述

墮形喀爾欲臥觀化悠然未窮乍落乍開芳薜半
生半死孤桐夜雨浸淫不止朝風飄忽易終失馬
休悲塞上僧牛且隱墻東

寄舜華

佳人南國無雙別後狂心未降百和宵清珍簾九
微曙滅金釭莫愁何處打槳挑葉幾時渡江風過
春寒猶甚梨花晴雪吹窻

九日汪伯玉先生抬登蔭山有作

凋盡千林楓葉漸江秋色漫漫名公載酒共醉客
子當歌易闌過雁衝雲忽斷落英綴露堪餐清霜
莫霑短髻布帽風吹自寒

別汪士能

秋來何處消覓落日荒荒遠村歌罷唾壺烈士貽
將寶玦王孫別酒山青谿閣歸舟倚白江門回首

玄蓋副草

卷十三

二十三

天都悵恨九龍池上雲屯

同允兆湖上分韻二首

輕舟去岸獨早初日蕩漾明湖嵐靄時開時合人
烟乍有乍無城頭半出楊柳水底全見菰蒲縱使
携來酒竭山家隨意堪沽

其二

游客來舫去舫人家開扉掩扉長堤嚙水不盡列
岫簷雲漸微寺廢游僧掛搭亭高過鳥停飛到岸
空林颯颯霜風忽漫吹衣

寄懷

雕梁不遶餘音塵色濛濛漸侵離燕難教比翼浴
花幾許同心日暮巫山薦枕天寒洛浦貽衾憶昔
盈盈陌上少年留意黃金

玄蓋副草

卷十三

二十三

玄蓋副草卷十三終

玄菴副草卷之十四

吳興吳稼橙翁晉著

七言律詩

紫騮馬

紫騮遙逐陣雲飛，珠勒銀鞍射獵稀。
只恐胡兒思夜遁，欲令漢將突重圍。
聲連野戍殘金柝，血滲沙場污鐵衣。
聞道天閑饒首畜，不知征戰幾時歸。

關山月

極目金河萬里秋，高高月出古城頭。
可憐一片關山影，偏照千家砧杵愁。
少婦蛾眉愁懶畫，征人鴈塞淚長流。
相看幾負刀環約，羌笛胡笳冷戍樓。

玄菴副草 卷十四

劉生

劉生游俠動長安，七貴何人敢正看。
馳道且教停玉勒，禁林還許落金丸。
百年懷憤心難化，一死酬知國不完。
夜擁胡姬郊外醉，寶刀曾未血痕乾。

洛陽道

中天鳳闕自逶迤，複道星羅迥蔽虧。
九陌烟容迷紫蓋，千門柳色亂青旗。
侯家列炬迎輿度，俠客探丸信馬馳。
春滿壚頭新酒熟，飛花片片撲胡姬。

出塞

關塞長驅萬里勞，千金裝轡百金刀。
旌旄捲霧飛黃濕，刁斗鳴風大白高。
迢遞狼烟迷首宿，淋漓鯨血和葡萄。
隆冬雨雪何辭苦，滿磧寒光照鐵袍。

入塞

單騎橫行膽氣粗，頭顱十萬碎匈奴。
劍鋒電掣陰山裂，箭鏃星摧瀚海枯。
勒石先登班定遠，入朝前導李金吾。
偏裨麾下無年少，獨佩將軍虎竹符。

王明君

玉關烽火接西京，辛苦蛾眉事遠征。
不分紅顏胡地老，祇懸明月漢宮情。
朔風夜夜吹愁起，秋草年年與恨并。
多少人間妾薄命，淒涼那入琵琶聲。

玄菴副草 卷十四

銅雀伎

淚濕娥娥紅粉粧，雀臺一上倍淒涼。
三三五五同呈伎，暮暮朝朝總斷腸。
翠管自吹漳水咽，羅衣猶襲鄴宮香。
歸來精爽無由見，總帳空施六尺牀。

長門怨

一入長門歲屢殘，玉階無復事迎鑾。
雨中金屋苔全老，枕外銅壺漏獨寒。
望絕黃昏驚夢落，情深青瑣破愁難。
何時再得君王顧，不負庭前種合歡。

青樓怨

青樓夢破感春鶯繡出鴛鴦半未成濕盡新花渾
別淚繫將弱柳總離情臺前玉鏡空窺影門外金
羈久斷聲聞道關河罷征戍不知何事誤歸程

寒日山樓作

徙倚高樓思不窮長天極目見飛鴻澄潭倒映峯
頭雪落葉微吟澗底風懷策此生難自料著書終
歲未能工交多樵販青山客亦復尊中綠酒空

齋居東載伯叔

萬事其如嬾不禁空齋凝思晝陰陰臨絕壑雲
長滿門斷高軒草漸深枕上羲皇元亮傲琴中山
玄蓋副草 卷十四 三

賦得秋夢

閨中思婦罷流黃單枕西風冷曲房永夜蓮籌遲
玉漏清霜梧葉滿銀牀魂消聲鼓邊城急腸斷關
山道路長纔見狂夫驚又別不堪殘月語寒蟄

東郎宿甫

山館蕭森蔭白茅殘書半榻網蟪蛄初篁過檻留
餘籜新燕穿簾覓故巢興染烟霞難混俗心同金
石敢論交玄經已有桓譚識却怪楊雄更解嘲
謁大廷尉王先生恬澹觀

仙觀沉沉白晝長綠苔異草吐金光還憑文舉通
家刺去問留侯辟穀方才老千秋凌繡虎書成一
日返青羊到來大覺塵心息乞取杯中沆瀣膏

得舜華書

誰向天寒慰索居南來一紙白門書自憎雲外孤
飛鴈故托江間比目魚桃葉風波人未渡梅花霜
雪歲將除謾於溫玉論纖指染就銀鈎玉不如

燈宵雨讌

任他風雨妬年芳火樹高然綺宴張不放浮雲來
繡拱自懸明月在雕梁寒侵桂醕春猶淺漏韻蓮
玄蓋副草 卷十四 四

籌夜未央何處美人吹玉笛梅花片片促飛觴

同王仲房吳少蒙梅季豹集歐楨伯署中次

楨伯韻

金門隱吏興不孤暇日招尋多酒徒魚腸起作越
石舞犢鼻笑避文君爐城上晴雲暮欲合花邊好
鳥秋相呼六朝寂寞芳草綠屈指風流何代無

重陽前二日同王仲房諸君子集水雲閣得

豪字

風流誰得似吾曹飛閣招尋興自豪小伎彈箏水
作柱才人題賦綵爲毫劍光照夜憐肝膽樹色分

秋入鬢毛狂興莫教容易盡紫萸黃菊待登高

寄孫齊之

秦淮風起吹靡蕪貧士失職歸東吳割宅猶存司
馬壁開門復借黃公壚烏啼清霜憶白下鹿走廢
井悲姑蘇千金散盡心不死聞向城南尋博徒

荅贈程子虛白下兼寄王仲房

多君結束自翩翩旅食誰言失意年興到看花公
子隊狂來岸幘貴人前笛聲夜弄青溪月鞭影朝
分紫陌烟白首城南餘酒伴壚頭何處不堪憐

夜集高深甫同鄔汝翼詠隔簾美人得心字

玄蓋副草

卷十四

五

高堂秉燭影沈沈咫尺巫山已夕陰團扇不隨明
月出舞衣疑隔彩雲深主人按拍應回盼座客聞
歌欲醉心何事終宵簾不捲因風吹去恐難尋

重陽前一日沈侍御招集北園得絲字

園亭疎豁坐論詩雲起高城照酒卮三徑露香寒
菊蕊五湖秋事老萼絲佳人笑却青團扇野客狂
歌白接離痛飲未須愁興盡龍山明日是佳期

六橋同喻使君邦相月下觀木芙蓉

花滿長堤柰勝何今宵況挾月明過芳容應不羞
青鏡冷艷能無妬素娥落處湖頭疑解佩舉來木

未自成歌持杯相對渾忘倦香染秋衣露氣多

十三日燈宴

東風吹暖轉郊扉燈火熒熒艷九微家醞自饒南
畝秫春盤兼供北山薇漸看萸萸堆前滿莫遣梅
花笛裏飛佳氣氤氳疑不夜忽驚明月照人衣

諸兄弟過飲席上口呈

儋石誰曾問有無弟兄相傍且酣呼讀騷已得稱
佳士擊筑何須混酒徒白日幾時生羽翰清霜容
易染頭顱只今不飲雄心耗如意難驕玉唾壺

王憲使敬美起督浙學不赴奉寄

玄蓋副草

卷十四

六

去國依兄學耦耕起家托疾聽陳情誰傳紫氣來
滄海空見霞標映赤城粟請一囊無大隱砂食五
釜有長生西游已抵仙人掌何日相從華頂行

初夏偶成

春事衡廬已耗磨落花風散滿池波竹疎紫籜捐
堦少榆密青錢綴戶多蓬鬢不疲明鏡照驥心猶
壯唾壺歌休嫌三徑莓苔合自是蠶家斷客過

憶長干諸舊游二首

長干日逐紫游韁夾道藏烏柳萬行爭拾彩雲驕
舞袖共呼明月佐飛觴千言筆底驚鸚鵡一曲簫

中下鳳凰桃葉只今能具檝渡江誰得似王郎

其二

六朝何地不繁華一說長干興更賒座上綃裾疑
織霧曲中玉樹忽飛花解刀夜醉青絲酒並響晨
馳白鼻騮金粉別來多少淚可無幽夢聚天涯

七夕因憶去年是夕爲秦淮之泛悵然有作
木蘭爲楫桂爲舟瓜菓秦淮憶昔遊衣向涼颺更
白苧幕當新月捲青油雖無商女歌中恨實有吳
姬別後愁會見雙星渡河漢人間風浪幾時休

題蕉雨亭

玄蓋副草 卷十四

七

秋雨芭蕉種已成一亭瀟灑有餘清纔添石畔絲
絲影忽作窻前葉葉聲夜半鳴蟬微欲掩朝來夢
鹿底須驚也知霑濕衣偏好階下題詩不厭行

聞笛

誰家吹笛思依依半是秦聲半已非楊柳萬條風
外折梅花千片月中飛愁催絕塞秋歸馬淚引高
樓夜濕衣只有幽人聽不厭一編把臥釣魚磯

胡山人過訪賦贈

一別名山憶剡溪移舟翻爲訪幽棲眼中客漸稀
游俠談裏君猶擅滑稽夢破石林蟲語細涼侵竹

隔雨聲迷貽詩總道尋常事彩筆逢人久不題

九日寄懷方子及比部

悲哉秋氣倍銷魂別後綳袍積淚痕白鴈幾經來
澤國黃花依舊滿離門詩中烟雨南朝寺座上衣
冠北海尊此日登高何處所因君回首謝公墩

郭道人次父過訪賦贈

野夫荒徑白雲寒不礙芙蓉七葉冠徙倚千山供
竹杖踟躕一室奉蒲團夢中蕉鹿何須問袖裏金
鷺好借看龍稻未登瓶粟罄明霞片片贈君餐

送郭次甫還焦山兼寄陸無從

玄蓋副草 卷十四

八

道人瓢笠遍天涯歸向名山卽是家握裏雙丸搏
日月吻間五色吐烟霞銘探瘞鶴千年石丹就飛
龍九轉砂有客揚州煩寄語相思強半在梅花

賦得寒閨怨

深閨獨夜坐依依絳蠟雖乾淚尚揮滴向銀虬愁
玉漏歛將錦袖怯金微清霜凍裂鴛鴦瓦殘月寒
沾翡翠幃藹藹都梁香盡燼可憐只是自薰衣

翁猷兄至白下不爲長干之游奉調

翩翩結束佩吳鉤不散千金豈壯游紫騎空教嘶
紫陌紅塵翻爲隔紅樓佳人團扇非難却上客明

珠竟未投歸後相思無可寄梅花開滿大江頭

懷仙詩四章奉寄王長公

丹砂冠子紫霞裾想像雲螭恣所如瑤管天門過
鳳鳥銅盤河伯獻神魚五圖未授黃金記九籥難
窺白玉書員嶠方壺俱屬國欲從無地渺愁余

其二

真人九轉餌丹砂海上西來紫氣賒縮地未隨雙
玉舄行天空美五雲車千林芝草披蒼雪萬樹桃
花拂絳霞忽忽徒勞動夢想相貽何日折疎麻

其三

玄蓋副車

卷十四

九

遙聞子晉返緱山絳節隨風不可攀鶴馭逍遙乘
霧裏鳳笙縹緲出雲間將尋瑤草供裁佩欲借瓊
漿學駐顏十二樓中應倚遍好分春色到人寰

其四

琳宮貝闕鬱雲浮中有神仙汗漫遊羽蓋旁驂雙
白鶴飈車前導六蒼蚪菖蒲葉滿安期磻菖菌花
開太乙舟總轡羲和曾不緩朱光遙想此淹留

歐楨伯虞部上疏乞休貽詩見示賦答

衣化緇塵且莫嗟乞骸一疏動京華淹留畫省開
文苑遲暮滄江戀釣槎聖澤自宜深雨露君詩猶

未帶烟霞鄉心且托鍾山月照見羅浮萬樹花

詠芭蕉四首

葳蕤鸞尾拂堦輕風隔窻紗翠浪生覆處清陰迷
午夢滴來疎雨作秋聲詞人欲寓抽毫興仕女應
多却扇情甘露更堪蘇肺病一杯無復美金莖

其二

影隨明月亂秋空片石當窻托體同墨瀋淋漓朝
過雨羅衣綵縹夜禁風綠堪細蔭堦前草翠欲雙
分井上桐脂粉一污難絕代不知南國爲誰紅

其三

玄蓋副車

卷十四

十

肯同蒲柳怨秋姿寒逐墻陰上玉墀蒼雪撲簾還
片片翠霞屯牖自時時釀花未許稱蠻酒卷葉猶
堪當羽卮盡日相看無過鹿獨醒寧受世人疑

其四

掃天綠影勢氤氳葉葉俱鋪側理文已見炎蒸當
夏失更留蕭颯與秋聞織成巴客輕幢布書就羊
家匿練裙一入禪林成十喻至今猶自斷塵氛

答吳允兆病起見寄兼柬公擇

托疾聞君雅好眠衡門草色定芊芊園菴不賸宣
城守送酒唯多若下船日暮松風吹絕壁春寒麥

雨過高田知音漸少誰爲理腸斷機雲贈婦篇

見燕有感

繡戶東風捲翠茵忽逢江燕淚沾巾當年尺素曾傳汝此日空閨不見人並宿似愁蘭榭月雙棲寧戀杏梁塵于飛憔悴今難效腸斷梨花幾樹春

雨後書懷

雨過青林睡起遲枝間雙嘯惱黃鸝朝烟漠漠寒侵戶春水溶溶綠滿陂淚眼看花同霰霰病身種樹亦支離也知近事願難解沉復逢人懶說詩

湖歸荅翁升見懷之作

玄蓋副草

卷十四

十一

未得攜家就紫萼木蘭短棹送歸人柴門夜雨深池草柳岸秋風捲渚蘋落葉哀蟬愁裡曲澹雲孤鶴病餘身何年婚娶粗能畢隨處名山好結隣

得梅季豹禹金書却寄一首

稽生交絕臥林中忽漫傳書二阮同遠岫寒烟迷楚橘空江秋色冷吳楓小姑幾聽青溪曲徵士元無白社風爲報五絃揮已斷惟餘雙目送歸鴻

秋懷八首

斜日空山四望陰蕭騷秋氣入愁深凋殘碧柳傷心樹搖落青楓薄命林枝在鷓鴣難借息庭荒蟋

蟀正悲吟天邊破鏡無人約霜色淒淒上藁砧

其二

誰家淒切搗衣聲吹入空閨恨轉生永夜寒烏棲未定清霜獨鶴舞難成素絲沈水元無影綠綺臨風久不鳴惟有舊時機上月照人寂寞片心明

其三

高原寒渚帶荒村淡靄殘陽冷草門獨樹幾留朱實在空堦惟見綠苔存恩情團扇悲中路淒淚青衫滿舊痕孤寢熒熒燈暈碧夜深起坐更消魂

其四

玄蓋副草

卷十四

十二

金荊爲枕紫荊床已共秋塵委曲房燈下有情歸絡緯機中無夢到鴛鴦明星爛爛愁天老燭火離離嘆夜長一樹桐花零落盡可憐梧子自經霜

其五

當年竊藥事還眞碧海茫茫未許親銀燭可憐徒向夜玉顏無復更知春清商感激愁中曲落羽差池病裏身奉詔長門能買賦黃金取酒爲何人

其六

參差蘭葉半成枯庭砌無光白露塗自向南枝悲越鳥誰從西丘聽秦鳥綵絲繡段虛刀尺素綆銀

瓶斷轆轤一上青山一惆悵相逢曾記採麋蕪

其七

有鳥孤飛奈若何南山張繳北山羅忘食始信商
陵操借隱難同祝牧歌朝日暉暉露薤夕風颯
颯捲寒蘿誰言老去歡無極少壯哀情已自多

其八

重局落葉迴相依羅袂無聲事已非寶鏡欲開鸞
自泣玉釵初斷燕猶飛族葵未合生空井苦蘗眞
堪染故衣滿目清秋何所似白雲愁色遠微微

吳駕部公擇招集倪明府公甫宅得烟字

玄蓋副草

卷十四

十三

丘壑相違棲紫烟何期把酒仍驪然三山未柱綠
玉杖五柳高掛黃金鞭傍檻明河墜匹練滿天涼
露棲繁絃情知銷盡當日傲猶自狂歌軒冕前

秋日同王仲房諸君攜楊徐二姬登雨花臺
得齊字

六朝荒徑草萋萋臺敞高秋望不迷賦客幾堪驕
上國美人相向舞前溪高天雲撼千峯動落日烟
縈萬樹齊倚醉可能分手去鄉心一片五湖西

其二

清秋雲物倍淒淒折簡佳期酒共攜四海同盟稱

舊好六朝遺事入新題江分鴈陣寒無影山近蛾
眉翠欲齊搖落白門楊柳色不堪歸路夜烏啼

九日江上

荻花吹岸雪溶溶客裡登高興已慵濁酒自能扶
病骨扁舟且爲住浮踪半空雨色低玄鴈一片寒
濤捲白龍不獨茱萸堪製佩涉江吾欲採芙蓉

十月十日雪有作

昔人曾詠麻如雪此日翻憐雪似麻無復飛騰回
暮景且看繁積滿貧家吹來園柳先春絮落盡庭
梅十月花何事北風欺短鬢蕭條添得鏡中華

玄蓋副草

卷十四

十四

唁臧晉叔

貝錦休嗟謗已成清朝難得是狂名鱸魚歸豈同
張翰鸚鵡才原妬稱衡色爲捧心翻絕代璧因別
足轉連城如雲賦客徒推轂世路崎嶇不可行

雨夕過翁升齋中有作

頗厭連朝中酒眠一燈風雨坐蕭然作糜澗底冰
猶斧煮茗雜間竹可燃綠遍池塘春草色白殘村
巷杏花烟從前奇字都忘却可謂楊雲守太玄

湖夜

長天一望思漫漫城上烏啼夜已殘月浸蒹葭霜

色淨風回楊柳笛聲寒鷗鳬不覺親人慣
猿鶴誰言入夢難
漁艇去來稀問訊田家自識鹿皮冠

荅上對月

海月飛空鏡不如相看君上有吾廬
玉盤得句唐供奉
絢扇緘愁漢婕妤
遶檻水香菱葉暗滿庭露氣桂花餘
城頭一片青山出何處林塘更卜居

秋夜同吳允兆清遠樓分韻

高樓月落天微茫一水蒹葭露作霜
客思關山聞過鴈
愁心機杼入鳴蜩
白蘋騁望寒波淨青桂淹留秋夜長
起舞起歌情併劇燈前相對鬢絲蒼

玄蓋副草

卷十四

十五

張山人過訪有作

散盡千金四壁寒故人猶未厭盤桓
庭中嘉木陰堪息
几上青山秀可餐
看竹轉憐三徑僻巢林常借一枝安
蕭蕭多少江湖色握手休歌行路難

早春寄徐茂吳

茂苑鶯啼送別離春水又見泮方池
風梅散粉慵施澤
烟柳團金未授絲
滿酌胡姬新壓酒放歌楚客大招辭
木蘭清露時應墜一掬何由慰所思

武林春盡留別徐茂吳

交交黃鳥動離愁況復餘春不可留
山掩翠屏雲

乍合池開玉鏡雨初收到來陌上條桑晚歸去田
間藝麥秋湖水桃花看又變更誰同載木蘭舟

同潘景升城南泛舟得鳥字

輕舟容與入澄湖不向城南問酒壚
兩岸歌聲隔楊柳中流春色薦蘼蕪
片鷗狎客長天淨百雉排雲落照孤
薄暮烟波猶騁望深林渺渺忽啼烏

樓夜聞笛

笛聲何處隔烟汀樓倚吳山曉夜青
不向玉關論怨恨似從金谷借
娉婷龍吟斷續雲生戶鶴舞婆娑月滿庭
一曲尋常折楊柳幾回能在故園聽

玄蓋副草

卷十四

十六

里居書懷

布衣跌蕩自悲吟一片悠悠蹈海心
不向囊中求脫穎肯從道上顧遺金
冠欹鵲尾清時傲劍泣魚腸白晝陰
聖世本無奇可見非關里社愛浮沈

荅梅禹金見寄

青絲紫騎逐紅塵回首長干跡已陳
菰米雲沈若水暮梅花月冷敬亭春
倦游不廢登山屐多病猶存漉酒巾
謾道元龍豪氣盡眼中湖海更無人

過馮美卿逢王世周夜集得來字

烟濤三泖掛帆來握手清尊逼夜開
檻外霜風飄

綠渚牆頭寒月過蒼苔主非幸舍將魚出客自縊
山跨鶴回總爲情深如夢寐歌殘秉燭更徘徊

臧晉叔過訪值雪夜集樓中有作

對酒張燈百尺樓漫漫飛雪攪天愁寒光滿戶春
猶勒夜色千山凍不流梁苑邀賓空授簡剡溪乘
興未回舟梅花欲放無情思寂寞東風怨隴頭

無題

露桃烟柳泣春殘楚竹商絲急夜闌草色變時螢
火濕花香斷處燕泥乾秦淮水落縈愁遠巫峽雲
歸入夢寒杯整燭銷羅袖薄玉釵無計掛臣冠

玄蓋副草

卷十四

十七

南都呈王司馬元美先生二首

松枝却掛紫蕉衣強着君王舊賜緋手詔若從青
鳥下歌謠還乞白雲歸一軍時醉葡萄美酒萬馬秋
閒首宿肥皓首登壇逢聖世磻溪漁釣不應非

其二

幾載山川嘆阻修相從作賦此登樓天開鍾阜雲
常起月照秦淮水獨流誰執夷門公子轡空爲京
洛少年游馬鞭欲鑄黃金盡乞取珊瑚舊釣鉤

戲呈戴伯叔

風送孤帆幾日程蕭蕭蘆荻客愁生浪花吹雪江

豚過烟樹連雲塞鴈鳴統扇幾緘秋後怨刀環儻
繫月中情歸來懸肘無金印可有樓頭少婦迎

江上看月有懷

大江月色映空來一片金波到酒杯神女明珠初
去掌佳人玉鏡未安臺關山笛裏聽猶遠烏鵲枝
間遶更回莫向班姬悲篋笥尚餘團扇影徘徊

梅花十三首

開落空山只自芳肯將孤潔媚春陽吹來細細風
多韻沾處微微雪有香幾度經遊寒不厭一枝瞥
見興逾長莫欺在野無情思曾入詩篇和栢梁

玄蓋副草

卷十四

十八

其二

新粧一出雅稱工未許尋常粉黛同寒意乍迴燈
影下香魂欲斷角聲中只隨夜月驕秦嶺不逐春
風入漢宮誰謂蕭疎無遠勢時時霜色動高空

其三

滿林花氣冷霏微莫遣春前一片飛好與青山成
點綴緩從金谷關芳菲嬌堪倚竹疑湘女勢欲凌
波似洛妃索笑幾回猶未得茅簷吟遶思依依

其四

幾株臨水復依村滿抱柔香總不溫夜觸微霜勻

粉態曉辭清露助啼痕也知見月纔成夢未必先
春已斷魂一爲相思能便發可憐無語到黃昏

其五

獨立亭亭白玉姿一生膏沐未曾施依臺盡作凌
風態遙觀俱成卻月枝春到隴頭先自識人來江
上海相思幽情欲會何由得谷口斜陽拄杖時

其六

春色山家坐可邀紅塵裁脫見清標不愁玉骨雲
同化那忍冰心雪共銷點罷含章簷寂寞望迴大
庾嶺迢遙高情驢背還誰解千古芳魂怨灞橋

玄蓋副車

卷十四

十九

其七

清水爲骨水爲神占斷江南曲裏春欲舞霓裳偏
待月纔舒縞袂不沾塵夢回殘夜疑無侶行到空
山若有人長笛一聲何處起滿前飛墮玉龍鱗

其八

傳香空谷有知音何必分根徙上林風露不禁清
曉怨冰霜無恙歲寒心相看野外扶餘醉折取窻
中助短吟莫向東風畏搖落芳聲留得鳳凰琴

其九

花開偏愛雪漫漫花落芳林雪未乾擬折高枝難

出手欲窺清影但臨湍烟疎烟密時更能春後春
前總耐寒朝夕相催頭易白幾人能在故園看

其十

一樹斜斜傍花牆俄驚漢月滿空梁底須垂手方
成舞但是臨風欲斷腸開處不同桃爛熳飛時真
笑絮顛狂情知剪綵應難學爲語深宮且罷粧

其十一

霜花故逐早春開曾識維揚水部才雪滿千山無
使到月明一夜見君來叢生珠蕊真堪摘細簇冰
綃不待裁莫道仙郎容易醒飛飛翠羽遍蒼苔

玄蓋副車

卷十四

二十

其十二

孤芳吐處竹爲藩每伴幽人避世喧冷艷可堪依
翠袖疎枝只合傍青樽遺鈿滿路春相積素練繁
空凍不翻擬到洛陽愁減價任他桃李擅名園

其十三

翹烟颭雨出塵寰待到東風始破顏走覓幾家憑
蠟屐相依何處掩柴關初疑玉女峯頭至忽訝瑤
姬夢裏還一任霜威不相借自攜春色到人間

贈大司寇陸公與繩四首

出入三朝雨露私老臣轉自愛明時五湖烟景難

爭狎四海風謠正繫思瑞色常瞻鵲觀白雲不散鷄鳩司共推一代經綸手劍履行看上玉墀

其二

河山聊借一身扶刀筆參成總廟謨喉舌天朝當北斗股肱高帝重南都鳳臺延眺餘山水麟閣功名侈畫圖一自深衷謀社稷微生無淚灑江湖

其三

憶昔東南水勢成欲蠲國稅起蒼生廟堂譚議排丞相畎畝深憂蒼聖明鹿死棲遑仍脫跡龍門藻鑑屢持衡只今坐鎮尚書省尺一須令漢法平

玄蓋副車

卷十四

壬

其四

肅肅西曹法從過鍾山靈氣擁嵯峨孤標日月迴新照一柱江河障濁波先帝直臣今盡老中朝父客孰云多負薪自顧非長策優孟衣冠近若何贈俞參軍少極尊司馬公與先大夫同舉進士

士

翩翩文藻擅京華儒雅風雅客共誇青草荒臺曾下鳳白門新柳復啼鴉羽林南國歸公子喬木中原屬世家父執題名餘片石幾回開落曲江花

詠新鷺贈崔姬

碧柳毵毵碧草萋東風輕試翼初齊驟撩愁思聽猶濕故弄春聲囀復低陌上解將千樹選閨中難借一枝棲佳人作遼西夢任爾朝來自在啼

荅黃白仲兼寄屠長卿

生還不送白衣冠此日猶歌易水寒一中秦庭游客議再逢燕市酒人難目當牛背光逾出身混蛾眉病亦安好辦扁舟隨賀老鏡湖終日少波瀾

留別余宗漢茅平仲鄔汝翼何主臣謝少廉

諸子

紫燕頻嘶驕不行金鞭欲舉若爲情浪游堤柳三

玄蓋副草

卷十四

壬

眠倦歸去筐蠶八繭成徒有新詩傳洛下媿無遺矢報聊城何時重博胡姬笑握手壚頭醉月明

古意

蓮花漏水夜沈沈萬戶清砧併月臨燭淚坐銷紅粉怨琴心挑就白頭吟天風忽墮湘臯佩寒氣初深洛浦衾搖落井梧終對植不妨霜葉半黃侵

玄蓋副草卷之十四

終

玄蓋副草卷之十五

吳興吳稼塏翁晉著

七言律詩

贈汪司馬伯玉先生二首

高名早歲領朝班身係安危出處間驅使風雲歸
北極淹留花月在東山蛾眉老厭三千隊駿足神
超十二閑一自錦裘行塞外胡塵不動玉門關

其二

拂袖清朝鬢未皤誰言躍馬意蹉跎已摧高鳥弓
難棄盡偃長鯨海不波天意皆知明主在人言

玄蓋副草

卷十五

十一

無奈老臣何寧論文苑先登事自昔燕然石可磨

登白岳四首

秋空澹澹氣騷騷宛轉丹梯入望高黛色千峯飛
積翠松聲萬壑走寒濤法幢似隱玄龜霧神鼎時
凝白鳳膏但集尋常諸羽客夜深仙樂動雲璈

其二

晴霞千疊護仙都臺殿神明杳自扶北極玄功精
感格先天水德入虛無琳宮日月依華表瑞世山
川應寶符插地一峯青突兀時時雲氣吐香爐

其三

誰將神斧闢天門惟石巉巖虎豹蹲崖迸珠泉飛
雨襲峯排玉筍白雲屯未攜丹鼎藏仙窟欲借騰
車叩帝關八駿如龍鞭似電穆王空爾逝崑崙

其四

澗中神貺滿疎麻靈氣朝成五色霞百尺風潭搖
玉鏡千尋石壁嵌丹砂林迴遠岫常多蔭藤覆空
巖半有花一水縈迴銀漢接客星無事更乘槎

采石感興

何年壯士快先登慷慨停歌重撫膺氛祲四郊當
虎視風雲一代見龍興軍聲蔽野猶疑沸王氣從

玄蓋副草

卷十五

二

天尚可憑頭白書生空灑涕千秋弓劍護橋陵

由南都復入白榆社感呈汪伯玉先生兼寄

王元美趙汝師兩先生二首

肯作平原脫穎人擔簦負笈往來頻賈生有淚寧
臣漢蘇季無書不客秦繡段自來鳳玉案素衣猶
免化緇塵桃源再入應無誤何處漁郎許問津

桃源
鳩鳴

其二

遨遊公子幾翩翩躑躅泥塗苦不前自是叔敖無
世祿翻疑翁伯少微權文星天上真難聚奇字人

間豈易傳試躡軒皇冲舉處亂山猶接白門烟

送吳孟嘉從方學憲入蜀

使君車騎儼雲屯執轡誰當上客尊雪擁岷江天
易凍浪吞巫峽畫長昏還看草長王孫路乍識花
名望帝魂對此客懷都遣盡不煩彈缺孟嘗門

示仲淹病中兼懷仲嘉

秋風一騎出都亭蓮社重投笑獨醒徙倚孤城殘
照盡別離兩地暮雲停窻間夢斷歌茆草原上情
深望鵲鴝藥銚消烟茶鼎沸可堪禪榻伴娉婷

程巨源貽詩述令先公守辰州時爲先中丞

玄蓋副草

卷十五

三

貴陽首舉讀之愴然奉荅一首

先朝一疏薦循良勞苦三年伐鬼方誰道功成無
衛霍須知政就有龔黃通家縫綵陳高義游子徘徊
憶故鄉慟哭西州舊時路羊曇不見草茫茫

同程巨源過集蘇君昭有作

萬竹蒼蒼把臂前浮雲寒護草堂偏脫貂好貫當
爐酒種秫兼餘負郭田紅樹亂山然暮雨黃花一
徑老秋烟醉來羽爵如堪筭別後空吟伐木篇

寄龍君善博士先爲新都李官

三尺能令漢法伸左遷誰問薦書頻也知鴈蕩神

交日總爲龍門折節人絳帳高名忘宦拙青瑣舊
業稱官貧汀洲畫舫何時過握手春風醉白蘋

清明日同曹子念毛豹孫梅泰符戚不磷集

王司寇先生署中得光字

禁城飛鵲散晨光法署雲深樹色蒼策馬來參文
士會關鷄慵人少年場垂楊垂柳千門接新火新
烟萬井藏最喜薄寒風澹蕩落花吹度酒杯香

談叅軍思重僑居金陵賦贈次王長公韻

不問髡鉗季布讐墟頭日逐酒人遊誰從執轡思
公子自解題詩託隱侯楊柳啼烏新月上桃花飛

玄蓋副草

卷十五

四

燕曉烟收青谿一曲梁塵起莫遣東風攪客愁

南都逢曹子念賦贈二首

立馬悲歌大道旁白門三月柳花香病餘鸞翮猶
難鍛老去虬鬚半未蒼自許題詩同鮑謝不因結
俠過原嘗胡姬調笑黃金盡拚向墟頭典鷓鴣

其二

懶從年少較風流江左詞人半白頭送盡歸鴻春
色斷歌殘老驥壯心留未追藉卉新亭飲且作看
花柱曲遊紫轡青絲驕碧柳五湖烟月冷扁舟

金陵酒肆贈茅平仲

暮年看爾壯心孤落落酣歌擊唾壺但數一錢憐
姮女纔誇千騎笑羅敷梨花雨濕紅襟燕楊柳春
藏白項烏欲向盧家借雙槳莫愁不是舊時湖

戲贈王房仲

王郎春興滿都門下馬家具綠尊巷口依然飛
燕子渡頭何處喚桃根吹來碧柳風千樹踏破青
苔月一痕履舄參差華燭冷夜深無計獨留髡

送王季中光祿謁選北上

送爾春江酒一卮垂楊亂媚綠烟絲自綠司馬爲
郎早翻笑公孫對策遲燕市黃金酬駿骨漢宮紅

玄蓋副章

卷十五

五

粉避蛾眉不愁玉食勞供奉正是 君王減膳時

送何无咎游燕

憐君抱劍欲何之豈是長安結客時選罷燕姬無
可挾貢來胡馬不堪騎道傍目攝逢句踐市上悲
歌託漸離西止浮雲千里蔽高樓一望更淒其

題流波館壁

華館流波蕩夕寒雕籠翠羽弄春殘庭栽奇樹皆
連理窗發名花盡合歡化去不愁叙上燕飛來元
是鏡中鸞十三鴈柱生疎久歌到雙聲始一彈

陳廷尉玉叔貽詩見送奉荅

春風日日醉長干吹盡楊花不解寒婉我贈貽多
芍藥勞君分惠有琅玕郢中調屈三巴易洛下名
齊二陸難江海茫茫從此逝可煩清夢到漁竿

立夏前一日歸自金陵有作

春光猶在付當爐門徑歸來遍綠蕪寂寂桑陰鶯
未老漸漸麥秀雉將雛詩逢俗客仍難出酒薦中
厨不用沽空自夢隨雙槳子東風吹斷莫愁湖

和翁升無題三首

遶堦萱草綠離離玄的拋來轉自持嘉樹擬收秋
後實仙花宜發月中枝也知佩玉鐙鳴處不是調

玄蓋副章

卷十五

六

梭織作時裙帶東風吹漸短任他楊柳咲腰肢

其二

謾將花事怨紅稀實欲纍纍綠漸肥正憶烏生八
九子忽看燕乳一雙飛微風自發青團扇明月還
分錦字機莫問破瓜凡幾載盈盈猶着嫁時衣

其三

誰言歸鳳曲寥寥彈到將雛韻更調遠黛自添顰
際色輕身微讓掌中嬌桃蒸海氣春應熟枕傍巫
雲夢不撥爭看兔絲長百丈那知早已附松標

賦得六宮秋月怨

篋中團扇委秋天明月餘情尚未捐寒逼梧桐金井上光欺熠燿玉堦前蛾眉自恨時時變鸞鏡空教處處懸獨有昭陽宮漏短嫦娥相妬不相憐

貽梅使君

頻年早魘恣爲災分粟千家意尚哀任是空倉愁鼠雀不教白骨葬蒿萊催科國計無由緩輸輓邊防或可裁凋弊東南憂更甚幾時蠲恤自天來

秋盡

楓林秋盡未全凋欹枕林中夜寂寥涼露自隨梧葉下微霜不遣桂枝銷世情萋菲工編貝生事尋

玄蓋副草 卷十五

七

常只緯蕭多病年來何所似潘郎鬢髮沈郎腰

仲兄茗中歸招飲有作

十日弟兄離思深到門繫馬能相尋溪邊霜樹半成錦籬下寒花猶綴金饑雀空憐野田色征鴻不斷關山心燈前羽爵飲無筭醉卽慷慨同悲吟

病起過翁吉

累日抱病不出門興來強過吟清尊攻中未使邪氣壯望遠猶有高丘存曲澗風翻綠篠色閒堦雨斷青苔痕生平耻受一飯惠世眼且莫哀王孫

十月十九日翁升招飲修廣堂時聞虜耗

北風吹鴈鴈成行折簡招尋醉草堂松塵枝枝天目雨橘分顆顙洞庭霜長林盡日游麋鹿絕塞何年制犬羊未必書生俱誤國樵漁無碍一身強

感懷

匹馬當年過酒壚揮鞭曾擊霍家奴花間笑擁胡姬醉燈下驕呼姹女扶芳草春風仍舞蝶垂楊夜月尚啼烏世人只識安陵富誰問區區舊博徒

庚寅書事三首

飛書挿羽擾關東亭障休論設險工駘虜控弦乘馬市健兒吹角待車攻摧殘赤縣蒿萊裡憔悴紅

玄蓋副草 卷十五

八

顏創戟中拭目當今櫺廟畧漢臣空自策和戎

其二

煌煌烽火照咸陽血染秦川草不芳已見征輪資十式未聞持節許馮唐愁雲晝結陰山黑殺氣秋連瀚海長安得六龍驅掃盡中原痛哭憶 文皇

其三

空勞十萬羽林兒依舊金縢誘虜時功在將軍多賜第詔承天子早班師旌旗細柳屯營徧車騎長楊較獵遲顏色漫誇胡女好漢家當日取焉支

蘇臺懷古

響屨廊空霸氣沈金閨楊柳自蕭森增封敵國能
嘗膽半醉佳人爲捧心廢苑烏啼春寂寂荒臺鹿
走晝陰陰鐫鏤染血千年碧白虎微茫不可尋

伯兄生日宴集有作奉和

先春草色已含池炳燭高堂效誦時四海白頭交
未定百年黃髮享同期農談不入通親表家世堪
成自効詩絲竹漸因兒輩減當杯莫遣酒行遲

代燕姬荅王郎

高樓珍簾擁鑪薰誰借流黃織錦紋日出東南難
照妾雲吹西北未逢君鏡中萱草銷歌黛馬上桃

玄蓋副草

卷十五

九

花妬舞裙一曲琵琶關塞近翻憐蕩子不從軍

和何无咎觀女劇三首

佳人宜笑復宜啼炫服新粧夜色迷離合乍疑鸞
上下雌雄不辨兔東西三千珠履全難跋十二雲
鬟半未齊解道何郎同傳粉曲終相顧惜分攜

其二

舊事流傳感慨生誰知名士卽傾城宵奔別院司
空伎分隊離宮武子兵舞雜纖羅呈變態歌翻白
紵動新聲相聞爲有前魚泣纔遇龍陽不敢行

其三

零落宜春供奉辭蛾眉新習漢宮儀拍同蔡女聞
笳夜劍似公孫脫舞時閣上音聲娛主客鏡中塗
抹混妍媸通情幾托微波色多恐周郎顧曲遲

五日席上呈叅知王公

佳辰誰謂客中孤酒泛仙人九節蒲白首更添長
命縷清時何用辟兵符葵榴綴露分紈扇絲竹合
飈佐玉壺任是懸門多艾葉不愁蘭草化爲芻

呈別王叅知陽德先生二首

吾翁甥館共逍遙江左爭傳大小喬別後不堪頻
灑涕逢時猶記在垂髫百年骨肉仍交結千里音

玄蓋副草

卷十五

十一

書未寂寥堦下青松俱手植兔絲直欲附高標

其二

日日風前醉落花可堪江上問歸槎愁來何處援
青桂淚出空教廢白華夢裏微茫天目雨囊中掩
映赤城霞獨憐子母相鈞帶不及名園五色瓜

江上別王季中

鳴雞唧唧喚江村半壁晨光動海門迢遞雲山紫
別思迷離烟樹斷歸魂帆前芳草青袍色匣裏桃
花古劍痕何日千金酬一飯漢家猶未識王孫

歸懷荅臧晉叔

遠道艱難遠客回故山寂寞故人來清秋滂水靡
蕪盡落日空林鴻鴈哀嗜酒偶陪疏傅席好游終
愧馬遷才亭亭西北浮雲起倚杖高臨何處臺

潘景升久客金陵賦寄

浮雲不變覆舟山憶爾都門客未還閒逐馬蹄春
草上醉依螭首落花間書成好遂窮愁計金散惟
存壯士顏莫謂天邊無破鏡中閨日夜望刀環

憶昔

憶昔春遊白下山六朝芳草馬蹄閒清江慣用雙
頭緝長袖曾攜十指銀柳絮團空離思雜桃花點

玄蓋副草 卷十五

十一

地淚痕斑寒烏門外啼難傍沈水消殘夢未閒

寄曹以新二首

慟哭龍門失李膺別來人事轉堪憎歲多田禾空
迎虎居有巢鳩欲化鷹離憤九歌應已就報恩雙
劍尚無憑抱關落落憐君老公子何人似信陵

其二

南皮零落舊交游爾更攜家出避讐莫謂澦人餘
頸血且教結客在壚頭浮雲黯黯要離墓秋水茫
茫范蠡舟何似相過嘶匹馬青山明月共登樓

寄龍君御

懷君千里一登臺西北浮雲晝不開宣室尚虛前
席問楚妃先遣下堂來茫茫露氣銅仙泣擾擾邊
塵鐵騎哀抗論欲寬都尉罪愈令人美馬遷才

贈謝司理在杭

蜚聲一日動公車才子風流佐郡餘客美惠連工
雪賦人傳叔向止刑書迎舟茗水花爭發命屐何
山酒不虛共道好文能下士誰從幸舍嘆無魚

寄叅知永嘉王公三首

十年父客散平津迢遞江鄉訪密親着屐果能陪
太傅開帷還更謁夫人杯前珍鳥常供曲檻外名

玄蓋副草 卷十五

十二

花不斷春一自別來成夢境空山寥落重傷神

其二

高枕松蘿十載餘長安音問故人疎還丹宅傍客
成洞遺墨家藏逸少書囊裏青烏常試術城頭白
鹿借牽車飄飄賦許凌雲氣漢室何由薦子虛

其三

相逐浮雲返故鄉一杯強盡淚沾裳監河幾貸莊
周粟南海空傳陸賈裝世路無文身欲隱容華向
暮鬢先蒼春來多少天涯夢誰謂王孫草不芳

寄王季中二首

高枕浮雲滿敝廬雲開搔首一躊躇野田空遠銜
環雀鮑肆將枯涸轍魚人以百金知仲子誰從四
壁薦相如傳聞海國多烽火珍重來鴻有報書

其二

春風黃鳥故嚶鳴憶昔悲歌送遠行江上青山隨
夢失雨中芳草喚愁生酒錢羞澀家難給劍術嗟
跼老未成落落夷門無可報願言公子借交名

寄何无咎二首

相過飽飯飭中廚別後懷君海一隅老去吳姝驚
越艷愁來郢雪和巴歛屈申自愛無名指得失翻

玄蓋副草

卷十五

十五

成不肖軀鳥道千盤魂夢隔那知世路更崎嶇

其二

春來芳草出門長何處登臨不斷腸霞起赤城朝
散綺花吹碧浪夜聞香賦成太守疑鸚鵡裴啟文
君笑鸛鵒安得垂楊同繫馬一生常在酒壚旁

詠衰柳五首

柔絲塵合古長隄槁葉霜翻濁水泥紫塞秋高歸
馬逸白門風急夜烏啼委遲周道攀應盡寥廓平
原望不迷但使根株無斷絕三春留目翫生稊

其二

零雨濛濛怨暮秋却疑張緒減風流繽紛落葉依
重戶偃蹇長條接御溝太尉營中寒漸逼先生宅
畔晚仍幽寥寥哀思叅橫吹來往征人半白頭

其三

蒼蒼一水隔蒹葭搖落忘憂賦客嗟露冷漢宮初
去燕日斜隋苑尚栖鴉蛾眉易老閨中鏡青眼慵
窺陌上車泛泛浮萍俱已化從前且莫怨飛花

其四

烟水微茫滿漢南垂條無復影旣旣三江白浪催
歸棹九陌青旗亂客驂映月婆娑生意盡臨風披

玄蓋副草

卷十五

十四

拂故情艤北征倘遇桓司馬憔悴板援更不堪

其五

噫噫哀蟬何處鳴深秋風雨倍含情已消鬱鬱園
中色忽散蕭蕭郭北聲野曠蒼涼寒夕兔天清睨
睨失流鶯寄根河水能傳火春暖長榆共向榮

十二月十六日宿茅山紀哀

虛堂烟暝四山幽孤燭無光淚未收啞啞寒深烏
鳥戀蕭蕭風送白楊愁荒堦蔓草疑霜結陰壑哀
泉獨夜流不寐鳴雞三度喚斷雲殘月滿溪頭

立春日郊行

東風吹暖散嚴阿一日春光滿薜蘿水盡野田飛
雀少雪消關塞去鴻多林端餘霧縈青嶂谿上晴
烟照綠波莫道遠游芳草待王孫容鬢已蹉跎

同允兆集伯兄玄秀閣

滿目雲烟坐可憑故人相見酒如渾濤聲畫捲千
林雨山氣春融萬壑水池上草深含碧藻閣前松
老掛蒼藤醉來一任歌聲放來日蹉跎白髮增

金陵戲贈梅子馬

黃金隨意散天涯不復垂鞭過狹斜明月荒臺難
下鳳秋風衰柳尚啼鴉石城自送當年漿玉樹重

玄蓋副草 卷十五

十五

歌何處花一望秦淮江水落可憐霜色老蒹葭

寄內

一曲關山獨倚樓寒鳥啼送白門愁笛中楊柳難
禁夜井上梧桐畏及秋歸夢不離青玉案客裝已
敝黑貂裘鹿車計日能同挽悔向長安躍紫騮

贈車膳部子仁

誰憐落落混儒冠折節如君下士難詞賦有神三
楚重山川無恙六朝看鳳臺雲氣歌中變長樂鐘
聲夢後殘莫謂登臨秋色淺江楓飛葉洞庭寒

下第後林叔度以詩見送荅之

白門行色苦蒼茫夜半烏啼天雨霜月迥關山寒
客夢秋深砧杵斷人腸千金豈爲呼盧盡一矢翻
綠射雉亡儻過勞勞亭下別最堪折贈是枯楊

留別徐惟和

寒逼爐頭酒易醒蕭蕭匹馬爲君停城西落日山
逾紫河畔秋風草尚青桃葉嬾呼雙楫伎蓮花歸
奉一函經江流滿目還相憶塞鴈寥寥不可聽

乙未元日

百年骨肉偶相依落落長松白板扉女解挑燈兒
誦賦妻能織素妾縫衣春風不惜吹梅柳寒氣終

玄蓋副草 卷十五

十六

難損蕨薇社劇農耕生事在休嗟髮短壯心違

無題

東風何處最關情金谷園中玉笛聲小小同心要
未結羅羅春夢伴初成鸚哥弄舌雕籠閉蟾子牽
絲暗牖生莫倚稽家庭樹貴尋常草有合歡名

其二

青閨繡幕閉天妍十五逢人未肯前春曉金屏歌
寂寂夜闌羅襪步蹣蹣偷窺蕙草風簾下嬌折桃
花露井邊欲識芳姿無限恨白團扇底五留連

憶昔

憶昔千金散酒樓美人偷贈鸛鵲裘珠丸屢墮雲
中雀玉策親調果下騶畫舫青油朝伐鼓錦茵紅
燭夜藏鈎只今寂寞東風冷漁獵空山笑白頭

翁升北歸喜賦

燕京不作累月留乘興還同王子舟車下幾看蕙
草折笛中忽散梅花愁弘羊握筭方向用司馬賣
賦誰見求新酒今年滿百斛與君且醉青山頭

代屈姬寄戴伯叔

走馬長安晝起塵腹中相憶轉車輪薄寒楊柳千
絲弱幽恨琵琶一曲新敢倚北方稱絕世只愁南
玄蓋副草 卷十五 七

國有佳人生來不識梅花樹夢裡逢君別是春

春雪登樓

春日起登池上樓樓中風雪攪春愁當空柳絮寒
難御滿地梅花夢不留杳杳歸鴻關塞北啾啾飢
雀野田頭門前一道清溪水未許尋常客放舟

和戴伯北歸贈別之作用原韻

西北雲空夢不淹垂楊馬首月纖纖雙行步失邯
鄲驟車枕寒催洛浦添故劍匣中難化水新絲機
上未成縑侯家甘酪儂言苦莫使春風笑軸簾

花朝

日氣朝青池上波交交啼鳥傍池多三春花事終
難負二月風光半未過土俗歲時存舊記閨人單
袂製輕羅正憐一樹朱櫻放桃李相催柰若何

過明伯叔看花

連日看花中酒眠酒醒仍爲到花前誰能細數花
多少君解頻沽酒十千花發尋常鶯自老花飛容
易柳相牽幾人頭白來花下莫向春風惜酒錢

燈下桃花

一枝春色向人低焰逼金缸翠袖攜不待曉風先
作態若含清露更成啼光分團扇歌難掩影亂香
玄蓋副草 卷十五 十八

裙舞易迷何處流膏解相助芳魂愁斷碧窻西

代棄妾怨

銀燈飛燼夢來遲寂寂流蘇結網絲殘錦不成連
理帶落花難上合歡枝寒烏到曉啼空井明月含
愁鑒薄帷欲向機中重織素裁將團扇擬班姬

見燕

常年社日爾知歸寒食今年始見飛咫尺不妨巢
翠幕尋常自可認烏衣桃花細雨春先濕楊柳微
風午乍依來歲相看何處是畫樓無恙莫教違

和謝在杭春日感懷之作次原韻

南山伏枕對墟烟不治尋常種豆田雲遶松枝團
翠蓋風吹榆莢墮青錢楊雄賦就貧難逐司馬文
成渴未蠲寥落壯心頭易白勒銘空謂筆如椽

秦淮客夜感懷

秦淮一水遶靡蕪芳草逢秋半未枯何處紅樓堪
繫馬可憐碧柳正啼烏月明古渡歌桃葉霜落青
谿怨小姑今夜誰爲沽酒客沈香灰冷博山爐

留別汪士能兼呈仲嘉

爐頭酒盡別胡姬此地逢君醉不辭風起蘆花江
上雪秋殘楊柳雨中絲幾人俠客傾都市何處王

玄蓋副草

卷十五

十九

孫泣路岐歸去空山芳草歇夢魂常憶謝家池

李季宣喜余過江上以詩見貽荅之

十年舊客散爐頭握手河山黯欲愁夢想幾看豪
士賦別離猶記美人樓和歌大道青絲騎獨棹空
江紫綺裘楊柳芙蓉秋一片野夫容易爲君留

南歸柬翁吉

歸騎丹楓滿路霜到來芳草變池塘黃金幾廢家
人產青鬢空周俠客場鴈入遙天低斷柳雞鳴落
日在枯桑山居最好秋冬際園橘分甘栗剖房

徐惟和客茗上賦寄

離尊曉醉白門鴉握手遲遲感鬢華遠道懷思空
桂樹經年書信斷梅花賣薪落日歸樵艇繫柳寒
雲擁釣槎任是當爐不相識爲君清酒夜能賒

城夜感懷

可憐出城復入城年來失職徒營營負春終還媿
妻子題書未敢遺公卿殘燈慘淡月將落暗牕蕭
條寒易生豈無山田在谷間黃犢扶犁春自耕

憶閔氏亡姊

死別倉皇歲再更可憐頭白重吞聲時平幸少干
戈警老去殊深骨肉情服異仲由寧廢禮俠同聶

玄蓋副草

卷十五

二十

政尚偷生若然地下能依母魂夢何如業識清

丙申元日

故園梅柳報年光獨酌中林蕙草芳垂老雕蟲空
自悔向來歌鳳亦何狂堦前衆壑雲同遶檻外千
山蒼共蒼從此一竿川上把已知無夢發君王

十四夜觀燈

朱門綺戶逐春風象口飛香薄霧濛星綴雕梁時
散綵蓮生画棟競披紅芳尊竹葉歌難竭短笛梅
花夢不空明月盈盈三五勝清光先寄此宵中

閨人擁爐二首

鳳炭紅爐耀曲房不知簾外夜飛霜匣中龍鏡難
消水架上鸞笙好炙簧羽帳浮埃時拂髻羅衣偷
暖自驚香獨憐蕩子關山外欲覓寒裘無使將

其二

椒壁蘭缸照寂寥綺窗桂火度中宵初疑怨在寒
偏在直置寒消怨未消團扇乍舒微焰發歌梁不
動暗塵飄冰心一片如堪化願逐流澌下渭橋

代閨人詠梅花寄遠

寒梅一樹碧窗間花發因君夢不閒已少流風迴
雪態惟餘初日照芳顏心同令蕊冰猶結淚積深

玄盞副草

卷十五

王

枝鮮尚斑吹笛片時還易落相期及早度關山

朝光樓曉望新柳

新柳遙看露尚侵半含奩粉半合金高樓黛點青
銅曉別院鶯啼碧砌深弱縷絲絲烟乍裊幽姿淡
淡日初臨笛聲不起春閨恨白首元無出塞心

寄閨叔明外兄

不共胡姬醉酒樓春風何處可消愁悼亡潘岳無
青鬢遺詠文君有白頭楊柳金鞭烟裊裊梅花玉
笛夢悠悠長安冠蓋如雲盛恩遇誰能繼戴侯

寄贈

聞道佳人絕世粧桃紅李白妬芬芳彩鴛低度羅
帷影金鵲斜飛寶鏡光幸有微辭通洛浦曾無曉
夢到巫陽傳來一曲腸堪斷那使聽歌不斷腸

白下再逢張文甫感贈

立馬爐頭風色驕秦淮秋草望中遙渡江幾度歌
桃葉吹笛誰家怨柳條年往竹書空爲紀時平金
甲未全銷腰間白羽渾閒却贈爾青雲早射雕

金陵客夜

秋風客舍滿靡蕪徒倚高樓清夜徂吹落梅花江
上笛啼殘楊柳月中烏淒涼陳跡銅駝陌慷慨悲

玄盞副草

卷十五

王

歌玉唾壺頭白壯心消未盡明朝匹馬過當爐

歸懷

一燈垂燼夜偏幽砧杵千家動旅愁細雨亂侵河
草濕微風寒落井梧秋素裝已盡胡姬酒歸信先
傳賈客舟欲采靡蕪江水急故園思婦在高樓

期翁吉由陸同歸

休嗟獻賦十年身身故國青山入夢頻歸路秋光堪
並馬渡江風色恐愁人謝公墩上誰攜伎柳惲洲
前共采蘋相顧素衣猶未化不須惆悵洛京塵

別仲兄先歸

第兄同客不同歸起向燈前淚欲揮好剩一錢沽
濁酒誰從九月授寒衣風吹斷柳烏爭宿月照澄
江鴈獨飛馬首迢迢秋草碧忍教夢裏遽相違

玄益副草卷之十五終

玄益副草 卷十五

三

玄益副草卷之十六

吳興吳稼塏翁著

七言律詩

金陵發舟趨溧水

江細風微水不波扁舟乘興欲如何思家偶爲聞
砧杵去國非關避網羅蘆岸白花村雪亂荳田黃
葉野烟多茫茫客計渾難定把酒千山且放歌

旅肆夜飲同翁吉賦

自解車旁白玉壺中宵酒盡更能沽客游偶幸依
兄弟情事無煩語僕夫靡靡霜凋河畔草離離寒

玄益副草 卷十六

一

盡水中蒲蹉跎歲序兼容鬢空向明時老道途

歸途卽事

終朝轉側憶鄉園起對明燈白髮繁喔喔雞聲開
宿霧蕭蕭馬色動秋原誰家斷碣埋荒草幾樹枯
桑出敗垣行路不禁幽獨意昨來城市厭塵喧

曉發蒲塘

曉色蒼涼客戒途荳萁初落野田蕪烟銷鬱鬱河
邊柳風亂青青石上蒲宵柝幾經傳遠戍寒衣何
處授征夫鄉心日逐車輪轉迢遞誰憐我馬瘡

高淳道中

青山歷歷馬頭迎策馬看山不礙行鵲立驚枝風
未定蟲鳴亂草雨初晴無端旅食黃金盡幾度題
書白髮生莫謂歸人歸太急垂楊已少路旁情

桐汭道中

雲開古渡水荒荒渡口秋風鴈幾行夾路丹楓寒
映日滿川紅稻飽經霜近家漸喜鄉音熟今夜應
無客夢長不識相如歸臥後可能車騎復游梁

宿桐汭示翁吉

與君罷酒且連牀明日歸程是故鄉河上霜高欺
候鴈塔前風急掩啼螿販樵西郭堪供爨納稼南

玄蓋副車

卷十六

二

山好滌場回首長干行樂處垂楊已斷紫游韁

南歸寄謝在杭

誰從白首薦公車自戀青山返敝廬銜草幾經鳴
野鹿過河依舊泣枯魚絕交未信稻中散題句常
懷柳秘書秋滿蘋洲今夜月一聞鴻鴈一躊躇

東塢觀木芙蓉二首

秋花無意競時妍秋日看花意獨憐弱質晚經池
上露新粧寒拭鏡中烟佳人寂寞依空谷賦客悲
涼隔遠天相對忽然清淚下不須身到楚江邊

其二

芙蓉開遍曲池幽池上携尊且爲留楊柳蕭疎同
向暮梧桐搖落不禁秋折來遠道還誰寄汝罷空
江得自由涼氣滿天清露滴夜深無計可消愁

寄吳公擇

客過誇君勝事賒爲園早種邵平瓜開尊露濕當
筵月對爽風吹滿局花乘興偶然携翠袖長生何
用覓丹砂相貽歲晚無芳草悵望空山落日斜

雪中過翁升飲二首

北風吹雪滿山頭策杖過君別業幽檻外叢篁迷
亂石堦前絕壑擁寒流平臺誰問游梁客刻曲空

玄蓋副車

卷十六

三

回訪戴舟何似一杯頻入手相依歲暮在林丘

其二

故園兄弟有招尋雪落空堦一尺深柳絮不知關
塞苦梅花聊見歲時心興來何處堪長往老去無
端轉好吟忽憶少年同射獵酒酣寒兔逐中林

元夕紀興

落梅一曲動歌聲火樹千枝亂月明入戶寒輕羅
綺艷隔簾風細管絃清良宵興屬新春發佳會人
從故苑併痛飲不知天欲曙霜飛空井乳鴉鳴

戊戌紀事六首

東夷戈甲耀晴空海浪冥冥殺氣中盛世防邊多
選士諸公謀國在和戎輓輸自益車徒困間諜誰
令賈船通司馬未誅軍正出遼陽戰鬼泣悲風

其二

奉使樓船截海行頒封符璽撤連營諸夷晝宴爭
雄長匹馬宵奔緩舊盟曾列玄菟稱漢郡幾逢白
雉獻周京臨邊亦自饒疆土細草春烟廢不耕

其三

傳食幕府鼓行遲鳴綠江波浩蕩時未向前營驅
虎豹早驚巨艦挾蛟螭天吳似欲存孤島河伯無

玄蓋副草 卷十六

四

端覆六師淚落秋風悲逝水回看白骨滿邊陲

其四

浙東山峻水增波召募名編壯士多躍馬寧州曾
破虜操舟遼海復防倭試開軍壁頻挑戰誰叩明
庭再請和萬戶侯封何日事中閨少年感蹉跎

其五

海風吹日盪旌旗振旅皇皇伐島夷正賴威靈當
奏凱何期敗寇續興師鯨翻熱血成波浪鳥啄枯
腸挂樹枝幕府上功無一字封章祗恨乞骸遲

其六

薊門烽火接燕臺海上桓桓帥府開用間黃金宵
遁去飛書白羽畫傳來屯田未建邊庭策臨敵徒
徵郡國材芻輓漕渠天下險好將戎馬禦登萊

訪孝若田居時允兆北游

興盡元龍百尺樓田間暇日獨相求斷垣寂寂桑
枝出修隴青青麥氣浮架有詩書敦舊好坐無絃
管蕩新愁五湖東去烟波綠誰並春風理釣舟

其二

細草新蒲綠映天直乘春水到門前已饒野蕨充
賓供復有垂楊繫客船此夕酣歌堪達曙向來離

玄蓋副草 卷十六

五

析苦經年欲修里社誰爲宰夢落燕山酒肆邊

送謝司理之廣陵

春草青青變客衣陌頭無計駐騾駢坐來楊柳啼
鶯滿落盡梅花過鴈稀遼左軍聲猶未息江南文
士欲何依從他車騎如雲盛自掩空山白板扉

季豹過訪有作

衡門握手對斜曛澗壑風清花氣聞老友自來耽
寂寞無事待玄纁細分蕙葉堦前露亂掃松
枝石上雲會得中林黃鳥意莫教容易嘆離羣

初夏漫成二首

松色浮空畫作陰丘中寂寂有鳴琴每思碧海堪
垂釣不信丹爐好化金西澗偶聞流水過東隣吹
送落花深酣來一枕無塵夢自起開窗出遠林

其二

蠶月荒村獨閉門半庭斜日冷苔痕山雞伏卵新
雛出海燕窺人舊壘存萊子總堪同婦隱向平何
事待兒婚詩篇刪後猶多累學道無心細討論

翁升貽詩送余游廣陵以無貲未果悵然荅之

擬渡春江作遠游東風吹盡木蘭舟歌殘楊柳人

玄蓋副草 卷十六

六

難別啄罷櫻桃鳥不留處士摧頽鸚鵡賦文園零
落鸕鷀裘何如大舶揚州估日擁紅粧醉酒樓

五日示內

起對庭花感歲時低飛雙燕入簾遲葛洪未遂携
家計賈誼空成吊古辭酒沃蒲根香泛泛風吹萱
草綠離離憐余素質渾無恙兒女爭傳五色絲

代內荅

桐陰未滿碧窻紗紅簇安榴一樹花扇發微風開
篋笥絲成五色出綠車雌雄下上偏宜燕子母鈞
連自有瓜淺水拔蒲根不斷金杯歲歲泛流霞

寄朱太復

歷落長松蔭短扉中林有客紫霞衣星軺芳草辭
王路烟艇蘋花隱釣磯避跡不通南郭屐休食聊
薦北山薇逍遙何處堪觀化天地冥冥動殺機

允兆北歸賦寄二首

悲歌落落返丘園國難何由借一言劇孟偶逢周
太尉魯連寧客趙平原獲麟出涕無西狩驅馬傷
心有北轅幾處桑麻堪避世好從漁父問桃源

其二

匣中雄劍閉龍文南北茫茫一壘分回首遼陽高

玄蓋副草 卷十六

七

殺氣愁心吳會入浮雲朝飢欲就狙公食夕宿甘
從野雀羣千載更誰眞下士令人長憶信陵君

寄懷戴伯叔

浮雲吹落大江寒涉罷波濤客自寬何處登樓悲
故國幾人索米滯長安桃花細雨迷金勒橘柚秋
風委玉盤幽獨中林誰與晤空嗟歲月易漫漫

八月十五夜見月華

明月纖雲盪影微千重綺綴素娥衣初疑鑄鏡金
千沸忽訝燒丹火七飛吹笛關山空自怨遶枝烏
鵲更難依秦庭供帳多顏色不掩相如趙壁輝

送閔光祿之南都

連兵遼海血流丹轉餉漕渠歲計難北闕 聖人
方減膳南都仙吏早之官香塵細蹴霜蹄動曙色
高臨露掌寒上食 孝陵無不美何勞常侍鵷鷄
冠

奉謁叅知永嘉王公讌集賦呈

楊花吹雪滿山城拂袖東來海氣清喜見王喬驂
白鹿不愁謝傳起蒼生簷間舊識巢燕曲裏新
聞出谷鶯座客相看多皓首翟門何處見交情

王季中夜飲話舊

玄蓋副車

卷十六

八

憶舊情深泛海船到來霞散赤城天窻中蘿月懸
青鏡塔下松風響素絃芳草未嘗忘子好尺書何
用向人傳當杯夜半歌猶放十載流光委逝川

王季中招同何无咎集山亭亭面太玉洞天

園亭雜樹野烟和乘興從君載酒過雨罷忽然空
翠滴風來何處落花多臨池俯見青山色倚檻閑
聽黃鳥歌欲向容成求大藥只愁丹洞隔藤蘿

集青旭樓

高樓古木迴千童欲雨不雨天蒼茫叢薄飛香礪
花發餘波染墨池草芳歌聲忽間紫玉笛雲氣乍

冷黃金觴山川信美更何有客子淹留忘故鄉

同王季中坐雨因東何无咎時无咎卜居山

中

霏微雨色散空除密篠娟娟映戶餘檐挂雕籠棲
翠羽池通小竇縱文魚主呼綠酒長虛席客慕青
山早結廬却笑野夫無一事但從醉後讀丹書

奉陪王叅知公泛舟之陽湖

綠波蕩漾白鷗遲正是千林雨過時天倒平湖雲
澹澹烟消斷岸柳絲絲移舟自合同元禮去國誰
能識子皮幾度青山容載酒花間掃石一題詩

玄蓋副車

卷十六

九

望吹臺山

仙人幾下綠雲迎遙望層臺紫氣生東海有時來
控鶴縵山何處更聞笙千尋翠壁幽堪臥九轉丹
砂術未成欲向峯頭拾瑤草天風吹夢入蓬瀛

登鎮寧樓二首樓為王陽德先生構

層臺飛閣快登臨翠壁丹梯薜荔陰檻度流雲千
嶂合窻銜落日大江深經游陌上驕華轂結構丘
中託素琴東望冥冥滄海濶空懷公子釣鰲心

其二

烟樹微茫萬壑平醉來臨眺不勝情城頭雲氣團

華蓋海上霞光動赤城客似陳登聊寄傲樓因王
榮始知名東南幾見兵戈戢欲攬吳鉤白髮生

同王季中何无咎吳伯宗邵少文林思洪集
王昭文太王樓

飛樓縹緲一尊開絕壁流雲暗古苔簷鳥朝衝花
霧散松風晝挾海潮來烟霞迴接神仙境詞賦終
慚上客才不向此中求紫籙更從何地問丹臺

參知王公貽詩見贈次韻奉荅

携局來探謝傅家攀援青桂吸青霞買山教學堯
時隱作賦難同楚客誇但挹酒漿瞻北斗懶驅塵

玄蓋副草 卷十六

十一

夢到東華行游處處營仙窟顏謝那能擅永嘉

松鶴齋看月呈諸君子

露氣澄空片月孤却疑避暑在水壺光生桂樹凌
清漢影借松枝掃綠蕪興到偶調玄鶴舞酣來還
倩嬾童扶狂夫自少多狂態莫訝難爲禮法拘

荅贈韓茂才

十年淪落隔天涯握手何期在永嘉勝地幾人能
著屐名園無日不看花懷中探贈江生錦溪上流
傳越女紗六翮青雲君好振野夫將臥赤城霞

吳伯宗夜餞留別一首

花間累月對君歌此夕開尊奈別何禮數故知甥
館重山川寧厭客游多鏡中霜色侵蒲柳池上秋
風減菱荷後會茫然空老去不禁離思滿滄波

林思洪枉餞江心寺賦此爲別兼貽邵少文
倦游非是薄鄒枚其奈秋風客思催古寺垂楊供
繫艇大江斜日照銜杯僧來桑下無三宿客醉花
間已百回如此爲歡今欲間不因遠道重徘徊

林元琳過訪荅上賦贈

十載滄洲理釣綸白頭始識武陵人窮源未到桃
花水對酒空歌楊柳春已屈已歛成下節不知朱

玄蓋副草 卷十六

十一

玉有東隣携書日向青山讀湖海無端入興新

湖上荅凌茂才

西陵渡口問漁舟花下逢君繫紫騮越女盡歌新
樂府吳山不改舊壚頭園林積氣蒸梅雨木國微
寒殢麥秋欲報王孫惟綠草白波無奈蕩心愁

同林元琳湖上泛舟

晝日移舟就綠陰日斜仍爲泛湖心沿堤荷葉流
香氣隔岸蜩螳通遠音波濺吳姬時拂黛風來楚
客一披襟欲書景物終何補肯放餘杯到岸斟

八月十六日齊王孫國華招集迴光寺結小

山社時以諸姬佐酒分韻二首

驅雞已斷八公謔勝會王孫此見招叢桂暫教留
客隱孤桐久不向人調日斜鹿苑苔初冷秋半秦
淮草未凋送酒盈盈桃葉伎可能常帶出山樵

其二

門外金羈蝶躑驕偶因虛左赴君招秋開白社蓮
俱脫客賦青山桂不逢六代繁華悲蔓草一時佳
麗闕纖腰餘尊擬向何方整月照垂楊舊板橋

病懷柬李豹

西風吹雨濕庭柯客裡逢君抱病多塵鏡絲絲添

玄蓋副草 卷十六

十二

白髮山雲澹澹沒滄波焚餘尚爲秦書誤廢後其
如漢詔何十載長干沽酒地誰從走馬聽絃歌

病起柬潘景升

清霜殺藕藕花枯留得微軀少壯圖飢夢幾回食
石髓束書無復理陰符南飛自託枝間鵲西去誰
憐曲裡烏同調半殘君獨健好將顏色問當壚

自慰二首

落落談經二十年蹉跎容鬢有誰憐丹爐欲叩長
生訣白足將參小乘禪春日看花披礪戶秋風收
秫滿谿田故園亦自堪娛老何用追尋范蠡船

其二

裂却儒衣毀溺冠從今天地始知寬山中石髓食
應健閣上松風夢亦寒藜藿幾時驅虎豹江湖何
處有波瀾家園豈少千竿竹隨意臨流選釣竿

諸同社招國華王孫再集西園余以歸不及

赴賦此爲別

南國紛紛勝事臨野夫扶病返中林開尊但美西
園集和曲何勞下里音江柳風枝吹夜月井梧露
葉墜秋砧諸公儻有能相憶把酒高臺望遠岑

寄孝若

玄蓋副草 卷十六

十三

黃河九曲蕩高空欲濟無梁感路窮南望寒雲深
澤雉北來霜色老邊鴻一丘擬托終焉計萬事何
關靜者功頭白楊雄徒自悔太玄猶未異雕蟲

庚子除夕

靜對青山讀道書衡門忽忽歲云除寒雲流影迷
空谷好鳥遺音托敝廬幾向堯年歌擊壤未聞漢
詔降安車一杯且爲邀春色來日梅花滿眼舒

辛丑元旦

雲開間井動晨烟蓬戶春風又一年聞處鶴聲多
在野潛時龍德不違天長松幾樹通書幌新柳何

枝挂馬鞭任俠已慵儒亦倦欲從紫籙悟真詮

人日茅薦卿水部過訪

偶因人日一登臺忽報衡門結駟來上客自能忘
綬冕野夫安用剪蒿萊林鶯啼處春光轉岸柳舒
時暝色催漁獵久虛無可供呼兒秉燭進新醅

同允兆過陽伯叔山園同用鮮字

累榭層臺曲徑連俯看墟里動炊烟半空山翠霏
衣上一片寒濤落酒邊幽谷歌傳春鳥細中厨飯
出野麋鮮題詩欲選花間石薛駁苔荒不記年

震師過訪留宿

玄蓋副草 卷十六

十四

溪烟澹澹樹層層寂寞虛堂共一燈少日遨遊多
艷質中年結伴有名僧梅花競吐林間雪春水初
融澗底冰幾欲相從方外去無端童稚阻擔簦

正月十三日邀諸叔諸兄弟飲奉東

新酒玉缸春已成相期共向草堂傾阮家正洽林
中興謝氏還深池上情滿目依然梅柳色遙聞幾
處管絃聲若從杯外求丹液容易青銅白髮生

元夕同諸公宴集明伯叔宅時震師偶至入

座

佳辰華館一開尊桂火榆星綴戶繁豪客盡來霑

綺席道人元未見朱門輕風羅幕春相蕩香霧瑤

階夜不昏聞說東南兵已戢詎嫌村社鼓聲喧

伯兄貽詩有翁升之感讀之愴然賦荅

谷口春風動紫蘭梅花一片落清湍相求賴有鶯
聲切寓目其如鴈影殘幾度悲歌聊當泣經時幽
獨強爲歡詩成何處論心賞夢入池塘草色寒

田居望雨聞婦子輩請紫姑問蠶酒間戲成

一章

村中望雨幾經旬戶外鳴鳩好喚春田父只憑黃
犢力蠶姬方降紫姑神墻陰桑柘枝難綠庭際櫻
玄蓋副草 卷十六

十五

桃花自新接得槽牀初壓酒小窻獨酌不知貧

分植桑秧

豈美成都八百桑山家亦復種桑秧不知枝葉何
時茂自笑田園幾處荒野外鳴鳩將拂羽閨中羣
女未提筐祇嫌風俗吳興舊蠶月無人過草堂

偕內登朝光樓率爾占示

携手闌干詰曲行嬾從閣上置音聲熒熒初日臨
窻映冉冉春風向戶生一笑不須逢射雉三杯且
爲聽流鶯已無塞外功名念肯羨機中錦字成

送以訓兄之淮揚謁寧伯叔任中

垂老吾兄未遠游一游今便達揚州帆飄白浪江
心閣夢遶紅粧市上樓官舍還同阮公醉荒祠不
解韓王愁故園我自無拘束春水桃花泛釣舟

寄轉運寧伯叔

淮北淮南草正芳相思千里隔垂楊關門絡繹臨
中使杆軸紛更擾故鄉客幾渡江成遠涉人今衰
海見流亡傳聞官舍多名酒退食應難數舉觴

齋日鄰人邀飲有作

學道年來何所聞未能禁酒強除重隨緣且踐隣
家約止殺還遵淨土文遺粒滿堦供鳥啄驅蟲當

玄蓋副草 卷十六

戶避雞羣幾時持鉢空山去合掌西方禮白雲

出飲感事

朝來小飲過隣庄客醉顛狂詛楚亡翡翠可能吞
釣餌鵲鵲久不淬干將避仇季布終難隱嫉惡稽
生亦太剛何似頽然無毀譽一杯脉脉對斜陽

寄懷漁舍主人

蘭陰釣客王方平避世因之欲避名投餌磯頭春
水綠披蓑舫際白雲晴得魚不賣將何托遇酒忘
沽空復情我借樵風來往便好分一楫蕩波明

煮酒

入林童稚拾枯枝煮酒山家又一時美味釀來餘
臍意清香流處動春思柳邊未試青絲轡花下將
傾碧玉卮最喜嚶鳴勸黃鳥不須調笑就胡姬

過翁吉小集花前時翁吉以翁升之戚不能

飲

入手春杯幾厭深花枝依舊發墻陰長懷幽谷芳
蘭秀忽度中林黃鳥音主在自令花有色花開不
解主傷心相看淚落斜陽裏今夜難爲醉士吟

二月二日偶作

碧窓寒色鎖幽叢睡起啼鶯怯曉風野老好甘頻

玄蓋副草 卷十六

食齊閨人隨俗一簪蓬堦除食罷無飢雀開塞歸
時有斷鴻欲使白雲生遠興只持杯酒向春空

過東塢

山園幾樹櫻桃開乘興還能躡屐來坐石屢教童
子拂携尊兼許野人陪淙淙澗溜鳴寒玉寂寂林
香送落梅歸鳥欲棲烟未暝綠池波色盪殘杯

梅溪晚發

雨後深溪水急流野夫乘興泛扁舟橋迴遠浦通
朱閣波蕩寒沙起白鷗新柳更宜含夕照落梅何
處點春愁行游不盡江南地夢斷胡姬舊酒樓

雨後汎舟訪允兆

積雨初開湖上天東風吹散柳條烟高人久閉繡
經室野客猶乘載酒船老去耕桑荒素業向來歌
舞誤流年新添幾尺門前水到岸先教一問禪

錢塘早發漫成三首時有僧同載因用僧字

春江風急浪層層噴雪連山觸岸崩無事屢爲東
海客何期同載補陀僧舟人取火惟敲石童子炊
糜不斧冰少日青驄幾乘興可堪回首望西陵

其二

津郵撾鼓近西興舳舳千山坐可凭赤脚漁人方

玄蓋副車

卷十六

十八

撒網黃頭奴子未擔簦來携若下三春酒去杖天
台萬歲藤作計擬窮幽勝處恐多親故不如僧

其三

滿江烟樹曉寒凝風浪開舟老尚能許作南州磨
鏡客幾逢西渡折蘆僧草生不放春潮沒花落還
催白髮增前路山川好登眺祗從灘上問嚴陵

途中上已寄允兆孝若

馬首春風客思多佳辰無乃鬢蹉跎幽谿婉轉花
香濕修壠高低麥氣和絲竹幾家吹落日羽觴何
處逐流波故園兄弟如相憶應向中林聽鳥歌

舟中寒食

東去揚帆赴海門起看晴色散朝暎烟江楊柳絮
空翠春水桃花沒舊痕故里幾添新上塚國殤猶
有未招魂獨憐老作殊方客岸草汀蒲媚酒尊

過陽湖感憶王參知公因呈季中

別業幽探勝不窮重來惆悵對春風階前鳥啄青
苔破座上人隨綠酒空芳草盡芳寒食後落花半
落客愁中高堂寂寂無絲竹誰向泉臺起謝公

同王贊夫邵少文柯茂倩集何无咎山樓得

雲字

玄蓋副車

卷十六

十九

登樓開酌謝人羣那向華陽叩隱君離作短垣多
藝竹山連虛牖近通雲落花不爲隣家掃啼鳥能
供野客聞深坐幾番疎雨過更須杯酒送斜曛

宿何无咎山樓王季中以詩見懷賦答

美人宿我山中樓復有美人相憶愁離合總難憑
客夢去留隨意作春游飛花忽墮窻間枕弱柳時
牽湖上舟今夜一尊同散髮直呼明月遡波流

過訪王贊夫同王季中何无咎項季興邵少

文柯茂倩宴集園亭

逢君不減故交情落落長松逼座清雜蒔園花多

異種細詢海錯有新名我來尚覩高人楊客醉猶
呼力士鑪老去無心重顧曲愁須黃鳥作歌聲

詠瓶中牡丹

名花天與出塵姿春色撩人在一枝傍檻復矜清
露濕臨窻猶怯曉風吹轉移嬌態還誰主斷折芳
心總自知但使流傳供奉曲不妨零落守空帷

同潘別駕劉將軍集陳光祿西園因賦

名園窈窕絕驚塵一徑茸茸碧草新滿郭山光遙
合翠臨池柳色近合春同來豈少看花客舊識惟
憐奏曲人美酒十千沽不惜肯辭今夜臥苔茵

玄蓋副草 卷十六

二十

觀清瀆新橋同王季中何无咎賦

滿谿晴色散烟蘿谿上橋成載酒過忽訝虹霓生
碧水不煩烏鵲架明河春江有楫還誰汎遠道無
車柰客何此去天台仙路近紛紛花片逐流波

永嘉寄陳公衡吏部先爲永嘉令

生平不作貴游書祗是懷君夢未虛吏部可能忘
叔夜臨邛誰復過相如嘶殘紫馬三春柳望斷黃
塵萬里車猶記白門爲別處寒烏啼到四更餘

立夏前一夕同邵少文集林思洪園亭兼談

舊事因賦

頭白無端滯海濱一杯轉自戀殘春偶來金谷成
高會幾向銀箏醉美人棲鳥夜鳴空澗雨落花香
散客衣塵故園柳絮飛應盡腸斷汀洲舊採蘋

贈八十王翁

老翁鶴髮桃花顏滿篋新詩手自刪時喚優童娛
座客閒隨樵子過禪關牀頭亂帙無所用膝上一
琴猶復閒只恐留侯能畫策茹芝不得有青山

聞警卽事兼柬王季中

居民鳥窠晝聞喧戰艦飛書白羽繁島寇未能臣
卉服秦人何處問桃源燈前拂劍寒星動野外鳴
玄蓋副草 卷十六

三十一

鏹夜月昏不放魯連東蹈海圍城安得困平原

詠瓶中櫻桃

何用花香結夢思櫻桃有實自疊繁折來庭下春
方惜移向窻中鳥不窺紅淚似難分愁妾朱唇容
易掩歌姬石家如意空相妬留得珊瑚出水枝

詠綠陰

嘉蔭垂垂曲徑藏底須花葉占韶光苔茵不雨常
疑潤翠幄無風亦自涼游女不分倭墮髻俠兒時
息紫絲韁何如靜會幽人意枕簟相依午夢長

舟行歸思

大江日夜水粼粼飛盡楊花不見春枕畔獨吟愁
裏客鏡前雙笑夢中身生能無累龐居士老未忘
情白舍人兒女團圓歸便得底教歌樹暗流塵

夜阻江上

風揭空江浪忽興停舟斷岸石稜稜遙聞野寺一
聲磬近辨漁家幾處燈歸信不如潮有准客程翻
似夢無憑薄寒誰爲更衣計閒殺中閨半臂綾

將抵錢塘岸有作

江流三折勢漫漫咫尺風帆到岸難海氣成霞朝
忽雨浪花吹雪書逾寒傷心蘇小乘油壁回首嚴
玄蓋副草 卷十六 三十一

陵把釣竿高隱艷游俱幻跡雲樓擬叩說經壇

秋日山居二首

汲澗樵薪事有恒山居聊望薄田登堂中已少呼
盧客門外還多乞食僧草濕砌蟲鳴夜急萍開池
水帶秋澄洛陽無限繁華子章菜鱸魚老季鷹

其二

庭前草樹總無奇榮悴聊因識歲時兒子不知秋
稼苦老妻常厭濕薪炊水聲日切琴中韻霜色微
吹鏡裏絲壯志轉移仙道近鴻門挾策有安期

過翁吉山堂卽事

美汝茅堂澗水西烟蘿面而足幽棲涼披池上叢
生竹秋熟庭前一樹梨偶爲栽花開別園幾因垂
釣問清溪飛飛蝴蝶聊觀化歌枕窻間夢不迷

允兆客南都寄懷

楊柳凋殘楊子津津頭遙接白門塵未聞赤鳥趨
蓬戶唯見紅粧載畫輪客借薛公聊市義交非鮑
叔豈知貧荻花澹澹秋無際烟水相期理釣綸

過飲山園

曲池累榭傍層崖相過曾無俗客偕谷靜蟬鳴遙
辨樹水清鶴浴正當堦一杯自洽幽人興萬事何
玄蓋副草 卷十六 三十二

榮曠士懷吟遶東籬看月上不知露草濕青鞋

玄蓋副草卷之十六 終

玄益副草卷之十七

七言律詩

遣懷

不漁不獵不張羅終歲棲遑在澗阿著傳欲栽徵
士柳書經懶換右軍鷺一拳頑石依荒竹幾樹長
松帶女蘿鳳德豈因衰世見衡門忽值接輿歌

秋雨臥病

營營婚嫁事相關抱病今朝始暫閒寢室夜寒勤
婦織田家秋雨悅農顏墟中曖曖孤烟滅庭際陰
玄益副草 卷十七

陰積薛班嬋性自來堪入道何年一鉢住空山

病中憶亡弟翁升

少時多病老能強老病翻悲少者亡落日寒催天
帶緩浮烟秋染鬢絲蒼酒錢貸我無虛歲詩價傾
人有舊車吟罷西堂清淚滴不須哀笛起山陽

晨起閒坐感成

欹枕中宵萬慮盈朝來閒坐聽禽鳴金空壯士難
爲用田薄家僮不廢耕當戶垂垂松葉暗遶籬灼
灼槿花榮何年長嘯辭家累採藥求仙畢此生

社日過山庄

吳興吳稼塲翁

背依叢竹面清溪茅屋蕭疎類瀼西兒子社錢無
用覓田家秋釀且相携梁間已去將雛燕墜下新
行傍母雞一束荆薪兼蘊火不愁山路夜歸迷

允兆南歸賦寄

菰城秋氣莽蕭蕭歸客都門贈柳條源裏忽通源
外棹郭東應待郭西樵海波餘潤風烟隔庭樹華
滋日夜凋不是與君同茹澹安陵誰抑富人驕

生朝自遣

朝來酣笑對兒曹猶勝臨窻讀楚騷蓬鬢不堪加
勁刷壯心且爲寄柔毫白雲遙影連三島野鶴清
玄益副草 卷十七

音振九臯剪綺裁紈無定製道人歲歲一方袍

題壁

一生挑達不知貧垂老猶難逐衆人釀黍欲呼田
父醉結茆思托墅僧隣陵陽有壁終懷罪少伯無
金可鑄身朋好近多裘馬憾始知任俠豈常倫

晨登朝光樓值雨卽興二首

登樓微辨遠山姿正值陰晴驟變時藹藹朝霜銷
柿葉蘇蘇秋雨響桐枝野夫得句拋銅鉢侍婢隨
行捧玉卮倚檻松聲忽成度不煩哀竹與清絲

其二

臨高忽動秋風吟雲氣冉冉生虛襟澗谷楓香乍
流雨野田蓬根時結陰朝春歲稔有脫粟夜寢天
寒無錦衾頭白承筐婦勞苦桑枝黃隕愁人心

過山庄收栗戲成

興到聊乘羸特車山庄地僻足生涯未聞栗里曾
收栗却笑瓜田幾種瓜場圃歲功猶待畢園林秋
事漸成奢牽衣索食饒童稚應向衡門候日斜

屠綈真貽書及詩見懷賦荅二首

嘆息東京黨鋼成美君早已學無生陳詩久廢觀
風命求禮翻深在墅情遠睇扶桑流日影俯聆大
玄蓋副草 卷十七 三

其二

白門相見卽相離東海貽書慰夢思緘處露桃方
著葉到時霜柳已殘枝水流不解催年急花落還
嫌醉客遲一自餘波沿綺麗非君大雅有誰期

祝無殊再過訪賦示

門外重停上客驂一逢嫁女一婚男自憐老去多
身累敢謂名存侈衆談玄白未分楊執戟春秋空
屬杜征南何如相見悠悠日聽鳥看花坐碧潭

東震師

山窗淪茗度松風幾處寒花發礪中水落清霜霑
碧草烟疎斜日媚丹楓緇流靖室招應至俗客衡
門閉不通解道能空諸所有年年婚嫁愧龐公

御寒衣作

蕭蕭寒色動衡門敗絮蘆花擁自存肯向吉光矜
片羽嬾從狐白借深溫開軒更曝初晴日倚檻仍
呼未聲尊不少尋常終老計無煩束帛賁丘園

東明伯叔

著書垂就鬢絲殘艷舞嬌歌興未闌欲借花間一
席地聊成燈下片時歡酒人在在招應易俗客紛
紛避不難莫使尋常負良宴空山飛藿起悲端
玄蓋副草 卷十七 四

閒興

雲護霜天慘積陰忽看日氣散中林連宵秉燭成
荒宴幾處開樽廢苦吟童子追隨宜佩讎隣家相
過不携琴舞樓歌榭年年遠猶有餘歡損道心

酒間率示翁吉

秋枝憔悴入春榮作計無過是達生四壁不堪承
劍影中堂忽漫動歌聲白波蕩夜杯常滿紅淚收
寒燭屢更陶寫只愁絲竹廢豈因兒輩減歡情

枕上作

偶云長夜樂無荒直置閒眠苦夜長窻影半合空
砌月葉聲微墮滿林霜誰家舞席陳朱閣何處歌
塵動畫梁頭白恐難虛勝會終朝一室坐焚香

曹能始席上率贈陳惟秦二首

欲落不落黃雲低見鷺散亂水滿溪我家住近北
山北與爾相逢西水西入座便堪命綠酒校書何
用燃青藜留連夜半未成寢門外月落聞烏啼

其二

烏啼湖上天雨霜此來不獨逢曹郎三人列坐幾
開卷一室淨掃兼焚香達士無過識時命他鄉何
事空彷徨不如痛飲若下酒落落悲歌忘夜長

玄蓋副草

卷十七

五

歲晏偶成

歲云暮矣風淒然豈其零落南山田疎篁掩映半
庭雪獨鳥棲息中林烟溪上老翁索魚價爐頭女
兒催酒錢衡門暫啓一失笑復有僧難來募緣

辛丑除夕

紛紛守歲歲將更秉燭傳杯直到明梅蘂好風吹
石砌松枝殘雪照山楹身偕萊婦終成隱飲笑陶
公尚近名大道豈因婚嫁累聊從兒女說無生

壬寅元日

歌舞空憐白首人年來學道不知春烟霞已闢長
生路山水還同太古隣得句寒添栢葉味焚香夢
合梅花神渭川一出慚眞隱無意清溪把釣綸

正月三日震師過訪

茅堂新歲未開樽石几聊爲拂蘚痕池上薄陰含
積潤庭前微綠現陳根餘生幸免多岐惑大道兼
忘不二言構火一鑪相對擁寥寥深夜更成溫

立春遣興

春回大澤草芊芊老去悲思射儼年楊柳芳情含
澗雪梅花疎影破溪烟誰家座上淹歌吹何處壚
頭許醉眠笛裏不聞關塞曲偶因歸鴈感窮邊

玄蓋副草

卷十七

六

諸叔諸兄弟過集

張燈燃炭復開尊春色依微到華門主好聽歌僮
未習少多越禮老能敦月來青嶂窺簾影雪印空
堦滿履痕夜半廚人炊脫粟不妨深坐待朝暾

早春山居

巖拾青芝澗折麻山居歲月足生涯行看宿楚成
芳卉坐聽朝禽接暮鴉偶爲掃除移白石不因服
食鍊丹砂春風佇待河水泮依舊臨流理釣車

允兆能始孝若喜余至君上有作用韻奉酬

終歲悠悠臥澗阿貽書今爲出烟蘿千林霽日微
含雪二月春水始泮河老去尚無鄉曲譽興來惟
和郢人歌扁舟美酒還同載不待新花照綠波

舟中春盡

出門總爲憐春色春去如何不可憐漁父方舟吹
鐵笛俠兒停騎揖金鞭愁連碧草江南地夢斷黃
雲塞北天一片客心何所托楊花飛墮酒樓前

丹陽道中

作客將舒獨往情那知客路有逢迎偶因學道輕
妻子悔不從人變姓名斷岸低昂青嶂迥空林掩
玄蓋副草 卷十七 七

映綠波明來帆去楫紛無已盡日攤書聽鳥聲

舟中送溫長卿登陸二首

淮南淮北草蕭蕭欲別其如楊柳條綠酒經時淹
畫舸黃塵千里動星軺憂來世難空無補歌罷離
魂黯自銷聞道 聖明多法祖中璫何日詔歸朝

其二

帆前花氣尚霏微愁說登車會面稀幾向中流同
汎汎還從周道詠駢駢聽殘羌笛悲征戍吹盡胡
雲見帝畿勿謂衣冠無甚偉只今鴻鵠已高飛

邳陽野步

隴阪荒荒落日橫操瓢負劍事閒行偶經屯戍談
兵畧復遇游僧聽梵聲高柳數行連斷磧白沙一
片擁空城愁聞河徙龍興地水草侵田歲不耕

贈王山人叔右當

世廟時董宗伯祝釐之詞盡出其手

斗酒逢君不願餘無端舊事使沾裾顧瞻天子祈
年觀草創詞臣封禪書京洛近來非俠窟蓬瀛何
處屬仙居黃金大藥終難就只合垂竿海上漁

下相野中卽事

麥花晝放麥寒輕極目蒼蒼野樹平草際人歸雙
玄蓋副草 卷十七 八

雉起谷間車頓一牛鳴官舟買舶稀吳語漁唱樵
歌盡楚聲匹馬晴原驕射獵俠遊誰復笑儒生

淮北舟中遣興

問爾胡爲舍故廬終朝欹枕在舟居淮陰城下空
垂釣黃石橋邊幾授書殘酒小僮沾欲醉一錢貴
客歛無餘煩憂擾擾將何極昨夜游仙夢已虛

舟中獨酌偶成

玉勒金鞭委路塵誰令老作渡江人鄉心海燕傳
書少客計胡姬貰酒頻烟樹愁深平楚色風花夢
斷狹斜春滄洲華髮驚時暮自愛頽然醉裏身

桃源道中

當歌慷慨一停觴道路多經古戰場聖世短兵稀
血刃征徒長劍斂星芒濛濛山翠生空雨渺渺河
流接大荒踪跡不妨傭保雜鷄裘久已付陽昌

暮抵黃河口作

濕雲墮水水增波日暮空教對酒歌爲客今年先
白髮離家千里始黃河臨關重見貂璫出倚壁其
如杼軸何慘淡浮陰連四野不因懷古淚滂沱

阻淺黃河

吳檣楚柁阻通津風弄微波岸起塵沈馬不難歌

玄蓋副草 卷十七

九

漢帝椎牛空自賽河神征金商販關多暴輓粟漕
渠戍苦煩地控咽喉天下計豈無京國善謀人

投贈大宗伯于可遠先生四首

熙朝禮樂秉宗工文出秦碑魯壁中慷慨一書全
相母忠誠累疏定儲宮拂衣顯氣深江北援筆長
虹落海東過客紛紛乘駟馬高門終自讓于公

其二

居然登岱倚崔嵬俯瞰扶桑海一杯著績羞稱齊
仲父談詩欲退魯申培斲教天際雲雷紋肯放山
中日月催社稷安危關出處可能高枕負調梅

其三

北來莽莽晝長陰越鳥巢枝失故林郡國難羈惡
少馬關門多利賈人金在朝在野憂寧細懷古懷
今涕不任諸鎮掃除中使跡肅皇端拱廟謨深

其四

元老名從物外逃那知大陸有波濤久看威鳳翔
千仞敢托胎禽唳九臯小隱固難依地肺微生猶
未解天設負薪道左頭將白廉吏誰能念叔敖

劉文學招飲園池

劉生慕我吳中豪池上開尊薦紫桃亂石橫雲芳

玄蓋副草 卷十七

十

榭冷飛橋環水赤闌高烟收白鳥巢溪樹日落黃
狐窠野蒿挽客苦無滄海月夜深歸馬古城壕

送阮堅之司理之晉安二首

野夫覽勝穀城秋君向閩天作宦游榕樹陰連公
府靜橘花香落訟庭幽佩來神劍無離合檢罷方
言有校簪南望武夷雲片片可能貽贈到滄洲

其二

北來鼓吹引征鞍望裏雲生海岱寬世罕循良追
漢吏君多著述擬周官雨流石砌蕉花紫水錯雕
盤荔子丹風物固知相逐好無端邊塞思漫漫

立秋日于宗伯先生携酒南溪作

溪館蕭然暑不侵
朝來一葉動秋吟
槿花灼灼宜
藩逕棗實垂垂正
滿林野客浪爲憂
國語老臣元抱濟
時心相携斗酒渾
難醉起望南山已
夕陰

黃石山謁黃石公祠

黃石能瞻老父祠
青山那識漢官儀
古苔漠漠生顏壁
秋草芊芊沒斷碑
進履空教懷往代
授書元不在明時
太公兵法何爲者
孺子無心作帝師

登于宗伯先生黃石山樓

馬試秋郊碧玉蹄
高樓乘興一攀躋
海波隱隱搖玄蓋
副草卷十七十一

空綠岱色蒼蒼入
望低飛鳥突衝雲
出沒垂虹雙飲澗
東西此中何用傳
兵法關塞于今靜
鼓鼙

南溪大雨觀漲

南溪暴雨關雷霆
隔浦山光驟失青
崖振飛流翻巨石
濤驅絕壑撼孤亭
魚能煦沫沙多擁
龍解噓雲洞有靈
滿目滔滔東逝急
愁心一爲瀉滄溟

南溪晚坐偶成

胡床臨水坐頻移
溪上涼生動晚颼
野叟得魚初罷釣
山農放犢早拋犁
鄉心可耐蟬鳴樹
客計還同鵲遶枝
幾向天涯看片月
閨中容易老蛾眉

于宗伯先生枉餞黃石公祠呈別

釣罷南溪尺鯉魚
離歌忽動淚沾裾
澹臺懷壁衝波日
疏傳留金置酒餘
黃石祠前秋草盡
穀城山下夕陽初
子房謝病游方外
圯上何人更授書

入都荅戴伯叔見貽

嘯歌五載曠中林
握手都門感倍深
夜月迥臨承露掌
秋風忽動搗衣砧
懶聽漢闕雞人唱
欲和幽州馬客吟
祗是舊游渾不忘
秦淮雙楫蕩波心

潘太常招飲有作

江鄉十載枉相聞
作客長安始遇君
自昔賢豪多玄蓋
副草卷十七十一

置酒只今冠蓋少
論文青天片月流
鴻影紫塞高秋動
馬羣但使過從常
得醉野夫夢斷故
山雲

送潘太常奉使塞上二首

風落黃榆一鴈過
催君曉渡白狼河
金錢歲發收龍種
玉塞時聞進橐駝
莫以祠官私禮樂
佇看邊將息干戈
草枯水合長城窟
極目胡天倚劍歌

其二

悠悠旌旆出漁陽
絕塞爭教識太常
奉使三秋乘白馬
降胡千隊牧黃羊
吹笳夜肅邊城月
擊柝寒深海樹霜
人到朔方功不薄
孤兒空混羽林郎

都門秋夜

誰從都市托閒居紫馬驕嘶俠未除道上偶逢勾踐博屠中幾避信陵車葉聲秋賦鳴蛩際露氣寒深蔓草餘但使長門無怨恨不須賣賦有相如

遣興

自憐頭白一書生飄泊終然在帝城胡馬控風時蹀躞燕姬乘月幾逢迎霜飛御苑秋砧起雲斷高空朔鴈鳴不是尋常甘避客琴中安得有繁聲

費比部元楨招飲賦贈

城堞烟光隱暮笳相過斗酒慰天涯我因擯落慚

玄蓋副草

卷十七

全一

先世君自風流勝外家馳道月明停紫騎都門秋老見黃花醉來繾綣猶難別夜半寒啼花樹鴉

長安看月

天清四塞月流輝霜落空隄蔓草稀北地秋高逢馬獵南枝風勁見烏飛愁生鏡裏應添老淚濕刀頭苦不歸莫謂長安今夜冷邊頭猶有客無衣

赴飲偶成

風林颯颯露漙漙荏苒空嗟客鬢殘謬爾山川推掌故傲然杯酒許交驩今朝華屋聲歌沸幾處朱門草樹寒夢落五湖烟水濶野夫莫擬是任安

送張以芳之汝寧赴崇藩之約

酒闌拔劍歌茫然送爾垂楊大道邊桐栢觀臨淮水月胎簪山逼汝陽天青郊草獵春風騎朱邸花迎雪夜筵行樂當年差不負雪溪羅釣冷秋烟

送朗公還四明兼寄空波如晦休遠西來四

上人

飄然振錫返叢林草沒黃河雪後深天姥烟霞虛夢境洛伽鐘磬隔空音本無離別何煩惜儻有因緣好重尋寄語江城諸法侶緇衣莫受世塵侵

送潘太常南歸

玄蓋副草

卷十七

十三

奉使翩翩塞上還仍看飛旆指青山玉關烽火餘邊思石路烟霞駐客顏法從優游虛鹵簿旅人寂寞額刀環橫塘載酒探春約不待桃花點地斑

燕中逢崔使君七十初度奉贈二首君爲萊

州人善醫

循吏當年去見思更兼神術挾軒岐圖騰督亢山川在家近逢來日月遲採藥自深歸隱計偷桃寧負列仙期獨憐野老憂難釋珍重安車召對時

其二

停車長嘯蘇門秋未許黃塵染鬢愁紫寒寒光開

北望滄溟雲氣豁東流刀圭立起龍宮疾城郭爭
看鶴馭留何日一杯歌主客千金爲壽萬年酬

感興六首

燕市悲歌酒易消朔雲寒日倍蕭條未聞漢闕鳴
青鵲惟見胡天落皂雕保障有時收郡縣誅求何
地着漁樵上書亦是書生事白首空慚一敝貂

其二

獨立寒風吹客裾高城鼓角夕陽初翠華盡日臨
宮沼黃髮中宵值禁廬關塞忽看南去鴈親朋久
斷北來書飄零擬作依劉計家豈秦川喪亂餘

玄蓋副草

卷十七

十四

其三

碧樹摧殘碧草凋燕京晝日度霜颼紅顏幾得官
中老白骨多從塞外銷詞客謾誇司馬賦野人惟
說孝宗朝尋常逐兔呼鷹地纔聽吹笳慘不驕

其四

采金流血滿山根野哭荒荒野日昏早晚司農憂
轉餉往來邊帥失營屯天清海國鯨初偃風急關
門虎尚蹲此際故園諸父老誰能飽飯牧雞豚

其五

明珠照耀捷好粧翡翠珊瑚積尚方何處恩魚重

望幸於今禍水絕須防朝游羅綺分鑣盛夜出笙
歌列炬長戚里豪華誰得似不煩兼佩徹侯章

其六

諸公濟濟在朝廷言事還應動引經莫謂黨人齊
李杜須知聖祚異桓靈江湖浩蕩虛舟楫耆舊依
稀具典刑矯首冥鴻天空濶黃雲落日慘郊垌

寒月有懷

雲光開夜夜將闌明月飛空一鏡寒萬戶霜砧疲
搗練六宮秋扇罷裁絃風吹桐井啼烏歇水合蘆
溝去鴈殘書斷高樓愁思婦不禁清淚濕長安

玄蓋副草

卷十七

十五

寄允兆

馬踏黃雲暮出郊旅魂兀兀憶衡茅衣冠未可求
三益翰墨終然謝五交魚恤枯鱗將縱壑鳥銜脫
羽自成巢亦知汗漫皆吾事只合同君老繫匏

寄孝若

繫馬高樓醉夕曛吹來一片是吳雲鄉心正爾愁
無那國事紛然詎可聞我自迂疎甘棄世人皆感
慨願逢君松風遙隔中宵夢空憶華陽十賚文

同長卿夜坐有作

與君拋卷且彈棋日暮烏栖庭樹枝酒氣乍寒霜

落後燈光半隱月來時豈無朝事關身計未許車
塵上餐絲家住蘋洲書信斷愁深柳暉搗衣詩

苦寒戲東沈千秋

紫騎青絲白玉鞭誰能停騎狹斜邊美人歌擁如
花夜羈客愁生欲雪天飢向東方分漢粟寒從西
子乞吳綿十千沽酒錢難給枉殺空文諛墓田

病中米君夢過訪

冬日翻因抱病長誰憐客子滯他鄉枯荻細結中
庭溜稿葉寒飛滿郭霜幾處清吟能掩戶與君閒
坐且焚香俠心不逐咸陽老肯向無且問藥囊

玄蓋副草 卷十七

十六

沈千秋問疾賦呈

伏枕都城感鬢絲君來惠問見心知窮冬未識衣
裘計薄暮惟聞鼓角悲草際露蟲先墮戶林端風
鵲忽驚枝從前身事都寥落豈獨今朝是病時

沈侍御招飲席上口呈

京洛行行避馬時公餘開酌廢清絲向君執手輸
肝膽幾處論交感路岐候鴈遠辭沙塞地啼鳥近
托栢臺枝談經不盡相憐意多恐迂疎負所知

書懷兼寄呈于宗伯先生一首

父客紛紛應接勞空言枚叔有枚臯涕洟終始稀

羊舌飲啄尋常損鳳毛歷國尚難貽縞帶一寒誰
復贈絺袍感恩夜半嘶騶馬燕市清霜濕佩刀

嚴舍人道普招飲賦贈

高堂秉燭夜留賓霜色微消紫陌塵寒士不將孤
白擁舍人爭覩鳳毛新薰香座上更衣少脫劍爐
頭換酒頻一自而翁歸相即幾聞開閣擬平津

王考功罔伯過訪寺居感呈

擊筑悲歌市上還逢君緩轡叩禪關交論羣紀元
非薄名美裴王未可攀冀北愁心空萬里弁中魂
夢自三山始知一片銜恩地不在尋常輦轂間

玄蓋副草 卷十七

十七

燕京至日

帝里冰霜老客顏還因令序感刀環寒雲忽捲胡
沙外陽氣初回黍谷間詞賦沈淪空白首夢魂迢
遞只青山騷然商旅行難達不願君王更閉關

長安待雪

淒淒腸斷北風前萬里黃雲合暮天井凍烏樓宮
樹早橋危冰歷玉河堅不愁孤客寒無具但願三
農兆有年野草荒荒狐兔盡誰能走馬向窮邊

貽沈碩生國博

塵色濛濛暗寶刀俠遊無意逐荆高一杯何處歌

相送萬卷如君擁自豪野草野風悲野戍江梅江
月夢江濤長安炙手殊難熱祗是傾心向冷曹

雪後同米君夢溫長卿夜集載伯叔宅

西山雪色霽寒宵明月流光玉樹驕行樂不愁來
日短好游那惜去鄉逢掌中杯影分蓮瓣時飲燈
下歌聲怨柳條便覺春情無限在誰令歸夢落漁
樵

歲暮感懷

千山晴雪逼燕京萬樹寒聲擁薊城遠道尺書鄉
思切浪游華髮壯心驚爐頭明月曾沾酒野外黃
玄蓋副草 卷十七 十九

雲幾射生任是粗豪漸郭泰不教身與黨人名

懷嚴道澈彈琴奉柬

托疾聞君理素琴杜門未許便抽簪幽蘭欲儷陽
春曲流水能傳太古音敢謂鍾期心賞在還知宗
炳臥游深焚香一室如容聽坐待西窗片月臨

立春夜同米君夢沈千秋載伯家叔集溫長

卿宅聞歌

東風一夜動郊圻秉燭開尊暖漸歸楊柳暗從歌
裏綠梅花不向笛中飛青青菜甲傳纖手冉冉梁
塵墮客衣盡道天涯好行樂王孫愁見草霏微

歲除過沈千秋夜集

朝來策馬過城東塵鬢蹉跎感歲窮故國梅花千
里隔中宵栢葉一尊同羈人對局愁俱遣小伎彈
絃曲半工待到爐頭新酒熟與君聯轡醉春風

癸卯元日同沈千秋試筆

梅柳東風幾度妍天涯朋好倍相憐御溝冰泮春
泉動仙禁雲開曉日懸避跡不居屠釣下放歌長
在酒壚邊胡姬莫笑紅顏老舊是黃衫俠少年

人日沈伯含武選招集分韻

春色霏微動帝城一尊深坐覺寒輕漸看御柳千
玄蓋副草 卷十七 十九

絲吐細數仙冥七葉生越客尚難消旅思江鴻依
舊作邊聲謾從朝野論同異詞賦無關出處情

正月十三日張孺愿招同嚴道澈道普朱汝
修汪明生金雅少鄭虞臣集燈市酒樓分
得來字

雕車寶騎雜香埃舞薦歌屏相向開瞥見陌頭嬌
女度旋呼市上酒人來燈懸白晝虛華燭樓倚春
風動落梅若個當爐許調笑共邀明月伴金罍

贈陳仲孺

看君五十頭顱蒼徒步長安歌慨慷彼哉功名薄

衛霍綽有麗藻追齊梁每逢賤子俠興發不放故鄉歸夢長最是酒樓堪繫馬風吹新綠上垂楊

鍾叔清招飲時以左姬佐酒

俠客相招俠思新紫騮嘶斷六街塵雲光落檻初含暝草色當堦細吐春遠塞飛書無白羽深杯分飲有朱唇太平何用知名姓歌舞場中一酒人

贈陳姬

青樓夾道樹啼鴉樹底香風送小車相逐行雲皆是夢儘拚春色不思家多情易屬王孫草無賴難禁杜曲花玉指自然消客恨尊前還許奏琵琶

玄蓋副草 卷十七

二十

漁陽二首

萬山迴合壯檀州紫馬乘春緩客愁細柳遠分高隴出深谿斜抱古城流也知蕩子非征戍自笑書生嬾拜侯今夜閨人空有憶定無魂夢到邊頭

其二

兵畧年來已倦聽誰教垂老識邊庭天低古北胡雲暗春落漁陽塞章青市馬千羣關吏擾良家六郡羽書停可知車騎論功易早晚班生爲勒銘

贈殷子新計部

聲名籍籍滿漁陽才畧知君久擅場肯美條侯營

細柳能如執戟賦長楊天低目送邊鴻遠春到愁看塞草黃端爲功高蕭相國仍聞轉餉屬曹郎

殷計部招飲閱帆樓

一片晴沙控紫騮軒然開酌此登樓爲言使者兼公事不意羈人有壯遊塞北春生楊柳曲江南夢隔木蘭舟軍儲日夜遲飛輓極目黃河水斷流

歸懷

草綠江南有夢思風吹庭樹發華滋故衣敝盡誰能補新句吟成祇自知夜半空教聞錦瑟朝來何處喚黃鸝花深韋曲春無限難使歸人數改期

玄蓋副草 卷十七

二十一

偕米君夢過訪趙常吉秘書賦贈

懷中減刺已經時柳外聯鑣九陌遲敢向聖朝稱放士偶從舊好得新知法書共許追秦籀勲業常思勒漢碑解道折衝樽俎上不妨名借鳳凰池

留別呂汝揆

君來投刺久不報直置報君君不聞自分疎狂絕儔侶何期會晤通殷勤花間痛飲逼曙色馬首悵望深春雲歸去余非彈鋏者好教公子薄田文

廣川道中寄邢太僕子愿二首

願識風流邢子才去年作意渡江來賞心相合偏

難遇矯首孤吟轉自哀
衣惹楊花春雪暖馬驅芳
草夕陽開榮光休氣誰能辨
空指黃河天際回

其二

豪俠翩翩客盡知
知君不在散金時
何由流水聞高調
徒使垂楊繫遠思
馬首天低雲片片
沙頭風急草離離
倦遊總似文園令
海岱難忘握手期

贈劉觀察公白四首

一從宦轍背青徐
吳越功名十載餘
海國提兵張武畧
漕渠轉餉壯軍儲
好令四表堯仁被
莫謂三章漢法疎
抗直自來稀應接
只今朝貴不通書

玄蓋副草 卷十七

三

其二

退食車門夜尚開
更無人擬獻金來
一時冰操傳中禁
萬里霜風肅外臺
陳事向多孤憤客
匡時共倚出羣才
嚴威凜冽回天地
猶望春溫施草萊

其三

憲府吳山日夜青
法星炯炯照樟亭
惟容廉吏趨公事
漸使頑民化訟庭
名歷兩朝垂竹帛
詩從多士見儀刑
腐儒無可參籌畫
白首徒然困一經

其四

齊魯先人遍轍環
得公奇士校讐間
高門世業傳

東海方岳登封讓泰山
客爲通家分未坐
身因許國少餘閒
媿言中壘遺編在
欲振家聲事已艱

癸卯除夕

劍騎翩翩客帝城
歸來寂寞笑空名
驚心去日拋殘曆
守歲深更坐短檠
三徑已開同蔣詡
兩京欲賦媿張衡
入春何處聞新曲
自有尋常出谷鶯

玄蓋副草卷之十七 終

玄蓋副草 卷十七

三

玄益副草卷之十八

吳興吳稼塏翁晉著

七言律詩

甲辰元日

冰開晴日動川梁歲序初更感鬢蒼芳草喚回千里色梅花吹送一園香題詩高據公卿座倚醉橫行俠少場屈指十年成底事旁人應笑野夫狂

吳門逢俞羨長述舊兼有所調

相逢寧復問河清十載知君作客情從古佳人宜薄怒只今才士困空名芳尊解喚紅顏轉春草還

玄益副草

卷十八

催白髮生正憶聽歌淮水曲吳閶新柳忽啼鶯

答邵少文喜余至永嘉之作

海國風清挂布帆路岐回首尚憂讒游燕誤入樂公社適越重探謝客巖劍俠未酬心一片金人應事口三緘紫驕嘶斷花間月猶有餘情在舞衫

同王季中游仙巖作

入山荒徑不須除古塔崩頽帶廢墟潭水瀑飛春雨足寺門雲散午鐘虛谿綠芳草通仙谷風落桃花滿客裾幾度尋源常得到野夫應勝武陵漁

集王昭文太玉樓

未識仙人十二樓此樓端不讓仙遊檐前山翠當杯合洞口雲光逼戶流夜曲驚殘樓鳥弄春風吹斷落花愁莫疑狂客無僊骨魂夢時時到十洲

聞王用敬談禪賦贈二首

幾回蘿月夢天台忽逐東風海上來君悟色身為法界余游塵世豈仙才草隨細雨今朝碧花落平地昨夜開矯首乾坤俱幻跡肯將雙屐躡蓬萊

其

少時任俠老思玄遇爾談禪復惘然始悟三乘超紫府更看一鉢貯丹淵掃除兒女多生累畱滯詩

玄益副草

卷十八

書未了緣何日名山同寄跡白雲寒擁衲衣服

王季中席上呈諸君

東游擬臥赤城天畱滯無端勝事偏樹底落花春未掃林端明月夜初懸醉來舞薦容欹枕歌罷僂童爲拍肩不是尋常疎禮法客狂聊見主人賢

題王季中璇樞樓

東郡山川此勝區樓居窈窕薄璇樞星光到地成丹橘夜氣浮空亂白榆倚檻晴雲開疊嶂捲帷明月散平蕪多君高視超人表獨抱風流海一隅

劉將軍長孫携酒東園見招賦贈

鯨鯢風偃海波清載酒名園適野情門外忽聞嘶
紫馬燈前誰爲絕朱纓餘花點地春初變好鳥栖
枝夜乍鳴何事招呼饒俠興劉生家世本東平

酒後偶書

輕暖輕寒中客居朝來飲酒不留餘煙開獨鳥啼
幽樹雨過殘花溜決渠驕態偶然逢綠幘俗情無
乃媿丹書春風懊惱關何事依舊春風爲破除

題王昭文太玉樓二首

樓閣嵯峨倚洞天多君意氣托神僊華陽自合方
弘景荆土誰能滯仲宣揮塵雲開丹嶂月軸簾風
玄蓋副草 卷十八 三一

其二

丹洞鑪存霧不封樓居長此托潛踪晴巒遠映朱
扉出高堞斜連碧樹重馭鶴幾來王子晉游仙好
擬郭弘農吾生亦復離塵網臨眺時時信短筇

東甌客夜夢出塞感賦二首

浪游山水一身孤出塞當年有壯圖夜寢黃雲驚
夢寐朝來明鏡感頭顱樓船烽火東連海郡國金
縉北備胡豈爲長生真訣在時從客裏讀陰符

其二

中宵魂夢落胡沙醒後依然海一涯甌駱幾人猶
祝髮關城何處正吹笳牀頭起拂青萍劍門外驕
嘶白鼻騮儻許儒生運帷幄功名肯讓李輕車

五日席上口呈季中

五月五日客中過三度江城醉若何競渡未須沿
楚俗當杯且爲聽吳歌葵能衛足余慙少萱解忘
憂爾藉多兒女故園應見憶不知歸計已蹉跎

西齋坐雨

風雨江城五月涼紛披圖籍滿匡牀牕中霽值青
桐小礪底流分翠荇長不耐花香吹客枕忽聞鶯
玄蓋副草 卷十八 四

東園池上橋成集飲作

池塘淡淡煙霏霏把酒新橋坐不歸水面虹霓時
弄影林邊鳥鵲忽停飛雲光山翠流仙洞草氣花
香染客衣夜半紫簫繞一奏冷然風疊素波微

答王昭文太玉樓見貽之作

媿無佳句可酬君幾向高樓醉夜分喚起半輪華
蓋月攜來滿袖大江雲丹成不藉黃金鼎書就爭
窺白練裙一榻尋常應借臥松風颯颯夢中聞

登璇樞樓

鶴馭鸞驂海上停登樓雙眼畫冥冥修林煙帶平
嶠綠大壑雲連列岫青勝地若爲占紫氣道人久
不禮明星何年借此山牕下日誦黃庭內景經

次王用敬韻贈周生

酒中慕說酒中仙明月狂歌明月篇作客我非彈
劍日論交爾在佩觿年茶香細細花香雜霞氣熒
熒海氣連安得相攜游物外孤琴高枕白雲眠
立秋夕登爽然臺率示季中

井梧一葉墜新秋便覺登臺暑氣收澹澹花陰隨
月徙輝輝螢影雜星流扇中煙霧徐看斂笛裏關
玄蓋副草 卷十八 五

山忽起愁自是情深歸計緩豈因歌舞爲君畱

遊太平寺時寺僧募緣修建

古寺荒藤一徑侵幽探不厭入山深竹枝細寫層
崖翠榕樹高垂十畝陰西竺本無生滅法東林何
有去來心修持解得波梨果檀施依然未可尋

答邵少文病中見寄

客居淹溥海之濱老去方知避世塵夜月坐來常
達曙秋花看罷復懷春尋仙自昔多才士抱病于
今半酒人欲踏蓬瀛波浪闊不如携手醉歌茵

東嘉漫作二首

一舸乘春秋忽之東嘉作客已經時海波蕩月誰
能拾花片迴風不斷吹仙夢幾隨雲變幻道衣猶
見酒淋漓何年決策名山去高枕松間茹紫芝

其二

少能檢括老何狂點鬢其如鏡有霜丹火佛香徒
自遠舞屏歌席爲誰張孤雲抱石秋光白片片銜
峯曉氣蒼故國尋常無可憶五湖煙水夢茫茫

客中初度遣懷

秋風吹夢夜還家山水淹畱在永嘉自笑終朝耽
綠酒不知何日就丹砂臨邊曾聽胡人笛泛海愁

玄蓋副草

卷十八

六

逢漢使槎遙憶閨中兒女子祝年齊供佛前花

九日集東園爽然臺

紛紛鴻鴈大江濱佳節偏驚客裏身寒雨未荒元
亮菊秋風欲老季鷹尊登臺誰是狂歌者送酒還
多舊舞人遲暮紅顏銷去盡拒霜花發自酣春

觀客對奕

疎簾煙散午風時袖手空堂看奕棋豪客自難忘
倚角道人無意決雄雌局沾花氣臨牕久坐徒松
陰落子遲莫倚積薪曾授訣婦姑仙跡已迷離

自嘲

無端南北客經年篋裏陰符久廢編入塞纔拋胡
馬鞍采真復駕海人船當心秋月淹歌扇回首春
風誤舞筵富貴神仙成兩失蹉跎空似李青蓮

歸思

雲空西北鴈南翔海國風吹野草黃桃梗漫隨東
去水柳條愁怯夜來霜也知持鉢歌姬院猶勝呼
盧俠少場銷盡雄心頭早白不堪歸思日茫茫

答贈王宣州季宣

東游偶爾輟躬耕粗率慙君倒屣迎家世共推王
大令詩名欲掩謝宣城息交荒徑宜歸隱戶祝豐
玄蓋副草 卷十八 七

碑見老更僊洞丹書何日授軒轅師事有容成

閏九日同曹人介王季中唐謙宗茅雲甫游

僊巖

結伴登高復望鄉兩迴佳節佩萸囊生年幾嘆黃
楊厄時暮猶看紫菊芳天闕仙都雲縹渺地連海
藏氣蒼茫客衣更向何方授滿目寒飛木葉霜

登王季法望舒樓率題一首

樓面容成古洞開容成仙去幾時回東臨滄海遙
開浪南眺青山近有臺何客敢携詩卷至我今閒
把道書來寄言月御休停轡急放清光照酒杯

江上聞鄰舟琵琶

煙際維舟山月昏琵琶切切動江村驟驚白露飄
鴻渚錯訝秋風出鴈門調急翠蛾應自歛曲成纖
指若爲捫也知不是潯陽伎未許青衫著淚痕

甲辰歲除

臘盡春風引濁醪依微寒色散林臯老知稼穡占
三白閒逐畋漁笑二毛得句偶題幽澗竹腰鎌甘
又野田蒿消殘一片英雄氣猶向燈前看寶刀

乙巳元日

旭日暉暉散積陰王正開朔客開襟一尊但使春
玄蓋副草 卷十八 八

常滿雙鬢從他雪易侵蕙草漸滋芳露色梅花欲
老歲寒心已拋舊曆看新曆更費長吟續短吟

翁吉招飲山園率示

興到相過不待邀相邀翻待比之朝舞人不及桃
花艷歌曲何如黃鳥嬌石起山根成累榭溪通隴
首度平橋也知勝地兼幽賞披拂春風酒易消

贈陳使君季迪二首

當代開州自 孝宗累朝優詔恤春農始達康吏
張新治益使名山表舊封齋閣白雲供嘯詠間閭
黃髮罷輪供儒生潦倒承顏色未敢尋常效謬恭

其二

十年作賦擬神交，落落悲歌在草茆。
濁水自憐難見石，一枝何意借安巢。
男耕女織勤千室，吏畏民懷感四郊。
盡使流亡歸樂業，不知南畝有肥饒。

和翁吉吳門舟中遇金陵董姬之作

紅粧畫舫奏琵琶，絕勝相逢在狹斜。
岸上冶遊空駐馬，枕邊幽夢怯啼鴉。
拔釵屢換吳姬酒，歌扇偷裁越女紗。
我自深情無可奈，吹來滿目是楊花。

于大宗伯可遠先生貽書見存并示大集賦

答四首

玄蓋副草

卷十八

九

燕京斷絕公卿書，翻向青山問索居。
敢謂不平緣失職，久知高枕爲安儲。
野廬已廢巡原令，草莽空悲竭澤漁。
諷詠新詩堪卒歲，嬾從天上借吹噓。

其二

理釣南溪白日遲，客星台象望猶疑。
徒稱弘景山中相，誰念雷侯帝者師。
江海孤鱗愁蕩潏，關門萬馬困驅馳。
宣麻定卜天心在，聊折疎麻代遠思。

其三

空同詩句弇州文，當代論才數二君。
再見先生執牛耳，獨憐賤子混雞羣。
中林偃臥深苔雨，北望躊躇

曙起岱雲頭，白相依惟一老虛名不遺漢廷聞。

其四

驅犢行吟雪上田，飛鴻緘信汶陽川。
文章盛事歸元老，山澤儒生媿列仙。
丹液總難成大藥，白駒容易感流年。
夢回濟北愁無限，黃石猶思授一編。

送胡別駕齋課赴計部

早攜歲課入長安，國匱司農久廢餐。
蠲恤未聞頒漢詔，理財誰爲進周官。
中璫承命持籌易，循吏如君注考難。
稽首彤庭應涕淚，莫教征稅到漁竿。

病起二首

玄蓋副草

卷十八

十

秋風吹骨病全蘇，短策花間信手扶。
蟲語婦偏驚促織，鳥聲余自愛提壺。
碧紗細細搖牕竹，素練時時繫井梧。
解道漢陰機事息，桔槔能救旱田枯。

其二

茶煙縷縷鬢絲絲，病起閒階步履遲。
時花氣薰簾秋自澹，松聲到檻午偏遲。
雲開山磴遙分級，水落溪流已斷支。
早晚溪山霑雨足，家家餘粒飽東菑。

贈于納言文若二首

紫馬分鑣九陌馳，逢人爭誦落花詩。
一時藝苑歸芳譽，十載都門少故知。
草沒霜飛淮水白，天寒雲

度蔣山遲自慚脫羽卑棲鳥敢向喬林更擇枝

其二

白屋朱輪斷往還慕君難遽老空山已窺丘壑丹
青裏浪覩聲名獻納閒自笑儒冠輸野服誰言仙
籍勝朝班由來文學推齊魯海內陳詩可待刪

和朱文寧詠後湖塔影

玄武湖頭秋水清浮圖倒插映空明寶燈光照迷
津徹花鐸聲搖細浪平法鴈乍疑棲碧藻神龍常
似護金莖悟來色界都成幻波面青蓮片片生

送吳非熊之西湖兼寄曹能始

玄蓋副章 卷十八

十一

西風吹落滿林霜杯酒躊躇大道旁邇日貴游誰
置驛舊京歸客尚迷方渡頭桃葉難攜去湖上梅
花儻寄將握手故人曾不易輸君一騎出雲陽

沈元仲招飲賦贈時宇姬佐酒

金陵選地一移家門外時停長者車公子好文兼
好客美人司酒勝司花城頭月隱笳聲細盤上風
吹燭影斜直使酣歌忘達曙霜深庭樹忽啼鴉

贈冠姬二首

名姬窈窕出名都調笑皆稱絕世無拂袖香風生
玉樹畫眉纖月映金鋪行遊嬾擲車中果託意惟

歌塘上蒲一自畱連文士飲拔釵深夜酒頻沽

其二

嚴風吹井桐葉枯一眇秦淮長綠蕪撫軫乍調流
水曲薰衣時擁博山爐才同班女工題扇俠慕如
姬在竊符歌罷柳枝霜簌簌白門啼殺舊棲鳥

雪後登載伯叔西樓

參差玉樹擁登樓絕勝梁園雪後游瑞色迴瞻雙
鳳闕晴光寒逼一貂裘鴻飛平野陰初散雲墮空
波凍不流若道城西無吏隱何緣湖上有漁舟

金陵除夕感舊

玄蓋副章 卷十八

十二

除夕當年客未還美人相守子城灣間堦繫馬歌
塵裏曲室張筵香霧間柏葉迎春餘綠醕梅花索
笑有朱顏歲除又作金陵客寂寂松齋自掩關

丙午元日

歲朝兩度客金陵放浪誰將禮法繩紫騎青絲宵
訪妓緇衣白拂畫尋僧三山雲起窺文藻六代碑
存感廢興時俗朱顏元自薄蹉跎華髮不須憎

早春集顧朗哉分韻作

秦淮冰泮長潮痕南國詞人命綠樽楊柳春偷江
上曲梅花香斷月中魂爲歡不用千金壽結客安

知七貴尊寂寂山林稀勝事賢豪踪跡半都門

答贈何玉長二首

素衣未化洛京塵豪士相逢意早親賦就千言心
欲嘔攜來一劍血猶新亡疑博浪沙中客夢逐盧
龍塞外人畱滯白門空自嘆壚頭且醉柳條春

其二

閩客狂歌意自如公卿無復借吹噓入都未獻長
楊賦出境曾藏廣柳車苑樹霜凋悲塌翼河流夜
徙泣枯魚結交誰是封侯者莫擬張陳澤畔漁

金陵送姚園客之青州赴盧使君之約

玄蓋副草 卷十八

十三

攜得胡姬酒滿樽送君東去黯消魂一時風俗咨
青土何處春光似白門馬上征衫披柳色渡頭歸
夢失桃根谷雲筆札由來貴不爲諸侯客始尊

貽謝在杭比部二首

五湖自分老漁書寄聊城詎可憑幾度臨風歌
玉樹依然握手藉金陵居東積歲流言息逐北浮
雲感慨增儻憶白蘋洲上月夜深仍照柳吳興

其二

舊都詞客盛游遨佳句爭傳謝法曹宮柳千條垂
御苑江梅一樹立空濤蒼生計日能安枕屠販何

人更鼓刀謔浪甞教杯酒共野夫春夢只林臯

送徐興公還晉安

何意逢君卽送君紅亭載酒不成醺傷心岸草披
涼露滿目江波蕩白雲大雅音亡誰復振布衣權
在世空聞尺書遠道能相憶莫謂南中少鴈羣

中秋借吳允兆曹能始王太古陸長康胡仲

修諸德祖洪仲韋王彥倫集秦淮水閣同

用燈字

秋半秦淮露氣澄高樓軒豁客同登涼生遠樹金
颿度月破浮陰玉鏡升曲裏後庭人已往詩中前

玄蓋副草 卷十八

十四

代事堪憑蒹葭一望空無際水面熒熒何處燈

賦得秋水芙蓉贈美人

灼灼芙蓉出水寒紅粧不逐曉霜殘額黃微向波
心點粉態疑從鏡裏看風引一枝秋濯濯露叢千
瓣月團團美人采罷空江暮遠道相思欲寄難

五言排律

歲暮四首

歲其云暮矣攬袂起彷徨白日繩難繫青苔徑已
荒雪深埋腐草風急拉枯桑閱世眞如客行年未
及強春秋無筆削天地有災祥媿我徒操管縱橫

翰墨場

其二

晦朔幾經易冬殘一撫膺竹書誰爲紀
蒼莢自堪憑萬木冰從結千崖凍欲崩
頭毛未種種骨體尚稜稜北里竿多濫
南山秫少登看雲還我事無日不支藤

其三

羲和鞭日馭絡繹少停陰坐此年將換
憐余嬾更侵凍雲低壓屋積霧遠衝林
咄爾白駒嘆離哉黃鵠吟梅驕先破萼
松老後凋心欲結空山友能無玄蓋副草

卷十八

十五

取次尋

其四

如斯白日速吾欲問崦嵫觸目多新感
垂髫憶往時承顏歡不替負米力寧疲
私室空機杼官家善繭絲霜堪澄作鏡
水自斧爲糜難抗商巖跡母徒茹紫芝

綠綺閣對雨

孤閣坐淒淒春山一雨迷紫苔繁徑滑
青竹覆墻低已媿龐公隱兼無萊氏妻
庭花慵獨笑梁燕妬雙棲轉覺憂如擣
那能醉似泥煙容滋薜荔池色

鬱玻璃曲祗翻飛雉餐常嘆伏雞微軀從委頓諸
幼且提攜積氣衝虛牖餘寒入敞牕悲歌欲當泣
猶自數行啼

伯兄十月朔舉子志喜

伯也強年外生兒喜可知荆花無別種玉樹有新
枝駒自蒲梢至珠從合浦貽精光何的驟骨相倍
權奇正朔頒行日長庚叶夢時一毛來鳳穴片甲
出龍池續史慙予在承家望爾爲青雲占襁褓紫
氣滿軒墀餘慶非朝夕還歌祖德詩

述懷兼示梅禹金五十韻

玄蓋副草 卷十八

十六

盛年何以住華髮易相親不信修辭客偏爲失計
人弓亡寧問楚裘敝悔游秦燕雀羣欺鵠砥硃幾
混珍顏波誰與激砥石自堪隣漫滅羞投刺沈吟
諱斲輪藏珠猶有淚按劍豈無因赤族愁丹轂紅
顏老角巾遭讒翻長傲任俠轉忘貧雪調難諧俗
風騷頗絕倫初衣驕薜荔窮巷冷松筠聖代多通
籍清時一放民乾坤渾野馬日月總籠鵠幽莽看
斯世迂疎媿此身邯鄲爭學步於越盡含顰守固
同顏闔名終異郗詵當爐惟憤鼻橫膝只龍唇鄉
曲稀豪舉林樊足隱淪物情逾慘淡吾道肯淄磷

禮數存先輩文章恐後塵干宵殊健翮煦沫等枯
鱗朋好仍膠漆壇場欲鼎新白眉元矯矯黃口正
信信亭祕楊雄草洲依柳惲蘋登臺污郭愧叱馭
笑王遵上策徒流涕羈棲倍苦辛美材虛竹箭畏
路滿荆榛但識醯雞覆那求尺蠖伸勒銘嗟定遠
開閣負平津淮賦淹青桂江秋戀紫萼片言驚突
兀萬象役嶙峋隴首分樵斧溪頭把釣綸高枝何
落落寒水故粼粼侯忽星霜變天原雨露均飛揚
千載興浩蕩五湖春牧豕甘稱賤呼盧動及旬阮
途差免哭稽性可能馴射逐南山侶樽羅北海賓

玄蓋副草

卷十八

十七

狹中消憤懣大造感陶甄習靜觀空化和光養谷
神吞腥良洗濯曳尾且逡巡浮態工編貝生涯恥
筭縉灌園非仲子奉母卽安仁寥廓鴻冥地逍遙
鷄息晨支離從似木濕束詎如薪夢醒還疑蝶書
成未獲麟食魚彈缺少屠狗鼓刀頻陽燧應常改
陰符敢重論心灰形類槁事往跡俱陳梅福多仙
骨吳門隱未真

詠新竹

疎竹漸成竿盈盈一水看輕烟霏徑側新翠撲眉
端細細音初弄離離粉末乾誰歌枝作曲相贈籜

爲冠芳潤流堪漱貞心抱自完實遲終饒鳳影薄
早棲鸞變化希仙杖全生遠釣灘午餘猶墜露春
去尚留寒赤日陰將蔽青霄勢欲干孤根翻類我
祗是愛泥蟠

生

聞弇州先生流言賦寄五十韻兼呈太函先

斯文天未喪何事畏於匡媒孽違丹筆抑掄屬皂
囊蛾眉老猶嫉蜂目晚寧防不識安儲計翻嫌辟
穀方龍元神變化驄枉蹶康莊荆棘旋增穢枿檀
轉辨香浮雲吹易盡曠日照逾光豹隱時消霧狐

玄蓋副草

卷十八

十八

號晝跳梁牟尼尊莫測調達謫何傷到處喧蚊蚋
還誰識鳳凰母論推轂誤偶值接輿狂已鍊金難
鑠將歸壁愈彰一絲堪繫鼎積羽欲沉航共歎微
流濁仍容百谷王辯徒雄黑白素自遠蒼黃睥睨
烏衣巷迷離朱雀桁經過礙瓦礫觸忤抵琳琅吠
犬堯無擇圖麟漢詎忘赤心明黼展皓首戴滄浪
嘯叱趨魑魅訐謫動廟堂木雞能走敵鷺鳥任飛
揚白簡殊淪昧青霄借激昂么麼窺武庫彗孛逼
文昌土決應爲塞河清定可量濤空撼砥柱颺豈
拔扶桑寒振孤松雪春融列栢霜覩顏嗟多使藉

口媚貂行齒頰騰三輔腥臊遍八荒陽驚非小吏
陰怒必 高皇北極恩曾淺東山志頗強物情航
虎視世路踟羊腸詞賦關升降煙氛接混茫斐然
逢貝錦依舊重圭璋駿足超人表牛溲滿道傍蓮
應開火宅玉肯遊崑岡禾偃風徐反蘭薰氣更芳
珠完加月彩劒臥懾星芒蕉鹿醒塵夢蓴鱸具故
鄉洪鑪鎔毀譽大造寄行藏德向先賢合身從薄
俗妨舉朝多絳灌聯陞少班楊鈞軸潛傾覆騷壇
賴紀綱藩籬焉用固旗鼓久相當奈妬周公舄那
思召伯棠功名俱脫略國步恐分張袞鉞權終在

玄蓋副草

卷十八

十九

編摩計亦長伶期看結侶傀儡忒登場黨錮胡云
解淳龐益以亡憤來虛扼腕憂至忽霑裳千載爭
輝映彝銘勒太常

題郝明府百花帳

織素初裁帳濡毫競吐芳製成僊吏錦偷學美人
粧萬萼深含綠千鬢淡著黃燈寒疑失豔煙暖不
飛香單揭愁方劇雙栖妬未忘屏中窺翡翠枕畔
覆鴛鴦欄疊藏春色霏微鑒月光合歡堪擁被連
理故依牀寂寞啼鵲宵迷離夢蝶長欲知金谷侶
潘令在河陽

題王季中百花帳

含態復含嬌流丹滿素綃枝枝能並蒂葉葉故分
條未曙應難覓因風亦自搖雕鑪交紫霧珍簾潤
紅潮拂髻愁香澤縣鉤惱細腰春光誰解識俱屬
可憐宵

題王昭文百花帳

複帳花爭豔丹青巧不羣玉墀難借潤金剪若爲
分韋曲春無路高唐畫出雲雙絲何用繡百子亦
空聞賦粉欺歌黛迷香借舞裙北山徒有蕙一笑
釋主文

玄蓋副草

卷十八

二十

題何无咎百花紙帳

花樹隱房櫳春畱點綴中越羅何用製蜀錦未能
工巧笑時時斂芳心面面同蛛絲聯暗牖鳥語隔
雕籠拂鏡分朝碧凝膏泣夜紅題詩無薛氏生活
有秦宮莫作繁華夢應知色是空

走索

羅襪紅蕖竝銀牀素綆連疎身非姹女嬌步卽飛
仙纖月縈簷度高雲拂髻偏香塵時委砌弓玉詎
離弦暮雨隨虹止秋河誤鵲填輕裾聊障日長帶
欲經天五色精堪奪雙行恨與纏昭陽徒善舞掌

上不成妍

詠水中花影

新花滿綠池斜覆影參差香似空中滅嬌疑鏡裏
窺波光爭掩映春色散漣漪蝶颺虛尋藥魚驚欲
亂枝殘霞濕更聚碎錦濯尤奇照日鮮粧淨籠寒
密態歛粉痕啼怨妾露臉膩妖姬雙笑分難合芳
心蕩易持屢搖辭梗泛乍蔽見萍移垂手誰能折
東風不用吹

穀日雪霽郊行

扶携信短節雪厚野橋封凍溜膠空磳寒光落遠

玄蓋副直 卷十八

二十二

峯沙田時誤踏溪碓忽聞春竿密遙分竹枝垂近
辨松樵蘇渾罷役狐兔香潛蹤歲事豐堪卜吾將
報老農

奉題季父太守公丹嶂樓

地迴千林出樓高四望懸蒼岑窺檻外丹嶂起牕
前巖樹交春靄庭柯帶野煙桐陰紛漠漠竹色淨
娟娟雨合東西澗晴分遠近田迴風花作舞遶砌
水鳴絃結搆成今勝流傳倚昔賢怡情非紆冕托
好在神仙棟裏時飛霧壺中別貯天鱸存灰未冷
金化火仍然雲氣生衣白霞光照戶鮮玉琴虛古

調寶帙悟真詮北牖通蘿磴南榮蔭谷泉閒居兼
欲賦塵態久相捐雀乳還朝暮鶯啼自歲年杯浮
乘月滿碁布與星聯廣集心同素清談理更玄隱
侯徒有詠不及此山川

遙見美人折梅

微茫煙裏態掩映粉中光花動分嬌面枝垂拂靚
粧翠裙疑點雪縞帶忽飄霜出手探春色含情向
夕陽隴頭誰爲寄陌上偶相望芳樹連芳袂風傳
兩種香

題翁基兄集羽樓

玄蓋副直 卷十八

二十二

勝地傳千載高樓敞四垂謀堪貽燕翼慶已集
斯山勢迎牕迴溪聲到檻遲杏梁初日照桂棟白
雲披秋事田疇見春芳雨露滋花深鶯乍語桐老
鳳將儀不作陳登臥兼無王粲悲竹陰含密翠松
韻雜清絲居定鳩慚拙枝存鵲自知霞輝團半壁
星影度重帷賜有先朝帙世廟賜大書藏兄處藏多異代
碑煙光遙睇嶺草色俯看池瑤瑟臨風泛金尊映
月移客來兒罷課余過嫂爲炊祖德其何忝抽毫
一賦詩

分詠蛺蝶花得飛字

花開兼似蝶一種鬪芳菲遮莫蜂爲侶從來草共
依臨風微試舞遶砌不成飛粉態叢叢聚香魂栩
栩歸游絲牽易住剪絲學還非以幻能知幻遽然
入夢稀

山行卽事

青山欲盡處幾度涉溪流崩壑欹危石平沙帶遠
疇林端晴靄散隴首白雲浮浥露寒花發迎霜細
草幽谷虛樵斧應泉涸古槎畱落日誰能住清秋
自可游蕭蕭風忽起飛鳥向人投

玄蓋副草

卷十八

二十三

玄蓋副草卷之十八 終

玄蓋副草卷之十九

吳興吳稼塏翁晉著

五言排律

丁酉除夕立春

雪晴山吐翠冰盡水含苔歲入明朝換春先一夕
回興情新舊屬時序往來催碧動堦前草芳抽谷
口梅辛盤隨俗薦柏酒破寒開感激心猶壯蹉跎
鬢欲頽百年希覲止且進故園杯

元日述懷

聖代朝更朔王正月建寅草生堦動色柳發岸依

玄蓋副草

卷十九

一

春始悟疎成嬾稀逢故所親芳津窮六藝駿烈詠
先人任達無通塞牽時有屈伸掩關甘寂寞尊酒
對佳辰

邊思

野戍依寒住中閨逐夢回幾看關塞雪錯意隴頭
梅折柳稀春色吹笳急暮哀皂雕搏落日紫馬臥
荒苔北伐邊塵苦東征海勢摧封侯雖有骨畱作
故園灰

歸戍

從戎向十年無分勒燕然淚盡黃雲地愁深明月

天客程經斷壠故業返秋田不識頒封賞空傳有
勞旋塵昏龍劍室膠脆角弓弦窮巷聞車過寒裘
擁雪眠春來楊柳綠歸馬復思邊

乘筏赴白溪

舍舟乘竹筏泛泛逐溪行細沫沾衣潤寒陰拂浪
輕洄流時蕩滴亂石自縱橫風逼巖花落雲連嶺
樹生水輪隨溜轉野碓與沙平地僻誰爲主山多
不辨名未興浮海嘆聊寄濯纓情獨酌傾餘酒空
林惟鳥聲

寄吳用修

玄蓋副草 卷十九

二

一自來甌越朱明候忽移雲深梅福嶼花落右軍
池蝶化猶依草禽鳴屢換枝素絲君不變末路我
何之寢食懷思積山川應接疲行當理歸楫握手
見心期

游石門

江風不鼓浪停楫一爲過古磴通苔蘚寒花隱薜
蘿密林張翠幄飛瀑瀉銀河日照荒藤少秋歸灌
木多泉流分澗曲雲氣滿山阿巨石誰能關孤亭
忽自歌客游殊汗漫歸計任蹉跎

過洪範池

一鑑澄天色宜從太古論細分成石溜遠注接雲
根詎有纖塵染惟餘翠靄屯鳥巢傾樹影魚背長
苔痕融雪殊添碧迎陽豈乍溫奇堪鍾僻壤勝乃
屬空門眉髮寒能鑒心神瑩不昏同游期一飲老
衲借袍尊

贈宮保大司寇泰安蕭公三十二韻

海波何蕩蕩岱岳自岌岌神降生山甫時平佐帝
堯典刑光四表政績歷三朝文武資兼用安攘志
獨超夏卿專制迴樞筦控邊遙日月黃圖正煙塵
紫塞消詔歸班定遠師謝霍嫖姚北闕膺三接西

玄蓋副草 卷十九

三

曹總庶僚輅鈴伴呂望謨訓比臯陶泣罪慈仁溥
全生德意饒星垣瞻貫索歲序積玄枵鑄像金成
冶銘功石建標九重深湛露八座穆清飈世裔存
梁紀傳家珥漢貂奉公心翼翼憂國鬚蕭蕭卿鵬
依丹陛前星耀絳霄皇儲善調護保傅極扶搖載
重培坤軸垂輝應斗杓量洪濶汰濁才美更無驕
大陸儀鴻羽高岡長鳳條秋霜艾杞棘春南育蘭
若古誼能敦薄淳風力挽澆客虛珠曳履帝錫玉
圍腰反玷羞齊仲刑書陋鄭僑奇勳垂竹帛遐算
固松喬座勒賢臣頌門馳策士鑣名初通典謁言

敢獻蕘羹自媿漂同梗誰嗟秀有苗燕山新擊筑
吳市舊吹簫氣尚淪豐獄期寧後圮橋悲鳴殊驟
駟栖息類鷁鷁廉吏歌難振遺孤困採樵

贈大宗伯馮用韞先生四十韻

分壤青齊古鍾靈海岱偏輿圖尊聖域符瑞應星
躔運際中興會天生不世賢一經仍大業三策對
韶年白虎班清秩金華侍法筵帝心資乃沃國史
藉成編院鎖花磚日袍沾紫殿烟騎乘天廐馬餐
給水衡錢駿烈能超祖榮名復邁先家聲弘北海
幣聘起中田屢荷掄才命兼裁作式篇採珠皆合

玄蓋副草

卷十九

四

浦剖玉必于閔刻羽曾張楚良駟久御燕南宮專
藻鑑四裔被陶甄交蔭桃將李抽芬蕙與荃秩宗
司禮樂翰苑秉衡銓柱石危堪倚河流濁盡蠲修
文標矩矱用士破拘攣商老徵猶緩留侯策已傳
建儲培國本悟主寢私權光觀前星朗波看少海
延許身依黼黻信志廢筵簞挺立排羣議謳歌動
八埏獵收司馬諫草勝子雲玄疏借同升上碑輕
絕塞鑄說書精典詰談易首坤乾原道追韓愈崇
儒接孔宣赤狐方聚嘯朱鳳獨高騫雜碎諸家屏
明良一德堅鏗鏘隨珮遠稜角見觚全礦稅殊消

骨干戈未息肩浮陰時結晦大木定扶顛佇待梅
調鼎還令楫濟川唐虞非邈爾伊傳豈徒然省閣
嚴中鐫車門絕外牽師儒容請問游俠拒周旋媿
我居牛後逢公在斗邊嚙枯同病驥吟葉類哀蟬
撥霧初行地披雲得覩天聊陳詩百一敢備客三
千所好終何適區區願執鞭

寄贈萬司馬伯修五十韻

聞公在當代慕說兩文成果爾專樞府兼之陟夏
卿文章窺奧室武略壯長城北伐空胡馬東巡戮
海鯨壞完箕子國壁拒亞夫營志以酬君苦身因

玄蓋副草

卷十九

五

見虜輕奇動誇往祀世爵沐殊榮島寇甘臣妾何
奴廢舅甥匡時方管樂畫策藐良平佇待華夷混
徐申帶礪盟綱維連地紀宵旰軫皇情磐石孤根
倚高天一柱撐張弧除猘偷挺劔掃槍機翊霧沉
刁斗春星耀旌旌握符宜獨運授斧屢專征去病
能辭第淮陰善將兵誓師親裹甲擇日必先庚輔
舜陳干戚要湯笑割烹咽喉當薊鎮羽翼衛燕京
智勝公明屈謀深鬼谷驚浮雲消訕毀曠日鑒忠
貞愛卒頻分橐屯田每課耕行間車轍整麾下
饁呈遠算人交誦均勞部息爭吹笳何凜凜浴鐵

自鏘鏘烈焰騰千竈雄風扇八紘能罷隨後隊蛇
豕避前程上郡材官集幽州騎射併抨弓蒼隼墮
歷塊紫駟鳴白草飛霜結黃榆落月橫令嚴秋肅
肅威盛夜振帳壘外吹龍笛樓頭炙鳳笙蛾眉行
玉犂豹血瀝金罌香炭雕鑪暖華燈錦帳明東謳
工趙瑟西曲奏秦箏負重終懷惕功多轉戒盈尚
然資討論曾是厭將迎屢納周秦士堦羅燕趙英
和門看鴈陣幸舍出魚羹神武憐王粲疎狂護爾
衡檄書排塞俗戈戟靜邊聲騁技諸酋襍投壺四
座清諫軍容許歷持轡急侯羸揮羽真無敵圖麟
玄蓋副草 卷十九 六

七言排律

王大司寇元美先生致政歸里奉贈七言長

律八十句

留京樞筦淨氛妖旋向西曹領庶僚韜略早年傳
呂望訐謖晚節比臯陶園基忍負蒼生計握髮翻
容白屋驕正爾片言存社稷飄然累疏乞漁樵一

身去國星隨改雙鬢含憂雪未消謫藹都亭陳祖
帳輝輝驛路擁歸轡 高皇精爽幽能鑒 孝廟

淳風久詎澆始見大家登八座幾聞才士歷三朝
達於莊叟從呼馬詩繼周公欲賦鴉配食四科祛
異議尊師九奏定新條顏顏豈藉清酣駐傲骨寧
爲積毀銷滿地江河迴砥柱行空日月映孤標青
牛世外逢關尹白鹿雲中駕子喬刪罷語林稀應
對變來樂府盛歌謠毋論悟往耽松菊總屬全身
遠艾蕭已忘詼諧當漢武惟將耕鑿答唐堯懸車
梓澤呵聲斷息足祗園景物饒分坐詞人宵秉燭

玄蓋副草 卷十九

七

到門游客日聯鑣閒堦瀟灑過槐影芳逕逶迤長
藥苗適意婁川增浩蕩放情虞嶺益岩崑聽殘僞
曲何由混養就真丹不待燒老父形容重覩石麻
姑書信尚通潮獨餘彩筆供驅使兼把玄經伴寂
寥歲序案頭乾熠燿功名閣上網蟪蛄是非擾擾
工編貝得失區區付覆蕉有帶煙霞俱願結無絃
山水自然調餐時商谷芝堪詠隱後淮南桂可招
爭看冥鴻飛空闊誰期斥鷃擬逍遙世臣藏史應
防蠹令子承恩復珥貂萬壑春扶印竹杖五湖秋
泛木蘭橈憑虛慣把浮丘袖入手常完武仲瓢處

處豐碑鐫琬琰人人尺牘篋瓊瑤乾坤長嘯殊超
忽海岳微吟亦動搖共羨黃金先鑄像底須賴玉
更圍腰千羣跋扈依文柄列宿參差辨斗杓以我
沾濡多化雨輸他振迅薄層霄知名轉媿逢平子
加禮徒教竝阿超任壯只愁終伏櫪封侯無分及
吹簫葱青峭蒨猶難吐臃腫支離不受雕珠樹鶴
棲曾遍否一枝好爲借鷦鷯

允兆見過夜談各賦十韻用心字

窈窕中林此見尋三年書札苦浮沉白雲屢動空
山色芳草能遺世路心率爾清歌將進酒依然悲

玄蓋副草 卷十九

八

咤欲沾襟百年肝膽窮偏托一別頭願老漸侵花
裏明燈寒徙席竹間流水瀉鳴琴不羈自昔稱稽
阮長往何由遂向禽庭戶綠蘿恒息影朋儔朱紱
幾知音匹夫無罪終懷璧衆口相加任鑠金今夜
不眠風雨過漫猜雙劍作龍吟

永嘉王叅知公陳淑人雙壽寄賀一章

急管清絲出絳紗金緋相映世爭誇賓筵獻壽騰
三爵國命分榮副六珈拂鏡手搏滄海月濡毫眉
染赤城霞共傳南嶽夫人會正屬東山太傅家蘭
蕙遶堦滋雨露園亭隨處擅繁華蟠桃對結瑤池

寶碧藕雙開玉井花蕭史登臺携彩鳳伯陽舉宅
事丹砂更誰並駕街芝鹿媿我難乘上漢槎歲歲
春風思效誦天台流水送胡麻

五言絕句

效子夜體六首代寄戴伯叔

聞歡大婦賢次婦亦自莊何不携儂歸喚作第三
房

其二

儂家歡定記隣近白門口愁殺夜半烏啞啞啼衰
柳

玄蓋副草 卷十九

九

其三

人道石城高儂道石城低倩兄登城望不見紫梅
溪

其四

住近桃葉渡不唱桃葉歌昨夜夢歡來渡江無風
波

其五

好雙絃索手十年不復試歡着白單衫盡是儂親
製

其六

門前秦淮水難作兩種流只解催去舫不解速來舟

古意三首代寄

瑤琴雖罷彈猶得傍君膝賤妾一罷歡即便千里隔

其二

日夕學拜佛一切塵事掃君作葛藤萬胸中獨纏繞

其三

許作織縑人便拋舊時瑟黃蘗與砂糖甘苦儂自

玄蓋副草 卷十九

十一

識

晚春獨坐二首

春光入興賒吟度夕陽斜不逐繁華子金羈踏落花

其二

池花落影紅獨坐鳥聲中破產非長策其如酒欲空

溪上

十日不到此芳草長過膝寄語村巷間莫放牛羊出

夜雨

獨坐淹春雨花香濕漸微不知新水漲曾否沒漁磯

擊筑吟

送客西入秦擊筑髮上指悲風從天來浮雲墮易水

青塚

黃沙障白日尺土埋娉婷芳魂化為草猶似漢宮青

艷情

玄蓋副草 卷十九

十一

窺

解語花

嬌向玉堦語解使君王顧妾不妬花枝翻爲花枝妬

見白髮

何事雙蓬鬢朝來有素絲呼兒聊與鑷不使老親知

春恨

新織鴛鴦錦還多舊日絲東風無限恨併有侍兒

知

發金陵

石城秋蒼蒼寒氣吹枯楊游子不得意摧頽還故鄉

芳草怨

惠風吹草出靡靡照空庭邊塞應常白深閨何用青

社日

里社浮沉久朝來割肉遲生平陰計少不識魏無知

玄蓋副草

卷十九

十三

示內

鵲裘零落盡桁上綢虫絲不信長門賦能充取酒資

照鏡詞

明鏡似秋水妾顏如蓮花將花來映水夫壻不曾誇

反愛妾換馬

一種桃花色閨中自可看誰能萬里外衝突北風寒

其二

繾綣何能別功名未可邀金羈鳴蝶躑不似釧聲嬌

邯鄲才人贈廝養卒

一自出深宮腰肢不善舞長袖飄餘香爲君拂塵土

廝養卒答邯鄲才人

微賤得蛾眉晨粧未敢窺追隨無衆女或勝在宮時

採菊

木葉脫如雨西風滿目黃東籬一叢菊采采不盈筐

玄蓋副草

卷十九

十三

不寐

膏火青無焰重帷寒尚生終宵不能寐作意聽雞鳴

秋閨

堦前梧桐樹落葉飛空井塵鏡不分明羞持照儂影

感事

耽耽直須避當晝陰氣寒不敢履虎尾况乃虎而冠

懷允兆

卷釣寒溪上微波澹夕光鴻飛不可見木葉下天

懷季豹

高臥青山閣終朝望白雲白雲忽不見惆悵重思君

起坐

中宵大風作起坐明月圓切切兼虫語應知露草寒

夜感

玄蓋副草 卷十九 十四
黯淡燈垂燼淒涼淚欲枯白楊無限樹何樹可棲

烏

寄京邑游好

霜氣薄林木滿池荷葉黃人情胡戀北朔雁獨南翔

不寐

欲寐不成寐愁隨秋夜積安得汝南雞登壇喚曙色

詠盆魚

細沫羣相煦斜陽雨過時勿嫌萍藻蔽得免鳬鷺

窺

出梅溪

春雲寒不落馬首作微陰一路看芳草萋萋動客心

過瓦官寺有懷徐惟和

憶昔同君過空林湛月明悵今當獨往雜樹起風聲

出都

旅食淹留久栖栖出國門沙頭風色緊楊柳未全

光

偶成

玄蓋副草 卷十九 十五
閉門聊謝客徑草夕離離妻子聞歌熟年來也解

贈鄭使君二絕句

臥閣白雲屯爰書火半存問閭歡對酒徒隸不呼門

其二

欲比使君名人歌茗水清自安縫掖賤不敢混逢迎

升晚

寒波蕩夕曛遠樹沒歸雲客計頻年誤扁舟逐雁羣

灘上率占

溪水繞盈尺灘高一丈餘不知何白鳥沒水啄雙魚

山行戲作

涉歷一輕輿終朝亂山處不聞烏桕鳥但見烏桕樹

括蒼發舟

上灘一何遲下灘一何疾借問同舟人半爲永嘉玄蓋副草

卷十九

十六

客

爲王大題扇中畫梅

梅花開滿枝春情向君托婉轉隨風搖終朝不成落

戲東何无咎二絕

江城無妙伎何以佐清尊夜半烏啼柳令人憶白門

其二

子好啖餘桃誰能折衰柳自到東嘉來壚頭不沽酒

載花

載得花歸日誰能笑薄裝爲園雖不廣亦自有春陽

其二

歸舟滿載花客豈負天涯從此山園裏春添一片霞

雜詠四首爲王季中賦

飛虹閣

高閣倚飛橋長虹時美影川光吸不盡落日圓煙景

玄蓋副草

卷十九

十七

隔凡

凡境一爲隔冥冥有真意不隔亦不凡其真在何地

蓑月

苔磯水漠漠釣竿不入手有時一披蓑霜月布空柳

奕趣

種橘何所爲爲耽橘中樂時遇仙翁碁不聞子聲落

東塢看梅得五絕句

空山寂無人梅花開滿樹入谷春風香水流不知處

其二

莫惜花開晚開遲落亦遲年年春未半惆悵對空枝

其三

花影滿清尊尊空失所在皎皎寒潭邊依然影不壞

其四

一枝累十花百枝千萬朵坐久不聞香無花亦無玄蓋副草

卷十九

十八

我

其五

梅根有老稚香發花如一東風微送暖不變霜中質

有問余買妾者荅之

花落葉中水雲空枕上山曾經歌薄命不忍問紅顏

經下邳有感

寥寥千載下其人疑不死我來懷高風波聲薄雲起

天津卽事

日落孤城迫浮雲慘暮笳漕渠方轉餉戰艦已沉沙

憶舊三首

西 走馬秦淮曲流波濺馬蹄夜深留宿處月照板橋

其二

鴉 繫艇西冷畔重門閉落花伴人春夢醒湖上畫啼

其三

玄蓋副草 卷十九 十九 金閨夜沽酒乘月踏秋芳露重烏啼冷羅襦滿玉

霜

烏衣巷

飛 長干西去路門巷舊烏衣歲歲春風裏家家燕子

朝客

人 宿霧濛濛裏看花恐未真輕將餅師婦來比息夫

茅山觀古梅

探梅不在野乘興入青山老幹成鐵色新花破玉

顏

震師再過宿賦呈二絕

我爲法華轉師能轉法華豈妨携錫杖常此叩山家

其二

飲酒借僧瓢瓢還酒亦消忽然風雨過燈影夜蕭蕭

白溪贈一行脚僧

行脚叅方徧空瓢貯水清未能詢法號居士亦無名

玄蓋副草 卷十九

二十

偶成

涉世猶逃世儒林卽道林拈花微欲笑擊磬本無心

留春曲四首

若個解留春美人歌一曲窻中櫻桃啟窻外櫻桃熟

其二

若個解留春黃鳥啼不歇一聲復一聲離人欲停轍

其三

若個解留春隣家致紅友花片落酒杯酒杯落吾手

其四

若個解留春餘花映嬌面女兒繡鴛鴦手持五色線

六言絕句

翁升買次妾率贈四首

買妾傾盡千金平生只餘寸心綠髻總多新樣白頭不少知音

其二

玄蓋副草 卷十九

二十一

中間大婦亡憂小婦盈盈兩頭借問此時高坐向誰杯酒綢繆

其三

新種櫻桃一樹花開不遣風吹豈獨誇他顏色定看結實纍纍

其四

織素日盈五丈織縑亦有丈餘小婦非縑非素流黃機上躊躇

春日閒居八首

奇花一樹兩樹濁酒三杯五杯欹枕醉聽黃鳥支

節閒立蒼苔

其二

禽聲乍遠乍近雲氣忽卷忽舒座有詩人擊鉢門
無俗客停車

其三

故衣閨人共補薄田奴客分耕飯罷蕭然無事把
書花下閒行

其四

奕客清談移日落花吹滿巖扉不是無心對局由
來良動殺機

玄蓋副草

卷十九

三十一

其五

開門芟除棘刺煮酒拈拾松枝偶遇山僧合掌不
教社客攢眉

其六

無事獨吟溪上有時長嘯巖阿風裏餘花自落莫
教容易隨波

其七

微雲點綴初月野鳥棲托高梧處世還嫌太潔畢
竟將何自污

其八

湖海游多放浪園林歸亦消搖登山日費屨展掛
壁惟餘一瓢

偶書

盥手朝番圓覺焚香夜誦黃庭老厭雕蟲小技不
須更草玄經

題釣臺

高臺突峙灘上蘿薜垂垂夏寒若道無魚可賣磯
邊那有漁竿

七言絕句

夏宮詞二首

玄蓋副草

卷十九

三十一

微風輕颺水晶簾雨後新涼處處添栽就永綃衣
一色桃花香汗不曾霑

其二

無風太液自生波香氣中流菡萏多粉黛三千能
蕩槳一時同唱採蓮歌

夏宮怨二首

羊頭車子罷逢迎冰簟牙牀夢未成金井女奴齊
汲水宮中不斷轆轤聲

其二

涼颺未動殿西頭紈扇姬人暫緩愁花外銅龍宵

漏促昭陽翻恨不逢秋

冬夜對月

高樓眺望月明孤積雪山山竟有無萬里長風吹
不沒前村啼殺白頭鳥

送郭次父遊白岳兼訪汪司馬

醉拾峯頭瑤草春烟霞誰笑橐中貧龍門賓客如
雲盛應避林宗折角巾

不寐

依微明月照牀頭金井梧桐葉葉秋四壁寒蛩啼
不盡夢魂無復故鄉樓

玄蓋副車

卷十九

二十四

其二

擁被空齋旅思生西風宵急鴈飛聲寒衣道寄無
人寄腸斷隣家雙杵鳴

夢後

彈罷箏篳不解愁篋中塵滿五花裘長干夾道垂
楊樹昨夜分明繫紫騮

春夢

羣書一束枕山楹殘雪融簷作雨聲春夢不隨春
水慢片時還到闔閭城

題曇陽傳後二首

長風擁向太清家白玉爲簫美彩霞無復夜深堪
引鳳祇將吹落碧桃花

其二

霞鑣乘月訪瀛洲俯遍仙人十二樓獨有白雲飛
不盡茫茫經歷幾千秋

泊金閭感懷

城外相思片月低城中一望綵雲迷寒鳥不識人
腸斷啞啞猶聞夜半啼

舊鏡嘆

舊鏡驚孤滿素塵蛾眉何處更知春蕭條寶匣從
玄蓋副車

卷十九

二十五

教閑不放清光別照人

題西園夜游圖

濕盡青苔露氣涼朱華風泛綠池香滿天明月隨
飛蓋公子行遊夜未央

愛妾換馬

二八蛾眉嬌可憐霜蹄換得更翩翩洞房猶有珊
瑚樹明日還將飾作鞭

採蓮曲

吳姬蕩漿水氤氳採得紅芳日已曛忽見郎來伴
欲避芰荷牽住紫羅裙

俠客行

白馬黃衫意氣偏青絲爲轡錦爲韉探九帝輦曾
無避所吏長安大道邊

秋閨

草際鳴蜩月色新空階下拜影隨身涼風吹起鴛
鴦帶看見鴛鴦愁殺人

頓姬墮馬戲贈

氤氲十里陌塵香羅襪雙彎驕驕忽墮風前非
是醉春來無力控遊韁

方景真携姬人入蜀戲贈四絕

玄蓋副草

卷十九

二十六

濤落荆門萬壑開楚天雲雨暗陽臺扁舟自載如
花妾未許瑤姬入夢來

其二

峨眉弄影綠烟中巫峽平羌萬里通明月盈盈難
入手自看纖爪扣青銅

其三

尊前一曲奏琵琶望帝三春送落花翻笑明妃家
在蜀半生清淚滴胡沙

其四

巴渝西下水湯湯烟雨微茫杜若香兩岸女郎爭

濯錦何如小婦織流黃

夜坐感懷

水絃斷盡奈愁何青髻于今恐易皤夜半燈前聞
喚母那能兒女不情多

綠綺閣書恨

日斜孤閣氣蕭森淚濕囊中綠綺琴欲把愁心彈
別鵲當時更有白頭吟

至外家泣止成言

扇憶單紗恩未絕臺憐玉鏡影偏孤滿堂盡識溫
郎面更有誰人喚老奴

玄蓋副草

卷十九

二十七

宿亡內殯所

深山獨往思無窮落葉蕭條委殯宮杳杳誰言生
死隔枕邊一夜白楊風

西家

西家有鳥夜生雛啞啞枝間不斷呼謾道東家毛
羽就白頭無復舊時烏

贈趙于燕三首

博山經月斷都梁垂手氤氲散曲房不是羅衣薰
不慣趙家元自體生香

其二

蛾眉淡掃遠山微雲鬢斜釵玉燕飛衆裏雙眸纔一盼盈盈秋水欲沾衣

其三

南國佳人態獨嬌單衫曳地喜紅綃纖腰嬈嬈如楊柳怨殺秦淮十萬條

阻風戲惱載伯叔

石城艇子涉東吳一雨寒燈淚欲枯四面驚風斷行旅那能返棹莫愁湖

其二

美人起舞朱顏酡曾唱郎歸莫渡河桂楫相迎不

玄蓋副草

卷十九

二十八

相送可因中路畏風波

途中別張山人性之二首

裘馬長干已倦遊美人分贈玉搔頭百壺換取留君醉猶勝秦淮舊酒樓

其三

舡過吳江路欲分楓林霜葉落紛紛故人家在青山下遲爾溪頭有白雲

玄蓋副草卷之十九終

玄蓋副草卷之二十

吳興吳稼塏翁著

七言絕句

長于寒夜三首

闌入朱門倚翠翹葡萄細瀉可憐宵不愁凍死桃花馬淚滿銅盤蠟尚燒

其二

朱樓十二沸繁絃鳳炭紅爐高炙天解道纖腰如束素舞衣相稱不裝綿

其三

玄蓋副草

卷二十

一

羅屏繡幙玉闌干象口香吹百和殘鴛瓦霜風飄欲墮坐中沈醉不知寒

代寄

白團扇子試風輕聞道春江似鏡平桃葉渡頭花正滿待君雙槳撇波行

其二

一自金羈別妾家深情惟可寫琵琶高樓日暮春風起愁殺滿天楊白花

感懷二首

記得烏啼夜雨時挑燈織錦不成詩長松歷盡寒

霜色又見春風長兔絲

其二

幃屏髣髴有餘思
落盡寒燈夜更遲
一樹合歡花未吐
相看多少寄生枝

詠桃花馬

斑斑汗血映鞍韉
紅噴荒郊苜蓿烟
漢將若騎追黯麋
帶將春色過窮邊

舟中

村雞喔喔曉烟收
兩岸山光翠欲流
一幅蒲帆懸不盡
春風隨意向前舟

玄蓋副草 卷二十

二

無題九首

盈盈十五逞新粧
直置蹉跎欲斷腸
鏡裏芳顏曾不減
風流那得嫁王昌

其二

彩雲容易散天涯
玉砌空教攬月華
落落青松高百尺
兔絲翻欲附蓬麻

其三

春風淡蕩百花香
未必園林一樣芳
桃實纍纍看已結
蕭條李樹半成僵

其四

空剪鴛鴦貼碧紗
小窗寂寂畫啼鴉
青閨幾度看春老
吹落堦前荳蔻花

其五

相隔銀河水欲漂
填來烏鵲不成橋
雙蛾婉轉還誰畫
只恐春山翠已消

其六

碧梧一樹葉初齊
微雨微烟總不迷
何事清秋枝漸長
無由得借鳳來棲

其七

抽絲欲製合歡襦
獨爾相看淚作珠
白晢紅顏好

玄蓋副草 卷二十

三

夫婿不知今已屬羅敷

其八

王嬙絕代玉爲姿
一入深宮人不知
才子當年能早嫁
何由薄命入焉支

其九

聞道凝脂臉上嬌
非關新寡思無聊
他年倘作臨邛客
寥落琴心不忍挑

卽事

東南陰氣結斜陽
矯詔還誰爲發倉
城下荒荒多白骨
行人錯認是沙場

毘陵道中

蒲帆百幅抗西風盡日舟行估客中莫道故鄉秋色淺岸傍一片蓼花紅

咏蓼花

水面香生花滿灘枝枝紅暎夕陽寒尋常一種秋江色底是游人不耐看

宿長干僧舍夢游曲中戲成

松窻欹枕夢來疑折得秦淮楊柳枝銷盡六朝金粉色可堪和露供軍持

代寄徐仲容

玄蓋副草 卷二十

四

秋雨蘇蘇滴井梧風吹妾夢到東吳生來自恨青谿近獨處無郎似小姑

送王德操

過江今始識王郎歡緒無多別緒長桃葉桃根何處所渡頭風色斷人腸

怨情

芙蓉零落滿池花月浸西窓啼曙鴉多少傾城猶未嫁儂家只合浣溪紗

送王承父

歌殘老眼向秋空痛飲秦淮酒肆中東去長江何

湛湛滿天明月下丹楓

別陸成叔

醉別青樓大道傍哀蟬幾樹咽斜陽斑驢去矣空回首那得風流傍陸郎

別李豹

問君何日訪烟蘿細雨斜風一短簑若上春山看自好莫教綵筆滯雙蛾

戲柬王逸季二首

乳鴉啼破白門春馬足空沾紫陌塵用盡黃金餘俠骨秦淮柳色不撩人

玄蓋副草 卷二十

五

其二

年來作客已蹉跎游興從前較未多子夜不知何處變空聞團扇隔江歌

柬余宗漢

鳳臺一望盡浮雲悔別青山鹿豕羣陌上相逢車騎盛不知誰是信陵君

別舜華三首

風吹碧柳曙鴉啼絳蠟燒殘醉不迷莫謂游人歸太急春光送盡白門西

其二

江烟漠漠草離離
悵望紅亭夕照移
對酒不堪花落後
緘書還待鴈來時

其三

今日爲歡明日歸
長干春事漸應稀
尊前一樹梨花白
懊惱東風作雪飛

送黃白仲還越

西陵渡口夕陽微
醉臥船頭浪拂衣
兩岸茫茫烟草綠
江南五月鷓鴣飛

閨怨

層層簾幙控樓臺
滿砌新痕長綠苔
落盡櫻桃花

玄蓋副草 卷二十

六

一樹梁間雙燕却歸來

夢中作少年行

壚頭沽酒不知貧
調笑胡姬楊柳春
醉脫黃衫騎馬去
持弓還與射雕人

有感

荒荒落日動黃雲
閭巷風生虎豹羣
白羽橫腰弓在把
南山空逐李將軍

俠興

夢落黃雲塞上秋
蕙風梧月滿粧樓
寶刀未染休屠血
欲借隣家報父讐

長干新咏七首

楊家華館蕩流波
子夜新翻作變歌
任是秋風蓮欲脫
香來猶勝半舒荷

其二

花裏時開翰墨場
風情未老識徐娘
自從寂寞深閨閉
何處斑驂喚陸郎

其三

花枝繞體蝶羣飛
爭向王姬詠畫衣
祗恨野夫無一語
春來容易失芳菲

其四

玄蓋副草 卷二十

七

翩翩聯轡憶潘郎
到處飛花逐羽觴
一自新鶯詩脫稿
少年強半傍崔娘

其五

絳蠟熒熒逼絳綃
舞筵曾傍董妖嬈
簫聲忽破秦樓夢
月照揚州第幾橋

其六

老去名流好馬姬
品題常見墨淋漓
不知趙女頭先白
卷有江州贈別詩

江州謂朱子价

其七

處處紅衫曳地長
新施寶髻學吳妝
獨憐萬斛胭脂

脂水半洗黃山賈客裝

新月步長板橋

長橋最是可怜宵
新月溶溶遍柳條
安得水深橋半沒
雙鬟同泛木蘭橈

發金陵

渡口寒風欲上潮
蘆花吹雪鏡中飄
半生悔作談經客
歸去青山學販樵

寄允兆

南歸有客嘆亡羊
北上聞君又束裝
握手苦遲分手促
一聲江鴈斷人腸

玄蓋副草 卷二十

八

獨酌

自詠新詩自舉杯
蕭條垣堵沒蒿萊
青山幸不驅余出
白眼猶難向爾開

季豹見過

落落山中何所求
相過尊酒足淹留
莫憂脫粟貧難給
連歲沙田已薄收

澗邊偶詠桃花

嬌態寒籠曉霧輕
誰言宜雨更宜晴
不知晴雨渾無著
已會西池別樣情

美人春遊曲四首

青草菲菲滿路春
朝來起作踏青人
不知幾處桃花早
忽逐微風惹絳唇

其二

幾片殘梅香氣飄
翻疑汗落粉痕消
獨增楊柳千絲弱
嬾嬾婷婷學舞腰

其三

雨後郊原吐綠烟
鴛鴦七十度晴川
春情不逐花狼籍
每向車中整翠鈿

其四

杏子單衫怯薄寒
手中紈扇自團團
幾回樹底障羞立
未許行人陌上看

玄蓋副草 卷二十

九

憶別

憶別春江十五年
尺書雙鯉苦難傳
楚天一望無雲雨
夢裡巫山若個邊

讀史

鄴宮宵宴闕青絲
蜀妓紛陳客不悲
一縷香魂汚血刃
傷心獨有李昭儀

出都

離離落日隱都亭
風色吹寒酒易醒
繫馬河邊楊柳樹
不知秋草爲誰青

閨中照鏡感懷二首

露井桃僵巷柳空
窗前黃葉滿西風
男兒徒向閨房老
銷盡紅顏寶鏡中

其二

夢落遼西古戰場
髑髏啼血草烟荒
朝來白髮絲絲長
吹作盤龍鏡裏霜

老卒行八首

從戎十載擊匈奴
頭白還家淚欲枯
聞道功成多野戰
空教閉戶讀陰符

其二

玄蓋副章 卷二十

十

黃雲慘淡照榆關
疲馬空山夜獨還
河水幾經銷白骨
烟塵能不老紅顏

其三

仗劍思清絕
塞塵誰令間
道走逡巡
五陵年少私相結
突作麒麟閣上人

其四

老去無心上酒樓
血痕狼藉滿吳鉤
經過野戍荒荒月
纔聽悲笳淚自流

其五

新調白馬氣翩翩
踏遍關山力不全
歸到故園無

戰關可憐相倚獵秋田

其六

嚴霜被野野茫茫
淚濕西風百草黃
一臥中閨驚白髮
夜深魂夢落沙場

其七

戍客龍鍾恨不消
塞垣枯柳自蕭條
腰間矢盡空拳在
獨向原頭看射雕

其八

征途杳杳逐南鴻
歸騎蕭蕭背北風
莫謂封侯心未死
只今大將已和戎

玄蓋副章 卷二十

十一

湖上有懷

美人曾約訪西湖
畫舫行游興尚孤
豈爲白門楊柳色
中宵甘自聽啼烏

金園感舊

路入名園草不迷
美人何處鳥空啼
當年手種門前柳
烟葉千條日覆堤

席上留別明伯叔

扁舟欲發美人來
扇掩朱唇歌落梅
今夜不妨留一醉
明朝拂袖向天台

其二

夕陽散作桃花天湖上千山生紫烟相對一尊無
別思燈前銀甲亂繁絃

江上聞笛

大江月出照行舟兩岸青山伴客愁落盡梅花春
不見茫茫天際水空流

卽事

曲池苔井隔垣微接竹分泉入牖飛林水不殊濠
上樂桔槔未息漢陰機

叅知王公拏舟枉送茵溪兼貽四絕句如數

奉荅

玄蓋副草

卷二十

十二

茵溪溪水綠於茵載酒松舟送別辰滿目楓林未
搖落茫茫秋色已愁人

其二

處處山川入綺筵誰言歸夢隔山川試看子晉吹
笙處白鶴雙飛破紫烟

其三

相逢屢爲惜貂裘書在無顏可更求自是陰符看
不慣只應歸釣碧溪流

其四

父輩無多母輩稀別公能不淚沾衣夫人華髮春

相映莫遣絲聲聞夕暉

白溪發舟

來時水淺未容舟去日孤帆掛碧流自是秋風知
客意不教歸計負刀頭

再送孝若四首

綠水逶迤碧樹重青山微度夕陽鍾送君直至金
閭下何處吳姬盪槳從

其二

行舟猶自在江南已覺離情百不堪前路春光莫
輕擲桃花灼灼柳毵毵

玄蓋副草

卷二十

十三

其三

黃鳥嚶嚶夾岸聞梨花落盡一溪雲生平未識燕
山路千里何由一夢君

其四

北去郊原滿綠蕪胡姬顏色老當壚長安亦是藏
名地門外從他過酒徒

瓦官寺感舊

瓦官寺中春可憐美人臨別試鞦韆重來艷色渾
消盡寂寂禪燈照法筵

過流波館

板橋斜日照垂楊華館花開秋海棠美人植此豈
無意客子相看欲斷腸

城南二首

冶城南去美人家春夜張燈照雪花再過朱門空
寂寂豈因秋草怨天涯

其二

夢魂常爲到城南今到城南夢不堪紫馬月明嘶
欲斷當門空自柳紙紕

西湖桃花曲十首

故堤行盡復新堤堤上桃花使客迷弄艇忽看漁

玄蓋副草

卷二十

十四

子過却疑身到武陵谿

其二

二月芳菲滿六橋誰從攜手詠桃夭梅花落盡歌
中雪相傍惟應是柳條

其三

長堤中亘兩湖分春樹重重雜錦雲雨後寒輕風
力軟鉛華搖蕩綠波紋

其四

傾城士 出游春各負紅顏不讓人纔到花前無
一語只 團扇掩朱唇

其五

紛紛年少捉金鞭樹底徘徊簇錦韞馬色花顏渾
不辨夕陽浮動滿湖烟

其六

憐儂家住近西冷郎去看花不暫停待到纍纍能
結實只愁春色已飄零

其七

東風吹出錦千枝日照空波弄影遲豈是西施膏
沐後至今湖水瀉胭脂

其八

玄蓋副草

卷二十

十五

垂垂花拂浪痕香絕勝欹斜露井傍何處妖姬三
五輩一枝偷折助新粧

其九

此去天台路未賒不知猶隔幾重霞湖頭一望春
如許肯放流波送落花

其十

灼灼新花破暝寒誰臨源水坐相看酒船歸去歌
聲斷領畧春風有釣竿

允兆以八絕送余游永嘉江上如數荅之

西湖三日醉桃花買艇今朝下永嘉句裏雲霞食

不盡容成無意問丹砂

其二

危崖千尺石苔斑倒映江波杳靄間漁舍只今何處泛行人已過富春山

其三

行脚僧從海上還紛紛說洛伽山何如靜對長齋客松下談經日掩關

其四

怪君終歲臥滄洲名姓逢人不肯留今到嚴陵垂釣處白雲猶似護羊裘

玄蓋副草 卷二十

十六

其五

離思茫茫江水長經過盡日少垂楊夢中早識天台路昨夜同君度石梁

其六

水激灘高進艇遲盡驅奴子佐篙師望中不斷蘼蕪綠欲採何由寄所思

其七

天際江流一舸淹憶君佳句似陶潛芙蓉猶是人間色笑我重尋謝客巖

其八

父執常悲失弇州君知無意爲名謀尚餘一掬羊曇淚灑向甌江已白頭

王季中聞余告歸云不獨人愁花亦愁矣因戲呈二絕

不獨人愁花亦愁花愁應代主人留餘香若使眞隣我好逐東風到客舟

其二

難道花愁客不愁客愁今且爲花留莫教一夜風吹落明日江頭送去舟

送曹能始大理之金陵六首

玄蓋副草 卷二十

十七

知君別去涉春江今夜猶爲倒玉缸勿謂入官行李少水香花氣滿船窗

其二

春游何地不相宜祇是難經離別時拂拂東風連夜起垂楊吹綠岸傍枝

其三

瓦官閣上俯晴沙石子岡頭眺月華此去風流君獨擅不因山水憶天涯

其四

生平談笑謝公卿常傍空山鹿豕行何事別離今

獨苦看君元是布衣情

其五

明時正好理朝簪
玄武湖頭日住驂
我輩詎能忘疾苦
清談強半雜農談

其六

都城四面見花開
把酒高臨何處臺
欲識前朝多勝事
斷碑殘碣滿荒苔

寒食嘆十首

風吹草綠野茫茫
人哭人歌到夕陽
別有紅顏豪俠子
柳邊花下簇壺觴

玄蓋副草 卷二十

十八

其二

歌罷龍蛇欲禁烟
斷腸春色酒壚邊
有錢不向胡姬數
空見孤墳插紙錢

其三

古塚無人自落花
剗羊拜墓屬誰家
道旁石馬鞭難起
斷碣殘碑臥淺沙

其四

墓道縱橫樂少年
草茸隨意施金鞭
新墳三尺無乾土
少婦哀哀哭向天

其五

西家子孫少完堵
一杯隨例澆黃土
東家牧豎太無賴
驅牛驅羊踐石虎

其六

峨峨高塚出雲端
祭罷松風掃石壇
十載豪賢呼不起
空煩翁仲攝衣冠

其七

守塚欹斜屋數椽
朝來無火起新烟
傭奴不是輕相棄
主已流離賣墓田

其八

野風吹送野花香
薤露歌殘倚白楊
新塚累累何玄蓋
副草 卷二十

十九

用哭幾人埋骨在沙場

其九

野棘荒榛長墓門
翦除羅拜有兒孫
好拋餘食施烏鳥
此鳥能知返哺恩

其十

載酒東郊風薄寒
桃花兒馬試金鞍
醉來莫笑眠枯塚
仙蛻猶乘白玉棺

彭城懷古

鉅鹿名成蓋世雄
八千師喪霸圖空
不須遺恨咸陽火
秋草寒烟浸漢宮

詠史三首

射書爭說魯先生誰識悠悠蹈海情同下齊城七十二淮陰功就食其烹

其二

丁公首戮謝重瞳玉斗傷心碎地中拔劍鴻門爭起舞楚人能立漢人功

其三

三國紛紛事戰爭好才猶肯惜空名但誇北海知劉備忘却曹瞞殺禰衡

天津聞笛

玄蓋副草 卷二十

干

空波蕩漾客心愁一片寒雲捲戍樓何處笛聲吹月起梅花亂落海東頭

偕呂汝揆汪明生過沈不疑小集

清歌容易銷華燭醉臥尋常借舞裯今夜鄉愁應不動任他門外柳條新

有懷沈千秋山中賦寄二絕

階下茸茸碧草生春風無日不開情懷人正爾愁獨坐何處紫騮嘶一聲

其二

戶掩斜陽獨酌遲南隣吹竹復調絲北來我自無

攜妾攜妾君胡有別離

邊馬詞九首

萬里長驅出漢關胡兒乘夜遁陰山尋常埋骨荒原草不識天家十二閑

其二

蹀躞無由傍御溝分鑣塞外爲防秋一生力盡交河道贏得將軍晚拜侯

其三

滅沒黃雲塞草腓胡塵不動闕兵稀一聲嘶斷營門月頭白征人淚濕衣

玄蓋副草 卷二十

壬

其四

驍騰格鬪擁雕戈衝突西羌萬橐駝只恐漢家和議就空教流血滿金河

其五

間道奔騰滿蒺藜虜情還報玉關西惡風日暮沙場起亂石飛揚撲四蹄

其六

死生誓欲報千金上谷騾驢殺氣深何處悲笳三四動哀鳴一夜有歸心

其七

昔宿荒萬竈烟雪花八月亂胡天冰開自飲長
城宿不用穹廬救勒川

其八

年少鳴鞭碎骨都斑斑汗血映飛狐圖成麟閣休
相棄垂老猶堪識道途

其九

聞道垂楊蔭灞橋年年空逐霍嫖姚如花愛妾誰
能換欲報春閨怨路遙

贈姜生三絕句

傲然攜手落花時忽漫蟬鳴秋樹枝年少窺人應

玄蓋副章

卷二十

壬子

不易却疑山水滯歸期

其二

調笑時時過酒樓糟丘悟後卽丹丘他年億憶叅
同契好向空山訪道流

其三

年來一事不關情情事何緣有合并爾願將身同
化蝶只愁無夢似莊生

病中漫興十首

少時孱弱病難支藥石方書不暫離老病只今惟
習靜嬾親藥裹嬾迎醫

其二

厨人進粥圃人蔬約畧三食味有餘悔不早教輩
血斷體中麤穢未能除

其三

病中生計不相關坐對庭花一破顏始信從前強
健日貧家事事累餘閒

其四

嬾癖年來苦未除病時相較嬾何如從教高枕爲
蝴蝶不向殘編作蠹魚

其五

玄蓋副章 卷二十 壬子
朝看饑雀啄蒼苔剥啄衡門午未開欲使病夫頭
一櫛除非閩觀道人來允兆別號閩觀道人

其六

珠庭日角相難讐短髮絲絲滿鏡秋豈獨析薪慚
克荷負他風鑑李乾州李公名神相燈童時隨先君山東宦邸公許燈珠庭

日角法當早遇

其七

稻苗秋涸卷谿田燈火書聲夜寂然課讀課耕無
一可不如焚誦了殘年

其八

調息蒲團頃便勻湛然忘却病中身貪生豈是長
生者作達終非解達人

其九

春花氣暖秋花寒黃鳥雙飛白鳥單領畧尚多花
鳥趣嬾從歌舞覓餘歡

其十

斜陽顧影髮鬢髻住世還同出世僧何日青山遍
行脚一瓢高掛一枝藤

寧伯叔翁吉弟同貽茉莉花柬謝二首

一花兩地併時貽忽訝炎風破雪遲衰鬢偶然簪

玄蓋副草 卷二十

三四

一朵中閨兒女道相宜

其二

兩處遺花不待索一花兩花散閨閣猶有餘花擲
枕邊夢回夜半香漠漠

雜言

禽言七首

泥滑滑馬決撒中蒺藜不可拔

其二

行不得哥哥前伏弩後張羅少年挾彈中叫呼行
不得哥哥

其三

姑惡姑惡姑惡婦薄

其四

提壺盧提壺盧作速沽西山日晡

其五

得過且過日出暖和去叶餘粟飽肚

其六

布穀布穀今歲不熟來歲賣犢

其七

歸去好歸去好南山有栲北山有稻

玄蓋副草 卷二十

三五

築城謠二首

朝築城暮築城載石累累牛瘦不耕

其二

築城半九鄉旱疇遭雨塗炭築城完九鄉殘疇肖

爾衣冠

桃城謠二首

吏酷吏酷乘酒肆毒淫奔夜囑善幾不育

其二

疆疆奔奔夫鵲子鵲吏誘于淫善幾不存

里兒雜謠二十首

白氣上燭風折大木山鬼夜哭恭人不祿

其二

遠宅流水汨汨驅兄子西驅兄子北寢處其間多
晏適

其三

大婦次且小婦別居大婦絕息小婦入室

其四

兄有墓弟不顧匪特不顧助暴伐樹

其五

奴逋奴逋主利竊鈇

玄蓋副車

卷二十

主六

其六

造兄祝俾爾福飯弟粟俾爾毒死者露棺生就獄

其七

七十老翁跛其足蒲伏公庭證大獄

其八

貴婿貴婿恐嚇州吏生則此死則棄因而爲利

其九

小姑歸家車簇簇車一覆小姑哭

其十

烏哺者雛雛實匪烏東顧西顧曷思反哺

其十一

父就木子食肉鴉鵲羣飛啄大屋

其十二

仙翁仙翁殺尸虫盜發幽宮中不空

其十三

牝雞鳴隣婆驚孤兒止啼聲

其十四

父在驅奴父死奴驅奴乎奴乎今之驅爾者誰乎

其十五

生爲警死爲子後人後耻復耻

玄蓋副車

卷二十

主七

其十六

癡兒化作若敖鬼他人入室妻凍餓

其十七

局局局五易燭雞喔喔贏者受田輸賣屋

其十八

挾律者誰儒其衣疇視爾衣裂爾皮

其十九

奴出涕婢生瘞富人富人宜乏嗣

其二十

寡嫂獨撫有叔縣置牘歲給粟叔飽腹嫂飽目

販人謠

清吏清吏有子不善家計糊口四方卒以才累不
如汚吏有子善家計睨視一鄉以財自衛

燕銜泥二首

燕銜泥雙雙補君屋野雀來爭棲粘竿爲相逐

其二

燕銜泥營巢作子計子成試新飛毛羽勿墮地

和嚴道澈二詠贈歌者

燈下色含嬌不自持芙蓉暈壁月恍惚無定姿

其二

玄蓋副草 卷二十

三十

歌中態按拍易撩人聲容兩無恨衣麝雜梁塵

玄蓋副草卷之二十 終

玄蓋副草跋

倉碩阮校印峻伯府君天目山齋彙編太息
翁晉府君玄蓋副草不可得蓋彙編副草鏤
版久燬於火先從大父衡舉府君見不復見僅
據彙本錄置行篋臥起其俱族辛癸先生
爲府君撰行狀特著於篇況倉碩之生又後府
君之生將百有年耶友人諸長公聞之慨然曰吾
爲君志之可也果天壤之書必不負汝時其將
北游京師乃不三月寓書於倉碩曰大雅先生之
書在天副草吾已得之矣大雅先生蓋世以稱翁
晉府君之既而長公南歸遂以副草相贈然星
罕世無明無侯用即付印以章先德而志爲
書之始未於卷尾倉碩家系居鄆吳郡故在
族繁籍在安吉者豐者不一今副草署名
籍曰吳興則從州籍也謹茲書之云云在丙
辰春三月第十二卷孫長昌碩謹跋

玄蓋副草跋

元蓋副草二十卷

浙江孫仰曾家藏本

明吳稼塏撰稼塏字翁晉孝豐人官南京光祿寺典簿累遷雲南通判稼塏素與吳應陽戚懋循游故是集之序應陽撰而懋循書之其稱元蓋副草者應陽序謂元蓋天目山別名其藏書有在姑謂之副蓋夸大之詞謂尙非其名山之正本耳稼塏少年以詩見稱於王世貞朱彝尊靜志居詩話亦稱其樂府如健兒騎駿馬左右馳突靡不如意近體頗合西崑然摹古終太有痕也